





14-21 a 20




# ARISTOTELIS STAGIRITAE

Libri Omnes,

Quibus tota Moralis Philoso-  
phia, quæ ad formandos mo-  
res tum SINGVLORVM, tum  
FAMILIAE, tum CIVITATIS,  
spectat, continetur.

*Quorum seriem versa pagella  
indicabit.*

PARS QVINTA.



VENETIIS, M D LXXVI.

*Ch. P. Benedicti Mantuani*

*Quæ hoc quinto volumine  
continentur.*

**A**ristotelis *Moralium Nicomachio-  
rum* libri Decem, Ioanne Bernar-  
do Feliciano interprete.

*Magnorum Moralium* libri Duo, Geor-  
gio Valla Placentino interprete.

*Moralium Eudemiorum* libri Quatuor:  
Primus, Secundus, Tertius, & Septimus,  
incerto interprete. Quartum vero, Quin-  
tum, & Sextum in Quinto, Sexto, &  
Septimo Nicomachiorum reperies, cum  
idem ad verbum hi cum illis sint.

*De virtutibus* libellus, Alexandro Cha-  
maillardo interprete.

*Politiconum* libri Octo, Leonardo Areti-  
no interprete.

*Oeconomicorum* libri Duo, seu vnus in  
duas diuisus partes, Aretino interprete.

*Eorundem Oeconomicorum* libri Duo,  
Bernardino Donato Veronensi inter-  
prete. Primi quidem dimidium è  
Græco ab ipso translatus: reliquum  
vero, cum Græcum codicem non ha-  
beret, paraphrasi expressum. Secundus  
vero qui in Latinis alijs codicibus non  
nisi paucis legebatur, è Græco translatus.

ARIST.



ARISTOTELIS  
STAGIRITAE,  
PERIPATETICORVM  
PRINCIPIS,  
MORALIVM NICOMA-  
CHIORVM  
LIBER PRIMVS.

Ioanne Bernardo Feliciano interprete.

SVMMA LIBRI

*De finium diuersitate. De felicitate, sine, ac summo bono ipsius felix. De anima duplici parte, ac virtutis diuisione.*

*De vniuersali boni appetitu ac finium diuersitate.*

CAP. I.



OMNIS ars, omnisq; discendi via, actio item, atque electio bonum quoddam expetere videtur. quapropter bene id esse bonum ipsum asseruerunt, quod omnia expetant. Finium vero quædam videtur esse differentia. alij enim operationes, alij præter has opera quædam sunt. At quorû præter actiones fines aliqui sunt: in his opera ipsa operationibus censentur præ-

*Bonũ est, quod omnia appetunt. Finiũ differentia.*

#### 4 Moral. Nicomachiorum

stāiora. Cū autē multę & actiones & sciētię & artes sint, multi ēt fines euadāt, necesse est. medici ne quidē. sanitas: nauium extructricis, nauis: militaris, victoria: domestica ac familiaris diuitiæ ipsæ. Quæcunque vero huiusmodi sunt, sub vnā aliquam facultatem, & potentiam reducuntur: quemadmodum sub equestrem frenorum effectrix, aliæque omnes quæ equestria in armenta conficiunt: atque hæc, omnisque demū actio bellica sub militarem: atque eodem modo sub alias aliæ, atque in ijs omnibus fines earum quæ architectonica habentur, magis quàm reliq̃ omnes aliarum, quæ subiacent, expetendi sunt: nam illos quoq; horum causa sectamur. Neque tamē interest quicquam, siue operationes ipsæ fines actionum sint, siue præter ipsas aliud quippiam, sicut in antedictis scientijs.

*Quod vnus agibilem finis, qui ciuilibis sit facultatis.*  
*Cap. I I.*

**S**I igitur agendarum rerum finis aliquis est, quem propter ipsum, & propter quem alia volumus, neq; omnia ob aliud eligimus (in infinitum enim ita fieret progressus, vanusque & inanis appetitus noster esset) perspicuum est eum summum bonum, atq; optimum futurum. Nonne igitur magnū ad vitam cognitio ipsius momentum affert? nam si quemadmodum sagittarij, scopum habeamus, magis bonum, & honestum assequi possemus. Quod si ita est, experiendum quidnam is sit, figura comprehendere: cuiusque scientiæ, vel facultatis censeatur. Videretur autem esse eius, quæ maxime principalis, maximeque architectonica est: eiusmodi ciuilibis apparet. Quippe cū ea sit, quæ quasnam esse

# Liber Primus. §

esse in ciuitatibus scientias oporteat: tum quales quemque discere, & quouique, constituat. Videamusque vel maximè honorabiles facultates, qualis est militaris, familiaris, & Oratoria, sub ea esse collocatas. Cum enim ceteris actiuis scientijs hæc vtatur quid item agendum, à quibusque abstinendum præscribat, ac sanciat: eius finis aliarum omnium fines complectetur: efficieturque, vt is bonum ipsum humanum sit. Nā si etiam & uni homini, & ciuitati bonum idem sit: bonum tamen ciuitatis & acquirere, & conseruare, maius quid ac diuinius videtur. Ac contentus quidem esse etiam vnusquisque potest, si uni soli, pulchrius tamen ac diuinius, si genti ac ciuitatibus bonum efficiatur. Hæc igitur sunt, quæ discendi hæc via, quæ ciuile quædam est, appetit.

*Donum eorum  
proferre. pauli.*

*De modo procedendi, & auditore morali.*

*Cap. III.*

**S**atis vero hac de re dictum existimetur, si perinde explicatum fuerit, ac subiecta materia postulat. Nam exacta tractatio non simili modo in vnoquoque genere exquirenda est: quemadmodum neque in artium opificijs. Honesta autem, & iusta, de quibus ciuile considerat, tantam differentiam, tantumque errorem in se habent: vt lege, non natura esse videantur. In bonis etiam talem quendam errorem inesse propterea patet, quod multis damna ex ipsis eueniunt: nonnulli enim ob diuitias, alij ob fortitudinem periere. Cōtenti igitur erimus, si nos, cum de talibus & ex talibus differamus, pingui quadam minerva, atq; adumbrata figuratione

*Exactæ tractatio  
non simili  
modo in vno  
quoque genere  
exquirenda.  
Idem 2.  
Me. tex.  
15.*



## 6 Moral.Nicomachiorum

verum ostendamus. cumq; de ijs, quæ plerunq;  
eueniunt, atq; ex ijs ratiocinemur, similia etiã  
concluserimus. Eodem modo etiam vnusquisq;  
debet ea, quæ de aliquo dicuntur, admittere. est  
enim eruditi catenus exactam in vnoquoque ge-  
nere explicationem requirere, quatenus pati rei  
ipsius natura potest. Nam & mathematicũ sua-  
tionibus vtentem approbare: & ab Oratore de-  
monstrationes exigere, simile vitium videtur.

Verum vnusquisque ea recte iudicat, quæ cogno-  
scit: atque eorum bonus iudex est. vnā quam-  
que igitur rem bene iudicat, qui in ea: absolute  
verò omnia, qui in omnibus eruditus est. At que  
hinc fit, vt iuuenis auditor ciuilis idoneus esse  
nō possit: quippe cū imperitus actionum vi-  
tæ sit, ex quibus, & de quibus rationes conficiū-  
tur. Adde quod eum perturbationes sequat̃, fru-  
stra & inutiliter audiet. finis enim nō cognitio,  
sed actio est. Interest autem nihil, iuuenis etate,  
an moribus iuuenilis aliquis sit, non enim defe-  
ctus penes tempus est: sed quia & viuit, & singu-  
la prosequitur ex perturbatione. Talibus enim  
cognitio, perinde atque incontinentibus inuti-  
lis euadit. Illis autem esse perquā utilis potest:  
qui secūdem rationem & appetitiones, & actio-  
nes suas moderantur. Ac de auditore quidem, &  
quomodo admitti huiuscemodi rationes debeāt,  
quidque proponamur, hætenus exorsum sit.

*De summo bono, & recta auditoris educatione.*

Сар. 1111.

**N**unc iam dicamus repetita oratione, quoniam omnis cognitio, omnisque electio bonum quoddam appetit: quidnam illud sit, quod



# Liber Primus. 7

quod ciuilem appetere dicimus: quidque illud, quod omnium agendorum bonorum summum est. De nomine tamen inter omnes ferè constat. nam & plerique & elegantes felicitatem id appellant: & felicem esse idem quod bene viuere, beneque agere esse opinantur. De felicitate vero, quanam sit, dissentiunt. neque simili modo & vulgus & sapientes eam definiunt. nonnulli enim aliquid ex ijs, quæ euidentia, manifesta que sunt, ut voluptatem, ut diuitias, ut honorem: alij aliud eam esse dicunt. sæpe etiam sit, ut idem de ea diuersa opinetur. cum enim ægrotat, sanitatem: cum pauper est, diuitias summum bonum putat: qui autem ignorantia conscientij sibi ipsis sunt, eos admirantur, qui magnum quid ac supra vires suas referunt. Nonnulli vero præter multa hæc bona aliquid quoddam per se bonum esse existimarunt: quod esset in causa, ut omnia etiam hæc bona sint. Sed omnes velle opinionem exquirere superuacaneum fortasse est: satisque erit, si eas solummodo inuestigemus, quæ existant maxime ac superminent: vel videntur rationem aliquam in se habere. Neque tamen illud nos lateat, differre inter se disputationes, quæ vel à principijs fiunt, vel ad principia. Recte enim etiam Plato de hoc dubitabat: quæ rebarque, utrumne ab initijs, an ad initia via esset: proinde atque in stadio, à munerarijsne ad metam, an e contrario. Nam à notis est incipiendum, ea autem duobus modis sunt: alia enim sunt nobis, alia absolute ac simpliciter nota. fortasse igitur ab ijs nobis est incipiendum, quæ nobis nota sunt. Quocirca bene moribus institutus esse debet, qui de honestis & iustis, ac omni denique cunctis re est conuenienter auditurus. principium

*De felicitate  
quanam sit,  
sunt opinionem  
diuersi.*

*An ab ini-  
tijs, an ad  
initia via  
esset recte  
Plato dubi-  
tabat.*

## § Moral. Nicomachiorum

enim est, quòd sit: atque id si satis confiterit, nihil amplius erit opus indagare, cur sit. Et qui eiusmodi est, vel iam habet, vel accipere principia facile potest. Cui vero neutrum horum adest, Hesiodum audiat hæc dicentem.

*Optimus ille, potest qui ex se cognoscere cuncta.  
Ille bonus, monitis qui aliorum obtemperat: at qui  
Ex se nec nouit, nec qua bene consulit alter  
Percipit, admittitque animo; est ignauus, inersq;*

*Quòd felicitas non sit voluptas, honor, virtus, aut diuitia.*

*Cap. V.*

*+ Epicurus  
relatus a  
noni ap. Cic.  
qq. vsc. lib.  
n. 76*

*+ Re imbecillij.  
quia ceteris  
dantes, et it  
indifferentes.*

*Honorem  
gis. est in  
q. qui ho  
nore exhi  
bet, quam  
qui eo affi  
ciuntur.*

**S**ed nos eò redeamus, vnde digressi sumus. Bonum enim & felicitatem non absque ratione homines ex varijs viuendi modis videntur existimare, plerique quidē atque importunissimi voluptatem esse putant: vnde et fratriationi deditā uitam amant. Tres enim sunt, quæ maxime excellunt vitæ hæc, quam mō dixi: tum ciuilis: ac contemplatiua tertia. Plerique igitur seruiles prorsus videntur, cū pecudum vitam eligant: rationem tamen propterea consequuntur, quia multi ex ijs, qui in potestatibus sunt constituti, dissolutam perinde ac Sardanapalus vitam traducunt. Elegantes vero & ad agēdum idonei honorem esse felicitatem existimant: hic enim ciuilis vitæ ferè finis est. Sed hic tamē remotior aliquando esse ab eo ipso quod quarimus, bono videtur, magis enim in ijs qui honorem exhibēt, quàm qui eo afficiuntur, consistit. bonum vero ipsum eiusmodi esse diuinamus: vt propriū quoddam sit, quod auferri sicile nequeat. Præterea seclari honorem ob id videtur, vt seipsi bonos esse credant.

credant. Quærunt enim à prudentibus, & ab iis à quibus cognoscuntur, & ob virtutem honore affici. Perspicuum igitur est, horum etiam ipso- rum sententia honore virtutē esse potiorē. vn- de fortasse etiam aliquis magis esse eā ciuili- vitæ finem existimaret. sed imperfectior tamen ēt ipsa est. Videtur enim fieri posse, vt qui virtutē habeat, vel dormiat, vel in vita nihil agat: malis præterea affligatur, sitque maxime infortunatus cuiusmodi hominem sane felicem appellarit ne- mo, nisi qui seruare positionem velit. Ac de his quidem hætenus: satis enim etiam in circulari- bus de ipsis dictum est. Tertia vita est contempla- tiua, de qua in sequentibus cōsiderabimus. Pecuniaria vero violenta quædam est: & diuitiæ neq; ipsæ proculdubio sunt id quod quæritur bonum: sunt enim vtilēs, alteriusque causa comparan- tur. Idcirco ea potius, quæ prius dicta sunt, esse fines aliquis existimaret, eò quod propter se ex- petuntur: sed neque illa tamē videntur, licet mul- ta ad ipsa hæc coniectæ rationes fuerint. hæc igitur missa faciamus,

*Insuper tales sunt, ut de facili auferri possint.*

*Quod non sit idea.*

*Cap. VI.*

**M**elius vero fortasse est, vt vniuersale con- sideremus, & quomodo dicatur inquiramus. quancumq; arduam nobis hæc quæ- stionem futuram esse video: propterea quod ami- ci sunt, qui formas introduxerunt. Sed forsitan rectius esse, & oportere videretur, vt pro veritatis salute vnusquisque, & præsertim philosophi sua quoque propria refutarent. Nam licet amici am- bo sint, sanctum est veritatem ipsis in honore anteponere. Qui igitur hanc opinionem attu- lerunt,

*Probat Ar. non posse dari Ideā boni. quia Plato, et Socrates dicunt, si dicatur eū calidum Ideam. Probat autē p. boni in eo non haberi Ideam. et p. p. est ad hominem.*

*ibi. qd. hinc quod. & ex quo p. h. bonoz hic illa, in hac non  
pot. dici. fil.  
cicaccum. ibi  
Nam l.ri um  
aliquis.*

## 10 Moral. Nicomachiorum

*Quod per  
se est, prius  
natura est  
eo quod est  
ad aliquid*

derunt, in illis ideas nullas faciebant, in quibus prius & posterius aliquid dicerent. Vnde neque numerorum speciem, id est ideam constituebant.

At bonum dicitur & in eo quod est quid, & in quali, & in eo quod est ad aliquid. Quod vero per se est & substantia, prius eo natura est, quod est ad aliquid, esse enim hoc appendix quædam videtur atque accedens eius quod est. Quare communis aliqua in his idea esse non potest. Præterea cum bonum totidem modis dicatur, quot illud quod est (nā & in substantia dicitur, ut Deus & mens: & in qualiter, virtus: & in quantitate, mediocre: & in eo quod est ad aliquid, utile: & in tempore, occasio: & in ubi, diuersatio: & alia huiusmodi) perspicuum est commune aliquod vniuersale atque vnum esse non posse. nō enim in omnibus denuncupationibus, id est prædicamentis, sed in vno tantum diceretur. Præterea in iis quæ vnā habent ideam, vna quoque scientia est: atque ita bonorum omnium vna quædam scientia esset. sed multæ sunt scientiæ eorum etiam quæ sub vna denuncupatione constituantur. ut occasio: in bello, militaris ars: in morbo, medicina, & mediocris: in alimento, medicina: in laboribus, excitatoria. Dubitaret autem quispiam, quidnam velint per se vniquodque dicere: si & in per se homine & in homine vna & eadem ratio hominis est. nam quatenus homo, nihil different. Quod si ita est, neque quatenus bonum, quicquam distabunt. Veruntamen neque quia sempiternum aliquid est, ideo magis bonum erit: siquidem neque album quod diutius, quàm quod vno die tantum durat, albius est. Probabilius autem de ipso Pythagorei dicere videntur: cum vnum in bonorum consortio constituant:

*Albū diu  
ius non ē  
albius al-  
bo vnius  
A. 101.*

# Liber Primus.

II

stituant: quos quidem sequutus videtur etiam  
 Speusippus. Sed de his alia sit dissertatio. In iis  
 vero quæ dicta sunt, controuersia quadam sub-  
 est: propterea quòd non de omni bono ratio-  
 nes dictæ sunt: sed secundum vnā speciem ea  
 dicuntur, quæ per se amantur & appetuntur,  
 quæ ve o hæc conseruant, aut efficiunt quodam  
 modo, aut contraria prohibent: propter hæc al-  
 ioque modo bona dicuntur. Perspicuum igitur *Bona alia*  
 est, bona duobus modis dici: alia per se, alia pro- *per se, alia*  
 pter ea quæ per se dicuntur. Seiungamus igitur *propterea.*  
 bona hæc per se ab vtilibus: ac consideremus an *qua per se.*  
 ea secundum vnā ideam dicantur? Qualia ve- *+ pari 2~*  
 ro esse per se bona aliquis statueret? an ea quæ  
 vel si sola relinquuntur, persequitur: vt sapere:  
 vt videre: vt voluptates nonnullæ, & honores.  
 nam licet hæc ob aliud quippiam persequamur:  
 esse tamen ex iis quæ sunt per se bona, statuere  
 aliquis posset. Anne aliud quidem quippiam  
 præter ideam? Quare vana erit species. + Quòd  
 si hæc quoque per se bona sunt, necesserit ean-  
 dem in omnibus ipsis boni rationem existire:  
 quemadmodum eadem in niue & cerusa albe-  
 dinis ratio est. at honoris, prudentiæ, & volu-  
 ptatis in eo quòd bona sunt, diuersæ ac diffe-  
 rentes rationes reperiuntur. Non est igitur bo-  
 num commune quid in vna idea. Sed quodam-  
 modo dicuntur? non enim videntur esse æqui-  
 uoca à fortuna: nunquid eò quòd ab vno sunt,  
 vel ad vnum omnia ipsa conferuntur? An ma-  
 gis secundum proportionem? nam quemadmo-  
 dum in corpore est visus: sic in anima est mēs:  
 & aliud in alio. Sed omittenda in præsentia  
 fortasse hæc sunt. exacte enim de his tractare ad  
 aliam magis philosophiam spectat. Simili mo-  
 do

## 12 Moral.Nicomachiorum

do etiam de idea<sup>†</sup> Nam etiam si vnum aliquod sit, quod communiter denūcupetur bonum, aut separabile quid ipsum per se sit: manifestum est id neque agi neq; acquiri ab homine posse. Nūc autem tale quid quaritur. Melius vero fortasse alicui videretur esse, si ipsum cognosceremus ad ea quæ acquiri atque agi possunt, bona. nam quæ si exemplum id habentes, magis ea quæ nobis bona sunt cognoscere, & si cognouerimus consequi etiam possemus. Hæc quidem ratio probabilitatem quandam habet: à scientiis tamen videtur dissentire omnes enim cū bonū quoddam appetant, idque quod sibi deest, inquirant: cognitionem eius prætermittunt. Dubium sanè etiam est, quam vtilitatem consequatur textor aut faber in sua arte, si bonum ipsum cognorit, vel quomodo medicus ad medendum, aut dux ad imperandum peritior reddetur, si ideā ipsam contemplatus fuerit. Nam neque ita speculari sanitatem medicus videtur, sed hominis sanitatem: imò vero fortasse huius hominis sanitatem: quippe cum singulis medeatur. ac de his quidem hætenus.

*De felicitatis subiecto, substantia. & præceptis  
in vnoquaque scientia observandis*

Cap. VII.

*Bonum in  
vna quoq;  
est id, cuius  
gratia  
cetera aguntur.*

**N**unc rursus redeamus ad id, quod querimus, bonū: quidque id sit investigemus. videtur enim aliud in alia actione, atque arte esse. nam aliud in medicina, aliud in re militari, & reliquis similiter. Quid igitur vniuscuiusque bonum est? An id, cuius gratia cetera aguntur?



tur hoc autem est in medicina sanitas, in arte militari victoria, in ædificatoria domus: in omni denique actione & electione finis ipse, cuius gratia reliqua omnia omnes agunt. Quare si quis communiter agendorum omnium finis est, id agendum bonum erit. Sin plures, hi ipsi. Iam vero digrediendo in idem deuenit oratio. Quo circa magis enitendum, ut hoc idem declaremus. Quoniam vero plures esse fines videntur: & horum quosdam ob aliud expetimus, ut diuitias, tibias, instrumenta denique omnia: non omnes esse perfectos perspicuum est: at optimus finis esse quid perfectum videtur. Quare si vnum aliquid erit quod perfectum sit, id erit quod querimus: sin plura, id quod perfectissimum horum est. Id autem, quod per se

*Profectus quod p se quàm qd per aliud scilicet ad n e.*

seculandum est, eo perfectius dicimus, quod propter aliud appetimus, quodque nunquam ob aliud eligendum est, iis quæ & per se & ob aliud expetuntur, absolute autem perfectum, quod semper per se, nunquam ob aliud expetendum est. Eiusmodi autem videtur felicitas maxime esse. hanc enim propter seipsam semper, & nunquam ob aliud expetimus. At honorem, voluptatem, mentem, ac virtutem omnem etiam propter ipsa expetimus quippe cum eadem expeteremus, etiam si nihil inde nobis eueniret: felicitatis tamen causa etiam ipsa eadem expetimus, ex his felices nos futuros existimantes. horum vero causa nullus felicitatem, neque omnino ob aliud quippiam expetit. Idem vero etiam è sufficientia viderur euenire perfectum enim bonum esse sufficiens apparet. Sufficientis autem dicimus non ipsi soli qui vitam solitariam agit, sed parentibus, sed hñis,

sed vxori, amicis denique ac ciuibus: quandoqui-  
dem homo ciuilis natura est. Horum tamen ter-  
minus aliquis statuendus est. nam si ad paren-  
tes, & nepotes & amicorum amicos hoc proten-  
derimus, in infinitum res progredietur. Sed de  
hoc aliàs considerandum Sufficiens vero id esse  
statuimus: quod si solum relinquatur, sufficien-  
tem atque expetibilem vitam, nulliusque rei in-  
digam facit. Talem autem esse felicitatem ip-  
sam existimamus. Quinetiam maxime omnium  
expetendam, si cum aliis non connumeretur: si  
vero connumeretur, perspicuum est eam vel cū  
minimo quoque ex bonis magis expetendā fo-

*Maius bo-*

*num magis*

*semper expe-*

*ritandum est.*

re. siquidem bonorum supereminetia fit id qđ  
adiungitur. maius vero bonum magis semper ex-  
petendum est. Itaque felicitas cum agendorum  
finis sit, perfectum quoddam ac sufficiens vide-  
tur Sed fortasse si dicamus felicitatem optimum  
esse, concessum quoddam ab omnibus videretur:  
adhuc tamen desideratur, vt euidentius quid ea  
sit exponamus. Fortasse vero hoc fieret, si homi-  
nis opus sumeretur. nam quemadmodum tibi-  
ni & statuario, aliiq̃ue artificibus, & denique  
omnibus, quorum opus aliquod & actio existit,  
in opere bonum ipsum, & id quod bene est, vi-  
detur cōsistere: ita homini quoque, si modo eius  
aliquod opus est. esse videretur. Vtrum igitur sa-  
bri & sutoris opera sunt aliqua, & actiones: homi-  
nis vero opus est nullum. sed natura homo otio-  
sius est? An quemadmodum oculi, pedis, manus,  
& denique vniuscuiusque membri opus quod-  
dam extat: sic etiam hominis præter omnia hæc  
opus quoddam statuere aliquis posset? Quidnam  
igitur hoc erit? nam viuere commune etiam cū  
plantis videtur; nunc vero proprium quoddam  
est,



est, quod quæritur, vnde nutriendi augendique  
vita omnis separanda est. Sequitur sentiendi vi-  
ta, sed ea quoque cum equo & boue & omnibus  
deum animalibus communis videtur. Reliqua  
est igitur actiua quædam vita, eius quod ratione  
præditam est. Id autem partim rationi obtem-  
perat. partim eam habet, atque intelligit. Sed  
cum duobus modis etiam hæc dicatur, ea quæ  
est in operatione, statuenda est. Quod si est opus  
hominis animæ operatio secundum rationem,  
vel non sine ratione idemque genere esse opus  
huius, & huius probi assueveramus: vt citharæ-  
di, & probi citharædi: & absolute in omnibus,  
si excellentia virtutis operi fuit adiuncta: citha-  
rædi enim est cithara canere: probi citharædi  
bene id facere. Quod si, inquam, ita est: & homi-  
nis opus esse vitam quandam statuimus: eam-  
que animæ operationem & actionem cum ra-  
tione esse assueveramus: ac probi viri bene hæc,  
recteque exequi esse censemus: singula autem  
bene ex propria virtute perficiuntur. Si ita est: o-  
peratio animæ ex virtute bonum humanum ef-  
ficatur. Si plures sint virtutes, ex optima & perfe-  
ctissima. Et insuper in vita perfecta. ver enim  
neque vna hirundo, neque vnus dies facit: ita  
quoque beatum & felicem hominem neque u-  
nus dies, neque breue aliquod tempus efficit.  
Bonum igitur ipsum ita circumscriptionem sit. opor-  
tet enim fortasse prius figurare, deinde postea  
depingere. Videretur autem cuiuslibet esse ea,  
quæ bene circumscriptione sunt comprehensa,  
producere ac distinguere: & tempus talium in-  
uentor, vel adiutor bonus esse. vnde & artium  
facta sunt incrementa. cuiuslibet enim est quod  
deest, addere. Oportet autem eorum, quæ ante  
dicta

*Opus homi-  
nis est ani-  
ma opera-  
tio secundum  
rationem.*

*Operatio  
ex virtute  
bonum hu-  
manum est.*

*Vna hiri-  
do non fa-  
cit ver, n-  
que vnu  
dies.*

## 16 Moral. Nicomachiorum

dicta sunt, meminisse: & exactam tractationē non eodem modo in omnibus requirere: sed in

*In singulis* singulis, prout subiecta materia postulat. *Atque* prout que id eatenus, quatenus arti unicuique conue-  
*subiecta* nit. faber enim & geometra diuerso modo re-  
*materia* ctum angulum vtrique considerant: ille quate-  
*postulat* nus solummodo ad opus vtile est: hic cum veri-  
*tractatio* tatis speculator sit, quid, & quale sit, indagat.  
*facienda* Eodem modo in aliis quoque faciendum est: ne  
*est.* plura ornamenta extrinsecus quam ipsum opus  
euadant. Neque simili modo in omnibus causa

*Non in* requirenda est: sed est in quibusdam satis, si be-  
*omnibus* ne demonstratum fuerit, quod sint: id quod etiā  
*simili modo* in principiis ipsis contingit, quod autem sit ali-  
*causa per* quid, primum ac principium quoddam est. Ex  
*quirēdaē,* principiis vero alia sunt, quæ inductione: alia quæ  
*Principio* sensu, nonnulla quæ assuetudine quadam, alia  
*rum diuer* quæ alio quodam modo considerantur. Singu-  
*sa est con* la autem ita sunt tractanda, vt natura eorum po-  
*sideratio.* stulat: dandaque est opera, vt recte definiantur:  
magnum enim afferre momentum ad ea quæ se-  
quuntur, consueuere. videtur enim principium  
plus quam dimidium totius esse: compluraque  
eorum quæ in quaestionem veniunt, per ipsum  
manifestantur.

*Principiū*  
*videtur*  
*plusquam*  
*dimidium*  
*totius esse.*

*De dictorum Antiquorum cum vera felicitate  
consensu, ac de triplici bono ad  
felicitatem necessario.*

*Cap. VII I.*

*Cum vero*  
*omnia con*  
*sonant, qua*

**C**onsiderandumque est de ipsa non solum  
ex conclusione exque iis quibus ratio con-  
stat, verum etiā ex iis quæ de ipsa dicuntur:  
cum vero enim consonant omnia, quæ in re in-  
sunt:

# Liber Primus. 171

sunt: à falso autem cito dissonant ac discrepant. Cum igitur bona in tres partes distributa sint & alia externa, alia circa animam, alia circa corpus dicantur; quæ circa animam sunt, maxime proprie, ac maxime bona appellamus: actiones autem & operationes animales circa animam statuimus. Quare ex hac opinione, quæ antiqua est & à Philosophis concessa, recte hoc dicetur. Recte etiam constitutum fuit, actiones quasdam & operationes finem ipsum dici. ita enim ex bonis animæ sunt, non externis. Consentit etiam cum ratione hac illud, quod aiunt, bene vivere, ac bene agere felicem. ferè enim bona quædam vita & bona actio felicitas dicitur. Videntur autem omnia quæ circa felicitatem inquiruntur, inesse huic, quod à nobis dictum est. alijs enim virtus, alijs prudentia, nonnullis sapientia quædam esse felicitas videtur: quibusdã hæc, aut aliquid ex his cum voluptate, vel non sine voluptate: sunt etiam qui simul externam prosperitatem assumant. Atque ex his alia multi & antiqui alia pauci & illustres viri dicunt: quos sanè aberrare tota via virosque minime, sed in vno saltem aliquo, vel in plerisque assequi veritatem verisimile est. Cum illis sanè qui dicunt omnem virtutem, vel quandam eam esse, nostra consentit ratio: quippe cum huius sit operatio secundum virtutem, interest tamen non parum fortasse in possessione, an in vlu, & in habitu item, an in operatione esse optimū existimemus. Fieri enim potest vt habitus licet adsit, nullum tamen bonum efficiat: id quod in dormiente, vel alio aliquo modo manente otioso homine euenit, vt operatio autem nihil boni agat, non datur. agat enim necessario, &

Arist. Moral. Nicom.      b B      bene

*in re in-*  
*sunt: à sal*  
*so autē ci*  
*to dissonāt*  
*Idem 1.*  
*Priorum*  
*sec. 4.*

## 18 Moral. Nicomachiorum

bene etiam ager. Sicut autem in Olympijs non pulcherrimi, & robustissimi coronantur: sed qui decertant: ex his enim nonnulli vincunt: sic ex honestis probisque hominibus in vita illi qui recte agunt, compotes fiunt. Estque ipsorum vita suavis ac iucunda. Ictari enim ex affectionibus animæ est. vnicuique autem id est iucundum, ad quod spectando talis rei studiosus quispiam dicitur: ut equus equorum, spectaculum spectaculorum studioso: eodem modo & iustitiæ amator iustitiæ: & in vniuersum virtutis studioso virtus. Apud plerisque vero iucunda inter se pugnant, propterea quod eiusmodi natura minime sunt: sed quæ studiosis honestatis sunt iucunda, ea natura iucunda sunt, ac voluptuosa: tales autem sunt actiones, quæ ex virtute proueniunt. Ipsorum autem vita voluptate quasi appendice aliqua minime indiget. sed in se eam habet. Præterea enim quæ dicta sunt, qui bonis

*Qui actio* actionibus non delectatur bonus minime est. neque enim vel iustum quæpiam dixeris, qui iuste agendo non delectetur, vel liberalem, qui liberalibus actionibus non gaudeat: & in alijs simili modo: Quod si ita est: actiones secundum virtutem per se iucundæ sunt: *Quin etiam bene*

*Felicitas* & honestæ: atque vnumquodque horum maxime, si modo de ipsis probas bene iudicat iudicat autem, ut diximus Optima igitur, pulcherrima & iucundissima res est felicitas: neque distincta hæc sunt: sicut Deliacum illud epigramma præscribit:

*Optima* Si valet optima: si est iustus, pulcherrima res est: *pulcherrima* & iucundissima si quis quod amat possidet.

*ma res est* Omnia enim hæc operationibus secundum virtutem insunt: has autem aut vnam ex his, quæ opti-

optima sit, felicitatem esse affirmamus. Videtur tamen etiam ipsa externis bonis, sicut diximus, indigere. fieri enim non potest, vel non facile fit, ut cui necessaria non suppetunt, is bona atque honesta agat. Multa etenim & per amicos, & diuitias, & civilem potentiam quasi per instrumenta quædam aguntur. Quibusdam vero priuati nonnulli, ut nobilitate, bona prole, pulchritudine, beatitudinem maculant, non enim felicitatis admodum compos ille est, qui vel specie prorsus deformis, vel genere ignobilis, vel solitarius est, ac prole carens. Nec minus etiam fortasse, si alicui pessimi filij fuerint, aut boni mortui sint. Videtur igitur, ut diximus, tali etiam prosperitate felicitas indigere. Vnde nonnulli idem eam cum bona fortuna, alij cum virtute esse dicunt.

*De modo assequenda felicitatis.*

*Cap. IX.*

**V**nde etiam dubitatur, utrum disciplina an assuetudine, an alia quapiam exercitatione acquiri possit, an ex aliqua diuina sorte, an ex fortuna proueniat. Si tamen aliquod aliud est à dijs hominibus exhibitum donum, verisimile est felicitatem quoque à dijs exhiberi: ac tanto magis, quanto ipsa omnium humanarum rerum optima est. Sed hoc fortasse ad aliam magis disceptationem spectat: videtur tamen licet à dijs non mittatur, sed uel ex uirtute, vel disciplina aliqua, vel exercitatione accedat: ex diuinissimis rebus felicitas esse: quippe cum premium uirtutis & finis optimum quoddam ac diuinum, beatumque esse videatur. Etque præterea quoddam longe commune. disciplina enim quadam ac diligentia acquiri ab omnibus potest, modo

## 20 Moral. Nicomachiorum

ad virtutem consequendam laesi ac manci non fuerint. Quod si melius est hoc modo, quàm ob fortunam felicem vnumquemque esse: rem ita se habere consentaneum est, si quidem & ea quę secundum naturam sunt, & ea similiter quę aut ex arte, aut quapiā alia causa & præcipue optima proueniunt: sicut quàm pulcherrime fieri potest, ita suapte natura se habent. Quod vero in maximum ac pulcherrimum est, id fortunę committere, valde prauum est. Imò ex ratione ipsa patet id quod queritur, esse enim eam animi quandam operationem secundum virtutem definitum est. Ex reliquis vero bonis alia inesse ipsi necesse est: alia adiutrici ratque vtilia instrumentaria natura sunt. Atque hæc cum ijs quę in principio diximus, consentirent: finem enim ciuilis facultatis optimum esse statuebamus. at hæc magnam diligentiam adhibet, vt ciues quodammodo afficiat, bonosquę & ad honesta agenda idoneos reddat. Merito igitur neque bouem, neque equum, aut quippiam aliud animal felix appellamus: quippe cum nullum ex ipsis talis operationis esse particeps possit. Eadem etiam de causa nequę puer felix est: nondum enim est ad tales res agendas per ætatem idoneus: qui vero dicuntur felices, spe dicuntur. Nam, sicut diximus, & perfecta virtute, & vita perfecta opus est. Multę enim mutationes, & varia fortunę in vita contingunt: & fieri potest, vt qui maxime prosperitate floruerit, is in senectute in magnas calamitates incidat, sicut in Heroicis de Priamo fabulis proditum est. At cū qui talibus fortunis vsus, miserabiliterquę mortuus fuerit, felicem profecto dicet nemo.

*Pueri non  
sunt felices . nisi  
spe.*

Quis




*Quis in hac vita dicendus sit felix.*

*Cap.*

*X.*

**N**Vnquid igitur neq; alius quispiā homo quoad viuit, felix dicendus est: sed ex sententia Solonis finē spectare oportet? Siq; ita statuendū est, felix ne tunc erit aliquis, vbi mortuus fuerit. An hoc absurdum penitus est, præsertim apud nos, qui felicitatem operationē quandam esse dicimus? Quod si mortuum felicem esse non dicimus, neque Solon id voluit, sed solummodo hominem dixit tunc beatum appellari tuto posse, quippe qui extra omnia mala & infortunia iam collocatus sit: hoc quoque dubitationem quandam habet. videtur enim mortuo bonū & malum adesse, perinde ac viuenti & non sentienti, vt honores, & infamix: filiorum & omnino posterorum prospera, & aduersa fortuna. Dubitationem etiam hac afferunt. fieri enim potest vt ei qui usque ad senectutem beate vixerit, secundumq; rationē mortuus sit: multæ mutationes in posteris ac nepotibus contingantur alij boni sint, vitamq; pro dignitate consequantur, alij contrā, qui sanē in distantijs erga parentes multis modis sese habere possunt. Absurdum igitur esset, si mortuus simul etiam mutaretur. & modo felix, modo miser efficeretur. Absurdum quoque est, si nihil neque ad aliquod tempus posterorum res ad parentes pertineant. Sed redeundū ad id, de quo prius dubitabamus. ex illo enim fortasse etiā id quod nunc queritur, considerabitur. Si igitur finem spectare oportet, & tunc beatum vnumquemq; dicere, nō quod sit, sed quod prius erat beatus: quomodo absurdum non est, si quando est felix,

b B 3 non



## 22 Moral. Nicomachiorum

non uere dici potest de ipso id quod ei inest: idcirco quia eos qui adhuc uiuant, ob mutationes appellare felices nolumus: felicitatemq; stabile quid esse ac minime mutabile: fortunas uero sæpe circa eisdē reuolui existimamus? Perspicuum enim est, si sequi fortunas uelimus, nos eundem felicem, & rursus miserum sæpe esse dicturos: Chamaeleontem quendam, imbecilliterq; stabilitum felicem facientes. An sequi fortunas minime rectum est: quippe cum ī ipsis, ut bene uel male uiuamus, nequaquam sitū sit. sed ipsis humana uita, sicut diximus, solummodo indigeat, sed in operationibus secundū uirtutē felicitatis: in contrarijs contrarij præcipua vis collocata est. Attestatur autē huic sententiæ, & id de quo nunc dubitauimus. in nullo enim ex operibus humanis, sicut in operationibus secundum uirtutem firmitas est. hæc siquidē stabiliores etiā sciētijs uidentur. atque ex his ipsis stabiliores, quæ præstantiores: eo quod beati in his maxime & assiduē uiuere consueuerunt. hoc em̄ simile causæ est, ut in ipsis obliuio nulla contingat. Inerit igitur id quod queritur, ipsi felici: eritque p totam uitam talis. semper enim, uel maxime omnium ea ager & contemplabitur, quæ sunt secundum uirtutem, fortunasque pulcherrime feret, atque omni ex parte prorsus accurate atque apte: quippe qui uere bonus & quadratus absque uirtu peratione sit. Cum multa autē sint, quæ à fortuna eueniunt, quæ & magnitudine & paruitate inter se differunt; parua tam secūda quā aduersa uitæ nullum momentum asserre perspicuum est: magna uero & multa si bona sint, beatiorē uitam reddent: nam & ipsa sunt ad augendū ornatum idonea, & usus ipsorū pulcherrone-

*In nullo  
ex operib⁹  
nostris, si  
cut in ope  
rationibus  
secundum  
uirtutem,  
firmitas  
est.*



honestusque est, si contra eueniant, premūt, ac  
 laedunt beatitudinem: quippe cum & molestias  
 afferant, & multis operationibus impedimento  
 sint. Quod si operationes vitæ dominæ sunt,  
 quemadmodum diximus, nullus ex beatis miser  
 efficeretur: nunquam enim odiosum quippiam,  
 ac prauū agit. Nam cum qui re vera bonus est,  
 ac prudens, decore omnem fortunam perferre,  
 & pro facultatibus semper pulcherrima quæque  
 atque optima agere existimamus, perinde ac du-  
 cem bonum præsentis exercitus maxime bellice  
 uti: & sutores ex datis corijs pulcherrimum cal-  
 ceum facere: atque eodem modo reliquos ar-  
 tifices putamus. Quod si ita est, felix quidem  
 miser nunquam efficietur: beatus tamen non  
 erit, si in Priami calamitates inciderit. Neque  
 etiam varius quidam erit, ac mutabilis, neque  
 enim vel facile, vel à quibuslibet infortunijs, sed  
 à multis & ingentibus à felicitate dimouebitur.  
 Atque ex talibus effici rursus felix in paruo tem-  
 pore non poterit: sed si modo id licet, in multo  
 quodam ac perfecto tempore continget, si in eo  
 magnas aliquas ac præclaras res fuerit consecu-  
 tus. Quid igitur vetat, quo minus eum felicem  
 dicamus, qui ex perfecta virtute operatur: exter-  
 nilque bonis abunde fuerit instructus, non quo-  
 libet tempore, sed perfecto? An addendum qui  
 & victurus ita est, & secundum rationem vita  
 defuncturus: nā futurum incertum nobis est: fe-  
 licitatem uero finem, ac perfectum quid omni-  
 no & prorsus constituimus. Si vero ita est: ex ijs  
 qui viuunt, beatos eos dicemus, quibus hæc quæ  
 dicta sunt, & adsunt, & aderunt: ac beatos qui-  
 dem ut homines. Sed de his quidem hætenus  
 definitum sit.

*Felix mi-  
 ser nūquā  
 efficietur.*

## 24 Moral.Nicomachiorum

24. 7 *Quòd posterorum fortuna ad defunctos  
24. 11 pertineant. Cap. XI.*

**F**ortunas vero posterorum atque amicorum omnium dicere nihil conferre longe esse ab amicitia alienum, quin etiam opinionibus contrarium videtur. Cum tamen multa sint ea quæ eueniunt, variasque habeant differētias: & alia magis, alia minus pertineant: sigillatim omnia distinguere prolixum atque infinitum videtur: si autem vniuersaliter ac figura dixerimus, satis fortasse erit, si videlicet quemadmodum & ex eius calamitatibus aliæ pondus ac momentum quoddam ad vitam afferunt, aliæ leuior res videntur: sic quoque ea quæ amicis similiter omnibus accidunt. In singulis vero calamitatibus differentia ea est, viuentibusne, an mortuis contingant. quæ sanè multo maior est, quàm si nefariæ res ac diræ in Tragœdijs præexistant, an agantur. Consideranda igitur hoc modo etiam differentia est. Magis autem fortasse dubitandum de uita defunctis, an boni alicuius vel contrarij possint esse participes. Videtur enim ex his etiã si pertingat ad ipsos quippiam, siue bonum siue contrarium; exile quoddam ac paruum id esse, vel absolute & simpliciter, vel ipsis. Sin minus, tantum saltem ac tale. ut neq; felices eos qui nō sunt facere, neque eos qui sunt, priuare felicitate possit. Conferre igitur quid defunctis prosperi amicorum successus uidentur: simili modo etiam infortunia: ita tamen ac tantum, ut neque felices reddere infelices, neque quippiam tale efficere ualeant.

*Quòd felicitas bonum sit honorabile potius,  
quàm laudabile.*

Cap.

XII.

**H**is ita definitis de felicitate, cōsideremus  
vtrum ex ijs sit quæ laude, an potius quæ  
honore digna habentur: nā eam non esse  
inter facultates reponendā, manifestū est. Vide-  
tur aut omne laudabile propterea laudari, quia  
qualitate aliqua præditū est, & ad aliquid quod ī  
modo refertur: iustū enim & fortē, & omnino bo-  
nū, virū quinetiā virtutē, ob actiones & opera so-  
lemus laudare: robustū quoq; , & cursui habilē,  
& vnumquenq; ex alijs, nō alia de causā, quàm  
q̃ qualitate quadā præditi sunt & ad bonū quod-  
dam, honestūq; quodam modo se habent. At-  
que hoc ex Deorum laudibus perspicuū est: nam  
cum ad nos referuntur, ridiculi videntur. id autē  
contingit ex eo q̃ laudabiles per relationem, vt  
diximus, efficiuntur. At si taliū est laus, optimo-  
rum sanè nullā esse laudē cōstat, sed maius quid-  
dam ac melius, quemadmodum videtur. Deos  
enim beatos ac felices dicimus, beatos item dici-  
mus viros eos, qui maxime diuini sunt. Simili  
modo etiam bona, nemo enim felicitatem lau-  
dat, quemadmodum iustitiam: sed vt diuinius  
quid ac melius, beatam rem dicit, ac prædicat. Re-  
cte etiam videtur Eudoxus in defensione volu-  
ptatis principatum ei attribuere: ex eo enim  
quòd non laudatur, cum bonum sit, indicari exi-  
stinabat eam rebus laudabilibus esse præstantio-  
rem, talem autem esse Deum, & bonū ipsū cen-  
sebat: quippe cum ad hæc reliqua etiam referen-  
tur. Laus enim virtutis est. Idonei enim ad ho-  
nestas

## 26 Moral. Nicomachiorum

nestas res agendas ex ea efficiuntur. Commendationes vero operum sunt, tam animæ quàm corporis simili modo. Verum hæc exacte tractare forsitan eorum magis est, quorum labor in laudationibus conficiendis versatur, nobis vero satis id esse debet, quod ex his quæ diximus, ex honorabilibus perfectisque rebus esse felicitatem constat. Videtur autem & ex eo ita se habere, quia principium est: huius enim gratia reliqua omnia omnes agimus, principium vero & causam bonorum honorabile quoddam ac diuinum statuimus.

*De duplici animæ parte, ac virtutis diuisione.*

*Cap.*

*XII.*

**Q**uoniam igitur felicitas animæ per virtutem perfectam operatio quadam est: de virtute considerandum videtur, hoc enim modo fortasse efficietur ut melius de felicitate etiam contemplemur. Videtur autem & is qui re vera ciuilis est, circa hanc maxime laborare: propositum enim eius est, ut ciues bonos, legibusque obtemperantes efficiat. Atque huiusce rei argumentum tam Cretensium, quàm Lacedæmonicorum legistatores habemus: & si qui alij tales existerunt. Quod si ciuilis facultatis hæc consideratio est, patet inquisitionem hanc perinde atque à principio proposuimus, futuram. De virtute autem, humana scilicet, considerandum est: nam & de bono humano, & de felicitate humana, quærebamus. Virtutem vero humanam dicimus non corporis sed animæ; felicitatem quoque animæ operationem appellamus. Sed si hæc ita se habent, perspicuum est, ciuilem quæ ad animam

mam spectant, quodammodo cognoscere oportet: quemadmodum oculum, & totum corpus, eū qui curaturus est. Atque eò magis, quòd ciuilis facultas honorabilior meliorq; medicina est. Elegantes quoque medici multa circa cognitionem corporis pertractant. Contemplandum igitur etiam ciuili homini de anima est: atque id, horū causa, & quatenus satis est ad ea quę hic quaeruntur. nam exactius absolutiusq; rem hanc excutere laboriosius fortasse est ac difficilius, quàm præsenti negotiò conueniat. Dicuntur autem de ipsa in extrarijs tiam disputationibus nonnulla, quę satis sunt: vtendumque ipsis est. Quemadmodum alteram partem eius esse rationis participem, alteram expertem. nam vtrum distincta sint, vt corporis partes & omnia diuisibilia, an ratione tantum due sint. re autem separari inter se minime possint, vt in circumferentia conuexum & concuum: illud vero nihil ad propositum refert. Irrationalis autem partis, alia comuni & vegetali persimilis est. ita appello eam, quę augendi, & alendi causa est. talem enim animę facultatem in omnibus quę aluntur. statueret aliquis: & in foetibus quoque: quin etiam eandem hanc in perfectis: & conuenientius etiā quàm aliam quampiam. Huius autem communis quædam virtus, non humana apparet: quippe cum pars hæc & facultas in somnis maximè operari videatur: bonus autem & malus discerni in somno minime possit. Vnde inquiunt *Felices in dimidia* felices in dimidia parte vitę à miseris nihil distare. Atque hoc conuenienter euenit, optum *parte vitę à miseris* enim animę somnus est, quę vel bona vel mala dicitur. Nisi quatenus paululum motiones *nihil distat* aliquę ad eam pertingunt: catenus enim more *re inquiunt* destorum

## 28 Moral. Nicomachiorum

destorum meliora quàm quorumlibet, vifa apparent. Ac de his quidem satis, atque hæc nutriendi facultas, est enim humanæ virtutis expers, omittenda est. Videtur autem etiam altera quædam natura animæ irrationalis esse, quæ rationis tamen quædam ex parte capax sit. Continentis enim & incontinentis rationem, animæ item id quod rationem habet laudamus: quippe cum recte & ad optima incitet, videtur tamen aliud quid etiam in ipsis inesse, quod pugnet, resistatque rationi. Planè enim quemadmodum resoluta corporis membra si ad dextram mouere volueris, è contrario in sinistram deferuntur: sic quoque in anima contingit, in contrarias enim partes incontinentium appetitiones feruntur. Sed in corporibus quidem quod præter propositum fertur, videmus in anima non videmus. Fortasse autem nihilominus in anima quoque esse quippiam præter rationem existimandum est, quod ei aduersetur, ac resistat: quomodo vero diuersum sit, nihil refert. Quod tamen etiam ipsum rationis esse particeps videtur, quemadmodum diximus: continentis enim rationi obtemperat. Atque etiam magis fortasse in temperante ac forti obediens est: omnia enim in his rationi consonant. Esse igitur irrationalis quoque hæc duplex videtur, nam vegetalis nullo modo cum ratione communicat: concupiscibilis autem & omnino appetibilis particeps rationis quodam modo est: quatenus ipsi obedit, imperioque eius obtemperat. Ita profecto & patris & amicorum habere rationem dicimus, & non sicut mathematicorum. Parere autem quodam modo rationi irrationalem, hanc partem admonitio, & omnis increpatio, & co.



& cohortatio indicat. Quod si dicendum est hanc quoque partem rationem habere, duplex erit ea quæ rationem habet: altera enim proprie & in se eam habebit: altera ita, ut is qui dicto patris audiens est. Virtus quoque secundum hanc differentiam distinguitur: nam alias ex ipsis intellectibus alias morales dicimus: sapientiam, perspicaciam, & prudentiam, intellectibus: liberalitatem & temperantiam, morales. Cum enim de moribus loquimur, non sapientem aut perspicacem, sed mansuetum, aut temperantem aliquem dicimus.

Laudamus etiam sapientem

ex habitu: habitus vero

laudabiles virtu-

tes appella-

mus.

FINIS.

ARISTO-





ARISTOTELIS  
MORALIVM  
NICOMACHIORVM  
Liber Secundus.

SVMMA LIBRI.

*De virtute in genere, ac eius essentia. Quo pacto  
mediocritates inter extrema disponantur, vtiq;  
ad virtutes opponantur. Et quibus preceptis ad  
medium ducamur.*

*De productione virtutis intellectuina, ac moralis.*

CAP. I.



V M duplex igitur virtus sit. quæ ad  
modū diximus, intellectuina & mo-  
ralis: intellectuina vt plurimū ex do-  
ctrina habet & generationem & in-  
crementū: vnde & experientia & tē-  
pore indiget: moralis vero ex more, id est assuetu-  
dine acquiritur. vnde etiam nomē habuit, parua  
in more immutatione facta. Ex quo etiā patet  
nullā ex moralibus virtutibus natura in nobis  
acquiri. Nihil enim ex ijs, quæ natura sunt, as-  
suescere aliter potest, vt lapis. cū natura deorsum  
feratur, nūquā sursum ferri assuescet: neq; si mil-  
lies quispiā eum sursum proijciendo velit assue-  
facere.



facere, neq; ignis deorsum ferri: neq; aliud quippiam aliter quàm natura cōparatum sit, vnquā assuescet neq; igitur natura, neq; prater naturā virtutes hæc in nobis acquirūtur: sed cum idonei ad ipsas suscipiendas natura simus, assuetudine perficimur. Præterea eorū quæ natura nobis eueniunt, facultates prius accipimus, deinde reddimus operationes: id quod in sensibus perspicuū est: non enim ex eo quod sepe vel videmus, vel audiuius, sensus & videnti & audiendi accipimus, sed e contrario, habētes vti sumus, & nō vti habuimus sed virtutes accipimus, vbi prius fuerimus operati, quēadmodum etiā in alijs artibus: quæ enim vbi didicerimus facere oportet ea faciendo discimus, sicut enim adificādo adificatores, cithara canēdo citharædi efficiūtur: ita quoque iusta agendo iusti, tēperantia tēperantes, fortia fortes euadimus. Huic rei attestatur id, quod in ciuitatibus fieri consuevit. legū latores enim ciues assuefaciendo bonos reddunt: hæcque est vniuscuiusq; legūlatoris voluntas: qui vero id bene non efficiunt, peccant, atque in hoc bona res publica à mala differt. Accedit q̄ ex iisdē & per eadē omnis virtus & acquiritur & corrūpitur: simili modo etiā ars, ex eo enim q̄ citharā pulsant & boni & mali citharistæ euadūt: eadē ratione quoq; adificatores, & reliqui oēs nā ex eo q̄ adificāt bene, boni: ex eo q̄ male, mali efficiuntur. nisi enim ita esset, nullo opus esset doctore, sed omnes vel boni fierēt, vel mali. Ita igitur in virtutibus quoq; est: agendo enim quæ ad cōmercia hominū spectant, alij iusti, alij iniusti efficiuntur: agēdo: quæ in terribilibus rebus consistūt, assuescendoq; vel cōdare vel timere, alij fortes, alij ignaui euadimus: pari modo in ijs quæ ad cupiditates

ditates & iras pertinent, temperantes alij, & inā  
sueti, alij iracundi & intemperātes fieri conspi-  
ciūtur: illi, q̄ hoc: hi, q̄ illo modo in illis se gerūt  
& vt vno verbo dicā, ex similibus operationibus  
habitus fiunt: vnde operationes qualitate quadā  
præditas oportet reddere, quippe cum ex earum  
differentijs habitus quoq; consequātur. non igitur  
parum refert, sic ne an sic statim ab adolescē-  
tia consueſcat aliquis, sed quāmplurimum: imō  
totum in eo penitus consistit.

*Quod virtus ab excessu & defectu corrumpatur,  
ad mediocres inclinans operationes.*

*Cap.*

*11.*

**Q**uoniam igitur præsens tractatio non est  
speculationis causa, quemadmodum alia  
(nō enim sit, vt cognoscamus quid  
sit virtus, sed vt boni efficiamur a-  
lioque nulla eius esset utilitas) neceſſe est, vt de  
actionibus, quomodo agenda sint, cōsideremus:  
quippe cum in eis sita vis sit, vt habitus quoque  
præditi qualitate quadam reddantur, sicuti dixi-  
mus. Agere igitur secundum rectam rationē cō-  
mune est, & in præsentia ita sumatur: dicetur au-  
tem postea de ipso, & quid sit recta ratio, & quo  
modo ad alias virtutes sese habeat. Illudq; prius  
concessum apud nos constet, omnem de agendis  
disputationem figurā quadam, non autem ex-  
acte pertractari oportere: quemadmodum in  
principio etiam docuimus, cum pro subiecta  
materia rationes esse postulandas, quæque in  
actionibus versantur, vtiliaque sunt, nul-  
lam habere stabilitatem, sicuti neque salubria,  
dice. eimus. Cumque vniuersalis ratio eiusmodi  
sit, minus exquisitam quoque particularem  
esse

*Pro subie-  
cta mate-  
ria ratio-  
nes esse po-  
stulandas.*

esse manifestum est: quippe cum neque sub artem, neque sub præceptionem aliquam cadat: debeantque illi qui agunt, subinde opportunitatem obseruare: id quod in medicina, & in gubernandi arte conspicitur. Verum licet talis præsens hæc tractatio sit, enitendum est tamen, ut ei succutramus. Primum igitur illud considerandum: res huiusmodi & à defectu & ab excessu corrumpi solere (opus enim est, ut in obscuris manifesta adducamus testimonia) sicut in uiribus & sanitate cōspicimus. quæ enim nimium excedunt modum exercitationes, & quæ item deficiunt, uires corrumpunt: simili modo potus & cibi nimis uel copiosi uel tennes sanitatem: moderata uerò omnia & faciunt, & augent, & conseruant. Idem quoque in temperantia, & fortitudine, & alijs uirtutibus fit. Qui enim omnia fugit & timet, neque quicquam sustinet, ignauus: qui contra nihil omnino timet, sed omnia adit, audax efficitur. Ita etiam qui omni uoluptate fruitur, à nullaq; abstinet, intemperans: qui omnes fugit: quemadmodum agrestes, stupidus quidam est. nam & temperantia & fortitudo ab excessu & defectu corrumpi, à mediocritate autem conseruari consuevit. At uerò non solum generationes & incrementa & corruptions ex ijsdem & ab eisdem efficiuntur: uerum etiam operationes in ijsdem quoque erunt. nam in alijs, quæ manifestiora sunt, res ita se habet: ut in uiribus. nam & illæ tum ex multi cibi sumptione, tum ex multis laboribus sustinendis comparantur: & utraque hæc præstare maximè omnium robustus potest. Idem in uirtutibus contingit. ex eo enim, quod abstinemus à uoluptatibus, efficiuntur temperantes:

# 34 Moral. Nicomachiorum

& effecti temperantes maxime abstinere à uoluptatibus possumus. pari ratione in fortitudine, assuescendo formidanda contemnere, & sustinere fortes efficimur: effecti uerò, maxime sustinere ac pati terribilia possumus.

*Virtutem moralem esse circa voluptates, ac dolores.* Cap. III.

**S**ignum autem habituum sit uel uoluptas, uel ægritudo, quæ facta subsequitur. Nam qui à corporis uoluptatibus abstinet, si eo ipso gaudet, temperans: si dolet, intemperans est existimandus. qui itē sustinet terribilia & uel gaudet, uel certè non dolet, fortis; qui autem dolet, ignauus est. moralis enim uirtus circa uoluptates doloresque uersatur: quippe cum ob uoluptatem mala agamus: ob dolorem uerò ab honestis abstineamus.

*Omniem affectum, omnemque actionem sequitur uoluptas uel dolor.*

Quapropter, ut Plato inquit, ab adolescentia ita institutos esse oportet homines, ut ijs gaudeant, & doleant; quibus gaudere & dolere debent: hæc enim recta eruditio est. Præterea si uirtutes circa actiones & affectus sunt, & omnem affectum, omnemque actionem sequitur uel uoluptas uel dolor: ideo uirtus circa uoluptates & dolores uersatur. indicant id punitiones, quæ per dolores adhibentur: sunt enim medicationes quædam: at medicationes per contraria fieri consueuerunt. Præterea, quemadmodum etiam prius diximus, omnis animæ habitus ad ea & circa ea naturam suam habet, à quibus deterior fieri & melior consuevit. at per uoluptates & ægritudines prauus habitus sunt, dum persequuntur aut fugiunt homines, aut quas non debent, aut quādo non

non debent, aut quemadmodum non debent, aut quod alijs modis à ratione talia præscribuntur. Vnde etiam definientes uirtutes nonnulli impartibilitates, tranquillitatesq; esse quasdam eas asserunt: non tamen rectè: quia absolue dicunt, neque addunt, Vt oportet, & quando, & cetera quæ adiunguntur. talis igitur uirtus esse circa uoluptates & dolores facultas quædam ponitur, quæ optimas res agat: uitium autem contrarium. De ijsdem autem etiam inde esse manifestum poterit: quod cum tria sint quæ in electionem, tria item quæ in repudiationem cadunt, honestum, utile, & iucundum: & tria contraria, turpe, inutile, & molestum: circa omnia hæc bonus uir rectè agit, malus uerò peccat. ac præcipuè circa uoluptatem. nam & communis hæc est animalibus, & omnia, quæ in optionem ueniunt, consequitur: quippe cum tam honestum quàm utile iucundum ac uoluptuosum videatur. Adde, quod ab infæntia ipsa uoluptas in omnibus nobis inoleuit: ut difficilè sit affectum eiusmodi uitæ nostræ penè incorporatum atque imbibitum extergere. Quinetiam ad regulam uoluptatis & doloris actiones dirigere alij magis, alij minus consueuimus: ut propterea præsentem tractationem circa hæc uersari necesse sit. non enim parum ad actiones facit bene ne an malè gaudeamus, aut doleamus. Præterea uoluptati repugnare difficilior est, quàm iræ, ut Heraclitus inquit: at circa id quod diffi- *Circa diffi-*  
 cilior est, semper & ars & uirtus uersatur: quod *cilior, sem-*  
 enim bene fit, melius in eo est. quare propter *per ars, &*  
 hoc etiam circa uoluptates & dolores totum *uirtus uer-*  
 negotium & moralis & ciuilis uersabitur. qui *satur.*  
 enim bene his utetur, bonus: qui malè, erit ma-  
 lus.

### 36 Moral. Nicomachiorum

lus. Virtutem igitur circa uoluptatem & dolorem uersari, ab iisdemque, à quibus fit, & augeri & corrumpi, cum scilicet non eodem modo existunt, necnon circa eadem operari, ex quibus ortum habet, satis dictum sit.

*Quæ inter iusta agere, & iuste agere differentia sit.* Cap. 1111.

**D**ebitaret autem quispiam quo modo dicamus iustos iusta agendo, temperantia temperantes effici oportere. nam si agunt iam iusta & temperantia, iusti iam sunt, & temperantes: sicut si grammatica & musica; grammatici & musici iam sunt. An neque in artibus ita res se habet: quippe cum possit grammaticum quippiam aliquis facere, uel ex fortuna, uel alio suggerente. tunc tamen erit grammaticus, & si grammaticum aliquid, & grammaticè faciet: hoc est ex grammatica arte, quæ in ipso est. Præterea neque simile hoc est in artibus & uirtutibus. quæ enim ab artibus fiunt, id in seipsis habent, quod benè effectæ sint: satis si quidem illud est, ut quoquo modo efficiantur. quæ uerò secundum uirtutes fiunt, non si aliquo modo ipsa sese habeant, continuò iuste & temperanter aguntur: sed si etiam qui agit, aliquo modo affectus agat: primum quidem, si sciens: deinde, si eligens: atq; eligens propter ipsa: tertio, si stabili atque immutabili affectu præditus agat. Hæc uerò ad alias artes consequendas connumerari non solent, sed ipsa sola cognitio sufficit: ad uirtutes autem cognitio parum, uel nihil ualeat: reliqua non parum, sed multum ac totum conferunt: quippe quæ ex eo etiam comparantur,



tur, quòd saepe iusta & temperantia aguntur. Res igitur, iustæ & temperantes dicuntur, cùm fuerint tales, quales uir iustus vel temperans ageret. iustus uerò uir & temperans est, non qui hæc agit: sed qui etiam ita agit, ut iusti & temperantes solent. rectè igitur ex eo, quòd iusta agit, iustus: & ex eo quòd temperantia, temperans fieri dicitur, non agendo autem hæc, ne futurum quidem esset, ut bonus quispiam euaderet. Plerique tamen cùm hæc non agant, ad disputationem confugiunt. putantque ita se Philosophari, ac probos futuros: qui sanè perinde faciunt, atque ægrotantes: qui cùm medicos diligenter audiant, nihil tamen eorum, quæ ab ipsis mandantur, efficiunt. sicut igitur neque illi corpore unquam bene ualebunt, dum ita curantur: sic neque isti animo, dum ita philosophantur, bene habebunt.

*De affectu, facultate, habitu, & habitum esse genus virtutis.*

*Cap. V.*

**P**ost hæc autem quid sit ipsa uirtus, considerandum est. Quoniam igitur tria sunt, quæ in anima efficiuntur, affectus, facultates, habitus: aliquid ex ijs esse uirtutem necesse est. Affectus autem uoco cupiditatem, iram, † exandercentiam, timorem, fiduciam, inuidiam, gaudium, amicitiam, odium, desiderium, æmulationem, misericordiam: ea denique omnia quæ uoluptas uel dolor consequitur. Facultates uerò seu potentias eas, quibus idonei esse dicimur, ut his omnibus afficiamur: id est quibus uel irasci, uel dolere, uel misereri possumus. Sed habitus eos appello, quibus uel bene uel male

† *Mul. cod. non habet exandercentiam.*

## 38 Moral. Nicomachiorum

ad affectus nos habemus: ut ad irascendum, si vehementer aut remissè, malè: si mediocriter bene. simili modo ad reliqua. Affectus igitur, neque ipsæ uirtutes, neque ipsa uitia sunt. Nam neq; ex illis boni, uel mali dicimur, sed ex uirtutibus, aut uitijis. neq; ex illis laudari, aut uituperari consueuimus. non enim qui timet, aut irascitur, laudatur: neq; qui irascitur absolutè, uituperatur; sed qui quodammodo ita afficitur: sed ex uirtutibus & uitijis & laudamur & uituperamur. Præterea irascimur & timemus sine electione: uirtutes uerò sunt electiones quædam, aut non sine electione existunt. Ad hæc, ex affectibus moueri dicimur, ex uirtutibus uerò & uitijis non moueri, sed quodam modo disponi. Propterea neque facultates & potentiæ sunt: quippe cum neque boni neque mali ob id dicamur, quòd absolutè † agere possimus: neq; laudemur, aut uituperemur. Adde quòd facultate præditi & potentes natura sumus: boni aut mali, sicut superius diximus, natura minimè efficiuntur. Si ergo uirtutes neque affectus sunt, neq; facultates; habitus necessariò sunt. Quid igitur sit uirtus genere, ita dictum est.

† a. l. affici.

*De duplici mediocritate, & uirtutis substantia. Cap. VI.*

**O**portet autem, ut non solùm ita dicamus, habitum esse uirtutem: sed qualisnam habitus ea sit, quoque explicemus. Dicendum est igitur omnem uirtutem, & ipsum id cuius est uirtus, bene affectum reddere, & opus eius bene efficere. exēpli gratia, oculi uirtus & oculum ipsum, & opus ipsius bonum facit: quippe cum oculi

oculi uirtute fiat, ut bene inspiciamus. simili modo equi uirtus & equum ipsum probum efficit, & ad cursum, gestandumque scissorem, ac sustinendos hostes idoneum. Quod si in omnibus ita se habet res, uirtus quoque hominis nihil aliud erit quàm habitus, ex quo & bonus homo ipse efficietur, & bene opus suum reddet. quo modo autem id fiet, & antea diximus, & nunc etiam esse manifestum poterit: si qualisnam sit natura ipsius uirtutis contemplemur. In omni igitur re continua ac diuisibili aliud plus, aliud minus, aliud æquale accipere possumus: atque hæc uel quantū ad ipsam rem attinet, uel quantum ad nos. æquale autem inter excessum & defectum medium quoddam est. Ac rei quidem medium id dico, quod ab utroque extremo æquè distat: estque unum & idem omnibus. quantum uerò ad nos, quod neque modum excedit, neque deficit: idque non unum & idem apud omnes est. uerbi causa, si decem plura sunt, & duo pauca: sex media accipiunt quantum ad rem: quippe quæ ex æquo & superent, & superentur. id quod secundum arithmeticam rationem medium est. Quantū ad nos uerò non ita est accipiendū. non enim si alicui decem minas comedere multum est, duas parum: sex ei Alipta comedendas præcipiet. nam fortasse id quoque ei qui sumpturus sit, erit uel nimium uel parum: Miloni quidem parum: nimium autem ei qui exercitacionem incipiat. Idem in cursu & lucta considerandum est. Ita igitur unusquisque scientiæ alicuius particeps, excessum & defectum fugiens, mediū querit, atque eligit: ac medium quidem non rei, sed quod quantum ad nos medium est. Quod si omnis scientia ad medium spectans, atque ad ipsum

*Medium*

*quid.*

## 40 Moral:Nicomachiorum

ipsum sua opera dirigens ita opus bene absolut: ut de bene absolutis operibus illud dici consueverit, ut neque demi neque addi quicquam posse fateamur: quasi excessus & defectus quod bene est, corrumpat: mediocritas conseruet. Si boni igitur artifices, ut nunc dicebamus, ad hoc spectantes operantur: uirtus uero omni arte exactior est & melior, quemadmodum etiam natura: efficitur proculdubio ut ea medij coniectrix ac collimatrix sit. De morali loquor. hæc enim circa affectus & actiones uersatur: in quibus excessus & defectus & medium est: ut & timeat, & confidat aliquis, cupiat & abhorreat, irascatur & misereatur, ac demum letetur & doleat magis & minus: atq; utraq; hæc non bene. nam quando oportet, & ob quæ, & erga quos, & cuius causa, & ut oportet, hæc facere, medium est atque optimum: id quod est ipsius uirtutis. Simili modo circa actiones est excessus & defectus & medium. at uirtus circa affectus actionesq; uersatur: in quibus excessus peccat, defectus uituperatur, medium uero & laudem & ream executionem consequitur. Hæc autem utraq; ad uirtutem pertinent. mediocritas igitur quædam uirtus erit, cum medij ipsius coniectrix, collimatrixq; sit. Præterea peccare multis modis possumus: malum enim est infiniti, ut Pythagorici coniectabant, bonum autem finiti: rectè agere uno uero modo tantum licet. atque ideo illud facile, hoc difficile: est facile siquidem est à scopo aberrare, sicut ipsum attingere difficile. ob id igitur excessus & defectus uitij est, uirtutis mediocritas. nam,

*Virtutis Simpliciter, bonus est, sed malus omnimode.*  
*definitio.* Virtus igitur est habitus electiuus in mediocritate

tate quantum ad nos consistens: quæ quidem mediocritas ratione præfinita sit: atque ita, ut prudens præfiniret: mediocritas autem duorum vitiorum, alterius per excessum, alterius per defectum. atque eo etiam, quod vitia alia deficiunt ab eo quod fieri debet, alia exuperant & in affectibus & in actionibus: virtus verò medium & inuenit, & eligit. Quapropter substantia quidem & ratione quæ quid sit res exponit, mediocritas: quantum ad optimum autem spectat, & quod bene se habet; extremitas virtus est. Neque tamen omnis actio, omnisque affectus mediocritatem admittit. nonnulli enim sunt affectus, qui statim vel ipso nomine cum prauitate implicantur: ut maleuolentia, impudentia, & inuidia: & item actiones, ut adulterium, furtum, homicidium. omnia enim hæc & huiusmodi ita appellantur, quia non excessus ipsorum aut defectus; sed ipsa mala sunt: ut nullo modo possit quispiam in ipsis rectè agere, sed peccare semper necesse sit: neque bene, aut non bene se gerat, dum quatenus & quando, & quomodo oportet, adulterium committit: sed dum absolute vnumquodque horum facit, continuo peccet. Perinde igitur est, ac si quis iniuste, ignave, intemperanterque agendo ponendam esse mediocritatem, excessumque & defectum censeat: nam hoc modo exuperationis & defectionis mediocritas, exuperationis item exuperatio, & defectionis defectio inueniretur. Quemadmodum autem temperantia & fortitudinis nullus est excessus, aut defectus, propterea quod medium ipsum extremum etiam quodam modo est: ita neque illorum mediocritas vlla, aut excessus aut defectus esse potest: sed utcumque

## 42 Moral. Nicomachiorum

agantur, peccatum est. omnino enim neq; exuperationis, aut defectiōis mediocritas; neque mediocritatis exuperatio aut defectio vlla est.

*Mediocritatum inter duo extrema dispositio.*

*Cap. V. I. I.*

**A**T verò non oportet solum vniuersaliter hæc dicere, sed particularibus etiã accom-  
modare. quæ enim de actionibus fiunt dis-  
putationes, si vniuersaliter tractantur, commu-  
niores: si particulariter, veriores sunt. circa par-  
ticularia enim actiones versantur, quibus con-  
sentanea esse debent quæ dicuntur. Sumēda igitur hæc ex descriptione sunt. Circa timores qui-  
dem & fiducias mediocritas fortitudo est. eorū  
verò qui excedunt, ille qui intrepiditate exce-  
dit, vacat nomine: multa enim sunt, quæ no-  
men non habent: qui confidendo exuperat, au-  
dax est. at qui & in timendo exuperat, & in con-  
fidendo deficit, is est ignauus. Circa voluptates  
verò & ægritudines non omnes, sed corporales,  
atque eas maximè quæ in tactu existunt, circa  
ægritudines autem minus, mediocritas tempe-  
rantia est: excessus intemperantia. at quia non  
admodum inueniri consueuerunt, qui in volu-  
ptatibus deficiant, ideo neq; nomen aliquod  
huiusmodi homines adepti sunt: sed stupidi  
appellentur. Circa dationem acceptionemque  
pecuniarum mediocritas est liberalitas: exces-  
sus & defectus prodigalitas & illiberalitas seu  
auaritia: in quibus contrario modo excedunt  
& deficiunt homines. prodigus enim in largien-  
do excedit, in accipiendo deficit: auarus contrā  
excedit in accipiendo, in dando deficit. Ac de  
his quidem nunc figura quadam ac summam  
dicimus,



dicimus, hac ipsa breuitate contenti: postea accuratius de iisdem pertractabimus, ac definie-  
mus. Iam circa pecunias aliarum quoque sunt dis-  
positiones, è quibus mediocritas magnificen-  
tia est. nam magnificus à liberali eo differt, quod  
ille circa parua, hic circa magna versatur. excelsus  
est decori imperitia, seu indecorum, & ine-  
pritudine operaria: defectus paruificentia: quæ vi-  
tia differunt etiam ipsa ab ijs, quæ circa libera-  
litatem sunt. quomodo verò differant, posterius  
dicetur. At verò circa honorem & ignominiam  
mediocritas est magnanimitas: excessus infla-  
tio quæ dicitur: defectus pusillanimitas. Sicut  
autem magnificentia liberalitatem correspon-  
dere diximus, ut in eo ab illa differret, quod circa  
parua versatur: ita magnanimitati, quæ in ma-  
gno honore versatur, alia quædam virtus corre-  
spondet, cuius circa parua officium est. sit enim,  
ut sicut oportet, honor appetatur: & magis etiã  
vel minus quàm oportet. unde qui in appetitio-  
ne hac excedit, ambitiosus: qui deficit, inambi-  
tiosus dicitur: medius nomine vacat. disposi-  
tiones quoque ipsæ innominatæ sunt: ambitiosi-  
tantum, excepta, quæ ambitiositas dicitur. hincque  
euenit, ut extremi de media sede decerent. &  
nos quoque medium interdum ambitiosum, in-  
terdum inambitiosum vocitamus: & modò am-  
bitiosum, modò inambitiosum laudamus. Qua-  
de causa verò id fiat, in sequentibus dicetur. nunc  
autem de reliquis eo modo quo cœpimus, per-  
tractandum est. Circa iram igitur excessus, & defe-  
ctus, & mediocritas quoque est: sed, cum nomi-  
bus ferè careant, medium mansuetum, medio-  
critatem mansuetudinem vocabimus. ex extre-  
mis verò ille qui excedit, iracundus sit, & vitiũ  
iracundia:

## 44 Moral. Nicomachiorum

iracundia: qui deficit, iræ vacuus: & defectus iræ  
 vacuitas appelletur. Sunt autem etiam alie tres  
 mediocritates, quæ similitudinem quandam in-  
 ter se habent, sed tamen differunt: cum enim cir-  
 ca sermonum, actionumq; communionem om-  
 nes versentur, in eo sunt dissimiles, q̃ vna circa  
 verum, quod in ipsis est, alię circa iucundum ne-  
 gotium suum habent: quod quidem iucundum  
 duplex, alterum in ioco, alterum in omnibus vi-  
 tæ commercijs cōsistit. Dicendum igitur de his  
 quoq; est, vt magis in omnibus mediocritatem  
 esse laudabilem perspiciamus, extrema verò ne-  
 que recta, neq; laudabilia, sed vituperatione di-  
 gna haberi, ex his verò pleraque nomine etiam  
 ipsa vacant. sed tentandum tamen sicut in cæte-  
 ris, nomina quoq; his inuenire: quo & diluci-  
 dior fiat, & facilius intelligi oratio possit. Cir-  
 ca verum igitur, qui mediocris est, verax, medio-  
 critas ipsa veritas seu veracitas nuncupetur. fi-  
 ctio verò, si in maius quid, quàm re vera sit, ten-  
 dit, arrogantia, & qui eam habet, arrogans: si  
 in minus, dissimulatio, quiq; ea est præditus,  
 dissimulatio appelletur. Circa iucundum verò,  
 si est in ioco mediocris, facetus, & dispositio ip-  
 sa facetudo est: excessus scurrilitas; & qui ea est  
 præditus, scurra: qui autem deficit, rusticus qui-  
 dam, & rusticitas ipse habitus dicitur. si est in cæ-  
 teris vitæ commercijs, qui sicut debet iucundus  
 est, amicus, & mediocritas amicitia: qui exce-  
 dit, si nullius rei causa, obsequiosus: si ob vtili-  
 tatem aliquam suā id facit, adulator: atqui defi-  
 cit, in omnibusq; iniucundè se gerit, litigiosus  
 quidam & morosus appellatur. Sunt quoque in  
 affectibus, & in ijs, quæ circa affectus sunt, me-  
 diocritates quædam. verecundia enim virtus  
 quidem

quidem non est, sed laudatur: tamen simili modo verecundus. nam & in his alius mediocris dicitur, alius excedens, alius deficiens, atq; excedens quidem quasi pavidus qui in omnibus verecundatur: deficiens qui nihil omnino veretur, impudens: mediocris verecundus appellatur. Indignatio quoque inuidiæ mediocritas est & malevolentia: qui quidem habitus circa illam ægritudinem & voluptatem versantur, quæ suscipitur ex ijs, quæ alijs contingunt. indignabundus enim dolore afficitur, cum aliquos prospera fortuna indignè uti videt; invidus verò hunc excedens ex omnibus dolorem percipit, at malevolus tantum à dolendo deficit, ut etiam gaudeat. Ac de his quidem alius erit disserendi locus. De iustitia quoq; quia non simpliciter dicitur, postea distinguemus, ac de utraque quomodo mediocritates sint, explicabimus, de virtutibus item rationalibus simili modo.

*De virtutum ac vitiorum mutua oppositione.*

*Cap.*

*V I I I.*

**C**um tres autem dispositiones sint, duo scilicet vitia, per excessum vnum, alterum per defectum, & virtus vna quæ mediocritas est: omnes omnibus quodammodo opponuntur. extremæ enim & mediæ, & inter se contrariæ sunt: media verò extremis. nam quemadmodum æquale si minori comparatur, maius: si maiori, minus euadit: ita quoque mediæ habitus tam in affectibus, quàm in actionibus, si ad defectus spectemus, excedunt: si ad excessus, deficiunt. fortis enim respectu ignavi, audax: respectu audacis contra ignauus videtur, simili modo etiam temperans, si ad stupidum referatur, intemperans: si ad intemperantem,

## 46 Moral. Nicomachiorum

perantem, stupidus . item liberalis ad auarum  
 comparatus, prodigus : ad prodigum verò auar-  
 us; vnde efficiunt, vt extremi medium ad alterū  
 vterq; expellant : & fortem quidē timidus au-  
 dacem, audax timidum vocet, atq; in alijs simi-  
 li modo. Cū hæc igitur ita inter sese opposita  
 sint : extremis maior inter se quā cum medio  
 cōtrarietas est, quippe cū longius à se mutuò  
 quā à medio distent, quemadmodum magnū  
 à paruo, & paruum à magno abest lōgius, quā  
 alterutrum ab eo quod æquale est. Adde quòd  
 nonnullis extremis cum medio esse similitudo  
 quædam videtur : vt audacię cum fortitudine, &  
 prodigalitati cum liberalitate : at extremis in-  
 ter sese maxima est dissimilitudo. Quę verò ma-  
 ximè à se mutuò distant, cōtraria esse definiun-  
 tur : quare fit, vt magis cōtraria ea sint, quæ ma-  
 gis distant. Iam verò medio in nonnullis defe-  
 ctus, in nōnullis excessus magis opponitur : exē-  
 pli gratia, fortitudini nequaquam audacia quæ  
 est excessus . sed ignauia quæ est defectus, magis  
 aduersatur : temperantię item nō stupiditas quæ  
 deficit ; sed quæ excedit, intemperantia magis  
 opposita est. Id verò duabus de causis euenit, vna  
 est ex ipsa re : nam quia propius est & similius  
 medio alterum extremum, ideo non id, sed  
 contrarium magis opponimus : vt quoniam si-  
 milior esse fortitudini propiorq; audacia vide-  
 rur, ignauia verò dissimilior : ignauiam fortitu-  
 dini magis opponimus, quippe cū ea, quæ ma-  
 gis à medio distant, magis cōtraria esse videan-  
 tur. atque hæc vna ex re ipsa causa est. Altera est  
 ex nobis ipsis . ad quæ enim nos natura quo-  
 dammodo magis sumus affecti, ea medio magis  
 esse contraria videntur : verbi causa, ad volupta-  
 tes natu-

tes natura magis sumus affecti. iccirco ad intemperantiam sumus, quàm ad modestiam procliuiores: hæc igitur magis contraria esse dicimus, ad quæ maius incrementum in nobis fit: ac propterea intemperantia, quæ est excessus, temperantiæ magis contraria est.

*De præceptis, quæ ad ipsum medium ducunt.*

*Cap. I. X.*

**V**irtutem igitur moralem mediocritatem esse, atq; id quomodo: mediocritatemq; esse duorum vitiorum, quorum alterum per excessum, alterum per defectum sit: necnon eiu(s)modi eam esse, propterea q(uod) mediæ cõiectrix est, quod in affectibus actionibusq; existit, satis dictum est. Idcirco probum esse etiã difficile est: quippe cum in vnaquaq; re medium inuenire sit difficile, vt circuli mediũ deprehendere non cuiuslibet, sed scientis solummodo est: sic quoque & irasci, & dare pecuniam, & sumptus facere cuiuslibet est, & facile: at cui, & quantũ, & quando, & cuius causa, & quomodo oportet eadem hæc facere, non cuiuslibet, neque facile est: si quidem rectè facere, & rarum est, & laudabile, quemadmodum etiã honestum. Quocirca oportet eum, qui medium coniectare vult, primum à magis contrario recedere, quemadmodum etiam Calypso ita monebat,

*Sic procul a summo, atque undis cohibere carinam*

*Sis memor.*

Ex extremis enim alterum magis alterum minus peccabile est. Quoniam igitur mediũ affectui ita exquisitè difficile est: secũda, vt inquit, nauigatione minima ex malis sumenda sunt. Id autem erit eo maxime modo, quo diximus.

Spektandum verò est, ad quæ nos procliuiores  
sumus

simus : quippe cū alij ad alia natura propensi  
sint : id quod ex voluptate & dolore quī nobis  
euenit, facile perspicimus : atq; in contrarium  
nos ipsos abtrahendū . nam si procul à peccan-  
do nos ipsos remouerimus , ad medium deue-  
niemus , id quod qui ligna distorta dirigunt , fa-  
cere consueuerunt . In omnibus autem à iucun-  
ditate & voluptate maximè cauendum est : non  
enim de ipsā incorrupti iudicamus . Quod ergo  
Troianorum proceres erga Helenam fecerunt ,  
id nobis quoq; erga voluptatem faciendum est :  
in omnibulq; voce illorū erga ipsam utendum .  
si enim ita à nobis ipsam diuiserimus , minus  
peccabimus . Hæc igitur facientes , ut summa-  
tiū dicam , maximè mediū assequi poterimus .  
Quanquam id fortasse difficile admodum est , &  
præcipuè in particularibus ac singulis : nō enim  
facile definire possumus quomodo , & quibus ,  
& ob quæ , & quatenus irascendū sit : nos nanq;  
interdum eos , qui deficiunt , laudamus , & man-  
suetos vocamus : interdū qui exasperantur , in-  
fensiq; sunt , viriles appellamus ; qui verò pa-  
rum à rectè agendo siue ad maius , siue ad minus  
declinat , non vituperatur : sed qui multum ex-  
cedit : is enim minimè later , quousq; autem &  
quatenus reprehendendus aliquis sit , definiri ra-  
tione non facile potest . non enim statui diuer-  
sum quippiam à sensibilibus debet ; alia verò in  
particularibus constituta sunt , & in sensu iudi-  
cium est . Hoc itaq; statū id declarat , medium  
habitum in omnibus esse laudabilem : oportet  
reque modò ad excessum , modò ad defectū de-  
clinare : ita enim facillimè fiet , ut medium , re-  
ctumque ipsum assequamur .



# ARISTOTELIS

## MORALIVM

Nicomachiorum,

LIBER TERTIVS.

SVMMAE LIBRI.

*De spontaneo, & inuito: ac de iis, quæ ad spontaneum consequuntur. De fortitudine: De temperantia: ipsarum speciebus, atq; extremis.*

*De spontaneo, & inuito. Cap. I.*



**V**M virtus circa affectus, actionesque versetur, cumque in spontaneis laudes & vituperationes, in inuitis venia, interdum etiam misericordia existat: necessarium fortasse est ijs qui de virtute considerant, spontaneum, & inuitum definire: id quod etiam ijs qui leges faciunt, ad præmia, pœnasq; instituendas minime inutile est. Videntur vero inuita ea esse, quæ aut vi, aut ignoratione efficiuntur. Id autem est violentum, cuius principium extrinsecus eiusmodi est, ut ei neque qui agit, neq; qui patitur, *Violentiam* quippiam conferat: quemadmodum si ventus *quid.* aliquò, aut homines qui potestatem habeant, nos detulerint. Quæcunque autem timore *† quàm ob* iorum malorum, *† vel ob honestum aliquod bonum,*

Arist. Moral. Nicom. d D agun-

## 50 Moral.Nicomachiorum

aguntur : vt si tyrannus aliquibus, quorum parentes ac liberos in potestate haberet, turpe aliquid agere iuberet, quique id agerent, salui essent: qui non agerent, perirent : vtum spontanea sint, an inuita, cōtrouersum est. Tale quid etiam in iacturis contingit, quæ in tempestatibus fieri consueuerunt. nemo enim sponte absolute sua abiicit, sed ob salutem tum suam, tum aliorum, omnes, modò mētis compotes sint, facere id videntur . Mistæ igitur huiusmodi actiones cum sint, spōtaneis tamē magis sunt similes : quippe cum eligendæ sint, tunc cum aguntur, finis uerò actionis in occasione sit, & spontaneum igitur & inuitum, quando id agit quisque, dicendum est: agit autem sponte: principium enim mouendi instrumentarias partes in huiuscemodi actionibus in ipso est : at quorum principium in ipso est, ea agere uel non agere in ipso quoque est situm, spontanea igitur huiuscemodi sunt, simpliciter uerò inuita : quippe cum tale quippiam per se eligat nemo . Ob actiones autē huiuscemodi interdum etiam laudatur homines, cum pro magnis & honestis rebus turpe aliquid, aut molestum sustinuerint: si uerò ecōtrario, vituperantur: nam turpissima sustinere nullius honestæ, aut mediocris rei causa, malū est. Ob nonnulla uerò laus quidem minimè, sed uenia exhibetur: cum ea quæ non debet, agit quispiam ob eiusmodi, quæ & humanam naturam excedunt, & à nullo sustinerentur: quædam autem fortasse sunt, ad quæ perpetranda nemo cogi, compelliue potest: sed potius extrema quæque pati, ac mori conuenit, etenim ridicula ea sunt quæ Euripideum Alcæonem ad matrem interficiendam compulerunt. Sed difficile interdū

est iudicare, quale pro quali eligendum, ac quid pro quo sustinendum sit: difficilius etiā in ijs, quæ decreuerimus, persistere. vt plurimū enim quæ expectātur molesta: quæ verò cogunt, turpia sunt. vnde & laudes & vituperia ijs contingere consueuerunt, qui vel fuerunt, vel non fuerunt, coacti. Qualia igitur esse violenta dicenda sunt? An simpliciter cū & causa extrinsecus fuerit, & qui agit, nihil contulerit: quæ verò licet per se inuita sint, nunc tamen & pro his eligenda fuerint, principiumque in agente habuerint: ea per se inuita, nūc autem & pro his spontanea sunt? imò sunt spōtaneis similia. actiones enim circa particularia fiunt: hæc autem spontanea sunt, quoniam igitur differentiarū multarū in particularibus existunt: qualia pro qualibus eligenda sint, definiri non facile potest. Quod si quispiam & iucunda & molesta esse violēta idcirco dixerit, quod extrinsecus sint, & nos cogāt: is efficiet, vt ea ratione omnia sibi esse violenta vnusquisq; putet: quippe cum horū causa omnia omnes agant: alij violenter & inuiti ob molestum: alij ob iucundum cum voluptate. Sed ridiculum sanè est in externa potius causam referre quàm in seipsum, quod huiuscemodi rebus facile capiatur: & honesta sibi, turpia iucundis ascribere. Videtur autem violentum id esse, cuius principium extrinsecus est, nihilq; ad id confert ille qui cogitur: at quod ob ignorantiam fit, non spontaneum quidē omne est: *Violētum quid.* sed inuitum id est, quod vel dolorem vel poenitentiam affert. qui enim cum ex ignoratione quippiam egerit, factum minimè agrè fert: is sanè neque sponte egit, id quod ignorauit: neq; inuitus, cū non doleat. ex ijs igitur, qui ex

## §2 Moral. Nicomachiorum

*Diversum  
est ex igno-  
ratione &  
ignorantē  
agere.*

ignoratione agunt, quem facti pœnitet, fecisse inuitus videtur: quem nō pœnitet, quia tamen diuersus est, nō sponte egisse dicatur: nam quia differt, melius est vt nomen quoque proprium habeat. Diuersum quoque est, ex ignoracione, & ignorantem agere. qui enim vel ebrius est, vel iratus, non uidetur ex ignoracione agere, sed ob aliud quippiam ex iis quæ dicta sunt: quippe cū non sciens, sed ignorans agat. Vnusquisq; igitur prauus quid agendum, à quibusq; abstinentum sit, ignorat: obq; huiusmodi errorem iniustus, & omnino mali homines efficiuntur. Inuitus igitur dici debet, non si quis ignorat id quod conducit: non enim ignoratio, quæ in electione consistit, inuiti est causa, sed prauitatis: neque ea quæ est vniuersalis: quippe cū ob eam homines uituperentur, sed ea, quæ circa particularia versatur, in quibus & circa quæ actio existit. in his enim & misericordia & uenia locum habet: nam qui horum aliquid ignorat, is sanè inuitus agit. Melius autem fortasse est, vt hæc quænam, & quot sint, explicemus. considerandum igitur est, quis, & quid, & circa quid, aut in quo agat: interdum etiam quo, ut instrumento: & cuius causa, vt salutis: & quomodo, vt sensim an vehementer. hæc enim omnia nisi insanus sit, nemo ignorat: sed neque ipsum agentem: quo pacto enim se ipsum ignorauerit quippiam? ignorare tamen id quod agit aliquis potest: exempli causa, cū lapsos se dicendo esse inquirunt, aut ignorasse arcanum esse: vt Aeschylus mysteria: aut ostendere volētes emisisse, ut catapultam: existimare etiam aliquis filium esse hostem posset, vt Merope: & mucronatam hastam retulam esse: & lapidem esse pumicem, posset

posset item quis salutis causa uerberans ac feri-  
 ens interficere: & monstrare uolens, quemad-  
 modum faciunt ij qui summis manibus certat,  
 percutere. Cum in omnibus igitur his, in quibus  
 est actio, ignorantia contingat: fit, ut qui ali-  
 quid ex his ignorauerit, inuitus egisse videatur.  
 atque id in præcipuis maximè: præcipua autem  
 esse ea videntur, in quibus ipsa actio est, & id  
 cuius causa quippiam fit. Oportet tamen, ut  
 actio hæc, quæ ex tali ignorantia inuoluntariè  
 facta esse dicitur, dolorem ac poenitentiam as-  
 ferat. Cum igitur inuitum sit, quod vel vi vel  
 ignoratione agitur: spontaneum illud esse vi-  
 debitur, cuius principium est in eo qui agit, *par quid.*  
 ticularia cognoscente, in quibus actio consi-  
 stit. Fortasse enim non rectè dicuntur inuita  
 ea esse, quæ vel ex ira, vel ex cupiditate efficiun-  
 tur. Primum enim nullum ex alijs animalibus  
 sponte ager: sed neq; pueri. Deinde, utrum ni-  
 hil ex ijs quæ vel ex cupiditate, vel ex ira agi-  
 mus, sponte faciemus? an honesta sponte, tur-  
 pia inuiti agemus? An id ridiculum existiman-  
 dum est, cum vna causa utrorumque sit? Absur-  
 dum fortasse etiam est, inuita ea esse dicere,  
 quæ oportet appetere, oportet autem & ob ali-  
 qua irasci, & nonnulla appetere, ut sanitatem, *Oportet ali*  
 & disciplinam, videnturq; ea quæ inuita sunt, *quando ira*  
*sci.*  
 molesta: quæ ex cupiditate sunt, iucunda esse.  
 Præterea quid interest inter ea quæ ex ratione,  
 aut ex ira peccamus, ad hoc ut inuiti fecisse vi-  
 deamur? fugienda enim ambo sunt: videntur-  
 que irracionales affectus nihilominus huma-  
 ni esse: actionesq; ipsius hominis ab ira, & cu-  
 piditate proficiuntur: ut absurdum sit inuita  
 hæc existimare.

**C**um quid sit spontaneum, quidq; inuitum definiuerimus: sequitur ut de electione iam differamus: quippe quæ & virtuti maximè esse assipis, & magis quàm actiones mores ipsos iudicare videatur. Electio verò spontaneum quoddam esse apparet: non idem tamen prorsus est. Spontaneum enim latius patet: nam & spontaneum cum pueris & reliquis animalibus commune est, electio minimè: & quæ de improviso fiunt, spontanea sunt, non autem ex electione. Qui verò eam vel cupiditatem, vel iram, vel voluntatem, vel opinionem quandam esse affirmant, non rectè dicere videntur: electio enim non est communis nobis cum brutis; sed cupiditas & ira, est. Et incontinens cum cupiditate quidem agit, non tamen cum electione: continens contra cum electione, & non cum cupiditate. Adde quòd electioni cupiditas aduersatur: cupiditas autem cupiditati minimè. Cupiditas præterea iucundi & molesti est: electio neq; iucundi, neq; molesti. Sed ira quoq; esse multo minus videtur: minimè enim quæ ex ira fiunt, ex electione facta esse existimantur. At verò neque voluntas ullo modo est: licet proxima ei esse videatur. Electio si quidè eorū minimè est, quæ fieri non possunt: quæ si quis diceret se eligere, stolidus esse videretur: voluntas verò est, ut in mortalitatis. voluntas præterea est eorum etiā, quæ nullo modo ab eo qui vult, agi queunt: ut histionem aliquem, aut athletam victorem eua dere. cuiusmodi sanè nihil quispiam eligit: sed ea solummodo quæ ex sese fieri posse existi-  
mauc-



mauerit. voluntas præterea finis magis est: electio verò eorum quæ ad finem spectant. ut, sani esse volumus: eligimus verò ea, quibus sani esse valeamus. felices quoque esse volumus, atque ita dicimus: dicere verò, eligimus felices esse, minimè conuenit. omnino enim in ijs esse electio videtur, quæ in nostra potestate sita sunt. Verùm neque opinio est. opinio enim circa omnia versatur, nec minus circa æterna, & quæ fieri nequeant, quàm quæ in nostra sita sunt potestate. adde quòd verò & falso, non bono & malo distinguitur: at electio his magis. In vniuersum verò esse idem cum opinione electionem fortasse neque diceret quispiam: sed ne cum aliqua quidem in particulari. bona etenim aut mala eligendo qualitate quadam affecti sumus: opinando autem minimè. Et eligimus capere aliquid, aut fugere, aut eiusmodi quippiam: opinamur verò quid sit aliquid, aut cui, aut quomodo cõferat, sed accipere vel fugere non admodum opinamur. & electio quidem laudatur, eò quòd eius est, cuius esse magis oportet, aut quòd recta est: opinio, quia est vera. Quæ itè maximè scimus esse bona, eligimus: quæ nõ admodum scimus, ea opinamur. videnturque non iidem optima & eligere & opinari: sed nonnulli sunt, qui melius opinantur, ob vitium tamen ea quæ non decet, eligere consueuerunt. Antecedat autem, an sequatur electionem opinio, nihil interest: non enim id nunc consideramus: sed an idem cum opinione aliqua electio sit. Quid igitur, aut quale est electio, quando nihil eorum est, quæ dicta sunt? spontaneum sanè esse quoddam videtur. nõ omne tamen spontaneum eligibile est: sed id scilicet, quod est præconsultatū: quippe cum electio seu

propositum cum ratione, ac cogitatione existat: id quod significare nomen etiam ipsum videtur. quasi id quod eligitur seu proponitur, ex alijs legatur, ponaturve ante alia.

*De consultatione.*

*Cap. III.*

**V**erum cōsultāntne de omnibus homines, quodlibetq; est cōsultabile: an de quibusdam non est consultatio? Sed fortasse cōsultabile id dicendum est, de quo mentis cōpositus vir, non quivis vel stolidus vel insanus consultaret. De æternis autem nemo consultat: ut de mundo, aut diametro & latere quod nulla inter se æquabilitate conveniāt: at neq; de ijs quæ in motu quidem sunt, sed semper tamen circa eadem versantur, siue necessitare, siue natura, siue aliqua alia de causa: ut de solstitijs, atq; ortibus: neq; de ijs quæ aliàs aliter eveniunt: ut de siccitatibus, & imbribus: neq; item de ijs quæ fortuna contingunt: ut de thesauri inventione. Sed neq; de humanis omnibus cōsultamus: verbi causa quomodo Scythæ optimè administrare rempub. possint, nullus ex Lacedæmonijs consultat: nihil enim ex his eiusmodi est, ut agi per nos ipsos valeat. Consultamus autem de agendis rebus, atq; ijs quæ in nostra sūt potestate: hæc enim restant: quippe cum causæ nullæ aliæ esse videantur, quàm natura, & necessitas, & fortuna: mens præterea, atq; omne id quod per hominem agit: unusquisq; autem de ijs, quæ per ipsum agi possunt, consultet. Ac circa quidem exquisitas ac certas scientias, easq; quæ ex sese sibi sufficiunt, nulla cōsultatio est: ut de litteris:

teris: non enim dubitamus, quomodo scribendum sit. Sed de ijs, quæcunq; per nos fiunt, neq; semper eodẽ modo eueniunt, cõsultamus. vt de ijs quæ ad medicam artem spectant, & pecuniariam: atq; eò magis etiam in gubernandi arte deliberamus, quàm exercitatoria, quãto minus exactis, atq; exquisitis rationibus constat. ac simili modo de reliquis. Magis etiam in *† arti- † a. l'opinib.* bus quàm in scientijs consultatio est: eò quòd in ipsis magis ambigere consueuimus. Consultatio autem de illis est, quæ vt plurimum quidẽ fiunt: incerta tamen sunt quomodo euadant: & in quibus indeterminatio existit. Ad magnas, verò res consultores etiam adhibere consueuimus, nobis ipsis diffidẽtes, quasi sufficere ad discernendũ soli nequeamus. Ac cõsultamus qui- *Non cõsul-* dem non de finibus, sed de ijs quæ ad finem ten- *tamus de fi-* dunt. nam neq; in dicis an sanare, neq; orator *nibus, sed* an persuadere, neq; ciuilibus an bene legibus insti- *de ijs qua-* tutam patriã reddere debeat: neq; ex alijs quib- *ad finẽ ten-* piam de fine consultat. sed omnes, cùm finem *dunt.* quendã statuerint, quo modo, ac per quæ euenire is possit deliberant: siq; is per plura fieri posse videatur, per quòdnam facillimè atq; optimè fieri queat, considerat. si per vnum, quo modo per id effici rectè valeat: & illud item per quid, atq; id tantisper, donec ad primam causam deuenerint: id quod in inuentione extremum est. Qui enim cõsultat, querere videtur & resolvere prædicto modo, quemadmodum designatio- *Extremum-* nem. Non quælibet autem quaestio consultatio in resolutione est, vt mathematica: sed quælibet tamen consul- *ne, in gene-* ratio inquisitio est. & quod extremũ est in resolutione, in generatione esse primũ videtur: at- *detur esse* que hi cum in rem quæ fieri nequeat, incide- *primum.* dunt.

## 38 Moral. Nicomachiorum

rint, defistit: ut si pecuniis opus sit, earumq; expeditio nullo modo appareat: si uerò fieri posses uideatur, eam aggrediuntur. fieri autē posse ea dicuntur, quæ per nos fieri possunt: nam quæ per amicos fiunt, per nos quodā modo fieri videntur: quippe cū principium in nobis sit. Quæruntur autem interdum instrumenta, interdum vsus ipsorum. simili modo quoque in reliquis interdum per quā, interdum quo pacto, aut per quid quippiā fieri debeat. Videtur autē, quemadmodum dictum est, homo esse actionū principium: consultatio uerò de iis esse, quæ ab ipso homine agi queunt: actiones autem aliorum causa fiunt. nō est igitur consultabilis finis: sed ea in consultationem veniunt, quæ ad finem ipsum spectant: neque hæc tamen particularia ut, an panis hoc sit, uel subigatur, uel qualitate affectus sit, ut oportet: ad sensum enim hæc pertinent. nam si semper consultaret quispiam, infinitè progrediretur. Consultabile autem & eligibile idem est: nisi quod eligibile definitū iam est: quippe cum nihil aliud sit, quàm id quod ex deliberatione antepositum fuerit: definit enim unusquisque tunc inquirere quomodo sibi agendum sit, cū in se ipsum principium reduxerit, in eamque sui partem, quæ principatum obtinet: ea enim est quæ eligit. Hoc autem ex antiquis etiam rebus publicis manifestum est, quas Homerus imitabatur. nam reges ea, quæ elegerant, ad populum referebant. Cū igitur eligibile nihil aliud sit quàm consultabile appetibile eorū quæ in nobis sunt: & electio quoque eorum quæ in nobis sunt cōsultatiua appetitio erit. simul enim atque consultauius, iudicamus: atque inde secundum consultationem appeti-

† a. l. volun-  
tatem.

appeti-

appetimus. Circa quæ igitur versetur electio, quodq; eorum sit, quæ ad fines tendunt, figura dictum iam sit.

*De voluntate, & eo, quod est voluntate appetibile.*  
*Cap. 111.*

**V**oluntatem verò finis ipsius esse, dictum iam est: quæ sanè nonnullis videtur boni ipsius esse, nonnullis apparentis boni. sed euenit, ut & illis, qui bonum esse, voluntate appetibile asserunt; id quod vult is, qui non rectè eligit, non sit voluntate appetibile: nam si est voluntate appetibile, erit continuò etiam bonum: at malum fortè est: & illis, qui bonum apparēs voluntate appetibile esse inquirunt, nihil sit natura voluntate appetibile: sed quod vnicuique ita visum fuerit. at aliud alijs videtur: & aliquando etiam si ita inciderit, cōtraria apparent. Quòd si hæc non placent, nunquid dicendum, simpliciter quidem ac reuera voluntate appetibile esse id quod est bonum: vnicuique verò id, quod videtur vnicuique: ac probo, quidem, quod reuera etiam est, videri improbo, quodcunq; inciderit. quemadmodum etiam in corporibus euenit: bene enim affectis salubria ea sunt, quæ reuera sunt eiusmodi: morbo correptis diuersa. simili modo amara, & dulcia, & calida, & graua, & id genus reliqua. singula enim probus vir rectè iudicat: & in singulis verum ipsi apparet. In vnoquoque enim habitu propria quædam & honesta & iucunda sunt. & in singulis plurimum fortasse probus vir in dignoscendo eo quod verum est, differt: quippe qui tanquam regula, ac mensura ipsorum sit:

## 60 Moral.Nicomachiorum

fit: p[er]isq[ue] autem e[st] vulgo hominib[us] deceptio  
 surrepere ob uoluptatem uidetur: quib[us] scilicet  
 uoluptas, licet non sit, bonum tamen appa-  
 ret. eligunt enim iucunditatem quasi bonum,  
 dolorem quasi malum fugiunt.

*De iis qua in nostra sunt potestate.*

*Cap. V.*

**C**um igitur uoluntate appetibilis finis sit,  
 consultabilia autē & eligibilia ea q[ue] ad finē  
 spectant: actiones quæ circa hæc sunt, &  
 ex electione, & spontanea etiam proculdubio  
 sunt, at virtutum operationes circa hæc uersan-  
 tur: efficitur igitur, ut virtus quoq[ue] in nobis & si-  
 militer vitium sit. In quib[us] enim in nostra po-  
 testate situm est agere, situm est etiam non age-  
 re: & in quib[us] non agere, simili modo etiam a-  
 gere. quapropter si agere, cum honestum sit, in  
 nostra est potestate, non agere quoq[ue] cum tur-  
 pe sit, in nobis erit collocatum. si item non age-  
 re, cum honestum sit, in nobis est, agere quoq[ue] cum  
 turpe sit, erit nostræ facultatis. Quod si ho-  
 neste agere & turpia, & simili modo non agere  
 in nostra est potestate: id autem erat: ut boni &  
 mali simus: in nostra potestate quoque erit, ut  
 & frugi simus, & nequam. Nam dicere nemi-  
 nem neque sponte improbum, neque inuitum  
 beatum esse, alterum falsum esse, alterum verū

*Nemo bea-  
 tus inuitus  
 exadit.*

videretur: quippe cum beatus nemo inuitus eua-  
 dat: improbitas uero spontanea sit. Alioqui iis  
 quæ nunc dicta sunt, repugnandum est, dicen-  
 dumq[ue] hominem principium minime esse, ne-  
 que actionum sicut filiorum esse generatorem.  
 Quod si hæc uidentur, neque in alia principia  
 referre



referre actiones nostras possumus, quàm in ea  
 quæ in nobis sunt: quorû principia in nobis sũt  
 etiam ipsa in nobis esse, & spontanea necesse est.  
 His attestari & priuatim singuli, & ipsi legum-  
 latores uidentur: qui eos, qui mala perpetrant,  
 castigant ac puniunt: si tamen neq; ui coacti ea  
 egerint, neq; ex ignoracione, cuius ipsi sibi cau-  
 sam non exhibuerint; eos autem qui honesta a-  
 gunt, honoribus prosequuntur: vt & hos inci-  
 rent, & illos prohibeant. Atqui ad ea, quæ neq;  
 spontanea sunt, neq; sunt in nobis, agenda hor-  
 tatur nemo: quippe cum nihil antiquum sit, vt  
 persuasi simus aut calesceri, aut dolere, aut esu-  
 rire, aut quoduis aliud eiusmodi: nihilo enim  
 minus ea patiemur. Nam ob ignoracionem e-  
 tiam puniunt, si sibi ipse ignoracionis causa  
 quispiam fuisse videatur. Vnde ebriis duplices  
 poenæ institutæ sunt. in ipso enim qui inebria-  
 tur, principium est: cum sui quisque in eo domi-  
 nus sit, vt non inebrietur: id quod ignoracionis  
 est causa. Eos quoq; puniunt, qui aliquid eorum  
 ignorant, quæ ad leges pertinet: quæ quidem  
 & sciri debeant, & difficilia non sint. Simili mo-  
 do etiam in aliis, quæcunque ignorare per ne-  
 gligentiam uidentur, eò quòd in ipsis sit non  
 ignorare: quippe qui adhibendæ diligentiz do-  
 mini sint, ac potestatem habeant. Sed fortasse  
 eiusmodi aliquis est, vt diligentiam non adhi-  
 beat. at vt eiusmodi sint homines, atq; & iniusti  
 & intemperantes euadant, ipsi in causa sunt: dũ  
 & dissolutè ac remissè viuunt, & maleficia per-  
 petrant, & in comotationibus, talibusq; aliis  
 libidinibus ætatem degunt. operationes enim,  
 quæ circa singula sunt, tales homines reddunt.  
 atque hoc ex iis esse manifestum potest, qui ad  
 quod-

## 62 Moral. Nicomachiorum

quodlibet certamen, aut actionem sese exercet,  
 id enim operati assidue solent. Ignorare igitur  
 ex operationibus circa singula habitus existeret,  
 valde stupidi hominis est. Absurdum praterea  
 est, & eum qui iniuste agit, iniustam esse nolle:  
 & eum qui intemperanter, intemperantem. sed si-  
 quis non ignoras ea agit, ex quibus iniustus ef-  
 ficitur: sponte iniustus est. non tamen si voluerit,  
 iniustus esse desinet, & iustus erit. Nam neque  
 qui agrotat, sanus efficitur: licet, si ita contigerit,  
 sponte agrotet tum intemperanter viuendo, tum  
 medicorum preceptis non obtemperando: verum  
 tunc quidem licebat ei non agrotare: ubi tamen  
 semel neglexit, non amplius licet. Quemadmo-  
 dum, neque qui lapidem proiecit, relumere eum  
 amplius potest, quamuis in eo emittendi, ac  
 proijciendi facultas fuerit: principium enim in  
 ipso erat: eodem modo quoque & iniusto & in-  
 temperanti a principio licebat non esse eiusmodi:  
 unde sponte eiusmodi sunt: ubi vero semel  
 tales euaserunt, non amplius non esse tales eis  
 licet. Sed neque animi solum vitia spontanea sunt,  
 verum corporis etiam in nonnullis, quos scilicet in-  
 crepare consueuimus. qui enim natura defor-  
 mes sunt, eos reprehendit nemo: sed illos qui per  
 otium & negligentiam tales euaserunt: simili mo-  
 do si turpitudine vel ex infirmitate, vel ex mem-  
 bri alicuius mutilatione contigerit. nullus enim  
 ei, qui vel natura, vel ex morbo, vel ex vulnere  
 factus sit cecus, cecitatem exprobrabit, sed mi-  
 seretur potius: at eum obiurgant omnes, qui  
 ex temulentia, vel alia quapiam intemperantia  
 excecatus fuerit, atque ita fit, ut vitia corporis,  
 quae in nostra potestate sunt, vituperentur: quae  
 non sunt, minimè. quod si ita est, in alijs quoque

vitia

vitia, quæ reprehenduntur, in nostra erunt pote-  
 state. Quod si quis dixerit: omnes id appetunt,  
 quod bonum esse ipsis videtur: visionis autem  
 dominium habet nemo: sed talis unicuique finis  
 apparet, qualis quisque est. Verum si unusquis-  
 que habituum sibi quodam modo in causa est,  
 visionis quoque quodammodo erit: sin autem ne-  
 mo sibi est in causa, ut mala faciat, sed ex igno-  
 ratione finis ea agit, ex hisque summum bonum com-  
 sequentur existimat: appetitio verò finis mini-  
 me spontanea est, sed oportet ut unusquisque ido-  
 neus natus sit habeatque quasi visum, quo rectè  
 valeat discernere, & id quod verè bonum est eli-  
 gere: sique is est bono ingenio præditus, cui bo-  
 na hæc naturæ affectio insita est: quod enim ma-  
 ximum est, & pulcherrimum, quodque ab alio  
 accipere aut dicere nullo modo licet, id quale  
 natura est, tale ipse habebit: atque ita quidem  
 bene & rectè natura esse affectum ipsa erit per-  
 fecta ac vera naturæ habilitas atque aptitudo.  
 Si inquam hæc vera sunt, cur magis virtus quam  
 vitium sponte acquiratur, non uideo. virinque  
 enim tam bono, quam malo simili modo finis  
 vel natura vel quomodocunque & apparet, &  
 statuitur: ad quem postea cætera referentes quo-  
 modocunque agunt. siue igitur finis non natu-  
 ra unicuique apparet, qualiscunque is sit, sed ali-  
 quid etiam apud ipsum est: siue naturalis qui-  
 dem finis est, quia tamen reliqua probus vir  
 sponte agit, virtus spontanea est: nihilominus  
 vitium quoque spontaneum sit, necesse est. nam si-  
 militer quæque malo in actionibus inest facul-  
 tas, ut ex sese agat: etiam si in fine non sit. Si  
 ergo quemadmodum dicitur, spontaneæ sunt  
 virtutes: habituum enim coactores quodam-  
 modo

modo nos sumus, ex eoq; quòd sumus qualitate quadam affecti talem etiam finē statuimus, vitia quippe quæ simili ratione efficiantur, ipsa etiam spontanea erunt. Ac communiter quidem de virtutibus à nobis dictum est: genusq; ipsarum figura quadam, id est, ipsas mediocritates esse, atq; habitus: † à quibus item fiant: ad ipsasque agendas idoneos esse homines secundum ipsas: in nobisq; etiam eas esse, & spontaneas: atque ita demum, vt recta ratio præscripserit. Non simili autem modo actiones spontaneæ sunt, atque habitus. actionum enim à principio vsq; ad finem domini sumus, cum singula quæq; cognoscamus: at habituum principij tantum facultas in nobis est: singulorum autem additio non nota: quemadmodum in ægrotationibus. quoniam tamen in nostra erat potestate vel ita, vel non ita vti: etiam habitus ipsi spontanei sunt.

*De fortitudine, & forti. Cap. VI.*

**S**Ed iam repetita oratione, de singulis virtutibus, quænam sint, & quales, & quo modo describamur: ita enim fiet, vt etiam quot sint, facile constet. Ac primum dicamus de fortitudine quam quidem esse mediocritatem quæ circa timores, fiduciasq; versetur, superius dictum iā est. Timemus autem ea scilicet quæ terribilia sunt: ea verò sunt, vt simpliciter dicamus, mala: vnde etiam timorem expectationem mali esse definiunt. ac timemus quidem mala omnia: vt infamiam, paupertatem, morbum, solitudinem amicorū, mortem. Non circa omnia tamen esse vir fortis videtur: quippe cum nonnulla omnino timere

timere debeamus, quæ & timere honestum, & non timere turpe est: ut, infamiam. qui enim eam timet modestus ac uerecundus: qui non timet, impudens est. à nonnullis tamen per translationem fortis appellatur: cum simile quid cum forti uiro etiam ipse habeat. nam etiam fortis intrepidus quidam est. timoreque vacuus. Paupertatem autem fortasse timere non licet, neque; morbum, neque omnino quippiam, quod neque; uitio proficiscatur, neque per nos ipsos fiat. Sed neque qui in his est intrepidus, fortis est: sed ex similitudine tamen fortis dicitur. nonnulli siquidem sunt, qui licet in bellicis periculis sint timidi, liberales tamen sunt, & in abiiciendis pecunijs fidenter se gerunt. Neque; præterea si quis filiorum aut uxoris contumeliam, aut inuidiam, aut tale quippiam timet, is timidus est: neque fortis, si flagris cadendus confidit. Circa qualia igitur terribilia fortis versatur? An circa maxima. nemo enim tolerantior malorum est. mors autem maximè omnium rerum est horribilis: quippe cum terminus sit: nihilque amplius homini mortuo neque; bonum, neque; malum esse videatur. Sed neque; circa mortem quamlibet uersari fortis uidetur: ut si in mari, uel morbo contigerit. Circa qualem igitur uersabitur? An circa eam, quæ in pulcherrimis rebus contingit: cuiusmodi sunt, quæ in bello appetuntur: in maximo scilicet, & pulcherrimo periculo. His consentiunt etiam honores, qui & à ciuitatibus, & à Regibus instituti sunt. Ille itaque propriè uir fortis dicetur, qui circa præ laram mortem impavidus fuerit, circaque; ea quæ mortem afferunt, cum proxima sunt. eiusmodi autem maximè sunt, quæ in bello occurrere consueuerunt. Ve-

*Mors maximè omnium rerum est horribilis.*

66 *Moral. Nicomachiorum*

runtamen & in mari & in morbis uir fortis impavidus est: non ira tamen, ut maritimi homines: hi enim desperata salute sua agrè eiusmodi genus mortis ferūt: illi bona spe ob nauigandi peritiam freti sunt. Fortes præterea in ijs uiriliter se gerunt, in quibus uires spectantur, aut præclarum est mori: quorum neutrum in talibus generibus necis existit.

*De terribilium diuersitate, & fortitudinis extremis.* *Cap. VII.*

**I**D autem quod terrorem incutit, non omnibus est idem: dicimusq; aliquid supra hominem esse: quod quidem unicuique sanè mentis homini terribile est. at quæ hominem non excedunt, magnitudine differunt, & eo quod magis uel minus efficiuntur, simili modo ea quæ fiduciam nobis afferunt. Fortis autem uir, ut homo, erit interritus: timebit tamē etiam ipse huiusmodi mala. sed ut oportet tamen, & ut ratio præscribit, honestatis causa sustinebit, ac feret: quippe cū hic finis uirtutis sit. efficitur autem ut magis & minus hæc timeamus: item ut ea quæ non sunt terribilia, quasi terribilia sint, timeamus. Peccataq; cōmittuntur, aliud cū timeamus ea quæ non oportet, aliud cū nō sicut oportet, aliud cū non oportet, uel aliquid eiusmodi. similiter quoq; circa ea quæ fiduciam afferūt. Qui igitur ea quæ oportet, & cuius causa oportet, & ut oportet, sustinet, ac timet, & simili modo etiam confidit, fortis est: quippe cū pro dignitate & sicut ratio præscribit, fortis uir & patiat, & agit. Finis autē vniuscuiusq; operationis est, qui secundū habitum existit: at uiro form fortitudo ipsa honesta res est: talis igitur

*¶ a. lex habetur.*



igitur erit etiam finis : quippe cum fine singula  
definiantur:honestatisque causa fortis uir susti-  
neat, atq; agat ea quæ ex ipsa fortitudine sunt .  
Ex illis uerò , qui exuperant , qui intrepiditate  
excedit, nomine uacat : multa enim huiusmodi  
nominibus uacare superius à nobis dictum est :  
posset tamen esse insanus quidam, atq; indolēs,  
siquidem neq; terræ motus neq; undationes ti-  
meat: id quod Celtas facere dicunt . At qui con-  
fidendo in terribilibus rebus excellit, audax est:  
qui quidem audax & arrogans esse, & fortitudi-  
nis affectator uidetur . sicut enim ille circa for-  
midabiles res se gerit, ita hic ipse uideri uult : in  
quibusq; potest, illum imitatur . unde efficitur,  
ut pleriq; ex ipsis timidaudaces sint: in his enim  
audacter se gerentes formidolosa non sustinent.  
Qui autem timēdo excedit, is est ignauus : nam  
& quæ non oportet, & sicut non oportet, timet:  
& reliqua eiusmodi omnia ipsum consequun-  
tur. confidendo etiam deficit . sed in doloribus  
excedens magis est manifestus : quippe cum de-  
sperabundus quidam sit , ignauus : omnia enim  
timet. econtrario fortis : confidere enim bene  
sperantis hominis est . Circa hæc igitur & igna-  
uus & audax & fortis uersantur: diuerso tamen  
modo. illi enim excedunt , & deficient: hic me-  
diocriter se gerit, atq; ut oportet, atque audaces  
quidem præcipites sunt , uoluntq; ante ipsa pe-  
ricula periclitari . in ipsis uerò constituti abssi-  
stunt: sed fortes in operibus ipsis acres ac cele-  
res, antea quieti sunt . Itaq; sicut dictum est, for-  
titudo mediocritas est circa terribilia, & ea quæ  
fiduciam afferunt, in ijs rebus, quas diximus: &  
ea de causa quia honestum est, eligit , ac susti-  
net: uel quia id nō facere turpe est . Mori autem

## 68 Moral. Nicomachiorum

ut vel paupertatem, uel amorem, uel molesti quippiam fugiamus, fortis uiri minimè est, sed potius timidi: quippe cum laboriosa fugere, mollicies sit. neq; hanc mortem sustinet quispiam, quia honestum sit, sed ut malum euitet ac fugiat. fortitudo igitur tale quippiam est.

*De quinque modis fortitudinis non vera.*

*Cap. V I I I.*

**D**icuntur autem etiam alix fortitudines quinque modis. Primum ciuilis: maximè enim ea similis est: quippe cum ciues tum ob multas & opprobria, tum ob honores legibus institutos pericula subeant: atque ob id fortissimi esse uideantur illi, apud quos sicut ignaui ignominia, ita fortes honore afficiuntur. tales est Homerus inducit: ut Diomedem, & Hectorem: *Na mihi Polydamas faciet conuicia primus.*

& Diomedes:

*Sic aliquando inter Troas iactabitur Hector?*

*Tydides metuens à me est in castra fugatus.*

Atque hæc quidem fortitudo illi maximè, quæ prius dicta est, assimulatur, propterea quòd ob uirtutem existit: ob uerecundiam siquidem, & honesti appetitionem, honoris scilicet, & opprobrij, quod turpe est fugiendi causa. Eòdem referre etiam eos quispiam posset, qui ab ijs, qui principatum obtinet coguntur: peiores tamen in eo sunt, quòd non ob pudorem, sed ob timorem id faciunt: atque ut non quod turpe, sed quod molestum est, fugiant. cogunt enim illi qui potestatem in alios habent: ut Hector:

*Si uerò pugnam quem detrectare uidebo,*

*Is certe nulla poterit ratione cauere.*

*Quia*

*Quin anibus, canibusq; obiectus prada uoretur.*

Et qui imperant, & si recesserint, uerberant, idem faciunt: necnon qui ante fossas, uel tale quippiam acies instruunt: omnes enim cogunt. Verum non ob necessitatem, sed ob honestatem fortem esse oportet. Videtur autem uniuscuiusque etiam rei experientia fortitudo quidam esse: unde etiam Socrates fortitudinem esse scientiam existimabat. Ac tales quidem alij alijs in rebus sunt: in bellicis uero milites: quippe cum multæ uanæ res belli esse uideantur, quas ipsi maximè exploratas habent: unde ob id fortes uidentur, quia cuiusmodi res illæ sint, alij ignorant. atq; ita & subire eas, & nihil pati ex peritia militari maximè possunt. Item & cauere, & percutere, cum armis uti ualeant, eaq; habeant, quæ & ad faciendum & non patiendum maximè idonea sunt. ut cum alijs quasi inermibus armati, & quasi certandi imperitis athletæ ipsi decertent. In huiusmodi enim certaminibus non fortissimi quique pugnacissimi etiam sunt: sed qui robore maximè præditi sunt, corporaque optima habent. Nam milites timidi tunc efficiuntur, cum uel crescit periculum, uel copijs & apparatus desituuntur: primi enim fugiunt. at civilis exercitus manet, mortemque oppetit. Id quod in Hermæo contigit: huic enim turpe est fugere: morsque huiusmodi saluti anteponenda. illi uero initio tanquam superiores periculis sese exponunt: cognita deinde refugiunt, mortem magis quam turpitudinem metuentes. sed uir fortis talis minimè est. Et iram quoque in fortitudinem referunt. fortes enim uidentur esse illi etiam, qui iracundè perinde ac fera contra vulnerantes feruntur. propterea quod

# 70 Moral. Nicomachiorum

† a. l. inci-  
trix.

fortes iracundi esse consueuerunt. ita enim est  
maximè ad pericula subeunda † perreatrix, ac  
præcipitatrix. unde etiam Homerus: † -vires in-  
ciat ira. Et, -animos iramq; ciebat. Et, per nares acris  
subijt furor. Et, sanguis serbuit intus. Omnia enim  
eiusmodi excitationem atque impetum iræ si-  
gnificant. sed fortes quidem honestatis causa  
agunt, ira tamen ipsos adiuvat: feræ autem ob  
dolorem: propterea quod enim vel percussæ sunt,  
uel timent, incitantur: nam si in syluis uel sal-  
tibus suis fuerint, non irruunt. Non igitur for-  
tes sunt: quippe quæ dolore & ira in periculum  
impulsæ feruntur, nihil mali ac molesti præui-  
dentes. nam eo modo etiam asini essent fortes,  
cùm esuriunt: qui si etiam uerberètur, a pabulo  
minimè recedunt. Quin etiam adulteri multa  
ob libidinem audacia perpetrant. non igitur  
sunt fortes, qui ex dolore, aut ira in periculum  
impelluntur. Maximè autem naturalis esse hæc  
uidetur, quæ est ex ira: uideturque esse fortitu-  
do, ubi electionem, & id cuius causa faciendum  
unumquodq; est, assumpserit. & homines etiam  
cùm irascuntur, dolent: lætantur cùm ulciscun-  
tur. qui autem ob hæc faciunt quippiam, pugna-  
ces quidem sunt, sed nō fortes: quippe cùm non  
honestatis causa, neque ut ratio præscribit, sed  
ob affectum agant: similitudinem tamen quan-  
dam habent. Neq; etiam illi, qui bene sperant,  
fortes sunt. nam propterea in periculis confi-  
dunt, quia & sepe & multos uicerunt: similes  
tamen sunt, eò quod utrique sunt confidentes.  
sed fortes ob antedicta cōfidunt: hi autem, quia  
se superiores esse, nihilq; mali uicissim perpes-  
suros existimant: id quod ebrij quoque facere  
consueuerunt: in bonam enim spem inducun-

END:

tur: cum uerò ipsis talia non contingunt, quæ sperauerant, fugiunt. At uerò fortis uiri erat, ea quæ terribilia homini & sunt & uidentur, ea de causa sustinere, quia id facere honestum: non facere turpe est. Ideo esse etiam fortioris uidetur in improuisis terroribus intrepidum, imperturbatumque sese præstare, quàm in conspicuis: ex habitu enim id magis proficiscitur, minusque ex præparatione. Nam quæ antea palam fiunt, ex consideratione quispiam eligere ac ratione potest: quæ repentè accidunt, non nisi ex habitu. Fortes etiam uidentur esse illi qui ignorant: & sanè non longè absunt à benè sperantibus: in eo tamen sunt peiores, quòd hi nullam habent sui estimationem: illi habent. unde etiam aliquandiu manent: hi uerò decepti si uel cognouerint aliud quid esse, uel suspicari fuerint, fugiunt. Id quod Argiui fecerunt, cum in Laconas quasi essent Sicyonij, incidissent. Quales igitur sint fortes uiri, & qui uideantur fortes, dictum iam est.

*De proprietatibus fortitudinis.*

*Cap. l. X.*

**Q**uamuis autem circa fiducias & timores uersetur fortitudo: non simili modo tamen in utrisque, sed in timendis rebus magis spectatur. qui enim in his imperturbatus fuerit, sicutq; debet, se gesserit, is magis est fortis, quàm qui in illis, quæ fiduciam afferunt. Tolerandis igitur molestis rebus homines, sicut dictum est, fortes dicuntur. unde etiam molesta res est fortitudo, & meritò laudatur: quippe cum molesta sustinere, quàm à iucundis absti-

## 72 Moral. Nicomachiorum

nere difficilius sit. Veruntamen fortitudinis finis iucundus quidem esse videri potest, sed obscurari tamen ab ijs, quæ circum ipsum accidunt: quemadmodum in gymnycis certaminibus euenit. Pugili enim iucundus sanè finis est, cuius causa agit, coronæ uidelicet & honores: uerba uerò, cùm sit carneus, dolorem afferunt: atque omnis demum labor molestus est. quia autem hæc multa sunt, finis ipse cuius causa certamen subiit, parua res cùm sit, nullam in se habere iucunditatem uidetur. Si igitur circa fortitudinem idem est, mors & vulnera molesta quidem erunt forti uiro, & inuito contingent: sustinebuntur tamen, quia id facere honestum, non facere turpe est. Ac quò magis omni uirtute ornatus, & felicior fuerit, eò magis ob mortem dolebit: quippe cùm eiusmodi uir maximè dignus sit, qui uiuat: maximisque bonis sciens priuetur: quod dolorem affert. nihilo minus tamen fortis erit: & fortasse etiam magis, quia honestatem in bello omnibus his antepōnit. Non igitur in omnibus virtutibus inest, ut cum iucunditate operemur: nisi quatenus finem ipsum attingimus. Nihil autem fortasse prohibet, quin milites optimi sint illi, qui non modò tales, sed etiam minus fortes, & nullo alio bono præditi sunt: hi enim prompti sunt ad pericula obeunda, uitamque cum paruo lucro commutant. Ac de fortitudine quidam hætenus dictum sit. nam quid ea sit, ex antedictis figurâ quadam comprehendere non est difficile.

De tem.



# Liber Tertius. M 73

*De temperantia, & eius extremis.*

*Cap. X.*

**P**ost hanc autem dicamus de temperantia: hæ enim irrationalium partiū esse virtutes videntur. Ac temperantiam quidem mediocritatem esse circa voluptates, à nobis dictū iam est: nam minus, nec simili modo circa dolores versatur. in his etiā intemperantia existit. Circa quales verò sit voluptates, definiendū est: animæque ac corporis voluptates distinguendæ: vt ambitiositas, & discendi cupiditas. vterq; enī ex his ea re gaudet, cuius est cupidus: corpusque minimè, sed cogitationem potius affectam habet. atq; hi qui in talibus voluptatibus cōstituti sunt, neq; temperantes, neq; intemperantes dicuntur. non secus etiā qui in alijs sunt, quæ ad corpus non spectant: qui enim fabularum, narrationumq; studiosi sūt, & de quibuscumque rebus colloquendo dies conterunt: nugaces appellare consueuimus, non intemperantes, neq; eos intemperantes dicimus, qui vel pecuniarum, vel amicorum causa dolore afficiuntur. Sed circa corporis voluptates temperantia solummodo versatur: atq; eas non omnes. Qui enim ijs gaudent, quæ visu percipiuntur, vt colore, figura, pictura: neq; temperantes, neq; intemperantes dicuntur; licet esse videantur: & vt oportet, etiam his, & per excessum, & defectum gaudeant. Simili modo in ijs, quæ ad auditū pertinent. neq; enim quispiam vel eos qui supra modum cantibus, aut fabularum actione oblectantur intemperantes: vel eos, qui vt oportet, idem faciunt, temperantes appellarit. Neq; item eos, qui odoribus gaudent, nisi secundum accidens. nam qui

## 74 Moral. Nicomachiorum

malorum, vel rosarum, vel suffimentorum olfactu delectantur, minimè vocamus intemperantes: sed eos potius, qui vnguentorum, aut opsoniorum odore illiciuntur: quippe cum his propterea oblectentur intemperantes, quia per hæc in recordationem concupitarum rerum venire consueverunt. Videre enim etiã quodlibet alios licet, cum esariunt, cibarium odoribus oblectari. at verò talibus oblectari intemperatis, est: ab eo enim concupitæ res eiusmodi sunt. Adde quòd neque cæteris animalibus ex his sensibus voluptas percipitur, nisi ex accidenti. nam neq; canes odore leporum, sed comestione gaudent: sensum verò odor præbuit. neq; leo bouis voce, sed esu lætatur: ex voce autem propè eum esse cum senserit, ea videtur oblectari. simili modo neq; si viderit, aut inuenerit ceruum, vel syluestrem capram, voluptate aliqua afficitur, nisi quia cibum inde habebit. Circa eiusmodi igitur voluptates temperantia & intemperantia versatur, quæ cæteris quoq; animalibus cõmunes sunt: seruilesq; ob id ac ferinæ habentur. hæc autem sunt & tactus, & gustatus. Sed gustatu parum vel nihil vti videntur: quippe cum gustatus indicium saporũ sit. id quod faciunt ijs, qui vel vina explorant, vel opsonia condiunt. at non admodum his oblectantur, vel non quatenus intemperantes, sed fruitione ipsa, quæ tota per tactum efficitur in cibis, in potibus, & ijs, quæ venerea nuncupantur. Vnde gula deditus quidã Philoxenus Eryxius guttur sibi longius gravis collo dari optabat: vipote qui tactu oblectaretur. tactus autem sensuum est maximè communis, circa quem intemperantia versatur. Et merito esse vituperabilis videri propterea debet: quia

quia nobis inest, non quatenus homines, sed quatenus sumus animalia. Talibus igitur oblectari, & acquiescere ferinum est. Nam voluptates, quæ maximè liberales per tactum efficiuntur, exceptæ ab his sunt: ut illæ sunt, quæ in gymnasijs per frictionem calefactionemque fieri consueverunt. non enim circa totum corpus, sed circa partes quasdam intemperantis tactus versatur.

*Diversas cupiditatum species esse.*

*Cap. I X.*

**A**T verò cupiditatum aliarum communes videntur esse, aliarum propriarum, atque apposititiarum. ut alimenti cupiditas naturalis est: siccum enim, vel humidum alimentum, vel etiam utrunque, cum indigent, omnes cupiunt. quin etiam appetit & iuuenis, ut inquit Homerus, florensque cubile: tale verò ac tale, vel eadem non omnes, idcirco nostrum esse id videtur. Habet tamen & aliquid naturale: quippe cum alia alijs iucunda sint, & omnibus suaviora quædam sint cæteris quibuslibet. In naturalibus igitur cupiditatibus pauci: atque hi in uno, id est nimio peccant. qui enim comedit vel vilia quælibet, aut bibit, quo ad supra modum repleatur: is multitudinem naturalis cupiditatis terminos excedit. naturalis enim cupiditas indigentiarum repletio est. atque idcirco huiusmodi homines ventrifurentes appellantur: propterea quod ultra quam deceat, ventri replendo student. ac tales quidem evadunt illi, qui servili admodum ingenio præditi sunt. Circa verò proprias cupiditates multi, ac multis modis peccant: nam cum talis cuiusdam rei

studiosi

## 76 Moral.Nicomachiorum

studiosi homines dicantur, quia oblectantur vel quibus non oportet, vel magis quàm pleriq; faciant, vel non vt oportet, vel non quo oportet: in omnibus sanè intemperātes excedunt: quippe qui & gaudent nonnullis, quibus non oportet, quæ odio profectò digna sunt: & si aliquibus gaudendum est, magis quàm oportet, quamque pleriq; gaudeant, id facere consueverunt. Atq; excessum quidem circa voluptates intemperantiam esse ac vituperabilem, perspicuum est. Circa autem dolores non quemadmodum in fortitudine, ita hic sustinendo temperans, non sustinendo intemperans dicitur: sed intemperans vnusquisq; est, dum propterea quòd iucunda nō consequitur, magis quàm oportet, dolet: doloremq; ipsi affert voluptas: temperans, dum absentia, abstinenciaque voluptatis nullo dolore afficitur. Intemperans igitur iucunda omnia appetit, vel ea quæ maximè iucunditatem afferunt: duciturque à cupiditate adeò, vt ea omnibus alijs anteponat: atq; ita fit, vt doleat, dum & voto frustratur, & cupit: quippe cū non sine dolore cupiditas sit, dolere autem ob voluptatem absurdum videtur. At qui deficiant circa voluptates, minusq; quàm oporteat, illis oblectantur, non ferè inueniuntur: talis enim stupiditas humana non est. nam cætera animalia cū delectum ciborum habeant, alijs oblectantur, alijs minimè. si verò quispiam sit, cui nihil sit iucundum, nullaque inter hunc & illum cibum differentia sit; is sanè procul esse ab hominis natura videtur. Quocirca quia eiusmodi homines non admodum esse consueverunt, effectum est, ut ne nomen quidem vllum consequuti sint. Temperans autem circa hæc mediocriter

eriter se habet: nam neque ijs oblectatur, quibus intemperans maximè consuevit, sed potius ægrè afficitur: neque omnino ijs gaudet, quibus non oportet: neque vlla aliqua huiusmodi re vehementer oblectatur: neq; si absit, dolet: neq; cupit nisi mediocriter: neque magis quàm decet, quapiam re, neq; quando non decet, afficitur: neq; demum tale aliquid appetit: sed ea tantummodo iucunda, quæ vel ad sanitatem, vel ad bonâ habitudinem faciunt: atq; ea quidem mediocriter, & sicut decet, & cætera etiam, quæ his impedimento non sint, † vel præter honestatem, vel supra facultates: nam qui ita facit, magis tales voluptates amat, quàm dignum sit. At temperans non eiusmodi est, sed sicut recta ratio præscribit.

† a. l. vel  
quantū ad  
honestatem  
spectat, vel  
facultates.

*De temperantia extremis. Cap. XII.*

**I**ntemperantia verò spontaneo magis similis, quàm ignavia videtur: quippe cum hæc ex voluptate, illa ex dolore existat: ex quibus altera eligenda: alter fugiendus est. Ac dolor quidē exturbat & corrumpit naturam eius, qui eo afficitur: voluptas autem nihil tale facit. Magisq; spontanea est: atque idcirco maiori opprobrio prosequenda. Nam & assuescere his rebus, cum plures in vita hominum eiusmodi sint, facilius est: & assuetudo ipsa periculo vacat, in formidolosis aut rebus contrarium est. Ignavia etiam non simili modo ut particularia esse spontanea videri posset: ipsa enim doloris est expertis: res autem particulares dolore adeò exturbant, ut & arma abijcere, & cætera indecore gerere homines non vereantur: atq; idcirco esse etiam violenta

lenta videntur. At intemperanti ecōtrario euenit. particularia enim quippe cū ea concupiscat, atque appetat, spontanea sunt: totum autem atq; vniuersum minus. nemo enim est, qui intemperans esse cupiat. Nomen autem ipsum intemperantiq; seu incastigationis de puerilibus peccatis dicere cōsueuimus, vtrum verò ab vtro dicatur, nihil ad præsens negotium refert: posterius enim à priore dictum esse satis constat: ac non malè videtur fuisse translatum: nam quod turpia appetit, incrementumque magnum accipit, castigandum est, ac temperandum: huiusmodi autem maximè est & cupiditas & puer: quippe cū & ex cupiditate viuāt pueri, & maximè in ipsis voluptatis vigeat appetitio. Si igitur non obediens, neque imperanti subditum id fuerit, longè lateq; efferetur: insatiabilis siquidem rerum iucundarum appetitio est, & stulto vndecunq; occurrit: cupiditatis præterea operatio quod cognatum sibi est, augeat: & si magnæ vehemētēsq; fuerint cupiditates, rationem extrudunt. Quæ propter mediocres eas esse oportet, ac paucas, rationique minimè aduersantes. Atque id, quod tale est, obediens, ac castigatum temperatumq; appellamus. Sicut enim puerum ad pædagogī præceptum viuere oportet: ita concupiscibilem animæ facultatem rationis imperio obtemperare: atque ideo temperantis cupiditas cum ratione cōsentiat, necesse est: quippe cū vtrisque propositus scopus honestas sit: nam & temperans cupit quæ oportet, & quādo oportet: & ratio quoque ita præscribit. Atq; hæc de temperantia dicta à nobis sunt.



# ARISTOTELIS MORALIVM

## NICOMACHIO- RV M

### K I B E R Q V A R T V S .

#### S V M M A E L I B R I .

*De liberalitate . De magnificentia . De magnanimitate . De moderato honoris studio . De mansuetudine . De comitate . De veracitate . De facetudine : ipsarumq; omnium extremis . De verecundia .*

*De liberalitate & eius extremis .*

*Cap. I.*



Nunc dicamus de liberalitate. Circa pecunias autem esse mediocritas videtur. liberalis enim non in bellicis rebus, neque in ijs in quibus temperans, neque item in iudicijs, sed in datione, acceptioneque pecuniarum, ac magis in datione laudem meretur: pecunias autem *Quibus ill-* omnia ea dicimus, quorum altimationem nu- *liberalita-* mus metitur. Prodigalitas autem & illiberali- *tem, qu-* tas excessus & defectus circa pecunias sunt, atque *busve prod-* illiberalitatem quidem illis semper attribuimus, *galitatem* qui magis quam decet, pecunijs student: at pro- *attribua-* digalitatem complicantes alijs interdum adiun- *mps.* *gimus:*

gimus: nam & incontinentes, & eos qui in intemperantiam opes consumunt, prodigos vocare consuevimus, idcirco huiusmodi homines esse improbissimi videntur, propterea quod multa simul vitia habeant: non tamen proprie ita appellantur. Debet enim prodigus esse is, qui vno tantum vitio sit præditus, ut scilicet fortunas suas consumat. prodigus enim seu inersuatus est, qui per se ipse perditur. nam esse sui ipsius perditio videtur etiam bonorum dissipatio: utpote cum ea sint, ex quibus vitam traducamus.

Atque ad hunc modum sanè prodigalitatem accipimus. Ijs autem, quorum est usus aliquis, & bene & malè uti licet: at diuitiæ ex utensilibus sunt: optimè verò vnaquaq; re utitur is, qui virtutem vnicuiq; rei convenientem habet: & diuitijs igitur is optimè utetur, qui ea virtute erit præditus, quæ circa diuitias versatur, atque hic ipse vir liberalis est. Usus autem pecuniarum sumptus ac datio: acceptio verò, & conseruatio esse possit sio potius videtur, atque idcirco liberalis viri magis est dare quibus oportet, quàm accipere vnde oportet; & non accipere vnde non oportet. † magis enim beneficio afficere, quàm affici, & honesta agere, quàm non agere turpia, virtutis proprium est. At obscurum non est ex datione consequi ut beneficia conferamus, honesta que agamus: ex acceptione verò ut beneficijs afficiamur, non agamusque turpia. gratia item ei qui dat, exhibetur, non ei qui non accipit: & laus etiam magis. non accipere præterea quàm dare facilius est. suum enim quisque magis non profundere, quàm alienum non accipere consuevit. Liberales quoque illi dicuntur qui dant: qui autem non accipiunt non liberalitatis.

sed iustitiz non minus laudem consequuntur: qui verò accipiunt, ne prorsus quidem laudantur. Quin etiam liberales maximè omnium ferè, qui virtute quapiam alia præditi sunt, amari consueverunt: utilitatē enim afferunt: at id in datione collocatum est. At verò omnes ex uirtute actiones & honestæ sunt, & honestatis causa fiunt: & liberalis igitur honestatis causa dabit, & rectè. dabit enim & quibus, & quæcunq;, & quando oportet: reliquisq; alijs modis, qui rectam dationem consequuntur: atq; id vel iucundè, vel sine dolore, quod enim ex uirtute fit, id vel cum voluptate, uel sine dolore certè efficitur: minimè autem molestum est, nam neque qui vel iis quibus non oportet, vel nō honestatis, sed alia quapiam causa dat, esse liberalis dicetur, sed alius quidam, neque qui molestè dat. is enim pecunias honestis actionibus anteponeret: at hoc minimè liberalis est. Sed neque accipiet vnde non oportet. nō enim eius, qui nō magnificat pecunias, talis acceptio est, neq; erit petita. nō enim ad eum spectat qui beneficia in alios confert, vt facilè beneficijs afficiatur: vnde autem oportet, accipiet, ex proprijs videlicet possessionibus: nō quia honestum id sit, sed quia necessarium, vt habeat quod det, neque res suas negliget: quippe cū ex ipsis velit aliquibus suppeditare: neque dabit quibuslibet, vt habeat quod det quibus oportet, & quando, & vbi honestum est. Liberalis viri etiam valde est ita; in *multitudine dandi* excedere, vt pauciora sibi relinquat: quip *pe* cū ad se minime respicere liberalis pro *in habitu* prium sit. Liberalitas tamen pro facultatibus di *eius, q dat,* citur: non enim in multitudine eorū quæ dan- *actio libera* tur, sed in habitu eius, qui dat, actio liberalis cō- *lis consistit.*

## 82 Moral. Nicomachiorum

*Amare o-  
mnes sua  
ipsorum ope-  
ra consue-  
verunt.*

sistit: qui quidem habitus est, qui dat pro facultatibus. Vnde nihil uetat, quin liberalior aliquis sit, qui pauciora dederit, si modo ex paucioribus etiam fuerit elargitus. Illi autem esse liberaliores uidentur, qui non ipsi acquisiuerunt facultates, sed ab aliis accipere: propterea quod indigentiam experti minimè sunt: & omnes suorum opera, ut parètes, & poëta, magis amare consueuerunt. At verò facile non est, ut liberalis diues sit, qui neque accipiendi, neque conseruandi, sed erogandi potius est studiosus: neque pecunias propter ipsas, sed dandi causa æstimat. Atque idcirco crimini dari fortunæ consuevit, quod qui maximè digni sunt, minimè diteſcâr. id autè non absque ratione accidit: quippe cum fieri minimè possit, ut habeat pecunias is, qui nullam diligentiam adhibet, ut eas habeat: id quod in cæteris etiam rebus fit. Non dabit tamen quibus non oportet, neque quando non oportet, & reliqua huiusmodi: alioqui non ageret secundum liberalitatem: neque ita expensas pecunias posset in ea quæ debet, expendere. Sicut enim diximus, is est liberalis, qui pro facultatibus, & in ea quæ debet, sumptus facit: qui verò excedit, prodigus: atque ideo tyrānos prodigos non dicimus: facile enim esse minimè uidetur, ut dationibus & sumptibus excedere opus multitudinem possint. Cum igitur liberalitas mediocritas sit, quæ circa pecuniarum dationem acceptionemque versatur: liberalis dabit & expendet in ea quæ oportet, & quocumque oportet, tam in paruis, quàm in magnis, atque id iucundè faciet: accipiet item & unde oportet, & quocumque oportet. Nam cum virtus circa utraque sit mediocritas, utraque ut debet, faciet.

ciet . moderatam enim dationem talis acceptio  
 consequitur : quæ autem nō est talis , contraria  
 est : quæ igitur consequuntur , in eodem simul cō  
 tingunt : quæ uerò sunt cōtrariæ , minimè . Quod  
 si inciderit , ut præter quàm deceat , & bene se  
 habeat expenderit : dolebit quidem , sed mode- *Ad virtu-*  
 ratè , & sicut debet . nam ob quæ oportet , & sicut *tem spectat*  
 oportet , & lætari , & dolere ad virtutem spectat . *ob quæ oportet , & sicut*  
 Est etiam liberalis quantum ad pecunias attri- *oportet , læ-*  
 net , in societate uitæ perfacilis . iniuria enim as- *tari , & do-*  
 fici potest , cū magni pecunias non estimet , *lere.*  
 magisq; egrè fert , si quid , quod oportuerit , non  
 expēderit : quàm dolet , si quid expēderit , quod  
 minimè debuerit , neque Simonidi assentitur .  
 prodigus uerò etiam in his peccat : nam ob quæ  
 oportet , & sicut oportet , neq; lætatur , neq; do-  
 let , id quod prodigientibus manifestius pate-  
 bit . Dictum à nobis est , prodigalitatem & illibe-  
 ralitatem excessus esse & defectus : atque eas in  
 duobus , datione & acceptione consistere : nam  
 etiam sumptum in dationem reponimus . Pro-  
 digalitas enim in dando & non accipiendo ex-  
 cedit , in accipiendo autem deficit , illiberalitas  
 contrà , in dando deficit . in accipiendo excedit ,  
 sed in paruis tamen . Ac quæ ad prodigalitatem  
 quidem spectant , non admodum coaugeri con-  
 sueverunt : quippe cū facile minimè sit , ut qui  
 nulla ex parte accipit , omnibus largiatur . citò  
 enim priuatos eos homines , qui dant , facultas  
 deserit : qui quidem prodigi esse etiam videtur ,  
 id est interuati . Nam qui huiusmodi est , non  
 paulò melior illiberali esse videretur : cū & ab  
 erate , & inopia curari facile possit , atq; ita ad  
 medium redire . cū enim ea habeat , quæ sunt  
 liberalis , quippe qui det quidem & nō accipiat ,

## 84 Moral.Nicomachiorum

*Cur prodigus illiberalis melior sit.*

sed neutrum tamen neque ut debet, neque bene faciat, si ad hoc tantum vel assueuerit, uel aliquo alio modo fuerit mutatus, liberalis euadet, fiet siquidem ut & det quibus oportet, & non accipiat unde non oportet, unde neque esse moribus prauus videtur. in dando enim & non accipiēdo excedere non mali & ignobilis, sed stolidi potius hominis est. Qui autem hoc modo est prodigus, longe illiberali & auaro, cum ob antedicta, tum propterea esse melior videtur: quia ipse multis, illiberalis nemini prodest, imo ne sibi ipse quidem utilis est. Plerique tamen prodigi, sicut dictum est, etiam unde non oportet, accipiunt: atque in hoc sunt illiberales: qui ideo ad accipiendum prompti efficiuntur, quia cum velint expendere, facere id facile nequeunt. cito enim ipsis opes deficiunt: ut aliunde sibi comparare eas cogantur, quoniam praeterea nullam honestatis curam habent, undique nullo habito delectu accipiunt. dare enim cum cupiant, quo pacto & unde id faciant, non curant. Quapropter neque liberales eorum dationes sunt, cum non sint honestae, neque huius ipsius causa, neque ut oportet, efficiuntur: imò interdum eos, quos oporteret esse pauperes diuites redeunt, atque iis qui moderati sunt moribus, nihil: adulatoribus autem & ceteris, qui aliam quampiam voluptatem ipsis sumministrant, multa largiuntur. unde efficitur, ut plerique ex his intemperantes etiam sint: nam & quia facile expendunt, in intemperantias etiam profusos sumptus faciunt: & quia non ad honestatem spectantes viuunt, ad voluptates quoque declinant. Prodigus igitur si incorrectus permaneat, in hac transit: si curationem admittat, ad mediocritatem deuenire, honesta-



nestatemq; potest. At illiberalitas incurabilis est, nam & senectus & omnis imbecillitas reddere illiberales videtur: magisq; quam prodigalitas, hominibus natura insita est: nā pleriq; sunt pecuniarum cupidi magis, quam an dandū prompti: & latē patet, multiformisq; est. Multi enim modi esse illiberalitatis videntur. nā cum in duobus constituta sit, n dandi excessu, & defectu accipiendi, non omnibus integra adest, sed interdum separatur: atq; ita fit, vt nōnulli in accipiendo excedant, alij in dando deficient: nam qui his nominibus prēditi sunt, vt dicantur parci, tenaces, retracti & restricti, omnes in dando deficient. Non appetunt autem aliena, neque accipere volunt alij ob probitatē quandam, turpiūq; rerum euitationem. videntur enim aliqui, vel certē dicunt, propterea ꝑ conseruare, ne aliquando, agere turpe aliquid conuare. Inter hos est etiam cuminifeca, & vnusquisq; alius huiusmodi, qui nomen sortitus est ab excessu, quod nemini quicquam daturus sit. Alij ob timorem ab alienis abstinēt: propterea quod facile minimē est, vt si aliquis aliena acceperit, alij ab eo quicquam non accipiāt: atq; idcirco neq; accipere, neque dare ipsis his placeat. Nonnulli verō in accipiendo excedūt, dum & vndecunq; & quodcunq; accipere non verentur: ut sunt, qui illiberalia opificia exercēt, & lenones, & id genus ceteri, & fœneratores, ꝑ qui etiam parua magnis cum vsuris accipiūt, ꝑ a l. g pan qui quidem omnes, neque vnde debent, neque latin & quantum debent, accipiunt. Communis autem magnis cū his omnibus turpis quæstus videtur: causa enim vsurus acci lucri omnes, atque eius parui, opprobria sub-piunt. eunt. Nam qui magna vnde non oportet, & quæ

nō oportet, accipiunt, vt tyrannos, qui vrbes populantur, & templa diripiunt, non illiberales; sed improbōs potius, sed impios, sed iniustos appellare consueuimus. At aleator, & fur seu spoliator, & latro ex illiberalibus etiā ipsi sunt: cū turpi lucro dediti sint. vtrique enim lucri causa negociantur, & opprobria sustinent: & hi quidem pericula maxima acceptionis causa subeunt: illi ab amicis, quibus dare deberent, lu-  
crantur: vtrique igitur cū vnde non oportet, velint lucrum comparare, turpi lucro dediti sunt, atque omnes huiusmodi acceptiones sunt illiberales. Merito verò illiberalitas contraria liberalitati propterea esse dicitur, quod maius malum quā prodigalitas est, magisque in ea peccant homines, q̄ in prodigalitate, de qua superius iam diximus. De liberalitate igitur, & oppositis vitijs hactenus dictum sit.

*De magnificētia, & eius extremis.*

*Cap. 11.*

**S**Equi videtur, vt de magnificētia, seu magnificētia differamus: nam etiam ipsa esse quādā uirtus videtur, quæ circa pecunias versatur: nō in omnes tamen quæ ad pecunias spectant, actiones, sicut liberalitas, diffunditur, sed in sumptuosas tantum: atque in his liberalitatem magnitudine excellit: nam sicut nomen ipsum significat, in magnitudine decens sumptus est: magnitudo autem est ad aliquid. non enim aut tritemis, aut supplicationum præfecto idem sumptus est: sed q̄ est decorus & ipsi, & in quo, & circa quod fit. At qui in paui, aut mediocribus pro dignitate sumptus facit, magnificus minimè

minimè dicitur : ut id, Mendico panem poscenti sæpe ferebam: sed qui in magnis. nam qui est magnificus, liberalis etiam continuo est: liberalis autem, non continuo magnificus. Huius uerò habitus defectus paruificentia seu paruidecentia, excessus decori imperitia & ineptitudo quædam operaria appellatur. & eiusmodi ceteri habitus, qui non excedunt magnitudine circa quæ oportet: sed in quibus non oportet, & sicut non oportet, splendorem affestant. Verùm de his posterius dicemus. Magnificus autem seu magnidecens esse scienti similis uidetur: quippe qui & quod decet contemplari, & magnos consonè facere sumptus possit. quemadmodum enim in principio diximus, habitus operationibus definitur, & iis quorum habitus est: magnifici uerò sumptus, & magni sunt, & decentes: talia igitur erunt etiam opera. ita enim fiet, ut sumptus, & magnus, & operi decorus euadat: ut & opus sumptu, & sumptum opere dignum esse oportet, vel etiam sumptum excedere. Atque huiusmodi sumptus magnificus honestatis causa faciet: commune enim hoc est uirtutibus: iucundè etiam & largè: eò quòd nimis exacta ratio paruifici est: considerabitque magis quomodo pulcherrimum ac decentissimum opus efficiatur, quàm quanti constet, quomodoque fieri minimo precio possit. Necesse uerò est, ut magnificus sit, etiam liberalis. nam & liberalis expendet, & quæ oportet, & sicut oportet. in his tamen quod est magnum, magnifici est: ut magnitudo. Si circa eadem liberalitas sit, etiã ab æquali sumptu opus magnificentius faciet. non enim eadem & possessionis &

operis uirtus est. nam possessio antepōnitur, quæ est dignissima ac preciosissima : opus, quod magnum & pulchrum est. talis enim rei spectatio est admirabilis. quod autē est magnificum, est admirabile: operisq; magnificentia, uirtus in magnitudine est. Ex impēis autem quas honorabiles dicimus, illæ sunt, quæ ad Deorū donaria, ædificationes, & sacrificia pertinet: quæq; ad omne denique geniorum numem spectant. quæ item ad publicam munificentiam gloriosæ sunt: ut, sicubi vel ludorum edendorum, vel triremium extruendarum, vel epuli ciuitati exhibendi splendide gerendam præfecturam existimant. In omnibus autem, sicut dictum est, ad agentem quoq; haberi relatio debet, quisnam, & ex quibus facultatibus agat. digni enim his esse sumptus debent, & non solum operi, verum etiam facienti decenter esse accommodari. Atque ideo pauper nequaquam esse magnificus potest, cum ea non habeat, ex quibus sumptus decenter faciat. nam qui id aggreditur, stultus est: præter dignitatem enim ager, præterque id quod oportet. id autem secundum uirtutem est, quod rectè fit. Decent etiam eos huiusmodi sumptus, quibus tale aliquid præcessit, vel ab ipsis factū, vel à maioribus, uel ab ijs qui ad ipsos pertinent: nobiles item, & illustres, & qui sunt huiusmodi. omnia nanque hæc magnitudinem in se habent & dignitatem. Ac maxime quidem talis magnificus est, in talibusque impensis magnificentia, sicut dictum est, versatur: quippe quæ & maximæ sint, & honorificentissimæ. Sed ex priuatis tamen etiam illæ ad magnificū spectant, quæ semel fieri consueuerunt: ut nuptiæ, & siquid tale est: & si alicui rei uel tota ciuitas studet,

Adet, uel qui in dignitate constituti sunt: quæ etiam ad hospitum susceptiones, & dimissiones attinent, ad munera item & remunerationes. non enim magnificus in suum, sed in publicum decus sumptuosus est. munera autem quandam cum templorum donariis habent similitudinem. Magnifici etiam est, ita ædes extruere, ut diuitiis cōueniant: quippe cū etiam hoc ornamentum quoddam sit, & in ea opera sumptus magis facere, quæ sunt magis diuturna: pulcherrima enim hæc sunt, & in singulis decorum seruare: nam non eadem sunt Diis & hominibus, aut ad templum & sepulchrum ornandum accommodata. Et quoniam unusquisque sumptus suo in genere est magnus, magnificentissimus est ille, qui in magna re est magnus. Hic verò, qui in his magnus est. estque inter magnitudinem quæ est in opere, & eam quæ est in sumptu, differentia. pila enim & lecythus pulcherrima puerilis quidem domi in se habent magnificentiam: huiusce tamen rei precium paruum est, & illiberale. atque iccirco magnifici est, ut in quocunque genere quippiam fecerit, magnificè id faciat. quod enim eiusmodi est, & superari non facile potest: & ita se habet, ut sumptus dignitas postulat. Ac magnificus quidem talis est. At qui excedit ineptusque est, sumptus faciendo supra quam deceat, excedit, sicut dictum est. in paruis enim rebus multa impendit: splendoremque absone affectat: ut qui & sodales, qui symbolum dederunt, nuptiali conuiuio excipit: & adilitatem gerens comædis in transitu purpuram exhibet, sicut Megarenses consueuerant: atque hæc omnia non honestatis, sed ostentandarum

diuitiarum causa faciet, ut inde in admirationem sui homines adducat: atque ubi multa oporteat expendere, pauca: ubi pauca, multa expendet. At paruificus in omnibus deficiet: nam & si magnos sumptus fecerit, in paruo deficiendo postea honestatem perdet: & quodcunque fecerit, cunctando faciet, spectandoque id, ut quam minimum expendat: conquereturque insuper, ac maiora quam decet, se facere omnia existimabit. Ac sunt quidem habitus hi uitia: non tamen huiusmodi, ut opprobria afferant: propterea quod neque aliis nocent, neque deformes admodum sunt.

*De magnanimitate, & eius extremis.*

*Cap. 111.*

**I**AM verò magnanimitas circa magna vel ex nomine versari videtur. circa qualia autem versetur, primum assumamus. qua in re nihil refert, habitumne ipsum, an eum, qui secundum habitum est, consideremus. Esse sanè magnanimus is videtur, qui cum magnis sit dignus, magnis quoque sese dignum esse existimat: nam qui non pro dignitate id facit, stolidus est: at uirtute præditus neque stolidus, neque stultus est quispiam. Atque est quidem magnanimus hic, quem dicimus. Qui autem paruis est dignus, eisdemque se dignum censer, temperans, non magnanimus est: quippe cum magnanimitas in magnitudine consistat, perinde ac pulchritudo in magno corpore. nam parui elegantes, & concinni, non autem pulchri dicuntur. At qui cum sit indignus, dignum se magnis putat, inflatus quidam est. non  
omnis

† a. l. mode  
stus.



omnis tamen est inflatus, qui maioribus, quàm sit, dignum se esse cēset. Qui autem minoribus dignum quàm sit, se esse arbitratur, pusillanimus est: siue magnis, siue mediocribus, siue etiā parvis dignus sit, modo minoribus dignū se esse sentiat. maximè tamen esse videretur huiusmodi, is qui magnis est dignus. nam quid fecisset, si tantis non esset dignus? Est igitur magnanimus magnitudine extremus, in eo verò quod oportet, medius: eo enim dignum se censet, quod pro dignitate est. illi autē excedunt, & deficiunt. Si autem magnis se esse dignum existimat magnanimus, dignus cum sit, & præcipuè maximis, circa vnum maximè versabitur: quod quid sit ex dignitate ipsa definiendum est. dignitas autem ad externa bona dicitur: quorum maximum id esse statueremus, quod dijs attribuímus, quodque maximè appetunt, qui in dignitate constituti sunt, quod item ob præclarissimas res dari præmium consuevit: at huiusmodi est honor: externorum enim bonorum id maximum est: circa honores igitur & ignominias ut oportet, versatur magnanimus. Quin absque ratione quoque magnanimi munus circa honorem esse apparet. magni etiam viri honore seipos dignos maximè existimat, ac pro dignitate illi quidem. sed pusillanimus deficit, tam si ad ipsum, quàm si ad magnanimi dignitatem spectemus: inflatus autem ad se solummodo, non autem ad magnanimum excedit. At magnanimus si quidem maximis est dignus, optimus quoque sit necesse est. maiori enim honore dignus est, qui est melior: maximis verò, qui est optimus, oportet igitur, ut qui magnanimus est

vera est, bonus etiam sit. esse etiam magnanimi videtur id quod in vnaquaque virtute ma-

† a. l. quòd gnum est. nulloque pacto ei conuenit, vt † sua aliquem la sione aliqua fraudulentè vtatur, ac fugiat, auferit, reus iniuste agat. cuius enim causa turpe aliquid facit.

† a. l. aliqd genter singula consideret, magnanimus si non quod la se est bonus, prorsus ridiculus videbitur. imò rit, fugia. neque honore quidem erit dignus, si sit malus.

Honor vir- quippe cum virtutis prazium sit honor, bon- turis est p- nisq; attribuitur. Videtur igitur magnanimi- tas, quasi ornamentu quoddam esse virtutum:

nam & maiores ipsas reddit, & sine ipsis esse non potest. ac propter ea re vera esse magnanimum difficile est, cum id existere sine integritate nullo modo queat. Ac maximè quidem magnanimus circa honores & ignominias versatur: ob eosq; honores, qui & magni sunt, & à probis viris exhibentur, mediocriter quidem lætabitur, utpote sibi accommodatos, vel etiam minores quàm sibi conueniat: integræ enim & absolutæ virtuti nullus honor tribui dignus potest: admittet tamen eos magnanimus à probis viris, licet inferiores sint, propterea quòd non habent illi maiores quibus aspicere ipsum valeant. sed qui à quibuslibet è vulgò hominibus, ob paruasque res exhibentur, eos prorsus contemnet: non enim est eis dignus. simili modo etiam ignominiam, quippe quæ circa ipsum iure non accadat. Maximè igitur, sicut dictum est, circa honores versatur magnanimus, nihilo minus tamen & indiuitijs, & potestatibus, & omni tam prospera quàm aduersa fortuna, quomocunque contigerit, moderatè se geret: vt neq; in pro-

speris successibus lætitia gēstiat, neque id ad-  
 uersis rebus tristitia supra modum obruatur.  
 Nam neque circa honorem quasi maxima res  
 sit, ita se gerit. potestates autem & diuitiæ ob  
 honorem expetendæ sunt: qui enim ipsas ha-  
 bent, ob eas affici honoribus uolunt. cui ve-  
 rò uel honor ipse paruus est, ei cætera quo-  
 que sunt parua. Quapropter magnanimi es-  
 se etiam contemptores videntur. Quin etiam  
 fortunæ prosperitates videntur conferre ad  
 magnanimitatem. qui enim nobiles sunt, &  
 diuites, & in potestate constituti, honore digni  
 habentur: in excellentia enim quadam sunt.  
 omne autem, quod bono aliquo excellit, est  
 honorabilius. propterea huiusmodi res ma-  
 gis reddere magnanimos homines consueue-  
 runt: nanque à quibusdam honorantur. sed  
 re vera solus bonus honorandus est. cui ta-  
 men utraque insuit, is magis habetur dignus,  
 qui honore afficiatur. Qui autem sine virtute  
 huiusmodi bona possident: neque meritò ma-  
 gnis honoribus dignos se esse arbitrantur, ne-  
 que rectè magnanimi dicuntur: quippe cū  
 hæc absque integra atque absoluta virtute esse  
 non possint: sed contemptores, contumeliosi,  
 atq; huiusmodi uitiiis præditi efficiuntur. non  
 facile enim fit, ut sine virtute consonè ac mo-  
 deratè prosperos rerum successus quispiam  
 ferat. dum igitur hi ferre prosperam fortunam  
 nequeunt, putantque se alios excellere, omnes  
 alios despiciunt: ipsi verò agunt quotcunque  
 fortè inciderit: imitantur enim magnanimum,  
 licet ei similes minimè sint. atque id faciunt in  
 quibus possunt: quæ enim ex virtute sunt, ea  
 non agunt, sed contemnunt alios. At magna-  
 nimus

## 94 Moral. Nicomachiorum

nimus iure ac merito contemnit: nam verè opinatur. pleriq; alij autem ita vt fortè incidit. Neq; verò aut † paruipericitans, aut frequentis periclitans, propterea quòd pauca sunt, quæ magnificat: sed magnipericitans est. & cum periclitatur, vitæ suæ non parcit, quasi dignum omnino non sit ei viuere. Talisque est, vt afficiat beneficijs alios, ipse affici erubescat. excellētis enim illud est: hoc eius, qui excellitur. estq; eiusmodi, vt plura retribuat. ita enim fiet, vt qui prior contulerit beneficium, insuper debeat, beneficiumq; accepisse videatur. Meminisse præterea eorum videntur, quibus benignè fecerint: eorum autem à quibus acceperint minime. quippe cum is, qui acceperit, minor sit eo qui beneficium contulerit: ipsi autem velint esse superiores: vnde etiam illa iucundè, hæc iniucundè audire consueuerunt. Atq; iccirco neque Theris beneficia Ioui dicitur commemorare: neq; Lacedæmonij ad Athenienses: sed tantummodo ea, quibus fuerant affecti. Magnanimi quoque est † à nemine quippiam, aut vix tandem petere, sed promptè alijs ministrare: præstareq; se apud eos qui in dignitate sunt, præclaraque fortuna vtuntur, magnum: apud mediocris sortis homines mediocrem: eò quòd illos superare difficile, atque egregium, hos facile est. & inter illos gloriari est à generoso animo minime alienum, inter humiles verò inuidiosum: quemadmodum inter imbecillos † viribus non contendere. Neque ad honoratas res accedere, aut ubi alij principatum obtinent: ociosumq; esse ac cunctatorem, nisi ubi magnus aliquis honor, magnumque opus est: paucasque res agendas, sed magnas eas ac celebres

† a. l. frequē  
ti pericli-  
tans, aut li  
benti peri-  
clitans.

† a. l. nemi-  
ne indige  
re.

† a. l. viri-  
bus conten-  
dere.

lebres aggredi. Necessè etiā est, ut apertè tam odium quàm amorem prae se ferat: latere enim uelle, timentis hominis est. Maioremque curam ueritatis, quàm opinionis habeat: dicatque & agat omnia apertè: id enim est contemptoris. ideo liberior in loquendo est: est enim etiā eius, qui liberior in loquendo sit. vnde est & contemptor, & verax, nisi ubi per dissimulationem loquitur. dissimulatione autem utitur ad multitudinem. Magnanimi quoque proprium id est, ut viuere ad alterius arbitrium non possit, nisi ad amici: est enim seruale. vnde etiam omnes adulescentes famularij: & humiles homines adulescentes sunt. Adde quòd neque est admirator. nihil enim magnum ipsi est, neque iniuriarum memor: quippe cum magnanimi non sit meminisse, & praesertim malorum, sed ea potius despicere. Neque hominiloquus: neque enim aut de se, aut de altero quippiam dicet. neque ut vel ipse laudetur, vel alij vituperentur, curat. sed neque est laudator: atque ideo fit, ut neque maledicus, ne in inimicos quidem, nisi ob contumeliam sit. De necessarijs item, aut paruis minimè est querulus, aut precabundus: ita enim se gerere eius hominis est, qui circa hæc studeat. eiusmodi præterea est, ut honesta potius & infructuosa, quàm fructuosa & vilia acquirat, & possideat: est enim eius, qui ex se sufficiat. Quin etiam & motus ipse magnanimi esse tardus videtur, & vox grauis, & loquutio stabilis. nam neque qui circa pauca studet, est festinabundus: neque qui nihil magnum existimat, contentus & vehemens. acuta autem vox, & celeritas ex his efficitur. Ac talis quidem magnanimus est. Qui autem deficit, pusilla-

pusillanimus: qui excedit, inflatus est. sed neq;  
 hi tamen mali, non enim malefici sunt: sed esse  
 peccantes videntur. pusillanimus enim, cum bō  
 nis dignus sit, seipsum ijs ipsis priuat, quibus  
 est dignus: videturq; prauum quoddam in eo  
 habere, quod & bonis dignum se non esse exi-  
 stimat, & seipsum etiam ignorat. alioqui cum  
 bona sint, quibus est dignus, ea proculdubio ap-  
 peteret. Non tamen huiusmodi homines stoli-  
 di, sed esse † intelligentes potius videntur: ta-  
 lisque opinio peiores etiam ipsos reddit. singu-  
 li enim ea quæ dignitati suæ conueniunt, appe-  
 tere consueuerunt. adde quod & ab honestis a-  
 ctionibus & studijs quasi sint indigni, & ab ex-  
 ternis quoque bonis simili modo abstinēt. At  
 inflati stolidi sunt, seque ipsos ignorant, atq; id  
 palā: quasi enim sint digni, honorabiles res ag-  
 grediuntur, deinde redarguuntur: vestitusque  
 etiam, & habitu, atq; huiusmodi rebus ornan-  
 tur: prosperasque fortunas suas esse manifestas  
 volunt: de ipsisq; prædicant, quasi ob eas hono-  
 res sint consequuturi. Magnanimitati autē pu-  
 sillanimitas magis est opposita, quàm inflatio:  
 quippe quæ & magis contingat, & peior sit. Ma-  
 gnanimitas igitur circa honorem magnum, si-  
 cut dictum est, versatur.

*De moderato honoris studio, & eius extremis.*

*Cap. 1111.*

**C**irca honorem autem esse quædam alia vir-  
 tus etiā videtur, ut superius diximus, quæ  
 magnanimitati ita respondet, ut magnifi-  
 centiæ liberalitas: illæ enim utraq; sicut à ma-  
 gnis abstinēt, sic in mediocribus & paruis nos ut  
 oportet



oportet, afficiunt, ac disponūt. Quemadmodum autem in datione & acceptione pecuniarum & mediocritas est & excessus & defectus: ita quoque in honoris appetitione licet & magis quàm oportet & minus, & vnde oportet, & ut oportet, unumquenq; se gerere. nam & ambitiosum uituperamus, quippe qui & magis quàm oportet, & unde non oportet, honorem affectet: & inambitosum, eò quòd ne ob honesta quidem facta honore affici uelit. Interdum tamen fit, ut uel ambitiosum quasi uirilè & elegantè, uel inambitosum quasi modestum & temperantè laude prosequamur, ut superioribus in libris dictum iam est. Perspicuum autem est, cum pluribus modis talis cuiusdam rei studiosus & cupidus aliquis dicatur, non semper nos ad idem honoris cupidum, id est ambitiosum referre: sed cum laudamus, ad id quòd magis quàm plerique è vulgo: cum uituperemus ad id quòd magis quàm oporteat, honores ipsos appetat. Quia uerò nomine uacat mediocritas, fit, ut de ea quasi deserta sede extrema decerent. Verùm in quibus est excessus & defectus, ibidem quoque esse medium necesse est. appetunt autem honores & magis & minus: ergo etiam ut oportet. Laudatur igitur hinc habitus, quæ est circa honorem nomine uacans mediocritas: quæ sit è si ambitioni comparetur, inambitositas: si inambitositati, ambitiositas: si utrisque, utraque esse quodammodo uidetur. Id quod etiam circa alias uirtutes est. Extremi autem hinc uidentur inter se opponi, proterea quòd † medium nullum nomen † sortitum est.

† a. l. medius.  
† sortitus.

## 98 Moral. Nicomachiorum

*De mansuetudine, eiusque extremis.**Cap. V.*

**I**Am verò mansuetudo circa iram mediocritas est. nam cum nomine hac in re careat mediū, & ferè etiam extrema, ad medium mansuetudinem ipsam referimus: licet ad defectum, qui nomen non habet, declinare magis videatur. at excessus iracundia quædam dici potest: nam affectus est ira, quam quæ efficiunt, sunt multa & diuersa. Qui igitur ob quæ oportet, & quibus oportet irascitur, adde etiam quo modo, & quando, & quousque debet, laudatur: esseque is mansuetus potest: quippe cum mansuetudo ipsa laude afficiatur. Mansuetus enim ille est, qui perturbatione uacat, & ab affectu minimè ducitur; sed quemadmodū ratio ipsa statuerit, ita & ob id, & tam diu succenset: peccareque potius uidetur in defectu: quippe qui non ad ultionem, sed ad ueniam dandam promptior sit. At defectus, siue iræ uacuitas quædam sit, siue quippiam aliud, uituperatur: nam qui & ob quæ oportet, & sicut oportet, & quando, & in quos oportet, non irascuntur; hi profectò esse stolidi videntur. qui enim non irascitur, neque videtur sentire, neque dolore affici, neque esse idoneus ad ulciscendum. Ad tolerare si lacefferis, pati quæ ut tui contumelia afficiantur, seruire profectò est. Excessus verò secundum omnes quidem modos fit: nam & in quos non oportet, & ob quæ non oportet, & magis item, & citius, & diutius quàm oportet, exstat: non tamen ita, ut uniuersa eidem insint: non enim id potest. nam malum etiam seipsum perdit: & si integrum sit, intolerabile euadit. Iracundi igitur citò quidem irascun-

*Ira defectus quo paucis vituperabilis.*

*Malum etiam seipsum perdit.*

irascuntur, & quibus non debent, & ob quæ non  
 debent, & magis quàm oportet: sed, quod opti-  
 mum in se habent, citò etiam desistunt. hoc au-  
 tem ipsis propterea euenit, quia iram minimè  
 continent, sed reddūt. unde ob celeritatem ma-  
 nifesti sunt, deinde cessant. supra modum au-  
 tem celeres sunt, & ad omnes res & quacunque  
 de causâ iracundi, ij qui sunt excandescences &  
 summè biliosi. vnde nomen etiam habent. Acer-  
 bi uerò difficulter reconciliantur, & longo tem-  
 pore irascuntur. continent enim iram, & non  
 nisi ubi reddiderint, cessant: nam ultio his iram  
 sedat, dum uoluptatem loco doloris inducit:  
 quod quousque non euenit, grauatum animum  
 habent. quia uerò id non est manifestum, neque  
 suauione apud eos utitur quispiam: & ipsi se-  
 cum iram concoquere non nisi mora quadam  
 temporis possunt. suntque huiusmodi homines  
 tum sibi ipsi molestissimi, tum ijs qui maximè  
 ipsis sunt amici. Infestos autem eos dicimus,  
 qui & ob quæ non debent, & magis item quàm  
 debent, & diutius succensent: & placari sine  
 ultione † vel etiam punitione non possunt. At † a. l. & pñ-  
 uerò māsuetudini excessum magis opponimus: *atione.*  
 quippe cū & magis fiat: humanum enim ma-  
 gis est uindictam sumere: & ad conuietum ho-  
 minum infesti etiam peiores sint. Quod autem  
 rum in superioribus etiam libris diximus, tum  
 ex ijs, quæ dicuntur, satis constat, quomodo,  
 quibus, ob quæ, quanto tempore irascendum  
 sit, quousque item aliquis progrediens uel rectè  
 facturus sit, uel peccaturus, non est facile defini-  
 re. qui enim paululum transgreditur, non uicu-  
 peratur, siue ad nimium, siue ad parum defle-  
 xerit: imò interdum & eos qui deficiunt, lau-  
 damus,

*Qui perū  
 transgredi-  
 tur, non ui-  
 cuperatur.*

damus, mansuetosque appellamus; & eos qui infesti sunt, tanquam ad imperandum idoneos, uiriles nuncupare consueuimus. Quantum igitur, & quomodo quispiam transgressus sit uituperandus, statui ratione non facile potest: in particularibus enim & sensu iudicium est. Veruntamen illud satis perspicuum est, sicut medium habitum, quo efficitur, ut & quibus oportet, irascamur, & ob quæ, & quomodo oportet, & secundum cætera omnia huiusmodi, esse laudandum: ita excessum & defectum, si parum quidem peccant, parum: si paulò amplius, magis: si multum, uehementer esse uituperandos. ex quo efficitur, ut medium habitum consecretandum esse manifestum sit. Atque hæc de habitibus, qui circa iram existunt, dicta sufficiant.

*De comitate, & eius extremis. Cap. VI.*

**A**T in congressionibus quoque & conuictu, sermonumque & negociorum communitate esse alij placidi & obsequiosi uidentur, qui omnia in gratiâ laudant, nullaque in re aduersantur: sed minimè molestos existimant se esse oportere ijs, quibus cum habent consuetudinem. alij econtrario in omnibus aduersantur, nullamque sibi habendam rationem putant, ne molesti sint: qui morosi & litigiosi nuncupatur. Verùm sicut hos utrosque habitus esse uituperabiles: ita medium esse laudabilem constat, quo uidelicet efficitur, ut unusquisque & quæ oportet, & sicut oportet, uel admittat, uel grauâtè ferat. Nomen tamen huic medio nullum impositum est: sed amicitia maximè similis uidetur. talis enim est qui habitu hoc medio est  
pradi-

præditus, qualem modestum ac probum amicum esse uolumus: si id uidelicet assumpserit, ut diligat: nam ab amicitia in eo differt, quod est sine affectu diligendi eos quibuscum uersatur. non enim quia uel amat, uel odit, suscipit singula ut debet, sed quia est talis: quippe cum idē facturus sit tam apud notos, quàm ignotos: tam apud familiares, quàm eos, quibus cum nulla familiaritas intercesserit. vbique tamen prout singulis conueniet. non enim perinde familiares atque externos aut studio prosequi, aut dolore afficere nos conuenit. In uniuersum igitur dictum est in congressionibus hunc ut oportet, se esse gesturum. spectans autem ad honestatem & utilitatem id attender, ut dolorem non afferat, uel collatificet & obsequatur. uidetur enim circa voluptates, doloresque eos uersari, qui in congressionibus existunt: in quibus si uel non honestum ipsi fuerit, uel damnosum etiam obsequi, id minimè faciet, sed grauati se geret, potiusque esse molestus uolet. si item obsequiū facienti aut dedecus, atque id non paruum, aut damnum, aduersario autem dolorem paruum allatura sit, non admittet, sed agrè feret ac repudiabit. diuerso autem modo cum ijs qui in dignitate constituti sunt, & priuatis, cum magis item & minus familiaribus, ceterisque diuersi inter se generis hominibus congressiones faciet: singulisque id quod decet, attribuet, ac collatificare quidem per se eliger, cauebitque contristare. sed euenientia tamen ipsa si maiora fuerint; honestatem inquam & utilitatem consequetur: uoluptatisque causa magna, quæ postea subsequutura sit, paruum dolorem afferre non uerebitur. Ac medijs quidem talis est, nomenq;

## 102. Moral. Nicomachiorum

non habet. Qui autem obsequitur, si nulla alia de causa id facit, nisi ut iucundus sit, placidus est & obsequiosus: si ut emolumentum aliquod adipiscatur, atque id uel pecunijs, uel ijs rebus, quæ pecunijs comparantur, adulator. at eum qui omnia moleste accipit, esse morosum & litigiosum iam diximus. quia uerò medium caret nomine, inter sese extrema ipsa opponi uidentur.

*De ueracitate, & eius extremis. Cap. VII.*

**C**irca eadem ferè etiam arrogantia mediocritas uersatur: quæ quidem etiam ipsa nomen non habet. non ab re autem erit, ut de his quoque differamus. nam & singula pertractando melius quæ ad mores spectant, percipere poterimus: & uirtutes esse mediocritates tunc demum credemus, ubi in omnibus id ita se habere perspexerimus. In conuiuendo igitur qui cum voluptate & dolore congressiones faciunt, dicti iam sunt. nunc de ueracibus & mentientibus, atque id tam uerbis, quàm actionibus & fictione dicendum est. Arrogans quidem est is, qui illustria quædam vel quæ non habet, uel maiora quàm habeat, fingit, ac sibi vendicat: dissimulatur contra, qui quæ sibi insunt uel negat, uel diminuit. At medius cum sit ipse ille qui est, & ita uita quàm uerbis uerax, ea ipsa planè quæ sibi insunt, neque maiora, neque minora esse confitetur. Atque horum unumquodque potest & aliter per se prauius & nullius rei causa fieri. qualis autem unusquisque est, talis etiam, nisi alicuius rei causa faciat, & agit & dicit: nec non ita uitam quoque suam omnem instituit, ac per se quidem mendacium prauum est & uituperatione dignum, verum

*Qualis est unusquisque, talia etiam agit, & dicit.*

*Mendacium per se prauum & uituperatione dignum est.*



verum honestum & laudabile. iccirco fit, ut verax ipse qui est medius, laudem mereatur: mentientes autem vituperio efficiendi sint: utriq; illi quidē, sed magis tamen arrogās. Sed de virisq; his iam dicamus: ac prius de ueraci. non enim de eo intelligi volumus, qui in passionibus verum dicit, atque ijs, quę ad iniustitiam uel iustitiam spectant: id enim est alterius uirtutis: sed de eo, qui licet nihil huiusmodi intersit, & uita & uerbis propterea uerum dicit, quia talis ex habitu est: qui sanē, cum sit huiusmodi, meritō esse probus uidetur. qui enim ueritatis est studiosus, & ubi nihil refert, uerum dicit: multo magis ubi refert, id faciet. ubi enim turpe est mendacium, cauebit profectō quod per se etiam euitabat. Talis autem est laudabilis. licet magis ad id declinet, quod uero minus est. nam quia inuidiosæ sunt nimis excellentiæ, id esse moderatius uidetur, atq; aptius. Qui autem maiora quàm habeat, fingit, si id nullius rei causa facit, prauo quidem similis est: alioqui enim minimē gauderet mendacio: uanus tamē potius uidetur, quàm malus. Sin alicuius causa, aut gloriæ & honoris: atque is non admodum est uituperabilis, sicut arrogans: aut argenti, eorumque, quæ ad argentum pertinent, qui deformior est. At arrogans non in potestate, sed in electione consistit: ex habitu enim & quia est talis, arrogans est. Quē admodum etiam mendax, alter est, qui mendacio ipso gaudet: alter, qui vel gloriam uel lucrum appetit. Qui igitur gloriæ causa arroganter se gerunt, eiusmodi res simulant, ob quas laudari, felicesque prædicari homines consueuerunt: qui lucri, eas quarum fruitione alij oblectantur: quęq; etiam si non adsint, latere facile possunt:

ut medicum esse, aut uatem, aut sapientem, atq;  
 iccirco plerique huiusmodi res sibi fingunt atq;  
 arrogant: quippe cum in ipsi ea sint, quæ dixi-  
 mus. At dissimulatores minus quam sit dicen-  
 tes, moribus esse elegantiores uidetur. apparet  
 enim eos non quæstus gratia id facere, sed ut  
 euitent importunitatē, ac fastum. atq; hi quoq;  
 maximē illustria & clara solent recusare: quem-  
 admodum etiam Socrates faciebat. Qui autem  
 parua & manifesta dissimulant, † uersutē deli-  
 cati dicuntur, & contemnendi sunt. Adde, quòd  
 hæc arrogantia interdum uidetur: ut Lacedæ-  
 moniorum uestitus. nam tam excessus, quàm  
 nimius defectus ad arrogantiam spectat. qui  
 uerò moderatē dissimulationem utuntur, eaque  
 dissimulant, quæ non nimis sunt aperta, eaque  
 ante oculos posita, elegantes uidentur. Ac ue-  
 raci quidem arrogans magis opponitur: peior  
 enim est.

† a. l. uersu-  
 to gloriosi.

*De facetudine, & eius extremis. Cap. VII.*

**C**um autem in uita requies etiam quædam  
 sit, in qua homines ioco utantur: uidetur  
 etiā hîc esse congressio quædam moderata  
 & dicendi ea quæ oportet, & ut oportet, & au-  
 diendi. differentia quoque in eo erit, ut & inter  
 tales quosdam dicamus, & tales audiamus. Cir-  
 ca quæ excessum etiam esse mediū, & defectum  
 perspicuum est. Qui igitur ridiculis excedunt,  
 scurræ esse, atque importuni uidentur: qui ridi-  
 cula penitus affectant, adeo ut studeant potius  
 risum mouere, quàm honestè loqui, doloreque  
 eum non afficere quem caillantur. Qui autem  
 neque ipsi quicquam ridiculi dicunt, neq; alios  
 dicen-

dicentes æquo animo patiuntur, rustici & duri  
sunt. At qui aptè ac moderatè iocantur, faceti  
ac versatiles dicuntur, quasi ad versionem apti:  
morum enim huiusmodi esse videntur mo-  
tiones: atque vt corpora, ita etiam mores ex *Vt corpora,*  
motionibus iudicantur. Quoniàm verò ridicu- *ita etiã mo-*  
lum admodum redundat, & plerique sunt, qui *res ex mo-*  
iocis delectantur & cauillis magis quàm deceat *tionibus in-*  
effectū est, vt scurræ quasi elegantes faceri nun- *dicantur.*  
cupentur: quos tamen differre ab elegantibus,  
ac non parum quidem ex ijs, quæ diximus, ma-  
nifestum est. Huic autem medio habitui con-  
gruit etiam vrbalitas seu dexteritas. vrbani ve-  
rò est, ac dexteri hominis talia dicere & audire,  
qualia probo atque ingenuo conueniunt.  
Quædam enim sunt, quæ & ioco dicere & au-  
dire talem hominem decet: & ingenui homi-  
nis iocus à seruilis, & item eruditi ab ineruditi  
ioco distat. Id quod ex comœdijs veteribus &  
nouis, licet vnicuique perspicere: illis enim  
verborum obscœnitas, his obscœnitaris suspitio  
tantum risum faciebat. Hæc autem in honestate  
non paruam habent differentiam. Verum igitur  
ea re definiendus est aptus cauillator, quod  
ea dicat quæ ingenuum hominem decet, an  
quod molestia non afficiat audientem, aut etiam  
oblectetur? An hoc quoque nullam certam  
definitionem admittit, aliud enim alij &  
odiosum & iucundum esse consuevit: quocirca  
taliam etiam audiet: nam quæ quisque audire pa-  
titur, eadem quoque facere videtur. sed non  
omnia faciet: cauillum enim conuicium quod-  
dam est. legum latores autem, cum nonnulla  
conuicia prohibeant, debebant fortasse cauilla  
etiam vetare. Elegans igitur & ingenuus quasi

sibi ipse lex sit, ita se geret. ac talis quidem medius est, siue urbanus & dexter, siue facetus appellandus sit. Scurra autem cum superetur ridiculis, neque sibi neque alijs parcat, modò risum moueat: eaque dicit, quorum nihil elegans diceret, nonnulla autem ne audiret quidem. At rusticus est ad huiusmodi consuetudines ineptus: cum enim nihil ipse conferat, omnia ægrè accipit. Ac requies sanè & iocus in vita esse necessaria videntur. Tres igitur hæ, quas diximus mediocritates, in vita sunt: quæ in verborum omnes, actionumq; quaturdam communitate versantur: in quibus illud interest, quòd vna circa veritatē, reliquæ circa iucunditatem consistunt: ex ijs verò quæ circa voluptatē sunt, altera in iocis, altera in reliquis vitæ congregationibus locum habet.

*De verecundia.**Cap. I X.*

**D**E verecundia autem quasi de virtute aliqua dicendum non est: affectus enim magis esse quàm habitus videtur: quippe quæ timor quidam infamiz esse definiatur, existatq; non secus ac timor, qui circa res terribiles accidit. Rubescunt siquidem qui pudore afficiuntur: qui mortē timent, pallent: ut corporalia utraq; esse videantur: id quod affectionis magis quàm habitus est. At non omni ætati affectus hic conuenit, sed iuuenili tantum. nam qui ea sunt ætate, oportere esse verecundos existimamus: propterea quòd cum ex perturbatione viuant, ob idque in multis peccent, à verecundia peccare prohibentur. ac iuuenes quidem, qui verecundi sunt, laudamus: seniore[m] quòd sit pudibundus, laudauerit

laudauerit nemo. nihil enim cum quicquam agere debere censemus, in quo pudor consistat, nam pudor probi viri esse nullo pacto potest, cum ob malas res exoriatur. neque enim agendæ res eiusmodi sunt. Quod si alia sunt re vera turpia, alia opinione, nihil refert. neutra enim agi debent. Quare minimè est erubescendum: prauis nanque hominis est, esse eiusmodi, ut turpe aliquid agat, ita verò esse affectum, ut si turpe quid egeris erubescas, ac propterea probum te esse existimare, absurdum planè est. nam ex ijs, quæ spontè agimus, verecundia existit: probus autem vir spontè nunquàm malè aget. Quocirca verecundia ex conditione probata res est. si enim ageret, erubesceret: at hoc circa virtutes minimè contingit, si verò impudentia malum est, & cum quis turpia agere non verecundatur, nihilo magis bonum est existimandum, cum quis turpia agendo erubescit.

Sed neque continentia, virtus est,

sed quoddam aliud mistum,

de qua posteriùs pertra-

ctabimus. Nunc de

iustitia dica-

mus.

ARISTO-

# ARISTOTELIS MORALIVM

NICOMACHIO-  
RVM,

LIBER QVINTVS.  
SYMMAE LIBRI.

*De iustitia & iniustitia. De iure, & iniuria : ac  
ipsorum speciebus. De aequitate, & aequo.*

*De iustitia & iniustitia, & modis iniusti.  
Cap. I.*



**D**E iustitia & iniustitia consyde-  
randum est, circa quales actio-  
nes versentur, qualis itē sit me-  
diocritas iustitia : & ius etiam  
quorum sit mediū . Hæc autem  
cōsyderatio eadem docendi via  
progrediatur, qua vñ in superio-  
ribus etiā fuimus . Videmus igitur omnes eius-  
modi habitū appellare iustitiam solere, ex quo  
ad agendas res iustas homines idonei efficiun-  
tur: ex quo item iuste agunt, voluntq; iusta; in-  
iustitiam quoque simili modo, ex quo iniuste  
agunt. & volunt iniusta . Idcirco etiam à nobis  
vt in figura hæc statuuntur. Neq; enim in scien-  
tijs & facultatibus & in habitibus idem est mo-  
dus. nam facultas & scientia eadem cū sit, es-  
se contrariorum videtur. habitus autem contra-  
rius



rius contrariorum esse nullo modo potest, verbi causa, ex sanitate contraria minimè aguntur, sed salubria tantummodo: quippe cum sanè quempiam incedere dicamus, cum ita incedit, ut sanus. Sæpe quidem contrarius habitus ex contrario, sæpe item idem habitus ex subiectis sibi rebus agnoscitur: nam & si bona corporis habitudo fuerit nota, mala quoque habitudo innotescet: & ex benè habitis corporibus bona habitudo, & ex bona habitudine vicissim corpora ipsa quæ benè affecta sunt, fiunt manifesta: si enim bona habitudo carnis densitas est, necesse est, ut & mala habitudo raritas sit: & quod bona habitudine est affectum, spissitudinem in carne efficiat. Sequitur autem plerumque, ut si vnum multis modis dicitur, alterum quoque dicatur: ut si ius, etiam iniuria. Iustitia autem & iniustitia dici pluribus modis videtur: sed quia proxima ipsarum cognominatio est, latet, nec sicut in ijs, quæ procul distant, magis apparet. magna enim in forma differentia est, ut clauem æquiucè dici manifestum est, & eam quæ collo animalium subiacet, & eam qua fores clauduntur. Sed sumamus quot modis iniustus dicatur. Videtur igitur iniustus is esse qui & illegitimus, & pluri usurpator, & iniquus est: quare iustum quoque esse & legitimum & æquum patebit. Ius ergo etiam ipsum legitimum, & æquum erit: iniuria contra illegitima & iniqua. Nam quia iniustus etiam est pluri usurpator, circa bona non omnia versabitur: sed circa ea tantum, in quibus fortuna prosperitas & aduersitas consistit, quæ semper quidem absolutè ac simpliciter bona sunt, quibusdam tamen non semper bona euadunt: homines autem ea optant, ac per-

## 110 Moral.Nicomachiorum

ac persequantur. At non opus est. optare enim deberent, ut quæ simpliciter sunt bona, sibiipsis quoque bona essent: & eligere ea quæ sibiipsis bona sunt. Quanquam iniustus non semper plus, sed in ijs, quæ simpliciter mala sunt, minus etiam eligit; sed quia minus de malis esse quodammodo bonum videtur, in bonis autem est plurijs usurpatio: propterea plurijs esse usurpator videtur, est item iniquus. hoc enim continet, & commune est: nec non illegitimus, hoc est legum transgressio, id est iniquitas omnem iniustitiam continet: estque omni iniustitiæ commune. Quoniam autem illegitimus iniustus, legitimus vero iustus est: omnia legitima esse quodammodo iusta perspicuum est. nam quæ sunt à legumlatrice facultate definita, ea legitima sunt: quorum singula iusta esse affirmamus: leges autem de omnibus præscribunt, ea spectantes quæ vel communiter omnibus conferunt, vel optimis quibusque, vel principalibus, qui scilicet aut virtute, aut tali aliquo modo huiusmodi fuerint: atque ita vno quidem modo ea iusta dicimus, quæ felicitatem eiusque partes civili societati & efficiunt, & conseruant. Quia etiam lex præcipit & id quod fortis viri opus est, ut non deserre ordines, non fugere, non abijcere arma: & id quod est temperantis, ut non committere adulterium, non contumeliosè se gerere: & id quod est mansueti, ut non uerberare, non maledicere: simili modo quoque secundum alias uirtutes & vitia alia iubet, alia prohibet: ac recta quidem lex est, quæ rectè: mala, quæ tumultuarè posita est. Atque hæc quidem iustitia uirtus perfecta est, non absolute tamen, sed ad alterum, ut propterstantissima, ea sæpe iustitia uirtutum præstantissima esse uideatur,

*Iustitia uirtus  
tutissima.*

deatur: & neq; hesperus, neq; lucifer sit adeò admirabilis. adde q̃ in prouerbiū dicimus,

*Iustitia in se virtutes complectitur omnes.*

Ac perfectā quidem maximè est, quia perfectā uirtutis est usus: perfectā autem, quia qui eam habet, non solum secum, sed cum altero etiam uirtute uti potest. Multi enim sunt, qui in priuatis rebus uirtute uti possunt: in ceteris quæ ad alium spectant, non possunt, unde rectè illud Biantis dictum uidetur: Principatus uirū ostendet, quippe cum ad alterum iam, & in societate princeps uersetur. Ob id quoque ipsum iustitia sola ex omnibus uirtutibus esse alienum bonū uidetur, quia ad alterum spectat. agit enim ea, quæ alteri conducunt, aut principi, aut reipublicæ. Pessimus igitur est, qui & secum & cum alijs prauitate utitur: optimus autem non qui secum, sed qui cum alijs uirtutē exercet: quippe cum id difficile admodum sit. Itaque neque hæc iustitia pars uirtutis, sed integra uirtus est: neque huic opposita iniustitia pars uitij, sed integra est uitiositas. quid uerò uirtus & iustitia hæc differat, ex ijs, quæ diximus, iam patet. utraque enim eadem est: esse tamen utrarumq; non est idem: nam quatenus ad alterum spectat, iustitia: quatenus talis quidam est habitus, uirtus simpliciter est.

*Biantis dictum, Principatus uirum ostendit.*

*Quid iustitia particularis, & quadruplex.*

*Cap. I I.*

**Q**UÆRIMUS autē eam, quæ in parte uirtutis iustitia est: est. n. quādā ut dicimus. simili modo & de iniustitia eā quærimus, quæ locum partis obtinet: quæ q̃ sit, illud est argumentum, quòd qui aliqua alia prauitate operatur,

## 112 Moral. Nicomachiorum

tur, licet iniuste agat, nihil tamen amplius vsurpat, cuiusmodi exempli causa est, qui aut abijcit scutum ob ignauiam, aut aliquem ob acerbitatem maledictis insectatur, aut ob auaritiam pecunijs non iuuat. Quando autem plus vsurpat aliquis, saepe id nullo ex talibus vitijs, at neque vniuersis, sed prauitate tamē quadam agit, cum vituperetur, atq; iniustitia. Est igitur alia quaedam iniustitia, quæ tanquam pars est integræ illius & vniuersalis: item iniuria quaedam, quæ in parte consistit illius iniuriæ vniuersalis, quæ præter legem est. Adde, quod si alius lucrandi causa adulterium committat, pecuniasque accipiat, alius tribuat, damnoque afficiatur ob cupiditatem: hic intemperans magis esse videbitur quàm pluri vsurpator: ille iniustus, & non intemperans, perspicuum scilicet, propterea quod lucrandi causa id facit. Præterea alia omnia iniuste facta ad quandam prauitatem semper referuntur: vt si adulteratus sit aliquis, ad intemperantiā: si astitem in acie deseruerit, ad ignauiam: si verberauerit, ad iram. at si lucratus est quispiam, ad nullū aliud vitium redigi id, quàm ad iniustitiam potest. Quare perspicuum est esse iniustitiam quandam ab illa integra & vniuersali iniustitia diuersam, quæ locū partis obtineat, atque vniuoca sit: eò quod in eodem genere est definitio. vtriusque enim vis in eo consistit, vt ad alterum spectent: sed hæc tamen circa honorem, aut pecunias, aut salutem, aut si cuncta nomine vno possent comprehendi, circa ea omnia versatur, ob voluptatē, quæ è lucro consequitur, illa autem circa vniuersa, circa quæ etiam probus vir munus suum exercet. Esse igitur iustitias plures, atq; ex his vnā quandam  
quæ

quæ diuersa à tota & integra virtute sit, iam patet: quæ autem ea sit, & qualis, statuendum est. Definitum iam fuit iniuriam id esse quod & illegitimum, & iniquum esset: ius verò, quod & legitimum & æquum: ex illegitimo verò iniustitia prior illa, de qua diximus, existit. At quia iniquum & illegitimum non est idem, sed diuersa ita sunt, ut pars & totum; omne enim iniquum est illegitimum, non omne autem illegitimum est iniquum: & plus omne, est iniquum; non autem contrà iniquum omne plus est: efficitur, ut iniuria quoq; & iniustitia nō eadē, sed diuersa ab illis sint: atq; hæc ut partes, illa ut tota habeantur, hæc enim iniustitia vniuersæ illius iniustitiæ pars est, & iustitia iustitiæ similiter.

Quare etiam de iustitia particulari, & particulari iniustitia, de iure item & iniuria dicendum est, ea igitur quæ ex tota virtute constituta est iustitia, & iniustitia, quarū altera totius virtutis, altera totius vitiositatis vsus ad alterū est: omittatur ius quoq; & iniuria, quæ ex his dependent, quomodo definienda sint, manifestum est. Pleraque enim legitima ea scire sunt, quæ ex integra ac tota virtute præcipiuntur: nam lex secundum vnamquamque virtutem viuere iubet, secundum vnumquodq; vitium prohibet, effectricia autē totius uirtutis ea sunt legitima, quæ legibus ad publicam institutionem sancita sunt. Quæ verò ad singulorum institutionē spectant, qua absolutè vir bonus euadit, ciuili sine sit facultatis, an alterius, postea definemus. nō enim idem fortasse est virum aliquem, & ciuem omnem esse bonum. Iustitiæ igitur particularis, iurisq; eius, quod ad ipsam attinet, vna species est, quæ in distributionibus, aut honoris, aut

# 114. Moral. Nicomachiorum

pecuniarum, aut ceterarum rerum cōsistit, quæ diuidi in eos possunt, qui eiusdem ciuitatis participes sunt. in his enim euenit, ut alter alteri iniquam, uel æquam habere portionem queat: altera, quæ in commerciis hominum emēdandis uersatur. Cuius duæ sunt partes: nam ex cōmerciis alia sunt spontanea, alia inuoluntaria. spontanea eiusmodi sunt, uenditio, emptio, mutuatio, sponso, usura, depositio, conductio: atq; hæc spontanea ea de causa dicuntur, quia principium commerciorum horum spōtaneum est, ex inuoluntariis autem clādestina alia sunt, ut furtū, adulterium, ueneficium, lenocinium, seruorum seductio, dolosè perpetratum homicidium, falsa testificatio: alia uolēta, ut flagellatio, uincula, mors, rapina, mutilatio, conuiciatio, contumeliæ illatio.

*De iure distributiuo.*

*Cap. 111.*

**Q**uoniam autem & iniustus iniquus, & iniuria iniqua est, mediū quoddā esse iniuriæ perspicuū est: id autem est æquum. in quacunque enim actione est plus & minus, in eadem esse æquum necesse est. si igitur iniuria est iniqua, ius est æquum: id quod etiam absque ratione omnibus manifestū est: cum uerò æquū sit medium, ius quoque proculdubio medium quoddam erit. Est autem æquū in minimis duobus. Necesse est igitur, ut ius & medium, & æquū sit, & ad quoddam, & quibusdam, & in eo quidem, quod est medium, est aliquo um; ea autem sunt plus & minus; in eo quod est æquum, duorū in eo uerò quod ius, quibusdam, & ad quosdam.



dam. Itaq; necessario cōlequitur, vt ius in quatuor minimis versetur: nam & i, quibus ius ali quod est, duo sunt, & res duæ etiam in quibus ius ipsum consistit: eademq; & in quibus æqualitas est. sicut enim se habent ea in quibus, eodẽ modo etiam illa. nam si non sunt æquales, neq; æqualia habebunt. Inde enim pugnæ & criminationes oriri consueuerunt, cū aut æquales non æqualia, aut non æquales æqualia habent & potiuntur. Hoc autem ex eo quod pro dignitate fit, etiam patet. ius enim quod est in distributionibus, pro dignitate quadam esse oportere omnes fatentur. Dignitatem tamẽ non omnes esse eandem asserunt, sed populari statu vtentes libertatem: principatum paucorum sectantes diuitias; & nonnulli nobilitatem, qui in optimarum administratione degunt, virtutem. Ius igitur quiddam est, quod in proportionē consistit. Quod enim proportionē constat, id nō tam unitario numero, quàm numero in vniuersum proprium est: nam proportio æqualitas est rationū, in quatuorq; minimis reperitur, disiunctam sanè in quatuor consistere perspicuum est: sed & continentem nihilominus. vno enim hæc perinde ac duobus vtitur, bisq; id accipit, in hunc modū: Qualis primi respectus est ad secundum, talis secundi ad tertium: bis enim hic secundū dictum est. Quare si secundum bis positum sit, quatuor erunt ea quæ constant proportionē. Est autem etiam ius in minimis quatuor, ratioque eadem est: quippe cū disiuncta simili modo inter se ea sint & quibus, & quæ. Sicut igitur primus terminus sese habebit ad secundū, ita tertius ad quartum: igitur etiam alterna vice, sicut primus ad tertium, ita secundus ad quartum,

quare etiam totum ad totum, quod distributio-  
binatim copulat: quæ, si etiam ita composita  
fuerint, iuste copulat. Primi igitur termini cum  
tertio, & secundi cum quarto iugatio ius illud  
est, quod in distributione consistit. Ius autem est  
mediū: eius inquam quod nō præter proportio-  
nem est. quod enim proportionem constat, est  
medium: ius autem constat. Hanc verò propor-  
tionem mathematici geometricam vocant: pro-  
pterea quod in geometrica euenit, ut eandem  
totum ad totum rationem habeat, quam habet  
alterutrum ad alterutrum. Non est autem con-  
tinens hæc proportio: nō enim vnus & idem ter-  
minus efficitur, & cui & quod. Ius hoc igitur  
est id, quod proportionem constat: iniuria id, quod  
præter proportionem est, unde fit ut alteri plus,  
alteri minus exhibeatur, id quod & in actioni-  
bus ipsis contingit: qui enim iniuria afficit,  
plus; qui afficitur, minus ex bonis habet. in ma-  
lis autem contrā: quippe cum minus malum,  
si ad maius comparetur, boni locum obti-  
neat. minus enim malum magis expetendum  
est, quàm maius: at quod est expetendum, est  
bonum: & quod magis, maius. Atque hæc vna  
iuris species est.

*De iure commutatio & emendatio.*

*Cap. IIII.*


**R**eliqua verò altera iuris est emendatiui,  
quod in commercijs tum spontaneis, tum  
inuoluntarijs fit: diuersamq; à priore spe-  
ciem habet. Ius enim publicorum honorū distri-  
butiuū ea semper fit proportione, quæ dicta su-  
perius est: nam si ex pecunijs publicis faciendū  
sit distributio, eadem ratione fiet, quam habent  
inter

Inter se ea quæ fuerint contributa, iniuriæque item huic iuri opposita præter eandem est proportionem. Ius uero quod in commercijs est, est quidem æquum quoddam, & iniuria iniquum: non tamen illa constat proportionem, sed arithmetica. nihil enim refert, probusne uir malum, an malus probum suo priuarit: neque probusne an improbus adulterium commiserit: sed ad solam nocuenti differentiam lex spectat: perindeque personis utitur, ac si æquales sint, si ille iniuria afficiat, hic afficiatur: hic lædat, ille lædatur. Quare iniuriam hanc, cum sit iniqua, æquare iudex conatur. Nam cum hic percussus est, ille percussit: hic interfecit, ille autem interiiit: affectio & actio in partes non æquas diuisa est; sed de lucro detrahens iudex damno redigere ad æqualitatem eas conatur. Dicuntur enim hæc absolutè loquendo de talibus etiam rebus, licet nonnullis minimè idoneum nomen esse uideatur, ut lucrum ei qui percussit, damnum ei qui percussus est, accommodari possit. Sed ubi tamen permissio ipsa fuerit mensurata, hoc damnum, illud lucrum uocatur. Quare æquum pluris & paucioris medium est: lucrum autem & damnum est & plus & minus, contrario tamē modo. plus enim boni, & minus mali est lucrum, contrarium uero, damnum: quorum quidem medium æquum est, quod esse ius dicimus. Ius igitur emendatiuum lucri & damni medium est: unde etiam cum altercantur homines, ad iudicem confugiunt. ad iudicem autem ire est ire ad ius ipsum: quippe cum iudex nihil aliud sit, quàm ius quoddam animatum, & quærunt iudicem medium: & uocant nonnulli mediatores, quasi si medium fuerint con-

*Iudex nihil aliud est quam ius quoddam animatū.*

## 118 Moral. Nicomachiorum

sequuti; ius quoque ipsum sint consequuturi.  
 Ius igitur medium quoddam est: si quid  $m$  &  $i$   
 dex. iudex autem ad æqualitatem redigit. Et  
 quemadmodum si linea in duas inæquales par-  
 tes diuisa sit: illud quo maior pars dimidiū ex-  
 cedit, ab ea aufert, & adiungit minori: cū au-  
 tem totum æqualiter fuerit bipartitum, tum ve-  
 rò suum se habere inquit, cū æquū quisq;  
 acceperit. Aequum autem medium est pluris &  
 paucioris arithmetica proportionē: ac propter-  
 ea appellatur ius  $\delta\iota\sigma\chi\alpha\sigma\tau\acute{o}\nu$ , cō quōd  $\delta\iota\sigma\chi\alpha$ , id  
 est bisariam diuisum est: quasi  $\delta\iota\sigma\chi\alpha\sigma\tau\acute{o}\nu$ , id est  
 bipartitum dixeris: & iudex  $\delta\iota\sigma\chi\alpha\sigma\tau\acute{\eta}\varsigma$ , quasi  
 $\delta\iota\sigma\chi\alpha\sigma\tau\acute{\eta}\varsigma$ , id est bipartitor dicitur. Si enim duo  
 sint æqualia, & ab altero aliquid auferatur, &  
 addatur alteri, id duabus talibus partibus alter-  
 rum excedet: nam si dempta quidem esset una  
 pars ab altero, non adiuncta tamen alteri, vna  
 tantū parte eiusmodi excederet. efficietur igitur,  
 ut & id cui est adiunctum, una parte me-  
 dium, & medium vna similiter illud excedat, à  
 quo detractum est. Ex hoc ergo cognoscemus  
 & quid ab eo detrahendum sit, qui plus habet: &  
 quid ei qui minus habet, adiungere debeamus.  
 Id enim quo medium excedit, minus habenti  
 addendum est: id autem quo exceditur, à ma-  
 ximo est detrahendum. Sint æquales inter se  
 lineæ  $A A$ , &  $B B$ , &  $C C$ : dematurque ab  
 $A A$  pars quadam  $A E$ , & addatur ei in qua  
 est  $C C$ : efficiaturque  $C D$ . Quare tota  $D C C$   
 linea excedet  $E A$  parte ea in qua est  $C D$ :  
 & ea in qua est  $C F$ : excedet igitur etiam me-  
 diam, id est  $B B$  parte  $C D$ .



Est autem hoc in alijs quoque artibus. tollerentur enim, nisi & quod facit, & quantum & quale faceret: & quod eo afficitur, & tanto & tali afficeretur. Quin etiam nomina hæc damnum & lucrum e spontaneis contractibus videntur emersisse. cum enim quis plus habet, quam suum erat, lucrum: cum minus, quam à principio habuerat, damnum facere dicitur, in vendendo scilicet & emendo, alijsque huiusmodi, quæ legibus permittuntur. Cum autem neque plus, neque minus, sed sua cuique per se ipsa euaserint: sua ipsorum habere dicuntur, neque damnum pati, neque lucrari. Quare ius lucri cuiusdam & damni eorum est medium, quæ præter spontaneum sunt: cum æquum quisque & prius & posterius habet.

*De retaliationē, numo, & indigentia.*

*Cap. V.*

**V**idetur autem nonnullis & retaliatio ab- *Vide primo*  
solutè & simpliciter ius ipsum esse: quæ ad *Mag. Mo-*  
modum Pythagorei dicebant: ius enim *ral. ca. 14.*  
absolutè esse retaliationem definiebant, verum  
retaliatio, neque ad distributivum ius, neque ad  
emendativum accommodatur. uolunt tamen  
ipsi Rhadamanti quoque ius hoc dicere,  
*Si contra passus fuerit, quod fecerit idem.*

*h H + Iudi-*

*Iudicium planè rectum, vindictaq; fiet.*

Sæpenumero enim dissidet: ut si magistratum quis gerens percusserit, percutiendus non est. si autem magistratum gerentem quis percusserit, non solum est percutiendus, sed supplicio insuper afficiendus. adde quòd spontène an inuiti fecerimus, multum refert. Sed in communitatibus commercialibus tale ius retaliatum conseruat rem, si ex proportionè, non ex æqualitate existat. contra enim faciendo ex proportionè ciuitas continetur. Vel enim dant apertam homines ut malum reddant, alioqui esse seruitus videtur, nisi par pari referatur: vel ut bonum recipiant, alioqui nulla fiet participatio: participatione autem ciuitates consistunt ac continentur: vnde etiam Gratiarum templum obuiam statunt, ut retributio efficiatur. quippe cum id proprium Gratiarum sit: ut & ei, qui nobis gratificatus est, vicissim inferuiamus: & ipse rursus gratificando nos prouocet. Coniunctio autem quæ per diametrum fit, retributionem hanc facit, quæ constat proportionè. exempli gratia, sit ædificator, in quo statuatur A: sutor, in quo B: domus, in quo C: calceus, in quo D. oportet igitur. ut ædificator à sutore opus ipsius accipiat, & ipse suum illi tradat. Quòd si primum sit æquum ex proportionè, deinde retaliatum efficiatur, erit id quod dicimus: sin minus, æquum non erit, neq; consistet. nihil enim verat quominus opus alterius alterius opere præstabilius sit. quocirca adæquanda ea sunt. Est autem hoc in alijs quoque artibus: tollerentur enim, nisi & quod facit, & quantum & quale faceret: & quod eo afficitur, & tanto & tali afficeretur,



retur. Non enim ex duobus medicis societas fit, sed ex medico & agricola: & denique diuersis & non æqualibus. sed hi tamē adæquandi sunt. Idcirco omnia ea, quorum est permutatio, comparabilia esse quodam modo debent, ob quod numus in ulum uenit, qui quodam modo medium efficitur: metitur enim omnia: quare etiam excessum & defectum: quot scilicet calcei domui, vel alimentato æquales sint. Oportet igitur quotus est adificator, aut agricola ad sutores, tot calceos ad domum, aut alimentum æquiparari. nisi enim ita sit, nec permutatio, nec societas esse ullo modo poterit: id autem nō erit, nisi æqualia omnia quodammodo inter se sint. oportet igitur, ut vno quodam, sicut dictum est etiam prius, cuncta mensurentur. at id est re vera quidem indigentia, quæ omnia continet: nam si nulla re indigerent homines, aut non similiter, efficeretur ut vel non esset vlla omnino, vel non eadem permutatio. sed indigentia tamen loco ex pacto quasi substituitur numus. unde etiam nomisma appellatur, eò quod non natura. sed νόμος, id est, instituto *Numus.* & lege constet: in nobisq; sit eum mutare, at *Nomisma.* que inutilem reddere. Erit igitur retaliatio. cum adæquata iam singula fuerint: ut quo loco est agricola ad sutores, eodem opus sutoris ad agricolæ opus sit. Cum autem permutarint, in figuram proportionis redigere opus non est: alioqui alterum extremum utrasque haberet exuperationes. sed ubi habuerint sua quisque, ita æqui & socij efficiuntur: eò quod in ipsis fieri hæc æqualitas potest. Sit agricola A: alimentum C: sutor B: opus ipsius ad-

h H s      æqua-

# 122 Moral.Nicomachiorum

æquatum D. si autem non hoc modo fiat rēta-  
liatio, nulla erit societas.

6 agricola A ————— B futor 3

4 alimentum C ————— D calcei 4

Indigentiam verò quasi rem vnā quandā esse  
quæ contineat, illud declarat: quòd cū mutua  
ope non indiguerint, aut utriq; , aut alteri, per-  
mutationem nō faciunt: quemadmodum cū  
eo, quod quispiam habet, alijs indiguerit, ut vi-  
no, pro quo frumenti exportationē concedunt.  
id igitur adæquatum prius sit, necesse est. Sed li-  
cèt nunc non indigeat quisquam: pro futura ta-  
men permutatione quasi sponsor, si indigentia  
inciderit, eam fore, nobis intercedit numus: qui  
enim eum affert, accipiendi facultatem habeat  
necesse est. Idem tamen etiam ipsi huic contin-  
git: non enim semper equaliter potest: quāuis  
magis soleat permanere. iccirco precio cuncta  
estimata esse oportet. ita enim semper erit per-  
mutatio: at si ea fuerit, societas quoq; sit neces-  
se. Namus igitur, vtpote mediū, commensurabi-  
les inter se efficit res, atq; ita adæquat. neq; . n-  
vlla esse societas potest, nisi sit permutatio: neq;  
permutatio, nisi sit equalitas: neq; equalitas, ni-  
si etiā commensuratio sit. Ac re quidem vera fie-  
ri non potest, vt quæ ad eò inter se distant, com-  
mensurabilia efficiantur: sed pro indigentia ta-  
mē ratione satis cōmodè fit, vnum igitur quod-  
dam esse oportet, atq; id ex constitutione. vnde  
etiam nomisma, id est numus vocatur. hic enim  
est, qui commensurabilia reddit omnia. nūmo  
enim omnia mesurantur. Sit Domus A: min⁹  
decem B: lectus C: siq;ue A dimidium ad B:  
siquidem quinq; minis domus digna esse cen-

seatur, aut equalire: lectus autem, id est C decima sit pars ipsius B. patebit profectò quot lecti domui æquales euadant: nimirum quinque.

A	B	C
domus		lectus

5 ————— 10 minx ————— 1

Ita autem fieri consueuisse permutationem antè quàm numus inueniretur, perspicuum est. nihil enim interest an lecti quinque, pro domo vna exhibeantur: an tantum, quanti lecti ipsi quinque constant. Quid igitur iniuria, quid item ius sit, dictum iam est. His ita definitis perspicuum est, iustam actionem inter afficere iniuria & affici medium quoque esse: illud enim plus habere est: hoc minus. Iustitia verò non eodem modo, quo aliæ superiores uirtutes, mediocritas est: sed ob id quia medij est, iniustitia autem extremorum. Ac iustitia quidem est, qua iustus dicitur iusti operator ex electione, ac distributor tam sibi ad alterum, quàm alteri ad alterum: non ita ut expetendarum rerum maiorem partem sibi, minorem alteri exhibeat damnosarum e contrario: sed æquum ex proportionem distribuatur. & alteri ad alterum simili modo. Iniustitia autem contrà est, qua iniusti operator & distributor unusquisque dicitur. id autem excessus & defectus est vel utilis rei, vel damnosæ præter proportionem. atque ideo iniustitia excessus est & defectus, quia exuperationis & defectionis est. In se quidem exuperationis rei illius quæ absolute est utilis, & defectionis damnosæ: in alijs in vniuersum quidem similiter, quantum tamen ad id spectat, quod præter proportionem est,

## 124. Moral. Nicomachiorum

utro modo inciderit iniuste facti autem minus est iniuria affici, maius afficere. De iustitia quidem & iniustitia, quænam sit utriusque natura: de iure similiter & iniuria in uniuersum, ad hunc modum dictum iam sit.

*De iniuria & iure civili, heredi, & familiari.*

*Cap. VI.*

*Hanc pariter usque ibi, Nō est aut, vnaqua; non exponit Auer.* **Q**uoniam verò fieri potest, ut quis, licet iniuste agat, non tamen sit iniustus: quænam iniuste facta quispiam committens in iniustitia iniustus continuo esse dicendus est? furne, an adulter, an latro? an ita quidem nihil intererit? nam concumbere cum muliere quis posset non ignarus quæ cum rem habeat: non tamen ex electionis principio, sed ex affectu id faceret? qui sanè iniuste quidem agit, non tamen est iniustus, sicut necue fur, licet furatus sit: neque adulter, licet adulterium commiserit. simili modo etiam de aliis. Quomodo sanè retaliatio ad ius sese habeat, dictum iam superius est. Non est autem ignorandum id quod nunc quærimus & simpliciter ius, & civile ius esse. hoc autem est quod communionem uitæ affert, ut liberis hominibus & æqualibus necessaria sufficiant: atque id uel proportionem, uel numerum. quare quibus hoc non adest, inter eos neque ius civile esse existimandum est: sed ius quoddam, & per similitudinem. Est enim ius inter illos, quibus etiam lex est: lex autem inter eos est, in quibus est iniustitia: iudicium enim iuris & iniuriæ diiudicatio est: in quibus uerò est iniustitia, in iis quoque iniuste facere est. Non in omnibus tamen, in quibus est iniuste facere, est etiam iniustitia hoc autem est cum quis plus ex simpliciter bonis, minus ex simi-

ex simpliciter malis sibi attribuit. Propterea nō sinimus dominari hominem, sed rationem: cō quod sibi ipsi id facit, & tyrannus euadit. est autem qui dominatur, iuris ipsius custos: at si iuris, & qui etiam. Quoniam verò esse ipsi nihil amplius videtur, siquidem est iustus, non enim amplius ex simpliciter bono sibi attribuit, nisi id ipsi proportionē conueniat: ideo alteri laborat. Atq; ideo iustitiam alienum esse bonum loquunt, quemadmodum etiam prius dictum est. merces igitur quædam danda est: ea autem est honor, & donum. quibus verò hæc satis nō sunt, ij tyranni efficiuntur. At verò herile ius ac paternum idem cum his minimè est, sed simile. nullius enim erga sua simpliciter iniustitia est: possessio autem, & liberi quoad tantuli fuerint & non separati, quasi quædam vniuersusq; sunt: at sese perdere eligit nemo: vnde nullius erga se iniustitia est. igitur neq; ciuile ius, neq; iniuria erit: quippe quæ & lege existant, & inter eos, in quibus esse lex potest: hi autē erant illi, quibus & dominandi, & obtemperandi æqualitas inest. Idcirco magis erga uxorem, q̃ liberos & possessiones ius est: id enim est ius familiare: quod tamen à ciuili etiam ipsum diuer-

*Nullius erga se iniustitia est.*

*De iure naturali & legitimo. Cap. VI.*

**C**iuile autem ius aliud naturale est, aliud legitimum: naturale, quo vbicunq; eandem vim habet, & non quia vel ita videtur, vel minimè: legitimū, q̃ à principio vtrum hoc an illo modo fiat, nihil refert: vbi verò fuerit institutum, refert. ut mina captiuos redimi, ut capram

capram sacrificare, non duas oues : ea item quę de singulis sanciunt , vt Brasida sacrificare : nec non ea quę sunt decretalia . Sed nonnullis omnia esse huiusmodi videntur : quia quod est natura , immobile est , & vbique eandem vim habet : quemadmodum ignis qui & hęc & apud Persas vrit : iura verò moueri vident . At hoc non ita est , sed quodam modo . quanquā apud Deos fortasse nullo modo est : apud nos autem est quoddam etiam naturale , quod mobile sit , licet non omne : sed est tamen aliud natura , aliud non natura . Quidnā autē sit quod natura est , ex ijs quę possunt aliter sese habere : & quid nō natura , sed lege & institutione , si quidē vtrāq; mobilia simili modo sunt : perspicuum est : & in alijs quoq; eadem determinatio accommodabitur . natura enim dextra manus potior est : licet fieri possit , vt omnes ambidextri sint . Iura verò ex institutione & vtilitate similia mensuris sunt : non enim vbique sunt æquales vinarie & frumentarie mensurę , sed maiores sunt vbi emunt : vbi vendunt minores . simili modo non naturalia , sed humana iura , non eadem vbique sunt . nam neq; respublica apud omnes est eadem : sed vna tantum vbique ea est secundum naturam , quę optima est . Vnumquodque autem ius & legitimum , vt vniuersalia sese habent ad particularia . nam quę aguntur , multa sunt : illorum autem vnumquodque est vnū : vniuersale enim est . iniuste autem factum & iniuria , iustificatio item & ius inter se differunt : iniuria enim cum natura sit vel constitutione , cum sit , iniuste factum euadit : prius verò quā facta fuerit , iniuria tantummodo est . nam vbi est facta , iniuste factū dicitur . simili modo etiā

iusti-



iustificatio. Sed id tamen quod commune est, potius iuste factam: iustificatio verò iniuste facti correctio vocatur. horum autem sigillatim qualésnam & quot species sint, ac circa quæ versentur, postea considerandum est.

*De triplici nocumento, quod aliis irrogatur.*

*Cap. VIII.*

**C**Um iura uerò & iniuriæ sint ea, quæ diximus: & iniuste agit, & iuste quispiã, cum sponte agit. nam cum inuitus facit, neq; iniuste neq; iuste agere censendus est, nisi ex accidenti: accidit enim ut ea quæ agunt, vel iusta sint, vel iniusta. At iuste uel iniuste factum spontaneo & inuito definitur. Cum enim spontaneum fuerit, vituperatur: tuncq; etiã est iniuste factum. Quare fit, ut iniustum quidem esse quippiam possit, quod tamen nondum iniuste factum sit, nisi id etiam affuerit, ut sponte factum sit. Appello autem spontaneum, quemadmodum etiam prius dictum est, illud quod in sua quisque potestate situm cognoscens, neq; ignorans agit, aut quæ, aut quo, aut cuius: id est aut quem uerberet, aut qua re, aut cuius causa: & unumquodque illorum, non per accidens, neque per uim. ut si quis apprehensa manu ipsius alium uerberet: non sponte autem ipse id faciat. non est enim in ipso. fieri etiam potest, ut qui uerberatur, sit pater: ipse autem hominem eum quidem esse, aut ex presentibus aliquem sciat, patrem tamen esse ignoret. simili modo quoque de illis, quorum causa quippiam fit, definiendum est, iisque quæ ad actionem totam spectant. Quod autem ignoratur, aut non ignoratur, non est tamen in ipso: vel per uim fit: iniustum est. multa enim

ta enim ex iis, quæ sunt natura, scientes etiam agimus & patimur: quorum nihil neque spontaneum est, neque inuitum: ut fenescere, vel mori. Sed id quod per accidens fit, tam in iustis quàm in iniustis simili modo contingit. nam si erit si quis inuitus & timore inductus reddiderit depositum, is neque iusta agere, neque iuste facere dicendus est, nisi per accidens: sic pari modo qui coactus & inuitus non reddiderit, per accidens iniuria afficere, & iniusta agere est dicendus. Ex spontaneis autem alia cum electione agimus, alia sine electione. cum electione ea agimus, quæ præconsultauimus: sine electione, quæ nulla præconsultatione adhibita facimus. Verum, cum tres sint lésiones, quæ in societatibus euéniunt, quæ cum ignorance fiunt, sunt peccata, cum neque quem, neque quod, neque quo, neq; cuius causa existimauerat quispiam, ea egerit: vel enim non esse percussurum, vel non hoc, uel non hunc, uel non huius causa putauit: sed accidit id, cuius causa minimè putarat: verbi gratia, non ut uulneraret, sed ut stimularet: aut non quem, aut non sicut uolebat. Quando igitur præter rationem euenerit lésio, infortunium est: quando uerò non præter rationem, sed sine tamen uitio, peccatum. peccat enim quisque cum in se principium causæ habuerit: infortuniate egit, cum extrinsecus. At cum cognoscens quidem, sed sine tamen præconsultatione agit quispiam, iniuste factum est: ut sunt, quæ ex ira fiunt, aliisque affectibus, qui necessarij, naturalesq; hominibus accidunt. quæ in his enim laedunt, & peccant, iniuste quidem agunt, suntque hæc iniuste facta, nondum tamen iniusti ob hæc

ob hæc, neque prauī ipsī homines habentur: quippe cū lēſio ipſa ex prauitate minimē euenit. Nam cū ex electiōe lēſerit quīſpiam, tunc demum iniuſtus ac prauus eſt. Quocirca rectē ea quę ex ira fiunt, non eſſe ex prouidentia iudicantur: non enim principium aſſert, qui iratus facit, ſed qui ad iram prouocauit. Præterea neque hīc factum ſit necne; ſed iurēne, an iniuria factum ſit controuerſia eſt: ira ſiquidem apparens iniuſtitia eſt. non enim ſicut in commercijs factūne ſit, contendunt, ubi neceſſe eſt alterum prauum omnino eſſe, niſi ex obliuione id faciant: ſed de facto conſentientes, iurēne an iniuria id factum ſit, altercantur: quod qui inſidioſē fecit, minimē ignorat. quare alter iniuria ſe eſſe affectum putat, alter minimē. Si autem ex electiōe lēſerit, iniuſtē agit: & ex hiſ iam iniuſtē factis iniuſtus eſt, qui iniuriam facit: cū uel præter proportionem fuerit, aut æquū. ſimili modō etiam iuſtus eſt vnusquīſq; , cū ex electiōe iuſtē egerit. iuſtē agit autem, ſi tantūmodo ſponte agat. At ex ijs, quę inuiti agimus, alia ignoſcenda ſunt, alia minime. nam quę non modō ignorantes, ſed ex ignorantia committimus, ſunt ignoſcenda: quę uerō non ex ignorantia, ſed ignorantes facimus, ex affecto tamen neque naturali neq; humano, uenia digna minimē ſunt.

*De eo, quod eſt pati iniuriam. Cap. I X.*

**D**ubitare autem quiſquam poſſet, an ſatis de faciēda patiēdaq; iniuria definitum ſit. Ac primū an ſit id quod Euripides dixit: abſurdē inquiens,  
Ariſt. Moral. Nico. i I Quomodo

*Quomodo parentem acciderim exponam breui :*

*Volens volentem , vel nolentem non volens .*

Vtrum re. uera fieri possit , ut sponte quispiam iniuria afficiatur , necne , an omne id inuitum sit? quemadmodum iniuria afficere quoq; spontaneum totum est : an spontaneum aliud , aliud sit inuitum? Et simili modo de iustificando : iuste agere enim spontaneum totum est : ut merito utroque modo opponi debeat , & iniuria affici & iustificari : ut uel spontaneum uel inuitum utrunque esse affirmemus. Absurdum autem uideretur , si iustificari spontaneum esse totum diceremus : quippe cum nonnulli sint , qui non sponte iustificentur . Nam etiam de eo dubitaret quispiam , utrum unusquisq; qui iniustum aliquid passus est , iniuria quoq; afficiatur : an sicut in agendo , ita in patiando quoque res sese habeat fieri enim potest , ut in utrisq; ex accidenti iusta consequamur . idem autē in iniustis quoq; euenire manifestum est : quippe cum non idem sit iniusta agere & iniuste agere , id est iniuria afficere : neque iniusta pati , & iniuria affici . similiter quoque iuste agere quempiam & iustificari dicendum est . non enim potest quisquam iniuria affici , nisi aliquis sit , qui iniuria afficiat : neque iustificari , nisi iuste quispiam agat , iureque afficiat . Verum si absolute iniuria afficere est sponte lacerare , sponte autem lacerare , est scientem quem , & † quod , & quomodo : intemperans uero sponte seipsum lacerat : sponte is iniuria afficeretur : possetque fieri , ut ipse seipsum quispiam iniuria afficeret . at hoc vnum ex ijs est , quæ in dubium veniunt , utrum iniuria afficere seipsum quispiam possit . Adde , quod sponte etiam ob intemperantiam aliquis ab alio volente

† a. d. quo

lente iniuria afficeretur: ut hoc modo quispiam sponte affici iniuria queat. An fortasse non recta definitio est: sed, cum dicimus lædere esse scientem & quem, & quod, & quomodo, ad-  
 † a. l. quo.  
 dendum est, præter illius voluntatem qui læditur. læditur igitur sponte aliquis, atque iniusta patitur: nullus tamen est, qui iniuria sponte afficiatur, quippe cum id uelit nemo: ne incontinens quidem: sed præter voluntatem agat. nemo enim uult id, quod non esse bonum existimat. at incontinens quod non esse agendum putat, id agit. qui enim sua ipsius dat, sicut Homerus inquit Glaucum dedisse Diomedæ,

*Aurea pro ferreis, ac pro centena nouennis.*

nulla afficitur iniuria: quippe cum in ipsius potestate sit dare. iniuria uerò affici, minimè in ipso est: sed esse aliquem oportet, qui iniuria afficiat. Atque iniuria affici quidem non esse spontaneum, manifestum est. Duo præterea ex ijs, quæ proposuimus, supersunt dicenda. utrum is, qui plus præter dignitatem distribuit, iniuriam afferat, an is qui id habet, fieri ne item possit, ut se ipsum quispiam iniuria afficiat. Nam si fieri potest id, quod prius dictum est: & qui distribuit, iniuria afficit, non qui habet plus: si quis alteri quàm sibi plus distribuit sponte & sciens, is se ipse iniuria afficit: id quod facere modesti homines consueuerunt. modestus enim eiusmodi est, ut imminui sua non difficulter patiatur. An neque hoc simplex est: ex alio enim bono, si ita incidit, plus usurpauit: ut ex gloria, aut eo quod absolute honestum est. Sed soluitur etiam ex iniuria afficiendi definitione. nihil enim præter suam patitur uoluntatem, ut propterea affici iniuria minimè possit, sed lædatur tan-

## 132 Moral. Nicomachiorum

rum: si modò pati ipsum quippiam dicendum  
 est. Perspicuum quoque est, cum qui distribuit,  
 iniuria afficere, non eum semper qui plus ha-  
 bet. non enim cui iniustum inest, is iniuriam fa-  
 cit, sed cui inest id ut sponte hoc faciat: id au-  
 tem est, unde principium actionis proficisci-  
 tur: quod sanè in distribuente, non in accipiente  
 consistit. Adde quòd, cùm facere multis modis  
 dicatur: & quodammodo inanimata interfici-  
 ant, & manus, & seruus, cùm mandauerit ali-  
 quis: hæc sanè non iniuste faciunt, sed iniusta  
 tamen committunt. Accedit quòd, si ignorans  
 iudicauit quispiam, non iniuria afficit, quātum  
 ad legitimum ius attinet, neque iniustum iudi-  
 cium est: sed quodammodo tamen iniustum.  
 aliud enim legitimum, aliud primum ius est. Ac  
 si sciens iudicauit iniuste, plus sibi usurpat &  
 ipse uel gratiæ uel uindictæ: perinde quidem ac  
 si quis iniuste facti quoque ipse partem accepe-  
 rit: & ille etiam, qui ob hæc iniuste iudicauit,  
 plus habet. Etenim in illis qui agrum adiudica-  
 uit, is non agrum, sed argentum accepit. Homi-  
 nes autem in sua potestate situm existimant, ut  
 iniuria afficiant. propterea etiā ius ipsum putant  
 facile esse: quòd tamen nō est, rem habere enim  
 cum uxore uicini, & percutere proximum, &  
 manu porrigere pecuniam & facile est, & in ip-  
 sis: sed ita tamen se habentes hæc facere, neque  
 facile, neq; in ipsis est. Simili modo quoque co-  
 gnoscere iusta & iniusta nullam sapiētiam esse  
 existimant: propterea quòd difficile minime est  
 ea intelligere, de quibus leges præscribunt. Ve-  
 rùm iusta non hæc sunt nisi per accidens: sed ea  
 sunt iusta, quæ quodammodo aguntur, & quo-  
 dammodo distribuuntur. Id autem difficilius  
 est



est quàm salubria cognoscere: nam illic mel, vinum, veratrum, adustionem item & incisionem, noscere facilius est: quomodo autem ad sanitatem afferendam, cui, & quando adhibenda hæc sint, tam est sanè difficile cognoscere, quàm medicum esse. Ob id autem ipsum etiam iusti hominis esse existimant nihilo minus iniuste agere: quoniam nihilo minus iustus. imò etiam magis facere unumquodque ex his potest. nam & rem habere cum muliere, & percutere, & uir fortis scutum abijcere, & in fugam uersus in ytram partem uelit, currere potest. Sed ignauè agere, & iniuste non est hæc facere, nisi per accidens. nam hæc facere est, cum aliquis ita se habens agit. Quemadmodum etiam mederi & sanare non est incidere, aut non incidere, uel medicamenta adhibere, aut non adhibere, sed quodammodo utraque hæc facere. Iura autem inter eos sunt, qui bonorum simpliciter sunt participes; in quibus & excessum habent & defectum. quibusdam enim horum non est excessus, ut fortasse Dijs: quibusdam nulla pars utilis est, ut incurabilibus & malis, sed nocent omnia: ac quibusdam quadamtenus atque hoc propterea humanum est.

*De aequitate, equo, & bono. Cap. X.*

**S**Equitur, ut de æquitate & equo & bono, quomodo, scilicet illa ad iustitiam, hoc ad ius respiciat, differamus. Neque enim si quis rectè consideret, ut idem absolute spectare, neque ut diuersum prorsus genere uideatur, & interdum æquum & bonum, hominemque ipsum eiusmodi laudamus, ita ut ad alia quoque trans-

ferre hoc nomen laudando consueuerimus, æquum hominem probum appellantes : interdum, dum rationem sequimur, absurdum uideatur æquum & bonum, si præter ius quiddam est, esse laudabile. uel enim ius non est honestum : uel æquum & bonum non est ius, si diuersum quid est : uel si utrunque est honestum, idem utraq; sunt. Ac dubitatio quidem circa æquum & bonum ferè ex his contingit : in qua omnia quodammodo rectè sese habent, nihilque est quod sibi aduersetur ac repugnet. nam cum æquum & bonum iuris cuiusdam æquum sit, melius ius quoddam est : neque tamen quasi diuersum aliquod genus est iure ipso melius. Ius igitur & æquum & bonum idem est. cum enim utraque honesta sint, æquum & bonum honestius, meliusque est. Dubitatio autem hæc oritur, quia æquum & bonum ius est non secundum legem, sed legitimi iuris correctio. Cuius rei causa est, quod lex in uniuersum omnis statuitur : nec fieri potest, ut rectè de quibusdam in uniuersum definiatur. in quibus enim necesse est, ut uniuersum dicatur, rectè autem id non potest : lex id sumit quod ut plurimum fit, non ignorans sanè quod peccatur. & nihilo minus tamen rectè sese habet : quippe cum peccatum in lege minimè sit, neque in legislatore, sed in rei ipsius natura consistat. statim enim rerum agendarum materia eiusmodi est. Quando igitur lex in uniuersum dixerit, & præter uniuersale postea quippiam contigerit : tunc rectè se habet, si qua legislator omisit, absoluteque ac simpliciter loquendo peccauit, corrigatur defectus : id quod legislator etiam ipse si adesset, dixisset : & si sciuisset, ita præscribentem legem instituisse.

altuisset. Iecirco ius quidem est & melius quodam iure, non eo tamen quod absolute est & simpliciter, sed eo quod ex absolute loquendo peccat, estque ea æqui & boni natura, ut legis qua parte deficit, ob uniuersale, emanatio sit. id enim est in causa, ut etiam nō omnia secundum legem sint, propterea quod ut de quibusdā lex sanietur, fieri nullo modo potest. qua propter decreto opus est: indefiniti enim indefinita etiam esse regula debet. sicut ædificationis Lesbix plumbea norma, quæ ad lapidis figurā transmutatur, neque immobilis manet: sic decretum ad res ipsas accommodatur. Quidnam igitur sit æquum & bonū, & quid ius, & quo iure melius id sit, perspicuum iam est. Ex quo etiam patet quānam æquus & bonus uir sit: qui enim talia eligit, atque agit, neque est exactus iuris exequutor in peiorem partem, sed immittit potius, et si legem ad id adiutricem habeat: is æquus & bonus est: habitusque ipse æquitas, quæ quidem instituta quzdam, nec diuersus ab ea habitus est.

*De eo quod est facere iniuriam sibi ipsi.*

*Cap. XI.*

**E**X his quæ diximus, manifestum etiam sit, an fieri possit, ut quis iniuria seipsum afficiat, necne. Nonnulla enim sunt iura, quæ ad uniuersam uirtutem spectantia à legibus sunt instituta: exempli causa, lex non iubet se ipsum quempiam occidere: quæ autem non iubet, uetat. Præterea cum quis præter legem lædit, non referens lētionem, sponte iniuriam facit: qui autem sponte facit, is sciens & quē, & quo modo, facit. at qui ob iram seipsum iugulat, sponte

præter rectam legem id agit, quod lex non permittit: iniuriam igitur facit. sed cui civitati nimirum, non sibi: quippe cum sponte patiatur: nemo uero sponte iniuria afficiatur. Vnde etiam ipsum civitas mulctat: ei que, qui se ipsum necavit, quasi civitatem iniuria affecerit, ignominia quædam irrogatur. Adde quod neque eo modo potest quispiam se ipsum iniuria afficere, quo iniustus ille est, qui solummodo iniuste agit, & non omnino est prauus: id quod diuersum ab illo est. est enim quodammodo iniustus ita prauus, ut ignavus: non ut totam in se habens prauitatem. Quare neque secundum hanc sibi facit iniuriam quispiam: simul enim idem auferri, ac detrahi eidem posset: quod omnino nequit: sed semper inter plures esse ius & iniuriam necesse est. Nec non spontaneum, & ex electione, & prius. nam qui propterea, quod passus est, idem vicissim facit; iniuriam facere minimè uidetur. ipse autem seipsum iisdem simul & afficit, & afficitur. Præterea fieri posset, ut sponte quispiam iniuria afficeretur. Ad hæc uero sine particularibus iniuste factis iniuriam facit nemo: at nemo uel cum sua uxore adulterium committit, uel parietem suum perfodit, uel suas ipsius opes furatur. Ac demum, quod iniuria se ipsum quispiam afficiat, definitione ea soluitur, qua iniuria affici unumquemque constitutum est. Perspicuum autem est utrumque tam iniuria affici, quam afficere, esse malum: alterum enim est minus, alterum amplius habere, quam sit mediocre. Quemadmodum in medicina salubris, in exercitatoria eius rei, quæ ad bonum habitum facit. peius tamen est iniuria afficere: quippe cum id cum vitio sit, & vituperabile:

bile : & cum vitio quidem vel perfecto, & abso-  
lute, vel propè. Non enim omne quod sponta-  
neum est, est cum iniustitia. at iniuria affici sine  
vitio & iniustitia est: iniuria igitur affici per se  
minus malum est. Nihil tamen vetat, quin ex  
accidenti esse maius malum possit. sed ars ta-  
men id nihil curat: quippe quæ inquit lateris  
dolorem maiorem esse morbum quàm cæspita-  
tionem. licet ex accidenti alterum interdum  
euenire queat: si contingat, vt ex cæspitatione  
aliquis ceciderit, atque ita ab hostibus captus  
fuerit, atq; interfectus. At verò per trar. ratio-  
nem & similitudinē est ius non sibi ad se ipsum,  
sed sibi cum quibusdam ex suis: quanquam nō  
omne ius, sed herile tantum vel familiare. In  
his enim rationibus pars animæ nostræ rationis  
particeps ab ea quæ est expertis, distat. ad quæ  
cum spectamus, esse iniustitia quædam ad se ip-  
sum videtur: quoniam scilicet fieri potest, vt in

his aliquo modo præter suas appetitiones  
quispiam afficiatur. Sicut igitur Princi-

pi & subdito, ita his quòque inter  
se esse ius quoddam videtur.

Ac de iustitia quidem, ex-

terisq; moralibus vir-

tutibus in hunc

modum defi-

nitum

fit.

II,

ARISTO-

# ARISTOTELIS MORALIVM

Nicomachiorum,

LIBER SEXTVS.

SVMMAE LIBRI.

*De principijs agendi. De intellectus habitibus, scientia scilicet, arte, intellectu, sapientia, prudentia. De prudentie partibus, & his, quæ ad eam consequuntur. De sapientie, ac prudentie utilitate. De naturali virtute, ac virtutum & prudentie connexione.*

*De recta ratione, duplici virtute, & partibus anima. Cap. I.*



Quoniam prius diximus & mediũ esse eligendũ, non aut̃ excessum neq; defectũ, & mediũ esse sicut ratio recta præscribit, hoc iam distinguamus. In omnibus em̃ antedictis habitibus, quemadmodum in alijs, est quidam scopus ac finis, in quem respiciens is qui habet rationem, intendit, ac remittit. estq; quidam mediocritatum terminus, quas inter excessum & defectum esse dicimus, cum secundum rectam rationem extiterint. Ac si ita dicamus, verum quidem est, nõ tamen perspicuum: quippe cum in omnibus alijs studijs, circa quæ est scientia,

verum



verum sit dicere, neque amplius neq; minus esse elaborandum, neque ociosandum; sed mediocriter, atque ut recta ratio præscribit. nam qui solum hoc habet, nihil amplius cognoscet: verbi causa qualia corpori exhibenda sint: si quis dixerit, ea quæ iubet medicina, & sicut is qui eam est præditus, statuit. Idcirco oportet etiam circa animi habitus non solum verè hoc dictum esse, sed etiam determinatum, quænam sit recta ratio, quæq; eius finitio sit. Cum igitur virtutes animi diuideremus, alias morum, alias mentis esse diximus. Ac de moralibus quidem iam differuimus: de reliquis nunc dicamus, si prius tamen de anima nonnulla exposuerimus. Superius enim duas esse animæ partes dictum est, alteram rationis capacem, alteram expertem. nunc vero eodem modo rationis capax diuidenda est. statuaturque duæ esse ratione præditæ partes: una, qua eiusmodi res contemplamur, quarum principia aliter sese habere non possunt: altera, qua ea consideramus, quæ esse aliter possunt. Ad ea enim quæ genere sunt diuersa, cognoscenda, ex animæ quoque partibus diuersa genere ea est, quæ ad utrumque cognoscendum est apta. siquidem ex similitudine quadam atque affinitate cognitio ipsis contingit. Quarum altera sciendi, altera ratiocinandi facultas dicatur. consultare enim & ratiocinari idem est. at de ijs, quæ non possunt aliter sese habere, consultat nemo. Quare ratiocinatrix una quadam pars est eius animæ partis, quæ rationis est capax. Quis igitur utrarumq; harum optimus habitus sit, statuendum est: is enim est viriusq; virtus: at virtus ad opus proprium spectat.

De

*Contempla  
tina, & a-  
ctiua men-  
tis opera.*

**T**Ria autem sunt, quæ in anima actionis, ac veritatis dominium habent: sensus, intellectus, & appetitus. Sed ex his sensus nullius principium actionis est, id quod perspicuum est ex eo, quod bestię sensum cum habeant, actionis participes minimè sunt. Quod verò in cogitatione affirmatio & negatio est, idem in appetitu persequutio est, & fuga. Quare cum moralis virtus habitus electivus sit, electio verò consultatrix appetitio: propterea oportet, si modo electio proba est, ut & ratio sit vera, & appetitus rectus: & eadem & illa dicat, & hic persequatur. Atque hæc cogitatio seu mens, & veritas actiua est. Contemplatiua autem cogitationis & non actiua, neque effectiua bene & male esse, est verum & falsum. hoc enim totius cogitatiua opus est, sed actiua & cogitatiua veritas est, quæ appetitui recto consentanea sit. Electio igitur actionis principium est, unde est motus, non cuius causa; electionis verò appetitus, & ratio quæ alicuius causa est. Unde neq; sine intellectu & cogitatione, neque sine morali habitu electio est. bona etenim actio, & quod item contrarium in actione est, sine intellectu & cogitatione, & moribus non existit. Cogitatio verò ipsa nihil mouet; sed ea, quæ causa alicuius est, & actiua. hæc etiam enim effectiue dominatur: quippe cum causa alicuius faciat unusquisque qui facit: neque finis absolutè; sed ad aliquid & alicuius sit, id quod fit, non tamen id quod agitur. bona enim actio finis est: finis verò ipsius est appetitus. Icirco vel appetitivus intellectus, vel intellectivus appetitus electio

Etio est. Tale autem principium est homo. Nihil autem est eligibile, quod factum est, verbi causa, llium expugnasse eligit nemo. nō enim consultat quispiam de eo quod factum est; sed de eo quod futurum est, esseque aliter potest. quod autem factum est, quin factum sit, fieri nullo modo potest.

Idcirco rectè Agato inquit :

*Re nanque sola hac ipse privatur Deus,*

*Vt facta minimè infecta possit reddere.*

*Quo so-*

Vtrarumque igitur intellectiuarū partium opus *lo prinetur* veritas est. Quocirca secundum quos habitus *Deus.* vtraque maximè verum dicet, ij vtrarumque virtutes erunt.

*Habituum intellectualium enumeratio : quod  
scientia obiectum, & quæ proprietates.*

*Cap. 111.*

**S**umpto igitur altius principio rursus de ipsis dicamus. Sint autem ea, quibus anima as- firmando aut negando verum dicit, numero quinque, hæc verò sunt Ars, Scientia, Prudentia, Sapientia, Intellectus. nam existimatione & opinione fieri potest, ut mentiamur. Scientia igitur quid sit, inde manifestum est: si exquisitè tractare, & non sequi similitudines opus est. Omnes enim id, quod scimus, non posse aliter sese habere existimamus: quæ autem aliter esse possunt, cum extra contemplationem fuerint, an sint, nec'ne, latent. scibile igitur necessarò est: ergo æternum. quæ enim necessariò sunt, absolutè omnia sunt æterna: quæ autem sunt æterna, generatio- *Vide princi-* ni, & corruptioni minimè subiacent. *Om-* *pium primi* *libri posse.* *scibile*

## 142 Moral. Nicomachiorum

scibile verò, ut disci posse videatur, ex præcognitis autem sit, omnis doctrina: ut in Resolutorijs etiam diximus. Nam altera ea inductione sit: altera ratiocinatione: atque; inductio quidem principium est vniuersalis, ratiocinatio ex vniuersalibus. Sunt igitur principia, ex quibus constat ratiocinatio, quorum non est ratiocinatio: ergo inductio. Efficitur igitur, ut scientia quidē demonstratibus sit habitus: & quæcunq; alia in Resolutorijs definiuimus. Quando enim quodammodo credit, & nota ipsi sunt principia; scit. Nam si non magis quam cōclusio, ea nota sint, scientiam ex accidēti habebit. Ac de scientia quidem in hunc modum definitum sit.

*De arte.*

*Cap. IIII.*

**E**tus autem quod esse aliter potest, aliud efficiendum, aliud agendum est. Effectio autē & actio diuersum quid est, de ipsis autem his, extrarijs etiā sermonibus credimus. Quare etiam habitus actiuus cum ratione ab effectiuo habitu cum ratione diuersum quid est, neque a se mutuo continentur, inque enim actio effectio, neque effectio actio est. Quoniam autem ædificatoria, ars quædam est, atque id quod habitus quidam cum ratione effectiuus; neq; vlla ars est, quæ non sit habitus cum ratione effectiuus; neq; vllus huiusmodi habitus, qui non sit ars: efficitur, ut & ars, & habitus cū ratione vera effectiuus idem sit. Ars autē omnis circa generationem versatur, comminisciturq; & contemplatur, ut eorum aliquid fiat, quæ & esse & non esse possunt: quorumque principium est in eo qui facit, non in eo quod efficitur. Neq; enim

corum

eorum est ars, quæ ex necessitate vel sunt vel fiunt; neque eorum, quæ sunt secundum naturam, in se enim hæc principium habent. Quia autem effectio & actio diuersum quid est, non actionis, sed effectiois esse artem necesse est: & quodammodo circa eadem versatur & ars & fortuna, sicut etiam Agatho inquit:

*Fortunam amat ars, artem ipsa fortuna inuicem.*

Ars igitur, sicut dictum est, habitus quidam est *Quid sit* cum ratione vera effectiuus: inertia autem econ- *ars: quidq;* trario, habitus cum ratione falsa effectiuus, cir- *inertia.* ca id quod aliter esse atque aliter potest.

*De prudentia. Cap. V.*

**D**E prudentia verò ita statuere possem, si considerarem quosnam esse prudentes dicamus. Videtur igitur prudētis viri esse proprium, posse rectè consultare de ijs, quæ sibi ipsi bona sunt, atq; vtilia, non ex parte, vt quænam ad sanitatem & robur cōferant; sed quæ ad bene viuendū in vniuersum. Cui rei argumen- *a l. uni-* to illud est, q̄ eos etiam, qui circa aliquid con- *uersum.* sultant, prudentes appellamus, cum ad finē aliquem bonum de ijs, quorum non est ars, rectè ratiocinantur. Quare in vniuersum quoque is erit prudens, qui est consultatorius. De ijs verò, quæ aut esse aliter nō possunt, aut nequeunt sub actionem ipsius cadere, consultat nemo. Quapropter si modò scientia est cum demonstratione: & eorū quorum principia possunt aliter se habere, nulla est demonstratio. omnia enim possunt aliter se habere: de necessarijs autem non licet consultare: prudentia neque scientia, neq; ars esse vllō modo poterit. Scientia quidē, pro-  
pter

pterea quia id, quod in actionem venit, esse aliter potest: ars, quoniam aliud actionis, & aliud effectiois genus est. Restat igitur, ut prudentia habitus sit vera cum ratione actiuus circa ea quæ & bona & mala homini sunt. Nam effectiois finis diuersum quid ab ea est: actionis verò, non semper. ipsa enim bona actio finis est. Propterea Periclem atque huiusmodi viros prudentes esse existimamus, quia & quæ sibi & quæ alijs hominibus sunt bona, possunt contemplari; eos autem esse tales putamus, qui familiares & ciuiles sunt. Inde etiam est, quod temperantiam *σωφροσύνη* appellamus, utpote prudentiam conseruantem: talem enim existimationem conseruat: quippe cum iucundum & molestum non omnem existimationem corrumpat, & peruerat, verbi causa triangulum tres angulos duobus rectis æquales habere, vel non habere: sed eas tantum quæ ad agendas res spectant. Principia enim agendarum rerum sunt id cuius causa res aguntur, illi autem qui aut voluptate aut dolore corruptus est, principium statim non apparebit, neque eius causa, atque ob id omnia eligi, atque agi oportere. vitium enim eiusmodi est, ut principium corrumpat. Quamobrem necesse est prudentiam habitum esse cum ratione vera actiuum circa ea quæ humana bona sunt. Iam verò artis est virtus, prudentiæ autem minimè. Atque in arte quidem qui sponte peccat, magis eligendus est; minus, qui in prudentia idem facit, sicut etiam circa virtutes. Igitur prudentiam non artem, sed virtutem quādam esse manifestum est. Cum autem duæ sint animæ partes, quæ rationis capaces sunt, prudentia alterius virtus esse videretur, id est opinatiuæ: nam circa id quod

*Prudentia  
definitio.*



Id quod aliter se habere potest, & opinio & prudentia uersatur. Adde quod neque habitus est duntaxat cum ratione, cuius rei indicium est, quod eiusmodi habitus esse obliuio potest, prudentia non potest.

*De intellectu. Cap. VI.*

**Q**uoniam uero scientia de uniuersalibus ac necessarius existimatio est rerum aut demonstrabilium, scientiaque omnis principia sunt: cum ratione enim est scientia: efficitur, ut principij rei scibilis neque scientia, neque ars, neque prudentia esse possit. Quod enim est scibile, demonstrabile est: haec autem circa ea uersantur, quae esse aliter possunt. Sed neque uero sapientia horum est, sapientis enim est de nonnullis habere demonstrationem. Si igitur ea quibus uerum, & nunquam falsum dicimus circa ea quae uel possunt, uel non possunt aliter euenire, sunt scientia & sapientia & prudentia, & intellectus: ex tribus autem horum esse nihil potest, tria dico, prudentiam sapientiam, & scientiam, restat intellectum esse principiorum.

*De sapientia. Cap. VII.*

**S**apientiam autem in artibus attribueri illis consueuimus, qui absolutissimi in ipsis sunt: unde Phidiam sapientem marmorarium, Polykletum statuarium sapientem dicimus, nihil aliud hic sapientiae nomine quam artis ipsius uirtutem significantes. Ceterum esse alios quosdam omnino, non ex parte sapientes existimamus, ne uel alia aliqua in re sapientes: quem

admodum inquit Homerus in Margite:

*Is nec fossor erat, nec erat robustus arator.*

*Aur. alia re aliqua sapiens. sic nomina diuina*

*conferre.*

Quapropter exactissimam scientiarum esse sapientiam, manifestum est. Sapientem igitur non solum ea quæ ex principiis sunt cognoscere, sed etiam circa principia ipsa uerum dicere oportet. Quare sapientia erit intellectus & scientia: ac quasi habens caput scientia rerum prestantissimarum. Absurdum enim est, si quis scientiam civilem, aut prudentiam honestissimam esse existimat: nisi scilicet homo sit optimum omnium quæ in mundo sunt. Nam si salubre & bonum hominibus ac piscibus diuersum est, album autem & rectum idem, sapiens quoque idem, prudens diuersum esse omnes assueuerunt: id enim singula quod circa seipsum quod bene se habet, considerat, prudens esse dicerent, ei que seipsa committerent. Vnde etiam bestias nonnullas prudentes esse inquirunt, quæcunque in uita traducenda prouidendi habere uim quædam uidentur. Perspicuum autem est civilem & sapientiam eandem esse nullo modo posse, nam si eam quæ circa sibiipsis utilia uersatur, sapientiam dicent, multæ erunt sapientiæ: non enim una est, quæ omnium animalium bonum consideret, sed singulorum diuersa, nisi scilicet una quoque sit medicina circa omnia quæ sunt. Quod si hominem ceterorum animalium optimum esse dixerint, id nihil refert: quandoquidem homine alia natura sunt longè diuiniore, ut ea quæ sunt manifestissima, ex quibus mundus constitutus est. Constat igitur ex ijs quæ dicta sunt, sapientiam esse rerum prestantissima-

rum natura scientiam & intellectum. Vnde Ana-  
xagoram & Thalem atq; huiusmodi homines;  
cū ignorare ea quę sibi vtilia sunt, viderint;  
non prudentes, sed sapientes esse, dicunt: ac su-  
peruacua quidem, & admiranda, & difficilia, &  
diuina cognoscere ipsos asserunt, sed inutilia  
tamen: propterea quod non humana bona in-  
quirunt, prudentia autem circa humana bona  
versatur, atq; ea quę in cōsultationem cadunt.  
Prudentis enim id maximē opus esse dicimus,  
vt rectē consultet: de illis autē cōsultat nemo;  
quę euenire aliter nequeunt: neq; de ijs quō-  
rum finis aliquis non est, atque is eiusmodi, vt  
agendum bonum sit. Bonus autem cōsultor ab-  
solutē ille est, qui quod optimū homini ex agen-  
dis rebus est, cōiectura assequi ratiocinando  
potest. Adde qd neq; vniuersalium tantum pru-  
dentia est, sed opus est, vt singula etiam cogno-  
scent. est enim actiua, at actio circa particularia  
versatur. Hinc fit, vt nonnulli etiam nescientes  
nonnulli scientibus actuosiores sint: & in reli-  
quis illi qui sunt periti. nam si quis leues qui-  
dem carnes cognouerit, faciles concoctu esse, &  
salubres, quę tamen leues sint, ignoret: is profe-  
cto sanitatem nō efficiet, sed ille efficiet magis;  
qui autem carnes esse leues & salubres sciuerit,  
prudentia verō actiua est. Quare vel vtraq; , vel  
hanc potius habere oportet. Esset autem quzdam  
etiam hęc architectonica ac princeps.

*De partibus prudentiæ. Cap. VIII.*

**A**Tq; est quidē & ciuilis prudentia idē habi-  
tus: essentia tamē ipsius eandē nō est. Eius  
autem prudētię, quę circa ciuitatē ver-  
satur,

satur, altera est vt architectonica ac præsēs, quæ est legislatrix: altera vt particularis, quæ communi nomine ciuilis appellatur: atq; hæc actiua est consultatiua, decretum enim vtpote extremum agenda res est. Idcirco ciuitatem administrare hi tantummodo dicuntur, hi enim perinde ac manuales artifices soli agunt. At verò prudentia etiam maximè ea esse videretur, quæ circa seipsum & vnū quispiam vititur, atq; hæc communi nomine prudentia appellatur, illarū autem alia familiaris, alia legislatrix, alia ciuilis dicitur: atq; huius altera consultatiua, altera iudicialis. Species igitur † cognitiōis quædam esset, sibi ipsi prospicere: sed differentiam magnam tamen habet, videturq; ille qui sua cognoscit, in hisq; versatur, prudens, ciuiles autē

† a. l. prudētia.

† a. l. curio

† negociosi. Vnde etiam Euripides:

*Quo nanque pacto valeo prudens dicere?*

*Quo nanque pacto valeo prudens dicere?*

*Cui sic licebat inter alias milites*

*Cui sic licebat inter alias milites*

*Negocio esse sine vllō, & aquam sumere*

*Negocio esse sine vllō, & aquam sumere*

*Partem bonorum cetero cum exercitu?*

*Partem bonorum cetero cum exercitu?*

*Nam curiosos, atque agentes plurima*

*Nam curiosos, atque agentes plurima*

*Odere diu.*

*Odere diu.*

Querunt enim quod sibi bonum est: idque agendū esse existimant. Ex hac igitur opinione euenit, vt prudētes hi sint: tamen si fortasse vnius cuiusq; bonum sine familiari & ciuili non est. Præterea verò quomodo propriū vniuscuiusque bonum administrare oporteat, obscurum est, atque idcirco considerandum. Huiusce autem rei indicium quoq; illud est, quod iuuenes licet geometrici & mathematici, atque in eiusmodi rebus sapientes euadant: prudentes tamē euadere non videntur. Causa autem ea est, qd particularium est prudentia, quæ ex experien-

*Pueri mathematici euadunt, prudentes minimè.*

tia

tia† nobis innotescunt; iuuenis autem exper-<sup>† a. l. pru-</sup>  
tus non est. experientiam enim temporis affe-<sup>denter effi-</sup>  
ret longitudo. Nam illud etiam consideratione<sup>ciuntur.</sup>  
dignum videtur: quid sit, quod puer fieri ma-<sup>Experiētiā</sup>  
thematicus potest, sapiens, aut naturalis nō po-<sup>tēporis af-</sup>  
test. An quia illa per abstractionem sunt, ho-<sup>feret longi-</sup>  
rum autem principia ab experientia sumuntur:<sup>tudo.</sup>  
& hæc non credunt quidem iuuenes, sed di-  
cunt: illorum vnumquodque quid sit, obscurū  
non est. Præterea error in consultando, vel cir-  
ca vniuersale, vel circa singulare contingit. vel  
enim omnes aquas ponderosas esse prauas, vel  
hanc esse ponderosam ignorat quispiam. Prudē-  
tiam autem non esse scientiam perspicuum est.  
est enim vltimi, sicut diximus: quippe cū eiuf-  
modi sit id quod in actionem cadit. Vnde etiam  
intellectui oppo- sita est. ille enim est termino-  
rum, quorum nulla ratio est: hæc vltimi, cu-  
ius non est scientia, sed sensus, neq; is proprio-  
rum, sed eiusmodi, quo sentimus, in mathema-  
ticis triagulum esse vltimum. sistet enim etiam  
illic, sed hic sanè sensus magis est, qui est pru-  
dentia: ille species altera est.

*De bona consultatione.*

*Cap. IX.*

**I**Am verò quærere & consultare inter se diffe-  
runt, consultare enim quærere aliquid est.  
Oportet autem de bona cōsultatione, quid nā  
sit, statuere: vtrū scientia aliqua, an opinio, an  
bona coniectatio, an aliquod aliud genus. Scien-  
tia quidem nō est. non enim de ijs quæ sciunt,  
inquirunt: bona autem consultatio, cōsultatio  
quædam est: qui verò consultat, quærit, & ra-  
tiocinatur. Sed neq; bona coniectatio est: quip-  
pe cū & absque ratione, & citum quid bona

¶ K ¶ conie-

coniectatio sit: longo autem tempore cōsultār.  
 Vnde aiunt, citò agenda esse quæ consultaeris:  
 tardè verò ac diu consultandum. Adde q̄ soler  
 tia & bona consultatio diuersa inter se sunt. so  
 lertia verò bona quēdā cōiectatio est. Neq; ve  
 ra bona consultatio opinio vlla est: sed quoniā  
 errat, qui malè cōsultat: qui benè, rectè id facit,  
 bonam consultationem esse rectitudinem quan  
 dam perspicuum est: quæ tamen neq; scientiæ  
 est, neq; opinionis. scientiæ siquidē neq; recti  
 tudo vlla est, neq; error: opinionis autē veritas  
 rectitudo est. Accedit, quòd definitum iam om  
 ne id est, cuius est opinio. Quinetiam neq; sine  
 ratione, bona consultatio est: cogitatione igit̃  
 est inferior: quippe cū nondum sit enuncia  
 tio. nam opinio non inquisitio, sed enunciatio  
 iam est. qui autem consultat, siue benè, siue ma  
 lè id faciat, querit aliquid, ac ratiocinatur. Sed  
 bona consultatio cōsultationis rectitudo quē  
 dam est. iccirco primum quid sit, & circa quid  
 versetur consultatio, est querendum. Quoniam  
 verò rectitudo pluribus modis dicitur: non  
 omnem rectitudinem esse bonam consultatio  
 nem perspicuum est. incontinens enim & pra  
 uus quod proponit sibi ratiocinando videre,  
 assequetur: vt ita rectè quidē consultaerit: ma  
 gnum tamen malum sibi compararit. At benè  
 consultaesse, esse bonum quoddam videtur, talis  
 enim rectitudo consultationis bona cōsultatio  
 est, quæ ad bonum assequendū spectat. Sed fieri  
 tamen potest, vt falsa ratiocinatione id assequa  
 mur; quodq; oportet facere assequamur, per  
 quod tamen oportet, non assequamur: sed me  
 dius terminus falsus sit. quare neq; eadem erit  
 bona consultatio, qua quod oportet quidem  
 asseque-



assequetur quispiam, non tamē per quod oportet. Preterea fieri potest, ut molto tempore aliquis, aliquis uerò citò consultans quispiam assequatur. ergo neque illa adhuc bona consultatio est: sed ea reſtitutio, quæ secundum utilitatem & id quod oportet, & sicut, & quando, <sup>† a. l. quo</sup> existit. Fieri itē potest, ut & absolūtē benē cō- <sup>est opus.</sup> sultet quispiam, & ad quendam finem. Bona itaque consultatio absolūtē ea est, quæ ad finē absolūtē: quædam uerò bona consultatio, quæ ad quendam finem spectans perficitur. Si igitur prudentium est bene consultare, bona consultatio reſtitutio ea esse uideretur, quæ secundum utilitatem ad quendam finem spectat, cuius prudentia uera existimatio est.

*De Perspicacia. Cap. X.*

**I**Am uerò perspicacia quoque est, & hebetudo, quibus homines perspicaces, atque hebetes dicimus. neque omnino idē cum scientia vel opinionione hæc est: omnes enim essent perspicaces, neque est una aliqua ex singulis scientijs: uerbi causa neque medicina: de salubribus enim esset, neque geometria: nam circa magnitudines versaretur. neque enim de ijs, quæ semper sunt, & motu carent, perspicacia est; neque de ijs quæ quomodolibet fiunt: sed de quibus dubitaret quispiam, atque consultaret. Ideo circa eadem quidem, circa quæ prudentia, versatur: idem tamē prudentia & perspicacia nō est. prudentia enim præceptiua est: quid enim agendum, aut non agendum sit, finis est ipsius: perspicacia uero iudicatiua tantummodo. idem namque est perspicacia & bona perspicacia: perspicaces siquidem

etiam bene perspicaces sunt. Neq; uerò habere, neq; acquirere prudentiā perspicacia est: sed si cut perspicere dicitur discere, cum sciētia quispiā utitur; ita quoq; cum opinione utitur ad ea iudicāda, de quibus prudentia est, alio dicente: & iudicāda quidē rectē: bene enim & rectē idem est: & inde nomen hoc uenit perspicacia, quā bene perspicaces homines sunt, ex ea scilicet quā in discendo consistit. discere enim sapienter, perspicere dicimus.

*De sententia. Cap. XI.*

**I**am quē uocatur sententia, quā bene sentientes, & habere sententiā quosdā dicimus, est æqui & boni uiri iudiciū rectū. Cui rei id argumentū est, quod æquum & bonum uirum maxime esse ad consentiendū, id est ignoscendum idoneum dicimus: æquitatem uero esse, habere consensionem & ueniam circa singula. consensio autem sententia est iudicatiua recta æqui & boni uiri: at recta ea est, quē est ueracis. Sunt autem omnes habitus consentaneē ad idē tendentes: nam & sententiā, & perspicaciā, & prudentiā, & intellectum ad eisdem referentes dicimus: dum & sententiā, & intellectū iam habere, & prudentes, & perspicaces appellamus: omnes enim facultates hæc ultimorū sunt & particulariū. Atq; in eo quidē quod ad iudicandū idoneus quispiam est, de iis quæ egit prudens, perspicax & bene sentiens, seu cōsentiens erit: nam equa cōmunia bonis omnibus sunt, in eo quod ad alium spectant. Agendæ autem res ex iis sunt quæ particularia & ultima omnium sunt, nam & prudentem oportet ea

cogno-

† a. l. ali-  
qua.

cognoscere: & perspicacia & sententia circa agē-  
da uersatur. at hæc ultima sunt. Intellectus quo-  
que ultimorum est in utranq; partem. primorū  
enim & ultimorū terminorum intellectus est,  
non ratio. ille quidem, qui in demonstrationi-  
bus uersatur, immobilium terminorum, & pri-  
morum: alter qui in actiuis cōsistit, vltimi, &  
eius quod euenire aliter atque aliter potest, &  
alterius propositionis. Hæ enim eius cuius cau-  
sa aliquid est, principia sunt: quippe cū ex sin-  
gularibus uniuersalia existant, quorum sanè ha-  
bere sensum oportet: is autē sensus intellectus  
est. Quocirca esse etiam hæc naturalia videtur,  
ac sapiens quidem natura nemo est: sed senten-  
tiam habet, & perspicaciam, & intellectum. In-  
diciū cuius illud est, quod hæc sequi etiam  
ætates existimamus: talis quæ etas intellectu &  
sententia prædita est, quasi causa ex natura ipsa  
sit. Ideo & principium & finis intellectus est. ex  
his enim, & de his demonstrationes fiunt. Qua-  
re peritorum hominum & seniorum seu prudē-  
tum pronunciationibus & opinionibus absque  
demonstratione, non minus quàm demonstra-  
tionibus attendendum est. quia nanque ex ipsa  
experientia uisum habent, principia intuentur.  
Quid igitur sapientia & prudentia sit: & circa  
quæ utraque uersetur: tum alterius alteram ani-  
mæ portionis uirtutem esse, dictum iam est.

*De uirtute sapientia, & prudentia.*

*Cap. XII.*

**D**ubitaret autē quispiā de ipsis his habitū-  
bus, quæ in re utiles sunt. sapientia enim ni-  
hil cōtēplatur quo fieri homo felix possit:  
quippe cū nullius sit generationis: at pruden-

tia hoc quidē habet , sed cuius causa opus ipsa  
 est: si quidem prudentia est, quæ circa ea versatur,  
 quæ iusta, & honesta, & bona homini sunt: ea  
 autem sunt huiusmodi, quæ agere uiri boni  
 est. at nihilo magis ad agendum idonei eò quòd  
 cognoscimus ipsa hæc, sumus, siquidē habitus  
 virtutes sunt: quemadmodum neq; salubria, ne  
 que bonæ habitudini conuenientia, quæ non eò  
 quòd faciunt, sed quia ex habitu existunt, ita di  
 cuntur. nihilo enim ad agendum idonei magis  
 ex eo sumus, quòd medicinā aut exercitatoriā  
 habemus. Quòd si non horum causa prudentia  
 statuēda est, sed ut probi fiant: iis sanē qui probi  
 sunt, nihil erit utilis: quin etiam neq; iis qui nō  
 habent: quippe cū nihil referat, habeātne ali  
 quis, an habentibus aliis obediat: satisq; nobis  
 sit, quemadmodum & in sanitate. nam quamuis  
 sani esse velimus, medicinam tamen non disci  
 mus. Accedit ad hæc, quòd absurdum esse uide  
 retur, si principalior & præstantior quàm sapiē  
 tia ea esset, quæ ipsa esset deterior: quæ enim  
 facit, circa singula dominatur, atq; imperat. De  
 his igitur dicendum est: nunc enim de ipsis tan  
 tum dubitationem exposuimus. Primum itaq;  
 utrasq; , per se necessario esse expetendas dici  
 mus, cū utriusque animæ portionis uirtutes  
 sint, licet neutra ex ipsis quicq; efficiat. Deinde  
 etiam efficiunt quidem, nō tamen ut medicina  
 sanitatē: sed ut sanitas bonæ habitudinis opera  
 tiones, sic sapientia felicitatē. cū enim totius  
 uirtutis pars sit, dum habetur, atq; operatur, fe  
 licem facit. Præterea opus & ex prudentia & ex  
 morali uirtute perficitur. uirtus enim proposi  
 tū (scopum: prudentia quæ ad ipsam tendunt, re  
 cta efficit. Quartæ autem animæ partis, id est al  
 tricis,

triciis, nulla talis virtus est: quippe cū in ea agere, aut nō agere situm minimē sit. At verō de eo, quod ex prudentia ad agēda vel honesta, vel iusta nihilo aptiores sint homines, paulo altius incipiendū est, hoc sumpto initio: quemadmodum iusta agentes nonnullos nondum esse iustos dicimus, vt eos qui ea quæ à legibus præcipiuntur, vel inuiti faciunt, vel ex ignoratione, vel ob aliquid aliud, & non ob ipsa, cū tamen ea agant, quæ oportet, quæq; bonum virum decet: ita licet, vt quodam modo se habens quispiam singula agat, vt bonus sit: id est ex electione, & ipsorum eorum causa quæ aguntur. Electionem igitur rectam virtus facit: quæcunque autem natura comparatum est, vt illius causa agatur, non virtutis, sed alterius facultatis sunt. Attendendum autem est, ac de his manifestius dicendum. Est itaq; facultas quædam quam calliditatem vocant: ea est talis, vt quæ ad suppositum scopum conducunt, agere possit, atq; assequi: atq; hæc quidem si propositum honestum sit, est laudabilis: si prauum, uersutia est. Vnde etiam prudentes callidos, & uersutos esse dicimus. Prudentia verō hæc facultas non est: non sine tamē facultate hac existit: sed habitus oculo huic animæ non absque virtute acquiritur, sicut diximus, & perspicuum est. Ratiocinationes enim agendarum rerum principium habēt. quandoquidem eiusmodi est finis, & quod optimum est: quodcunq; illud fuerit. Sit enim verbi causa, quod inciderit: id, nisi bono viro, non apparet: propterea quod distorquet prauitas, facitq; vt circa actiua principia fallamur. Quare nō posse quempiam prudentem esse, nisi bonus sit, manifestum est.

*De naturali virtute, & de virtutum & prudentia  
connexione. Cap. XIII.*

**S**ed considerandum rursus etiam de virtute est: nā simili modo quoq; virtus sese habet, sicut prudentia cum calliditate, non idē quidem, sed simile tamen quid est: ita virtus naturalis cum ea, quæ propriē virtus dicitur. Omnibus enim singuli ex moribus esse quodā modo natura videntur. nam & iusti & temperantes & fortes sumus, & cætera statim ab ipso ortu habemus. Sed aliud tamen est quod quærimus, ut propriē bonum sit, & talia alio modo adsint. Etenim pueris & bestiis naturales insunt habitus: sed sine intellectu, & mente esse noxij apparent. Ceterum tantum inspicī videntur: quæmadmodum in corpore valido quod sine visu mouetur, contingit, ut vehementer erret, propterea quod visu caret: ita quoq; hic evenit si intellectum acceperit, in agendo differt: atque habitus licet similis sit, propriē tamen virtus tunc erit. Quare quemadmodum in opinativa parte duæ species sunt, calliditas, & prudentia: ita in morali duæ quoq; sunt, quarū altera virtus naturalis, altera propriē virtus est: atque harū ea quæ propriē virtus est, non sine prudentia existit. Unde etiam omnes virtutes prudentias esse inquirunt: & Socrates partim rectē quærebatur, partim errabat. quæ enim prudentias esse omnes virtutes opinabatur, errabat: rectē dicebat, quæ non sine prudentia esse eas assererat. Signum autem illud est, quod nunc omnes cum definiunt virtutē, ubi habitū eam esse dixerunt, & ad quæ est, adiungunt scilicet rectam rationem. recta autem ratio est, quæ scilicet prudentiā existit. Videntur  
igitur

† a. l. si vero.



igitur vaticinari quodam modo omnes talem  
esse habitum virtutem, qui sē prudentiam exi-  
stīt. Paululum tamen transeundum est. virtus  
enim non tam sē rectam rationem, quā cum  
recta ratione habitus est: at recta de huiusmo-  
di ratio est prudentia: Ac Socrates, quidem ra-  
tiones virtutes esse existimabat: sciērias enim  
eas esse omnes dicebat: nos cū ratione esse  
arbitramur. Ex his igitur quæ dicta sunt, con-  
stat neq; propriè bonum esse sine prudentia, ne-  
que prudentē sine morali virtute quēpiā pos-  
se. Quin etiam ratio illa hīnc solui posset, quæ  
separatas esse inter se virtutes differeret ali-  
quis: eo quòd idē ad omnes aptissimus mi-  
nimè sit, atq; iccirco alias iam, alias nondum  
acquisiverit. hoc siquidem in naturalibus vir-  
tutibus licet: in ijs verò quibus absolutè bonus  
vocatur quispiam, non licet. simul enim cum  
prudentia, quæ vna est, omnes exsistent. Perspi-  
cuū autem est & prudentia esse opus: etiam si  
non esset actiua, propterea quòd partis animæ  
virtus est: & sine prudentia & virtute esse ele-  
ctionem rectam non posse: eò q̃ hac finem; illa  
quæ ad finem tendunt vti agamus, facit. At ve-  
rò neq; præsidet sapientia: neque melioris q̃  
ipsa partis est: quemadmodum neque sanitati  
medicina: neq; enim ipsa vititur, sed ut fiat pro-  
videt. quocirca illius causa præcipit, non au-  
tem illi. Similè præterea illud est, si quis ciui-  
lem, propterea quòd de omnibus præcipit, quæ  
in ciuitate sunt: Dijs præesse ac dominari etiam  
diceret.

# ARISTOTELIS MORALIUM

Nicomachiorum,

LIBER SEPTIMVS.

SVMMAE LIBRI.

*De heroica virtute. De continentia, & earum oppositis. De continente & in continente. De voluptate, & ipsius speciebus, ac de dolore.*

*De heroica virtute, continentia, & earum oppositis.*  
*Cap. I.*



OS r hzc alio sumpto initio dicendum est, rerum circa mores fugiendarum tres species esse, vitium, incontinentiam & feritatem: quarum duabus quæ sint contraria, manifestum est: alterum enim virtutem, alterum continentiam vocamus. feritati autem maximè conuenire quispiam diceret virtutem, quæ supra nos est, heroicam quandam, ac diuinam. quemadmodum Homerus Priamum de Hectore dicentem inducit; eò quod valde erat bonus,

*- Non hominis mortalis filius ille*

*Esse videbatur: sed magna è stirpe deorum.*

Quod si ex hominibus, sicut dicunt, ob virtutis excellentiam diuini efficiuntur: huiusmodi quidam

dam scilicet esset habitus, qui feritati opponitur. Nam sicut bestie neque vitium est, neque virtus, ita neque Dei, sed hæc præstantius quid virtute, illa diuersum quoddam à uitio genus est. Quoniam uerò rarum est, ut uir diuinus sit: quemadmodum Lacones, cum aliquem valde admirantur, diuinus, inquiunt, uir est: sic & ferinus natura inter homines rarus aliquis est: maxime tamen inter Barbaros reperitur. fiunt uerò nonnulla etiam ex morbis, & laesionibus, quin etiam eos homines, qui uitij exuperant, ita infamamus. Sed de tali quidem affectione posterius mentio quædam facienda est. de uitio autem dictum est prius. De incontinentia uero & mollitie, & deliciis nunc est differendum: de continentia item & tolerantia. neque enim quasi iidem cum uirtute & prauitate habitus sint, neque ut diuersum genus, utraque harum existimanda est. Oportet autem, sicut in alijs fecimus, ponere ea quæ apparent, & prius dubitare, deinde ita demonstrare. ac maxime quidem omnia illustria & probabilia circa hos effectus: sin minus, pleraque, & præcipua producere debemus. nam si soluantur ea, quæ difficultatem habent, illustria uerò & probabilia relinquantur: satis erit demonstratum. Videtur igitur continentia & tolerantia ex bonis & laudabilibus: incontinentia uerò & mollities ex prauis & uituperatione dignis rebus esse. idem quoque esse continens & persistens in consilio rationis, idem incontinens & è rationis consilio excedens. atque incontinens quidem cognoscens praua esse quæ agit, ob affectum tamen agit: at continens tum prauas sciat esse cupiditates, ob rationem eas non sequitur. Temperantem quoque continentem

tinētem & tolerātem esse dicunt. atq; eum qui eiusmodi sit, alij, cūnem esse temperantē asserunt, alij minime: & intemperantē incōtinētē & incōtinētē intemperantem confuse, alij diuersos esse, aiunt. At prudentē interdum negant esse posse incōtinētē: interdum nonnullos qui sint prudentes & calidi, esse incōtinētes affirmant. Adde quod incōtinētes & irā, & honoris, & lucri etiam dicuntur. Atque ea quidem quę dicuntur, huiusmodi sunt.

*De continente & incōtinente.*

*Cap. 11.*

**D**ubitaret autem quispiam quo modo rectè existimans aliquis agat incōtinēter. Nam ut sciens quispiā agat, aiunt nonnulli fieri nullo modo posse. absurdū enim est, si adsit scientia, ut existimabat Socrates, aliud quiddominari, ac quasi mancipium hominem trahere. Socrates enim aduersus rationem omnino pugnabat, quasi nulla esset incōtinētia: neminem siquidem aiebat existimantem præter id quod optimum est, agere, sed ex ignorantia. quę sanè oratio iis aduersatur quę euidenter apparent. querendumq; est circa affectū si ex ignorantia agit quispiam, quis ignorantia nis modus sit. nam non existimare qui incōtinēter agit agenda esse ea quę agit, antequam in affectu sit constitutus, manifestum est. Sunt autē nonnulli, qui alia concedunt, alia non. sciētia enim nihil esse potentius concedū: illud nō dant, præter id quod visum fuerit melius, agere neminem. at propterea inquirunt incōtinētem non scientiam, sed opinionem habentem à uoluptatibus superari. Verumptamen si opinio,

nio, non scientia, neque ualida existimatio est, quæ resistit, sed remissa, qualis est in ambigentibus: uenia danda est, quod non in his persistat quispiam aduersus uehemētes cupiditates. at prauitati, aut alicui ex alijs vituperatione dignis rebus uenia non datur. Prudentia igitur resistente id sit: ualidissima enim res ea est. sed est absurdum. fiet enim ut idem simul & prudens sit & incontinens. at facere sponte prauissima quæque prudentis esse nemo diceret. Præterea ad agendum idoneum esse prudentem superius demonstratum est: quippe qui vltimorum quidam sit, & uirtutes reliquas habeat. Adde, quod si continens ex eo est, quod uehementes & prauas habet cupiditates: neque temperans erit continens, neq; continens temperans: propterea quod neque quod nimium est, neq; prauas habere cupiditates est temperantis: sed tamen oportet. Nam si bonæ sint cupiditates, habitus qui prohibet, ne eas sequamur, prauus est: qua re efficietur, ut non omnis continentia honesta sit. si imbecillæ uerò sint & non prauæ, nihil egregium erit: si prauæ & imbecillæ, nihil magnum. Præterea, si continentia facit, ut in omni opinione persistamus etiam in falsa, praua est: si item ab omni opinione exturbat incontinentia, aliqua incontinentia reperietur, quæ honesta sit: ut Sophoclis Neoptolemus in Philoctete. laude dignus enim est, cum in ijs, quæ ipsi Vlysses suaserat, quia mentiri egre ferebat, non perster. Quinetiam captiosa ratio mentiens, dubitatio est. dum enim volunt incredibilia conuincere, ut si assequuti fuerint, arguti esse uideantur: facta ratiocinatio dubitatio euadit. vincita enim mens est, dum stare quidem non uult,

Arist. Moral. Nico.

I L

propterea

propterea quod non placet quod conclusum est: quia tamen quomodo soluat rationem non habet, progredi non potest. Euenit autem ex quadam ratione, ut imprudentia cum incontinentia uirtus sit. contraria enim agit ob incontinentiam quàm existimet: mala autem esse bona, non esseque agenda existimat: quare bona & non mala aget. Accedit quod qui ex eo, quod persuasus est, & ex electione iucunda & agit & sectatur, melior esse eo uideretur, qui non ex consilio, sed ex incontinentia eadē agit, aptior enim est, ut curetur: quippe qui admittere dissuasionem possit. at incontinens ei pro uerbio est obroxius, quo dicimus, Quando aqua fauces strangulat, quid amplius bibere opus est? nam si non persuasus esset ea quæ agit, si dissuaderetur, desisteret: nunc autem persuasus, nihilominus alia agit. Insuper si circa omnia incontinentia & continentia uersatur, quis absolute incontinens erit? nam omnes incontinētias qui habeat, est nemo. quosdam autē absolute esse dicimus.

*Dubitatio* Ac tales quidē dubitationes incidunt. ex his autem alia tollenda sunt, alia relinquenda: quippe *nihil aliud* cum dubitationis solutio nihil aliud quàm inuentio sit. *uentio est.*

*Quonam pacto incontinentes agant. Cap. III.*

**P**rimum igitur considerandum est, utrum cognoscentes necne, agant, & quomodo cognoscentes. deinde circa quæ incontinens & continens, hoc est utrum circa omnes uoluptates & aegritudines, an circa definitas aliquas statuendus sit. tum utrum continens & tolerans idem sit, an diuersus. & simili modo de ceteris quæ



quæ cognata cōtemplationi huic sunt. Initium autem cōsiderationis est, vtrum continens & inecontinens in eo, quòd circa quædam, an in eo, quòd quodammodo uersantur, habeant differentiam: id autem quod dico tale est: utrum incontinens ex eo, quòd circa talia uersatur tantummodo, sit incontinens, an ex eo, quòd quodammodo uersatur, an non, sed ex utrisque. Deinde an incontinentia, & continentia circa omnia uersetur, necne. qui enim absolutè est incontinens, non circa omnia uersatur, sed circa quæ intemperans: neque absolutè ad ea sese habet: idem enim cum intemperantia esset: sed cò, quòd hoc modo habet. ille enim ex electione ducitur præsentem uoluptatem semper esse persequendam existimans: incontinens uerò cum non existimet, persequitur. Nam si vera opinio, & non scientia sit, ex qua incontinenter agant homines, nihil ad rationem id refert: cum nonnulli ex ijs qui opinantur, non ambigant, sed certo se scire existiment. Si igitur opinātes propterea quia leuiter credunt, magis quàm scientes præter existimationem suam agent: scientia ab opinione nihil differet. nonnulli enim sunt, qui nihilo minorem ijs quæ opinantur, quàm alij ijs quæ sciunt, fidem adhibeat. id Heraclitus ostendit. Sed quoniam duobus modis scire dicimus: tam enim dicitur scire, qui habet scientiam & ea non utitur, quàm qui utitur: differentia erit, si quis agat ea quæ non debet, dum habet quidem scientiam, sed non cōtemplatur; & dum habet, & cōtemplatur: hoc enim uidetur absurdum: sed non, dum non cōtemplatur. Præterea cum duo propositionum modi sint, nihil uetat, quo minus qui utraq; habet, præter scientiam

agat, dū in vniuersali vitur, & non particulari.  
 particularia enim ea sunt, quæ in actionem ue-  
 niunt. Diuersum autem est vniuersale: alterum  
 enim in ipso, alterum in re est: ut omni homini  
 sicca conferre: & ipsum esse hominem: uel sic-  
 cum esse quod huiusmodi est: an uerò hoc hu-  
 iusmodi sit, aut non habet, aut non operatur. Ex  
 his igitur modis incredibile est quanta differen-  
 tia futura sit: ut si ita cognoscat quispiam, nihil  
 absurdum: sin aliter, mirandum videatur. Ad  
 hæc habere scientiam alio modo contingit ho-  
 minibus, quàm dictum sit. nam dum habet quis,  
 & ea non vitur, diuersum esse habitum uide-  
 mus: ut & habere quodammodo & non habere  
 uideatur: cuiusmodi est qui dormit, qui furit,  
 qui vino oppressus est. ita autē affecti sunt etiam  
 illi qui in perturbationibus sunt constituti. ira  
 enim & venereorum cupiditates, nonnullaque  
 huiusmodi corpus etiam manifestè immutant,  
 quosdamq; in furores inducunt: ut pateat simili  
 modo affectos incōtinētes dici oportere. Quòd  
 autem uerba ex scientia dicant, id argumentum  
 nullum est. qui enim sunt in his affectibus con-  
 stituti, demonstrationes, & carmina Empedo-  
 cli dicunt: qui item primum didicerunt, conne-  
 ctunt quidem uerba, nondum tamen sciunt. co-  
 gnatum enim, ac coalitū esse oportet. ad quod  
 tempore opus est. Quocirca eos, qui incontinen-  
 ter agunt, ita dicere existimandum est, ut illi fa-  
 ciunt, qui histrionis munere funguntur. Adde,  
 quòd ita quoq; naturali quadam ratione inspi-  
 cere causam quispiā posset. altera enim vniuer-  
 salis opinio est: altera de particularibus rebus,  
 quibus præsides sensus. quanto autem ex ipsis  
 una euaserit: alibi quidem enunciet anima, in  
 effectiuis

effectiuis uerò, agat statim, necesse est: ut, si om-  
 ne dulce gustandum est, hoc autem est dulce,  
 utpote unum quoddam ex particularibus: ne-  
 cesse est ut qui potest, & non prohibetur, simul  
 hoc quoq; agat. Quando igitur uniuersalis opi-  
 nio inest, quæ prohibeat gustare: altera uerò, quæ  
 omne dulce suaue esse dicat: hoc autem est dulce,  
 atq; hæc est, quæ operatur: fortè uerò adest cupi-  
 ditas: illa quidem fugiendum esse ait, cupiditas  
 ducit: quippe cum mouere unumquodq; ex mē-  
 bris queat. Quare fit, ut ex ratione quodāmodo  
 & opinione incontinenter quispiam agat: quæ  
 quidem opinio non per se, sed ex accidenti con-  
 traria sit. cupiditas enim, non opinio rectæ ra-  
 tioni contraria est. Vnde etiam bestix inconti-  
 nentes propterea non sunt, quia particularium  
 imaginationem & memoriam habent, non uni-  
 uersalium existimationem. Quomodo uerò solu-  
 uatur ignorantia, & incontinens rursus efficiat-  
 ur sciens; eadem ratio est, quæ & de temulento  
 & dormiente, non propria huius affectionis, quæ  
 quidem à naturæ indagatoribus audienda est.  
 Quoniam autem ultima propositio est expositæ  
 sensui rei opinio, actionumq; domina est; hanc  
 uel non habet, qui in affectu est constitutus; uel  
 ita habet, ut non tamen eo quod habet, eam li-  
 ceat scire, sed dicere duntaxat, nō secus ac uino  
 oppressus Empedoclis carmina. propterea item,  
 quod ultimus terminus nō est uniuersalis, neq;  
 ita ut uniuersalis sciētiam efficere uideatur. Atq;  
 id quod querebat Socrates, uidetur contingere:  
 non enim affectus existit presente ea, quæ uide-  
 tur † proprie esse scientia, quippe quæ neq; ipsa † a. l. domi  
 ex affectu distrahatur: sed presente ea quæ sen- † a.  
 sitiuā est. Vtrū igitur cognoscens necne, & quo-  
 modo

modo cognoscens agere incōtinenter quispiam possit, hactenus dictum sit.

*Circa qua continens, & incontinentis versetur. Cap. 1111.*

**I**Am verò vtrum aliquis absolutè incontinent sit, an omnes ex parte: erit sit, circa quæ uersetur, dicendum deinceps est. Circa voluptates quidem & dolores continentes & tolerantes, necnon incontinentes & molles uersari perspicuum est. Quoniam uerò ex ijs, quæ voluptatem afferunt, alia necessaria sunt, alia eligenda quidem per se, sed eiusmodi tamen ut excessum etiam habeant: necessaria quæ ad corpus spectant cuiusmodi sunt alimentum, ueneris usus, ac cætera huiusmodi corporalia, circa quæ temperantiam & intemperantiam constituimus: non necessaria, sed per se eligenda, victoria, honor, diuitiæ, ac reliqua talia, quæ bona sunt & iucunda: eos qui in his præter rectam rationem quæ in ipsis est, absolutè quidem incontinentes non dicimus: sed addentes pecuniarum, lucri, honoris, itæ incontinentes appellamus, & non absolutè: utpote diuersos, & qui ex similitudine dicantur. Non secus atque ille homo dicebatur qui in Olympijs uicit. illius enim communis ratio à propria parum distabat: sed diuersa tamen erat. Cui rei id signum est, quòd incōtinentia, non ut error tantum, sed ut vitium quoddam, quod aut absolutè, aut ex parte aliqua sit, uituperatur: horum autem nemo, sed illorū qui circa corporales fruitiones versantur, circa quas temperantem & intemperantem existere diximus, qui non ex electione, sed præter electionem & consilium excessus & iucundorum sectatur,

& aatur, & molestorū fugit, famis videlicet, sitis,  
 caloris, frigoris, ceterorumq; omnium, quæ ad  
 tactum gustatumq; spectant: is non cum addi-  
 tione, quod circa hæc scilicet sit, uerbi causa iræ,  
 sed absolutè tantummodo incontinens dicitur.  
 Iudicio illud est: nam intemperantes circa has,  
 non circa aliquā ex illis dicuntur. & propterea  
 incontinentem & intemperantem, continētem  
 item & temperantem non ex illis quempiam in  
 eodem constituimus, propterea quod circa eas-  
 dem quodammodo uoluptates, doloresq; eos-  
 dem versentur. quanquam hi circa eadem qui-  
 dem utriq; uersantur, non tamen eodem modo:  
 illi enim eligunt: hi non eligunt. Vnde magis in-  
 temperantem eum diceremus, qui uel nihil, vel  
 leuiter cupiens & excessus sectatur, & dolores  
 mediocres fugit: quàm hūc qui propterea idem  
 facit, quia uehemente cupiditate afficitur. quid  
 enim faceret ille, si aut valida aliqua cupiditas,  
 aut in necessitatarum rerum inopia uehemens  
 dolor incesset? Quoniam uerò ex cupiditati-  
 bus & uoluptatibus aliæ sunt ex ijs, quæ genere  
 sunt honestæ ac probæ: nam iucundorum non-  
 nulla natura sunt expetenda, alia his contraria,  
 alia media, sicut prius diuisum à nobis est: ut pec-  
 unia, lucrum, uictoria, & honor: in omnibus  
 porro & talibus, & medijs, non quia afficiuntur,  
 & cupiunt, & amant, vituperantur homines: sed  
 quia quodammodo afficiuntur, & excedunt. It-  
 circo quicumq; præter rationem uel superantur,  
 vel aliquid ex ijs, quæ natura sunt honestæ &  
 bonæ, persequuntur, ut illi qui circa honorem  
 magis quàm oporteat, student, vel circa filias  
 & parentes: bonæ enim hæc sunt, & qui circa ea  
 student, laudari consueuerunt: sed in his tamen

excessus etiam quidam est, si quis quemadmodum Niobe aduersus Deos pugnaret: aut erga patrem ita esset affectus, ut Satyrus qui patricola appellabatur. valde enim insanire uidebatur. Nulla igitur circa hæc prauitas existit ob id quod dictum est: propterea quod unumquodque per se est ex ijs, quæ natura sunt experienda: prauitamen & fugiendi excessus ipsorum sunt. simili modo quoque; neque incontinētia, quippe cum incontinētia non modò fugiēda, uerum etiam ex ijs sit, quæ uituperatione digna habentur. ex affectus tamen similitudine incontinētia adiungentes circa unumquodque dicunt. ut malum medicum, malum histrionem, quem absolutè malum nullo modo uocarent. Quemadmodum itaque; neque hinc propterea quod unumquodque ipsorum non uitium, sed proportionē simile est: ita uidelicet, etiam illic existimandum est incontinētia & continentia eam duntaxat esse, quæ circa eadem, circa quæ temperantia versatur, & intēperantia. nam circa iram per similitudinē dicimus: unde etiā addētes iræ incontinētem, sicut honoris, & lucri appellamus.

*Circa iucunda præter naturam non esse incontinētia, eiusque duas esse species. Cap. V.*

**C**VM autem nonnulla iucunda natura sint, atque ex his alia absolutè ac simpliciter, alia pro generibus animalium atque hominum: nonnulla uerò non natura, sed partim ex læsionibus, partim ex consuetudine, partim etiam ob naturas prauas huiusmodi sint: circa quoque; horum singula inspicere similes habitus possumus. Dico autem ferinos: cuiusmodi erat ea mulier, quam



quam grauidarum ventres rescindere, atq; inde  
 foetus comedere consueuisse inquirunt: vel ea,  
 quibus aiunt quasdam efferatas circa Pontum  
 nationes oblectari. alios enim crudis, alios hu-  
 manis carnibus vesci, alios sibi inuicem infan-  
 tes ad epulandum mutuare perhibent, vel quod  
 de Phalaride dicitur. Atq; hi quidem ferini ha-  
 bitus sunt. alij verò nonnullis ex morbo & in-  
 fania contingunt: vt illi, qui matrem mactauit,  
 & in cibum sumpsit: qui item conserui iecur co-  
 medit. alij item morbosus sunt, vel ex consuetu-  
 dine: vt pilorum euulsione, vnguium rosiones.  
 carbonum etiam & terræ comestiones: præterea  
 venerorum vsus cum maribus: id quod tum  
 natura, tum consuetudine euenit, quemadmo-  
 dum illis qui à pueritia consueuerunt. Quibus-  
 cunq; igitur in causa est natura, eos incontinen-  
 tes appellaret nemo: sicut neque scæminas, quòd  
 non subagitent, sed subagitantur: simili modo  
 neq; eos qui ex consuetudine morbosè sese ha-  
 bent. At cum habet quidem vnumquodq; horù  
 quispiam, vitij terminos excedit, perinde atque  
 immanitas ac feritas: cum habet tamen & vel  
 superat, vel superatur, ea neq; continentia abso-  
 lutè, neq; incontinentia est, sed ex similitudine.  
 sicut etiam ille qui circa iram affectus est, non  
 incontinens, sed hoc modo affectionis incontli-  
 nens dicendus est. Omne enim excedens vitium  
 & imprudentia, & timiditas, & intemperantia,  
 & acerbitas partim ferinum est, partim morbo-  
 sum. Qui nanque talis natura est, vt oïa timeat,  
 etiam simus obstrepuerit, ferina is timiditate  
 timidus est. quidam etiã selem ex morbo time-  
 bat. ex imprudentibus item, qui irrationabiles  
 sunt, & sensu tatummodo viuunt, ferini habentur:

tur: cuiusmodi nonnullæ longinquorum Barbarorum nationes sunt. Qui autem ex morbo aut comitiali, aut infania idē faciunt, morboſi ſunt. Fieri verò poſteſt, vt ex his aliqua interdum quiſpiam habeat tantum, & nō ſuperetur. quemadmodum ſi Phalaris cupiens infantem edere, ſe cohibuiſſet: vel ad venereorum neſariam voluptatem incitatus, quiſpiam. ſit etiam, vt nō ſolū habeat hæc aliquis, verum etiam ſuperetur. Quemadmodum igitur prauitas, quæ homini conuenit, abſolutè prauitas dicitur: quæ verò cū additione appellatur, non abſolutè, ſed ferina, vel morboſa prauitas vocatur. eodem modo eſſe incontinentiam patet aliam ferinam, aliam morboſam: abſolutè verò ſolam eam, quæ intemperantiæ humanæ correfpondet. Incontinentiam itaq; & continentiam circa ea tantum verſari, circa quæ intemperantia & temperantia, circa alia verò aliam incōtinentiæ ſpeciem eſſe, quæ non abſolutè, ſed per translationem ita dicatur, perſpicuum eſt.

*De incontinentia ira, & voluptatum differentijs,  
& vitio humano. Cap. VI.*

**I**Am verò minus turpem eſſe incontinentiam iræ, quàm cupiditatū conſyderemus. ira enim laudire quidem rationem videtur, ſed nō rectè tamen percipere, quemadmodū feſtini miniſtri faciunt, qui priuſquam omnia quæ dicuntur, audiuerint, excurrunt: deinde ꝑ ab actione aberrant: & canes quoq; antequam inſpexerint, an amicus ſit quiſpiam, ſi ſtrepitum tantummodo fecerit, latrant: ita ira ob feruorē, celeritatemq; naturæ, audiens quidem, ſed non quid præcipiatur, attendens, ad vindictā incitatur. nam ſtatim  
vbi

*¶ a. l. à m. a. d. a. r. o.*

vbi ratio vel imaginatio contumeliam aut contemptum esse ostenderit, ipsa quasi ratiocinando collegerit bellū ei esse inferendum, indignatur. at cupiditas si tātū ratio, aut sensus suauē esse aliquid dixerit, ad fruitionem eius incitatur. quare ira rationem quodammodo sequitur: cupiditas non sequitur. turpior igitur cupiditas est. ira em̄ incontinens à ratione quodammodo vincitur: hic verò à cupiditate, non à ratione superatur. Præterea magis ignoscendum est, si quis naturales appetitiones sequatur: nam talibus etiam cupiditatibus quæ cōmunes omnibus sunt, & quatenus sunt communes, venia magis dari consuevit: at iracundia & acerbitas naturalis magis est, quàm cupiditates quæ excedunt, & necessaria minimè sunt. quemadmodū ille, qui se excusabat, quòd patrem verberasset: Nam hic, inquit, suum; & ille item suum verberauit: & cōmonstrans infantem hic etiam, inquit, vbi vir euaserit, me ipsum verberabit: gentile enim nobis hoc est. ille quoq; qui trahebatur à filio, vbi ad ianuam deuentum est, desistere iubebat: nam se quoque eousque patrem suum traxisse. Adde, quòd qui insidiosus agunt, sunt iniustiores: iracundus verò minimè est insidiosus, sed apertus, sicut etiam ira: at cupiditas huiusmodi est, qualem etiam Venerem dicunt.

*Cyprigena enim fraudes nescientis, & Zonam de pectore soluit, inquit Homerus,*

*Hic fraus est, quæ vel prudentes decipit ipsos.*

Quare si iniustior & turpior incontinentia hæc est, quàm ea quæ circa iram versatur: & absolute incōtinentia, & quodammodo vitium erit. Accedit, q̄ dolore affectus contumelia vitur nemo. Qui autem ex ira quispiam facit, cū dolore id facit:

id facit: qui verò contumelia vitur, cùm voluptate. si igitur ea sunt iniustiora ob quæ indignari maximè conuenit, incontinentia quoque cupiditatis eiusmodi erit: quippe cū in ira contumelia minimè sit; incontinentiam itaque cupiditatis ea, quæ circa iram existit, esse turpiorem: continentiam item & incontinentiam circa cupiditates & voluptates corporis versari, manifestum est. Harum autem ipsarū differentiarum sumendæ sunt. sicut enim à principio dictum fuit, aliæ tam genere quàm magnitudine humanæ sunt ac naturales: aliæ ferinæ: aliæ ex laesionibus & morbis euenientes, ac circa harum primas temperantia & intemperantia versatur: unde bestias neque temperantes neque intemperantes dicimus, nisi per translationem: & si quo alio modo omnino animalium genus aliud ab alio tum contumelia & salacitate, tum voracitate differt. Non enim electionem, neque rationem habent, sed è natura non secus ac furentes homines excesserunt: feritas autem minus quidem quàm vitium, sed horribilius tamen malū est, quippe cum non sit corrupta, quemadmodum in homine, optima pars, sed desit, & nō habeat. Simile nanque est perinde ac si inanimatum ad animatū conferre velimus, vtrum peius sit. semper enim prauitas eius quod non habet principium: intellectus autem est principium: minus idonea ad nocendum est. Non secus igitur est, ac si iniustitiam ad iniustum hominem quispiam cōferat: vtrumque enim aliquo modo peius est: millies plura enim mala homo malus quàm bestia perpetraret.

*De continente, incontinente, tolerante, & molli.**Cap. VII.*

**A**T verò circa tactus gustatusq; voluptates & dolores, cupiditates item & fugas, circa quas intemperantia & temperantia definita prius est, ita se habere quispiam potest, ut vel quibus pleriq; sunt superiores, ab ijs vincatur: vel ea superet, quibus pleriq; succumbunt. Ex his autem qui circa voluptates veritatur, alter incontinens, alter continens: qui circa dolores, alter mollis, tolerans alter dicitur: plurimorum verò habitus medijs sunt, licet magis ad deteriores declinent. Sed quia nonnulla voluptates necessariae sunt, aliae non necessariae, & quadantenus: excessus verò & defectus necessarij minimè sunt: & simili modo etiam circa cupiditates & dolores res sese habet: qui iucundarum rerum excessus vel cum excessu, vel ex electione & propter ipsas, nullamque aliam ob rem euenientem persequitur, intemperans est. Necesse enim est hunc non esse eiusmodi, ut eum poeniteat: quare est incurabilis: nam quem non poenitet, incurabilis est: qui verò deficit, est huic oppositus, qui est medius, temperans. simili modo quoque qui corporis dolores, non quia sit inferior & vincatur, sed ex electione fugit. At eorum qui non eligunt, alter ob voluptatem, alter ob id quod fugit dolorem ex cupiditate euenientem, ducitur: quare inter se differunt. vnicuique enim peior esse videretur, si quis aut nihil, aut leuiter cupiens turpe aliquid perpetraret, quam si vehementi cupiditate affectus idem faceret. item si non iratus, quam si iratus verberaret quispiam. quid enim ageret, si in affectu esset

esset constitutus? ideo intemperans incōtēpente deterior est: Ex ijs verò quos diximus, alter in mollitiæ specie magis est, alter est incontinent, incontinenti autem continens: molli-tolerans opponitur: tolerare.n.in resistendo consistit, continentia in'continendo & cohibendo. diuersum autem est resistere & cohibere, nō secus ac nō superari, & vincere, vt hac causa continentia quàm tolerantia sit expetibilior. Qui verò deficit in ijs aduersus quæ pleriq; renituntur, & possunt; is mollis est, & delicatus. delicie enim mollia quædam est, qui scilicet pallium trahit, ne si ipsum tollat, dolorem sibi laborando creet: & dum ægotatē imitatur, miserum esse non existimat, cū misero similis sit. Pari modo quoque circa continentia & incontinentiam res sese habet. non enim si quis vehementibus & modū excedentibus aut voluptatibus, aut doloribus vincitur, id mirum est, quin si resistens vincitur, venia etiam dignum habetur: vt Theodeti Philoctetes à vipera morsus, aut Carcini in Alope Cercyon: & sicut ij, qui cū cohibere risum nitantur, in profusum cachinnū erumpunt: id quod Xenophanto contigit. Sed si ab ijs vincitur, ijsq; nequit repugnare, quibus pleriq; possunt resistere: atque id non ex natura generis, aut morbo. Quemadmodum apud Persarum Reges mollities ex genere est: & sicut fœmina à mari distat. Iocosus quoq; esse intemperans videtur, sed est mollis. iocus enim cū sit requies, relaxatio est. Iocosus verò ex ijs est, qui in hac excedunt. Incontinentia alia temeritas, alia imbecillitas est. nam alij vbi consultarunt, in ijs quæ decreuerunt, ob affectum postea non perstant: alij quia non consultarunt, ab affectu



fectu ducuntur. nonnulli enim, quemadmodum qui se prius titillarent, nō titillantur: ita quoq; ipsi cum præsenserint, ac prauiderint, seq; ipsos & rationem præexcitarint, siue iucundum, siue molestum quippiam fuerit, ab affectu non superantur, præcipuè verò celeres, & attrabile affecti. temeraria incontinentia sunt incōtinentes. illi enim ob celeritatem, hi ob vehementiam rationem non expectant, propterea quòd procliues ad sequendam imaginationem sunt.

*Quæ incontinentis & intemperantis differentia sit. Cap. VIII.*

**A**T intemperans, sicut dictum est, non est eiusmodi, vt eum pœniteat. perstat enim in proposito, sed incontinentem quodammodo pœnitet, quo circa nō sicut dubitauimus, ita sese res habet, sed hic facile pōt sanari, ille incurabilis est: quippe cū prauitas ex morbis aquæ inter cutem & tabi, incontinentia comitialibus perquàm similis sit. illa enim cōtinua, hæc non continua improbitas est, atq; omnino diuersum est incōtinentiæ & vitij genus. vitium enim latet, incontinentia non latet. Ex ijs autem ipsis illi qui exturbantur, meliores sunt, quàm qui rationem habent, atq; in ea non persistunt. à minori enim affectu superantur: & non inconsulti, vt alteri sunt. nam similis incontinentens est ijs, qui & citò, & paucò vino, & pauciore etiā quàm plerique inebriantur. Incontinentiam igitur non esse vitium, manifestum est, sed quadam ex parte fortasse. hæc enim præter electionem, id ex electione; sed in actionibus tamen habet similitudinem, quemadmodum Demodocus in Milesios dicebat: Milesij sanè non sunt

## 176 Moral. Nicomachiorum

sunt quidem imprudentes: sed ea tamen agunt, quæ imprudentes solent: sic incontinentes licet iniusti non sint, iniuste tamen agunt. Quoniam verò alter talis est, ut nō ex eo, quod persuasus sit, voluptates corporis supra modum, & præter rectam rationem sequatur: alter autem persuasus est, quia est talis ut eas sequatur: illi dissuaderi facile potest: huic non potest. Virtus enim & prauitas principium altera corrumpit, altera conseruat. in actionibus autem principium illud est, cuius causa res sit, sicut in mathematicis suppositiones. nam neq; illic ratio est, quæ doctrinam tradat principiorum, neque hic, sed virtus vel naturalis, vel assuetudine comparata recte opinandi circa principium præceptrix est. Ac temperans quidem huiusmodi est: huic verò contrarius intemperans: est etiam quidam qui ex affectu à recta ratione exturbatur, quem sanè superat affectus, ut ex recta ratione minimè agat, nō tamen ita superat, ut talis euadat, qui eiusmodi voluptates effusè sibi, esse sectandas persuasum habeat: atque hic est incontinens, qui intemperate melior est, nec est absolutè prauus: quippe cum in eo id quod optimum est, id est principium ipsum conseruetur, cōtrarius huic alius est qui persistit, neque ex affectu exturbatur. Hinc igitur alterum probum, alterum prauum esse habitum patet.

*De continentis & pertinacis convenientia & differentia.*

*Cap. IX.*

**V**trum igitur continens is est, qui in qualicumque ratione & qualicumq; electione, an qui in recta tantum persistit? Vtrum item incontinens,

tinens, qui in qualicunq; & ratione & electione perstat, an qui in falsa ratione, & non recta electione permanet? nunquid ex accidenti in qualicunq; per se uerò in uera ratione, & in recta electione persistit alter, alter non persistit? nā si quis illud ob hoc eligit & sectatur hoc per se: prius illud ex accidenti sectatur, atque eligit per se autē simpliciter & absolute appellamus. Quare sit, ut quodam modo in qualicunq; opinione, absolute autem in uera alter perseueret, alter non perseueret. Sunt autem nonnulli in opinione perseuerantes, quos pertinaces vocant, ut obstinati, & qui non facile dissuasionem admittunt: qui similitudinem quidem cum continente quandam habent, sicut prodigus cum liberali, audax cum forti, diuersi tamē in multis sunt. continens enim ex affectu & cupiditate non immutatur: nam cum inciderit, suasioni obtemperans est: ille non à ratione. cupiditates enim admittunt plerique, atque à uoluptatibus ducuntur. Ac sunt quidem pertinaces qui suę sunt sententię homines, & ineruditi, & rustici, atque hi quidem suę sunt sententię, ex uoluptate & dolore, gaudent enim cum uincunt, si non dissuasi fuerint: dolent cōtrā, si sua. perinde ac sint decreta, irrita fuerint effecta, ut hac ratione incontinenti magis, quā continēti similes sint. Sed sunt etiam quidam qui in iis quę decreuerunt, non perstant, neq; tamen ob incontinentiam, ut in Philoctete Sophoclis Neoptolemus, atqui is ob uoluptatē quidem non persistit: sed honestum erat. uerum enim dicere ipsi erat honestum, cum ad mētiendum ab Ulyssē fuisset persuasus. non enim omnis qui ob uoluptatem quippiam agit, interoperans est, aut prauus, aut

# 178 Moral. Nicomachiorum

incontinens: sed qui ob turpem uoluptatem agit. Cum autem sit quidem etiam talis, qui corporalibus minus quam oporteat oblectetur, neque in ratione tamen persistat, inter hunc & incontinentem medius continens est. incontinens enim in ratione non persistit, quia magis quam oportet: hic, quia minus quam oportet, quippiam sectatur. at continens persistit, & ob neutrum immutatur. Si continentia verò honesta est, utrosque hos contrarios habitus esse prauos, sicuti etiam videntur, necesse est: quia tamen alter ex his in paucis, & raro solet reperiri: sit, ut, quemadmodum temperantia intemperantia esse contraria tantum uidetur, sic incontinentia continentia esse uideatur. Ceterum quia multa dicuntur ex similitudine, consequitur, ut continentia temperantis quoque per similitudinem sit. nam & continens eiusmodi est, ut nihil præter rectam rationem ob corporis uoluptates faciat: & similiter temperans, sed ille tamen prauas habet cupiditates: hic non habet: atque hic est talis, ut præter rationem non oblectetur, ille ut oblectetur quidem, sed tamen non ducatur. Similes item incontinens & intemperans inter se sunt: qui quidem, cum sint diuersi, utrique corporis uoluptates sequuntur: sed alter oportere existimans, alter non existimans id facit.

*Prudentiam & incontinentiam simul in eodem non esse. Cap. X.*

**S**ed neque ut idem simul & prudens & incontinens sit, fieri ullo modo potest. qui enim prudens sit, cum simul & probum esse moribus demonstratum est. Adde quod non in eo solum quod

quoddam cognoscit, est prudens quispiam, sed in eo quoddam est actuosus, incontinentes autem actuosus non est. Callidum tamen esse incontinentem, nihil vetat, unde etiam prudentes esse nonnulli videntur, qui sint incontinentes: propterea quod calliditas eo modo quo superius diximus, à prudentia discrepat, estque quantum ad rationem spectat, proxima: quantum ad electionem, diuersa. Neque igitur, ut cognoscens, & contemplans, sed ut dormiens, & vino oppressus, ac sponte quidem agit. quodam enim modo cognoscit & quid, & cuius causa facit: prauus tamen non est: quippe cum electio eius proba sit, quare semiprauus est, & non iniustus. non enim est insidiosus. Alter enim ex ipsis in iis quae consultauit, non perstat: alter qui atra bile est affectus, ne consultat quidem omnino. Ac similis quidem est incontinentes ciuitati, quae omnia quidem quae fieri debent, decernat, legesque bonas habeat, sed eis tamen non utatur: quemadmodum Anaxandrides cauillatus est: Nili iura curans consulebat ciuitas: prauus verò utriusque quidem legibus, sed malis, similis est. Versatur autem incontinentia & contingentia circa id quod multitudinis habitum excedit. nam alter amplius, alter minus perstat, quam multitudinis facultas sit. Atque ex incontinentibus sanabilior illa est, quae qui atra bile sunt praediti, uti consueuerunt, quam ea quae illorum est qui consultant, sed postea tamen in iis quae consultarunt, non persistunt; incontinentes item ex assuetudine, quam *Consuetudinem* ex natura sanari facilius possunt: quippe cum *nem quam* consuetudinem quam naturam immutare facilius sit. nam ob id quoque consuetudinem *naturam immutare* immutare facilius est, quia natura perquam similis est.

# 180 Moral.Nicomachiorum

lis est,quemadmodum etiam Euentus inquit:  
*Consuetudo quidem rerum tractatio longa est:*  
*Quam procedentem naturam dicimus esse.*

Quid igitur continentia sit, & incontinētia,  
 quid tolerantia, & mollities: quamq; hi habitus  
 inter se rationem habeant, dictum iam est.

*De Voluptate.*

*Cap. XI.*

**A**T verò de voluptate & dolore contēplari  
 eius est qui circa ciuilem facultatem phi-  
 losophatur. is enim finis eius architectus  
 est, ad quem spectātes vnumquodq; tum malū,  
 tum bonum appellamus. Præterea de his cōside-  
 rare necessarium etiam est: quippe cū virtutē  
 moralem & viriū circa voluptates, & dolores  
 constituerimus: & felicitatem pleriq; existere  
 cum voluptate asserant: vnde etiam beatum à  
 verbo χαίειν, quod est gaudere, μαχαλῆον nomi-  
 narint. Quibusdam igitur, nulla voluptas neq;  
 per se, neque ex accidenti esse bonum videtur.  
 non enim posse idem & bonum esse & volupta-  
 tem asserunt. alij nonnullas bonas, plerasq; pra-  
 uas esse opinantur. tertia sentētia præterea est,  
 etiam si omnes sint bonæ, optimum tamen vo-  
 luptatem esse nullo modo posse. Atq; omnino  
 quidem nō esse bonum propterea dicunt, quòd  
 omnis voluptas generatio est sensibilis in natu-  
 ram: nulla enim generatio finibus est cognata,  
 verbi causa, nulla ædificatio domus est. Tempe-  
 rans præterea voluptates fugit: item prudens  
 quod dolores vacat, persequitur, non quod iu-  
 cundum est: voluptates etiā prudentiæ sunt im-  
 pedimento. atq; eò magis, quò quis magis oble-  
 scatur, vt in venereorum voluptate contingit. in  
 qua



qua constitutus nemo intelligere quippiam potest. Huc accedit, quod uoluptatis nulla ars est: cum tamen bonum omne opus artis esse censeatur. Adde quod pueri quoque & bestiarum uoluptates persequuntur. Quod autem non omnes esse probas dicant, propterea est, quia turpes etiam nonnullae, & probrosae, & noxae quoque reperiuntur, quippe cum morbosa sint quaedam ex iis quae uoluptate afficiunt. At non optimum esse uoluptatem asserunt, ob id quia non finis, sed generatio est. Atque ea quidem quae dicuntur, huiusmodi sunt.

*Improbatio rationum de uoluptate.*

*Cap. XII.*

**A**T enim non effici ex his ut uoluptas aut bonum aut optimum non sit, hinc perspicuum erit: primum, quia bonum dupliciter. alterum enim absolute, alterum alicui bonum dicitur: & naturae & habitus id sequuntur, quare sequuntur quoque idem & motiones, & generationes. Quae item esse praevidentur, absolute aliae sunt praevidentur, non tamen alicui, sed eligendae alicui sunt: aliae ne huic quidem, nisi aliquando, & paruo tempore, & non sunt eligendae: quaedam uero ne uoluptates quidem sunt, sed uidentur: quaecumque cum dolore, & medicinae causa existunt: cuiusmodi uoluptates egrotantium sunt. Praeterea cum bonum aliud operatio sit, aliud habitus: quae in naturalem habitum constituunt, ex accidenti suaves ac iucundae sunt, operatio autem est in cupiditatibus † submolesti habitus, ac naturae. Nam sine dolore etiam & cupiditate uoluptates existunt, ut contemplandi operationes, quae minimè indigentis naturae sunt.

## 182 Moral. Nicomachiorum

Argumento id est, quod non eadem iucunditate oblectantur, dum repletur natura, & dū constituta est, sed dum est constituta, ijs quæ absolute sunt iucunda, dum repletur, contrarijs etiam gaudent, accidit siquidem, & amaris delectantur: quorum nihil neque natura, neq; absolute iucundum est. quare neque ipsæ voluptates. sicut enim iucunda inter sese distant, ita quoque voluptates quæ ab ipsis eueniunt: Adde quod non est necesse, vt aliud quid melius voluptate sit, quentadmodum nonnulli dicunt, finē ipsum generationis: generationes enim voluptates, nō sunt, neq; cum generatione omnes existunt, sed operationes sunt & fines: neq; ex ijs quæ gignuntur, sed ex ijs quibus vtimur, efficiuntur, finis item non omnium diuersum quid est, sed earum quæ ad natura perfectionem deducuntur. Vnde sensibilem generationem voluptatem esse dicere, non recte se habet, sed potius dicendum est, operationem esse eam habitus qui secundum naturam est, & potius quam sensibilem, impedimento vacantem. Videtur autem ex eo generatio esse, quia proprie bonum est: operationem enim generationem esse existimant, cum tamen diuersa sit. Nam quod aiunt prauas eas esse, quia morbosa nonnulla sunt iucunda; idem de salubribus dicendum esset: quædam enim ex ipsis ad rem pecuniariam praua sunt: vt hoc modo praua ambo essent: at in hoc non sunt praua: quippe cum contemplari quoque, quantum ad sanitatem attinet, nocumentum interdum afferat. Neque prudentiæ verò, neque alicui habitui impedimento est ea quæ ab vnoquoque procedit voluptas, sed aliena. nam quæ à contemplando & discendo proueniunt, magis

ut contempleremur, ac discamus, efficiunt. Nullam verò voluptatē artis ullius esse opus, probabiliter contingit: quippe cum neque alterius operationis ullius ars sit, sed facultatis: tametsi & unguentaria ars, & opsonatoria esse voluntatis uidetur. Quod autem temperans fugiat, & prudens dolore carentem uitam persequatur, persequantur item tam pueri, quam bestię, omnia eodem modo soluuntur. Nam quia dictum est quo modo bonę absolutē, & quo modo non bonę voluptates omnes sint: tales pueri & bestię persequuntur: harumque indolentiam prudens sectatur, quę cum cupiditate & dolore existunt, & corporis sunt: huiusmodi enim sunt hę: harum item excessus secundum quos intemperans intemperans est. propterea temperans has fugit: nam etiam temperantis voluptates sunt.

*De voluptatum speciebus. Cap. XIII.*

Ceterum dolor quoque esse malum & fugiendum cōceditur: atque alius absolutē malū, alius eō quodā modo impedimēto est, fugiendę autem rei, quę genus est fugienda & mala, bonum cōtrarium est: bonū igitur quoddam esse uoluptatem necesse est. Nam quemadmodum soluebat Spensippus, non competit solutio. sicut maius minori & equali, ita contrarium hic esse. non enim idem quod malum aliud quod voluptatem esse quispiam dixerit. Iam verò si nonnullę voluptates sunt prauę, nihil verat aliquam esse optimam: sicut scientiam aliquam, licet prauę quędam sint. fortasse uerò etiam necessarium est, siquidem vniuscuiusque

habitus operationes sine impedimento sunt, siue omnium operatio sit felicitas, siue alicuius ipsorum, si impedimento vacet, eam esse maxime expetendam. hoc autem est uoluptas. Quare efficitur, ut quadam uoluptas optimum sit, licet multæ uoluptates fortè absolute prauæ sint. ac propterea omnes felicem uitam iucundam esse existimant: uoluptatemq; felicitati consentaneè annectunt: quippe cum nulla operatio quæ impeditur, perfecta sit; felicitas uerò sit ex perfectis. Ideo fit, ut ex corporis & externis bonis, fortunaq; ipsa insuper indigeat felix, ne hæc impediant. Nam qui cum, qui rota torquetur, & calamitatibus magnis opprimitur, si bonus sit, felicem esse dicunt; uel inuiti, uel spontè nihil dicunt. Quia uerò insuper fortuna indiget felix; idem esse nonnullis fortune prosperitas, & felicitas uidetur: cum tamē non sit: nam ipsa quoque cum excedit, impedimento est. ac fortasse non amplius fortunæ prosperitas appellari iure potest: quippe cum eius definitio ad felicitatem spectet. Quod item omnes & bestię & homines uoluptatem sequuntur, id ipsam esse quodam modo optimum indicat.

*Non prorsus fama illa perit, quam multa per orbem  
Turba hominum celebrat.*

Sed quia neq; eadem natura, neque idē habitus optimus aut est, aut uidetur: neque uoluptatem eandem omnes, uoluptatem tamen omnes sequuntur, fortasse etiam nō eā sequuntur, quam putant, neq; quam dicerent, sed eandem. omnia enim natura diuinum quid habent. Sed corporis uoluptates nominis huius hæreditatem consequuta ex eo sunt, quod sæpè in ipsas incidunt homines, omnesq; earum sunt participes. unde  
quia

quia solæ notæ sunt, solas has esse opinantur. Perspicuum etiam est, nisi voluptas sit bonum & operatio, fieri non posse, ut iucundè felix vitam traducat. Cuius enim causa indigeret ipsa, si non est bonum? sed etiam molestè vivere poterit. nam neque malum, neq; bonum est dolor, si neq; voluptas. Quare cur fugeret? neq; igitur probi viri vita erit iucundior, nisi etiam operationes ipsius sint.

*De corporis voluptatibus. Cap. XIIII.*

**A**T verò de corporis voluptatibus cōsyderandum illis est, qui nonnullas voluptates valde eligendas esse dicunt, illas videlicet quæ honestæ sunt, sed non corporales, & eas circa quas versatur intemperans. Quis sit igitur, ut cōtrarij dolores pravi sint? malo etenim bonū contrarium est. An ita bonæ sunt illæ, quæ sunt necessariæ, propterea quòd quod non est malum, bonum est? An aliquatenus bonæ sunt? Habituum enim & motuum, quorum melioris excessus, non est: neque voluptatis est excessus: quorum autem est, est etiam uoluptatis. at corporis bonorū est excessus, & prauus prosequendo excessum, & non necessarias voluptates prauus est: omnes siquidem & opsonijs & vinis & venereis quodammodo oblectantur, sed non ut debent. Contrà in dolore. non enim excessum fugit quispiam, sed omnino fugit: quippe cū excessui dolor contrarius minimè sit, sed ei qui excessum persequitur. Quoniam autem non tantum opus est, ut verum dicamus, sed etiam oportet, ut falsi causam explicemus: hoc enim ad fidem faciendam conducit. nam cū

rationi consentanea uisa fuerit causa; cur uerū  
 appareat esse, quod uerum non est: facit, ut uerò  
 magis fidem adhibeamus: iccirco dicendum est,  
 qui fiat, ut corporis uoluptates expetibiliores  
 esse uideantur. Primum igitur, quia expellit do-  
 lorem: atq; ob doloris excessum excedentem uo-  
 luptatem, quasi medela quzdam sit, atq; omni-  
 no corporis voluptatem persequuntur. medela  
 autem uehementes fiunt: unde eas etiam perse-  
 quuntur, quia circa contrarium uidentur. atq;  
 ob duo hæc bonum non esse uoluptas uidetur,  
 sicut dictum est: quoniam aliz prauę naturę a-  
 ctiones sunt, siue ab ortu, ut bestiarum, siue ex  
 consuetudine, ut prauorum hominū: aliz sunt  
 medelę quia sunt indigentis: meliusque est ha-  
 bere quàm fieri: aliz accidunt, dum perficiun-  
 tur. ex accidenti igitur probę sunt. Adde quòd  
 quia uehemētes sunt: illi eas persequuntur, qui  
 lētari aliis nequeunt. ipsi siquidem sitis quasdā  
 sibi pręparant. quando igitur innoxiz sunt, in-  
 crepatione uacat, quando noxię, prauum est.  
 neq; enim habent alia quibus lētentur, & neu-  
 trum habere plerisq; molestum est ob naturā.  
 Semper enim laborat animal: quemadmodum  
 etiam naturales disputationes testantur, quę  
 videre & audire esse molestum asserunt. sed cō-  
 sueti iam sumus, ut inquirunt. similiter etiam in  
 iuuentute ob auctiōem perinde ac temulenti  
 afficiūtur: & iuuentus iucundum quid est. Atra-  
 bile uero affecti natura semper medela indigēt.  
 corpus enim corū ex temperatura semper mor-  
 detur: semperq; appetitu uehementi incitantur.  
 uoluptas autem & contraria & quouis modo  
 sit uehemēs, dolorem expellit, ac propterea in-  
 temperantes ac prauī euadunt. Quæ autem sine  
 dolore



dolore sunt voluptates, excessum non habent. atq; hæc natura, non ex accidenti iucundarum rerum sunt. Ex accidenti autem iucunda appello quæ medicinam afferunt: nam quia accidit, ut medicinam consequamur, dum id quod sanum substat, agit aliquid: propterea esse iucundum uidetur: natura verò iucunda, quæ talis naturæ actionem efficiunt. Nulla autem res propterea est, quæ eadem semper suavis sit, quia simplex natura nostra minimè est, sed insitum diuersum quid etiam habet, quo est corruptibilis: ut si alterum quid agat, id alteri naturæ sit præter naturam. cum verò adæquantur, neque molestum, neque iucundum id quod agitur esse videatur. Nam si alicuius naturæ simplex sit, ei semper eadem actio erit iucundissima. atq; ideo Deo semper una ac simplici gaudet voluptate. neque enim motionis tantum, sed imper una ac mobilitatis etiam operatio est: magisq; in quiete simplici re quàm in motu voluptas consistit. At verò gaudet voluntatio omnium res suauissima est, ut poëta voluptate. inquit, ob prauitatem quandam. sicut enim homo prauus mutabilis est: ita etiam natura, quæ in quiete mutatione indiget: non enim est simplex, neque quàm proba. Ac de continentia quidem & incontinentia in motu consistit.

quæ vnumquodque horum, & quo

modo alia ex ipsis sunt bona,

alia mala, dictum iam est.

posthac verò de amicis

dicemus.

# ARISTOTELIS MORALIVM

Nicomachiorum,

LIBER OCTAVVS.

SVMMAE LIBRI.

*De amicitia ; & eius speciebus . De amicis : ac  
de multis , quæ circa amicitiam & amicos sunt  
consideranda .*

*De amicitia .*

*Cap. I .*

*Absq; ami-  
cis vivere  
eligeret ne-  
mo.*



OST hæc sequitur, vt de ami-  
citia differamus: quippe quæ  
aut virtus quædam, aut cum  
virtute est. Resque est ad vi-  
tam maximè necessaria. abs-  
que amicis enim vivere, licet  
cætera bona omnia suppete-  
rent, eligeret nemo. nam &  
diuites, & principatus, potestatesque habentes,  
maximè indigere amicis videntur. Quid  
enim prodest eiusmodi prosperitas, si beneficiū  
tollatur, quod, erga amicos & præcipuè sit, &  
maximè laudatur? aut quomodo sine amicis cu-  
stodiri, conseruariq; posset? quanto enim am-  
plior, tanto etiam periculosior est. In paupertate  
etiam & reliquis infortunijs amicos esse vni-  
cum refugium putant. Iuuenibus item condu-  
cit. ad

cit ad id vt non peccent : & senioribus ad obsequium & ad defectum actionum, ad quas ob imbecillitatem auxilio indigent : & ijs qui in statu sunt constituti, ad honestas res capeffendas. Si bini simul ire parent, nam & ad intelligendum & agendum magis idonei sunt. Inesse etiam natura ei videtur quod genuit, erga id quod genitum est : ei item quod genitum est, erga id quod genuit : atq; id non tam in hominibus, q̃ in auibus, & plerisq; alijs animalibus contingit : & ijs item quæ eiusdem nationis sunt. & hominibus præcipuè : vnde humanos, id est hominum amatores laudamus. Quàm familiaris etiam atq; amica res sit homini vnusquisque homo, in erroribus quoq; conspiciere licet. Videtur etiam ciuitates continere amicitia. & legislatores magis ipsi quàm iustitiæ student : concordia enim esse simile quid amicitiz videtur, quàm illi maximè affectant : seditionem uerò, quæ inimicitia est, maximè expellunt. nam si sint amici, iustitia opus non est : sin autē sint iusti, amicitia indigent. Adde quòd id quod maximè ius est, esse amicabile uidetur : neq; solum necessarium est, uerùm etiam honestum. amicorū enim amatores laudamus. multorumq; amicitia una quadā esse ex honestis rebus uidetur. præterea nonnulli eosdem & bonos uiros amicos esse opinantur. Controuersia autem de ipsa non parua est. nam alij similitudinem quadā eam esse statuunt, & similes amicos. vnde similem inquiunt ad similem ire, & graculū ad graculū, & cetera huiusmodi. alij e contrario singulos omnes tales esse inter se dicunt : ac de ipsis aliū, & naturalius inuestigant. Euripides quidem inquiens :

Humen-

*Humens amare pluuiam cum terra est arida:  
Cælumq; sacrum cum grauatum est imbris;  
Telluris arentis cadere in sinum appetere.*

Et Heraclitus aduersarium esse conferens: & ex differentibus pulcherrimam coaptationem fieri: & omnia ex lite oriri. contraria verò his asserunt cum alij, tum Empedocles: simile enim simile appetere ait. Sed naturales dubitationes missas faciamus: quippe quæ præsentì consyderationi minimè sint accommodatæ. quæ autem humanæ sunt, & ad mores affectusq; pertinent, inspiciamus: vtrum videlicet inter omnes homines amicitia contingat, an fieri non possit, vt prauī amici sint: vtrum item vna species amicitie an plures reperiantur. Qui enim vnā esse speciem, ex eo opinantur, quòd magis & minus admittit: non idòneo argumento nituntur: nam ea etiam, quæ diuersa sunt specie, magis & minus admittere consueuerunt, de quibus antea iam dictum est.

*De amabili.*

*Cap. 11.*

**F**ortasse verò de his constabit, si amabile ipsum cognitū fuerit. quippe cum nō quodlibet amari videatur, sed quod amabile est: id autem aut bonum, aut iucundū, aut vtile sit. Vtile autem id esse videri potest, per quod bonum aliquod aut voluptas efficitur: ita ut bonum & iucundum amabilia sint, vt fines. Vtrum igitur bonum amant, an quod ipsis bonum est? discrepant enim interdum hæc. similiter quoq; circa ipsum iucundum. Videtur autem quod ipsi bonum est, amare vnusquisq;: & esse quidem

dem quod absolutè bonum est, amabile: cui uerò, quod cuiq; est. at amat unusquisq; nō quod ipsi est bonum, sed quod apparet: sed id nihil refert. nam amabile apparens erit. Cū tria perō sint, propter quæ amant homines, de inanimatorum amore amicitia minimè dicitur: quippe cū neq; redamatio, neq; uoluntas boni illorū vlla sit. ridiculū enim esset fortasse, si uino quispiam bona uellet: nam si modo aliquid est, saluum esse illud uult aliquis, ut ipse habeat. Amico autem inquirunt bona uelle oportere illius causa: eosq; qui ita bona uolunt, si non idem ab illo exultat, beneuolos dicunt. beneuolentiam enim in mutua affectione amicitiam esse. An addendum est, Nō latentem inam multū beneuoli sunt iis etiam quos non uiderunt: quos scilicet putant modestos esse, uel utiles: quo etiam modo, illorum quispiam erga hos affici posset: ac beneuoli quidem esse inter se hi uidentur. amicos autem eos, qui quo modo inter se affecti sint, ignorant, appellare quis posset? Oportet igitur, ut beneuoli mutuo inter se sint, uelintq; bona ob vnum aliquid ex iis, quæ dicta sunt.

*De speciebus amicitia. Cap. III.*

**E**A verò inter se specie differunt: ergo dilectiones quoq; & amicitia. tres enim æquales numero amabilibus amicitia species sunt: quippe cū in unoquoq; sit redamatio nō latens, qui autē mutuo se amant, uelūt sibi mutuo bona eatenus, quatenus amant. Qui quidem ob utilitatem amant, se mutuo non per se amant: sed quatenus bonum aliquod à se mutuo

tuo percipiunt. Simili modo qui ob uoluptatem amici sunt: non enim urbanos amant, quia qualitate quadam sunt affecti, sed quia iucundi ipsis sunt. ita & qui ob utilitatem, & qui ob uoluptatem amant: illi ob suum bonum, hi ob suam uoluptatem diligunt, non quatenus est ille qui amatur, sed quatenus est utilis, uel iucundus. Ex accidenti igitur amicitia hæ sunt. non enim quatenus est ille qui amatur, quicumque is sit, eatenus amatur: sed quatenus bonum aliquod alter, alter uoluptatem affect. Huiusmodi autem amicitie dissolui facile possunt, cum similes ipsi non permaneant. nam si non amplius iucundi, aut utiles fuerint, amare desistunt. at utile non permanet, sed alias aliud euadit: quo fit, ut dissoluto eo, ob quod amici erant, amicitia quoque ipsa dissoluatur, quippe quæ propter illud erat. Maxime uero inter senes huiusmodi amicitia uidetur existere: non enim qui hæc grate sunt, iucundum persequuntur, sed utile: quicumque item ex iuuenibus, in statuque constitutis hominibus utilitatem sectantur. Tales autem neque uiuere simul consueuerunt: quandoque etiam neque sunt iucundi: neque tali consuetudine indigent, nisi utiles sint. eatenus enim sunt iucundi, quatenus bonum aliquod sperant. inter has hospitalem etiam reponunt. At iuuenum amicitia esse ob uoluptatem uidetur: quippe cum ex affectu vitam traducant: & maxime quod sibi iucundum est, quodque est præsens sectentur. mutata autem ætate iucunda, ipsa etiam diuersa euadunt; unde citò amici & sunt, & esse desinunt. quia amicitia una cum iucunditate mutatur. talis uero uoluptatis uelox mutatio est. luncæ etiam amatorij sunt: quippe, cum ex perturbationis



bationis affectu & uoluptate multa illa amato-  
 riz affectionis uis oriatur. ideo fit ut & ament,  
 & citò desistant, sæpe eodem die sententiam mu-  
 tantes: simulq; toto die uersari, & cōuiuere ue-  
 lint. ita enim id quod ex amicitia requirūt, ipsis  
 euenit. Bonorum uerò, & eorum qui in uirtute  
 sunt similes, amicitia perfecta demū est. hi enim  
 mutuò sibi bona similiter uolūt, quatenus sunt  
 boni: boni autem sunt per se. at qui amicis bona  
 uolunt ipsorum causa, maximè amici sunt: quip-  
 pe cū per se, ita sese habeant, & non ex acci-  
 denti. unde horum amicitia præcipuè perma-  
 net, quoad boni fuerint: uirtus uerò stabilis res  
 est. Estq; uterq; & absolutè bonus & amico, nā  
 boni & absolutè, & sibi mutuò boni sunt. ut les  
 item, & iucundi similiter. boni enim sunt & ab-  
 solutè, & sibi mutuò iucundi. singulis siquidem  
 propriæ actiones, & tales uoluptatem afferunt:  
 bonorum autem actiones tales, uel similes sunt.  
 Vnde fit, ut talis amicitia stabilis merito sit. in  
 ipsa enim omnia quæ amicis esse debent, con-  
 iunguntur. nam cū omnis amicitia ob bonum  
 sit, aut ob uoluptatem, uel absolutè, uel amanti,  
 & per similitudinem quandam; huic omnia an-  
 tedita per se insunt. † huic enim similes etiam  
 reliquæ sunt: & absolutè bonum, absolutèq; iu-  
 cundum inest. hæc autē maximè amabilia sunt:  
 & amare etiam & que maximè est amicitia at-  
 que optima in his est. Par autem est, ut raræ ta-  
 les amicitia sint: quippe cum pauci huiusmodi  
 reperiantur. adde, quod tempore & consuetu-  
 dine indiget. nam, ut est in proverbiis, fieri  
 nequit, ut mutuò homines sese cognoscāt prius  
 quàm solum qui dicitur, consumpserint: neque  
 prius sese admittant, nisiq; inter se amici, quàm

† a. l. ha-  
 ratione e-  
 nim simi-  
 les etiam  
 in reliquis  
 sunt.

alter alteri amabilis & uideatur esse, & credatur. Qui autem citò sese gerunt amicè inter se, volunt illi quidem esse amici: sed non sunt tamen, nisi quoque & amabiles sint, & se esse non ignorent: ac uoluntas quidem amicitiae uelox est, amicitia minimè. hæc igitur & tempore & reliquis perfecta est: ex omnibusque his existit: similisque utrique ab utroque est. id quod inesse amicis necesse est.

*Honestam amicitiam propriè dici amicitiam, alias  
verò ex accidenti. Cap. IIII.*

**A**T uerò quæ ob iucundum existit amicitia, huius similitudinem habet: nam boni iucundi inter se sunt: simili modo quoque qui ob utilitatem amant: quippe cum boni quoque tales erga se mutuò sit. Maxime autè inter hos etiam amicitie tunc perdurant, cum æqualitas ab utrisque mutuò exhibetur, ut uoluptas: neque tantummodo ita, uerum etiam ab eodè ut urbanis: sed nō ut amatori & amato. hi enim non iisdem oblectantur: sed alter amore illius, alter obsequijs amatoris gaudet. quo fit, ut deficiente etatis flore, quandoque etiam amicitia ipsa desinat: quippe cum alteri facies non amplius iucunda sit, alteri obsequium non præstetur. Multi autem permanent, si pares moribus cum sint, ex consuetudine mores dilexerunt. at qui non iucunditatem in amatorijs rebus, sed utilitatem compensant, ijs minus & amant, & perseverant. Qui uerò ob utilitatem sunt amici, unà cum utilitate dissoluntur: nam non sui mutuò erant amici, sed utilitatis. Atque ob uoluptatem quidem & utilitatem & prauī inter se,  
& boni

& boni erga prauos, & neuter erga qualem-  
cumque esse amicus potest: at per seipſos non  
niſi bonos eſſe manifeſtum eſt. prauī enim, niſi  
utilitas aliqua intercedat, mutua conſuetudine  
non oblectantur. ſolaque eſt bonorum amici-  
tia, in qua nullus calumnię locus pateat. non  
enim facile cuiſpiam de eo credunt, qui longo  
tempore ab iſtis fuerit probatus. & credere in  
his eſt, & nulla iniuria ſe mutuò afficere: & quic-  
quid demum in uera amicitia eſſe cenſetur. In  
aliis uerò ſocietatibus nihil uerat, quo minus  
alia exiſtant. nam cum homines eos quoque  
amicos uocent, qui ob utilitatem ſunt amici, ut  
ciuitates: conſiderationes enim inter ciuitates  
fieri utilitatis cauſa uidentur: & eos qui ob uo-  
luptatem ſe mutuò diligunt, ut pueri: fortaſſe  
tales homines dicere amicos nos quoque de-  
bemus: ſpeciesque amicitię eſſe plures: ac pri-  
mo quidem & propriè cum quæ bonorum eſt  
hominum, quatenus ſunt boni: reliqua uerò per  
ſimilitudinem: quatenus enim bonum quid, &  
ſimile inter ipſos eſt, eatenus ſunt amici. iucun-  
dum ſiquidem uoluptuoſis hominibus bonum  
quid eſt. ſed non admodum hæc coniunguntur:  
neque iſdem & ob utilitatem & ob iucundita-  
tem ſunt amici. quæ enim ex accidenti ſunt,  
non admodum copulantur. Cum uerò in hæc  
ſpecies amicitia diſtributa ſit: prauī ob utilita-  
tem uel uoluptatem, qua in re ſunt ſimiles; boni  
ob ſeipſos ſunt amici. in eo enim quòd bo-  
ni ſunt, ſeſe mutuò amant. atque hi  
absolutè amici, illi ex accidenti  
ſunt, & quia cum his ha-  
bent ſimilitudinem.

*Qui dicendi amici, & qui ad amicitiam  
apti. Cap. V.*

**Q**uemadmodum autē in uirtutibus alij ex habitu, alij ex operatione boni dicuntur: ita quoq; in amicitia est. nā qui in conuictu degunt, mutua consuetudine oblectantur, & bona sibi mutuò suppeditant: qui uerò dormiūt, uel locis diuisi sunt, nō operantur illi quidē: sed ita tamen affecti sunt; ut amicē operentur. Nam loca nō amicitiam absolutē, sed operationem dissoluunt. Siq; diuturna absentia fuerit, amicitia quoque uidetur obliuionem inducere. unde dictū est: multas iam amicitias dissoluit inaffabilitas. Senes autem aut austeri esse ad amicitiam idonei non uidentur: quippe cū parum uoluptatis in ipsis insit: cū molesto autem, aut nō suauiter uersari possit nemo. natura enim quod molestum est, fugere: quod iucundum, appetere uidetur. Sed qui se mutuo admittunt, non tamen simul uiuunt; beneuolis potius, quā amicis similes sunt, nam nihil est ita amicorum, ut simul uiuere. praesidium enim indigi appetunt: simul autem diem traducere etiam beati: quippe cum solitarijs his esse minimē conueniat: simul uerò degere non liceat, nisi iucundi sint, ijsdemq; oblectentur. id quod habere sodalitia amicitia uidetur. Ac maximē quidem amicitia, sicut sepius iam diximus, bonorum est. quod enim absolutē bonum, ac iucundum est: amabile est, atque eligibile: unicuique uerò, quod unicuique est tale. bonus autem bono ob utraque hęc. Cēterū dilectio affectui, amicitia habitui similis est. Dilectio enim nihilominus est erga inanimata. cū electione

atione uerò redamant: at electio ab habitu est: & bona voluntijs, quos amant, illorum causa non ex affectu, sed ex habitu: & amantes amicis; quod sibiipsis bonum est, amant. bonus enim uir amicus effectus bonum ei fit, cui est amicus. uterque igitur & quod sibi bonum est, amat: & æqualem uicem voluntati & iucunditati refert. æqualitas enim amicitia dicitur. At hæc in bonorum amicitia maximè insunt. In austeris uerò & senibus eo minus amicitia fit, quo sunt morosiores, minusque consuetudinibus gaudeant: hæc enim maximè uidentur esse amica, amicitieque effectricia: atque ideo iuuenes citò amici efficiuntur: senes non ita: quippe cum non fiant amici illis, quibus non oblectantur. Similiter modo quoque austeri. sed hi beneuoli quidem inter se sunt, quia bona volunt, & ad indigentias subueniunt: amici tamen non admodum sunt, propterea quod non simul diem traducunt, neque mutua consuetudine delectantur, quæ ad amicitiam pertinere maximè uidentur.

*In qua amicitia plures possint esse amici.*

*Cap. VI.*

**A**Tque uerò ut multis quispiam sit amicus amicitia perfecta, fieri non potest, quemadmodum neque ut amore multorum simul aliquis capiatur. exuperationi enim simile hoc est. quod autem est huiusmodi, ad unum spectare natura consuevit. Multos uerò eidem simul vehementer placere, non facile est: fortasse etiam neque bonum esse: opus præterea est & experimentum capere, & consuetudine uti: id quod perquam difficile est. Ob utilitatem tamen & iucunditatem

tem fieri potest, ut multis quis placeat: multi enim tales sunt: & in breui tempore ministrations fiunt. Magisq; ex his ea similis est amicitia quæ ex iucunditate existit, cum eadem ab utrisque exhibentur: & sese mutuo, uel ijsdem oblectantur: cuiusmodi iuuenum amicitia sunt: magisque in his quod liberale est, conspicitur. Quæ uerò est ob utilitatem, uulgarium hominum est. Et beati utilibus minimè indigent, sed iucundis. uolunt enim simul cum aliquibus uiuere, & molestiam paruo tempore tolerat. nam assidue sustineret nemo: quin ne bonum quidem ipsum, si molestum ipsi esset. ideo amicos iucundos querunt. fortasse uerò oportet, ut etiam bonos, cum tales ipsi sint: & sibi ipsis ite bonos. ita enim ipsis inerunt ea, quæ amicis inesse debent. At qui in potestatibus constituti sunt, distinctis amicis uti uidentur: alij enim ipsis utiles, alij iucundi sunt. ut aut utraq; ijsdem exhibeant, non admodum contingit: quippe cum neq; iucundos cum uirtute, neque utiles ad honestas res querant: sed alios urbanos voluptatis causa, alios idoneos ad agenda ea quæ mandata fuerint. hæc autem in eodem non admodum sunt. probum quidem uirum esse simul & iucundum & utilem, dictum iam est. Sed ei qui excellit, huiusmodi amicus fieri non solet, nisi etiam uirtute excellatur: sin minus, non adæquatur ex rata portione superatus. Cæterum non admodum tales esse consueuerunt. Atque hæc quidem amicitia in æqualitate consistunt. eadem enim ab utrisq; exhibentur, uoluntq; sibi mutuo: aut alterum pro altero recompensant, ut uoluptatem pro utilitate. has autem minus esse amicitias, minusque permanere, dictum iam est. Sed & ob  
simi-



similitudinem & ob dissimilitudinē eiusdem & esse & non esse amicitia uidentur. ex similitudine enim quam habent cum ea quæ est ex uirtute, uidentur amicitia: quippe cum altera iucunditatem, altera utilitatem in se habeat, quæ utraque illi etiam insunt: in eo uerò, quod illa calumnia uacat, stabilisque est, hæc citò immutantur, alijq; multis differunt: ex illius dissimilitudine amicitia non uidentur.

*De amicitia in supereminentia. Cap. VII.*

**A**ltera est amicitia species ex supereminentia: ut patri erga filium, & denique seniori erga iuniore, & uiro erga uxore, & principi omni erga subditos. Sed hæc inter se etiam differunt. non enim eadem est parentibus erga liberos, & principibus erga subditos: uerum neq; patri erga filium, & filio erga patrem, neq; uiro erga uxorem, & uxori erga virum. diuersa enim uniusq; horum uirtus, diuersumq; opus est: diuersa item ea ob quæ amant: diuersi igitur etiam amores, & amicitia erunt. atq; eadem quidem utriq; ab altero neq; exhibentur, neq; sunt requirenda: sed cum parentibus liberi ea tribuunt, quæ debentur ijs, qui genuerunt, & parentes filijs ea quæ filijs exhiberi debet: stabilis talium, ac bona amicitia est. In omnibus autem amicitijs, quæ per supereminentiam existunt, amor etiam proportionē esse debet. ut meliorem amari magis, quam amare, & utiliorem, & aliorum unumquēq; similiter. cum enim pro dignitate amor extiterit, tunc quodammodo æqualitas fit: id quod esse amicitia uidetur. At uerò æquale in iustis & amicitia esse non similiter uidetur.

nam in iustis primo est, quod est pro dignitate, secundo quod in quantitate est: in amicitia uerò quod est in quantitate primo, secundo quod pro dignitate est. id autem perspicuum est, si multa virtutis & uitij, affluentia, aut alicuius alterius distantia fuerit: non enim amplius sunt amici. sed ne esse quidem se dignum putat. Hoc autem in Dijs clarissime patet, qui plurimum omnibus bonis prastant. item in Regibus: neque enim his plerique esse amicos se dignum ducunt. cum inferiores longè sint: neque optimis & sapientissimis, illi qui nihil sunt. In his tamen exacta prafinitio non est, quousque sint amici. multis enim ablatis adhuc manet. si uerò longè separatus aliquis sit, ut Deus, non amplius manet. Vnde etiam in dubitationem uenit: nūquid amici amicis maxima ex bonis uelint, ut Deos esse? non enim amplius ipsis erunt amici: neque etiam erunt bona: amici enim bona sunt. Si igitur rectè dictum est, amicum amico uelle bona eius ipsius causa; eū ipsum qualiscunque est, manere oporteret: homini autem permanenti maxima bona adesse uolet, & fortasse non omnia: sibi ipsi enim maximè bona unusquisque uult.

*Amicitiam magis consistere in eo ut amet, quam ut ametur.* Cap. VIII.

**P**lerique autem ob ambitionem amari magis videntur uelle, quàm amare: vnde amatores adulatorum plerique sunt. adulator enim amicus est qui excellitur, aut se esse talem, magisque amare, quàm amari se simulat. amari autem & honorari, quod uidelicet plerique appetunt, propè accedere inter se uidentur. sed non

per se tamen honorem eligere videntur, sed ex  
 accidenti. gaudent enim plerique, cum ab ijs,  
 qui in potestate constituti sunt, honorantur, ob  
 spem: quippe cum si aliqua re indigerint, eam  
 ab ipsis consequuturos se esse existiment: atq;  
 ita honore quasi signo quodā beneficij accipien-  
 di latari consueuerint. Qui verò à probis viris  
 & scientibus honorē affectant, ij propriam opi-  
 nionem de se ipsis confirmare cupiunt: gau-  
 dentq; quòd boni sint, eorum iudicio qui id di-  
 cunt, credentes. at amari per se gaudent. quo  
 circa id melius esse, quàm honorari: & amicitia  
 expetenda per se esse videretur. Sed in eo qd  
 amat aliquis magis, quàm in eo quòd amatur,  
 consistere videtur. Argumento sunt matres, quę  
 amando gaudent. nōnullę enim filios suos edu-  
 candos tradunt, amantq; scientes, redamari  
 non curant, si vtrunq; non potest: sed satis ipsis  
 videtur, si liberos suos bene agentes inspiciant.  
 amantq; ipsos, etiam si ob ignorance[m] illi  
 quę matri debentur, tribuere nequeant. Cum ve-  
 rò amicitia magis in amando consistat, & ama-  
 tores amicorum laudentur: amare esse amicorū  
 virtus videtur. quare inter quos hoc pro digni-  
 tate sit, ij stabiles amici sunt: amicitiaq; eorum  
 permanet. at hoc modo illi etiam qui inæquales  
 sunt, amici maximè essent: eò quòd adæquari  
 possunt. æqualitas verò & similitudo amicitia  
 est, & præcipuè ea quę est ex virtute similitudo,  
 cum enim stabiles per se ipsi sint, etiam inter se  
 mutuo permanent: & neque indigent prauis,  
 neq; talia subministrant: sed vt ita dicam, etiam  
 prohibent, bonorum siquidem est, neque ipsos  
 peccare, neque amicis permittere. Pravi autem  
 firmitatem quidem nullam habent, neque enim

sibi ipsi similes permanent, sed ad paruum tempus tamen amici fiunt, prauitate inter se mutuo oblectati. qui verò sunt viles, & iucundi, diutius durant: permanent enim quoad voluptates & utilitates sibi mutuo exhibuerint. Ex contrariis autem maximè videtur fieri amicitia, quæ ob utilitatem existit. ut pauper diuiti, imperito sciens amicus fit. quod enim consequitur aliquis indigus; illud appetens aliud quid recompensat. Huc trahere etiam quispiam posset amatorem & amatum, pulchrū item & turpem. Vnde amatores ridiculi interdū videntur, dum sicut amant, ita se esse amandos censent. si simili modo sanè essent amabiles, fortasse censere ita deberent: cum nihilo verò huiusmodi habeant, ridiculum est. Sed forsitan neq; contrarium per se contrarium appetit, sed ex accidenti: medijs autem appetitio est, quod bonum est. verbi causa, sicco bonum est nō si humidum euadat, sed si ad medium perueniat. calido item & alijs, simili modo. Verū hæc cum paulò à proposito alieniora sint, in præsentia omittantur.

*De civili amicitia.**Cap. I X.*

**V**idetur autem, quemadmodum in principio dictum est, circa eadem, & in iisdem & amicitia esse, & ius. in omni enim societate esse quoddam ius videtur, & amicitia quoq; conuectores enim & commilitones tanquam amicos appellant. pari modo etiam qui in alijs societatibus versantur. quatenus autem inter se commercium habent, catenus amicitia inter ipsos est: nam & ius, & prouerbiū communes res amicorum esse inquit, rectè sanè, in commu-

communitate siquidem amicitia est, fratribus  
autem & sodalibus communia omnia sunt: re-  
liquis definita, atq; aliquibus plura, quibusdam  
pauciora, quippe cum amicitia quoq; alia ma-  
gis sint, alia minus. Differunt autem & iura ip-  
sa, non enim eadem sunt parentibus erga filios,  
& fratribus inter se: neque sodalibus eadem, &  
ciuibus, simili modo etiā in reliquis amicitijs  
diuersa igitur etiam iniuria ad vnumquemque  
horum sunt, incrementumque accipiunt, quo  
magis erga amicos sunt, vt pecunijs sodalem  
priuare grauius est, quā ciuem, & non opem  
ferre fratri quā alieno, patrem item petere  
quā quemlibet alium. Augeri etiā simul cum  
amicitia ius ipsum natura cōsuevit: vt post eum  
ijsdem consistant, & æqualiter pertingant. At  
verò societates omnes partibus ciuilibus similes  
sunt. nam ob vtile aliquod conueniunt homi-  
nes, aliquidque eorum comparantes quæ ad vi-  
tam pertinent: & ciuilibus societas vtilitatis gra-  
tia videtur, & à principio constitisse, & perseue-  
rare. id enim & legumlatores coniectant, & ius  
esse inquit, quod communiter conducit. Re-  
liquæ igitur societates particulatim vtilitatem  
appetunt. exempli causa, nauigatores eam quæ  
ex nauigatione euenit, vel ad pecuniarum com-  
parationem, vel tale aliquid spectantem: com-  
militones eam quæ ex bello acquiritur, siue pe-  
cunias, siue victoriam, siue urbem appetant: si-  
militer quoque tribules, & curiales. Nonnullæ  
verò societates fieri ob voluptatem videntur,  
chorealium scilicet sodalium, & cōtributorum  
quæ sacrificij, & conuictus causa conficiuntur.  
Atque hæc quidem omnes sub ciuili constitutæ  
sunt, nō enim præsentem vtilitatem ciuilibus ap-  
petit,

petit, sed ad omnem vitam spectat: Et qui sacrificia faciunt, circa eaque conuentus, honores Dijs exhibent: & sibiipsis cum voluptate requiem comparant. prisca enim sacrificia & conuentus videntur post fructuum collectiones quasi primitiæ quædam fieri consueuisse. in his enim maxime temporibus ocio vacabant, omnes igitur societates partes esse ciuilis videntur: tales autem amicitia tales societates consequentur.

*De speciebus ciuilitatis. Cap. X.*

**C**iuilitatis verò tres species sunt, totidemque transgressiones, quasi corruptiones quædam illarum. Ac ciuilitates quidem, regnum, & optimi potentia, & tertia quæ à censibus existit: quam censipotentia vocare accommodatum videtur: sed plerique rempublicam eam appellare consueuerunt; harum optima regnum, pessima censipotentia est. Ac regni quidem transgressio tyrannis est. ambo enim vnus imperio constant: plurimum tamen differunt.

*Tyrannus* Tyrannus enim suam, rex subditorum utilitatem spectat. non enim est rex, nisi ex se ipse sufficiat, omnibusque bonis excellat: at qui talis est, nulla re indiget, quocirca utilitatem non sibi, sed subditis procurabit. nam qui eiusmodi non est, fortitius potius est, quam rex. Tyrannis verò contrariò huic, suum ipsius bonum persequitur, clariusque eam esse pessimam, manifestum est. id enim est pessimum, quod optimo est contrarium: à regno autem in tyrannidem transitus fit: tyrannis enim principatus vnus prauitas est; & prauus Rex, Tyrannus euadit. Ex optimipotentia autem in paucipotentiam fit mutatio,



mutatio, vitio Principū, qui præter dignitatem res ciuitatis distribuunt, & omnia, aut pleraque bona sibiipsis reseruant, & magistratus semper iisdem demandant, diuitias plurimi facientes, vnde pauci atque iisdem prauo loco optimorum dominantur. Sed ex censipotentia in populi potentiam: hæc enim finitima inter se sunt, multitudinis enim & censipotentia esse consuevit, & æquales omnes qui in censu sunt. At populi potentia, quippe cum paulum Reipublica speciem transgrediatur, minimè praua est. Ac reipublicæ quidem seu ciuitates in hunc maxime modum immutantur, ita enim ad minimum & facillimè transeunt. Quarum similitudines & quasi exempla sumere etiam in familijs quispiam posset. patris enim erga filios societas figuram regni habet: quippe cum patri cura filiorum sit, vnde etiam Homerus. Iouem patrem appellat, eò quod regnum paternum imperium esse debet. At apud Persas patris imperium tyrannicum est, qui ut seruis filiis suis vtuntur. Tyrannicū item est heri erga seruos. in eo enim id quod hero vtile est, agitur. Sed hoc esse rectū videtur: Persicum illud prauum, atque errans. eorum enim qui sunt diuersi, diuersa quoque imperia sunt. Viri & vxoris optimarum potestati simile apparet; pro dignitate siquidem imperat vir, ac circa ea circa quæ virum decet: quæ autem vxori conueniunt, ea illi attribuit. nam si omnium dominus esse velit vir, in paucipotentiam delabitur: præter dignitatē enim id facit, & nō quatenus est melior. Interdum verò vxores quoque, quibus patrimonium omne obtigit, dominantur: vnde nō ex virtute, sed ex diuitijs & potentia, sicut in paucorum potentatu imperia sunt.

ria sunt. Fratrum autem societas consipotentia similis est. sunt enim æquales, nisi quatenus ætatibus distant: unde si longè ætatibus diuersi sint, fraterna inter ipsos amicitia non amplius est. Populipotencia autem in ijs maximè cōhabitationibus apparet, quæ sine domino sunt. ibi enim æquales omnes: in ijs item, vbi cum princeps imbellis sit, potestatem agendi quidlibet vnusquisque habet.

*De amicitia regia, paterna, familiari & fraterna. Cap. XI.*

**I**N vnaqua; autem ciuilitate eatenus amicitia apparet, quatenus & ius. Regi sanè erga subditos in beneficij supereminētia bene facit enim ijs, qui sub regno suo sunt: siquidē bonus cū sit, ipsorum curā habet, vt bene agant, non secus atq; ouium pastor. vnde Homerus Agamemnonem pastorem populorum dixit. Talis autem paterna etiam est: tamen si magnitudine beneficiorum præstat. autor enim eius est, quod videtur esse maximum, vt videlicet sint filij, eorumq; educationis, & institutionis; id quod maioribus quoque attribuitur. Nam & pater filiorum, & maiores nepotum, & Rex à se rectorum natura imperium obtinet. Atq; amicitia hæc in supereminētia sunt, atque ideo honorantur parentes, acius inter hos non idem est, sed pro dignitate, sic enim & amicitia. Viri item & vxoris eadem amicitia est, atq; in optimi potentia constituta: quippe cū secundū virtutem & præstantiori amplius bonū sit, & vnicuiq; quod cōuenit: ita quoq; etiam ius. At verò fratrum amicitia sōdalitæ est similis: æquales siquidem sunt & cōtranei, atq; huiusmodi similium morum,

rum, similitumque † affectuum plerunque sunt. † *a. l. disci-*  
 huic similis reipublicæ illius amicitia est, quæ ex *plinarum.*  
 census constat: quippe cum in ea æquales inter se  
 esse ciues debeant, ac probi: per vicesque, & ex  
 æquo principatus fiat, simili modo amicitia. In  
 transgressionibus autem sicut iuris, ita amicitie  
 etiam parum admodum est: & minimum om-  
 nium in pessima, in tyrannide siquidem amicitie  
 reperitur aut nihil, aut parum. in quibus enim  
 principi & subdito commune est nihil, in ijs, neq;  
 amicitia est: quippe cum neque ius aliquod sit,  
 sed tale quippiam, quod artifici erga instrumen-  
 tum, animæ erga corpus, hero erga seruum: nam  
 hæc vtilitatem ab ijs consequuntur, qui ipsis  
 vti consueuerunt. Sed erga inanimata neque  
 amicitia vlla est, neque ius, neque erga equum,  
 aut bouem, neque erga seruum, quatenus ser-  
 uus est: nihil enim habent commune. nam sicut  
 seruus animatum est instrumentum, ita instru-  
 mentum inanimatus seruus est: quocirca in eo  
 quod est seruus, erga ipsum amicitia non est: in  
 eo quod homo, est: quippe cum vnicuique ho-  
 mini ius quoddam esse videatur, erga vnumquem-  
 que, qui cum ipso legis, ac fœderis esse particeps  
 potest, & amicitia igitur erit, quatenus homo  
 est. Atq; in tyrannidibus quidem & amicitia, &  
 iuris parum admodum est, in populi administra-  
 tionibus plurimum. cum enim sint æquales,  
 multa inter se habent communia.

*De amicitia sodalitia, & filiali.*

*Cap. XII.*

**I**N cōmunionem igitur & societatem omnis ami-  
 citia consistit, sicut dictum est: cōsanguineam  
 tamen & sodalitiam segregaret quispiam: nam  
 ciuiles,

ciuiles, & tribules, & nauticę, & quę sunt huius-  
 modi, socialibus magis similes sunt. esse enim  
 quasi ex pactione quadā videntur, inter has ve-  
 rò aliquis etiam hospitalitiam reponeret. Con-  
 sanguinea autē esse multiformis videtur, & to-  
 ta ex paterna dependere. parentes enim amant  
 liberos, quasi ex se quiddam sint: liberi autem  
 parentes, quasi ex illis quippiam sint; magisque  
 sciunt parentes qui ex se orti sint liberi, quā  
 nati ex illis se esse genitos, maiorem item id à  
 quo aliquid est, cum genito habet necessitudinis  
 connexionem, quā quod factum est, cum eo  
 qui fecit. proprium enim ei à quo oritur quip-  
 piam, est id quod ex ipso oritur: vt dens, vt ca-  
 pillus, & quodlibet ei qui id habet; illorum aut  
 nulli id à quo oritur, vel minus. accedit etiā lon-  
 ginitas temporis, hi siquidem liberos statim  
 vbi nati sunt, amant: illi progressu temporis pa-  
 rentes, vbi intelligentiam, aut sensum adepti  
 sunt. Atq; hinc cur matres magis diligant, etiā  
 patet. Parētes igitur filios vt seipsos amant, qui  
 enim ex ipsis oriunt, sunt quasi alteri ipsi, dum  
 separati sunt; filij autē parentes, vt ab illis pro-  
 ducti. At fratres se mutuò diligunt ex eo quòd  
 ex iisdem nati sunt. eadem enim quam cum il-  
 lis habent, natura ipsos inter se esse idem facit:  
 vnde inquirunt eundem sanguinem, eandemque  
 radicem, atq; huiusmodi: sunt itaq; idem quo-  
 dammodo etiam in distinctis. Multum etiam  
 ad amicitiam facit & coeducatio, & ætas. ætate  
 enim æqualem æqualis delectat: & consuescen-  
 tes sodales sunt, vnde fraterna hæc amicitia so-  
 dalitix est persimilis. Patrueles item, & reliqui  
 cognati ex his coniunctionem habent, eò quòd  
 videlicet ab iisdem sunt: suntque alij propin-  
 quio-

quiores, alij alieniores, quò uel proprius, uel lō  
gius autor generis abest. Estque amicitia filijs  
erga parentes, & hominibus erga Deos tanquā  
erga bonum quoddam, atque excellens. benefi  
cia enim maxima cōtulere, quippe cum sint in  
causa ut & sint, & enūtriti, atq; educati fuerint,  
posteaquam in lucem uenerunt, habetque hu  
iusmodi amicitia iucūditatem atq; utilitatem  
eo magis quā alienæ, quo etiam communior  
uita inter ipsos est. Sunt item in fraterna, ea que  
insodalitia & magis inter probos, & omnino  
similes: quo cōiunctiores etiam ab ortu se mu  
tuò diligunt, quoque moribus sunt similioreſ,  
qui ex iisdem nati sunt, simulque nutriti, atque  
instituti similiter. Temporis præterea compro  
batio plurima, ac firmissima est. Atque in cate  
ris cognatis ita amicitia ratio proportionē ser  
uatur. Viro item & uxori amicitia esse natura  
videtur. homo enim coniugale magis, quā ci  
uile animal est: quanto prior magisque necessa  
ria est familia quā ciuitas, & filiorum quoq;  
procreatio animalibus communior. Sed alijs  
quidem animalibus eatenus communicatio est:  
at homines non sobolis procreandę tantū  
modo, sed rerum etiam quæ ad uitam spectant,  
comparandarum causa cohabitāt. officia enim  
continud diuisa inter ipsos; sunt, alia viri, & alia  
uxoris: sibi que mutuò opitulantur, quæ propria  
sunt, in commune constituentes; atque ob id &  
utilitas & iucunditas esse in hac amicitia uide  
tur, esse etiā posset ob uirtutem si probi essent:  
est si quidem utriusq; uirtus: atque eiusmodi re  
gauderent. Vinculum autem ipsorum esse filij  
uidentur, unde citius qui liberis carent, dissolui  
consueuerunt, quippe cum si commune bonū

## 210 Moral. Nicomachiorum

ambobus sit, quod autem commune est, connectit. At uerò cum quæritur quomodo uiro cum uxore sit conuiuendum, & deum amico cum amico, nihil aliud quæri uidetur, quàm quo pacto ius est. neque enim amico erga amicū, neque erga alienum, & sodalem, & condiscipulū idem ius esse constat.

*De duplici iure, & de compensanda amicitia.*

*Cap. XIII.*

**C**um tres sint amicitia, quemadmodum in principio dictum est, & in unaquaque alij in æqualitate, alij in excellentia sint amici: similiter enim boni fiunt amici, & melior peiori: similiter etiam iucundi, & ob utilitatem, uel æquales in adiumentis exhibēdis, uel differentes: eos qui in æqualitate consistunt, & amando & reliquis adæquari oportet: eos uerò qui sunt inæquales, reddere quod proportionē supereminētiæ requiritur. Expostulationes autem & querelæ in ea amicitia fieri consueverunt, quæ ex utilitate est, uel sola, uel maximè: atque id non iniuria. qui enim ob uirtutem amici sunt, ad beneficia sibi mutuò conferenda sunt prompti, quod uirtutis & amicitia proprium est. eorum uerò qui in hoc certant, expostulationes nullæ, neque pugnae esse possunt: quippe cum erga eum qui amat & benefacit, indignetur nemo; sed, si gratus sit, benefaciendo etiam ipse respondeat: quique benefaciendo exuperat, cum consequatur id quod cupit, accusare nullo modo amicum possit: nam uterque bonum appetit. Neque in iis admodum quæ ex uoluptate consistunt, contingere accusatio cōsuevit. simul enim utrisque id sit, quod cupiunt.



cupiunt, si conuictu mutuo oblectantur. ridiculus enim videretur, qui non oblectantem accusaret, cum liceat non simul degere. At ea est expostulatrix amicitia quæ ex vtilitate contrahitur. nam cum ob commodum proprium mutua consuetudine vtiuntur, pluris semper indigent, minusq; se habere existimant, quam conueniat: accusantq; quod quantum indigent, tantum etiam non consequuntur, cum digni sint: qui vero benefaciunt, tantum exhibere nequeunt, quantum indigent illi qui accipiunt. Videtur autem sicut ius est duplex, alterum non scriptum, alterum legitimum: sic amicitia, quæ ex vtilitate fit, moralis altera esse, altera legitima. querelæ igitur tunc precipue oriuntur, cum non ex eadem contractus fiunt ac dissolutiones. Ac legitima quidem in condictis consistit, altera omnino vulgaris est manu in manum: liberaliter altera in tempus, ex pacto tamē quid pro quo reddendum sit, in qua manifestum quidem est & non ambiguum quod debetur: sed amica dilatio conceditur, vnde inter nonnullos ex his iudicia minimè fiunt, sed acquiescendum putant, cum fide inter se contraxerint. Sed moralis non in condictis versatur, sed tanquam amico donat, aut quodcunque aliud alteri exhibet: deinde aut æquale aut amplius sibi esse recipiendum censeat, quasi non dederit, sed mutuarit: cum autem non sicut contraxit, etiam dissoluat, alterum accusabit: hoc verò contingit, propterea quod volunt quidem honesta omnes, aut plerique, sed vtilia tamen eligunt. honestum enim est beneficium conferre, non ut vicissim recipiamus; vtile autem beneficio affici est. Siquis igitur potest, retribuere debet

## 212 Moral. Nicomachiorum

dignas gratias ijs quę accepit, atque id sponte a  
 inuitus enim amicus faciendus non est: igitur  
 eò quòd aberrauerit in principio, ab eoq; acce-  
 perit beneficium, à quo non oportebat. non  
 enim ab amico accepit, atque eo qui propter  
 ipsum id faceret: perinde ac si ex conditis be-  
 neficio affectus sit, ita dissoluendum, pepigisset  
 siquidem qui potest, se esse redditurum: & eum  
 qui non potest, neque ille qui dedit, dignum  
 censuisse, qui acciperet, quare si potest, reddend-  
 dum est. in principio autem est consideran-  
 dum, à quo & qua conditione beneficio afficiat-  
 ur quispiam, ut his acquiescat, vel minime. Du-  
 bitationem autem hæc res habet, utrum utili-  
 tate, eius qui accepit, an beneficio eius qui con-  
 tulit, metiendum sit id quod retribuere debe-  
 mus: qui enim acceperunt, extenuantes rem ta-  
 lia se accepisse à benemeritis dicunt, quæ sicut  
 illis parua erant, ita ipsi accipere ab alijs pote-  
 rant: illi verò contrà, quę maxima erant apud  
 se, & ab alijs non licebat, & in periculis, ac ne-  
 cessitatibus huiusmodi se dedisse aiunt; nun-  
 quid igitur quia ob utilitatem est amicitia,  
 eius qui beneficio, est affectus, utilitas mensura  
 est? hic enim est is qui indiget: & ille huic opi-  
 tulatur, quasi æquam gratiam recepturus. tan-  
 ta igitur fuit opitulatio, quantum adiutus est:  
 unde tantum est illi reddendum, quantum est  
 consequutus vel etiam amplius, id quod hone-  
 stius est. In amicitijs autem quæ ex virtute exi-  
 stunt, criminationes nullæ sunt, sed eius electio  
 qui beneficium contulit, mensuræ similis est:  
 quippe cum virtutis, ac morum præcipua vis in  
 electione consistat.

*De querelis in amicitia per supereminentiam, & de  
de iustitiae abdicatione. 11. Cap. XLIIII.*

**N**illis uerò quæ ex supereminētia fiunt, dis-  
sensiones quoq; accidere consueuerūt. vterq;  
enim plus sibi esse habendū censer, quod quā-  
do fit, amicitia dissoluitur. nam qui melior est,  
conuenire sibi existimat; ut plus habeat. bono  
enim amplius esse tribuendum. similiter etiam  
qui est utilior: inutilem enim aunt non oport-  
ere æqualē partem habere: alioquī ministra-  
tionem futuram non amicitiam, nisi pro digni-  
tate operum fiant ea, quæ in amicitia aguntur.  
putant si quidem sicut in pecuniarum commu-  
nicatione plura accipiunt, qui plura contule-  
runt: ita in amicitia quoque esse faciendum. At  
indigus & peior e contrario: boni enim amici  
esse opem ferre indigentibus: quid enim in-  
quiunt, prodest, si probo uiro aut potenti quis-  
piam sit amicus, si nullam utilitatem ex eo sit  
consequuturus? videtur autem uterq; rectè cen-  
sere, oportetque vtrique ex amicitia amplius  
quidem tribui, non eiusdem tamen rei amplius:  
sed ei qui excellit, honoris: ei qui indiget, lucri.  
virtutis enim & beneficij præmium honor, in-  
digentiz subsidium lucrum est. Hoc ita se habe-  
re in rebus publicis apparet. non enim honore  
afficitur, qui nullum bonum reip. affert: quippe  
cū id quod publicum est, ei detur, qui de re-  
publica bene meretur: publicum autem quod-  
dam est honor. nō enim fieri potest, ut & lucre-  
tur quispiā ex republica, & honoretur: cū in  
omnibus minus habere sustineat nemo. ei igitur  
qui in pecunijs est inferior, honorem: ei qui

iustmodi autem querimoniam contingunt, cum alter voluptatis causa amatum amat, alter amatorem ob utilitatem: & hæc ambobus non adsunt. nam cum horum causa amicitia constet, cum ea non fiunt ob quæ amabant, amicitiam dissolutio efficitur. non enim se mutuo amabant: sed ea quæ utrisque aderant, quæ stabilia non sunt, quocirca huiusmodi etiam sunt amicitia. At morum amicitia per se cum sit, permanet, sicut dictum est Dissentiunt autem etiam, cum alia fiunt ipsis, & non ea quæ appetunt. perinde enim est ac si nihil fiat, cum id non consequitur quispiam quod cupit. quemadmodum citharædo ille qui quāto melius caneret, tanto plura pollicitus fuerat: cum repeteret mane quod fuerat ipsi promissum, voluptatum pro voluptate reddidisse se dixit. si igitur uterque id volebat, satis habuisset: sin alter oblectationem, alter lucrum, & ille habet, hic minimè: non rectè id quod ad societatem spectat, inter hos esset. quibus enim indiget quispiam, ijs & studet, atque illius causa hæc dabit. Sed dignitatē rei statuere utrius est? cuiusne qui prius contulit, an eius qui prius accepit? ille enim qui confert, ei videtur permittere. id quod aiunt etiam Protagoram facere consuevisse. cum enim qualiacumque docuisset, ei qui didicerat iubebat assistere, quanti viderentur esse digna ea quæ sciebat, & tantum accipiebat. in talibus autem tibi satis est nonnullis illud: Ast homini merces. At qui cum pecuniam præceperint, nihil postea faciunt ex ijs quæ dixerunt: ob nimios promissionum excessus meritò in accusationes incidunt. non enim præstant ea, quæ pepigerunt. Atque hoc fortasse sophistæ coguntur facere propter

† a. l. ead:  
dat.

† a. l. placet

propterea quòd nemo eis daret argentum ob ea quæ sciunt. hi igitur cùm nò faciant ea, ob quæ mercedem acceperunt, meritò accusantur. Vbi verò nulla subministrationis pactio fit; illos quæ per se prius dant, absq; crimine vllò esse dictum iam est. eiusmodi enim amicitia est, quæ ex virtute conflatur. retributioq; est ex electione facienda. ea enim amici, & virtutis est. Ita etiam conuenit ijs qui philosophiæ causa inter se habent societatem. non enim pecunijs dignitas æstimatur: neq; honor æquiparabilis exhiberi posset: sed fortasse satis est, sicut etiã erga Deos, & parentes, id quod fieri potest. Quòd si datio eiusmodi non fuerit, sed ob aliquod maximè quidem fortasse ea facienda est retributio, quæ utrisque pro dignitate esse videatur: sin id non contingit, non modo necessarium videbitur, ut is qui prius habet, ipse statuatur, verùm etiam iustum: quãtamenim is vtilitatem consequutus fuerit, aut pro quanto voluptatem elegerit, si tantum ille receperit; dignam remunerationem habebit. nam etiam in venalibus rebus ita fieri apparet. Quibusdam etiam in locis leges sunt, ne de voluntarijs commercijs iudicia fiant: eò quòd oporteat cum eo cui credidit, ita dissolvere, quemadmodum societatem iniit. iustius enim esse putat, ut cui permissum est, is statuatur; quàm qui permisit. Nam plerunque non æstimant qui habent, & qui habere volunt. sua enim singulis & quæ dant, & digna multo pretio videntur. sed retributio tamen tanta fit; quantum statuerint illi qui acceperunt. Oporteret autem fortasse non tanti æstimare, quanti appareret alicui cùm habet: sed quanti æstimabat, antequam haberet.

*Nota philosophia dignitatem.*

petit, sed ad omnem vitam spectat: Et qui sacrificia faciunt, circa eaque conuentus, honores Dijs exhibent: & sibiipsis cum voluptate requiem comparant. prisca enim sacrificia & conuentus videntur potius fructuum collectiones quasi primitiæ quædam fieri consueuisse. in his enim maximè temporibus ocio vacabant, omnes igitur societates partes esse ciuilis videntur: tales autem amicitia tales societates consequentur.

*De speciebus ciuilitatis. Cap. X.*

**C**iuilitatis verò tres species sunt, totidemque transgressiones, quasi corruptiones quædam illarum. Ac ciuilitates quidem, regnum, & optimi potentia, & tertia quæ à censibus existit: quam censipotentia vocare accommodatum videtur: sed plerique rempublicam eam appellare consueuerunt; harum optima regnum, pessima censipotentia est. Ac regni quidem transgressio tyrannis est. ambo enim vnius imperio constant: plurimum tamen differunt.

*Tyrannus suam, rex subditorum utilitatem spectat.* Tyrannus enim suam, rex subditorum utilitatem spectat. non enim est rex, nisi ex se ipse sufficiat, omnibusque bonis excellat: at qui talis est, nulla re indiget, quocirca utilitatem non sibi, sed subditis procurabit. nam qui eiusmodi non est, fortitius potius est, quam rex. Tyrannis verò contrariò huic, suum ipsius bonum persequitur, clariusque eam esse pessimam, manifestum est. id enim est pessimum, quod optimo est contrarium: è regno autem in tyrannidem transitus fit: tyrannis enim principatus vnius prauitas est; & prauus Rex, Tyrannus euadit. Ex optimipotentia autem in paucipotentiam fit mutatio,



mutatio, vitio Principū, qui præter dignitatem res ciuitatis distribuunt, & omnia, aut pleraque bona sibiipsis reseruant, & magistratus semper iisdem demandant, diuitias plurimi facientes, vnde pauci atque iisdem prauo loco optimorum dominantur. Sed ex censipotentiā in populi potentiam. hæ enim finitimæ inter se sunt. multitudinis enim & censipotentiā esse consuevit, & æquales omnes qui in censu sunt. At populi potentia, quippe cum paulum Reipublica speciem transgrediatur, minimè praua est. Ac reipublicæ quidem seu ciuitates in hunc maxime modum immutantur. ita enim ad minimum & facillimè transeunt. Quarum similitudines & quasi exempla sumere etiam in familijs quispian possit. patris enim erga filios societas figuram regni habet: quippe cum patri cura filiorum sit, vnde etiam Homerus. Iouem patrem appellat, eò quod regnum paternum imperium esse debet. At apud Persas patris imperium tyrannicum est; qui ut seruis filiis suis vtuntur. Tyrannicū item est heri erga seruos. in eo enim id quod hero vtile est, agitur. Sed hoc esse rectū videtur: Persicum illud prauum, atque errans. eorum enim qui sunt diuersi, diuersa quoque imperia sunt. Viri & vxoris optimarum potestati simile apparet; pro dignitate siquidem imperat vir, ac circa ea circa quæ virum decet: quæ autem vxori conueniunt, ea illi attribuit. nam si omnium dominus esse velit vir, in paucipotentiam delabitur: præter dignitatē enim id facit, & nō quatenus est melior. Interdum verò vxores quoque, quibus patrimonium omne obtigit, dominantur: vnde nō ex virtute, sed ex diuitijs & potentia, sicut in paucorum potentatu imperia sunt.

ria sunt. Fratrum autem societas conspicienda similis est. sunt enim æquales, nisi quatenus ætatibus distant: unde si longè ætatibus diuersi sint, fraterna inter ipsos amicitia non amplius est. Populipotencia autem in ijs maximè cõhabitationibus apparet, quæ sine domino sunt. ibi enim æquales omnes: in ijs item, vbi cum princeps imbellis sit, potestatem agendi quidlibet vnusquisque habet.

*De amicitia regia, paterna, familiari & fraterna. Cap. XI.*

**I**N vnaqua; autem ciuilitate eatenus amicitia apparet, quatenus & ius. Regi sanè erga subditos in beneficij, supereminètia. bene facit enim ijs, qui sub regno suo sunt: siquidè bonus cum sit, ipsorum curā habet, vt bene agant, non secus atq; ouium pastor. vnde Homerus Agamemnonem pastorem populorum dixit. Talis autem paterna etiam est: tamen si magnitudine beneficiorum præstat. autor enim eius est, quod videtur esse maximum, vt videlicet sint filij, eorumq; educationis, & institutionis; id quod maioribus quoque attribuitur. Nam & pater filiorum, & maiores nepotum, & Rex à se rectorum natura imperium obtinet. Atq; amicitia hæc in supereminètia sunt, atque ideo honorantur parentes, ac ius inter hos non idem est, sed pro dignitate. sic enim & amicitia. Viri item & vxoris eadem amicitia est, atq; in optimi potentia constituta: quippe cum secundum virtutem & præstantiori amplius bonū sit, & vnicuiq; quod conuenit: ita quoq; etiam ius. At verò fratrum amicitia sodalitæ est similis: æquales siquidem sunt & coaranei, atq; huiusmodi similium morum,

rum, similitumque † affectuum plerunque sunt. † *a. l. disci-*  
 huic similis reipublicæ illius amicitia est, quæ ex *plinarum.*  
 census constat: quippe cum in ea æquales inter se  
 esse ciues debeant. ac probi: per vicesque, & ex  
 æquo principatus fiat, simili modo amicitia. In  
 transgressionibus autem sicut iuris, ita amicitie  
 etiam parum admodum est: & minimum om-  
 nium in pessima, in tyrannide siquidem amicitie  
 reperitur aut nihil, aut parum. in quibus enim  
 principi & subdito cōmune est nihil, in ijs, neq;  
 amicitia est: quippe cum neque ius aliquod sit,  
 sed tale quippiam, quod artifici erga instrumen-  
 tum, animæ erga corpus, hero erga seruum: nam  
 hæc vtilitatem ab ijs consequuntur, qui ipsis  
 vti consueuerunt. Sed erga inanimata neque  
 amicitia vlla est, neque ius, neque erga equum,  
 aut bouem, neque erga seruum, quatenus ser-  
 uus est: nihil enim habent commune. nam sicut  
 seruus animatum est instrumentum, ita instru-  
 mentum inanimatus seruus est: quocirca in eo  
 quod est seruus, erga ipsum amicitia non est: in  
 eo quod homo, est: quippe cum vnicuique ho-  
 mini ius quoddā esse videatur erga vnumquem-  
 que, qui cum ipso legis, ac fœderis esse particeps  
 potest, & amicitia igitur erit, quatenus homo  
 est. Atq; in tyrannidibus quidem & amicitia, &  
 iuris parum admodū est, in populi administra-  
 tionibus plurimum. cum enim sint æquales,  
 multa inter se habent communia.

*De amicitia sodalitia, & filiali.*

*Cap. XII.*

**I**N cōmunionem igitur & societatem omnis ami-  
 citia consistit, sicut dictum est: cōsanguineam  
 tamen & sodalitiam segregaret quispiam: nam  
 ciuiles,

ciuiles, & tribules, & nauticę, & quę sunt huius-  
 modi, socialibus magis similes sunt. esse enim  
 quasi ex passione quadā videntur, inter has ve-  
 rō aliquis etiam hospitalitiam reponeret. Con-  
 sanguinea autē esse multiformis videtur, & to-  
 ta ex paterna dependere. parentes enim amant  
 liberos, quasi ex se quiddam sint: liberi autem  
 parentes, quasi ex illis quippiam sint; magisque  
 sciunt parentes qui ex se orti sint liberi, quā  
 nati ex illis se esse genitos, maiorem item id à  
 quo aliquid est, cum genito habet necessitudinis  
 connexionem, quā quod factum est, cum eo  
 qui fecit. proprium enim ei à quo oritur quip-  
 piam, est id quod ex ipso oritur: vt dens, vt ca-  
 pillus, & quodlibet ei qui id habet; illorum autē  
 nulli id à quo oritur, vel minus. accedit etiā lon-  
 ginitas temporis, hi siquidem liberos statim  
 vbi nati sunt, amant: illi progressu temporis pa-  
 rentes, vbi intelligentiam, aut sensum adepti  
 sunt. Atq; hinc cur matres magis diligant, etiā  
 patet. Parētes igitur filios vt seipsos amant, qui  
 enim ex ipsis oriunt, sunt quasi alteri ipsi, dum  
 separati sunt; filij autē parentes, vt ab illis pro-  
 ducti. At fratres se mutuō diligunt ex eo quod  
 ex iisdem nati sunt. eadem enim quam cum il-  
 lis habent, natura ipsos inter se esse idem facit:  
 vnde inquirunt eundem sanguinem, eandemque  
 radicem, atq; huiusmodi: sunt itaq; idem quo-  
 dammodo etiam in distinctis. Multum etiam  
 ad amicitiam facit & coeducatio, & ætas. ætate  
 enim æqualem æqualis delectat: & consuescen-  
 tes sodales sunt, vnde fraterna hæc amicitia so-  
 dalitæ est persimilis. Patruales item, & reliqui  
 cognati ex his coniunctionem habent, eo quod  
 videlicet ab iisdem sunt: sunt quæ alij propin-  
 quio-

## Liber Octauus. 209

quiores, alij alieniores, quò uel proprius, uel sò-  
gius autor generis abest. Estque amicitia filijs  
erga parentes, & hominibus erga Deos tanquàm  
erga bonum quoddam, atque excellens. benefi-  
cia enim maxima cōtulere, quippe cum sint in  
causa ut & sint, & enūtriti, atq; educati fuerint;  
posteaquam in lucem uenerunt, habetque hu-  
iusmodi amicitia iucūditatem atq; utilitatem  
eo magis quàm alienar, quo etiam communior  
uita inter ipsos est. Sunt item in fraterna, ea quę  
in sodalitia & magis inter probos, & omnino  
similes: quo cōiunctiores etiam ab ortu se mu-  
tuò diligunt, quoque moribus sunt similiores,  
qui ex isdem nati sunt, simulque nutriti, atque  
instituti similiter. Temporis præterea compro-  
batio plurima, ac firmissima est. Atque in cate-  
ris cognatis ita amicitiar ratio proportionē ser-  
uatur. Viro item & uxori amicitia esse natura  
uidetur. homo enim coniugale magis, quàm ci-  
uile animal est: quanto prior magisque necessa-  
ria est familia quàm ciuitas, & filiorum quoq;  
procreatio animalibus communior. Sed alijs  
quidem animalibus eatenus communicatio est:  
at homines non sobolis procreandę tantum-  
modo, sed rerum etiam quę ad uitam spectant,  
comparandarum causa cohabitant. officia enim  
continud diuisa inter ipsos sunt, alia viri, & alia  
uxoris: sibi que mutuò opitulantur, quę propria  
sunt, in commune constituentes; atque ob id &  
utilitas & iucunditas esse in hac amicitia uide-  
tur, esse etiā posset ob virtutem si probi essent:  
est si quidem utriusq; uirtus: atque eiusmodi re  
gauderent. Vinculum autem ipsorum esse filij  
uidentur; unde citius qui liberis carent, dissolui  
consueuerunt, quippe cum si i commune bonū

ambobus sit, quod autem commune est, connectit. At uerò cum quaeritur quomodo uirò cum uxore sit conuiuendum, & deum amico cum amico, nihil aliud quaeri uidetur, quàm quo pacto ius est. neque enim amico erga amicū, neque erga alienum, & sodalem, & condiscipulū idem ius esse constat.

*De duplici iure, & de compensanda amicitia.*

*Cap. XIII.*

**C**um tres sint amicitiae, quemadmodum in principio dictum est, & in unaquaque alij in aequalitate, alij in excellentia sint amici: similiter enim boni sunt amici, & melior peiori: similiter etiam iucundi, & ob utilitatem, uel aequales in adiumentis exhibēdis, uel differentes: eos qui in aequalitate consistunt, & amando & reliquis adaequari oportet: eos uerò qui sunt inaequales, reddere quod proportionem supereminētiae requiritur. Expostulationes autem & querelae in ea amicitia fieri consueverunt, quae ex utilitate est, uel sola, uel maximè: atque id non iniuria. qui enim ob uirtutem amici sunt, ad beneficia sibi mutuò conferenda sunt prompti, quod uirtutis & amicitia proprium est. eorum uerò qui in hoc certant, expostulationes nullae, neque pugnae esse possunt: quippe cum erga eum qui amat & benefacit, indignetur nemo; sed, si gratus sit, benefaciendo etiam ipse respondeat: quique benefaciendo exuperat, cum consequatur id quod cupit, accusare nullo modo amicum possit: nam uterque bonum appetit. Neque in iis admodum quae ex uoluptate consistunt, contingere accusationem cōsuevit. simul enim utrisque id fit, quod cupiunt.



cupiunt, si conuictu mutuo oblectantur. ridiculus enim videretur, qui non oblectantem accusaret, cum liceat non simul degere. At ea est expostulatrix amicitia quæ ex vtilitate contrahitur. nam cum ob commodum proprium mutua consuetudine vtantur, pluris semper indigent, minusq; se habere existimant, quàm conueniat: accusantq; quòd quantum indigent, tantum etiam non consequuntur, cum digni sint: qui vero benefaciunt, tatum exhibere nequeunt, quantum indigent illi qui accipiunt. Videtur autem sicut ius est duplex, alterum nō scriptum, alterum legitimum: sic amicitia, quæ ex vtilitate fit, moralis altera esse, altera legitima. querelæ igitur tunc præcipuè oriuntur, cum non ex eadem contractus fiunt ac dissolutiones. Ac legitima quidem in condictis consistit, altera omnino vulgaris è manu in manum: liberaliter altera in tempus, ex pacto tamē quid pro quo reddendum sit, in qua manifestum quidem est & non ambiguum quod debetur: sed amica dilatio conceditur, vnde inter nōnullos ex his iudicia minimè fiunt, sed acquiescendum putant, cum fide inter se contraxerint. Sed moralis non in condictis versatur, sed tanquàm amico donat, aut quodcunque aliud alteri exhibet: deinde aut æquale aut amplius sibi esse recipiendum censeat, quasi non dederit, sed mutuarit: cum autem nō sicut contraxit, etiam d soluat, alterum accusabit: hoc verò contingit, propterea quòd volunt quidem honesta omnes, aut plerique, sed vtilia tamen eligunt. honestum enim est beneficium conferre, non vt vicissim recipiamus; vile autem beneficio affici est. Siquis igitur potest, retribuere debet

dignas gratias ijs quę accepit, atque id sponte a  
 inuitus enim amicus faciendus non est: igitur  
 eò quòd aberrauerit in principio, ab eoq; acce-  
 perit beneficium, à quo non oportebat. non  
 enim ab amico accepit, atque eo qui propter  
 ipsum id faceret: perinde ac si ex conditis be-  
 neficio affectus sit, ita dissoluendum, pepigisset  
 siquidem qui potest, se esse redditurum: & eum  
 qui non potest, neque ille qui dedit, dignum  
 censuisse, qui acciperet, quare si potest, reddend-  
 dum est. in principio autem est confidrand-  
 dum, à quo & qua conditione beneficio afficia-  
 tur quispiam, ut his acquiescat, vel minime. Du-  
 bitationem autem hæc res habet, vtrum vtili-  
 tate eius qui accepit, an beneficio eius qui con-  
 tulit, metiendum sit id quod retribuere debe-  
 mus: qui enim acceperunt, extenuantes rem ta-  
 lia se accepisse à benemeritis dicunt, quæ sicut  
 illis parua erant, ita ipsi accipere ab alijs pote-  
 rant: illi verò contrà, quę maxima erant apud  
 se, & ab alijs non licebat, & in periculis, ac ne-  
 cessitatibus huiusmodi se dedisse aiunt; nun-  
 quid igitur quia ob vtilitatem est amicitia,  
 eius qui beneficio, est affectus, vtilitas mensura  
 est? hic enim est is qui indiget: & ille huic opi-  
 tulatur, quasi æquam gratiam recepturus. tan-  
 ta igitur fuit opitulatio, quantum adiutus est:  
 vnde tantum est illi reddendum, quantum est  
 consequutus vel etiam amplius, id quod hone-  
 stius est. In amicitijs autem quæ ex virtute exi-  
 stunt, criminationes nullæ sunt, sed eius electio  
 qui beneficium contulit, mensuræ similis est:  
 quippe cum virtutis, ac morum præcipua vis in  
 electione consistat.

*De querelis in amicitia per supereminentiam, & de  
de ceteris abdicatone. 31. Cap. XLIIII.*

**I**N illis uerò quæ ex supereminētia fiunt, dis-  
fensiones quoq; accidere consueuerūt. vterq;  
enim plus sibi esse habendū censer, quod quā-  
do fit, amicitia dissoluitur. nam qui melior est,  
conuenire sibi existimat; ut plus habeat: bono  
enim amplius esse tribuendum. similiter etiā  
qui est utilior: inutilem enim a.unt non oport-  
tere æqualē partem habere: alioquī ministra-  
tionem futuram non amicitiam, nisi pro digni-  
tate operum fiant ea, quæ in amicitia aguntur.  
putant si quidem sicut in pecuniarum commu-  
nicatione plura accipiunt, qui plura contule-  
runt: ita in amicitia quoque esse faciendum. At  
indigus & peiore contrario: boni enim amici  
esse opem ferre indigentibus. quid enim in-  
quiunt, prodest, si probo uiro aut potenti quis-  
piam sit amicus, si nullam utilitatem ex eo sit  
consequuturus? videtur autem uterq; rectè cen-  
sere, oportetque vtrique ex amicitia amplius  
quidem tribui, non eiusdem tamen rei amplius:  
sed ei qui excellit, honoris: ei qui indiget, lucri.  
virtutis enim & beneficij præmium honor, in-  
digentiz subsidium lucrum est. Hoc ita se habe-  
re in rebus publicis apparet. non enim honore  
afficitur, qui nullum bonum reip. affert: quippe  
cū id quod publicum est, ei detur, qui de re-  
publica bene meretur: publicum autem quod-  
dam est honor. nō enim fieri potest, ut & lucre-  
tur quispiā ex republica, & honoretur: cū in  
omnibus minus habere sustineat nemo. erigi-  
tur qui in pecunijs est inferior, honorem: ei qui

munera non accepit, pecunias tribuunt. quod enim pro dignitate fit, amicitiam, sicut dictum est, & adquat, & conseruat. Ita igitur etiam cū inaequalibus versandum est. ab eoq; qui aut in pecunijs aut in virtute est adiutus, retribuendus honor est: atq; id, quatenus facultas ipsius ferri. quod enim fieri potest, non quod pro dignitate fit, amicitia exigit. Neque enim quod pro dignitate fit, in omnibus est: sicut in honoribus, qui Dijs, aut parentibus exhibentur: nemo enim referre his dignam gratiam posset: sed qui pro viribus colit, is esse probus uidetur. Atq; ideo non licere filio patrem abdicare, patri autem filium licere uideretur. reddere enim oportet eum qui debet. at quicquid fecerit filius, nihil dignum collatis beneficijs fecit. quate semper debet. quibus autem debetur, ijs dimittendi est facultas: igitur patri quoque erit. Adde quod nemo fortasse unquam abcessurus ab eo uideretur, nisi prauitate exuperaret. nam praeter naturalem amicitiam subsidium non detrectare humanum est. ei uero fugiendum est, aut non studendum opem ferre, si sit prauus. beneficio enim affici uolunt plerique, facere autem ut inutile fugere consueuerunt. Ac de his quidem haecenus dictum sit.

# ARISTOTELIS MORALIVM

Nicomachiorum,

LIBER NONVS.

SVMMAE LIBRI.

*De amicitia conseruatione, ac ipsius operibus.*

*De beneuolentia, concordia, beneficentia, amore sui. De amicis felicitis, amicorum numero, in qua fortuna sint habendi, & ipsorum praeceptum munere.*

*Quae conseruent amicitiam.*

*Cap. 1.*



N omnibus amicitijs, quae dissimiles specie sunt, id quod proportionem respondet, sicut dictum est, amicitiam conseruat. quemadmodum & in ciuili, sutori pro calceis pro dignitate commutatio fit: textori item, & reliquis. Atque hic communis mensura numerus comparatus est, ad quem omnia referuntur, quoque mensurantur omnia. In amatoria autem amator interdum criminatur, quod cum supra modum amet, non redametur, cum nihil ipse, si ita inciderit, amabile in se habeat: saepe item amatus, quod cum ille prius promiserit omnia, nihil postea praestet. Huiusmodi

iustmodi autem querimoniarum contingunt, cum alter voluptatis causa amatum amat, alter amatorem ob utilitatem: & hæc ambobus non adfunt. nam cum horum causa amicitia constet, cum ea non sunt ob quas amabant, amicitiarum dissolutio efficitur. non enim se mutuo amabant: sed ea quas utrisque aderant, quas stabilia non sunt, quocirca huiusmodi etiam sunt amicitia. At morum amicitia per se cum sit, permanet, sicut dictum est. Dissentiunt autem etiam, cum alia fiunt ipsis, & non ea quas appetunt. perinde enim est ac si nihil fiat, cum id non consequitur quispiam quod cupit. quemadmodum citharædo ille qui quanto melius caneret, tanto plura pollicitus fuerat: cum repeteret mane quod fuerat ipsi promissum, voluptatum pro voluptate reddidisse se dixit. si igitur uterque id volebat, satis habuisset: sin alter oblectationem, alter lucrum, & ille habet, hic minimè: non rectè id quod ad societatem spectat, inter hos esset. quibus enim indiget quispiam, ijs & studet, atque illius causa hæc dabit. Sed dignitatē rei statuere utrius est? eiusne qui prius contulit, an eius qui prius accepit? ille enim qui confert, ei videtur permittere. id quod aiunt etiam Protagoram facere consuevisse. cum enim qualiacumque docuisset, ei qui didicerat iubeat æstimare, quanti viderentur esse digna ea quas sciebat, & tantum accipiebat. in talibus autem tibi satis est nonnullis illud: Ast homini merces. At qui cum pecuniam præceperint, nihil postea faciunt ex ijs quas dixerunt: ob nimios promissionum excessus meritò in accusationes incidunt. non enim præstant ea, quas pepigerunt. Atque hoc fortasse sophistæ coguntur facere.

propte-

† a. l. ead:  
dat.

† a. l. pla-  
cet



propterea quòd nemo eis daret argentum ob ea quæ sciunt. hi igitur cùm nò faciant ea, ob quæ mercedem acceperunt, meritò accusantur. Vbi verò nulla subministrationis pactio fit; illos q per se prius dant, absq; crimine vllò esse dictum iam est. eiusmodi enim amicitia est, quæ ex virtute conflat. retributioq; est ex electione facienda. ea enim amici, & virtutis est. Ita etiam conuenit ijs qui philosophiæ causa inter se habent societatem. non enim pecunijs dignitas æstimatur: neq; honor æquiparabilis exhiberi posset: sed fortasse satis est, sicut etiã erga Deos, & parentes, id quod fieri potest. Quòd si datio eiusmodi non fuerit, sed ob aliquod maximè quidem fortasse ea facienda est retributio, quæ utrisque pro dignitate esse videatur: sin id non contingit, non modo necessarium videbitur, ut is qui prius habet, ipse statuatur, verum etiam iustum: quãtã enim is vtilitatem consequutus fuerit, aut pro quanto voluptatem elegerit, si tantum ille receperit; dignam remunerationẽ habebit. nam etiam in venalibus rebus ita fieri apparet: Quibusdam etiam in locis leges sunt, ne de voluntarijs commercijs iudicia fiant: eò quòd oporteat cum eo cui credidit, ita dissoluere, quemadmodum societatem iniit. iustus enim esse putat, ut cui permissum est, is statuatur, quàm qui permisit. Nam plerunque non æqui æstimaunt qui habent, & qui habere volunt. sua enim singulis & quæ dāt, & digna multo pretio videntur. sed retributio tamen tanta fit, quantum statuerint illi qui acceperunt. Oporteret autem fortasse non tanti æstimare, quanti appareret alicui cùm habet: sed quanti æstimabat, antequam haberet.

*Nota philosophiæ dignitatem.*

*Singulis pro dignitate beneficia esse rependenda.**Cap. 11.*

**A**T vero huiusmodi res dubitationē admittunt, utrum uidelicet pati oīa tribuenda sint, & parendum in omnibus: an agrotans debeat medico obtemperare? & qui eligit imperatorem, bellicę rei peritum hominem eligere. Simili modo amicōne magis, an probo uiro inseruiendum? & bene merito reddendāne magis gratia sit, quā sodali dandum, si utrisq; non liceat? Nunquid autem omnia huiusmodi exactē definire facile non est? multas enim atq; omnigenas & magnitudine & paruitate, & honestate, & necessitate habent differentias: illud tamen obscurum nō est: non omnia eidem esse reddenda. Et beneficia retribuenda, ut plurimū, magis sunt, quā sodali inseruiendum: & sicut mutuum cui debet quispiam, restituendum magis, quā sodali dandum. Sed fortasse neq; hoc semper, ut si quis redemptus à latronibus fuerit, utrum is uicissim redimere eum debet, qui liberarit, quicunq; ille sit, an non capto quidē, sed repetendi reddere, an patrem redimere? redimere enim patrem magis etiam quā seipsum debere uideretur. Quod igitur dictum est, in uniuersum debitum est reddendum: sed si datio honestate, aut necessitate superexcedat, ad hęc est declinandum. Interdum enim neque equum est, ut quod prius alter contulit beneficium, rependamus: cum ille probum uirum esse sciens benefecerit: ab hoc uerō fiat retributio ei quem prauum esse existimat. nam neque ei, qui mutauit, remutuandum est. ille enim cum putaret se recepturum esse, probo uiro mutauit: hic

hic autem à prauo recepturum se quippiam nō sperat. siue igitur re uera ira res se habet, æqualis dignitas minimè est. siue non ita quidem est, sed opinantur, non absurdè facere uiderentur. Veruntamen id quod sæpe dictum à nobis est, disputationes de affectibus & actionibus ita definitæ ac certæ sunt, sicut ea, circa quæ uersantur. Non omnia igitur omnibus esse retribuenda, neque patri omnia: quemadmodum neque Ioui omnia sacrificantur: obscurum minimè est. quia uerò alia parentibus, & fratribus, & sodalibus, & bene meritis reddenda sunt: singulis propria & accommodata sunt attribuenda. Ita uerò etiam facere uidentur. ad nuptias enim cognatos inuitant: his enim commune genus est: atque ideo actiones quoque quæ circa id fiunt, communes sunt, ob eandem causam quoque ad sponsalia conuenire debere cognatos maximè existimant. Parentibus autem alimenta præcipue suppeditanda esse uiderentur, utpote cum debeamus: cumque illis qui in causa sunt, ut simus, honestius sit, quàm nobis ipsis in his opem ferre. honor quoque parentibus quemadmodum Diis, exhibendus est: non omnis tamen parentibus. neque enim idem patri & matri: neque is qui conuenit sapienti, aut duci, sed paternus: & simili modo maternus. Omni item seniori honor pro ætate reddendus est, assurgendo, & sessione cedendo, atque huiusmodi cæteris. Sodalibus autem & fratribus loquutio libera, omniumque communitas exhibenda est. Cognatis iraque & tribulibus & ciuibus, reliquisque omnibus enitendum est, ut semper quod accommodatū est, tribuamus, quæque, unicuique insunt quantum ad coniunctionem  
& uix -

& uirtutē, & usum attinet, comparatione facta diiudicemus. atq; eorum quidē quę eiusdē sunt generis, facilius iudicium est: difficilius eorum quę differunt, nō ob id tamen desistendum: sed ita ut fieri potest, facienda distinctio est.

*Quando seruanda amicitia. Cap. III.*

**O**Ritur autem dubitatio, utrū cum ijs, qui non permanent, dissoluēda sint amicitia, necne, an cum ijs qui ob utilitatē, aut iurcūditatem sunt amici, cum non amplius ea habent, dissolutionem fieri absurdum non est: illorū enim erant amici: quibus deficientibus cōsentaneum est, ut etiam ipsi non amplius amēt. Criminaretur autem quispiā, si ille qui ob utilitatem, aut voluptatem amat, se ob mores amare simulauerit. Sicut enim in principio diximus, plurimę dissensiones inter amicos oriuntur, cum non similiter & putant, & sunt amici. Cum igitur frustratus fuerit aliquis, atq; ob mores se diligī existimarit, cum nihil eiusmodi ille agat; seipsum is culpet. cum autem illius simulatione deceptus fuerit; eum qui deceperit, accusare iustum est: atq; eo magis quā eos qui monetas adulterant, quo circā rem preciosiore maleficium huius est. At si admisit ut bonū, prauus verō ille euaserit, & uideatur: nunquid amplius amandus est? An fieri non potest? si quidem non quodlibet est amabile, sed bonum: neq; amādum prauum est. prauī enim esse amicum; aut similem prauo, fieri nullo modo oportet. simile autem simili esse amicū, dictum iam est. Nunquid verō statim facienda dissolutio est? an non cum omnibus; sed cum ijs qui ob  
prau-

prauitatem incurabiles sunt: nam qui correctio-  
nem admittunt, ijs eo magis in moribus, quàm  
in facultatibus ferendum auxilium est, quo &  
præstantiores, & amicitie sunt accommodatio-  
res. Videtur autem ille qui dissoluit amicitiam,  
nihil absurdi facere: quippe cum nō huic, neq;  
tali fuerit amicus. quocirca cum eum immuta-  
tum reseruare nequeat, abscedit. At verò si al-  
ter perstet, alter verò probior euaserit, ita vt lon-  
gè præstet virtute, nunquid vtendum amico est?  
An fieri non potest? in magna autem distantia  
id maximè perspicuum fit. vt in amicis à pue-  
ritia conflat. si enim alter permaneat animo  
puer, alter vir quàm optimus euadat: quo pa-  
cto esse poterunt amici, cum neq; iisdē oblecten-  
tur, neq; gaudeant, & doleant? neq; enim inter  
se se mutuo hæc inerunt ipsis. absque his verò  
esse amicos non licebat: quippe cum fieri ne-  
queat, vt simul degant. Sed de his dictum iam  
est. Num autem nihilo secius se gerere debet er-  
ga ipsum, ac si nunquam fuisset amicus: an an-  
tehabite consuetudinis memoria retinenda est:  
& quemadmodum amicis magis quàm alienis  
gratificandum esse existimamus: ita ijs qui fue-  
runt, ob amicitia quæ prius intercessit, tribuen-  
dum aliquid est: quando non ob nimiam prauit-  
atem facta est dissolutio.

*Quæ opera amicitia, & quòd non sint prauorum.*

*Cap. IIII.*

**I**Am verò ea, quæ ad amicos attinēt, & quibus  
amicitiæ definiuntur, ex ijs quæ erga se quis-  
que agit, esse videntur profecta. Statuunt enim  
amicum esse eum qui vult & agit bona, aut quæ  
apparent, illius causa: vel eum qui vult & esse

## 222 Moral.Nicomachiorum

& viuere amicū ipsius causa . id quod matres erga filios faciunt: & amici, inter quos offēso aliqua incidit. Alij eum qui simul degit, & eadem eligit: aut qui cōdolet & congaudet eun̄ amico . maximè verò etiam hoc matribus contingit. At aliquo ex his amicitiam quoq; definiunt, quorum vnumquodque probo viro erga seipsum inest: ceteris, uero, quatenus tale se esse existimant . Videtur enim, quēadmodum dictum est, virtus, & probus vir vnicuiq; esse mēsurā. is enim secum cōsentit, & eadem tota anima appetit . Et vult etiam sibi ipsi bona, & quæ apparent, atque agit. boni enim est sui quoq; causa bonum elaborare: intellectuæ siquidem partis gratia, quæ esse vnusquisq; nostrum videtur. Vult quoq; viuere se, & saluum esse, & maximè id, quo sapit . Probo enim viro esse bonum est. Vnusquisque autem sibi ipsi vult bona. effectus verò alius illud quod euasit, omnia habere eligit nemo. habet enim etiam nunc Deus bonum, sed cum sit ipse id quodcunque est . Vnusquisque verò id quod intelligit, esse videretur, vel præcipuè. quiq; est huiusmodi, secum degere vult . iucundè enim id facit: quippe cum & factorum oblectabiles recordationes, & futurorum spes bonæ sint: tales autem sint iucundæ . Contemplationibus præterea abundat cogitatione: condoletq; & collatur secum maximè idem prorsus, & molestum est, & iucundum, & non aliàs aliud. pœnitentia siquidem vacat, vt ita dicam . Eo quod igitur probo viro erga seipsum vnumquodq; horum inest, isq; erga amicū, perinde atq; erga seipsum sese gerit: est enim amicus alter ipse: amicitia quoq; esse horum aliquid videtur, & amici illi quibus

*Amicus est  
alter ipse.*

hac



hæc insunt. Nam utrum erga seipsum amicitia sit, necne, in præsentia omittamus. videretur autem eatenus esse amicitia, quatenus <sup>† a. l. non</sup> est duo <sup>† amplius</sup> vel plura ex iis quæ dicta sunt: & quia excessus <sup>amplius</sup> amicitia similis est ei quæ erga seipsum est. At <sup>duo sūt eadem</sup> antedicta inesse videntur etiam plerisque; quamvis pravi sint. nunquid tamen quatenus sibi placeat, probosque se esse existimant, eatenus participes eorum sunt. Nam ex iis qui vehementer sunt pravi & facinorosi, nemini hæc insunt: quin ne videntur quidem. ferè autem, neque pravis. dissentiunt enim inter se, dum alia cupiunt, alia volunt: ut incontinentes, qui loco eorum quæ sibi esse bona videntur, incunda quidem eligunt, sed noxia, alij autem ob ignaviam & segnitiam, ab agendis iis desistunt, quæ sibi esse optima existimant. At qui multa & gravia scelera perpetrarunt: & ob pravitatem odio habentur, & vitam fugiunt, seque ipsos interficiunt. Ac querunt quidem improbi huiusmodi alios, quibuscum diem traducant, & se ipsos fugiunt: propterea quod quando secum sunt, multorum & gravium scelerum, recordantur, atque alia huiusmodi sperant, quorum quando cum aliis versantur, obliviscuntur: eumque nihil in se amabile habeant, amicè erga se ipsos nullo modo afficiuntur. Neque igitur collatantur, neque condolent huiusmodi homines secum. seditione enim anima eorum agitur. pars enim una ob pravitatem dolet, cum aliquibus abstinet, altera latatur, & quasi diuellentes illa huc hæc illuc, trahit. & licet ferè nequeat ut simul doleat & lætetur quispiam, sed paulo post tamen dolet, quia latatus est: nollereque ea sibi iucunda extitisse. prænitentia enim pravi

prauī pleni sunt. Prauus ergo cūm nihil in se habeat amabile, neque erga seipsum amicē esse affectus uidetur. Quōd si ita se habere ualde miserum est; enixē fugienda prauitas est, dandaq; opera unicuiq; ut probus euadat: sic enim fiet & erga seipsum amicē esse affectus, & aliorum esse amicus possit.

*De beneuolentia.**Cap. V.*

**I**Am uerō beneuolentia est quidem similis amicitie, amicitia tamē nō est: quippe cūm beneuolentia erga ignotos quoq;, & latens esse possit: amicitia non possit. Et prius etiam dicta hęc sunt. Sed neq; amatio est: neq; enim intentionem, neq; appetitionem, habet quā amationem consequuntur. atq; amatio quidē cum consuetudine beneuolentia de recenti etiam fit. Id quod etiam erga certatores cōtingit. beneuoli siquidem eis fiunt, simulq; cum eis uolūt: nihil tamen cooperarentur. sicut enim diximus, de recenti beneuoli fiunt, & leuiter diligunt. Videtur igitur principium amicitie esse, non secus atq; amoris ea uoluptas quā ex aspectu percipitur: nemo enim amore capitur, nisi prius specie fuerit oblectatus. qui uerō forma oblectatur, nihilo magis amore capitur; sed cūm & absentes desiderat, & præsentes cupit. Ita uerō etiam amici esse non possunt. n. si beneuoli prius fuerint, beneuoli autem nihilo magis diligunt. uolunt enim tantūm bona iis quibus sunt beneuoli, nihil tamen cooperarentur, nullamq; pro ipsis molestiam susciperent. Quocirca translatiōe utens aliquis esse ipsam † principiu amicitie diceret: quā cūm inueterata fuerit, & in consue-

† a. l. ocio-  
sam amici-  
tiam.

consuetudinem deuenierit, amicitia euadat: non ea quidem quæ ex utilitate, aut uoluptate conciliatur. neq; enim ob hæc beneuolentia existit. Nam qui beneficio est affectus, pro ijs quæ accipit, beneuolentiam retribuit, iuste se gerens. Qui uero aliquem prospere agere uult, spe utilitatis consequendæ ex ea re, non illi, sed sibi potius beneuolus est: quemadmodum neque amicus, si commodi alicuius causa illi obsequitur. Omnino autem beneuolentia ob uirtutem & probitatem quandam existit, cum pulcher, aliquis, aut fortis, aut tale aliquid uisus cuipiam fuerit, sicut de certatoribus iam diximus.

*De concordia.*

*Cap. VII.*

**C**oncordia præterea spectare quoq; ad amicitiam uidetur: unde opinionis consensus minimè est hoc enim ijs etiam qui mutuo sese ignorat, posset inesse. neq; eos qui qualibet de re consentiunt, concordēs esse inquit: uerbi causa, si de cœlestibus consentiant: concordēs enim de his esse ad amicitiam non attinet. sed ciuitates concordēs esse dicunt, cum de illis quæ conferunt, consentiunt, & eadē eligunt, aguntq; ea quæ publicè uisa fuerint. Circa agenda igitur concordēs sunt, atque ea quæ in magnitudine consistunt, & utrisque, uel omnibus inesse possunt. ut ciuitates cum omnibus uisū fuerit magistratus electione esse creandos: uel ineundam cum Lacedæmonijs societatem: uel regnare Pitæacum, quando etiā ipse uoluerit. At cum uterq; seipsum uult, ut in Phœnissis, in seditione sunt. Concordēs autem esse non est, si idem uterque animo concipit, quod eundem illud sit: sed si quod

in eodem est. ut cū & populus & probi uiri optimos regnare consentiunt, ita enim omnibus contingit id quod appetunt. Concordia uerò ciuilis esse amicitia uidetur: quemadmodum etiam dicitur, circa conducentia enim uersatur, atque ea quę ad uitam attinent. estq; huiusmodi concordia inter probos viros: hi enim & secum, & inter se sunt concordēs, cū in iisdem, ut ita dicam, sint. huiusmodi siquidem hominum uoluntates permanent, neq; transfluūt, sicut Euripus: voluntq; ea quę & iusta sunt, & conducunt: atque hæc communiter appetunt. At ut prauī concordēs sint, nisi parumper, sicut etiam ut sint amici, fieri non potest: cū in uilibus rebus ampliorem partem appetant: in laboribus contrā & ministrationibus deficiant. cū enim unusquisque sibi hæc uelit, alterum ad examen reuocat, & prohibet. nam quod commune est, perit, cū ab his non seruetur: atque inde euenit, ut cū alij necessitatem inferant, ipsi uerò quę iusta sunt facere nolint, seditione agitentur.

*De beneficentia.*

Cap. VII.

**A**T uerò benefici amare magis uidetur eos quos beneficijs affecerunt, quàm affecti illos à quibus acceperunt. id quod quasi à ratione dissentaneum quæri consuevit. Plerisque igitur id contingere propterea uidetur, quia hi debent, illis debetur. sicut ergo in mutuis illi qui debent, eos non esse uolunt, quibus debent: qui uerò mutuarunt de salute debitorum curam etiam habent: sic & eos aiunt qui beneficium contulerunt, utpote gratias recepturos, uelle illos

illos esse quibus contulerunt : illis autem non esse curę, ut quippiam retribuunt . Atq; Epicharmus quidem fortasse diceret ipsos hæc ex prauo spectantes dicere . Sed esse hæc humana res videtur . immemores enim sunt pleriq; magisq; beneficium accipere quam conferre appetunt . Videretur autem huiusce rei magis naturalis causa esse , neq; similis ei quæ de mutuantibus relata est . non enim est dilectio circa illos , sed voluntas vt salui sint , recipiendi causa . at qui beneficium contulerunt eos qui acceperunt , diligunt , atque amant , etiam si nulla in re ipsis vtilis uel in præsentia sint , uel in posterum sint futuri . Id quod etiam in artificibus contingit : vnusquisque enim opus proprium magis amat , quam ab opere amaretur , si animatum fieret . Maximè verò fortasse circa poëtas idem euenit , *Vide idem supra lib. 4. cap. 10.* qui poëmata propria perinde ac filios supra modum amant . Huic rei simile est , quod ad beneficium attinet : nam beneficio affectus opus ipsum est : id igitur amant magis , quam opus eum qui effecit . Huiusce rei illud in causa est , quòd esse est expetibile , atque amabile omnibus : sumus autem operatione & actū : viuendo enim atque agendo sumus . qui fecit igitur operatione opus ipsum , quodammodo est : quòcirca amat opus , propterea quòd esse appetit : at hoc naturale est . quod enim potestate est , id operatione opus ipsum indicat . Adde , quòd ei qui beneficium contulit , honestū illud est quòd actione est perfectum : quare gaudet eo in quo illud est . qui verò affectus est , nihil honesti habet in illo qui affecit . sed si modo quicquam habet , id est quod conducit . at id minus iucundum , atq; amabile est . Præsentis siquidem operatio , futuri

spes, facti memoria iucunda est. at iucundissimum est quod operatione consistit, atq; amabile simili modo. ei igitur qui affecit, opus permanet: honestum enim est diuturnum. ei verò qui est affectus, præterjit utilitas. Ac memoria quidem honestarum rerum iucunda est: utilium non admodum, uel minus. expectatio uerò, sese habere contrario modo videtur. Atque amatio sanè effectiōni: amari affectiōni simile est. amare igitur, atque ea quæ ad amicitiam pertinent, eos consequuntur, qui in actione excellunt. Præterea omnes ea, quæ laboriose facta sunt, magis amant: ut qui pecunias acquisuerunt, magis quàm qui ab alijs acceperunt. at beneficio affici labore uti: benefacere laboriosum uidetur.

*Matres liberorum sunt amantiore.*

Propterea etiam matres liberorum sunt amantiore: laboriosior siquidem generatio est, magisque suos esse filios sciunt. id autem beneficiis quoque esse proprium uidetur.

*De amore sui. Cap. VIII.*

**A**T enim dubitatur, utrum amare seipsum maximè, an aliquem alium oporteat. increpant. n. eos qui seipsum maximè amant: & quasi in dedecus sui amatores appellat. videturque prauus sui causa omnia agere, ac tanto magis, quanto improbius fuerit: unde ipsi crimini dant, quòd ab seipso nihil agat. Probus autem ob honestatem: atque id eo magis, quo melior est: amicique causa: sui autem causa agere omittit. Ab orationibus tamen his opera ipsa discrepant: atque id non absurdè. dicunt enim cum maximè amandum esse, qui maximè sit amicus: maximè uerò, est amicus, qui uult bona ei cui



ei cui maximè vult, illius causa, etiam si id sciturus sit nemo: at hæc unicuique erga seipsum, & cetera etiam omnia, quibus amicus definitur, maximè insunt. dictum siquidem est omnia quæ ad amicitiam attinent, à seipso ad alios quoque deuenire. prouerbia item omnia consentiunt, ut *Prouerbia*  
 Una anima: & Communia omnia amicorum: & in amicitia.

Aequalitas amicitia: & Tibi genus propinquius omnia enim hæc unicuique erga seipsum maximè insunt: quippe cum amicus maximè sibi ipsi sit. Amare igitur etiam seipsum maximè oportet. Cum igitur utriusque probabilitatem afferant, non iniuria in dubium venit, utros sequi magis debeamus. Quocirca fortasse huiusmodi orationes quorsum utraq; & quatenus ueræ sint, diuidendum est ac distinguendum. Si itaque statueremus quo pacto utriusque sui amatorem appellant, forsitan hoc constaret. Qui igitur hoc in opprobrium inducunt, eos sui amatores uocant, qui sibi in pecunijs, honoribus, & uoluptatibus corporis amplius uendicant. plerique enim hæc appetunt; hisque, perinde atque optima sint, omnino studio incumbunt: unde etiam decetabiles res ipsæ euaserunt. Qui ergo in his placeat sibi uti, cupiditatibus, atque omnino affectibus, irrationabilis animæ parti obsequuntur. huiusmodi autem plerique è vulgo sunt, atque ideo à plerisque qui prauis sunt, imposita appellatio est. Merito igitur his qui ita sui sunt amatores, opprobrio datur. Eos autem qui huiusmodi res sibi attribuunt, solere à plerisque sui amatores uocari, dubium non est. nam si quis semper uel iusta agere, uel temperantia, uel qualiacumque alia ex uirtute maxime omnium agere studeat, semperque quod honestum est, sibi uendicet, cum sui amatorem appellabit

pellabit nemo, neque uituperabit. quanquam is magis esse sui amator uideretur: cum ea quæ maximè & honesta, & bona sint, sibi attribuat: sui quæ præstantissimæ parti obsequatur, ei quæ in omnibus obtemperet. Sicut autè & ciuitas esse maximè id videtur quod in ipsa præstantissimum est, & omnis alia cōgregatio: ita & homo. & sui amator igitur est, qui id amat, ei quæ obsequitur. continens item & incontinens ex eo dicitur, quod mens contineat reliqua & uincat, aut minimè: quasi id unusquisque sit. uidentur quæ egisse ipsi, & sponte, ea quæ cum ratione maximè egerunt. Id igitur præcipuè esse unūquēque probum quæ uirum præcipuè id amare, obscurum non est. unde etiam sui amator maximè esset, diuersa quidem specie ab eo qui uituperatur: qui sanè tanto differt, quanto uita cum rationi illi præstat quæ ex perturbatione traducitur. & appetitio uel honesti, uel eius quod conferre uideatur. Eos itaque qui circa honestas actiones præcipuè student, omnes admittunt ac laudant. si omnes autem ad honesta consequenda certarent, honestissima quæ agere contenderent: & publicè omnibus opportuna, & priuatim singulis maxima bona euenirent. siquidem uirtus tale quid est. Quocirca bonus uir esse sui amator debet: nam honesta agendo, & sibi & alijs proderit. prauus non debet: eò quod prauos affectus sequens, & sibi & alijs nocebit. Ac prauo quidem homini quæ agere debet, & quæ agit, inter se discrepant: at probus quæ debet, ea etiam agit. mens enim omnis quod sibi optimum est, eligit: probus uerò menti obtemperat. Verum autem est quod de probo uiro dicitur, cum amicorum causa & patriæ multa agere, etiam

etiam si pro ipsis moris fuerit oppetenda. nam & pecunias & honores proijciat, & demum ea bona, quæ in certamen apud homines ueniunt, dum quod honestum est, sibi ipsi uendicant. Breui enim tempore latari uehementer magis eligeret, quàm lōgo leuiter: & uiuere honestò uno anno, quàm multis quomodolibet: unam item actionem honestam & magnam quàm multas & paruas. Hoc autem ijs fortasse euenit, qui pro alijs mortem obire consueuerunt. eligunt enim magnum quoddam honestum sibi ipsis, pecuniaque profunderent, quo amici plures accipiant. pecuniæ enim amico, ipsi honestum comparatur. quod autem maius bonum est, sibi attribuit. In honoribus etiam & magistratibus idem modus est: omnia enim hæc amico concedet. honestum siquidem hoc ipsi est, ac laudabile, ut merito probus esse uideatur, cùm honestatem omnibus anteponat. Fieri item potest, ut actiones amico permittat: sitque ipsi honestius, quòd causa amico fuerit ut eas egerit, quàm si ipse egisset. In omnibus igitur laude dignis rebus honestatis amplius sibi attribuire uir probus uidetur. Atque ita quidem sui amatorem esse oportet, sicut dictum est: ut plerique autem sunt, minime.

*De amicis felicis, et quibus indigeat. Cap. IX.*

**I**Am uerò de felice ipso quoque dubium est, indigeantne amicis, necne? nihil enim beatis ex seque sufficientibus opus esse amicis inquit: adsunt enim ipsis bona: ut cùm ex se sufficient, nulla re amplius indigeant. amicum autem, cùm sit alter ipse, suppeditare ea, quæ per se quispiam nequit. unde, fortuna cùm dat bene, quidnam

amicis est opus? Sed absurdum videtur, cum bona omnia felici attribuamus, amicos non tribuere: quod ex bonis externis esse maximum videtur. Nam si amici magis est beneficium conferre, quam accipere: boni item uiri & uirtutis est benefacere: benefacere autem amicis, quam alienis honestius est. probus uir ijs indigebit qui beneficio afficiantur. Vnde etiam in questio: nemi uenit, utrum in aduersa, an in prospera fortuna amicis magis opus sit: eo quod & qui in infortunio est constitutus, ijs indigeat, qui beneficia conferat: & qui fortunati sunt, ijs, quibus benefaciant. Adde, quod absurdum fortasse est, ut beatum solitarium esse faciamus. nemo enim esset, qui omnia bona habere per seipsum eligeret: quippe cum ciuile animal sit homo, & ad conuictum natura aptum. & felici igitur hoc inest: quæ enim natura bona sunt, habet: constat autem cum amicis & probis uiris melius esse quam cum alienis, & quibuscumque hominibus diem traducere: opus igitur felici amicis est. Quid ergo primi illi dicunt, & quomodo illorum uera oratio est? An quia plerique amicos eos esse opinantur, qui utiles sunt. talibus igitur, cum bona ipsi omnia adsint, nullo modo indigebit beatus: sed neque illis qui ob uoluptatem sunt amici, uel parumper. cum enim vita eius iucunda sit, aduentitia uoluptate non indiget. cum itaque talibus amicis non indigeat, non indigere amicis uidetur. Id autem verum fortasse minimè est. in principio enim dictum iam est, felicitatem operationem quandam esse, operationem autem fieri, & non esse ut possessi-  
nem aliquam, patet, at si felicem esse in uiuendo  
& operando consistit, boni autem uiri operatio  
honestas

honestā & iucunda per se est, sicut in principio diximus: & quod est proprium vniuscuiusque, iucundum quoque est: alios vero spectare magis, quā nosmetipsos, aliorumque actiones quā nostras possumus: proborum autem virorum actiones qui sint amici, bonis sunt iucundę: ambo enim ea habent, quę iucunda natura sunt: beatus profectō amicis huiusmodi indigebit, siquidem actiones honestas & proprias contemplari vult: tales autē sunt boni viri, qui amicus sit. Felicē præterea iucundē viuere oportere existimant, at solitatio difficilis vita est: non enim facili per seipsum assidue operari; cū alijs verō, & ad alios facilius, operatio igitur quę magis erit continua, iucunda per seipsam erit, id quod circa beatū esse oportet. Probus enim

*Hanc partem usque ad finem capi. non exponit Auer.*

vir, quatenus est probus, sicut ex virtute proficiscentibus actionibus gaudet; ita eas molestię ferr, quę ex vitio existunt: non secus atque musicus pulchris modulationibus oblectatur, prauis offenditur. Adde, quod ex conuiuium cum bonis exercitatio etiam quādam uirtutis efficietur: quemadmodum quoque Theognis inquit:

*A iustis discēs bona: si versaberis amicis.*

*Cum prauo, amittes mens bona si qua, tibi est.*

Si etiam naturalius consideremus, prout amicus probo esse natura expectēdus uidetur, quod enim natura bonum est probo uiro, bonū & iucundum esse iam diximus. Viuere autem ipsum definiunt potestate sensus animalibus, hominibus sensus & intellectiōis potestas verō in operationem reducitur, at in operatione id quod præcipuum est, consistit, uiuere autē nihil aliud esse, quā sentire uel intelligere præcipuē & propriē uidet. sed uiuere ex ijs est, quę bona &

iucunda sunt. Definitum enim est. quod autem est definitum, ex boni natura est: quod verò natura est bonum, probo viro etiam bonum esse: atque ideo iucundum esse omnibus videtur. Non debemus autem prauam vitam & corruptam, in doloribusque constitutam sumere: ea enim indefinita est, non secus atque ea quæ in ipsa insunt. Ac de dolore quidem in sequentibus planior res efficietur. Quod si vivere ipsum est bonum, iucundum quoque est: quod ex eo etiam videtur, quod omnes id appetunt: & præcipue probi viri, & beati. his enim vita maxime est expetenda: ipsorumque vita beatissima est. Qui autem videt, se videre sentit: & qui audit, se audire: & se ambulare, qui ambulat: atque in alijs simili modo quiddam est, quod sentit nos operari. sentire verò possemus nos sentire, & intelligere nos intelligere. nos sentire autem vel intelligere, nihil aliud est, quam nos esse: esse enim sentire vel intelligere erat. at sentire se vivere ex ijs est, quæ per se sunt iucunda: vita enim natura bonum est: bonum verò sibi inesse sentire, est iucundum. vivere autem expetendum est & præcipue bonis: propterea quod esse bonum ipsis, & iucundum est. contentientes enim id quod per se bonum est, lætitia afficiuntur. Cæterum sicut erga seipsum, ita erga amicum affectus est probus vir: alter enim ipse est amicus. quemadmodum igitur unicuique se esse, ita quoque amicum esse expetendum est, vel similiter: at esse ob id erat expetendum, quia se bonum esse sentiebat: talis autem persensio suavis per se est: sentire igitur simul etiam amicum esse oportet. id autem fieri in conuiuendo, communicandisque tum verbis, tum consilijs potest: ita enim conuiuere de hominibus

dici



dici videtur: & nō sicut de pecudibus, in eodem loco pasci. Si igitur beato viro esse expetibile per se est, cū bonum natura & iucundum sit: simile autem amici quoque esse ipsum est: amicus etiā ex ijs esset, quæ expetenda sunt, at quod ipsi est expetendum, id inesse ipsi opus est, alioqui indigens hac parte erit: ei igitur qui felix futurus est, probis amicis opus erit.

*De numero amicorum, multi ne an pauci habendi sint.* Cap. X.

**S**ed nunquid quāmplurimi amici faciendi sunt? An quemadmodum de hospitalitate consone dictum illud videtur,

*Multorum neque sis hominum, neq; nullius hospes:*

Sic in amicitia quoque conueniet, neq; amicis prorsus carere, neq; amicos supra modum multos sibi conciliare. Illis sanē qui ad vtilitatem spectant, valde etiam congruere id quod dictum est, videretur, multis enim vicissim subministrare laboriosum est: nō estq; ad id agendum ipsis victus sufficiens. plures igitur quā qui ad proprium victum conueniant, admodū curiosi sunt: tum ad bene viuendū impedimentum afferunt. nihil itaque ipsis opus est. Qui item voluptatis causa amant, pauci sufficiunt: non secus atque in edulio condimentum. Probi autem amici utrum plurimi numero esse debent? An amicorū quoque multitudinis, sicut & ciuitatis modus quidam est? neque enim ex decem hominibus constare ciuitas potest: neq; item ex decies decem millibus ciuitas existit. Sed quantitas non est fortasse vna quādam, sed omnis quæ inter definita quādam media est. amicorum igitur quoque

quoque multitudo designata quadam est, & fortasse plurimi illi sunt, quibus cum vitam traducere quispiam posset, id enim maxime ad amicitiam pertinere videbatur. Non posse autem cum multis vivere quempiam, multisque se impertire, obscurum non est. Esse praterea illos quoque inter sese amicos oportet: si inter se omnes conui-  
 & tui sunt: id autem difficile in multis est. Difficile quoque illud est, ut congaudeat quispiam & condoleat accommodate cum multis. verisimile rem est simul incidere posse, ut cum altero collatandum, cum altero condolendum sit. Fortasse igitur recte se habet, non quærere quamplurimos habere amicos, sed tot, quot ad conuiuendum idonei sint. neque enim fieri posse videretur, ut multis vehementer amicus quispiam sit: ideo neque ut plurius amore sit captus: exuperatio enim amicitiae quadam esse consuevit: id autem erga unum est: & vehementer igitur erga paucos quoque erit. Ita verò usu venire hoc etiam in rebus videtur. in amicitia enim sodalitia multi amici non existunt, sed quæ celebrantur amicitiae, inter duos dicuntur. Qui autem multorum sunt amici, & cum omnibus familiariter versantur: hi nemini sunt amici, nisi ciuilitate, quos obsequiosos vocant. Nam ciuilitate multis esse amicus potest quispiam, etiam si obsequiosus non sit, sed re vera probus; ob virtutem verò, & propter sese erga multos non potest: sed contentus esse unusquisque debet, si vel paucos huiusmodi inuenerit.

*Vtra in fortuna habendi sint amici.*

*Cap. XI.*

**V**trum autem in prospera, an in aduersa fortuna amicis opus est: in utraque enim requiruntur.

runtur. nam & infortunati subsidio: & fortunati conuictoribus indigent, ijsque hominibus, in quos beneficia conferant, benefacere enim volunt. Atque in aduersis quidem rebus necessarium magis id est, vtilibus siquidem ibi est opus, in prosperis tamen est honestius. Vnde etiam probos quærent, hos siquidem beneficijs afficere, cum hisq; vitam traducere, exoptendum magis est. Est enim præsentia hac amicorum tam in prosperis quàm in aduersis rebus iucunda. qui dolent enim condolentibus amicis subleuari consueverunt. Vnde etiam dubitaret quispiam, nunquid quasi oneris partem suscipiant, an id quidem minimè, sed præsentia ipsorum suavis cum sit, condolendique intellectio dolorem minorem reddit. Sed hanc ne ob causam, an ob aliud quippiam subleuentur, omitamus: euenire tamen prorsus illud quod dictum est, videtur. Ipsorum verò præsentia mista quædam esse apparet. nam videre amicos iucundum est, præsertim in aduersa fortuna constituto, affertq; subsidium quoddam ad minuendum dolorem. amicus enim consolationem præstat & aspectu & oratione, si commodus sit: quippe cum & mores nouerit, & ob qua vel læretur, vel doleat, sentire autem dolore affici amicū suas ob calamitates, molestum est. in causa enim esse amicis, ut doleant, vnusquisque euitat, ac fugit. Atque ideo qui viriles natura sunt, cauent ne amici secum condoleant. & nisi ipse dolorem qui ab illis suscipitur, indolentia exuperet, non sustinet: atq; omnino colligentes non admittit, propterea quod lugubris neq; ipse est. Muliericula verò, atque huiusmodi viri collamentantibus delectantur: eosque ut amicos & condolentes

dolentes diligunt, sed in omnibus imitari proculdubio meliorem debemus. At verò in prosperis rebus amicorum presentia & vitæ translationem iucundam habet, & intellectionem, quòd sua ob bona latentur. Quocirca videretur ad prosperas fortunas promptè amicos esse inuitandos: beneficium enim esse honestum est: ad aduersas autem tardè: quippe cùm malorū participes quàm minimum facere amicos deceat. Vnde illud: Esse me miserum est satis, maximè autem aduocandi sunt amici, quādo parua molestia suscepta prodesse multum possunt. At ire e contrario fortasse conuenit ad infortunatos non inuitatum & promptè: amici enim benefacere est, & maximè ijs, qui in indigentia constituti sunt, & qui non petierunt: † vtrisque siquidem honestius est, atq; iucundius; ad fortunatos verò vt cooperemur quidem, promptè: etenim ad hæc quoque amicis opus est, vt autem beneficijs afficiamur, tardè; quandoquidem studere vtilitatem consequi, honestum non est. Insuauitatis tamen reiiciendo fortasse vitanda opinio est: quandoque enim contingit. Esse igitur amicorum presentia expetenda in omnibus videtur.

† a. l. vtraque.

*De præcipuo munere amicorum, & bonorum & malorum amicitia. Cap. XII.*

**I**gitur quemadmodum amore captis inspicere est amabilissimum, magisque hunc sensum quàm ceteros eligunt: vix potest cùm ex eo amor & maximè existat & oriatur: ita quoque amicis conuiuere expetendum maximè est, amicitia enim est communicatio, & sicut erga seipsum, ita quoque erga amicum sese habet: at sensus erga

erga se vniuscuiusq; quòd sit, expetibile est: erga amicum igitur quoq; erit; sed eius operatio in conuiuendo sit, quare meritò id appetunt. Quodq; est singulis esse ipsum, aut cuius causa viuere eligunt: ea in re cum amicis degere volunt. Quocirca alij compotant, alij alea colludunt: coexercentur quidā & conueniuntur: nonnulli comphilosophantur: in eo singuli diem simul traducunt, quod maximè in vita amant. cum enim conuiuere cum amicis velint, hæc faciunt, hæcque cum illis communicant, quibus cum se conuiuere existimant. Prauorum igitur amicitia praua est. praua enim secum communicant; instabiles cum sint, & prauis etiam efficiuntur, dum sibi mutuò similes euadūt. at proborum proba atque honesta est, congressionibusque insuper augetur, videnturque hi meliores quoq; effici, dum operantur, ac se mutuò corrigunt. exprimunt enim à se mutuò ea, quibus oblectantur, vnde id: A iu-  
stis discas bona. Ac de amicitia quidem hætenus dictum sit. Sequitur vt de voluptate differamus.

## ARISTOTELIS

## MORALIUM

## Nicomachiorum,

## LIBER DECIMVS.

## SUMMAE LIBRI.

*De voluptate, ac eius specibus; De felicitate, & contemplatiua; & actiua: præparatioq; ac sermonis continui in ad libros de Republica, & De voluptate. Cap. I.*



Ost hęc fortasse sequitur, vt de voluptate differamus: quippe quæ maximè affinis esse generi nostro videatur, vnde iuuenes voluptate & dolore quasi gubernaculo dirigētes erudiunt. Maximumq; esse ad morū virtutem videtur, si gaudeamus quibus oportet, & oderimus ea quæ odio habenda sunt. hęc enim cū momentum ac vim ad virtutem & felicem vitam habeant, per totam vitam pertinent. iucunda siquidem eligunt, fugiunt ea quæ dolorem afferunt. De talibus autem minimè præmittendū esse videretur, præsertim cū magnam habeant controuersiam. Nonnulli enim bonum ipsum voluptatem esse dicunt, alij contrario admodum prauam rem eam esse affirmant. Atque illi quidem fortasse rem esse ita persuasi



persuasi: sed hi, melius esse ad vitam nostrā rati,  
 si uoluptas, quanuis non sit, praua esse demon-  
 strantur: plerisque enim ad ipsam esse procli-  
 ues, seruireque aunt uoluptatibus: ut iccirco in  
 contrarium ipsos reducere opus sit, sic enim fo-  
 re, ut ad medium redeant. Videndum autem ne  
 nō rectē hoc dicatur, orationes enim de iis, quæ  
 in affectibus, & actionibus consistunt, minorem  
 quā opera ipsa habent probabilitatē, quando  
 itaque discrepant ab iis quæ sensu percipiuntur:  
 contemptū ueritatem quoq; ipsam insuper  
 tollunt. nam qui vituperat uoluptatem, si appe-  
 tere ipsam quandoque conspiciatur; declinare  
 ad ipsam uidetur, quasi omnis uoluptas eius-  
 modi sit. nō est enim multitudinis distinguere.  
 Videntur igitur ueræ orationes non solum ad  
 cognoscendum, sed ad uitam quoque ipsam esse  
 utilissimæ. cū enim rebus consentaneæ sunt,  
 creduntur: atque ita audientes ad uitam, sicut  
 ipsæ præfinierint, traducendam incitant. Sed de  
 his satis. Ea nunc, quæ de uoluptate dicuntur,  
 persequamur.

*Opinio Endoxi de uoluptate. Cap. 11.*

**E**ndoxus quidē uoluptatē bonū ipsum esse  
 existimabat, propterea quod omnia uide-  
 bat eam appetere, tam quæ prædita essent  
 ratione, quā quæ ea carerent: atq; in omni-  
 bus quod est experibile, id honestum: & quod  
 maximē huiusmodi, id præstantissimū esse cer-  
 nebat: omnia autem ad idem ferri, id omnibus  
 esse optimū indicare; unumquodq; enim quod  
 sibi bonum esset, inuenire, non secus atque ali-  
 mentum, quod igitur omnibus esset bonum,

Arist. Moral. Nicom.

q. 2. quod.

quodq; omnia appeteret, ipsum bonum esse cō-  
 ficebat. Cuius sanè rationes ob morum virtu-  
 tem magis quàm propter seipsas credebantur:  
 præcipuè enim temperans esse videbatur: ut non  
 ut amicus voluptatis putaretur hæc dicere, sed  
 quia ita re vera esset. Nec minus autem ex con-  
 trario quoque manifestum idem esse existima-  
 bat. dolorem enim per se omnibus fugiendum  
 esse, contrarium autē simili modo expetendum.  
 Maximè autē id esse expetendum dicebat, quod  
 non ob aliud, neque alterius causa eligeremus;  
 huiusmodi verò proculdubio voluptatem esse:  
 quippe cū à nemine requiramus, cur volup-  
 te afficiatur: eo quòd expetēda per seipsa volu-  
 ptas sit. Et cuius ex bonis adiunctam eligen-  
 dum magis ipsum reddere: ut iuste agere, & tem-  
 peranter, augeriq; bonum ipsum seipso. Sed  
 hæc quidem ratio videtur ex bonis esse ipsam  
 ostendere, nihilo tamē magis, quàm aliud quip-

† a. l. quod *piam. omne enim bonum ꝑ cum altero magis  
 cum altero expetendum est, quàm solum. Atque huiusmodi  
 magis expe sanè ratione Plato quoq; voluptatem ipsum per  
 tendum est se bonum esse destruit. iucundam enim uitam  
 quàm solū: cum prudentia quàm sine prudentia esse magis  
 tale mini- expetendam, quòd si mixtum est præstantius:  
 me est. ipsum per se bonum voluptatē nō esse: quippe  
 cū ipsum per se bonum nulla re ipsi adiuncta  
 magis expetendum efficiatur. Perspicuum autē  
 est, ipsum per se bonum, neque aliud quicquam  
 esse posse, quod cum alio ex ijs quæ per se sunt  
 bona, magis expetendum sit, quoddam igitur  
 est eiusmodi, cuius etiam nos participes sumus.  
 tale enim est quod quæritur. Nam qui id bonū  
 esse negāt, quod omnes appetunt; nihil dicunt.  
 quod enim omnibus uidetur, id esse affirma-*

mus: qui uerò hanc fidem tollit, is non admodum probabilius dicturus est. nam si mēte carentia hæc appeterent, esset sanè aliquid; quod dicitur: at si etiam ea quæ prudentia sunt prædita, quomodo dicere aliquid possunt? Fortasse uerò in prauis quoque naturale quoddam bonum est præstātius quàm ipsa per se sint, quod proprium bonum appetit. Sed neque de contrario rectè esse dictum uidetur. non enim si dolor est malum; continuè uoluptatem esse bonum inquirunt. oppositum siquidem malum malo esse aiunt. & utraque ei quod neutrum est. Non malè sanè hæc dicentes, non tamen uerè. si enim utraq; essent mala, fugienda quoque utraq; esse oportebat: si neutra, neutrum aut similiter. Sed illū quidem fugere ut malum, hanc expetere ut bonum uidentur, ita igitur etiam opponuntur.

*Dicentium voluptatem non esse bonum consutatio, & si non omnis expetibilis sit. Cap. 111.*

**A**T enim neq; si ex qualitatibus nō est voluptas; propterea neq; ex bonis eā esse censendum est. nā neq; virtutis operationes sunt qualitates, neq; felicitas. Dicunt et bonum definitum esse, uoluptatem uerò indefinitam, propterea quòd admittit, ut magis & minus fieri possit. at si ex uoluptatis susceptione id iudicant, idem & in iustitia, & in reliquis uirtutibus eueniet, ex quibus euidenter magis & minus eiusmodi homines esse affirmāt. iusti enim & fortes magis sunt: fit etiam, ut & iuste & temperanter magis & minus agamus. Sin autem in uoluptatibus ipsis hoc statuunt: uideāne nō dicāt causam huiusce rei, si alia nōmissione onēti

vacent, mixtae aliae sint. Quid prohibet autem, quia sicut sanitas, quae cum definita sit, admittit tamen, ut esse magis ac minus possit; ita quoque esse voluptatem dicamus? non enim contempera-  
tura eadem in omnibus: neque una quadam semper in eodem est, sed remittitur, atque aliquandiu perdurat: eoque differt, quod magis, & minus inest. Tale igitur quippe in voluptate quoque esse potest. Praeterea cum perfectum ipsum per se bonum, motiones vero & generationes imperfectas esse statuunt: voluptatem motionem esse & generationem conantur demonstrare. Sed non recte dicere id videntur, neque motionem eam esse verum est. motioni enim omni propria esse tarditas & celeritas videtur: & si non per seipsam, ut motui mundi, at ad aliud: voluptati vero neutrum horum inest. fieri enim potest ut cito quispiam voluptatem perceperit, sicut ut iratus sit: ut autem percipiat, minimè: neque ad alterum, ut ambulet vero, & crescat, atque omnia huiusmodi potest. Ac mutari quidem in voluptatem cito & tardè licet operari autem ex ipsa, id est voluptate affici, cito non licet. Quomodo pacto item esse generatio potest? non enim ex quolibet quodlibet gigni videtur, sed in illud dissolui unumquodque, ex quo generatur, & cuius generatio est voluptas, dolor eius corruptio erit. Dicunt item dolorem indigentiam eius esse, quod secundum naturam est: voluptatem repletionem. at haec corporis sunt affectiones: si igitur voluptas eius quod est secundum naturam, repletio est; illud in quo repletio fit, esset id quod voluptatem perciperet: corpus igitur id esset: sed non videtur, voluptas igitur repletio non est, sed unusquisque & voluptate affici dum fit reple-

fit repletio: & dolorem percipere, dum secatur, consuevit. Opinio autem hæc ex uoluptatibus & doloribus circa alimentum euenientibus uidetur exstitisse. vbi enim indigi effecti fuerint, atque ob id dolore preoccupati: percipere voluptatem ex repletionem aiunt. At hoc non circa omnes voluptates accidit. dolore enim vacanti disciplinæ, tum ex ijs quæ sensus afficiunt, illæ quæ olfactu, quæ auditu, & visu percipiuntur. Multæ in re ordinationes, & spēs huiusmodi sunt. Cuius igitur hæ erant generationes, cum nullius rei præcesserint indigentia, cuius repletiones esse hæ possint? Aduersus eos autem qui probrosas voluptates producant, dicere quispiam posset non esse ea iucunda. non enim si malè affecti s iucunda sunt, ideo absolute quoque esse ea iucunda existimandum est: sed ipsi illis tantummodo: quemadmodum neque salubria, aut dulcia, aut amara, quæ ægrotantibus: neque alba, quæ lippientibus esse huiusmodi videntur. An ita quoque dici posset, expetendas quidem esse voluptates, non tamen ex his: quemadmodum etiam diuitem esse, expetendum est, sed non ex proditiōe: & sanum esse item, sed non ex cuiuslibet rei esu. An specie differunt voluptates. quæ enim ex honestis rebus existunt diuersæ ab illis sunt, quæ ex turpibus percipiuntur: neque fieri potest, ut iusti quispiam uoluptate afficiatur, nisi, sic iustus: aut musici, nisi sit musici: atque in reliquis simili modo. Declarare autem videtur etiam amicus, ab adulatore diuersus: cum sit, non esse bonum voluptatē: aut voluptates esse specie diuersas. hic enim ad bonum versari. ille ad voluptatem videtur, atque illud probro dari: hoc laudē est, utpote cum ad alia, atque alia versantur.

sentur. Nemo præterea expeteret uel uiuere ita, ut pueri, mente præditus illis uoluptatibus, quæ maximè fieri potest, afficeretur, quibus pueri oblectari consueuerunt. uel turpe aliquid agendo ita gaudere, ut nullum unquam dolorè percepturus sit. Et circa multa studium adhiberemus, etiam si nullam afferrent uoluptatē: ut uidere, meminisse, cognoscere, uirtutes habere. quòd si hæc uoluptates necessario consequuntur, nihil refert. expeteremus namq; ea nihilo minus, licet etiam nulla inde uoluptas exoriretur. Voluptatē igitur neque esse ipsum per se bonum, neq; omnem esse expetendam: nonnullasque esse per se expetibiles, quæ differant aut specie, aut iis à quibus eueniunt; planum uidetur. Ac de iis quidem quæ de uoluptate & dolore feruntur, satis dictum sit.

*Quidnam sit uoluptas, & quo modo operationem perficiat. Cap. 1111.*

**Q**uidnam autē sit uoluptas, aut qualis, clarius fiet, si disputationem à principio repetamus. Visio enim quocunque tempore esse perfecta uidetur. nulla enim re deficit, quæ postea succedens speciem eius perficiat. huic similis quoque uoluptas est. totum si quidem quoddam est: neque ullo in tempore statuere aliquis uoluptatem posset, cuius, si longiore fieret tempore, species perficeretur. Idcirco neque motio est. in tempore enim fit omnis motus, & cuiusdam etiam finis est. ut ædificatio tunc perfecta est, cum fecit id quod appetit, uel in omni uidelicet tempore, uel in hoc; nam in partibus temporis imperfectæ omnes,



omnes, & à tota, & inter se sunt specie diuersæ. lapidum siquidem compositio diuersa à colum-  
næ virgatione: atq; hæc utraq; à tēpli extructio-  
ne differunt. templi enim effectio, cum nulla res  
deficiat ad propositū, perfecta est: fundamēti ve-  
rò, & triglyphi fabrica est imperfecta: quippe  
cum vtraq; partis sit. Specie igitur differunt. ne-  
que fieri potest, vt in quocunq; tempore motio-  
nem specie perfectam sumamus, nisi in toto. Si-  
mili modo quoq; in ingressione, & cæteris. nam  
si delatio est motio, quæ alicunde aliquò fit; eius  
differentiæ sunt secundum speciem, volatus, in-  
gressus, & saltus, atq; huiusmodi: neq; tm̃ hoc  
modo, verum etiam in ingressione ipsa differen-  
tia est: nam alicunde & aliquò non idem in sta-  
dio & in parte eius est, & in alia, atq; alia parte:  
neq; percurrere lineam hanc, & illam. nō solum  
enim lineam, sed in loco constitutam pertrāsīt:  
in diuerso autem hæc, quàm illa est. Sed accu-  
ratiùs de motu alibi iam diximus. Videtur au-  
tem non in omni tempore motio esse perfecta:  
sed plerāq; imperfecta, & specie differentes:  
siquidem alicunde aliquò speciem earum effi-  
cit. at voluptatis in quolibet tempore perfecta  
species est. perspicuum igitur est, & diuersas  
has inter se esse: & voluptatem quippiam ex  
ijs esse, quæ integra ac perfecta sunt. Hoc  
autem ex eo etiam videretur, quòd moueri  
nisi in tempore quippiam non potest: volu-  
ptate autem affici potest. quod enim in ipso  
Nunc fit, totum quoddam est. Ex his autem  
manifestum est, non rectè dicere eos qui vo-  
luptatem esse motionem, uel generationem as-  
serunt. non enim omnium hæc dicuntur: sed  
partibilium, & eorum quæ tota mininè sunt.

nam neq; uisionis generatio est; neq; puncti, neq; unitatis. neq; enim horum quippiam motio aut generatio est. igitur nec uolupratis quoque erit: quippe cum totum quoddam sit. sed sensus cuiuslibet, cum circa sensibilem re operatur. Perfecte autem eius qui bene est affectus circa pulcherrimum ex ijs quæ sensui subiiciuntur. tale enim quid maximè esse perfecta operatio videtur. Virum autem ipsum sensum, an id in quo ipse est, operari dicamus, nihil interest. in unoquoque enim optima eius est operatio, quod optimè affectum est erga prastantissimum ex ijs quæ ipsi subiiciuntur. Atque hæc perfectissima esset, ac iucundissima. In omni enim sensu uoluptas est: in omni itē simili modo intellectione & contemplatione. iucundissima autem ea est, quæ perfectissima: at perfectis-

*Operationē voluptas perficit.*

*† a. l. sensum.*

simā eius est, quod bene affectum est erga optimum eorum quæ ipsi subiiciuntur. operationem uerò uoluptas perficit. Non eodem tamen modo & uoluptas perficit, & sensibile, † & sensus, cum bona sunt. quemadmodum neque sanitas & medicus simili modo in causa sunt, ut sani simus. In unoquoque autem sensu uoluptatem fieri perspicuum est: quippe cum & uisiones, & auditiones esse iucundas dicamus. patet enim profecto eas uel quàm maximè esse, si & sensus prastantissimus sit, & circa tale quippiam operetur. nam si huiusmodi sunt & quod sentitur, & quod sentit; semper existet uoluptas, modò adsit quod agat, & quod afficiatur. Perficit autem operationem uoluptas, non ut habitus quidam, qui inest, sed ut finis superexorietur: perinde atque uenustas iis qui in flore ætatis constituti sunt. quousq; autem sensibile vel intelligi.

telligibile, & id quod iudicat, uel contemplatur tale fuerit, quale esse debet; in operatione in-  
erit uoluptas. cum enim id & quod ut afficiatur  
& quod ut efficiatur idem est, similia sunt, &  
inter se eodem modo se se habent: idem fieri na-  
tura consuevit. Quo modo igitur fit, ut nemo  
assidue uoluptate afficiatur? an defatigatur?  
omnia enim humana ad assidue operandum im-  
becillia sunt. quocirca neque uoluptas assidue  
euenit: operationem enim consequitur. Non-  
nulla tamen sunt, quæ cum noua sunt, oblectant:  
postea uero non simili modo, hanc ob causam:  
quia primum incitatus animus est, in eorum-  
que operatione intentus, quemadmodum in  
visu faciunt, qui inspiciunt: postea uero opera-  
tio eiusmodi non amplius fit, sed neglecta. unde  
etiam uoluptas hebetatur. Omnes autem vo-  
luptatem appetere propterea unusquisque exi-  
stimaret, quia uiuere omnes appetunt. uita ue-  
ro operatio quædam est. Et circa ea unusquis-  
que & ijs operatur, quæ uel maxime placet, ut  
musicus auditu circa modulationes: discendi  
studiosus mente circa contemplationes: atque  
ita singuli ex cæteris. uoluptas uero operatio-  
nes perficit: & uiuere quoque ipsum, quod ap-  
petunt. merito igitur uoluptatem etiam appe-  
tunt, quippe quæ uiuere ipsum quod expetere  
dum est, perficiat. Vtrum uero uitam ob volu-  
ptatem, an uoluptatem ob uitam expetamus, in  
præsentia omittatur. coniuncta enim hæc inter  
se ita sunt, ut separari nullo modo queant: quip-  
pe cum & sine operatione non fiat uoluptas, &  
operationem omnem uoluptas perficiat.

*Voluptates inter se specie differre.**Cap. V.*

**V**Nde differre etiam specie videntur. quæ enim specie diuersa sunt, à diuersis perfici existimamus, ita siquidem apparet. & naturalia, & quæ arte efficiuntur. vt animalia, arbores, pictura, statue, domus, vas. simili modo quoque diuersas specie operationes à specie differentibus perfici putamus. mentis autem operationes ab ijs quæ sunt sensuum, atq; hæc inter sese specie differunt. quare etiã quæ ipsas perficiunt voluptates. Constare autem hoc ex eo etiam posset, quod voluptas vnaquæq; operationi ei affinitate est coniuncta, quã perficit. simul enim operatione propria atq; affinis voluptas auget: quippe cùm singula magis iudicet, absoluantque exactius qui cum voluptate operantur. ut qui geometricis rationibus oblectantur, geometrici euadunt, & singula magis intelligunt, atq; aduertunt. simili modo musice studiosi, & ædificandi, & cæteri alij in suo quisque opere proficiunt, dum eo oblectantur, ac gaudent. voluptates uerò sunt quæ incrementum exhibent. at affinia sunt & propria quæ augent. quæ autem diuersis specie sunt propria, inter se quoque specie differunt. Magis præterea inde hoc pateret, quod voluptates quæ à diuersis eueniunt, operationibus sunt impedimento. studiosi enim tibiarum orationibus attendere nequeunt, si tibia canentem quempiam audiuerint, tibiæ cantu magis, quàm præsentē operatione oblectati. voluptas igitur quæ ex tibiæ cantu prouenit, operationem circa orationem corrumpit. Id in cæteris quoque usu venit, cùm circa duo simul

simul operatur quispiam: quę enim est iucun-  
 dior operatio, alteram extrudit: atq; eo magis;  
 quo in uoluptate longius excelluerit: adeo ut  
 ex altera operetur nihil. Atque iccirco fit, ut  
 cū aliqua re uehementer gaudemus, aliud quid  
 non admodum agamus: cumq; aliis leuiter ob-  
 lectamur, alia faciamus, ut in theatris bellaria  
 esitant: id tunc maximè faciunt, cū uiles cer-  
 tatores sunt. Quoniam autē propria uoluptas  
 exactè absoluit operationes, diuturnioresq; &  
 meliores reddit: alienę uero labefaciūt, ac per-  
 dunt: longē eas inter se distare manifestū est. Fe-  
 rē enim alienę uoluptates id faciunt quod pro-  
 prii dolores proprii enim dolores operationes  
 corrumpūt. uerbi causa, si alicui uel scribere in-  
 iucundum est & molestum, uel ratiocinari, cum  
 dolorem afferat operatio, fit, ut is neq; scribat;  
 neq; ratiocinetur. Ex propriis igitur uoluptati-  
 bus, & doloribus contrarium circa operationes  
 contingit. proprię autem sunt uoluptates, quę  
 ex operatione aliqua per se existunt. alienę uero  
 alię appellantur, propterea quod simile quid  
 efficiunt, quod dolor. corrumpunt enim: uerum-  
 tamen non simili modo. At uerò cum opera-  
 tiones probitate & prauitate differant: & alię  
 ex ipsis expetendę sint, alię fugiendę, alię  
 neutřę: simili modo uoluptates etiam sese ha-  
 bent: in unaquaq; enim operatione propria vo-  
 luptas existit, in bona honesta. in praua im-  
 proba. Nam & cupiditates honestorum lauda-  
 biles, turpium uituperabiles sunt. Affiniores au-  
 tem operationibus sunt voluptates, quę in ipsis  
 existunt, quàm appetitiones. hę enim & tēpori-  
 bus & natura distinctę sunt: illę adeo annexę  
 operationibus sunt, adeoq; ab ipsis indistinctę,

ut an idem cum uoluptate operatio sit, ambiguum esse uideatur. Neque tamen uoluptatem esse mentem, aut sensum putandum est: est enim absurdum: sed quia non separantur, esse idem quibusdā uidentur. sicut igitur operationes, ita quoq; diuersę voluptates sunt. Visus autem à tactu puritate differt: & auditus & olfactus à gustatu: simili modo quoq; differunt uoluptates: atq; ex his illæ quæ circa mentem existunt: & utrūq; à se mutuo. Esse uerò vniciuique animali propria uoluptas, quemadmodum etiam opus uidetur: ea enim est quæ in operatione existit. id in unoquoq; consideranti ita esse apparebit. equi siquidem, & canis, & hominis uoluptas diuersa est. Quemadmodū Heraclitus inquit, asinos stramentitias paleas magis quàm aurum esse electuros: quippe cum asinis pabulum auro iucundius sit. Ac uoluptates quidem eorum quæ specie diuersa sunt, specie differunt: quæ sunt eorundem, indifferentes esse consentaneū est. in hominibus tamē non parum variant. eadem enim alios dolore, alios oblectatione afficiunt, quibusdam molesta & odiosa, iucunda & amabilia nonnullis sunt, in dulcibus quoq; idē cænit. quippe cum non eadem febricitanti, & sano esse huiusmodi videant: neq; calidū quippiam imbecillo, & ei qui bono habitu præditus sit. similiter in aliis etiam contingit. Videtur autem in omnibus similibus id esse quod probo uiro apparet. Quòd si hoc rectè dicitur, quemadmodum uidetur, & est: & vniciuiusque mensura est uirtus, & bonus uir, quatenus est talis: uoluptates quoq; erunt quæ huic uidentur, & iucunda ea quibus hic oblectatur. Si cui tamen ea uidentur iucunda quæ huic sunt molesta, nihil mirum

*Vniuscuiusque mensura est uirtus.*



mirum esse debet: multæ etenim corruptelæ hominum, & labe contingunt. non sunt nanque iucunda: sed his, atq; ita affectis. Eas igitur quæ sine dubio turpēs sunt, non esse dicendas uoluptates, nisi corruptis hominibus, manifestū est. Ex ijs uerò quæ esse honestæ uidentur, qualis, aut quænam esse hominis dicenda est? an ex operationibus patet, has enim ipsæ uoluptates sequuntur. siue igitur una, siue plures sint perfecti & beati uiri operationes: quæ has perficiunt uoluptates, præcipuè hominis uoluptates esse dicerentur: reliquæ autem secundo loco, & ex parte aliqua, non secus atque operationes.

*De felicitate.*

*Cap. VI.*

**C**UM dicta autem sint ea, quæ ad uirtutes, & amicitias, & uoluptates spectant: reliquū est, ut de felicitate figurā quadam differamus, quoniam finem eam humanarum rerum esse statuimus. Si igitur antedicta reperāmus, breuior nobis euadet oratio. Diximus eam non esse habitum, nam in eo inesser, qui per totam uitam dormiret, & plantæ uitam traduceret, maximisq; infortunijs afflictarei. Quod si hæc non placent, sed magis in operationem quandam ipsa reponenda est, sicut in superioribus est dictum: ex operationibus autem alia sunt necessaria, & ob alia expetendæ, alia per se: patet, felicitatem aliquā ex ijs quæ per se, & non ob aliud sunt expetendæ, esse statuendam. felicitas enim nullius rei indiga est, sed ex sese ipsa indiga est, sufficit. Per se autē sunt expetendæ illæ, ex quibus præter operationem requiritur nihil cuius modi

*Felicitas  
nullius rei  
indiga est,  
sed ex sese  
sufficit.*

modi esse actiones uidentur, quæ ex uirtute fiunt bona enim & honesta agere ex iis est, quæ per se expetuntur. Quin etiam ex lusionibus illæ quæ iucundæ sunt: quippe cum non ob aliud ipsas eligat: damnum enim ex ipsis potius quam utilitatem & corpora & fortunas negligentes, consequuntur. Confugiunt autem ad huiusmodi diuersationes plerique eorum qui felices habentur. unde apud tyrannos in existimatione sunt, qui in talibus diuersationibus sunt urbani. quippe cum in ijs quæ illi appetunt, sese exhibeant iucundos. indigent autem talibus. Ac uidentur quidem hæc felicia esse, propterea quod qui in potestatibus constituti sunt, his uacant. sed nulum fortasse argumentum huiusmodi homines sunt. non enim in dominatu uirtus collocata est, aut intellectus, ex quibus honestæ operationes existunt. Neque, si isti, quia synceræ & liberalis uoluptatis gustum non habent, ad corporis uoluptates confugiunt; propterea has magis esse expetendas existimandum est, nam & pueri quæ apud se in precio sunt, præstantissima esse opinantur. Consentaneum igitur est, ut sicut pueris & uiris diuersa esse in precio videntur: ita prauis & bonis quoque videantur. Unde quemadmodum sæpe dictum est, ea sunt preciosa & iucunda, quæ probo uiro huiusmodi sunt: atque ea maximè expetenda operatio est unicuique, quæ ex habitu proprio: probo autem uiro, quæ ex uirtute fit. Non est igitur in lusu felicitas. absurdum enim est lulum esse finem: & negociari, & laborare tota uita luendi causa. nam omnia, ut ita dicam, præter felicitatē alterius causa expetimus: quippe cum finis ipsa hæc sit. serio autem agere & laborare luso.

lusionis causa stultum planè ac puerile admodum uidetur. Ludere autem ut serio agat quispiam ex Anacharsidis sententia uidetur rectè se habere: quippe cum lusus requiei similis sit. & cum nequeant homines assidue operari, requie indigēt. nō est igitur finis requies: causa enim operationis fit. At esse ex uirtute uita felix uidetur: hæc autem studiosa & seria est, non in lusu versatur. Meliora præterea seria & studiosa esse dicimus ridiculis, & ijs quæ cum lusu fiunt. Et melioris semper partis, & hominis operationem esse studiosiorem affirmamus. melioris autem operatio prestantior, felicitati quæ accommodatior iam est. Frui item corporis uoluptatibus quilibet etiam mancipium, non minus quam optimus posset: mancipio autem felicitatem tribuit nemo, siquidem neque etiam vitam: non enim in talibus diuersationibus felicitas consistit: sed in operationibus quæ ex uirtute proficiuntur quemadmodum dictum est prius.

*De felicitate contemplatiua. Cap. VII.*

**S**I verò felicitas est ex uirtute operatio, cōsentaneum est eam ex illa esse, quæ prestantissima est: hæc autem eius erit, quod est optimū. Siue igitur id intellectus sit, siue aliud quippiam, quod sanè secundum naturam uidetur principatum obtinere, & præsidere, notionemque habere de honestis, & diuinis rebus; siue diuinum quoddam etiam ipsum sit, siue ex ijs quæ in nobis sunt diuinissimum: huius secundum propriam uirtutem operatio, perfecta felicitas esset: quam esse contemplatiuam dictum iam est. Atque hoc cum superius dictum, cum ueritate cōsentiens

† a. l. Babi-  
ditate.

sentiens esse uideretur . nam & præstantissima est hæc operatio , quippe cum ex ijs quæ in nobis sunt , intellectus huiusmodi sit : & ex ijs quæ in cognitionem cadunt , illa circa quæ intellectus uersatur . Et præterea assiduissima . contemplari si quidè assiduè magis , quàm operari quipiam possumus . Existimamus q̃q; oportere voluptatem felicitati esse admissam . iucundissima autem ex uirtutis operationibus ea proculdubio est , quæ secundum sapientiam fit . Philosophia ergo mirabiles habere & puritate & † nobilitate voluptates uidetur . Consentaneum autem est , scientibus quàm quærentibus iucundior rem autè translationem esse . tum sufficientia quæ dicitur , in contemplatiua maximè est . Nam eorum quidè , quæ ad viuendū necessaria sunt , & sapiens & iustus , & ceteri indigent . huiusmodi tamen hominibus cum abundè res suppetunt , iustus iis indiget erga quos , & quibus cū iuste agat : temperans item simili modo , & fortis , & ceteri singuli . sapiens uerò etiam si per seipsum sit contemplari potest : atque id tanto magis , quanto sapientior fuerit . melius quidem fortasse si adiutores habeat : sufficientissimus tamen ipse est . Sola præterea ipsa per seipsam amari uideretur : quippe cum ex ea præterquàm quòd contemplatus fuerit quispiā , eueniat nihil . ex agendis autem rebus aut plus , aut minus aliquid præter actionem nobis comparamus . Videtur item felicitas in ocio esse . negotiis enim distringimur , ut ociemur : & bellū gerimus , ut in pace degamus . Atq; actiuarum quidem uirtutū operationes in ciuilibus , vel bellicis rebus uersantur , quarū actiones negotiose uidetur . Bellicæ sari è etiā omnino , nemo enim est , qui uel bellū expe-  
rat ,

tat, uel apparatus bellicū faciat bellandi causa.  
 sanguinarius enim proisus quidam esse uide-  
 retur, si amicos ea causa sibi hostes redderet, ut  
 pugne, & cades orirentur. Ciuilis quoque ho-  
 minis operatio negotiosa est præter ipsam etiā  
 ciuitatis administrationem, dum potestates &  
 honores sibi & ciuibus comparat, uel etiam fe-  
 licitatem ipsam, quæ diuersa est à ciuili, quam  
 etiam quærimus, utpote scilicet diuersam. Si igi-  
 tur ex actionibus quæ secundum uirtutes sunt,  
 bellicæ & ciuiles pulchritudine & magnitudine  
 excellunt, atque hæ negotiosæ sunt, finemque  
 quendam appetunt, & non per se sunt expeten-  
 dæ; intellectus uerò operatio tum studio præsta-  
 re; cum contemplatiua sit, tum appetere præ-  
 ter seipsam finem nullum uidetur, habereque  
 uoluptatem propriam, quæ operationem ipsam  
 auget: & sufficientia quoq; & otiositas, & indé-  
 fatigabilitas, utpote humana, & quæcunque alia  
 beato attribuuntur, ex hac operatione uidentur  
 existeret: perfecta sanè felicitas hæc hominis est,  
 ubi uitæ longitudinem perfectam est nata. nihil  
 enim eorum quæ sunt felicitatis, imperfectum  
 est. Ac talis quidem uita præstantior esset, quàm  
 homini conueniat. non enim quatenus homo  
 est, ita uiuet: sed quatenus diuinum quid in ipso  
 inest. quanto autem id præstat composito, tanto  
 quoq; eius operatio ab operatione distat, quæ  
 ex uirtute alia existit. Si igitur intellectus diui-  
 num quid est, si ad hominem respiciamus: sic  
 uita quæ ex intellectu traducitur, si humana ui-  
 tæ compareretur, diuina etiam ipsa est. Neq; ue-  
 rò oportet quemadmodum nonnulli moent,  
 unumquemque cum sit homo, humana, & cum  
 sit mortalis, cogitare mortalia: sed quatenus

licet, immortalem se reddere, omniaq; efficere, ut ex præstantissimo omnium quæ in ipso est, uitam traducat. nam licet id mole sit paruum: vitamen, & pretio omnia longo interuallo excellit. Id autem esse etiam vnusquisque uideretur, siquidem præcipuum, & melius est. quocirca absurdum esset, si non tuam quisque, sed alicuius alterius uitam expeteret. Quodque dictum superius est, nunc etiam conueniet. quod enim nature vnus cuiusque est accommodatum, id præstantissimum, ac iucundissimum vnicuique est. ergo etiam homini vita, quæ ex intellectu traducitur: siquidem maximè id homo est.

*De felicitate actiua, & præcipuo munere operationis. Cap. VII.*

**H**Aec igitur etiam felicissima est. Secundo verò loco ea quæ ex alia uirtute existit: quippe cum operationes, quæ secundum ipsam sunt, humanæ sint. Iusta enim & fortia & cætera ex alijs uirtutibus erga nos mutuo agimus in commercijs, & usibus, actionibusque uarijs, & in affectibus. seruantes quod decorum unicuique est. hæc autem humana esse omnia uidentur. Nonnulla verò etiam è corpore uidentur euenire: multamque affinitatem cum affectibus habere morum uirtus. Quin etiam prudentia cum morum uirtute, atque hæc cum prudentia coniuncta est. siquidem prudentiæ principia ex uirtutibus moralibus, rectitudo uerò moralium uirtutum ex prudentia existit: at hæc connexæ cum affectibus sunt, & circa compositum uersantur. uirtutes uerò compositi humanæ sunt, & uita igitur quæ secundum ipsas traducitur, & felici-



tas huiusmodi erit. Mentis autem separata est. de ipsa enim hoc tantummodo est dictum: nam exquisitè tractare maius est, quàm præsentì propositò conueniat. Videtur verò vel parum vel minus quàm moralis, externarum rerum apparatu indigere, necessarijs enim rebus utrisq; est opus: atq; id ex æquo esto: licet magis circa corpus, & quæ huiusmodi sunt, ciuilis laboret. parum enim quid differret. Sed in operationibus longè distabit: liberali enim ad liberalia agenda, & iusto ad retributiones faciendas pecunijs erit opus: quippe cùm obscuræ uoluntates sint: simulentq; etiam illi, qui iusti non sunt, iustè agere se uelle. fortitudini item potentia, si modo quippiam ex uirtute exequi debet: & temperanti potestate opus erit. quo pacto enim aut talis, aut alius quispiam esse manifestus possit? Sed quæri consuevit, utrum electio an actio magis propria uirtutis sit: cùm in utrisq; consistat uirtus. unde manifestum est in utrisque id futurum, quod perfectum est. ad actiones autem exequendas multis est opus: & quò plures & meliores sunt, eò pluribus. Contemplati verò nulla huiusmodi rerum ad operationem quidè indigentia est: quin serè contemplationi esse impedimento consueuerunt. quatenus tamen homo est, cùm pluribusq; uitam degit, ex uirtute agere proponit. talibus igitur ad humanè se gerendum indigebit. Nam perfectam felicitatem contemplatiuam quandam operationem esse, constare uel inde posset, quò Deos maxime beatos, & felices esse existimamus. Nam quales actiones attribuere eis debemus, iustasne? sed ridiculi sanè uiderentur, si commercia facerent, & deposita redderent, atque alia

## 260 Moral. Nicomachiorum

huiusmodi inter se contraherent. Nunquid fortes? ut formidolosa sustineant periclitenturq; , quia honestum sit? An liberales? sed cui dabunt? absurdum quippe, si etiam ipsis numum, aut tale quippiam adesse dicamus. Nam si tempestantes esse eos asseruerimus, quidnam eiusmodi essent? quod enim prauas cupiditates non habeant, molesta atque inuidiosa laus est. si demum omnia percurramus, quæ ad actiones attinent, parua & indigna dijs esse uidebuntur. At uiuere Deos omnes existimant: quare etiam operari. nō enim ut de Endymione dicitur, dormire eos oportet. ei igitur qui uiuit, & actione, & effectione item magis caret, præter contemplationem quid restat? Quare Dei operatio cum beatitudine excellat, contemplatiua erit: & ex humanis ea erit felicissima, quæ huic maxime est cognata. Argumento illud est, quod cætera animalia quæ tali operatione penitus carent,

*Dij's beata  
tota uita  
est. homi-  
nibus qua-  
tenus opera-  
tionis simi-  
litudo in ip-  
sis inest.*

expertia felicitatis quoque sunt. Djs enim beata tota uita est. hominibus autem eatenus, quatenus similitudo quædam eiusmodi operationis in ipsis inest. at cæterorum animalium nullum est felix, propterea quod contemplationis particeps nullo modo est. Quousque igitur protenditur contemplatio, eousque etiam felicitas sese extendit: & quibuscunque magis inest contemplatio, ijs magis quoque inesse felicitatem constat: atque illam quidem non ex accidenti, sed ex ipsa contēplatione. ipsa enim per seipsam est pretiosa. Quare felicitas contemplatio quædam est. Opus erit autem & externa prosperitate homini nato. non enim ad contemplandum natura ex sese sufficit, sed oportet, ut & corpus ualeat, & alimentum, & cætera obsequia superant.

petant. Non tamen multis & magnis opus fore  
 felici existimandum est: etiam si absq; externis  
 bonis beatum quempiam esse non liceat. non  
 enim in exuperatione sufficientia consistit, neq;  
 iudicium; neque actio: quippe cum fieri possit, ut  
 qui etiam terræ & mari non imperat, honesta  
 agat. ex mediocribus, siquidem rebus agere ex  
 uirtute unusquisq; possit. Id quod cernere inde  
 euidenter licet, si quod privati homines non mi-  
 nus, imò etiam magis quam potentes, hone-  
 sta agere uidentur. Satis igitur est, si tot facul-  
 tates suppetant. felix enim erit uita eius, qui ex  
 uirtute operatur. Quin & Solò felices rectè for-  
 tasse definit: cum inquit eos esse qui externis re-  
 bus mediocriter fuerunt instructi, & honestissi-  
 ma egerunt, ut existimabat, modesteque uixe-  
 runt. fieri enim potest, ut mediocria possidentes  
 ea agant, quæ oportet. Videtur etiam Anaxa-  
 goras felicem non diuitem neq; potentem exi-  
 stimasse: cum dixit, sibi non esse mirum futurum,  
 si plerisque: è uulgo absurdus quispiam esse ui-  
 deatur: eos enim externis rebus, quarum tan-  
 tum modo sensum habent, iudicare consueuisse.  
 Sapientum igitur opiniones cum rationibus con-  
 sentiunt: ac fidem quidem aliquam talia quoq;  
 afferunt: sed verum ipsum tamen in agendis re-  
 bus ex factis & uita iudicatur: in his enim præ-  
 cipua uis consistit. Quocirca apud dicta ita con-  
 sideranda sunt, ut ad vitam & facta referantur:  
 & si cum factis consentiunt, admittenda: si ab  
 eis discrepant, uerba sunt existimanda. At qui  
 ex intellectu operatur, huncque extollit, atque  
 optimo afficit: is esse Deo carissimus uidetur. *Quis Deo*  
 nam si aliquam humanarum rerum curam dii *carissimus.*  
 habent, sicut uidetur: consensaneum est ipsos re-

illa quæ optima est, atq; ipsis maximè cōgnata, delectari, qui est intellectus: eosq; qui eam maximè amant, & honorant, remunerari. utpote qui eorum quæ ipsis sunt amica, curam habeant, recteque & honestè agant. Hæc autem omnia sapienti maxime inesse, obscurum nō est: is igitur est Deo carissimus: eundemque esse etiam felicissimum uerisimile est. Quare ita quoque efficitur, ut sapiens maximè felix sit.

*Peroratio operis. Cap. I. X.*

**N**unquid igitur si de his & virtutibus, præterea etiam de amicitia & uoluptate satis figura dictū est, sinem habere propositum hoc nostrum est existimandum? An quemadmodum dicitur, in agendis rebus finis non est contemplari singula & cognoscere, sed agere: neque igitur in virtute satis est, si eam cognouerimus: sed ut eam habeamus, & utamur, est enitendum: vel si quo alio modo boni efficiamur. Nam si uerba ad reddendos homines probos sufficerent: multas sanè & magnas mercedes, ut inquit Theognis, afferrent, oportetque ea comparare. sed videntur quidem posse liberales adolescentes hortari atque incitare, moresque eorum ex virtute sibi obnoxios generosos, ac uerè honestatis studiosos reddere. At plerosque ad probitatem prouocare, non posse. non enim pudori, sed timori obedire: neque abstinere à malis ob dedecus, sed ob pœnam consueuerunt. nam cum ex affectu uiuant, proprias uoluptates, atque ea ex quibus existunt, persequuntur: doloresque oppositos fugiunt: eius autem quod honestum, & uerè iucundum est, cum id prorsus non degustarint,

gustarint, ne notionem quidem ullam habent. Eos igitur qui tales sunt, ad moderationem traducere quæ oratio posset? heri enim nequit, aut facile nō est, ut quæ ex diutino usu moribus sunt præoccupata, verbis amoveamus. sed satis fortasse est, si quamvis omnia adsint, quibus probi effici videmur, euadere participes virtutis possimus. Fieri autem bonos alij natura, alij consuetudine, alij doctrina existimant. Ac quod ad naturam quidem attinet, in nobis non esse, manifestum est, sed ex quadā diuina causa, ijs qui re vera fortunati sunt. oratio verò & doctrina videndum est nunquid non in omnibus vim habeat, sed opus sit, ut præcultus auditoris animus sit, ad rectè & gaudendum, & odio prosequendum, non secus ac terra, quæ semen sit nutritura. non enim audiret orationem dehortantem, neque intelligeret qui ex perturbatione viuunt. qui autem ita affectus est, dissuaderi quī potest? non enim omnino orationi, sed vi cedere perturbatio videtur. Oporteret igitur mores prius virtuti esse accommodatos, ut & honestatem diligant, & abhorreant turpitudinem. Ut autem à pueritia quis institutione recta ad virtutem instruat, difficile est: nisi sub talibus legibus fuerit educatus: nam temperanter, toleranterque viuere plerisque, & præsertim adolescentibus iucundum non est. quocirca est opus ut & educatio & studia cōstituta legibus sint: ita enim fiet, ut consuetudine tractata molesta esse desinant: Non satis tamen fortasse est, si quando adolescentes sunt homines, educationem rectam & curam consequantur: sed cum in viros quoque adulti debeant ipsa hæc exercere, atque assuetudine: ad hæc etiam, & omnino ad omnem vi-

tam opus legibus est. plerique enim necessitati potius quàm rationi: & multis, quàm honestati obediunt. Quæpropter sunt, qui legistatores censeant inuitare ad uirtutem ac prouocare homines honestatis causa debere: eò quòd probi ex consuetudine præcipuè obtemperaturi sint: illis uerò qui non parent, suntque natura inextiores, castigationes & pœnas irrogare: qui autem insanabiles sunt, prorsus exterminare. probum enim & qui ad honestatem uiuit, rationi esse obediturum: prauum autem uoluptatem appetentem non secus ac iumentum dolore puniri. unde etiam tales dolores exhiberi oportere inquit, qui uoluptatibus quæ amantur, maximè aduersentur. Quòd si, quemadmodum dictum est, eum qui bonis futurus est, honestè educatum esse, atque assuetum oportet; deinde ita in honestis studijs uiuere, & neque inuitum, neque sponte praua agere: id autem fieret, si ex intellectu quodam & recto ordine uim habente uita traduceretur: paterna quidem iussio neque uim, neque necessitatem habet: sicque omnino niri unius, nisi rex, aut talis aliquis sit. at lex, cum ex prudentia quadam ex mente profecta oratio sit, cogendi uim habet. Atque homines quidem qui appetitionibus aduersantur, etiam si rectè id faciant, plerique odio prosequuntur. at lex cum probitatem iubet, odio non est. In sola uerò Lacedæmoniorum ciuitate cum paucis educationis & studiorum habuisse curam legislator uidetur: in plerisque alijs neglecta hæc fuerunt: uiuitque unusquisque sicut uult, Cyclopum more, filiis dans iura suis & uxori. Præstantissimum quidem est, ut curam publicam & rectam habeamus, atque id facere possimus: si ta-



men publicè id negligatur; conuenire unicuique uidetur, ut liberis suis & amicis ad uirtutem conducat, uel conducere saltem proponat. Maximè autem id posse facere uideretur ex ijs, quæ dicta sunt, is qui ad leges erendas idôneus euaserit. per leges enim uidelicet curæ publicæ, atque honestæ per honestas fieri consueuerunt. Scriptæne sint an non scriptæ, interesse nihil uidetur: neque unusne an multi per eas instituantur. quemadmodum neque in musica, & exercitatoria; cæterisque alijs studijs. Sicut enim in ciuitatibus legum instituta & mores: sic in domibus paternæ orationes, & mores, ualent. quin ob cognationem & beneficia etiam magis: quippe cum affecti erga parentes iamdudum, atque ebtemperantes natura sint. Adde, quod priuata educationes à publicis differunt, non secus atque in medicina. cum enim uniuersaliter febricitanti inedia, & quies cōferat: alicui tamen forte non ita conducit: & pugillandi artifex non omnibus fortasse eandem pugnam imponit. Videnturque magis exactè absolui singula, si priuata cura adhibeatur. magis enim quod accommodatum sibi est, unusquisque consequitur. Sed curam optimè adhiberet quidem et singulis rebus et a. l. uui- & medicus & exercitationis magister, & unus. uersalibus. quisque alius, qui uniuersale cognosceret, quid omnibus aut talibus cōducatur: cōmunium enim rerum scientiæ & dicuntur, & sunt: nihil tamen fortasse uetat, quominus unius alicuius rei, licet scientia præditus non sit, curam habere quispiam possit: qui modò quæ in unaquaque re accidunt, experientia diligenter obseruarit. Quemadmodum etiam medici nonnulli optimi esse sibi ipsis uidentur, qui alteri ferre opem

nullam queunt . nec minus forsitan ei qui arti-  
 fex & contemplatiuus effici vult , ad vniuersale  
 videtur esse procedendum , atque id quomodo  
 fieri possit , cognoscendum . de hoc enim scien-  
 tias esse dictum iam est . Ac fortasse ei qui vult  
 siue multos , siue paucos diligētia ac studio me-  
 liores reddere , vt ad legumlationem idoneus  
 euadat , enitendum est : si legibus boni effici pos-  
 sumus . quamcunque enim & prius latam rectē  
 disponere cuiuslibet non est : sed si modo est cu-  
 iuspiam , est scientis . sicut in equestri arte , & re-  
 liquis , quarum cura aliqua & prudētia est . Post  
 hęc igitur considerandum , vnde aut quomodo  
 ad leges ferendas fieri idoneus quispiam possit .  
 an sicut in ceteris sit , ex ciuilibus ? An nō simile  
 quid in ciuili & reliquis scientijs & facultati-  
 bus apparet ? quippe cū in ceteris ijdem facul-  
 tates tradant qui ex eis operantur : vt medici , &  
 pictores . ciuiles autem res rhetores docere pro-  
 fiteantur , cū tamē nemo ex ipsis eas agat , sed  
 illi tantū qui rempublicam gerunt . qui qui-  
 dem facultate quadam potius & experientia ,  
 quā intellectu id agunt . Nam neq; scribere  
 neq; dicere de huiusmodi rebus conspiciun-  
 tur : cū tamen fortasse id praelarius fuerit ,  
 quā iudiciales & deliberatiuas orationes cō-  
 ficere . Neque ciuiles vel filios suos , vel aliquos  
 alios reddere amicos videntur : id quod fuerat  
 sanē consentaneum , si modo potuissent . neque  
 enim ciuitatibus melius quicquā reliquissent :  
 neq; vel sibi vel carissimis quibusq; adesse quic-  
 quam quā huiusmodi facultatem maluissent .  
 Non parum tamen cōferre experientia videtur :  
 non enim ex ciuili consuetudine magis ciuiles  
 redderentur . vnde etiam fit , vt qui de ciuili fa-  
 cultate

eultate cognoscere appetunt, ijs opus insuper  
 experientia sit. At rhetores ij, qui hæc profiten-  
 tur, valde procul abesse ab ea docenda videntur.  
 neque enim omnino qualisnam ea sit, & circa  
 quæ versetur, sciunt. non enim eandem cum  
 rhetorica, aut peiorem eam esse statuerent: neq;  
 legum institutionem facilem esse existimarent;  
 cum approbatas leges collegerit quispiam, pos-  
 se inde optimas eligi afferentes: quasi electio  
 ea perspicacitate non indigeat, & iudicare re-  
 ctè maximum non sit. Non secus atque in mu-  
 sica euenit: periti nanque in singulis opera re-  
 ctè iudicant: & quibus, aut quomodo perfician-  
 tur, quæ debent: qualia item qualibus conso-  
 nent, cognoscere consueuerunt. imperitis verò  
 satis est, si benè, an malè factum opus sit, eos  
 non lateat, sicut in pictura. Leges enim ciuili-  
 bus operibus similes sunt. Quomodo igitur ex  
 his ad legumlationem idoneus euadere, aut opti-  
 mas quasque iudicare quispiam posset? Nam  
 neque ex scriptis ad medendum idonei fieri vi-  
 dentur: cum tamen in his non solum curatio-  
 nes, sed quomodo etiam & sanari queant ho-  
 mines, & curatio adhibenda sit vniuscuiusque  
 habitu distincto, tradere conentur. quæ sanè si-  
 cut expertis conducunt, ita inscientibus inuti-  
 lia sunt. Fortasse igitur legū quoq; & rerum pu-  
 blicarum collectiones ijs, qui contemplari pos-  
 sunt, & iudicare quidnam rectè, aut contrà sese  
 habeat, aut qualia qualibus conueniant, utiles  
 essent. at qui sine habitu talia pertractāt, ijs iu-  
 dicare quidem rectè nō licet, nisi fortuito. per-  
 spicaciores tamen ad ea forsitan efficerentur.  
 Cum itaque antiquiores negotium de legumla-  
 tione imperuestigatum pratermiserint: melius  
 fortasse

fortasse est, ut nos ipsi id consideremus, atque omnino de republica: ut pro uiribus philosophia, quæ ad humanas res spectat, perficiatur. Quocirca primum siquid à ueteribus rectè dictum est, id conabimur recensere: deinde ex collectis rebus publicis, quænam sint ea considerabimus, quæ ciuitates, & singulas respublicas, & corrumpunt & conseruant, quasque ob causas aliz bene, aliz e contrario administrantur. His enim consideratis, quænam optima respublica sit, & quomodo unaquæque instituta, quibusque legibus & moribus utens; magis perspicere poterimus. Sumpto igitur hinc initio dicamus.

*Librorum Decem Moraliū Nicomachiorum, finis.*

Et si hos Moraliū Nicomachiorum libros, ex Aristot. uerbis, Politicorum libri subsequi debere videntur: tamen quoniam & alijs eius nomine libri de moribus pertractantes inueniuntur: eos omnes, ne Moral. Philosophiæ fieret interruptio, ante illos de Repub. collocasse opportunum visum est.

ARISTOTELIS

STAGIRITAE,

PERIPATETICORVM

PRINCIPIS,

MAGNORVM

Moralium.

LIBER PRIMVS.

Georgio Valla Placentino

interprete.

SVMMAE LIBRI.

*De bono. De virtute in genere. De vltione, ac alijs,  
qua ad ipsum spectant. De virtutum speciebus. De  
veritate, ac ijs, quibus ipsam coniectamus.*

*De virtute agendum esse: & Antiquorum de ea  
afferuntur opiniones. Cap. I.*



Voniam de pertinētibus ad mo-  
res dicere cōstituiamus, primum  
cuiusnam rei pars sit mos, duci  
mus considerandum. Vt igitur  
paucis absoluam, non rei alius  
videtur pars esse, quā civilis.

Atqui civilibus in rebus citra  
quempiam qualem esse, effici nihil potest, qua-  
lem inquam, vt studiosum esse, ac probum, stu-  
diosum

## 270 Magnorum Moraliū

diosum porro esse, idem quod virtutes habere.  
 Quod si quispiam ciuilibus in rebus solers esse  
 debeat, eundem moris studiosum esse oportet.  
 Apparet itaq; rei ciuilis, omne negotium quod  
 circa mores est, partem esse atq; principium: vt  
 in totum iure mihi videatur habere appellatio-  
 nem negotium atq; tractatio, nō moralem, sed  
 ciuilem. Expedit itaq; (vt est videre) de virtute  
 primum dicere, & quid sit, & ex quibus constet.  
 nec enim ferē vtile fuerit virtutem quidē nos-  
 se, vt verō sit, ac ex quibus, negligere: quādoqui-  
 dem ex quibus sit coniectare, nedū vt norimus  
 quid sit, consyderandum. simul enim nosse volu-  
 mus, ac huiusmodi nos esse. At nequaquā face-  
 re poterimus, nisi ex qbus, & quomodo sit per-  
 calluerimus. Scire igitur quid sit virtus, necesse  
 est. siquidem & ex quibus sit, & quomodo, scitu  
 haudquaquā facile est ignorantī quid sit, quem-  
 admodum in scientijs. Verū ne latere quidem  
 nos oportet, si qui de his prius disseruere. Pri-  
 mum igit Pythagoras de virtute dicere aggres-  
 sus est, quanquam non rectē, virtutes siquidē ad  
 numeros referendo, suam virtutum nō fecit in-  
 spectionem, nec enim iustitia est numerus pari-  
 ter par. Cui succedens Socrates de hac re melius  
 pleraq; differait: sed ne ipse quidem rectē, quo-  
 niam virtutes scientias efficiebat: quod fieri  
 nullo modo potest. Cunctæ siquidem scientiæ  
 cum ratione: at cui ratio in solo animæ gigni-  
 tur intellectu: quocirca virtutes omnes in ani-  
 mæ parte rationali efficiantur, necesse est. Eue-  
 nit itaq;, vt qui uirtutes scientias faciat, irra-  
 tionalem animæ partem extinguat; quod facien-  
 do, affectum ac morem perimat. Quamobrem  
 non rectē hoc modo uirtutes amplexus est.

Postea



Postea demum Plato animam in partem quæ teneret rationem, & in eam quæ esset rationis experta, rectè distribuit: reddit quæ suas utrique virtutes, quatenus hæc, probè: reliqua uerò, neutiquam rectè, quandoquidem virtutem cum tractatione quæ de bono per se esset, admisit: non equidem rectè, quia non peculiare, & suum: neque enim de eo quod est, ac de uero differentem, de virtute dicere oportuit: illi siquidem nihil est cū hoc commune. Tanta igitur illi, & hoc modo amplexi sunt.

*De bono in communi.*

*Cap. 11.*

**D**Einceps ergo nobis coniectandum, quidnam de his dicendum fuerit. Intuendum igitur est in primis, scientiæ omnis atque facultatis finē esse aliquem, idque per se bonū. nulla siquidem scientia, facultas nulla mali causa est. Quod si facultatum omnium bonus est finis, non dubium, quin etiam optimæ sit optimus: atque ciuilis optima est facultas: igitur ipsius finis bonus. De bono itaque (ut uidetur) nobis dicendum est. At de bono non in uniuersum, sed nobis bono. neque enim Deorum bonum agendum est, quemadmodum de eo alia habenda fuerit oratio. & consideratio nunc sit aliena. De nobis itaque bono dicendum est. De quo sanè disserendum in primis est, quoniam dicatur modo. neque enim simplex atque vnum est, quandoquidem dicitur bonum, aut quod in unoquoque est optimū, id uerò suapte natura deligibile: aut cuius participatione alia sunt bona, id nimirum idea boni est. An igitur de boni idea loqui oportet? An non? atqui ut commune, quod est in omnibus

## 272 Magnorum Moraliū

nibus bonum, aliud enim ab ipsa idea videri debet, siquidē separatile id per se est, quod idea : commune verò in cunctis existit, nō vtiq; idem quod separatile. nec enim vnquam separatile, & per se agnatam vim habens, in cunctis fuerit. Nunquid igitur de hoc nobis differendum bono, quod in omnibus existit? An non? quid ita? nempe quoniam id commune est, vt definitio & inductio: definitionem autem oportet cuiuslibet referre essentiam, seu bonū, seu malum sit, seu quiduis aliud, refert certē definitio, vt eiusmodi bonum in vniuersum est, non quatenus ipsum per se deligibile. Verū quod in cunctis existit, definitioni est simile. definitio certē ait bonum esse quippiam, quod neq; scientia, neque facultas vlla dicit. neq; enim finem suum asserit bonum esse, verū id alterius est inspicere facultatis, quandoquidem neq; medicus, neque ædificator refert, hic quidem sanitatem esse bonam, ille verò domum; sed hic quidem quod sanitatem præstendar, & quemadmodum faciat, ille verò domum. Non dubium igitur, quin ne rei civili quidem de cōmuni bono dicendum sit: vna siquidem & hæc reliquarum sciētiarum est. Atqui hoc nullius est dicere aut facultatis, aut scientiæ, vt de fine, ne quidē igitur rei civilis, quod de cōmuni bono est dicere, eò, quòd per definitionem est. Verū enimvero neque de eo, quod per inductionem commune: quid ita? quòd, cū voluerimus particulariter aliquod bonum demonstrare, aut definitione demonstramus, vt ratio eadem congruat ei quod per se bonū, & ei quod bonum esse demonstrare voluerimus: aut inductione, sicut cū velimus magnanimitatē bonū esse demonstrare,

strare, dicimus, nimirum iustitia bonum est, & fortitudo, ac omnino virtutes: magnanimitas autem virtus est: ergo & magnanimitas bonū. Non igitur de communi per inductionem boni rei ciuili dicendum est: quòd eadem contingere non possunt huic, & per definitionem communi bono: nam quod bonum, hinc etiam dicit: Manifestum igitur de optimo bono dicendum esse, eoq; quod nobis optimum sit. In totum autem viderit quispiam non vnius esse scientiæ, aut facultatis de vniuersali bono cōsiderare. Cur ita? nempe quòd bonum est in omnibus predicamentis, nam in quo, in quali, in quanto, in quādo, in ad aliquid, ac prorsus in omnibus. Ceterum Quando bonum in medicina, medicus nouit: at in gubernatoria, gubernator: & in singulis singuli. Quando secundum quidē sit, nouit medicus: at quando nauigandum, gubernator. In qualibet utique Quā bonū, cuius quod propter se cognouerit. neq; enim medicus quod in gubernatoria bonum. Quando cognouerit: neque gubernator, quod in medicina. Ne igitur quidem hoc modo de communi bono dicendum est, siquidem Quando, in cunctis commune est, similiter etiam quod ad aliquid bonū, ac quod in alijs predicamentis, commune est omnibus. Atqui nullius est facultatis, aut scientiæ dicere de eo bono quod in vnaquaq; est: ne igitur quidem rei ciuilis est dicere de communi bono, de bono igitur, ac de optimo, atq; nobis optimo. Ceterum, cum qui velit quippiam demonstrare, minimè apertis non oportet exemplis uti; sed ubi obscura aperienda sint, manifestis, ac in eis quæ sub intelligentiam cadunt, sensibilibus: ea siquidem sunt apertissima. Cum igitur de bono

dicere quispiam tentauerit, de idea neutiquam dicendum est: tamen si de idea dicendum existimem, ubi de bono dicant. Aiunt nanque de maximè bono esse differendum: at id vnumquodq; præcipuè tale est, vt præcipuè sit bonum idea, vt opinantur. huiusmodi certè oratio fortassis vera: verum neutiquam ciuilis scientia vel facultas, de qua in præsentia nobis est oratio, de hoc per se bono, sed nobis bono. Nulla siquidè scientia aut facultas de fine loquitur, quòd sit bonum. & proinde, ne quidem res ciuilis; ideo non de bono, quod iuxta ideam est, loquitur. Verum fortassis ait, hoc per se bono vtendum esse principio, ab eo progrediendo ad singula. In quo ne ita quidem rectè, expedit siquidem, sua cuiuslibet sumere principia. absurdum enim sit, volenti ostendere triangulum duobus rectis æquales habere angulos, sumere principium eiusmodi, anima immortalis est: neq; enim hoc proprium: oportet siquidem principium suum esse eius rei, qua de agatur, atque coniunctum. nunc verò absque hoc quid anima sit immortalis, demonstrauerit quispiam duobus rectis æquales habere triangulum, itidem & de bonis est inspicere alia: citra ideam boni, proinde proprium non est huius per se boni principium. Ac ne quidem Socrates rectè sciètijs virtutes faciebat. Is enim nihil incassum & temerè esse arbitratus est, ex eo autem quod est, virtutes esse scientias, ei conueniebat virtutes esse frustra, quid ita? In scientijs nimirum contingit pariter nosse scientiam quid est, & scitum esse. nam si quis norit quid sit medicina, is confestim est medicus, similiter etiam in alijs scientijs. At in virtutibus non idem est. neq; enim si quis nouerit quid sit iustitia,

stitia, continuo etiam iustus est: itidē & in aliis.  
Euenit igitur, & temerē uirtutes esse, & non  
esse scientias.

*Quot modis dicatur bonum. Cap. III.*

**A**T quoniam de his nobis differendum est,  
annitamur bonū dicere, quot dicatur mo-  
dis. Sunt nimirum bonorū alia honorabi-  
lia, laudabilia alia, potentię alia. honorabile hu-  
iusmodi dico, quod diuinum, quod melius, ut  
anima, mensque est, quod antiquius, quod prin-  
cipium, & alia id genus. Honorabilia certē, in  
quibus honor: talia siquidem omnia honor co-  
mes consequitur. igitur etiam uirtus honorabi-  
le bonum est, quando ab ipsa probus quispiam  
gignitur, is nanque in uirtutis penetrat habi-  
tum. At laudabilia, ut uirtutes: ab ipsarū nanque  
actionibus laus emergit. Quæ uero potentię, ut  
dominatus, opulentia, robur, pulchritudo, iis  
nanq; bonus benē, ut malus malē, uti potuerit,  
ideo etiam potentię eiusmodi bona nuncupan-  
tur, bona certē sunt: usū siquidem ipsorum boni  
non utique mali approbantur, id genus nimirū  
bonis euenit: ortus causam ipsorum esse fortu-  
nam. à fortuna nanque & opulentia, & domina-  
tus est, & quæcunque prorsus in potestatis or-  
dinem perueniunt. Reliquū porro ac quartum  
inter bona est salubre, etiam bonum efficiens,  
sicut exercitiū sanitatis, ac si id genus est aliud.  
Verū aliam quoque subeunt bona distributio-  
nem. Ut bonorū quædam prorsus & omni-  
fariam sunt eligibilia, quædam uerò non. Veluti  
iustitia, aliæque uirtutes, omnifariam & omni-  
no sunt eligibiles: at robur, & opulētia, poten-  
tiaque,

illa quæ optima est, atq; ipsis maximè cōgnata, delectari, qui est intellectus: eosq; qui eam maximè amant, & honorant, remunerari. utpote qui eorum quæ ipsis sunt amica, curam habeant, recteque & honestè agant. Hæc autem omnia sapienti maxime inesse, obscurum nō est: is igitur est Deo carissimus: eundemque esse etiam felicissimum uerisimile est. Quare ita quoque efficitur, ut sapiens maximè felix sit.

*Peroratio operis. Cap. I. X.*

**N**Unquid igitur si de his & virtutibus, præterea etiam de amicitia & uoluptate satis figura dictū est, sinem habere propositum hoc nostrum est existimandum? An quemadmodum dicitur, in agendis rebus finis non est contemplari singula & cognoscere, sed agere: neque igitur in virtute satis est, si eam cognouerimus: sed ut eā habeamus, eaq; utamur, est enitendum: vel si quo alio modo boni efficiamur. Nam si uerba ad reddendos homines probos sufficerent: multas sanè & magnas mercedes, ut inquit Theognis, afferrent, oportetque ea comparare: sed uidentur quidem posse liberales adolescentes hortari atque incitare, moresque eorum ex virtute sibi obnoxios generosos, ac uerè honestatis studiosos reddere. At plerosque ad probitatem prouocare, non posse. non enim pudori, sed timori obedire: neque abstinere à malis ob dedecus, sed ob poenam consueuerunt. nam cum ex affectu uiuant, proprias uoluptates, atque ea ex quibus existunt, persequuntur: doloresque oppositos fugiunt: eius autem quod honestum, & uerè iucundum est, cum id prius non degustarint,



gustatint, ne notionem quidem ullam habent. Eos igitur qui tales sunt, ad moderationem traducere quæ oratio posset? heri enim nequit, aut facile nō est, ut quæ ex diutino usu moribus sunt præoccupata, verbis amoveamus. sed satis fortasse est, si quamuis omnia adsint, quibus probi effici videmur, euadere participes virtutis possimus. Fieri autem bonos alij natura, alij consuetudine, alij doctrina existimant. Ac quod ad naturam quidem attinet, in nobis non esse, manifestum est, sed ex quadā diuina causa, ijs qui re vera fortunati sunt. oratio verò & doctrina videndum est nunquid non in omnibus vim habeat, sed opus sit, ut præcultus auditoris animus sit, ad rectè & gaudendum, & odio prosequendum, non secus ac terra, quæ semen sit nutritura. non enim audiret orationem dehortantem, neque intelligeret qui ex perturbatione viuit. qui autem ita affectus est, dissuaderi qui potest? non enim omnino orationi, sed vi cedere perturbatio videtur. Oportet igitur mores prius virtuti esse accommodatos, ut & honestatem diligant, & abhorreant turpitudinem. Ut autem à pueritia quis institutione recta ad virtutem instruat, difficile est: nisi sub talibus legibus fuerit educatus: nam temperanter, toleranterque viuere plerisque, & præsertim adolescentibus iucundum non est. quocirca est opus ut & educatio & studia cōstituta legibus sint: ita enim fiet, ut consuetudine tractata molesta esse desinant. Non satis tamen fortasse est, si quando adolescentes sunt homines, educationem rectam & curam consequantur: sed cum in viros quoque adulti debeant ipsa hæc exercere, atque assuetudine: ad hæc etiam, & omnino ad omnem vi-

tam opus legibus est. plerique enim necessitati potius quàm rationi: & multis, quàm honestati obediunt. Quapropter sunt, qui legiflatores censeant inuitare ad uirtutem ac prouocare homines honestatis causa debere: eò quòd probi ex consuetudine præcipuè obtemperaturi sint: illis uerò qui non parent, suntque natura inextiores, castigationes & pœnas irrogare: qui autem insanabiles sunt, prorsus exterminare. probum enim & qui ad honestatem uiuit, rationi esse obediendum: prauum autem uoluptatem appetentem non secus ac iumentum dolore puniri. unde etiam tales dolores exhiberi oportere inquit, qui uoluptatibus quæ amantur, maximè aduersentur. Quòd si, quemadmodum dictum est, eum qui bonis futurus est, honestè educatum esse, atque assuetum oportet; deinde ita in honestis studijs uiuere, & neque inuitum, neque sponte praua agere: id autem fieret, si ex intellectu quodam & recto ordine uim habente uita traduceretur: paterna quidem iussio neque uim, neque necessitatem habet: sicque omnino iniuri unius, nisi rex, aut talis aliquis sit. at lex, cum ex prudentia quadam ex mente profecta oratio sit, cogendi uim habet. Atque homines quidem qui appetitionibus aduersantur, etiam si rectè id faciant, plerique odio prosequuntur. at lex cum probitatem iubet, odio non est. In sola uerò Lacedæmoniorum ciuitate cum paucis educationis & studiorum habuisse curam legislator uidetur: in plerisque alijs neglecta hæc fuerunt: uiuitque unusquisque sicut uult, Cyclopum more, filijs dans iura suis & uxori. Præstantissimum quidem est, ut curam publicam & rectam habeamus, atque id facere possimus: si ta-

men publicè id negligatur; conuenire unicuique uidetur, ut liberis suis & amicis ad uirtutem conducatur, uel conducere saltem proponat. Maxime autem id posse facere uideretur ex ijs, quæ dicta sunt, is qui ad leges erendas idoneus euaserit. per leges enim uidelicet curæ publicæ, atque honestæ per honestas fieri consueuerunt. Scriptæne sint an non scriptæ, interesse nihil uidetur: neque unusne an multi per eas instituantur. quemadmodum neque in musica, & exercitatoria, ceterisque alijs studijs. Sicut enim in ciuitatibus legum instituta & mores: sic in domibus paternæ orationes, & mores, ualent. quin ob cognationem & beneficia etiam magis: quippe cum affecti erga parentes iamdudum, atque obtemperantes natura sint. Adde, quod priuata educationes à publicis differunt, non secus atque in medicina. cum enim uniuersaliter febricitanti inedia, & quies cōferat: alicui tamen forte non ita conducit: & pugillandi artifex non omnibus fortasse eandem pugnam imponit. Videnturque magis exactè absolui singula, si priuata cura adhibeatur. magis enim quod accommodatum sibi est, unusquisque consequitur. Sed curam optimè adhiberet quidem † singulis rebus † 4. l. uiu- & medicus & exercitationis magister, & unus- uersalibus. quisque alius, qui uniuersale cognosceret, quid omnibus aut talibus cōducat: cōmunium enim rerum scientiæ & dicuntur, & sunt: nihil tamen fortasse uetat, quominus unius alicuius rei, licet scientia præditus non sit, curam habere quispiam possit: qui modò quæ in unaquaque re accidunt, experientia diligenter obseruarit. Quemadmodum etiam medici nonnulli optimi esse sibi ipsis uidentur, quæ alteri ferre opem

nullam queunt . nec minus forsitan ei qui arti-  
 fex & contemplatiuus effici vult , ad vniuersale  
 videtur esse procedendum , atque id quomodo  
 fieri possit , cognoscendum . de hoc enim scien-  
 tias esse dictum iam est . Ac fortasse ei qui vult  
 siue multos , siue paucos diligētia ac studio me-  
 liores reddere , vt ad legumlationem idoneus  
 euadat , enitendum est : si legibus boni effici pos-  
 sumus . quamcunque enim & prius latam recte  
 disponere cuiuslibet non est : sed si modo est cu-  
 iuspiam , est scientis . sicut in equestri arte , & re-  
 liquis , quarum cura aliqua & prudētia est . Post-  
 hæc igitur considerandum , vnde aut quomodo  
 ad leges ferendas fieri idoneus quispiam possit .  
 an sicut in ceteris fit , ex ciuilibus ? An nō simile  
 quid in ciuili & reliquis scientijs & facultati-  
 bus apparet ? quippe cū in ceteris ijdem facul-  
 tates tradant qui ex eis operantur : vt medici , &  
 pictores . ciuiles autem res rhetores docere pro-  
 fiteantur , cū tamē nemo ex ipsis eas agat , sed  
 illi tantū qui , rempublicam gerunt . qui qui-  
 dem facultate quadam potius & experientia ,  
 quā intellectu id agunt . Nam neq; scribere  
 neq; dicere de huiusmodi rebus conspiciuntur :  
 cū tamen fortasse id præclarior fuerit ,  
 quā iudiciales & deliberatiuas orationes cō-  
 ficere . Neque ciuiles vel filios suos , vel aliquos  
 alios reddere amicos videntur : id quod fuerat  
 sanē consentaneum , si modo potuissent . neque  
 enim ciuitaribus melius quicquā reliquissent :  
 neq; vel sibi vel carissimis quibusq; adesse quic-  
 quam quā huiusmodi facultatem maluissent .  
 Non parum tamen cōferre experientia videtur :  
 non enim ex ciuili consuetudine magis ciuiles  
 redderentur . vnde etiam fit , vt qui de ciuili fa-  
 cultate

eultate cognoscere appetunt, ijs opus insuper  
 experientia sit. At rhetores ij, qui hac profitentur,  
 valde procul abesse ab ea docenda videntur.  
 neque enim omnino qualisnam ea sit, & circa  
 quæ versetur, sciunt. non enim eandem cum  
 rhetorica, aut peiorem eam esse statuerent: neq;  
 legum institutionem facilem esse existimarent;  
 cum approbatas leges collegerit quispiam, pos-  
 se inde optimas eligi asserentes: quasi electio  
 ea perspicacitate non indigeat, & indicare re-  
 ctè maximum non sit. Non secus atque in iudi-  
 cia euenit: periti namque in singulis opera re-  
 ctè iudicant: & quibus, aut quomodo perfician-  
 tur, quæ debent: qualia item quilibus conso-  
 nent, cognoscere consueuerunt. imperitis verò  
 satis est, si benè, an malè factum opus sit, eos  
 non lateat, sicut in pictura. Leges enim ciuili-  
 bus operibus similes sunt. Quomodo igitur ex  
 his ad legumlationem idoneus erudere, aut opti-  
 mas quasque iudicare quispiam posset? Nam  
 neque ex scriptis ad medendum idonei fieri vi-  
 dentur: cum tamen in his non solum curatio-  
 nes, sed quomodo etiam & sanari queant ho-  
 mines, & curatio adhibenda sit vniuscuiusque  
 habitu distincto, tradere conentur. quæ sanè si-  
 cut expertis conducunt, ita inscientibus inuti-  
 lia sunt. Fortasse igitur legū quoq; & rerum pu-  
 blicarum collectiones ijs, qui contemplari pos-  
 sunt, & iudicare quidnam rectè, aut contrà lèse  
 habeat, aut qualia quilibus conueniant, utiles  
 essent. at qui sine habitu talia pertractāt, ijs iu-  
 dicare quidem rectè nō licet, nisi fortuito. per-  
 spicaciores tamen ad ea forsitan efficerentur.  
 Cum itaque antiquiores negotium de legumla-  
 tione imperuestigatum prætermiserint: melius  
 fortasse

fortasse est, ut nos ipsi id consideremus: atque omnino de republica: ut pro uiribus philosophia, quæ ad humanas res spectat, perficiatur. Quocirca primum siquid à ueteribus rectè dictum est, id conabimur recensere: deinde ex collectis rebus publicis, quænam sint ea considerabimus, quæ ciuitates, & singulas respublicas, & corrumpunt & conseruant; quasque ob causas aliz bene, aliz e contrario administrantur. [His enim consideratis, quænam optima respublica sit, & quomodo. unaquæque instituta, quibusque legibus & moribus utens; magis perspicere poterimus. Sum-  
pro igitur hinc initio dicamus.

*Librorum Decem Moralium Nicomachiorum, finis.*

Et si hos Moralium Nicomachiorum libros, ex Aristot. uerbis, Politicorum libri subsequi debere videntur: tamen quoniam & alijs eius nomine libri de moribus pertractantes inueniuntur: eos omnes, ne Moralium Philosophia fieret interruptio, ante illos de Repub. collocasse opportunum visum est.



ARISTOTELIS

STAGIRITAE,

PERIPATETICORVM

PRINCIPIS,

MAGNORVM

Moralium.

LIBER PRIMVS.

Georgio Valla Placentino  
interprete.

SVMMAE LIBRI.

*De bono. De virtute in genere. De ultione, ac alijs,  
qua ad ipsum spectant. De virtutum speciebus. De  
veritate, ac ijs, quibus ipsam coniectamus.*

*De virtute agendum esse: & Antiquorum de ea  
afferuntur opiniones. Cap. I.*



Voniam de pertinētibz ad mo-  
res dicere cōstitūimus, primū  
cuiusnam rei pars sit mos, duci  
mus considerandum. Vt igitur  
paucis absoluam, non rei alius  
videtur pars esse, quā ciuilis.

Atqui ciuilibz in rebus ciua  
quempiam qualem esse, effici nihil potest, qua-  
lem inquam, vt studiosum esse, ac probum, stu-  
diosum

diosum porro esse, idem quod virtutes habere.  
 Quod si quispiam ciuilibus in rebus solers esse  
 debeat, eundem moris studiosum esse oportet.  
 Apparet itaq; rei ciuilis, omne negocium quod  
 circa mores est, partem esse atq; principium: vt  
 in totum iure mihi videatur habere appellatio-  
 nem negotium atq; tractatio, nō moralem, sed  
 ciuilem. Expedi itaq; (vt est videre) de virtute  
 primum dicere, & quid sit, & ex quibus constet.  
 nec enim ferè vtile fuerit virtutem quidē nos-  
 se, vt verò sit, ac ex quibus, negligere: quādoqui-  
 dem ex quibus sit coniectare, nedū vt norimus  
 quid sit, considerandum. simul enim nosse volu-  
 mus, ac huiusmodi nos esse. At nequaquā face-  
 re poterimus, nisi ex qbus, & quomodo sit per-  
 calluerimus. Scire igitur quid sit virtus, necesse  
 est. siquidem & ex quibus sit, & quomodo, scitu  
 haudquaquā facile est ignorantī quid sit, quem-  
 admodum in scientijs. Verū ne latere quidem  
 nos oportet, si qui de his prius disseruere. Pri-  
 mum igit Pythagoras de virtute dicere aggres-  
 sus est, quanquam non rectè, virtutes siquidē ad  
 numeros referendo, suam virtutum nō fecit in-  
 spectionem, nec enim iustitia est numerus pari-  
 ter par. Cui succedens Socrates de hac re melius  
 pleraq; disseruit: sed ne ipse quidem rectè, quo-  
 niam virtutes scientias efficiebat: quod fieri  
 nullo modo potest. Cunctæ siquidem scientiæ  
 cum ratione: at qui ratio in solo animæ gigni-  
 tur intellectu: quocirca virtutes omnes in ani-  
 mæ parte rationali efficiantur, necesse est. Eue-  
 nit itaq; vt qui uirtutes scientias faciat, irra-  
 tionalem animæ partem extinguat; quod facien-  
 do, affectum ac morem perimat. Quamobrem  
 non rectè hoc modo uirtutes amplexus est.

Postea

Postea demum Plato animam in partem quæ teneret rationem, & in eam quæ esset rationis expers, rectè distribuit: reddit quæ suas utrique virtutes, quatenus hæc, probè: reliqua uerò, neutiquam rectè, quandoquidem virtutem cum tractatione quæ de bono per se esset, admisit: non equidem rectè, quia non peculiare, & suum: neque enim de eo quod est, ac de uero differentem, de virtute dicere oportuit: illi siquidem nihil est cum hoc commune. Tanta igitur illi, & hoc modo amplexi sunt.

*De bono in communi.*

*Cap. II.*

**D**Einceps ergo nobis coniectandum, quidnam de his dicendum fuerit. Intuendum igitur est in primis, scientiæ omnis atque facultatis finem esse aliquem, idque per se bonum. nulla siquidem scientia, facultas nulla mali causa est. Quod si facultatum omnium bonus est finis, non dubium, quin etiam optimæ sit optimus: atque ciuilis optima est facultas: igitur ipsius finis bonus. De bono itaque (ut uidetur) nobis dicendum est. At de bono non in uniuersum, sed nobis bono. neque enim Deorum bonum agendum est, quemadmodum de eo alia habenda fuerit oratio. & consideratio nunc sit aliena. De nobis itaque bono dicendum est. De quo sanè dissendendum in primis est, quoniam dicatur modo. neque enim simplex atque unum est, quandoquidem dicitur bonum, aut quod in unoquoque est optimum, id uerò suapte natura deligibile: aut cuius participatione alia sunt bona, id nimirum idea boni est. An igitur de boni idea loqui oportet? An non? atqui ut commune, quod est in omnibus

## 272 Magnorum Morālium

nibus bonum. aliud enim ab ipsa idea videri debet, siquidē separatile id per se est. quod idea : commune verò in cunctis existit, nō utiq; idem quod separatile. nec enim vnquam separatile, & per se agnatam vim habens, in cunctis fuerit. Nunquid igitur de hoc nobis differendum bono, quod in omnibus existit? An non? quid ita? nempe quoniam id commune est, vt definitio & inductio: definitionem autem oportet cuiuslibet referre essentiam, seu bonū, seu malum sit, seu quiduis aliud, refert certē definitio, vt eiusmodi bonum in vniuersum est, non quatenus ipsum per se deligibile. Verū quod in cunctis existit, definitioni est simile. definitio certē ait bonum esse quippiam, quod neq; scientia, neque facultas vlla dicit. neq; enim finem suum asserit bonum esse, verū id alterius est inspicere facultatis, quandoquidem neq; medicus, neque adificator refert, hic quidem sanitatem esse bonam, ille verò domum; sed hic quidem quod sanitatem prætendat, & quemadmodum faciat, ille verò domum. Non dubium igitur, quin ne rei ciuili quidem de cōmuni bono dicendum sit: vna siquidem & hæc reliquarum sciētiarum est. Atqui hoc nullius est dicere aut facultatis, aut scientiæ, vt de fine, ne quidē igitur rei ciuilis, quod de cōmuni bono est dicere, eò, quod per definitionem est. Verū enimvero neque de eo, quod per inductionem commune: quid ita? quod, cū voluerimus particulariter aliquod bonum demonstrare, aut definitione demonstramus, vt ratio eadem congruat ei quod per se bonū, & ei quod bonum esse demonstrare voluerimus: aut inductione, sicut cū velimus magnanimitatē bonū esse demonstrare,

frare, dicimus, nimirum iustitia bonum est, & fortitudo, ac omnino virtutes: magnanimitas autem virtus est: ergo & magnanimitas bonū. Non igitur de communi per inductionem boni rei civili dicendum est: quod eadem contingere non possunt huic, & per definitionem communi bono: nam quod bonum, hinc etiam dicitur. Manifestum igitur de optimo bono dicendum esse, eoq; quod nobis optimum sit. In totum autem viderit quispiam non vnius esse scientiæ, aut facultatis de vniuersali bono cōsiderare. Cur ita? nempe quod bonum est in omnibus prædicamentis. nam in quo, in quali, in quanto, in quādo, in ad aliquid, ac prorsus in omnibus. Ceterum Quando bonum in medicina, medicus nouit: at in gubernatoria, gubernator: & in singulis singuli. Quando secundum quid sit, nouit medicus: at quando nauigandum, gubernator. In qualibet utique Quā bonū, cuius quod propter se cognouerit. neq; enim medicus quod in gubernatoria bonum. Quando cognouerit neque gubernator, quod in medicina. Ne igitur quidem hoc modo de communi bono dicendum est, siquidem Quando, in cunctis commune est, similiter etiam quod ad aliquid bonū, ac quod in alijs prædicamentis, commune est omnibus. Atqui nullius est facultatis, aut scientiæ dicere de eo bono quod in vnaquaq; est: ne igitur quidem rei civilis est dicere de communi bono, de bono igitur, ac de optimo, atq; nobis optimo. Ceterum, cum qui velit quippiam demonstrare, minimè apertis non oportet exemplis uti; sed ubi obscura aperienda sint, manifestis, ac in eis quæ sub intelligentiam cadunt, sensibilibus: ea siquidem sunt apertissima. Cum igitur de bono

stia, continuò etiam iustus est: itidè & in aliis.  
Euenit. igitur, & temerè uirtutes esse, & non  
esse scientias.

*Quot modis dicatur bonum. Cap. III.*

**A**T quoniam de his nobis differendum est,  
annitatur bonū dicere, quot dicatur mo-  
dis. Sunt nimirum bonorū alia honorabi-  
lia, laudabilia alia, potentię alia. honorabile hu-  
iusmodi dico, quod diuinum, quod melius, ut  
anima, mensque est, quod antiquius, quod prin-  
cipium, & alia id genus. Honorabilia certè, in  
quibus honor: talia siquidem omnia honor co-  
mes consequitur. igitur etiam uirtus honorabi-  
le bonum est, quando ab ipsa probus quispiam  
gignitur, is nanque in uirtutis penetrat habi-  
tum. At laudabilia, ut uirtutes: ab ipsarū nanque  
actionibus laus emergit. Quæ uero potentię, ut  
dominatus, opulentia, robur, pulchritudo, iis  
nanq; bonus benè, ut malus malè, uti potuerit,  
ideo etiam potentię eiusmodi bona nuncupan-  
tur, bona certè sunt: usu siquidem ipsorum boni  
non utique mali approbantur, id genus nimirū  
bonis euenit: ortus causam ipsorum esse fortu-  
nam. à fortuna nanque & opulentia, & domina-  
tus est, & quæcunque prorsus in potestatis or-  
dinem perueniunt. Reliquū porro ac quartum  
inter bona est salubre, etiam bonum efficiens,  
sicut exercitiū sanitatis, ac si id genus est aliud.  
Verū aliam quoque subeunt bona distributio-  
nem. Ut bonorum quædam prorsus & omni-  
fariam sunt eligibilia, quædam uerò non. veluti  
iustitia, aliæque uirtutes, omniariam & omni-  
no sunt eligibiles: at robur, & opulētia, poten-  
tiaque,



*Alia Boni  
divisio.*

tiaque, & id genus alia, neque omnifaria, neque  
quomodo. Rursus quoque aliter. Bonorum alia  
sunt fines, alia non, quemadmodum sanitas qui-  
dem finis: atque sanitatis causa neutiquam finis  
est. Et quęcunque ita habent, eorum semper  
finis melior, ut sanitas melior quam quę salubria,  
in totumque; prorsus id melius, cuius gratia sunt  
& alia. Rursus ipsorum finium, præstat semper  
qui perfectus est imperfecto. Est nimirum per-  
fectus, cuius accessu nullo amplius nobis opus  
est. Imperfectus autem, cuius adveniens alium de-  
sideramus, quemadmodum iustitiam duntaxat  
adventu, plura desideramus: at felicitatis ac-  
cessu, nulla re amplius nobis opus est. Is ergo  
nobis optimus quem desideramus, qui finis per-  
fectus, absolutus nanque finis bonum est: nec non  
finis bonum. Hinc igitur, quoniam modo opti-  
mum considerandum est: nunquid eo modo ut  
ipsum quoque recedamus. An id videbitur alie-  
num? siquidem optimum finis est perfectus: ac  
perfectus finis, ut paucis absoluam, nil aliud  
quam felicitas esse videtur. Ex multis porro bo-  
nis felicitatem constare comprobatur. Quod si  
optimum coniectans, ipsum quoque cum alijs  
annumeres, ipsum se melius esse constabit, siqui-  
dem optimum erit: Ut salubria ponendo & sa-  
nitatem, consideres quidnam horum omnium  
optimum, nempe sanitas: quod si horum opti-  
mum est, id se quoque melius, quod admodum  
absurdum est: non igitur optimum ita conie-  
ctandum. Sed an id quodammodo fuerit, ut absque  
se? An hoc etiam absurdum? nam felicitas ex qui-  
busdam constata bonis est, hoc vero ex quibus  
constat bonis, an sit optimum, considerare fue-  
rit alienum. neque enim est quicquam aliud ab

his

his felicitas, verum hæc ipsa, an ita quispiam rectè concernens, optimum considerauerit? sicut ipsant felicitatem quæ ex his sit bonis, diiudicās erga alia quæ in ipsa collecta non sunt: ita optimum considerans, rectè considerauerit. Ceterum non est simplex, quod nunc querimus, optimum, ut dicat quispiam, optimum cunctorum bonorum, in unum concretorum esse prudentiam. Verum hoc seic modo, non querendū est optimum bonū, perfectum siquidem querimus bonum. At prudentia sola, neutiquam perfectū. non igitur hoc optimum quod querimus, neque indagamus optimum. Præterea aliam admittūt bona sectionem: sunt siquidē bonorum alia in anima, ut uirtutes: alia in corpore, ut sanitas, venustas: alia externa, opulentia, dominatus, honor, & si quid est huiusmodi. At horum quæ in anima sunt, optima. Quæ porro in anima definita sunt bona, trifariam distribuuntur, in prudentiam, in virtutem, & in voluptatē. Post hoc igitur, quod profiteamur omnes, etiam finis videtur bonorum, idemque absolutissimum esse felicitas, quod sanè fateamur esse in bene agēdo, ac bene uiuendo. Ceterum finis simplex nō est, sed duplex. quorūdam enim est finis ipsa actio, vsusque, sicut visus. Est nimirū vsus optabilior habitus: finis autem vsus. nemo siquidem uelit visum habere ad non spectandum, sed coniectandum. idem de auditu, cæterisque dicendū. proinde quorum vsus & habitus est, semper melius & optabilius eorum est vsus habitus. vsus enim & actio finis, cum sit propter vsū ipse habitus. Post id si considerauerit quispiam, in cunctis scientiis intuebitur non aliam esse considerationem in extruenda domo, quàm in proba domo,

*Alia item  
diuisio.*

sed utrobique suppetere edificatoriam, & cuius effectus edificator, ut cuius sit uirtus, eiusdem sit effectrix. Idem in alijs omnibus par est coniectare.

*Virtutem in anima esse: felicitatem verò in actione consistere, & in aetate perfecta. Cap. 1111.*

**P**roterea intuemur, alia re nulla, quàm anima nos uiuere, in anima autem est uirtus, idem certè fatemur facere animā, animāq; virtutem. Ceterum uirtus in unoquoque, cuius est uirtus, idem facit: at anima etiam alia. Atqui anima uiuimus, ob animā itaque uirtutem bene uiuimus. Ceterum bene uiuere, & bene agere nihil aliud dicimus, quàm felicem esse: ergo & feliciter agere, & felicitas in uiuendo est, uerum bene uiuere est in uiuendo ex uirtutibus: hoc igitur est finis, & felicitas, & optimū. In usu itaq; sit necesse est & actione felicitas: nam quorum habitus ususque est, usus & actio finis: atqui animā uirtus est habitus, & actio & usus ipsius, eorum quæ sub electionem cadūt: ergo finis ipsius actio ususque fuerit, felicitas igitur in uiuendo ex uirtutibus sit, necesse est. Quoniam igitur optimum bonū est felicitas, & hæc ipsa finis; actione uiuendo ex uirtutibus, felices fuerimus, optimumque bonum habuerimus. Cum igitur sit felicitas bonum perfectum ac finis, nos latere non oportet, id in ætate perfecta esse. non enim in puero (quia nec puer dici felix potest) sed uiridis nanque perfectus, & ne quidem in tempore imperfecto: sed perfectio, perfectū fuerit utiq; tempus, quandiu homo uiuere potuerit, rectè nanque à multis dicitur, felicem in longissimo vitæ

uitę tempore esse iudicandum : ut opus sit perfectum esse, & in tempore perfecto, & in homine. Quod autem sit actio, hinc quispiam poterit intueri. In somnis nanque, vt inter uiuendum si quispiam dormiat, eiusmodi nolim talem dicere esse felicem; ipsi quidem existit uiuere: sed eidem ex uirtutibus, quod erat ex actione, uiuere non existit.

*De anima altrice portione quadam : & in ipsa uirtutem non esse. Cap. V.*

**R**ursus quod mox dicendum, non admodum quę diximus participare, & ne quidē ab ipsis longē abesse uidebitur. quippe quod animę portio quadam esse putetur qua alimur, quam altricem appellamus: iure profecto ita: siquidem lapides ali non posse intuemur. & perinde nō dubium, quin sit ali animatorum. Quod si animatorum causa est anima, atq; animę talium partium nulla alendi fuerit causa, quales sunt rationalis, uel irascibilis, uel concupiscibilis, sed alia quadam præter has; & eic nullum magis peculiare possumus nomen, quàm alentis accommodare. Dicat fortassis quispiam, nunquid ex hac quoque parte animę uirtus est nam si fuerit, non dubium quin etiā eadem agere opus sit. perfecte siquidem uirtutis actio felicitas est. At nunquid eius sit, uel nō sit uirtus, alia fuerit oratio. Quę si fuerit, huius nō est actio. nam in huiusmodi parte impulsus esse non uidetur: sed igni uidetur esse consimilis, cui quicquid immerferis, absumet. at si non obieceris, ne quidem ad capiendum impellitur. ita hæc habet pars animę, ut si alimētum obiciās,

alat: sin minus, ne quidem ad alendum commo-  
ueatur, & perinde ne quidem actio, cuius non  
est commotio. proinde, hæc pars ad felicitatem  
capessendam nihil coadiuuat. Deinceps igitur,  
quid sit virtus, dicendum, quando quidem eius  
actio felicitas est. Vt paucis itaque absoluam,

*Virtus ha-* virtus habitus est optimus. Verū non satis  
*bitus est* fortē sit ita simpliciter loqui, sed euidentius  
*optimus.* fuerit definiendum.

*Diuisio animæ & virtutem ab excessu defectuq;  
corrumpi. Cap. VI.*

**P**Rimum igitur de anima, in qua exoritur, nō  
quid sit anima (alia siquidem eius rei con-  
sideratio) sed vt quodammodo distribua-  
tur, dicendum est. Anima nimirum, vt rece-  
ptum est, in duas partes distribuitur, in eam  
quæ rationem habet, & quæ rationis experta  
est. Ex ea parte quæ habet rationem, exoritur  
prudentia, solertia, sapientia, ingenium, memo-  
ria, & id genus alia. At ex parte rationis exper-  
te, quæ virtutes appellantur, temperantia, for-  
titudo, iustitia, & quæuis aliæ, quas ex mori-  
bus ducimus esse laudabiles. ex his nanque con-  
sequi laudem dicimur. At ab eis quæ à ratione  
dimanant, nemo laudatur. nec enim quod sa-  
piens, nec quod prudens, nec prorsus ex huius-  
modi aliquo quispiam laudandus accedit. neq;  
porro rationis experta, quatenus ad se sugge-  
rendum idoneum est, suggeritq; ei quod ob-  
tinet rationem. Est nempe moralis virtus, quæ  
ab excessu defectuque corrumpitur. Quod au-  
tem tam defectus quàm excessus corrumpat,  
ex eis est videre, quæ ad mores pertinent. (vten-  
dum

dam sanè in rebus incertis testimonijs certis est.) Confestim nanque in exercitijs hoc viderit quispiam, quæ si excedant, robur affligunt: sin deficient, eodem modo habent, idem in potu ciboq; euenit: affluentibus enim sanitas absumitur, idem fit & subductis: quæ si moderata fuerint, corporis firmitudinem custodiunt atq; sanitatem. His consimile euenit in temperatâ, & fortitudine, reliquisque virtutibus: nam si quempiam eò vsque feceris intrepidum, vt ne quidem Deos metuat, iam non fortis, sed demens fuerit, sin cuncta formidantem, meticolus: fortis ergo erit, qui neq; omnia metuet, neq; nihil. Hæc igitur tam augent, quàm labefaciunt virtutem: nimij nanq; metus, & omnes labefaciunt, iidem qui de re nulla metu commouentur: atqui circa metus est fortitudo: mediocriter itaq; metus fortitudinem locupletant. ab eisdem igitur tam amplificatur q̃ labefactatur fortitudo: ex metu nanq; ita afficiuntur, idem de cæteris dicendum virtutibus.

*Virtutem inter voluptatem & aegritudinem collocari.  
Et unde moralis virtus dicta sit.*

*Cap. VII.*

**R** Versus, non his modo virtutem quispiam definierit, sed etiam aegritudine & voluptate. \* ἡθὺς  
ἀπὸ τῆς  
ἡθους  
Nam voluptate allekti, improba factitamus: aegritudini autem succumbentes, ab honestis deficimus. alioqui non est virtutem & vi in n. ac pul-  
tium admittere citra aegritudinem & voluptatem. inter voluptates igitur & aegritudines vir-  
tus collocatur. Virtus porò moralis hinc co-  
gnomen habet, si modò velimus ex literis veri-  
tatem excutere. dicendū erit \* moren: à mora triant.



## 282 Magnorum Moraliū

habuisse cognomen, breuis in longam literę fa-  
cta mutatione: moralis siquidē appellatur, quōd  
ex mora assuescat. Idq; certum, quōd uirtus nul-  
la, quę ex parte oriatur irrationali, ex natura  
nascatur. si quidem eorū quę natura sunt, ni-  
hil est quod assuetudine aliud euadat. uelut la-  
pis, grauiaq; prorsus omnia, quę ferendi deor-  
sum uim agnatam habent, si à quouis sursum  
uersus sapius iactari assuescant, nunquā tamen  
sursum attollētur, sed semper deorsum cadent.  
idem de ceteris est intelligendum.

*De affectibus, potentijs, & habitibus.*

*Cap. VIII.*

**P** Ręterea, qui uelit quid sit uirtus dicere, sci-  
re expedit quęnam demū in anima procre-  
entur. Sunt autem hęc huiusmodi, affectus,  
potentię, habitus. & proinde non dubium, quin  
horum quadā sit uirtus. Affectus igitur sunt,  
ira, metus, odium, cupido, liuor, miseratio. talia  
comitari consueuerunt ægritudo, & uoluptas.  
Potentię autem, quibus affici dicimur: nempe  
vnde possumus excandescere, egrescere, mise-  
rescere, & alia huiusmodi. at habitus sunt, un-  
de erga hęc habemus benè, uel malè, sicut ad  
excandescendum. si nanq; supra modum iracū-  
dè, malè in ira habemus. si in quibus expedit,  
prorsus ad iram non commouemur, ita quoq;  
malè in ira habemus. mediocriter itaq; habē-  
do, ut neque supra modum commoueamur, ne-  
que prorsus simus incommobiles, tum si ita ha-  
beamus, rectè affecti sumus. In similibus quō-  
que aliis idem intelligendum. iracundum nan-  
que & bene, in medio irę & ad iram incommo-  
bilitatis positum est. Simile est in iactantia

&

& dissimulatione: plura nanque quàm adfint si-  
bi arrogare, iactantiz est: minus verò, dissimu-  
lationis. inter hæc igitur medium est veritas.  
Idem in cæteris omnibus est intelligendum. id  
enim proprium ipsius est habitus, vt benè ma-  
lève erga hæc habeat, benè in ijs habere fuerit  
neq; excedere, neq; deficere. erga medium ita-  
que istorum vnde laudandi accedimus, habitus  
est: sicut malè erga excessum & defectum. quan-  
doquidem igitur harum perturbationum vir-  
tus est medium: perturbationes autem sunt e-  
gritudines & voluptates, aut non citra agritu-  
dinem vel voluptatem: virtus certè est circa egrit-  
udines vel voluptates. id quod hinc certum.  
Sunt nimirum etiam affectus alij, vt videbitur  
cuipiam, in quibus non in excessu & defectu  
aliquo est vitium: velut adulterium, & adulter.  
nec enim magis est talis, qui ingenuas consti-  
pravit. Ceterum & hoc, & si quid aliud huius-  
modi est, quod à voluptate comprehenditur,  
quæ per intemperantiam, vel etiam quod in  
defectu, quodque in excessu sub vituperatio-  
nem cadit.

*Quid medietati opponatur. Cap. I X.*

**D**Einceps igitur fuerit sanè dictu necessa-  
rium, quidnam demum medietati aduer-  
setur, excessusne an defectus. Nam quibus-  
dam medietatibus defectus opponitur, vt nōnul-  
lis excessus. sicut fortitudini neutiquam excess-  
us existens audacia, sed quæ defectus est timi-  
ditas: temperantiz verò intemperantia & incō-  
mobilitas circa voluptates. non utiq; quæ de-  
fectus est incōmobilitas opponitur, sed intem-  
perantia

## 284. Magnorum Moraliū

perantia quæ excessus est. Sunt nimirum viræ  
 quæ tam excessus quàm defectus medietati op-  
 posita. medietas siquidem excessu inferior, sed  
 defectu superior. Ideo etiam prodigi, liberales  
 esse illiberales aiunt, contra illiberales, prodig-  
 gos uocant. Audaces uero & petulantes, fortes  
 nominant timidos; ut timidi, fortes petulantes  
 & furibundos dicendos putant. Duabus itaque  
 de causis duxerimus medietati opponendum  
 esse excessum atque defectum, quippe quod è  
 re ipsa licet nobis considerare, utrum potius  
 extremorum ad medium propius accedat, pro-  
 pinquior ne liberalitatis sit prodigalitas, an  
 auaritia. longinquior certè fuerit auaritia: at-  
 qui à medio quæ magis absunt, magis opposi-  
 ta existimantur: è re itaque ipsa defectum ma-  
 gis opponi apparet. Est etiam & aliter uiderè.  
 ut ad quæ mentem magis pronam habemus, ea  
 medio sint magis contraria. uelut ad intempe-  
 rantiam nati sumus proniores, quàm ad decus  
 capeſſendum. quomobrem si additamentum  
 potius ad ea fiat, ad quæ sumus proniores, ad  
 quæ sit additamentum, ea sunt magis contra-  
 ria: atqui proniores ad intemperantiam sumus,  
 quàm ad decus capeſſendum: magis ergo ex-  
 cessus medietati contrarius: intemperantia si-  
 quidem intemperantiæ est excessus. Quid de-  
 mum sit uirtus, hinc nobis liceret intueri. me-  
 dietas siquidem affectuum quædam esse uide-  
 tur. Proinde qui uelit moribus comprobari, ei  
 affectuum medietas est quæuis constituenda.  
 Et perinde probum esse operosum atque diffi-  
 cile est: quandoquidem in vnoquoq; medium  
 capere operosum est. uelut circulum describere  
 cuius obuium est: at in ipso medium capere,  
 arduum.

*Affectuum  
 medietas  
 uirtus est.*

arduum. itidem & excandescere quidem facile,  
nec non contrarium hic : at mediocriter habere,  
arduum. In totum autem iniqua uis perturbatione  
est uidere, quod medium ambias esse facile,  
medium verò unde laudemur, arduū. ideo  
etiam rarò probus.

*Probos & malos esse in nobis existere : ubi redarguitur.  
Socrates, aliter opinatus. Cap. X.*

**Q**UONIAM de uirtute dictum est, deinceps  
fuerit considerādū, possit ea adesse nobis  
necne. Verūm quemadmodum Socrates  
dixit, in nobis non est probos uel malos esse.  
quandoquidem si quis roget quemuis, uel ini-  
ustus esse, an iniustus, nemo delegerit iniu-  
sticiam. itidem de fortitudine & timiditate, re-  
liquisque uirtutibus semper eodem modo. inde  
non dubium, quin si mali sint aliqui, non spon-  
tanei sint mali, & perinde ne quidem probi.  
Hæc ratio neutrquam uera, nam cur demum  
legislator mala facere non permittit, at hone-  
sta & proba iubet? & in malis quidem mul-  
ctam infligit delinquentibus : in rebus autem  
honestis, nisi honesta peregerint. alioqui ini-  
quum fuerit, ubi in nobis non sit, hoc legum  
conditores facere. cæterum, ut uidetur, in no-  
bis est probos & improbos esse. Item laudes &  
uituperationes id quoque attestantur. uirtutem  
eaque laus, vitium autem uituperatio conse-  
quitur. atqui laus & uituperatio non inuitis  
attribuitur : manifestum igitur hoc modo in  
nostro arbitrio esse bona malaque facere. Col-  
lationem verò huiusmodi proferebant, volen-  
tes demonstrare vixionem nō esse, quid nanq;  
est,

## 286 Magnorum Moraliū

est, inquebant, quod agrotantes squalidos nemo uiuipera: At hoc minime uerum. tales namque reprehendimus, cum suæ agitudinis ipsos causam esse cognouerimus. Quodq; malè habent corpus, utpote id uoluntarium esse, apparet nimirum, in uitio & uirtute esse uoluntarium. Rursus hinc etiam potuerit quispiam euidentius intueri, quod omnis natura eius est essentia procreatrix, qualis ipsa est: ueluti stirpes, & animalia. nam utraque gignunt, ex principiisq; producant: ut arbor ex semine. id namq; principium est. Quod porro principia consequitur, ita habet. ut enim habuerint principia, ita quæ de principiis ortum ducunt. Perspicue autem licet hoc in Geometria magis intueri: ubi cum aliqua sumpseris principia, ut ea habuerint, ita etiam quæ ipsa consequuntur. uelut si triangulum duobus rectis æquales habet angulos, quadratum quoque quatuor angulis rectis habeat, necesse est. & si triangulum secus, ita etiam & quadratum commutabitur. ex altera parte enim ei respondet. & si quadratum quatuor angulis rectis æquales non habuerit angulos, ne quidem triangulum duobus rectis habebit æquales. Idem igitur atque consimiliter de homine quoque intelligendum. Nam cum sit homo progenitricis essentia, ex principiis quibusdam atque actionibus quibus efficit, homo progenerans est. Nam quid aliud? neque enim inanimatum aliquod efficere dicimus, neq; etiam animatorum citra hominem quicquam. manifestum igitur, actionum hominem esse progenitorem. Proinde quoniam actiones commutari intuemur, nec eadem unquam agimus, suntque actiones ex aliquibus progenitæ  
princi-

principiis, manifestum, quandoquidem actiones immutantur, etiam actionum immutari principia, à quibus sunt: quemadmodum collatione ostendimus geometrica. Atqui actionis tam bonæ quàm malæ principium est propositum & voluntas, & quicquid ad rationem tendit. Non dubium igitur, quin hæc quoque commutetur. sponte nanque actiones immutamus, & perinde etiam principium atque propositum. nam hæc sponte fit mutatio. Proinde non dubium, quin in nobis sit & probos & malos esse. Fortè hic *Dubium.* quispiam occurrerit. quandoquidem inest iustum probumque esse, ero si uoluerò omnium probissimus. Id fieri nullo modo potest. cur *Solutio.* nam quoniam non hoc in corpore gignitur. neque enim si quispiam voluerit corporis curam habere, omnium optimū habebit corpus. nam opus est non curam modò intendere, verum etiam natura honestum & bonum corpus esse. melius certè habebit corpus, non tamen esset omnium optimum. Idem de anima intelligendum est. neque enim iuxta propositum suum erit omnium probissimus, nisi etiam natura extiterit, melior quidem certè erit.

*De spontaneo, & tribus appetitus generibus.*

*Cap. XI.*

**Q**uoniam igitur probum esse in nobis apparet, consequens dictū necessarium videtur de spontaneo differere, quidnam sit spontaneum: ad uirtutem nanque capeSSendam dominantissimum est spontaneum. In totum verò dicendum est spontaneum, quod non coacti agimus, verum de hoc, magis adhuc perspicue differendum est. Nempe ad id quod agimus



## 288 Magnorum Moraliū

agimus, aliquis exurgit nobis appetitus. atque tres sunt appetitus species, cupiditas, furor, voluntas. Primum igitur actionem, quæ à cupiditate oritur, ducimus coniectandā, utroneane, an inuita sit: inuita neutiquam esse videri debet. cur ita, & vnde id? nempe quod quæcumque inuiti agimus, coacti faciamus necesse est. At qui ubi subest agentibus aliqua necessitas, agrimonia consequetur. verum ex cupiditate agentes voluptas comitatur. proinde hoc pacto non erit ex cupiditate agere quippiam inuitò animo, sed utroneo. Caterum ratio est alia, quæ ab incontinentia huic aduersatur. Nemo enim, inquiunt, sponte mala peragit, qui sciat mala esse: verum qui incontinens est, scit ea esse improba. agit tamen, ac ex cupiditate illectus agit: non ergo spontaneus: coactus ergo est. Hinc porro eadem nos oppugnabit oratio. nam si ex cupiditate, non ex necessitate: cupiditatē enim voluptas comes consequitur. sed quæ ex voluptate, non possis dicere ex necessitate. Alioquin non dubium est, quin incontinens sponte incontinentia agat: quandoquidem qui afficiunt iniuria, utro afficiunt iniuria: atqui incontinentes iniusti sunt, atque iniuria afficiunt: incontinens ergo in incontinentiam sponte delabitur.

*Socratica argumentatio, qua utroneum non esse dicitur.*  
*Cap. XII.*

**V**erum enimvero, inquiunt, ratio aduersatur, non esse utroneum. Contingens siquidem laudatur, quod sponte quæ ex continentia sunt agat, at laudatur in eis, quæ sponte sunt. quod si ex cupiditate utroneum est, quod cupidita-

piditati aduerfatur, inuitum erit. fed continens contra cupiditatem infurgit: continens ergo non fpontaneus fuerit continens: uerum hoc non uidetur: non ergo extra id quod ex cupiditate eft, uoluntarium. Rurſus idem eft in eis quæ ex furore, eadẽ nanque huius (quas de cupiditate diximus) rationes conueniunt, & perinde ambiguitatem faciunt. ira ſiquidem eft quod ad incontinentem continentemque pertinet. Reſtat ſpecies reſidua appetitum (ut in diſtributione poſuimus) uoluntas, ut an ſit ſpontanea, coniectemus. Atqui incontinentes, quatenus impelluntur, eadem uolunt. agunt igitur incontinentes mala, uolentes. ſponte nimirum nemo mala agit, ubi ſciat eſſe mala: neque incontinentes mala agit, uolens mala agere: non ergo ſpontaneus. Ne quidem igitur uoluntas eſt ſpontanea. Hac plane perimit oratio incontinentiam, & incontinentem. nam ſi non ſpontaneus, ne quidem uituperabilis at eſt uituperabilis incontinentes, ſpontaneus ergo. uoluntas igitur ſpontanea. Cum ſint itaque contrariæ quædam rationes, magis perſpicuæ, de ſpontaneo diſſerendum eſt.

De ui.

Cap. XIII.

**P**rius itaque de ui, & neceſſitate dicendum fuerit. Vis enim etiam in carentibus anima. ſingulis nanque inanimatis ſuus eſt locus attributus. igni quidem ſuprà, terræ autẽ infra: eſt nimirum uiolari, ſuſum lapidem ferri, ignem uerò deorſum. eſt etiam animal uiolari, ut equum recta uia decurrentem, præoccupatum uertere aliorſum. Quibuſcunque igitur

Ariſt. Magn. Moral.

t T exte-

## 290 Magnorum Moraliū

exterior est causa, aliquid contra naturam, aut præterquàm volunt faciendi. cogi, dicimus facere quæ faciunt. at quibus ipsis inest causa, hos nequaquam cogi dicimus. Neque incontinens negauerit se malum esse, verum à cupiditate

*Violenti* agendi mala se coactum. *Violenti* igitur hæc nobis erit definitio, quorum agendi causa à qua cogantur, fuerit externa, uis est. quorum autem interior ac in ipsis causa est, nequaquam uis.

*De necessitate.*

*Cap. XIII.*

**R**ursus de necessitate, necessarioque dicendum. Necessarium non omnino, neque in omni dicendū est. quemadmodū sunt quæcunque causa uoluptatis agimus. Nam si quispiam dicat se à uoluptate coactum, quod amici mulierem uitiarit, fuerit alienum. nec enim in omni necessarium est, sed in extrinsecus aduenientibus. ut si offendatur quispiam, à rerum necessitate coactus maius aliud quippiam deuītare. hoc modo in agrum properare coactus sum, nisi scdaturum uelim agrum inuenire. in huiusmodi itaque est necessarium.

*Spontaneum animi sententia esse: & quodupliciter inuitum dicitur.*

*Cap. XV.*

**A**t quoniam in nullo est impulsu spontaneum, reliquum est ut sit ex animi sententia. Inuitum enim est, quod ex necessitate, uique efficitur: & tertio loco, quod non sit ex animi sententia. quod plane ex his quæ fiunt, certū est Nam cum quis aliquem ceciderit, occideritue, aut eiusmodi aliquid effecerit; horū nihil prouidens,

præuidens, eum dicimus inuitum fecisse: quippe quòd ultroneum in animaduertendo esse facile deprehendatur. Velut olim mulierem aiunt, quandam poculum exhibuisse, cuidam amatorium, dein eo poculo hominem mortuum concidisse, eam uerò mulierem in Arcopagum per fugisse: quam præsentem non alia de causa liberarunt, quàm quòd non id præuidens effecisset, amatoris siquidē cupiditate obæcata, in eo fuerat hallucinata, & perinde neutiquam spontanea eius poculi amatorij uisa fuerat exhibitio: quandoquidem non ea mente dederat, ut perderet hominem. Inde igitur in id quod ex animi sententia fit, capit voluntarium.

*De proposito.*

*Cap. XVI.*

**R**eliquum præterea est, ut propositum delectumq; consideremus, sitne appetitus, nec ne. Appetitus nanque in cæteris quoq; gignitur animalibus: propositum uerò non. Siquidem cum ratione propositum est: at ratio nulli alij deputatur animali: non igitur fuerit appetitus. Verùm nunquid uoluntas? An ne id quidem? uoluntas nanque eorum etiam est, quæ fieri non possunt: uelut uolumus quidem esse immortales: at id nobis non proponimus, deligimusque. Rursus propositum finis non est, sed ad finem. sicut nemo proponit sanescere, sed quæ ad sanitatem tendunt proponimus, deambulando, cursitando. at fines uolumus. bene enim valere uolumus. Hinc certum est, non idem esse uoluntatem & propositum. Verùm ita habere uidetur propositum, ut eius est appellatio, ut hoc pro illo ponimus, atque deligi-

mus. sicut optimum pro deteriore, quod in nostra sit opinione & perinde deligi suū esse uideatur. Quod si horum nihil est propositum, nunquid quod ex animi sententia, id in proposito est? An ne id quidem. multa enim intelligimus & opinamur ex animi sententia. Nunquid igitur quæ intelligimus, ea etiam proponimus? an non? sæpe siquidem intelligimus de Indis, at nequaquam proponimus atque deligimus. non ergo mentis sententia propositum. quoniam igitur horum nihil est propositum: sunt quæ hæc animæ insita: aliquorum conuenientium coeuntiumque propositum esse necesse est. Quoniam igitur est, quemadmodum paulo antè memorauimus, bonorum ad finem tendentium delectus, atque propositum, non utique finis. Ac est eorum quæ in nostra potestate sunt, & eorum quæ nobis diuersam ingerant ratiocinationem. hocne, an hoc deligendum, non dubium quin prius opus sit ea ipsi intelligere, & in consilium uocare. Cumque nobis intelligentibus quod præstare uideatur, tum ad agendum aliquis, insurgat impulsus, id agendo, ex proposito agere ducimur. Quod si propositum appetitus quidam est in consilium deueniens cum animi sententia, non est spontaneum, quod deligibile. sponte enim agimus multa, antequam intelligamus atque consultemus. sicut sedendo, exurgendo, & id genus alia faciendo, sponte quidem, sed citra intelligentiam. Non ergo spontaneum deligibile, sed deligibile spontaneum. si quid enim agere consultantes proposuerimus, sponte agimus. Existunt uero ex conditoribus legum nonnulli, qui spontaneum & ex proposito definiant, planeque distinguant:

minoresq; spontaneis, quàm à proposito agen-  
tibus multas infligant. Est igitur propositum  
in eis quæ sub actionem cadunt, & eis ipsis, in  
quibus nostrum sit agere & non agere, & ita uel  
non ita, & in quibus propter quid est capere.  
Verum propter quod simplex non est. In Geo-  
metria siquidem cum quis dixerit quadratum  
quatuor rectis æquales habere, & percunctatur  
propter quid, occurrit, quia etiam triangulum  
duobus rectis æquales habet. in his igitur ex  
definitio principio sibi propter quid assumpse-  
runt. At in eis quæ sub actionem cadunt, in qui-  
bus est propositum, non ita. nullum siquidem  
ponitur definitum. sed si quis exquirat, cur hoc  
fecit? quoniam non erat aliter ut facerem: uel  
quoniam ita melius ex ipsis euenientibus (qua-  
liacunque apparuerint esse meliora) electus  
sumitur, & ob ea ipsa. quamobrem etiam in hu-  
iusmodi est consilium capere, ut expediat. At in  
scientijs nequaquam. nemo siquidem quemad-  
modum scribere opus sit nomen Archiclis, in it  
consilium: quia quo pacto scribendum nomen  
Archiclis; est iam definitum. Mendum igitur  
non intelligentia gignitur, sed in scribendi a-  
ctione positum; in quibus certè non est intel-  
ligentia error, ne de eis quidem initur consi-  
lium. sed in quibus iam ut expedit optimum est,  
inde mendum procreatur. Atqui in eis quæ sub  
actionem cadunt, optimum est: & in quibus du-  
plex mendum. Delinquimus igitur tam in eis  
quæ sub actionem cadunt, quàm ex uirtutibus.  
pariter enim uirtutem coniectantes, per agnata  
nobis itinera hallucinamur. est siquidem in de-  
fectu excessuq; hallucinatio. in horum utrum li-  
bet deferimus uoluptate & ægrimonia: quan-



doquidem ex uolūpate in mala delabimur, ut  
ex ægrimonia, honesta fugitamus.

*De animi sententia.*

*Cap. XVII.*

**R**isum autem est, non quemadmodum sen-  
sus, animi sententia: uelut uisu non pote-  
rit quicquam aliud quā uidere, non au-  
ditu aliud quā audire. itidem neque consulta-  
mus, nunquid audiendum auditu, an uidendum.  
at animi sententia nō huiusmodi, sed id & alia  
potest efficere. ob hoc ibi iam existit consultari.  
Est igitur in bonorum delectu, non in sine de-  
lictum. huic certē omnes astipulantur senten-  
tiæ, ut sanitatem esse bonum. uerū quæ ad fi-  
nē sunt, uelut expediātne sanitati hoc comesse,  
an non. Facit igitur plurimum in his ad hallu-  
cinandum uoluptas, & ægrimonia. hanc siqui-  
dem amplectimur, illam uerō fugimus.

*Cuiusnam rei uirtus coniectrix sit.*

*Cap. XVIII.*

**Q**uoniam igitur distribuimus, in quo &  
quomodo sit delictum, reliquū est ut  
intuemur cuiusnam rei sit uirtus conie-  
ctrix, finisne, an ad finem: uelut honestine, an ad  
honestū. Quo pacto scientia, utrum ædificatoris  
scientiæ finis, speciosi proponendi, an quæ ad fi-  
nem spectandi. nam si hoc, speciose propone-  
tur, sicut pulchram domum efficere. at quæ ad  
hoc, non alius quisquam inueniet neque exhibe-  
bit, quā ædificator. itidem in alijs quoque  
omnibus scientijs. Eodem modo igitur in uir-  
tute habere uidebitur, ut ad finem potius ipsius  
tendat consideratio. rectē nimirum proposuerit  
quæ

que ad finem sunt, & ex quibus finis constet. nec quisquam alius exhibebit inuenietque, quæ ad finem expediant. iureque hoc uirtus proposuerit, quibus in rebus optimi principium est unumquodque quod efficiat, & proponat. Nihil igitur uirtute melius est: quandoquidem huius causa etiam sunt alia, atque ad ipsam principium est. huius causa magis sunt quæ ad hoc. at finis principio alicui assimulatur, & eius causa est unum quoduis. uerum id erit modo aliquo. perinde certum ut etiam in uirtute, quandoquidem causa est optima, ipsam magis finis esse cōiectricem, quàm eorum quæ ad finem sunt. At qui uirtutis finis est honestum. honesti ergo magis coniectrix est uirtus, quàm ex quibus constet. sunt nempe hæc ipsius. At in uniuersum uideri potest alienum. quandoquidem in pictura si quispiam fortassis egregius fuerit imitator, nō tamen laudandus accedet, nisi optimam imitandi habuerit intentionē. Virtutis demum id omnino est sibi honestum proponere. Dixerit quispiam, Cur ita? num actionem meliorem esse dixerimus, quàm uirtutē ipsam: at nūc, non ex quo actio est, id uirtuti utpote honestius attribuimus, sed in quo non est actio? ita. Atqui nunc hoc dicimus, habitu actionem esse meliorem. Alij nanque probum inspicientes, ab actione dijudicant, quod non possint cuiuslibet quomodo habeat iudicare propositum: nam si foret singulorum nosse sententiā, qualis erga honestatem esset, etiam citra actionem probus esse uideri potuerat. Deniq; quoniam affectuum quasdam recēsuimus medietates, circa quos affectus uer sentur, hinc nobis dicendum est.

Dubium.

Solutio.

**C**um igitur sit fortitudo circa audaciam ac metum, considerandum fuerit circa cuiusmodi metus atq; audacias. Nunquid igitur si quispiam metuat ne rem disperdat suam, is timidus? sin circa hæc sit audax, fortis, an non? itidem si quis formidat solum, aut audeat, neq; meticulosum fatendum est esse metuentem, neq; fortem non metuentem. non igitur in eiusmodi metibus & audacijs fuerit fortitudo. At ne quidem in talibus, cuiusmodi si quis tonitrus & fulmina nō metuat, uel quiduis aliud supra hominem horrendum fuerit, non iam fortis, sed furens. In metibus itaque & audacijs humanis est fortitudo, in eis, inquam, quæ ceteri metuant, aut omnes in quibus qui audeat, fuerit fortis. His itaque definitis constituendum fuerit (quandoquidem multis in rebus fortes dici possunt) qualis sit fortis. Est enim ab experientia fortis aliquis, uelut milites. isti siquidem ab experientia didicerunt in huiusmodi loco, uel huiusmodi tempore, uel rebus ita habentibus, fieri non posse ut malum subeant. & perinde qui hæc nouerit, & ea de causa ingruentes hostes sustinuerit, non fortis. nam si horum nihil extiterit, non tolerauerit. Proinde ab experientia fortes dicendi non sunt. Neque Socrates rectè aiebat fortitudinem esse scientiam: quandoquidem ex consuetudine scientia capiens experientiam, efficitur scientia: at ab experientia tolerantes neutiquam fatemur, planeque negamus fortes esse: non igitur fortitudo fuerit scientia. Rursus sunt quoque fortes ab experientia

contra-

*Fortis non  
vere pluri-  
mis modis.*

contrario . inexperti siquidem eorum quæ eueniant, ab ea rerum nulla experientia sunt intrepidi, & ne hos quidem fortes esse dixerim. Sunt porro qui fortes à perturbationibus existimantur: velut amantes, aut lymphatici. at ne hos quidem fortes dicere oportet: quandoquidem si ab ipsis affectus auferatur, non erunt amplius fortes. fortem siquidem perpetuò fortem esse oportet. & perinde ne feræ quidem, vt sues, dici fortes possunt, quòd succumbant ingemantque percussæ, neque fortem ob perturbationem dicere conuenit. Est vicissim fortitudo alia, quæ ciuilis existimatur. velut si qui ciuium pudore offusi, tolerant pericula, vt fortes existimantur, quemadmodum verbi causa Homerus Hectora dicentem inducit.

*Polydamas uirorum me carpat in agmine primus.*

Ideo pugnandum esse existimat. At ne quidem hæc dicenda fortitudo, in istorum enim singulis eadem congruet definitio. quo nanque ablato non perdurat fortitudo, efficere fortem nō potest: vt si pudorem, unde fortis erat, abuleris. Sunt item & aliter fortes existimati ob spem, bonique expectationem, at ne hos quidem dicere fortes possis, quandoquidem tales ac in talibus fortes dicere, videbitur alienum. proinde in nullis huiusmodi fortitudo collocanda est. qualis igitur & quisnam fortis sit, hinc considerandum. Ac vt paucis absoluam, qui nulla iam supradicta causa fortis est, verum quod id honestum esse censeat, idque faciat, seu aliqua, seu nulla oblata fuerit occasio. Neque tamen proxus citra perturbationem impulsusque gignitur fortitudo: expedit verò impulsuum habere rationem, honesti causa, ad intrepidè periclitandum.

*Fortis verò  
quis dicatur.*

## 298 Magnorum Moraliū

randum. qui hoc modo, is erit fortis. & circa hæc fortitudo. Nec verò intrepidus esse oportet, ita ut cum forti fuerit occursum, in totum nihil metuatur. nec enim talis fortis, cui prorsus nihil est horrendum. ita namq; etiam lapis, & reliqua inanima fuerint fortia. Cæterum metuendum quidem, sed tolerandum. nam si nihil metuens toleret, neuiquam fortis. item (ut etiam paulo antè de metu atque periculo discimus) non omne, sed essentia quadam delectum intelligimus. Neq; item in fortuito, & quouis tempore: verum in quo & metus, & plura imminet pericula. nam si quis decimo post anno futurum non metuerit periculum, quoniam patet fortis? sunt enim, quod longè absint, fiducia pleni: qui si fuerint proximi, moriantur metu. Hæc denique fortitudo, & hic fortis.

*De temperantia, & temperante. Cap. XX.*

**T**emperantia est intemperantiæ & immobilitatis circa voluptates medietas. Nam temperantia, ac prorsus virtus omnis habitus est optimus. at optimus habitus optimi est: optimum verò inter excessum defectumque medium. quando quidem utrinque prominent vituperandi, tam excessu quam defectu. Proinde si optimum medium: & temperantia inter intemperantiam & immobilitatem est quædam medietas: horum itaque fuerit quadam medietas temperantia, quæ circa voluptates & agnomias versatur. Non tamen omnes, & quæ circa omnia. Neq; enim si quispiam picturæ aut statuarum, vel huiusmodi alterius oblectetur aspectu, erit iam intemperans, similiter ne quidem audiendo,

audiendo, aut olfaciando, sed in eis voluptatibus quæ in tactu sint & gustu. Neq; temperans circa eiusmodi, vt à nulla tali capiatur voluptate: nam tum incommobilis, planeq; sensu carens fuerit: verum qui oblectetur, & non agatur in ipsorum excessum, ita fruens, ne quid faciat operosum: totusq; agendo ab honestate pendeat, non agendo quicquam nisi modeste. nam quicumque ab excessu talium voluptatum abstinuerit, vel metus, vel cuiuspiã alterius rei causa, temperans non est. Neq; enim cætera animalia, præter hominem, dicimus temperantia, quod ab ipsis ratio absit, qua honestum deligimus. omnis siquidem virtus honesti est, & ad honestum tendit. Proinde erit temperantia circa voluptates, & zgrimonias, easq; in tactu gustuque progenitas. Demum consequens est, vt de mansuetudine dicamus, & quid, & in quibus sit.

*De mansuetudine, & mansueto. Cap. XXI.*

**M**ansuetudo igitur est inter iracundiam & iracundiæ cessationem. In totamq; existimatur virtutes medietates esse. Quod autem sint medietates, hinc facile quis dixerit. Nam si quod optimū, in medietate est collocatum: estq; virtus habitus optimus, atq; optimū est virtus: ergo sit medium necesse est. Quod sane certum, singula considerantibus. Nam quia iracundus est, qui vsquequaq; & plurimum excandescit, ac eiusmodi sub reprehensionem cadens, nec decet vsquequaq; excandescere omnibus, & omnino semper: neque contra ita habere, vt cuiquam nunquā, is namq; incommobilis sub reprehensione cadit. Cum igitur tam

is qui



## 300 Magnorum Moraliū

is qui ad excessum, quā qui ad defectum peruenit, sub reprehensionem cadat: qui horum medius fuerit, mansuetus ac laudabilis. Neque enim ab ira deficiens, neque item excedens in ipsa, laudabilis, sed qui mediocriter in his habet, is mansuetus: harumque perturbationum medietas mansuetudo.

*De liberalitate, liberali, & eorum extremis: ac de plurimis auaritiæ speciebus. Cap. XXII.*

**L**iberalitas autem est inter prodigalitatem & auaritiā medietas collocata, versantur autem huiusmodi perturbationes circa pecunias. Prodigus nanque est, qui ubi non decet impendit, & plura quā deceat, & cum minimè decet. At auarus, ei contrarius, nō impendit ubi decet, & quātum decuerit, & quando decuerit. Vtrique sub reprehensionem cadunt: vnus quidem deficiendo, alter verò excedendo. Liberalis ergo quandoquidem laudabilis est, mediū inter hos tenet locum. quīnam demum? nempe qui ubi decet, & quantum decet impendit. Sunt autem plures auaritiæ species: sicut eorum quos nugiuendulos appellamus, cuminiq; emptores, nec non turpilucris, & paruiloqui, qui omnes auaritiæ succumbunt. Malum nanq; multiplex, at bonum solistimum. Quemadmodum sanitas quidē simplex, sed multiformis morbus: itidem virtus simplex, cū sit vitium tamen multiforme, cūcti si liquidē memorati, Job pecuniam, sub vituperationem cadunt. Vtrum igitur liberalis est pecuniam nancisci, & cōparare, an non? neq; enim vllius alterius est virtutis. Nam neq; fortitudinis est arma fabricare, sed alterius; verū ipsius

ipſius eſt accipere, eiſq; rectè vti. Idem de tem-  
perantia, cæteriſq; dicendum, at ne quidem li-  
beralitatis, ſed pecuniam incutientis.

*De magnanimitate, magnanimo, & eorum ex-  
tremis. Cap. XXIII.*

**M**agnanimitas eſt inſolentiæ & puſillani-  
mitatis medietas, & circa honorem in-  
honorantiamque verſatur: & honorem  
quidem non à multis, ſed à probis attributum,  
qui ei præcipuè conueniat. Probi nanque periti  
iudices rectè honorabunt. Honorari itaque ſe,  
qui dignus honore fuerit, potius volet ab his,  
qui ipſum cognouerint. neq; enim de omni ho-  
nore fuerit, ſed optimo magnanimitas, honora-  
bile bonum, & ordinem obtinens principatus.  
Iure igitur deſpecti & improbi, magnis rebus ſe  
dignos opinati, ac ſubinde honorandos, dicun-  
tur inſolentes: qui verò ſeſe ſummittunt, & ma-  
gis quàm par eſt abiiciunt, puſillanimi. Horum  
igitur medius, qui non ſe ita abiicit, vt minore  
quàm ſit par honore velit honeſtari, neque rur-  
ſum maiore quàm deceat, neque omni, is de-  
mum eſt magnanimus. Et proinde certum eſt,  
magnanimitatem eſſe inſolentiæ & puſillani-  
mitatis medietatem.

*De magnificentia, & magnanimo & eorum ex-  
tremis. Cap. XXIII.*

**M**agnificencia eſt iactationis & vilitatis  
medietas: verſatur autem magnificentia  
circa ſumptus, quos magnificum facere  
par eſt. Quicumq; igitur, vbi nō expedit, ſumptū  
facit, glorioſus iactabundusq; eſt, vt ſi quis ſo-  
dales ita epulo accipiat, ac ſi nuptias faciat, is  
glorioſus,

gloriosus. talis nanq; est, qui quo tempore nō expedit, suam indicat affluentiam Huic contrarius est vilis, qui vbi oportet, magnificē nō impendit, nec facit vt nuptiarum dignitas expostulat sumptum, sed ibi deest, is nimirum vilis. At magnificentia vel ex ipso nomine nobis potest qualis sit innotescere: opportuno nanq; tempore magnificē factum rectē magnificentiz nomen assequetur. Magnificentia igitur fuerit, quandoquidē laudabilis est inter excessum defectūq; circa sumptus idoneos quzdam medietas. Sunt & nonnulli plures magnificentiz existimata: velut dicentibus, magnificē sese infert, & huiusmodi aliz magnificentiz, nō propriæ, sed à translatione nomen inuenientes. Nec enim in illis magnificentia, sed in eis quæ diximus.

*De indignatione, indignabundo, & eorum extremis.*  
*Cap. XXV.*

**I**ndignatio est inuidentiæ & maleuolentiæ medietas. ambæ enim ista sub vituperationem cadunt, at indignabundus laudabilis. Est autem indignatio, quzdam ægritonia de bonis, quæ indigno alicui aliquo pacto euenerunt. Indignabundus, qui in huiusmodi tristatur, idemque rursus tristetur, si quem viderit indignè malis affictatum, ac demum indignatio, & indignabundus talis. Cui contrarius est inuidens, quippe qui tristabitur, cum quempiam prorsus, siue dignum siue indignum bene agere viderit, cui similiter maleuolus par est, quippe qui lætatur, quod quis male agat, siue dignus, siue indignus sit. Nec indignabundus eiusmodi: verum inter hos medius.

*De gravitate, gravi, & eorum extremis.*

*Cap. XXVI.*

**G**rauitas est inter morositatem & delectationem mediū, quę circa conuersationes.

Morosus nanque est eiusmodi, vt nullius conuersatione aut colloquio capiatur, sed (vt nomen ipsius indicat) à suo more. nam morosus quasi aliorum mores improbens, sibiq; placens, est nominatus. Delectator autem talis, vt omnium velit habere conuersationem, & omnino, & omnifariam: horū neuter laudabilis. At grauis in medio istorum laudabilis. neq; enim erga omnes, sed erga meritos: non erga neminem, sed erga hos ipsos consuescit.

*De verecundia, verecundo, & eorum extremis.*

*Cap. XXVII.*

**V**erecundia est inter impudentiam & stuporē medietas, in actionibus colloquiisque constituta. Impudens est, qui vbique, & in omnes loquitur, & omnia vtcunq; euenerint. At stupidus seu attonitus, huic contrarius, & cunctos veritus, tam agendo quàm dicendo. solertiz enim expertus talis est, qui in cunctis obstupescit. At verecundia & verecundus inter hæc medium tenet locum. neque enim cuncta, & omnino (vt impudens) & dicere & agit: neque porro (vt attonitus) in omni & omnino trepidabit: verum ager loqueturq; ubi, & quę, & quando expediat.

*De urbanitate, urbano, & eorum extremis.*

*Cap. XXVIII.*

**U**rbanitas est scurrilitatis & rusticitatis medietas: in salibusq; committitur. Scurrax siquidem

### 324 Magnorum Moraliū

siquidem est, qui cuncta, & omnino incessendum esse existimat. Rusticus verò, qui neq; incessere vult, neque rectè incessum iri existimat, sed exandescit. Urbanus, qui inter hos medius, neq; omnes, neq; omnino incessens, neq; item ipse agrestis, ac durus. At erit duobus ferè modis urbanus. nam & moderatè incessere percaluerit, & aliorum iaculationem tolerabit. Ita nimirum urbanus atque urbanitas.

*De amicitia, amico, & eorum extremis.*

*Cap. XXIX.*

**A**micitia inter assentionē & inimicitiam medietas, in actione sermoneq; versatur. Assentator nanque est, qui plura quàm sibi par, adfintq; cuiquam, arrogat. At infensus, inimicus, qui derogat etiā quæ adsunt, quorū neus ter iure laudandus accedit. Inter quos medius est amicus, quippe qui nec plura præsentiū cuiquam astruit, neq; quæ minimè conueniant laudauerit, neque contrariò imminuet. neque omnino aduersabitur, præterquàm existimetur tribuendum. Huiusmodi igitur est amicus.

*De veritate, vero, & eorum extremis.*

*Cap. XXX.*

**V**eritas inter dissimulationem & iactationem in oratione versatur, non omnī. Gloriosus nimirū est, qui plura quàm adfint sibi arrogat, aut scire fingit quæ non nouerit. Huic cōtrarius dissimulator, pauciora & minora esse sua simulans: quæq; nouit diffitetur, occultatq; quæ cognoscit. Neutrum horū facit verus. neq; n. plura, neq; pauciora quàm quæ sibi affuerint, confinger: sed ea dēum & esse sibi scire dicet, quæ teneat. Sint deniq; hæ ipsæ virtutes,



utes, an secus, alia fuerit cōsideratio. At q̄ me-  
dierates iam memoratorum, hinc certum est, q̄  
qui ad hęc viuunt, laudibus exornantur.

*De iustitia, & iusto, & eorum oppositis.*

*Cap XXXI.*

**C**onsequitur, vt iā de iustitia dicamus, quid  
sit, & in quibus, & circa quæ: si prius tamē,  
quid sit iustum exposuerimus. Et sanē  
iustum duplex, unum quidem ex lege: iusta si-  
quidem perhibent, quæ lex iubet, at lex fortia & *Iustum duo*  
temperata nos facere iubet. prorsusque cuncta *plex.*  
quæ ex virtutibus ducuntur. Et perinde iusti-  
tiam, perfectam quandam esse uirtutem dicunt.  
nam si iusta sunt quæ lex facere præscribit: lex  
autē, quæ ex omnibus uirtutibus sunt mandata;  
qui igitur ex lege iustis obtemperat, perfectam  
nāciscitur probitatem, proinde iustus & iusti-  
tia, uirtus quædam perfecta est, vnum itaque  
quoddam iustum in his, & circa hęc. Verum  
enimvero non id iustum, neque circa hęc per-  
uestigamus iustitiam: hoc namque modo iusta,  
quatenus per sese à iusto sunt. nam temperās &  
fortis & cōtinēs, per sese est eiusmodi. Sed iustū  
indagamus, quod ad alterū refertur, aliud sanē  
quàm quod dictū est ex lege iustū: nam non est  
per sese esse iustū, quod in aduersus alterū iustis  
cōperitur, id nimirum est, quod querimus iustū,  
ac circa hoc iustitiam. Quod agitur in alterum  
iustum (vt paucis absoluā) æquale est: nam iniu-  
stum inæquale. cū enim bonorum maiora sibi  
asciuerint, malorū uerò minora aduiderint, id  
inæquale. & hoc modo iniustū, & efficere iniuria  
opinamur. Non dubiū igitur, cū sit iniuria in  
rebus inæqualibus, quin iustitia & iustum in for-

Arist. Magn Moral.

V V derum



derum æqualitate collocetur. Proinde certum est iustitiam medietatem quandam esse inter excessum atq; defectum, & multum & paucum. Cum enim iniustus afficiendo iniuria plus habet, & affectus iniuria in afficiendo iniuria minus, tum horum medium iustum fuerit, atqui medium æquale est: ergo æquale pluris & paucioris fuerit iustum, iustusq; qui æquale volet, sed æquale in duobus saltem conficitur: ergo in alterum æquale esse, iustum est, talis demū fuerit iustus. Cum igitur iustitia in iusto & in æquali, & in medietate: iustum quidem, in quibusdā iustum dicatur, æquale verò in quibusdā æquale, nec non medium in quibusdā medium: erit iustitia & iustum erga quosdam, & in quibusdā. Quoniam igitur iustum æquale est, & huic proportionale, æquale iustum fuerit. Atqui proportionale in quatuor nihilominus perficitur, nam quemadmodum A ad B, ita C ad D. Sicut proportionale est. ut qui multa possideat, proferat multa: ita qui pauca possideat, pauca proferat. rursus eodem modo qui plurimum allaboret, plurima capiat: qui verò parum labore; parum capiat, ut autem laborans ad non laborantem habuerit, ita plurima ad pauca: ut verò laborans ad plurima, ita nō laborans ad pauca. Visus sanè est in libris de Republ. Plato uti eiusmodi de iusto proportionem. Agricola enim (inquit) cibū parat, ædificator verò domū, ut textor vestem, ita calceolarius calceū: agricola igitur ædificatori cibum suggerit, & ædificator agricolæ domum. Ita & eodem modo ceteri omnes habent, & perinde quæ apud se, permutant in ea quæ apud alios, est nanque huiusmodi proportio: nam ut agricola calceolario & textori, etiā

aliis omnibus eadē inuicem inter ipsos est proportio, quæ cōtinet totam Rempubl. atq; comprehendit: ut liceat nobis intueri iustum proportionale esse, siquidem continet iustum Respub. idemque est iustū quod proportionale. At quoniam ædificator suo opere plura meretur quàm calceolarius præstet, difficile quoque est rependi contrā à calceolario aduersus ædificatorem, neque enim pro calceis par fuerit domum capere: hinc iam censuerunt, quo hæc omnia venalia sint, argento uti, quod numisma uocant, *Numisma* ut pro dignitate cuiuslibet fiat inter ipsos inuicem contrahentes permutatio, quæ ciuilem communicationem contineat. Cum igitur in his & quæ proximè dicta sunt, iustum sit, erit iustitia circa hæc cum delectu ex habitu impulsus nata. Est uerò etiam iustum ex altera parte respondens, non tamen ut aiebant Pythagorici: rati nanque illi sunt iustum esse, ubi quæ quis effecisset, eandem essent talionis uice ferenda, quod erga omnes non est idem. Neque enim iustum eadem seruo aduersus ingenuum ferre: quandoquidem si seruus ingenuum ceciderit, iustum non sit ex altera parte tantum cædi, sed impensius, iustumque est in proportionem contra respondendi. nam quemadmodum ingenuus aduersus seruum melius habet, ita respondere factis aduersum qui fecerit. Itidem etiam ingenuo aduersus ingenuum erit. nec enim iustum est, ut qui oculum eruerit, ei tantum talionis pœna infligatur, sed multò plura ferat proportionis consecutione, quandoquidem & cœpit prior, & affecit iniuria. Atqui utrinque illata iniuria est, & perinde proportionale est ut ob iniurias etiam plura ferat,

*De quo iusto sit discrepatio.*

quā fecerit, id iusti exigit ratio. Verū quoniam multis modis iustum dicitur, definiendum fuerit de quonam demum iusto sit nobis discrepatio. Est nimirum (ut perhibent) iustum seruo aduersus dominum, & filio aduersus patrem, in quibus equiuoco nomine iustum civile dici uidebatur. Est nanque iustum (de quo nūc loquimur) ciuile iustum, id propemodum in ipsa æqualitate positum: communicantes namque ciuiles nonnulli, natura quidem consimiles esse uolunt, alij uerò more. At filio erga patrem, & seruo erga dominum, ius ullum non esse uidebitur: neque enim puero meo aduersum me, neque manui, neq; itidem alicui membro: similiter igitur habere uidebitur & filius erga patrem. nam quemadmodum membrum patris est filius, nisi iam uilem induerit aetatem, qua ab ipso separetur: tum enim in similitudine & æqualitate est patri, sed ciuibus huiusmodi esse licet. eadem de causa, ne quidem uernæ erga dominum, est iustum. domini namque quiddam est uernæ: cæterum si modo ei iustum sit aliquod, id iustum erga ipsum fuerit domesticum, quod in præsentia minime indagamus, sed ciuile, siquidem in similitudine & æqualitate ciuile iustum uideri debet. Præterea in mulieris & uiri communicatione iustum est, ferè quod ciuile iustum. deterius namque est mulier uiro, sed quiddam magis domesticum, & quodammodo magis æqualitatis particeps, & perinde ipsorum uita communicationis ferè ciuilis est: proinde iustum etiam mulieri erga uirum præcipuum quodammodo iam præ alijs ciuile est. Quoniam igitur iustum est, quod in ciuili communicatione positum, tam iustitia,

tia, quàm iustus: circa ciuile iustum erit? Sed  
 iustorum quædam natura, quædam lege sunt?  
 Verùm arbitrari ita oportet, ne putemus hunc  
 quam excidere quæ natura sunt, quæ sanè etiã  
 mutationem subeunt; ut, inquam, si iaculãri  
 omnes semper sinistra annitatur, euademus  
 scæuæ, atqui à natura sinistra est: at dextra mi-  
 nus nihilo à natura potiora sunt sinistris, tamer  
 si cuncta sinistra, sicut & dextra facimus, neque  
 quod intercitant, ob hoc à natura non sunt, ve-  
 rum si ut plurimum diutiusq; ita permaneant,  
 & sinistra est sinistra, & dextra dextra, id quod  
 à natura est. Idẽ in à natura iustis, si nostro vsu  
 immutetur, ob hoc non à natura iusta non fue-  
 rint, imò equidem fuerint. nam quod vt pluri-  
 mum perdurat, id propalam iustum à natura  
 est: quod verò nos constituamus, legeque sci-  
 scamus, id certè iustum atque etiã ex lege iu-  
 stum nuncupamus. præstat igitur iustum quod  
 à natura est, illi quod ex lege. Cæterum quod  
 indagamus, iustum ciuile est; atqui ciuile, non  
 natura, sed lege est. Sed iniustum & iniuria,  
 neutiquam idem prorsus ducendum est, si qui-  
 dem iniustum lege definitur: ueluti deposito  
 quemquam fraudare, iniustum sit: at iniuria,  
 ubi iniuste aliquid perpetratur. Itidem porro  
 iustum, ac (vt ita loquar) iustificatio, non est  
 idem: nam iustum lege definitum est, cum sit  
 iustificatio, iusta causa faciendi. Quando igitur  
 iustum, & quando non? nempe (v paucis ab-  
 soluam) cum dedita opera & sponte quis per-  
 egerit (quid sponte sit, paulò antè nobis dictum  
 est) & quando cõsultò, & in quem, & cui, & qua  
 de causa, is iusta peragit. It dem ac similiter erit  
 etiã iniustus, qui cõsultò, & in quem, & cui,

### 310 Magnorum Moraliū

& cuius causa deliquerit. At cū horū nihil consultò, iniusti tamen quippiam commiserit, tum demum iniustus non est, sed infortunatus. Nam si patrem occiderit, se hostem ratus occidere, iniustum quidem commisit: & cū neminem affecerit iniuria, egit tamen infeliciter. Quoniam igitur non afficere iniuria, ubi iniusta peragantur, id est, in ignorando positum, hoc paulo antè disseruimus, cū neutiquam consulto quenquam offendit, neque cui, neq; qua de causa factum est, definienda quoq;

*Quo pacto  
non afficit  
iniuria qui  
ex ignoran-  
tia laedit.*

videtur ignorantia: quoniam pacto per ignorantiam quem laedit, non afficit iniuria. Sic nimirum hæc diffinitio. Quandocunque perpetrandi aliquid absoluta fuerit ignorantia, id non fit consultò, & perinde ne quidem afficit iniuria. At cū ipse suæ causa fuerit ignorantia, perpetravitq; quippiam ex ignorantia, cuius ipse extiterit causa, is planè afficit iniuria, ac eiusmodi iure criminis arguetur: uelut in ebriis euenit. uino nanque merfi, si quid mali perpetrarint: sine controuersia afferunt iniuriam: quandoquidem ipsi sibi eius ignorantia causa extiterunt, par enim fuit, ne tantum proluerentur, ut ignorantes cæderent patrem. Idè in aliis est ignorantibus, quæ ex ipsis gignuntur facientibus: ut qui per ipsas inferant iniuriam, sint iniusti. Quorum autem non ipsi sunt causa, sed ignorantia, ut delinquant, neutiquam iniusti. est enim uero eiusmodi ignorantia naturalis, uelut nescii infantes patres cædunt. Hæc nimirum naturalis inscitia nō facit, ut ab actione infantes dicantur iniusti. ipsa siquidem hæc faciendi causa, est inscitia: neque ipsi suæ sunt causa inscitia: ideo ne quidem iniusti dicuntur.



tnr. Verùm de ferenda iniuria vt dicam, vtrum  
 qui afficitur iniuria sponte afficitur, an non?  
 iusta nanque & iniusta sponte agimus. At non  
 sponte afficimur iniuria. cruciatus siquidem de-  
 uitamus. & perinde non dubium, quin nō spon-  
 te afficiamur iniuria, quòd vltro nemo lædi suf-  
 ferat. Nam afficit iniuria, nōne est offendi? est  
 ita. Ceterum sunt quibus licuit equale assequi,  
 idque alijs concedunt: quòd si æquale conse-  
 qui iustum fuit, & minus habere iniuria affici,  
 sponteque minus habet: sponte ergo, ait, quis  
 afficitur iniuria. Verùm manifestum hinc por-  
 ro est, quod ne sponte quidem. Nam cuncti qui  
 minus consequuntur, illius vice nanciscuntur  
 aut honorem, aut laudem, aut gloriam, aut  
 amicitiam, aut aliud id genus. Verùm qui vicem  
 alicuius subit, cuique rependitur pro eo quod  
 amittit, neutiquam afficitur iniuria. quòd si in-  
 iuria non afficitur, ne quidem sponte ergo. Rur-  
 sus, qui minus assequuntur, & quatenus equale  
 non accipiunt, affecti iniuria, iidem nobilitati,  
 & exornati hac de causa euadunt, quod dicant  
 æquale mihi capere licuit, at nolui. cessi equi-  
 dem seniori, aut amico. Atqui affectus iniuria  
 exornatur nemo. quòd si in illarum iniurijs nulla  
 exornatio est, & in his exornantur deiecti, hoc  
 modo prorsus affecti non fuerint iniuria. quòd  
 si iniuriæ non subiiciunt, ne quidem sponte assi-  
 ciuntur iniuria. Interim in huiusmodi oratione  
 controversari videmur incōtinentibus. quan-  
 doquidem incontinens nequiter agendo, se  
 offendit, idq; sponte facit. consulto igitur sese  
 ipse lædit. proinde sponte ipse à sese afficitur  
 iniuria. Ceterum hic proposita definitio hanc  
 præpedit rationem. Est autem definitio, nemi-



### 312 Magnorum Moraliū

nem velle affici iniuria. At incontinens, volens incontinenter agit. proinde si ipse se afficit iniuria: vult ergo mala sibi inligere. Atqui vult nemo affici iniuria: proinde ne incontinens quidem ipse sese sponte affecerit iniuria.

*An accidat, ut sibi quisquam inferat iniuriam.*

Ceterum hinc fortassis ambigat quispiam, nūquid accidat, ut sibi quisquam inferat iniuriā. in Incontinentem siquidem iniectā consideratione videatur contingere, hoc nempe modo, si quæ agenda lex iubet, ea sunt iusta: qui non agit ea, iniuste facit, ac si erga quem agendum iubeat, neutiquā erga eundem id egerit, ipsum afficit iniuria. Lex certe temperantem esse iubet, rem suam non oblimare, corpus procurare, ac id genus alia, qui ergo hæc nō peragit, se afficit iniuria: quandoquidem ergo alium neminem, talium est affectio iniuriarum. Atqui hæc nunquam vera extiterint, ut contingar se quempiam afficere iniuria. Contingere enim qui potest, ut eodem tempore plus quispiam habeat & minus, ut simul sponte & inuito agat quicquam. siquidem qui afficit iniuria, quatenus afficit, plus admittit: iniuria affectus, quatenus afficitur, minus. quod si ipse sibi infert iniuriam, contigerit ut per idem tempus plus idem habeat, & minus. verū hoc fieri non potest: non ergo se quispiam affecerit iniuria. Rursus qui afficit iniuria, spōte facit iniuriam, at affectus iniuria, inuitus fert iniuriam. proinde si contingat se quempiam afficere iniuria, contigerit simul & inuito & sponte quicquam agere. id autem fieri non potest: ne quidem igitur ita contigerit, sibi quenquam inferre iniuriam. Rursus si cōsiderauerit quispiam particulares iniurias, nemo sit qui non faciat iniuriam:

riam:

riam : aut deposito fraudando , aut adulterium  
 committendo , aut furando , aut aliquod eius-  
 modi iniuriæ genus particulatim admittendo .  
 nec tamen quispiam se vnquam deposito frau-  
 dauit , neque suam adulterio vitiauit vxorem ,  
 neque sibi furatus est . quod si in huiusmodi est  
 afficere iniuria , neque contingit horum quic-  
 quam aduersum se facere iniuriam : Sin secus ,  
 ea non fuerit ciuilis iniuria , sed domus admini-  
 strationis , planeq; familiaris . anima si quidē  
 in plures distributa partes , nam habet suam  
 quidem detēriorem , alteram verò meliorem .  
 Proinde si quid in anima procectur iniuria-  
 rum , id partium aduersum se inuicem est . Fa-  
 miliarem porro iniuriam distribuimus in dete-  
 riorem ac meliorem , vt fiat aduersum se iustū ,  
 & iniustum . verū id nos non coniectamus ,  
 sed ciuile . & perinde id genus iniurijs , quas  
 nos demum peruestigamus , neutiquam contin-  
 git vt se quisquam afficiat iniuria . At insuper  
 vter afficit iniuria , & in vtro iniuria uest ? in eō-  
 ne , qui vtcunq; iniuste possideat , an iudicante  
 atq; distribuyente , veluti in certaminibus ? eni-  
 uero qui præmium à præside atq; hac iudicante  
 accepit , non ipse facit iniuria , tametsi ei iniuste  
 tributum est . Sed qui tulit iudicium , maleque  
 attribuit , is affecit iniuria . Estq; vbi idem affi-  
 ciat iniuria , & vbi non . nam quatenus ve-  
 re , & vt iusti natura postulabat , non  
 iudicauit , eatenus affecit iniuria .  
 quatenus verò eidem iustum  
 esse visum est , neuti-  
 quam affe-  
 cit iniu-  
 ria .

*De duplici animæ rationalis partibus : & quo  
pacto à se inuicem distinguantur.*

*Cap. XXXII.*

**Q**uoniam autem de virtutibus, & quæ sint,  
& in quibus, & circa quæ, iam dictum est,  
de singulisq; , quemadmodum si recta  
agamus ratione, sit optimum: ita nimirum  
ex recta ratione agere dicendo, est. vt si quis  
dixerit. sanitatem fieri optimam, salubria ex-  
hibendo, id vtique minus apertum, & perin-  
de aperito mihi quæ sint salubria. idem valet  
in ratione, & tam quid sit ratio, quàm quæ sit  
recta ratio nosse: fermè fuerit necessarium, pri-  
mum in quo ratio gignitur considerare. Paucis  
equidem de anima antea locuti, diximus ani-  
mæ partem esse, quæ habeat rationem. Ea, in-  
quam, pars vna animæ habens rationem, in  
duas est partes distributa. quarum vna quidem  
consultatrix, altera autem scientiæ indagatrix,  
quæ quòd inter se inuicè distinguantur, ex sub-  
iectis facillè fuerit intueri. Nam quemadmodū  
inter se inuicem differunt colores, & succus, &  
sonus, & odor, itidem alios ipsis sensus natura  
accommodauit. sonum nanq; auditu, succum  
gustu cognoscimus, & colorem visu: similiter  
cætera eodem modo expedit coniectare. Quòd  
porro alia sint subiecta, alias quoque esse ani-  
mæ partes manifestum est, quibus illa cogno-  
scimus: aliud siquidem intellectile est, & sensi-  
le aliud. atqui subiecta illa, anima apprehendi-  
mus: alia ergo pars fuerit quæ circa sensilia,  
& alia quæ circa intellectilia. consultatrix au-  
tem circa sensilia in motuq; versatur, atq; prorsus  
circa omnia quæ in ortu interituque sunt.

nam

nam consultamus de eis quæ in nostra sunt potestate, agendi ac non agendi delectu, circa quæ consilium ac propositum est agendi. hæc nimirum sensilia, in motuq; ad permutandum, proinde pars animæ ex ratione propositrix atque delectrix, sensilis.

*De veritate, & in quibus ipsam coniectamus.*

*Cap. XXXIII.*

**H**Is itaque definitis, deinceps de veritate dicendum fuerit: quoniam de ipsa nobis est sermo: utq; verū habeat coniectemus. Est profectò scientia, prudentia, mens, sapientia, existimatio. & circa igitur aliquid unumquodque istorum est. Scientia igitur est circa *Scientia.* id, quod sub scientiam cadit: quod cum demonstratione ac ratione est explicatum. Prudentia uerò, circa ea quæ sub actionem cadunt, *Prudentia.* in quibus delectus, euitatioque, & in nobis agere ac non agere est. Nimirum facientium & agentium non idem factile & actile. nam factilium, præter facturam, finis superest alius, sicut domificatiuæ præter ædificationem (cū sit domus effectrix) ipsius finis, præter facturam, domus est. itidem in opificina (ita enim nobis libet appellare quam tectonicam Græci vocant) alijsque facturis. At in eis quæ sub actionem cadunt (practica vocant Græci) præter actionem, nullus est alius finis. ut præter citharæ modulatum finis non est alius: sed id est finis, exercitium & actio. circa actionem itaque, & quæ in agendo posita sunt prudentia. Circa facturam, & quæ in faciendo posita sunt, *Arts.* ars: siquidem in faciendo potius quàm agendo, est artem exercere. proinde fuerit prudentia,

# 1316 Magnorum Moraliū

prudētia, deligendi & agendi, quā in nostrā sunt potestate, habitus, tendente ad commodū ipsa quoq; actione. Prudētia autem uirtus est, non ( ut facile est intueri ) scientia. laudandi siquidem sunt prudētes: at laus uirtutis. Item scientiā quidem omnis uirtus est. Ac prudētiā uirtus non est: sed ut apparet, id ipsum quiddam uirtus est. Mens porio est circa principia intellectuū: scientia enim eorum quę sunt cum demonstratiōe. atqui principia sunt indemonstrabilia: & perinde non circa principia scientia est, sed mens. Sapientia porio ex scientia menteque constituitur. est nanque sapientia circa principia, ipsa quoque mentis particeps. At quatenus circa ea quę post principia sunt cum demonstratiōe, sciētię est particeps. & perinde nō dubium, quin sapientia ex mente scientiaque confletur. Proinde circa ea uersabitur, circa quā mens atque scientia. Existimatio est, qua in omnibus ferimur anticipites,

*Mens.*

*Sapientia.*

*Dubitatiois solutio.*

eāne ita, an secus. Sed utrum prudētia & sapientia idem est, an non? Sapientia enim est circa ea quę cum demonstratiōe quęq; semper ita habent: prudētia non de talibus, sed de his quę sunt in permutatiōe. quemadmodum rectum inflexumve, & cauum, & talia quę sunt eiusmodi. At conferētia eo non habet modo, ut non inter se inuicem permutantur: sed permutantur, ut nunc hoc conferat, quod cras non conferet: & huic liceat, huic autem non, atque hoc modo conferat. Atqui circa ea, quę conferunt, prudētia est, non sapientia. Different ergo inter se prudētia, atque sapientia. Vtrum sapientia uirtus est, an non? Hinc perspicuum est ex ipsa certē prudētia uirtutem esse

*Dubitatiois solutio.*



esse. Nam si uirtus est prudentia, partis nempe alterius (ut diximus) quæ ex ratione sunt, estq; prudentia quàm sapientia deterior. circa deteriora enim uersatur: quandoquidem sapientia circa æternum diuinumq; ut diximus, cum prudentia de hominis sit commoda. quare si quid deterius uirtus est, æquum etiam fuerit, quod melius est esse uirtutem. non dubium igitur, quin sapientia sit uirtus. Quid est, aut circa *Industria.* quod industria? Est nempe industria, in quibus & prudentia, circa ea quæ sub actionem cadunt. Industrius siquidem dicitur, quatenus consulere rectè aliquid iudicare, ac perspicere potuerit circa pusilla: in pusillisque eius iudicium. Est igitur industria, atque industrius, prudentiæ & prudentis pars. nec citrà hæc, neque enim industrium à prudente separaueris. Idem *Astutia.* profectò & in astutia existimandum est. Nam astutia, & astutus non est quidem prudentia, neque prudens. quinimo prudens astutus, \* *ἵνα δὲ* astutia sibi quodammodo asciscit prudentiam, *συεργεῖ* ceterum astutus etiam malus dicitur, quemadmodum Menor astutus quidem fuisse uisus est, *πῶς τῇ* non etiam prudens. Prudentis nanque & prudentiæ est optima expetere, eaque semper sibi *προϋνεί* proponere, atque astutare. At astutiæ & astuti fuerit, coniectare, ex quibusnam demum fiant *ἢ δεινό* singula quæ sub actionem cadunt, & quæ \* *της.* exhibenda. Astutus in eiusmodi ac circa talia esse *\* καὶ τὸ* videatur. Dubitauerit quispiam & admirari po *ταῦτα* tuerit, quòd locuti de moribus, de quæ ciuili ne *πορίσασ* gotio, de sapientia dicamus. Nempe primum *θα.* de hac re non uideatur esse aliena cōsideratio, *Dubitatio.* si (ut diximus) est uirtus. Item Philosophi est *Solutio.* de his demum coniectare, quæcunque in eodem fuerint.



## 318 Magnorum Moraliū

fuerint . at neceſſarium , cū de his quæ in ani-  
 ma loquimur , de omnibus dicere . atqui eſt in  
 anima ſapientia : proinde alienum non fue-  
 rit de anima quoque dicere . Quemadmodum  
 verò habet aſtutia ad prudentiam , ita de cun-  
 ctis uirtutibus haberi putandum eſt . ueluti in-  
 quam ſunt uirtutes , quæ natura ſint ſingulis  
 ingeniſ , tanquam impuſus quidam ad for-  
 tia , ac iuſta , in unoquoque citra rationem ,  
 nec non de ſingulis erga cuiusmodi poſſis co-  
 gnoſcere . ſunt autem tam conſuetudine , quàm  
 propoſito . At quæ cum ratione ſunt , uelut  
 temperantia , aut fortitudo , quatenus ſunt vir-  
 tutes ut ingeniſ , laudabiles . Naturalis igitur  
 uirtus ea ipſa , quæ citra rationem , à ratio-  
 ne parum ſeparata , & à laude parum defi-  
 ciens , rationi & propoſito adiuncta , perfectam  
 efficit uirtutem , ideo etiam cum ratione exer-  
 cetur . Nec citra rationem eſt ad uirtutem na-  
 turalis impuſus . neque rurfus ratio , atque  
 propoſitum admodum perticitur , ut ſit vir-  
 tus citra impuſum naturalem . Ideo non re-  
 ctè Socrates ſentiebat , cū diceret uirtutem  
 eſſe rationes . proficeret ſiquidem nihil agen-  
 do fortia atque iuſta , qui neſciret , ac rationi  
 non proponeret . & perinde uirtutem ratio-  
 nem eſſe , non rectè aiebat . Sed qui nunc , me-  
 lius . nam iuxta rectam rationem honeſta age-  
 re uirtutem eſſe perhibent . At ne ita quidem  
 rectè . agit ſiquidem quiſpiam iuſta , nullo pro-  
 poſito honeſtorum , nulla cognitione , ſed ir-  
 rationali aliquo impuſu rectè huc & iuxta re-  
 ctam rationem , uelut inquam recta iuſſerit ra-  
 tio , ita agit . ceterū huiusmodi tamen actio  
 neuiquam ſub laudem cadit . Sed melius ,

ut nos definimus, cum ratione impulsus esse  
 ad honestatem. hoc nanque virtus etiam sub  
 laudem cadit. Vtrum prudentia virtus, an non, *Vtrum pru-*  
 ambigere nanque quispiam potuerit. Verum *dentia vir-*  
 enimvero, hinc esse virtutem certum fuerit. *tus sit.*  
 Nam si iustitia, & fortitudo, ceteraq; virtutes,  
 quod honestorum quæ sub actionem cadant,  
 laudabiles accidant, non dubium quin pruden-  
 tia quoque eorum sit, quæ sub laudem cadunt,  
 quæq; in virtutis ordinem veniunt. Nam ad  
 quæ fortitudo agenda commouetur, in eadem  
 etiam prudentia, in totumq; ut ipsa præscribit,  
 ita etiam agit fortitudo. proinde si hæc sub lau-  
 dem cadit, ea faciendò quæ præscripserit pru-  
 dentia, etiam sine controuersia prudentia sub  
 laudem cadit, virtusque est. Vtrum prudentia *Prudentiam*  
 sub actionem cadit, an non, licuerit hinc nosse *sub actionē*  
 cuius, spectando scientias, quemadmodum edi *cadere.*  
 ficaturam. Est nanq; in ædificatura, ut dici so-  
 let, vnus quidem quispiam architecton Græcè,  
 quem nos tum architectum, tum opificem no-  
 minamus, cui sumministrat sese ædificatoris do-  
 mus, est faber. est sanè architectus seu opifex,  
 cuius præscripto ad domum extruendam se fa-  
 ber accingit. Idem in reliquis fabrilibus habet,  
 in vrbibus est architectus, & eius cuiusvis mini-  
 ster faber. & architectus erit, & huius ipsius fa-  
 ber ac minister. Si igitur eodem modo et in vir-  
 tutibus habet, quod æquum ac rationale, etiam  
 prudentia sub actionem cadit. quandoquidem  
 virtutes omnes sub actionem cadunt, quarum  
 prudentia tanquam architectus quidam est.  
 quandoquidem ut ipsa præscripserit, ita virtu-  
 tes, & qui ex virtutibus agunt. cum igitur vir-  
 tutes sub actionem cadant, etiam sub actionem  
 cadet

# 320 Magn. Moraliū Lib. I.

cadet prudentia. Vtrum omnibus quæ in ani-  
 ma, hæc imperat ut censetur, pariterq; ambigi-  
 tur, an secus? Melioribus certe, ut sapientia  
 est, imperare videri par non est, sed ea, ut dici  
 solet, cuncta procurat, præscribensq; domina  
 est. Cæterum forsitan ut in ædibus habet Attien-  
 sis: is namq; præstet omnibus, dispensatq; om-  
 nia, sed nondum idem imperat omnibus, verū  
 domino ocium parat, ne is præditus rerum  
 domesticarum necessitate, dissoluatur, quo-  
 minus honesti quippiam & officiosi  
 agat: ita atq; similiter pruden-  
 tia, tanquam sapientia qui-  
 dam Attiensis, ei ocium  
 parat, ut suum per-  
 agat opus, ac-  
 tus: coh ben-  
 do, eosque  
 temperan-  
 do.

## ARISTOTELIS

## MAGNORVM

## Moralium,

## LIBER SECVNDVS.

## SYMMA LIBRI.

*De aq̄uitate, modestia, promptitudine, feritate, in-*  
*continentia & continentia, voluptate, prospera*  
*fortuna, honesta probitate, recta ratione, ac ami-*  
*icitia.*

*De aq̄uitate, & aq̄uo.*

*Cap. I.*



Ost ea, quæ tradidimus, par ui-  
 detur ut de æquitatē differa-  
 mus, quidquæ sit, & in quibus,  
 & circa qualia. Est nimirum  
 æquitas & æquus, qui descripta  
 legibus iusta diminuit ac mo-  
 deratur: nam quæ legislator par-  
 ticularim examinatē ad unguem definire non  
 potest, sed in uniuersum loquitur hic in eisdem  
 intercedens, deligit quæ legislator particulari-  
 ter quidem definire uolebat, uerū ei facere  
 non licuit. eiusmodi certē æquus, non omnino  
 iuxta diminuens: quandoquidem quæ natura  
 ac uerē iusta sunt, non diminuit, sed ea dunta-  
 xat quæ legislator deseruit, cū explere non  
 posset.

## 322 Magnorum Moraliū

*De modestia, & modesto.*

*Cap. 11.*

**M**odestia ac modestus est, circa quæ & equitas. nempe circa iusta, quæ omiſſa à legiſlatore, non ſatis ad unguē definita ſunt: ut iudex inueniatur eorum, quæ legiſlator omittit, certoque cognoscit à legiſlatore prætermiſſa quæ iuſta ſunt, iſ modestus eſt. Itaque non citra æquitatem, modestia. iudicare ſiquidē modeſti: agere verò ad iudiciūmq; perducere æqui fuerit.

*De promptitudine.*

*Cap. 111.*

**P**romptitudo eſt circa quæ & prudentia: nempe circa ea quæ ſub actionem cadunt: quippe quæ circa propositum & euitationē. Eſt ſanè non citra prudentiam. nam prudentia horum ſub actionem cadens eſt. at promptitudo, habitus, ſeu affectio, uel quiduis huiusmodi, inſtructio optimorum & commodiſſimorum, eorum quæ ſub actionem cadant. Et perinde promptitudinis ea uideri non debent, quæ fortuitu quoquomodo eueniant. nam quibus ratio deest quod optimum ſit conſiderans, ubi quoquomodo eueniat aliquid, hunc promptū nequitiam dixeris, ſed fortunatum. nam quæ officia citra iudicantis rationem fuerint, ſelicitates æquum eſt appellare.

*Dubitaciones quædā circa iuſtitiam: prudentiam etiam: uet non & alias uirtutes.*

*Cap. 1111.*

**S**ed nōne iuſti eſt, colloquio & conuerſatione æquale cuiſlibet attribuire, ut inquam qualis

lis fuerit quilibet, talem effectum assequi, an non? id certe assentatoris, & delectantis esse planè uideatur. ceterum iuxta cuiusque dignitatem attribuire colloquium ac conuersationem, id iusti & probi omnino esse uidebitur. Dubitare etiam fortè quispiam potuerit, an iniuriam inferre sit offendere sponte & scienter, & quempiam, & ut, & qua de causa. est autem nocumentum & iniuria, de bonis ac circa bona. afferens ergo iniuriam & iniustus cognouit & qualia bona, & qualia mala sint: id autem, ac talia percallere prudentis atque prudentia est. hoc modo fuerit absurdum, ut bonū ingens prudentia comitetur iniustum. An existimandum non est, ut iniustum prudentia comitetur? Neque enim coniectat iniustus: ac simpliciter, & eidem bonum iudicare nō potest, uerū hallucinatur: cū prudentia suū sit id inspicere ex sententia posse. Idem ut in medicina aliud est, quod simpliciter salubre intuemur, quodq; sanitatem efficiat: quod ueratrum, & elaterium, & sectiones, & exustiones salubres sint, sanitatemque prætendant, nec tamen ut hæc omnes, ita medicina habemus scientiam. non enim particulare nouimus bonū, ut nouit medicus cuiuspiam hoc bonum, & quando, & qualiter affecto, in quo demum medicina scientia est. Salubria igitur simpliciter cognoscentes, nec dum tamen continuo nos medicina comitatur scientia. Itudē iniustus. quod igitur simpliciter est bonum, & tyrannis, & dominatus, & imperium nouit: uerū sibine bonum, an secus, uel quando, uel quomodo affecto, neutiquam nouit id quod est in primis prudentia, & proinde iniusti comes non est prudentia: bona siquidem deligit, qui-



bus afferat iniuriam, quę certè bona simpliciter, non ipsi sunt bona. quandoquidem opulentia & dominatus simpliciter bonum est, ipsi certè non fortassis bonum: nam qui imperat, rerum copia affluens, multa sibi amicisque nequiter facit, quando iure uti dominatu non potest. Hinc ambigendum considerandumque uidetur, sitne aduersus nequam iniuria, necne. Nam si in offensione iniuria est, & in priuatione bonorum offensio, neutiquam uideri potest offendere. siquidem quę sibi esse bona arbitratur, bona non sunt. nam dominatus & opulentia nequam hominem offendunt, quòd ipsis rectè uti non possit: proinde si quę aduentantia offendunt, ea bona abstulerit, afficere non uidetur iniuria. Multis eiusmodi oratio uidebitur admirabilis. Omnes siquidem opinantur, se posse dominatu & imperio & opulentia uti: neutiquam rectè coniectantes. quod ex legislatore certum est. Legis namq; lator non omnibus suadet imperare: uerùm (ut dictum est) cni atas, cui copia non defuerit ad dominandum: non autem omnem posse imperare. Quòd si quispiam indignetur se carere imperio atque gubernatione, dixerit quispiam; Neque tibi ea est anima, unde imperare gubernareque possis. Corpore quidem cernimus, al. quos sanescere non posse, simpliciter sibi bona exhibendo, at ne languori succumbat corpus, uolens conualescere, aquam prius & inediam exhibet. Ita qui nequam habuerit animam, ne quippiam mali exerceat, ei opulentia & imperium & dominatus, & omnino alia id genus, sunt auferenda: quanto mobilior, mutabiliorque est corpore anima. Nam quemadmodum improbum corpus quispiam,

sortitus,

fortitus, uictum debet sibi adhibere idoneum: ita improbam animam nactus, se uiuendo reddere debet idoneum ad quæ memorauimus, deu-  
 uitanda. Hoc etiam ambiguum esse potest: ut cum non sit aliter agere fortiter, quàm iussè, quando natura quis uideatur acturus. In natu-  
 ralibus quippe uirtutibus solum dicebamus im-  
 pulsum sine ratione ad honestatem esse oportere, ita nimirum est delectus in ratione, quodq;  
 rationem habeat, ut pariter capiat & deligat. Virtutem perfectam esse dicebamus, quæ cum prudentia foret, non utique ad honestum citra naturalem impulsu, neque uirtus uirtuti ad-  
 uersabitur. agnatum nanque habet atque insitu-  
 tum, ut rationi obtemperet, ut ipsa præscribit, ut quo agit eò declinet. qui nanque sibi proponit, melior. Et ne quidem aliæ sine prudentia uir-  
 tutes sunt, neq; prudentia absque reliquis uir-  
 tutibus perfecta: uerùm inuicem sese coadiu-  
 uant, comitantes prudentiam. At nihilominus addubitet quispiam, nunquid ita in uirtutibus habeat, quemadmodum in reliquis bonis quæ  
 externa, quæq; in corpore: hæc nanque cum fue-  
 rint eximia, deteriores efficiunt. sicut opum af-  
 fluentia elatos facit & truculentos: itidem reli-  
 qua bona, dominatus, honor, pulchritudo, ma-  
 gnitudo. Nunquid igitur & in uirtute ita habet,  
 ut si cuiuspiam iustitia vel fortitudo fuerit exube-  
 rans, fiat deterior, an non? ceterum à uirtute  
 quidem honor gignitur: qui cum ingens fuerit,  
 deteriores facit: & perinde uirtus fecerit dete-  
 riores, cum maior euaserit. An id neutiquam ve-  
 rum? quandoquidem & si sunt multa alia uir-  
 tis opera, quemadmodum sunt, id etiam in pri-  
 mis est, ut qui eis bonis muniatur, eisdem rectè

ut possit. Si demum probus, aduentante ei uel honore uel ingenti dominatu, ipsis non utetur; neutiquam fuerit probus, neque honor, neque imperium, probum fecerit deterio-rem: & perinde ne quidem uirtus. In totum autem, quoniam à principio nobis determinatum est, uirtutes esse medietates; quoque magis sit uirtus, eo magis erit medietas: proinde quò sublimior uirtus euadet, accedetque ad magnitudinem, non deterio-rem, sed meliorem efficiet. medietas namq; inter excessum defectumq; perturbatio-  
num erat medietas. atq; hæc igitur hætenus.

*De continentia & incontinentia, ac feritate agen-  
dum esse. Cap. V.*

**D**Einceps aliud nobis sumendum est prin-  
cipium, de continentia incontinentiaque  
dicturis, quemadmodū fuerit alienum, has  
in uirtutum uirtutumque numerum redigere,  
ita de his futurum sermonem, alienum uisum  
iri necesse est. nec enim hæc uirtus cæteris par  
est. in alijs siquidem eodem tendunt tam ratio  
quàm perturbationes, nec inuicem sibi aduer-  
santur. At in hæc se inuicem oppugnant ratio  
& affectus. Sunt nimirum in anima, unde mali  
esse dicamur, tria: uitium, incontinētia, feritas.  
De uitio igitur ac uirtute quid sit, ac in quibus,  
à nobis suprà dictum est: modò de incontinē-  
tia ac feritate dicendum.

*De feritate. Cap. VI.*

**E**st autem feritas quoddam uitium exube-  
rans, cum consueque nequam prorsus quem-  
piam

piam intuemur, ut ipsum non hominem, sed feram esse dicamus, sicut & uitium ipsam feritatem. Huic uirtus opposita nominis expers est. quippe quod eiusmodi supra hominem, tanquam heroica quædam ac diuina. Eò certè hæc uirtus nominis expers, quod Dei uirtus nulla. præstantior siquidem omni uirtute Deus, ac non uirtute probus. nã tum uirtus sit Deo melior. ideo nominis expers hæc uirtus, quæ feritatis uitio opposita est. Desiderat nimirum diuina, & supra hominẽ tali uitio obiectari. quod quemadmodum feritas uitium hominem excedens euadit, ita ei opposita uirtus.

*De incontinentia, & continentia.*

*Cap. VII.*

**D**E incontinentia & continentia dicturis. Expediit nobis quæ ambiguos & contrarios sermones admittunt, significare: ut ex dubijs orationibus considerando & exquirendo ueritatem, ad id quod perspicendum est, perueniamus. nam tum demum ita uerum scrutari poterimus. Senex igitur Socrates tollebat prorsus, ac negabat esse incontinentiam: dicẽdo neminem esse qui mala facienda, sciens esse mali, deligeret. atqui incontinens uidetur sciens mala deligere: agi nanque à perturbatione. Hac ratione incontinentiam esse non existimauit. nequaquam rectè. alienum nanque sit, hac ratione persuasos, quod factum est persuasibiliter extinguere: incontinentes siquidem sunt homines, & iidem malorum periti. ueruntamen ea perpetrant. Quoniam igitur incontinentia est, nunquid incontinens aliquam habet peritiam, quæ inspiciat exquiratque mala? At id non uisum

fuerit cuiuspiam. quandoquidem alienū sit quod in nobis potentissimū firmissimūque est, ut ab aliquo superari. siquidem scientia, omnium quæ in nobis, firmissima, & nulli est obnoxia violentiæ. & perinde hæc ratio aduersatur, quominus credatur esse scientia. Ceterū nunquid scientia quidem non est, sed opinio? at si habet incontinens opinionem, uituperandus non accedet. Nam si mali aliquid, non admodum præuidens planeque cognoscens, sed opinatus agat, uenia dignus uideatur. quod uoluptate agendi mala, non admodum mala esse cognouerit, sed tantū fuerit opinatus. At quos uenia dignos esse censemus, eos neutiquam reprehendimus, & perinde si opinionem habet incontinens, uituperandus non erit. atqui uituperandus est. Huiusmodi rationes ambiguitatem obijciunt. quandoquidem quæ scientiam esse negauerunt, absurdum quiddam euenire compellunt; & quæ ne opinionem quidem, pariter aliena euenire ostendunt. Verū & dubitauerit hæc quispiam, quod quia temperans & continens esse uidetur, temperantine futuræ sint uehementes cupiditates. quod si continens erit, uehementibus agi cupiditatibus opus fuerit. neque enim continentem dixeris, qui mediocres compescat cupiditates. Quod si uehementes cupiditates non habeat, ne quidem temperans erit: neque enim temperans qui nullo modo agitur à cupiditatibus. Ambiguitatem quoque talia mouent. contingit siquidem exinde rationibus, incontinentem quandoque fore laudabilem, & uituperabilem continentem. Sit nanque quispiam, inquit, ratiocinio hallucinatus, ut ratiocinanti, quæ honesta sint, mala uideantur, ac cupiditate

ad ho.



ad honesta ducatur. ratio quippe agere non permittit: at cupiditate allectus. agetur qui talis, & incontinens. aget ergo honesta: cupiditas namque in talia adducit, sed ratio prohibet: ratiocinio siquidem honestorum hallucinabatur. Is igitur incontinens quidem erit, veruntamen laudabilis. nam quatenus honesta peragit, laudabilis: absurdum id profecto euenit. Rursus hallucinetur interim ratiocinio, & honesta ei minimè honesta esse videantur, at cupiditate ad honesta ducatur: continens nimirum est concupiscens quidem, sed non peragens id ob rationem. itaque ratiocinio hallucinatus honestorum, prohibebitur agere quæ concupiscit. prohibebitur ergo honesta agere, ad hæc siquidem adduxit cupiditas. uerum cum honesta agere oportuerit, non agens uituperandus accedit. ergo continens quandoque erit uituperandus: id quod ualde dictu absurdum contigerit. Vtrum incontinentia & incontinens, in cunctis & circa cuncta, sicut circa pecunias, & honorem, & iram, & gloriam? nam circa hæc omnia existimantur, uel esse, uel non esse incontinentes. uerum circa quid sit definita incontinentia, addubitauerit quispiam. Hæc igitur sunt quæ faciunt dubitationem. At ambiguitates soluere necesse est. Primum igitur quæ de scientia habita est dubitatio, ita diluenda uideatur: nimirum esse absurdum, scientiam habere, & ipsam eijcere vel intercidere. Eadem de opinione fuerit ratio: nihil siquidem refert, sitne opinio an scientia. Nam si uehemens fuerit opinio, quatenus stabilis est & credulitate inconcussa, à scientia non differt, credendo ita habere, ut existimant, si habeant opiniones: sicut Heraclitus Ephe-



ſus talem habuit, de quibus opinabatur, opi-  
 nionem. alienum vtrique nihil incontinenti, ſiue  
 habeat ſcientiam, ſiue opinionem, qua dicimus  
 flagitium aliquod committere. Eſt quippe ſcire  
 duplex. vnum quidem habere ſcientiam: nam  
 tum demum ſcire quempiam dicimus eam rem,  
 cuius teneat ſcientiam. alterū verò ipſam exer-  
 cere ſcientiam. Incontinens igitur eſt, qui ho-  
 neſtorum tenet ſcientiam, ſed eam nō exercet.  
 Cum igitur hac non exercebitur ſcientia, nihil  
 eueniet alienum, committere flagitium ipſum  
 qui teneat ſcientiam. Eſt enim quemadmodum  
 in dormientibus, iſti ſiquidē cum habeant ſcien-  
 tiam, multa tamen in ſomnis moleſta & per-  
 petrant & perpetiuntur: neque enim ſcientia  
 tum exercetur. idem eſt de incontinente. euenit  
 ſiquidem vt dormienti, non exercere ſcientiam.  
 Et perinde ſoluitur dubitatio. Fueraſt ſiquidem  
 dubitatum, nunquid ſcientiam incōtinens ei-  
 ciat, eāve intercidaſt: quandoquidem vtrunque  
 videbatur abſurdum. Ceterū hinc fuerit rursus  
 manifeſtum, quemadmodū diximus in Ana-  
 lyticis, ex duabus fieri ſyllogiſmum propoſi-  
 tionibus: earumque primam vniuerſalem, ſe-  
 cundam, quæ ſub illa, particularem. veluti, Scio  
 omnem hominem febricitantem, ſanum facere:  
 atqui hic febricitat: ſcio igitur & hunc ſanum  
 facere. Eſt ergo vniuerſali quidē ſcientiæ, Scio  
 deputatū: alteri verò particulari non. eſt igitur,  
 vt etiam tum ſcientiam habenti fiat hallucina-  
 tio, velut hominem febricitantem ſanum face-  
 re, ſi hic vtrique febricitat, quem non nouerim.  
 Itidem igitur de incontinente qui habeat ſcien-  
 tiam, idem error eueniet. contigerit enim in-  
 continentem in vniuerſum habere ſcientiam, vt  
 talia

† 4. l. ſen-  
 tentia.

alia sunt improba, & pernicioſa, nec tamen  
 hac ipſa, particularim noſſe improba. proinde  
 ita habendo ſcientiam aberrabit: quando qui-  
 dem in vniuerſum habet, non etiam particula-  
 riter. Non itaque hoc modo fuerit alienum, vt  
 incontinens habendo ſcientiam, meli aliquid  
 agat. eſt enim ſicut in ebrijs, à quibus cum ex-  
 ceſſit ebrietas, & ad ſeſe redierunt, non excidit  
 ipſis ratio, nec quidem ſcientia quæ ſub ebrieta-  
 te delituerat, fueratque proſtrata: deinde ab  
 ebrietate immunis rursus fit, qui prius erat. Ita  
 habet incontinens. perturbatio enim coliben-  
 do ratiocinium ſepelir: cum verò à perturbatio-  
 ne fuerit liberatus, vt qui ebrius, rursus in ſeſe  
 redit. Eſt & quædam alia de incontinente, quæ  
 dubitationem faciebat, oratio. vbi laus in-  
 continentem ſequebatur aliquando, & continen-  
 tem vituperatio; quod neutriquam euenit. neq;  
 enim cōtinens aut incontinens, qui ratione fal-  
 ſus eſt, ſed qui recta inſtitutus ratione, qua tam  
 mala quàm bona diſcernit. Incontinens qui-  
 dem, qui & eiufmodi ratione nō perſuaſus eſt.  
 ſed continens, qui perſuaſus, ab ipſis nō agitur  
 cupiditatibus. neque enim cuiſcunque ¶ videtur ¶ aliter.  
 patrem cedere turpe eſſe: ſed qui cadere concu- non vide-  
 piſcit, & abſtinet, is continens eſt. Proinde ſi in tur.  
 ijs neque continentia neque incontinentia, ne  
 quidem laudabilis fuerit incontinentia: vt neq;  
 vituperabilis continentia, quemadmodum vi-  
 debatur. Sunt nimirum incontinentiarum ali-  
 quidem valetudinariæ, naturales alia. Valetu-  
 dinariæ eiufmodi, vt eorum qui diſcerpunt ca-  
 pillos, & manducant. Quòd ſi quiſpiam huic  
 imperet voluptati, non continuo laudabilis eſt:  
 neque vituperabilis, quatenus non imperat: aut

## 332 Magnorum Moraliū

non admodum probabilis. Naturales autem, ut in iudicio conuictum olim aiunt filium, quod patrem cecidisset, defendisse, quod is patrem quoque suum cecidisset, aufugissetq; naturale etenim in iudicibus fuisse crimen visum est: Quod si quis à cecidendo patre se continuerit, non cōtinuò laudabilis, & ne nos quidem eiusmodi nunc incontinentias & continentias querimus: sed quibus vituperandi accedunt, atque simpliciter laudandi. Bonorum cerè quædam sunt externa, ut opulencia, dominatus, honor, amicitia, gloria. Quædam circa corpus necessaria, ut tactus, & gustus. Qui ergo circa hæc incontinens, is incōtinens simpliciter esse videtur, & ut corporalis, & quam quærimus incontinentiam, circa hæc esse videbitur. Ambigitur quoque, circa quidnam sit incontinentia. Circa honorem non est simpliciter incōtinens. laudatur enim quodammodo, qui circa honorem incontinens. nam honoris amans videtur. In totum autem dicimus, & in eiusmodi ponendo incontinentem, circa honorem, aut gloriam, aut iram esse incontinentem. Verum simpliciter incontinenti non accomodamus circa quæ, ut ei adsit manifestum aliquod sine appositione eius circa quod sit. est enim serè circa voluptates & agridudines corporis incōtinens. Hinc manifestum est, circa hæc versari incontinentiam: nam quoniam incontinens vituperabilis, subiecta esse oportet vituperabilia. Honor igitur, & gloria, & dominatus, & pecuniæ, & circa quæcunque talia dicuntur incontinentes, sub vituperationem non cadunt: at corporis voluptates vituperandæ: ideo non iniuria qui circa has magis quàm sit par versatur, is in-

continent

continens prorsus dicitur. Verum quoniam incontinentiarum quæ circa alia versari dicuntur, quæ circa iram maximè reprehendenda incontinentia, vtrum magis reprehendenda est quæ circa iram, an quæ circa voluptates? Est igitur quæ circa iram incontinentia similis pueris ad subministrandum promptis: hi nanque cum dixerit dominus, cedò mihi, promptitudine crecti, antequam audierint quid sit subministrandum, inter suggerendum hallucinantur. saepe enim liber fuit exhibendus, & graphium dedere. Item incontinens iræ succumbit. cum primum enim audierit verbū, quod quispiam affecit iniuria, ira ad vlciscendum insultat, neutiquam patiens audire, expediātne an non, vel non ita vehementer. Huiusmodi igitur ad iram impulsus, quæ iræ deputatur incontinentia, non admodum videtur incessenda. At ad voluptatem impulsus sub reprehensionem cadit, sunt namque distincta in ipsa, ob rationem quæcunque auertunt ne agatur aliquid, & tamen ob rationem agitur. Ideo magis est quam per iram reprehendenda incōtinentia voluptatis: quandoquidem per iram incontinentia ægrimonia est: nemo siquidem stomachatus non ægrescit: at quæ ex concupiscentia cum voluptate, idcirco magis vituperabilis, quod ex voluptate incontinentia abesse à conuitio non videtur. Vtrum verò tolerantia & cōtinentia idem est, an non? nam continentia, necnon continens circa voluptates est, ipsas cōcreendo: at tolerantia circa ægrimonia: siquidem patiens ac sustinēs ægrimonia, is tolerans est. Rursus incōtinentia & mollicies idē non est. Mollicies siquidem & mollis est succumbens laboribus, nō certe omnibus, sed quos  
alius

alius aliquis necessariò duxerit sustinendos: incontinentes verò, qui voluptates sustinere non possit, sed remollescens ab eis agatur. Est porro quispiam intemperans appellatus, nunquid igitur intemperans idem, quod incontinens: atque ipse idem incontinens, quod intemperans? Nempe intemperans eiusmodi est, ut quæ agit, eadem & optima & commodissima sibi esse arbitretur, nec ullam habet rationem, quæ eius videatur aduersari voluptatibus. at incontinens habet rationem, quæ aduersatur ei, quatenus cupiditate agitur. Vter autem curatu facilior, intemperans, an incontinens? Certè intemperans curatu facilior videatur, nam si ratio ei aduenerit quæ mala esse doceat, ipse non operabitur: at incontinenti non deest ratio, & tamen agit mala, proinde huiusmodi incurabilis esse uidebitur. Ceterum, utrum deterius efficitur; cui nihil adest boni, nec quod per illud existit, quàm ille cui quod honore præcellit, malè affectum est? Est nimirum incontinens, qui bonum obtinet, rectam rationem, cum intemperans non habeat. cum ergo ratio viriusque principatum obtineat, incontinentis honoratissimū principium præsto: quod est, ab intemperante abest: ergo incontinente intemperans deterius habet. Rursus, ut supra mentionem fecimus de feritatis vitio, non est ipsum in fera spectare, sed in homine. feritatis siquidem nomen adeptum est id vitium, ob singularem improbitatem. Sed cur in fera nihil? nempe quod improbum in fera principium non sit: est siquidem ratio principium. Quis verò improbius, flagitiosiorque fuerit, incertum est, leone, an Dionysius, an Phalaris, an Clearchus, vel horum quispiam insignis cuiusdā immanitatis.

Certum



Certum autem est malum in his principium illustria facinora coniectasse. at in fera nullum prorsus est initium. Ita igitur improbum est, in ipso intemperante principium. nam quatenus quæ mala sunt, committit, etiam ratio ei astipulatur: censetque ea esse peragenda, quia improbum in ipso est principium. At in incontinente sanum principium est: ut hinc melior incontinens intemperatè esse videatur. Sunt etiam incontinentiæ binæ species, vna quidem prorumpens, & improuisa, & confestim proueniens: velut cum speciosam viderimus mulierem, & confestim afficiamur, & ab affectu erant pit impulsus ad aliquid perpetrandum, quod fortasse non expediat. Altera verò, velut quædam imbecillitas, quæ cum ratione insurgit auertente. Prior igitur non admodum sub reprehensionem cadere videbitur: quandoquidem etiam virtutis studiosis potest euenire, calidis & ingeniosis. Secunda autem frigidis & melancholicis, tales nimirum reprehendendi. Rursus videas aliquem præoccupantem, quod speciosa mulier obijciatur, non affici: conuenit igitur se cohibere. nam qui eiusmodi ratione præuenierit, ex obuia visione incontinens non commouebitur, nec turpe quicquam ager. Verum qui ratione cognouerit indecens aliquid, ad idque voluptate delabatur & remollefcit; is multo magis reprehendus. Neque enim probus vnquam, eiusmodi fuerit incontinens. ratio namque præueniens se non permiserit, dux siquidem ea in ipso probò existit: cui non obtemperat improbus, sed voluptati deditus & remollefcit, & quodammodo effæminatur. Vtrum verò temperans sit continens, quod supra fecimus ambiguum, nunc differamus.



## 336. Magnorum Moraliū

Est igitur temperans & continens. nam continens non solum est præsentes cupiditates cohibens, verum etiam talis, ut si nullæ adsint cupiditates, ita instructus, ut eas possit cohibere. Est autem temperans, qui nullas habeat cupiditates malas, rectæque rationi circa hæc insit, at continens, qui malas habet cupiditates, & aduersum ipsas rectam rationem, proinde temperantem continens comitatur, eritque temperans continens: siquidem temperans non afficitur, continens verò afficitur quidem, sed compescit affectus, quatenus afficitur: temperanti autem istorum est neutrum: ideo continens temperans non est. Vtrum intemperans incontinens, an incontinens intemperans? Aut neuter alterum comitatur. incontinens enim est, cuius ratio perturbationes oppugnat: at intemperans, non huiusmodi, sed qui mala agit, simulque incontinens astipulantem habet rationem. Non itaque intemperans, qualis incontinens: neque incontinens, qualis intemperans. Præterea improbius incontinens est intemperans. curatu enim difficiliora quæ naturalia, quam quæ ex consuetudine gignuntur: ob hoc si quidē valida esse videtur consuetudo, quod naturæ insideat, intemperans igitur eiusmodi, cuiusmodi quispiam natura est, ob hoc, & hac de causa in ipso improba ratio est. Neque talis est incontinens, quia ne quidē ratio eiusmodi non proba, oportuit namque ipsam esse improbam, si foret natura, qualis est improbus. Incontinens igitur consuetudine malus esse videbitur, ut natura intemperans: curatu namque longè difficilior intemperans, quandoquidem consuetudo consuetudine exploditur: at natura à nemine extrudi potest. Vtrum au-

tem cum sit incontinens [eius]modi, ut norit & non cedat rationi, sitque prudens huiusmodi, ut recta ratione singula perpendat: acciderit, ut incontinens sit prudens, an non ex his enim quæ dicta sunt ambigere quispiam potuerit. Verum si quæ à nobis antea dicta sunt, suscipere uoluimus, non erit prudens incontinens. dicebamus nanque prudentem esse, non cui recta ratio modo inesset, verum etiam quæ ex ratione optima viderentur, & perinde incontinens non fuerit prudens. Cæterum talis, astutus quidem est, distribuimus siquidem paulo ante astutum à prudente, ut inter se differret, interim unus quidem circa hæc solers, alter uero non solers, astutum igitur incontinentem esse contingit: neque enim solers circa quæ & astutus: prudentem uero incontinentem esse non contingit.

*De uoluptate. Cap. VIII.*

**P**ost hæc uoluptate differendum est, cum de felicitate sit nobis oratio: felicitatem autem arbitrantur omnes, aut uoluptatem esse & vitam delectabilem, aut non citra uoluptatem. Nempe uoluptatem vigentes, nec inter bona enumerandam esse existimantes, ipsam citra ægritudinem esse uoluerunt. sine ægritudine esse igitur vicinum uoluptati est. Quapropter de uoluptate quoque dicendum, non modò quia etiam alij ita arbitrantur, uerum etiam quod nobis de uoluptate dicere necessarium esse censeamus. Nam cum de felicitate nobis sit oratio, felicitatēque definierimus, planeque dixerimus in uita perfecta esse uirtutis actionem, sitque uirtus circa uoluptatem & ægritudinem, de vo-

y Y      luptate

luprate dicere neceſſe eſt, quandoquidem citra uoluptatem non eſt felicitas. Primum itaque dicemus, quòd nonnulli ſerant, uoluptatem in nō merum bonorum non venire exiſtimātes: aiunt nanque primò ortum eſſe voluptatē: at ortum quiddam imperfectum: bonum porrò imperfecti locum nunquam obtinere. Secundo loco, uoluptates eſſe quaſdam improbas: at improbitatem, nunquam bonum admittere. Rurſus, quod gignatur in omnibus. nam & malo & improbo, & ſerē & cicuri deputatur: at bonum malis ammiſceri neſas, & ne quidem multis cōmune eſt. Quodq̃ue nō potentiffimum voluptas, at bonū potentiffimum, quodq̃ue honeſta agendi ſit impedimentum. nam quod honeſta agere prohibeat, bonum qui poteſt eſſe? Primum igitur primo occurrendum de ortu, ratioq̃ue diluenda, quòd neutiquam vera ſit. Eſt igitur in primis nō omnis uoluptas ortus. nam quæ ab inſpiciendo voluptas gignitur, ortus non eſt, nec quæ ab audiendo, & olfaciendo. neque enim ex egeſtate procreata, quemadmodum in aliis, ut ex comedendo, uel bibendo, hæc nanque ex egeſtate, & redundantia ſunt, aut ſaturando egeſtatē, aut redundantiz auferendo: ideo ortus eſſe uidentur, at egeſtas & redundantia ægritudo: igitur ægritudo hic, ubi ortus voluptatis. Atqui in ſpectando, & audiendo, & olfaciendo non eſt ut ægritudo antecedit. nemo ſiquidem ſpectando delectatus, aut olfaciendo, prius teſtatus eſt. itidem in animi ſentētia inſpiciēti delectatio eſt, citra præcedentem ægritudinem, & perinde fuerit voluptas aliqua, quæ ortus non eſt. Quòd ſi voluptas, ut eorum dicat oratio, id eo bonum non eſt, quia ortus: eſtq̃ue voluptas aliqua, quæ

ortus non est, fuerit utiq; bonū voluptas. Atque  
 in totum nulla est voluptas ortus: nam neque  
 quæ à comedendo & bibendo voluptates ortus  
 dici possunt. Verū hallucinantur, qui has vo-  
 luptates ortus esse perhibent. putant siquidem  
 quoniam prolatis rebus gignitur voluptas, ob  
 hoc ortum esse: sed nō est, quandoquidem est  
 pars animæ quædā, qua oblectamur, simul pro-  
 latis quibus indigebamus rebus; ea pars animæ  
 quatenus exercetur & mouetur, oblectatur. At-  
 qui motus ipsius & exercitiū voluptas est, quod  
 cum prolatis rebus ea pars animæ exerceatur:  
 aut propter ipsius actionem ortum esse censent  
 voluptatem, quod certa sit rerum prolatio, ani-  
 mæ tamen pars incerta, perinde atq; si quis ho-  
 minē esse opinetur corpus, quod id sub sensum  
 cadat, non autem animam, verū est animam.  
 itidem & in hoc. est nanque pars quædam ani-  
 mæ, qua oblectamur, quæ simul atque res prola-  
 tæ sunt, exercetur: ideo nulla voluptas est ortus.  
 Verū & conuersio (inquiunt) in naturam, quæ  
 sub sensum cadit. nam nō conuertentibus sese  
 in naturam voluptas est, siquidem cōuertendo  
 naturæ egestatem fit eius exaturatio: at (vt dixi-  
 mus) est, vt nulla egestate fiat oblectatio, siquidē  
 egestas ægrotudo: at citra ægrotudinem dicimus  
 oblectari, & perinde non fuerit voluptas egesta-  
 tis conuersio; indigū nanque in huiusmodi  
 voluptatibus nihil. Proinde si ideo quod ortus  
 est voluptas, bonum esse non existimeretur, nul-  
 laq; est voluptas ortus: bonum utique fuerit vo-  
 luptas: sed propterea q̃ non omnis (inquiunt)  
 voluptas bonum, quicquid id deprehēderit hoc  
 pacto. Nam quia bonū in omnibus dicitur esse  
 prædicamentis, nempe in essentia, & in ad ali-

quid, & in quanto, & quando, ac in totum omnibus, illud quoque manifestum per omnia voluptatem aliquam comitari, proinde quia in omnibus predicamentis est bonum, etiam voluptas fuerit bonum, & perinde quoniam in his quidem per se bona, etiam voluptas fuerit per se bonum, atqui à bonis voluptas est voluptas: bonum ergo fuerit omnis voluptas. Simul certum hinc etiam differre inter se specie voluptates: quandoquidem differunt etiam predicamenta, in quibus est voluptas. Neque enim est, quemadmodum in sciētijs, ut Grammatica, vel quaecumque alia. nam si habeat quis splendide grammaticam, itidem afficitur qui sub ea grammatica grammaticus, eo modo quo & alius qui habeat grammaticam: & propterea non differunt grammaticæ, quæ in splendido, quæque in obscuro. At in voluptate, non ita. nam quæ ex ebrietate voluptas, & quæ ex copulatu, non eodem modo afficiunt: quamobrem specie inter se distinguui videbuntur voluptates. Ceterum quia sunt & malæ voluptates, etiam ob hoc voluptas bonum non esse videbatur, at id voluptatis minimè proprium iudicium est, sed naturæ atque scientiæ. Nam est & natura mala, sicut vermium & crabronum, ac prorsus vilium animalium, nec tamen ob hoc natura malorum. Eodem modo habent & malæ scientiæ, sicut sententiarum, nec tamen ob hoc malum scientia est, sed genere bonum tam scientia quam natura. Nam quemadmodum statuarius inspiciendus non est, qualis quispiam sit, ex eo quod evenerit malè exerceri, sed quod bene: ita ne quidē scientiam naturamve, aut quippiam aliud, quale sit, ex malis, sed ex probis, itidem ergo voluptas quoque



quoque genere bonum est. Quod verò sint & male voluptates, ne nos quidem latet. nam sunt etiam diuersæ naturæ animalium, vt bona & mala, sicut hominis quidem bona; lupi verò vel cuiusvis alterius feræ mala: similiter equi naturæ altera quàm hominis, & asini, & canis. At voluptas conuersio est ex eo, quod contra naturam, in naturam cuiuslibet suā: proinde cuius fuerit suauissima improba naturæ, ea improba voluptas est. neq; enim equo quod homini, & ne quidem alijs. at quoniam diuersæ naturæ sunt, diuersæ quoque voluptates. Nam voluptas conuersio est; & conuersio (inquiunt) in naturam insidet, proinde & malæ naturæ mala conuersio est, vt proba proba. Qui porrò voluptatem probam esse contendunt, eo afficiuntur modo, quo qui nescientes nectar, Deos vinum potare existimant, nihilq; esse eiusmodi peculiare putant, ex inscitia in id delabuntur. His similes sunt, qui cunctas voluptates ortus esse afferunt, & neutiquam bonum. nam q̃ alias voluptates ignorent præter eas quæ corporis sunt, eas ducunt ortus esse, nec bonas, in vniuersum non rentur voluptatem esse bonum. Quoniam igitur est voluptas, & conuersæ naturæ, & conuertentis; conuersæ quidem ex egestate ad expletionem; conuertentis autem, quæ à visu & auditu, & id genus alijs: meliores fuerint conuertentis naturæ actiones: voluptates namque vitrouis modo dictæ, sunt actiones. Proinde non dubium, quin à visu voluptates; & auditu, & intelligentia sint longè optimæ, cumque sub corpus cadunt, ab exaturatione procreentur. Rursum id dicebatur; quod ne quidem bonum; siquidem quod in omnibus sit;



## 342 Magnorum Moraliū

& commune omnibus, non bonum. id certe in honoris cupido, & honoris cupiditate magis proprium est. honoris si quidem cupidus solus vult habere, & illo ceteros anteire. Voluptatem ligitur, si ipsam per se bonum esse oporteat, esse ne eiusmodi conuenit; an non? atqui etiā contrario modo. ob id nanque bonum esse videatur, quod cuncta expetant. agnatam enim cunctis, bonum expetere. & perinde, si cuncta voluptatem expetunt, genere bonum fuerit voluptas. Rursus quod sit impedimentum voluptas, ipsam bonum esse negauerunt, impedimentum esse asserendo, quod non recte videantur considerare. Neque enim ad res transigendas est impedimentum, si qua sit alia impedimentum: ut ebrietatis voluptas agere inhiuerit. Ceterum ita etiam scientia scientiæ fuerit impedimentum. nam non est, ut simul utraq; exerceat. Sed cur non bonum scientia, si voluptatem ex scientia excitarit? & utrum impedimentum sit, an ne? ceterum multo magis agat voluptas, nanque ad magis agendum, inde suscitata impellit, quia probum faciendo, agit quæ ex virtute, & ea suauiter agit. Nūquid multo etiam magis quæ ad actionem pertineant, exercebit? ac si oblectatus egerit, probus erit: si tristatus honesta prosequatur, non probus. ægritonia nanque in eis quæ ex necessitate, est: proinde si quispiam ægrescat, honesta prosequendo, coactus peragit. qui autem à necessitate agere compellitur, non probus. Ceterum non est, ut non tristetur vel oblectetur, quæ ad virtutem pertineant prosequendo, nec aliquod medium est. Cur? nempe quod virtus in affectu, affectus vero in ægritudine & voluptate, nec.

nec quicquam in medio positum est. Non dubium igitur, quin uirtus cum ægritudine uel uoluptate sit. Si quis igitur nocitus honesta prosequatur, non bonus. proinde non fuerit uirtus cum ægritudine: cum uoluptate ergo. Tantum ergo abest impedimentum, ut etiam ad agendum exhortetur, in totumque non contingit, ut sit citra uoluptatem, quod ab ipsa procreatur. Alia fuit oratio, quod nulla scientia faciat uoluptatem. Ne id quidem uerum est. conuiuiorum nanque structores, & coronarum, necnon unguentarij uoluptatis sunt effectores. Cæterum alijs scientiis non est uoluptas ut finis, sed cum uoluptate, nec citra uoluptatem. est igitur etiam scientia uoluptatis effectrix. Rursus etiam aliter dicebatur, quod non optimum. Verum hoc modo atque hac ratione singulas ieris perditum uirtutes: siquidē fortitudo optimum non est. Nunquid igitur ob hoc non bonum? An id absurdū sit? idem & in alijs, quod uoluptas quia non optimum, non esse uideatur bonum. Dubitauerit autem quispiam, per uirtutes transiens huiusmodi. ut quia ratio quandoque imperat affectibus: de continente enim hoc dicebamus: & econuerso affectus imperant rationi, ut euenit incontinentibus. quia (inquam) expers rationis pars animæ, uitium admittendo, imperat rationi bene dispositæ: talis siquidem incontinens, & ratio similiter mala: quamobrem ipsa quoq; benè dispositis perturbationibus imperabit, suam uirtutem continentibus. hoc si ita, euenerit abuti uirtute: improba nanque ratione affectus, uirtutem usurpando, ipsa abutetur. hoc nimirum absurdum euenire videbit. Tali sanè dubitationi facilè ex

eis quæ à nobis antè de virtute dicta sunt, est ob-  
 currere, atque refellere. Tum demum nanq; vir-  
 tutem esse dicebamus, cū ratio bene affecta,  
 perturbationibus suam virtutē habētibus fue-  
 rit moderata, necnon perturbationes rationi  
 consentaneæ. Ita nanq; affecta inter se inuicem  
 cōsentient, vt ratio quod optimum sit, semper  
 præscribat. perturbationes verò facile bene di-  
 positæ id exequantur, quod ratio præscripserit.  
 Si ratio igitur malè fuerit affecta, perturbationes  
 verò bene, nō fuerit virtus, deficiente ra-  
 tione. nam ex vtroq; virtus. proinde nō con-  
 tingerit virtute abuti. Simpliciter verò non  
 (quemadmodum alij opinantur) dux ratio vir-  
 tutis est atq; principium, sed potius perturba-  
 tiones. Ad honestum nanq; impulsū quēdam  
 oportet primò innasci irrationalem, qui produ-  
 catur: atq; ita postremò rationem esse discer-  
 nentem, atq; constituentem. quod sanè viderit  
 quispiam ex pueris, & rationis expertibus ani-  
 mantibus. In his nanq; sine ratione perturba-  
 tionum impulsus exoriuntur primò ad hone-  
 stum: mox posterior adueniens ratio & cōsti-  
 tuens, honesta agere exhortatur. Sed non si à ra-  
 tione ad honesta ceperit principium, perturba-  
 nes consentientes comitantur. verū sæpenu-  
 mero cōtrouersantur. Quamobrem potius con-  
 uenerit perturbationem ad virtutem anteire  
 benè affectam, quàm rationem.

*De prospera fortuna. Cap. IX.*

**I**Nterea dicendū de prospera fortuna est, po-  
 steaquàm de felicitate nobis est oratio. Arbi-  
 trantur nanq; multi felicem vitam fortuna-  
 tam

tam esse, uel non esse citra fortunatam. & forte  
 non iniuria absq; enim exteris bonis, quorum  
 domina fortuna est, felicem esse non contingit  
 idcirco de secunda fortuna nobis dicendum  
 necnon quis prorsus sit fortunatus, & inqbus,  
 & circa quid. Primum igitur ad hæc quispiam  
 accedens spectansq; dubitauerit. quandoqui-  
 dem non dixerit fortunam esse, ut natura est  
 semper causa cuius est, eius ut plurimum eo-  
 dem modo est effectrix. at fortuna nunquam,  
 verum temerè & sine ordine, ac ut fors tulerit.  
 ideo fortuna in eiusmodi esse dicitur, ubi neque  
 mens ulla, neque recta ratio est. nam ubi id, ni-  
 hilominus est quidquam ordinatum, ac est sem-  
 per eodem modo. non ita fortuna. Iccirco ubi  
 mens plurima ac ratio, ibi fortuna minima,  
 ubi plurima fortuna, ibi mens perexigua. At  
 nunquid secunda fortuna est, ut Deorum quæ-  
 dam cura? an id minimè videri debet? talium si-  
 quidem dominum præficimus Deum, ut bo-  
 na malaq; meritis distribuat. at fortuna &  
 quæ à fortuna, tam verè quàm ut fors tulerit  
 fiunt. quod si huiusmodi distributori Deo ascri-  
 pserimus, malum ipsum iudicem faciemus, ne-  
 que iustum. id nefas Deo deputare. Cæterum  
 præter hæc, ad nihil aliud fortunam quispiam  
 ordinari. proinde non dubium; quin horum  
 aliquid sit. mens certè ac ratio, necnon sciëntia,  
 prorsus alienum ab hoc esse videatur. præterea  
 neq; cura, neque benevolentia quæ à Deo, ui-  
 deatur esse felicitas, quoniã malis attribuitur.  
 atqui Deum malorum curam habere fas non  
 est. Reliquum igitur, & maximè peculiare for-  
 tunæ natura est. Est nimirum prosperitas ipsaq;  
 fortuna in his quæ in nobis non sunt, neq; eorū

*Vbi mēs ac  
 ratio pluri-  
 ma, ibi for-  
 tuna mini-  
 ma: & e cō-  
 trario.*

346 *Magnorum Moraliū*

quorū ipsi sumus domini, quāq; possimus efficere. Ideo iustum quatenus iustū, nemo fortunatum dicit. & ne quidē fortē, nec prorsus quēquam alium à uirtute prāditum. in nobis si quidem est hāc habere, uel nō habere. Sed enim in talibus magis peculiare, ac suū, dicimus fortunam & prosperitatem. ingenuū nanq; dicimus fortunatum, ac prorsus cui talia bona extiterint, quorum ipse neutriquam dominus est. uerū tamen ne hinc quidem propriē prosperitas diceretur. Est tamē fortunatus sēp numero dicitur. nam prāter alicuius cōsiderationem, cūm & alicui bonum aliquod agere contigerit, dicimus fortunatum: & eum, cui iure infligi damnum debuerat, eiusmodi hominem lucrum facientem, dicimus fortunatum. Est igitur prosperitas, in agendo bonum aliquod prāter rationem, & in non subeundo, ut debuit, malo. Ceterū potius ac magis peculiare in bono capiēdo prosperitas uideatur. siquidem bonum capere, per sese fortunatū quiddam esse uideatur: malum uerō non subire, ex casu fortunatū. Est igitur prosperitas rationis experta, natura nāque fortunatus est, qui sine ratione ad bona impellitur, eaq; consequitur. Id uerō naturæ est, nam animæ inest huiusmodi à natura, quo sine ratione impellamur ad ea, unde bene habemus, eousque. ut si quis pōget ita habentem, Cūnam id tibi ita libet agere? nescio, inquit, sed libet. Simile propemodum lymphaticis. siquidem lymphatici citra rationem ad aliquid agendum impelluntur. Prosperitatem uerō, suo ac peculiari nomine appellare non habemus: uerū ipsam sēpe dicimus esse causam. at hāc causa à nomine alienum quiddam est. quoniam causa,

& cūius



& cuius est causa, aliud est: & citra impulsu  
bona consequentem causa, causa dicta est, ut  
malum non subire, vel porro minimè animo  
deputatum, bonum capere. nancisci què bonum  
est profectò huiusmodi prosperitas ab illa di-  
stincta, videtur què hæc ex rerum fieri interuen-  
tu, ex casu què prosperitas. & perinde tametsi  
est huiusmodi prosperitas, non tamen ad fe-  
licitatem talis (inquam) prosperitas fuerit pe-  
culiaris, cuius in ipso impulsus principium bo-  
norum est † assuetudinis. Quoniam igitur est † a. l. acqui-  
felicitas non sine bonis externis, & quæ à pro-  
speritate (ut iamdudum dicebamus) oriuntur,  
felicitem coadiuvant. De prosperitate igitur  
hactenus.

*De honesta probitate, honesto ac bono.*

*Cap. X.*

**Q**Uoniam de singulis particulatim diximus,  
reliquum iam fuerit ut in totum componē-  
do singula accumulemus. Est igitur non  
malè nomen impositum in consummato pro-  
bo honesta probitas. honestus & bonus nanque  
dicitur, cum perfectè probus. siquidem uirtutis  
bonum & honestum fatentur, sicut iustum ho-  
nestum & bonum aiunt, fortem, temperantem,  
ac prorsus uirtutum omnium. Quoniam igitur  
in duo distribuimus, ut alia quidem honesta,  
alia uerò bona dicamus: & bonorum, alia qui-  
dem simpliciter bona, alia uerò non: honesta  
porro, ut uirtutes, & uirtutum actiones: bona cer-  
tè, dominatum, opulentiam, gloriam, honorè,  
& id genus alia. Est igitur honestus & bonus,  
apud què simpliciter bona sunt bona, & simpli-  
citer honesta honesta sunt. talis nanq; honestus  
&



## 348 Magnorum Moraliū

& bonus. Sed apud quē simpliciter bona non sunt bona, is neque honestus & bonus: sic ut ne quidem bene valere videatur, cui simpliciter salubria non sint salubria. Nam si opulentia, & dominatus adueniendo quippiam offenderint, opranda non fuere: sed talia quę nō offendāt, sibi esse optauerint. Qui autem talis sit, qualis correptus ex bonis, ne ei adsint, ne quidem honestus ac bonus esse videatur: sed cui per se bona omnia, bona sint, nec ab ipsis absumatur? ut ab opulentia & dominatu, is honestus & bonus.

De recta ratione.

Cap. XI.

**D**E eo quod est ex virtutibus recte agere, neutiq̃ satis absolutē dictum est. nam dicebamus ex recta ratione agendū esse. verū ignarus interrogauerit id fortassis quispiam, ex recta ratione quidnam sit, & ubi recta ratio? Est nimirum ex recta ratione agere, cum animę pars irrationalis non prohibuerit rationalem suam exercere actionem. tunc demum enim ex recta ratione erit actio. Quoniam enim animę partem, vnam quidem deteriorem habemus, alteram meliorem, semper deteriorem melioris causa obtinemus. sicut in corpore & anima, corpus animę causa habere dicimur, cum ita habuerit ne præpediat, sed tra coniungatur & consurgat ad animę opus perficiendū: quandoquidem deterius melioris est causa, ita ut secum meliorem exerceat. Cum igitur affectus menti non inhiuerit suum opus exercere, an non tum ex recta ratione luerit? Ita propemodum. Verū fortassis dixerit quispiā, quomodo affectus

affectus habuerint, cum non impediuntur? ac  
quandō nam ita habebunt, ut non prohibean-  
tur? Nescio. quippe dictu neutiquam facile est.  
Neque enim medicus, sed quando dixerit febrici-  
tanti ptisanam proferendam: at quo pacto fe-  
bricitare sentiam? cum (inquit) impalluisse vi-  
deris: at palleſcētem quomodo sciero? hic oc-  
currit medicus, si non habes ex te (inquiens)  
ut talia sentias, nō habeo amplius quid dicam.  
Hoc pacto de aliis communis huic erit oratio.  
Similiter habet & in affectibus dignoscendis.  
aliquid nanque per sese sensu oportet cōiicere.  
Quærat porō & hoc. fortassis quispiam,  
nunquid re ipsa ista cognoscens, ero continuo  
felix? nam sunt qui opinentur. Hoc certē est  
huiusmodi, ut ceterarum scientiarum nulla  
discenti vsum præbet & actionem, sed habi-  
tum duntaxat, ita ne quidem hic, hæc scien-  
do, vsum tradit. Felicitas enim est (ut fatemur)  
actio, non habitus. neque enim sciendo ex  
quibus constet felicitas, sed ex utendo his: at-  
qui horum usus & actio est. nec est præsentis  
tractationis hoc tradere: quandoquidem ne-  
quæ vlla alia quæpiam scientia vsum tradit,  
sed habitum.

*De amicitia, & amicis. Cap. XII.*

**V**Erū enimvero inter cuncta huiusmodi  
nobis de amicitia dicere necesse est, quid  
sit, & in quibus, & circa quid. quādoquidē  
ad omnē uitam ipsam tendere perspicimus, &  
omni tempore bonum esse, quo ad felicitatem  
complectendam. Primum igitur uidebitur me-  
lius percurrere, ac excutere quæ ambigua sunt.  
Nam

## 350 Magnorum Moraliū

Nam est in primis amicitia in similibus, ut videtur, ac dici solet. siquidē graculus (inquiunt) graculo assidet, semperq; Deus simile agit ad simile. dicitur quoque canis semper in eadem tegula dormire. Interrogatus fertur Empedocles, cūnam canis semper in eadem dormiat tegula. dixisse, quoniam simile canis habet tegulę, & perinde ob similitudinem eō tendere. Alijs porrō visum est, potius in contrarijsagni amicitiam. amat siquidem imbrem terra (inquiunt) cū solum exaruit. quippe quod (inquiunt) contrarium contrario velit conciliari, at in similibus nihil fieri contingit. si quidem simile (ut aiunt) simili non eget. ac talia iactantur. Iterum, vtrum operosum est amicum fieri, an facile? velut assentatores cōfestim assentientur, nec amici sunt, ut esse videntur. Dubitanerit in his quoque quispiam, nūm fuerit probus malo amicus, an ne? amicitia siquidem in fide & cōstantia. at malus, neutiquam talis. An malus malo amicus? Ne id quidem. Primum igitur definiendum qualem consideremus amicitiam, est nanque (ut opinantur) amicitia etiam erga Deum, atque inanimata, neutiquam recte. Amicitiam nanque hęc esse dicimus, vbi amor reciprocus. at erga Deum amicitia neutiquam reciprocum. & ne quidem amare suscipit. alienum nanque fuerit, si quispiam dixerit Iouem amare. At ne quidem ab inanimatis amorem esse contingeret reciprocum: amor tamen erga inanimata est, ut vinum, vel huiusmodi aliud. Ideo non erga Deum quarimus amicitiam, neque erga inanimata, sed erga animata, atque erga ea in quibus sit amare mutū. Quod si quis deinceps cōsideret, quid sit amabile, videndum.

## Liber Secundus. 351

est igitur non quicquam aliud eum per se bonum. Aliud nempe est amabile, & aliud amandum: quemadmodum consultabile & consultandum. utriq; enim bonum inest. Ita etiam amabile quidem, simpliciter bonum: amandum uero eodem modo bonum. Iterum amandum quidem, etiam amabile: at amabile non idem est, quod amandum. Hinc igitur & hac de causa est ambiguitas: num probus malo sit amicus, an ne. Connektitur nanque quodam modo per se bono sibi bonum, & amandum amabili. habetur autem & consequitur bonum iucundum esse, & commodum. proborum igitur amicitia est, cum se mutuò amauerint: amant autem se inuicem, quatenus amabiles: & amabiles, quatenus boni. non igitur probus, inquit, malo erit amicus. Atqui erit: quandoquidem per se bonum comitatur commodum & iucundum, si malus est qui suavis, hac de causa amicus. rursus quatenus commodus, eatenus amicus. Verum non erit ex amabili eiusmodi amicitia. siquidem amabile bonum est: atqui malus non amabilis: non ergo propter amabile, sed propter amandum. Sunt nanque ab vniuersali amicitia quæ in ipsis probis est, hæ quoque amicitia quæ ex iucundo, & quæ ex commodo. qui ergo propter iucundum amicus, non tenet propter bonum amicitiam: neque qui propter commodum. Atqui sunt hæ amicitia, quæ propter bonum, quæ propter iucundum, quæ propter commodum. nec tamen eadem, & ne quidē prorsus inter se inuicem alienæ, sed ab eodem quodammodo dictæ sunt. uelut medicū cultellum dicimus, medicum hominē, & medicā sciētiā. hæc non similiter dicuntur: sed cultellus, quod

## 352 Magnorum Moraliū

quod ad medicinam utilis sit; medicus dicitur; at homo, quod sanitatem faciat. scientia verò; quod sit causa atq; principiū. Itidem & amicitie non itidem quæ proborū, quippe quod propter bonum, & quæ propter iucundum, & quæ propter commodum. Neq; dicuntur æquiuocē. verū non sunt eadem: sed circa eadem quodāmodo, ac ex eisdem. Quod si quis dicat, qui propter iucundum amat, ei amicus non est, quandoquidem non propter bonum amicus est, is in amicitiam proborum demigrat, quæ ex his omnibus constat, quippe ex bono & iucūdo, & ex commodo. proinde non est uerē ex illa amicitia amicus, quæ propter iucundum, uel propter commodum. Vtrum igitur erit probus probo amicus, an non? siquidem non eget (inquit) similis simili. Hæc nimirum oratio, propter commodum indagat amicitiam. nam quatenus alter altero indiget, eatenus sunt amici, quatenus propter commodum conciliantur. cum aliter definiatur quæ propter commodum amicitia, & quæ propter virtutem, & quæ propter voluptatem: æquum utique hoc multo magis esse, qui uirtute conciliantur. cuncta siquidem ipsis bona existūt, & iucundum, & commodum. Ceterū etiam probus malo: nam quatenus fortassis iucundus est, eatenus etiam amicus. Et malus malum: nam quatenus idem fortē ipsis commodum, eatenus amici sunt. fieri nanque inueniuntur, cum idem fuerit commodum, eos ob commodum conciliari. proinde nihil prohibet, etiā malis aliquod commodū esse. Constatissima igitur, ac stabilissima, & honestissima, quæ inest probis amicitia. quippe quod propter uirtutē, ac per se bonum. Nam uirtus incommutabilis:

& quæ



& quæ per eam conciliatur amicitia, constantissima est. at quæ ex commodo stabilis non est amicitia, quippe quæ cum commodo elabitur. similiter etiam quæ propter uoluptatem. Optimorum igitur amicitia, quæ per uirtutem excitata est. multorum autem, quæ commodum, & quæ propter uoluptatem, in oneribus, & his quæ obueniunt. Contingit autem etiam indignari cum malis amicis, pariterque admirari. Est uero non absurdum. cum enim amicitia principium ceperit voluptatem, propter quod amici sunt, itidem & commodum, simul enim hæc deficiunt, neutiquam etiam perdurauerit amicitia. At sæpe perstat quidem amicitia, uerum abusus amico est. ideo indignatur, neque id iniuria. non enim propter uirtutem cum hoc tibi fuerat conciliata, ut alienum non uideatur nihil esse ex uirtute. Quamobrem non rectè indignantur, qui amicitiam per uoluptatem conciliarunt, quod existiment ipsam per uirtutem duraturam: quod fieri non potest. non enim quæ propter uoluptatem & commodum, ex uirtute est. Voluptate igitur conciliatis, non rectè uirtutem querunt. neque enim comitatur uoluptatem & commodum aliquod uirtus: sed contrà, ea ambo uirtutem consequuntur. Alienum enim nisi bonos, putare sibi fore iucundos. *quandoquidem mali (ut inquit Euripides) ipsi sibi sunt iucundi, malus uero contabescit* nec enim uoluptatem uirtus comes consequitur, sed uirtutem uoluptas comitatur. Virum uero etiam oportet in amicitia proborum esse uoluptatem, an non? Alienum enim non uideri oportere. nam si ab ipsis inter se inuicem auferas suauitatem, alios ac consuescendum in uita iucun-



## 354 Magnorum Moraliū

dos amicos addeunt: nam ad simul viuendū nihil maius est, quā iucundos esse. quamobrem alienum est nō arbitrari, probos maximē simul inuicem vitam agere, id verō citra iucundum non est. expedit ergo (ut videtur) his maximē iucundis esse. Quoniam autem distributæ sunt in tres amicitia species, in hisq; ambigebatur, utrum in ipsa æquabilitate amicitia esset, an in eo quod esset inæquabile. Est igitur in utroque: nam proborum, per similitudinem perfecta amicitia est. at quæ per dissimilitudinem, ea quæ propter commodum. Nam eo modo copioso pauper, ob inopiam eorū quibus affluit diues, amicus est. ac eadem de causa, malus probo. si quidem propter uirtutis inopiā, à quo sibi opitulatum iri putat, ei ob hoc amicus est. fit igitur propter commodum inter dissimiles amicitia. Hac de causa dixit Euripides,

*Amat imbrem terra, cum solum exarescit.*

His, utpote contrarijs, amicitia ob commodum exoritur. nam si libeat maximē contraria facere inter se inuicem vitia, ut ignem & aquam componendo, ignis si desit humor, absūmitur, quem sibi attrahit tanquam alimentum: tantum quidem, ut non succumbat. nam si superarit humor, ignis absūmitur. si verō moderatus, conferet. Non dubium igitur, quin in maximē contrarijs ob commodum sit amicitia. Deducuntur autem amicitia omnes, tam ipsa æqualitate quā inæqualitate, in tres distributæ species. Est autem in cunctis contentio inter se inuicem amicitijs, cum nequaquam similiter amaue- rint, uel fecerint, uel suppetiuerint, uel cum id genus aliquid. & cum vnus quidem uehementer facit, alter verō deficit, in deficiendo in-  
matio

matio est, atque incusatio. Præterea in quibus idem est amicitia finis, ut si utrique propter commodum inter se inuicem amici conciliantur, aut propter iucundum, aut propter uirtutem, defectus qui ab altero, exploratus ac certus est. Si igitur plura tu mihi bona cōtuleris, quàm ego tibi, non ambigo quin tu de me bene meritus, à me plus amari debeas. Vbi autem non hac amicitia amici fuerimus, ibi maiores defferentia: defectus siquidem ab utroque incertus. ut si propter uoluptatem vnus quidem sit amicus, & propter commodum alter, inde oritur ambiguitas. neque enim qui commodo excedit, uoluptatem censet dignam quæ commodo rependatur. nec qui uoluptate superat, dignam gratiam in ipso commodo se existimat accipere. idcirco in eiusmodi amicitijs magis exoriuntur differentia. Qui uerò ex inæqualitate amici sunt, nempe excedentes opibus, uel alio huiusmodi aliquo, non sibi censent amandum esse, sed ab inferioribus amari oportere existimant. At amare melius est quàm amari. siquidem amare uoluptatis actio quædam est, & bonum: ab eo autem quod ametur nulla actio est. nèpe cognoscere, melius quàm cognosci. cognosci enim & amari etiam in carentibus anima existit: at cognoscere & amare in rebus animatis. Rursus beneficium esse melius quàm secus: qui amat, quatenus amat, beneficus est; amatus uerò, quatenus amatur, non. Sed homines honoris cupiditate incensi, amari quàm amare malunt: quòd quatenus amantur, uideantur præcellere. amatus siquidem uoluptate, uel copia, uel uirtute præcellit. At honoris cupidus eminentiam affectat. & qui excellunt, sibi non aman-

## 356 Magnorum Moraliū

dum esse arbitrantur, quòd in quibus excedunt, amantibus rependi opinantur. Item ipsis sunt deteriores illi, ob hoc non censent amare debere, sed amari. Sed qui egenus pecuniarum, aut uoluptatum, aut uirtutis, is affluentē suspicit & amat, quòd ea consequatur, aut se consequuturū opinetur. Sunt autem & alię ex consimili affectu conciliatę amicitia, & ex eo quòd cupiam bona uelint, in quibus non est cuncta hæc comprehendens facta amicitia: nam saepe numero alijs bona uolumus, attamen cum alio uitam agere malimus: utrum hoc amicitia dicere oportet, an consummatę amicitia nempe per uirtutem affectus? in ea siquidem amicitia hæc insunt cuncta. nam cum alio nemine uitam agere libuerit, siquidem iucundum, & commodum, & uirtus inest probo, cui bona in primis uoluerimus, & cum ipso uiuere & bene uiuere, & non cum quoquam alio magis. Nunquid sibi & erga se amicitia, an non? id nunc omitamus, dicemus postea. sed enim nobis ipsis cuncta uolumus, nempe nobiscum uiuere, uitamque ducere unā uolumus. id ferè etiam necessarium. & bene uiuere & uiuere, ac bonum uelle, non cuiquam alij magis. Rursus similitum affectuosi in primis sumus nobis ipsis. nam si labamur, uel in huiusmodi aliquid dedicamus, confestim irascimur. Hac de causa uideatur erga se sibi amicitia. Talia quidem certè, ut in similitudine affectionem, & bene uiuere, & id genus alia, aut erga nos ipsos dicimur referre amicitiam, aut in eam quę perfecta sit. in ambabus enim sunt hæc omnia: nempe unā uitam agere, & esse uelle, & bene esse, ac cetera omnia in his sunt. Rursus uideatur ferè in quibus iustum est, in eisdem esse

esse amicitia : quamobrem quot iustorum sunt species, totidem & amicorum . Iustum certè est , & hospiti erga ciuem , & seruo erga dominum , & ciui erga ciuem , & filio erga patrem , & uxori erga uirum , & quęcunque simpliciter alię conciliationes , & amicitia sunt in horum singulis . amicitiarum uerò hospitalis ualidissima uideatur . neque enim ullus est communis , de quo ambigatur , finis , ut inter ciues . siquidem ambigunt propter excessum inter se inuicem , nec amici permanent . Nunc demum illud dicendum est , utrum erga se sit amicitia , necne .

*De amicitia erga se.*

*Cap. XIII.*

**Q**uoniam igitur perspicimus , ut paulò antè dicebamus , quòd ex singularibus amare cognoscitur : singularia uerò nobis ipsi in primis uelimus : nempe bona , & esse , & bene esse , & similitum affectantissimi nobis sumus , & nobiscum uiuere præcipue malimus . Quòd si ex singularibus cognoscitur amicitia : singularia uerò nobis ipsis inesse uolumus : non dubium quin ita erga nos sit amicitia , quemadmodum & iniuriam ergo nos ipsos esse dicebamus . Nam quemadmodum alter quidem afficiens iniuria , alter uerò affectus iniuria , unus & idem est : & ob hoc , ne quidem esse uidebatur iniuria : est nimirum , ut dicebamus , in animæ partibus considerationem iactantes . quandoquidem est uidere , cum plures non consentiunt , tum aduersum se esse iniuriam : ita igitur hinc erga se esse uideatur amicitia . Nam quoniam amicus est ( ut famur , cum demum uoluerimus impense ami-

cum dicere) una mea & huius anima est. At quando animæ plures sunt partes, tum vna fuerit anima, cum erga se inuicem consenserint ratio & perturbationes. ita nanque una erit perinde atque si una facta sit, erit erga se amicitia. Hæc autem erga se erit in bono amicitia, quandoquidem in eo solo animæ partes bene inter se inuicem habent, quando inter se non differunt. quoniam malus nunquam sibi amicus est: se nanque semper oppugnant. nempe incontinens cum quid per uoluptatem nequiter egerit, mox pœnitentia affligitur, ac se excruciat. itidem & in alijs vitijs malus habet, sese oppugnando, ac sibi aduersando. Est autem amicitia etiam in ipsa æqualitate, ut sociorum, per æqualitatem numero & potestate boni. Neuter siquidem ipsorum debet altero plus sibi ascire, neq; numero bonorum, neque potestate, neque magnitudine, sed ex æquali habere socij aliqui cupiunt. At per æqualitatem, patris erga filium, & subditi & imperantis, & potioris & deterioris, & uxoris & uiri est consideratio: ac simpliciter ubicunque inter potiozem & deteriozem in amicitia ordo intercessit. hæc nanque est ex ratione in disparilitate amicitia. Neque enim vnquam equale ullus ex bono dabit, si meliori deterioriue dederit: sed maius semper ei qui excedat. Id quippe est quodammodo ratione æquale, cum minus bonum capit deterior eo, cui melior est.

*De affinitate.*

*Cap. XIIII.*

**A**micitiarum omnium, quæ iam memorataz sunt, in primis cognatus est amor, qui in affi-



in affinitate, eaque ex parte in filium. Et cur nam pater filium magis amat, quàm filius patrem? utrum (ut nonnulli inter multos rectè ajunt) quòd pater beneficus erga filiũ sit, quòdque filius de patre benemeritus sit? hæc igitur causa in amicitia per commodum conciliata esse uidebitur. quemadmodum & quæ per scientiam spectatur, ita quodammodo hic habebit. Est igitur idem finis atque actio, neque aliud aliquid præter actionem finis, ut tibicini eadem actio atque finis. perficere enim tibias ei & finis & actio est. non autem ædificationi: nam præter actionem aliud est finis. Est igitur amicitia actio. quædam. nec finis aliud est præter actionem in amando, sed illud idem. Pater igitur semper magis quoquo modo satagit, ob hoc quod eius factio sit filius, id quod in alijs cernimus. omnes siquidem erga quod ipsi effecerunt, sunt quodammodo beneuoli. pater igitur filio, utpote suæ factioni, bona uult, memoria spectque adductus. ideo magis filium pater diligit, quàm filius patrem.

*An beneuolentia amicitia sit. Cap. XV.*

**E**Xpedit autem iã dictas & existimatas amicitias existimare, sintne amicitia, ut beneuolentia uideaturne amicitia. Simpliciter igitur beneuolentia neutiquam amicitia esse videatur: siquidem frequenter multis, aut uidendo, aut audiendo aliquid de aliquo bono, beneuoli efficiamur, an tum etiam amici, an ne? neque enim, si quispiam Dario apud Persas existenti beneuolus (quemadmodum fortassis) fuerit confestim etiam erga Darium illi fuerit amicitia.



citia. At amicitiz beneuolentia quandoq; initium esse uidebitur. Fiat nempe beneuolentia amicitia, si uoluntatem asciuerit qui bona potest prestare, ei prestandi in quo sit beneuolentia. Moris certe beneuolentia est, & erga morem. nemo siquidem aut uino, aut cuiquam alij inanimato suauī bono beneuolus esse perhibetur. sed si quis morum studiosus, erga ipsum beneuolentia. Neque citra amicitia beneuolentia est, sed in eodem: iccirco amicitia esse uidetur.

*De concordia.*

*Cap. XVI.*

**C**oncordia autem est confinis amicitiz, si propriè modo dictam accipias cōcordiam. nam si quis Empedocli astipuletur, arbitreturque sicut ille esse elementa, nunquid concors erit Empedocli, an nō? uel si quid aliud tale? Primū certè non est concordia in eis quæ sub intelligentiam, sed quæ sub actionem cadunt. & in his qui idem cognouerunt; sed si cum hoc intelligendi idem delectum habeant, circa quæ pariter intelligunt. Nam si ambo dominari cognouerunt, hic quidem se, ille uerò se, nunquid sunt concordēs, an non? ceterū si ego me uelim imperare, & ille me, iam concordēs hoc pacto sumus. Est nimirum concordis esse, in eis quæ sub actionem cadant, cum eiusdem uoluntate. circa statum igitur dominātis, in eisdem quæ sub actionem cadant, propriè dicitur esse concordia.

**Quomodo**

*Quomodo probus sese amabit. Cap. XV, 11.*

**V**erum quoniam est (ut diximus) sua alicuius erga se amicitia, utrum probus sese amabit, an ne? est certe se amans, qui sua de causa agit omnia, ubi modo aliqua suggeratur utilitas. Malus igitur sui amans erit. sua enim de causa agit omnia. probus vero non. hac enim de causa est probus, quod alterius causa id agat. & proinde sui amans non est. Atqui omnes ad bona prosiliunt, opinanturque sua in primis esse oportere. idque precipue manifestum est ex opulencia ac dominatu. Probus igitur alij hæc statuet, nec ut officiosum in primis sibi, sed si alium viderit qui his commodè magis uti possit, facile concesserit. Alij, hoc inscitia quadam non facient. neque enim opinantur talibus bonis abuturos, vel etiam ob honoris cupiditatem imperant. Probus vero horum neutrum efficiet. & perinde ne quidem propter eiusmodi bona sui amans erit, verum si honestas postularit, id enim solum nemini alij concesserit, at commoda & iucunda cesserit. Itaque in delectu honestatis sui amans erit, at ubi commodum ac iam dicta voluptas affectabitur, improbus erit, non bonus. Utrum probus sese maxime amabit, an non? Est certe, ubi sese maxime amabit, est ubi non. Nam cum dicimus probum bona cedere quæ ad utilitatem tendant, amicum magis quam se amicum amaverit, ita. verum amico concedens, sibi honestatem accommodat, eoque modo ista concedit. Est igitur ubi amicum se magis diligat, estque ubi sese maxime. in ipso namque commodo, ami-

cum : at ubi honestum & bonum , ipse sese maximè diligit . Est igitur boni etiam amans , nec sui amans . solum enim siquidem sese amat , quòd bonus . Malus autem sui amans est . neque enim habet quapropter se amet , sicut honestum aliquod , sed citra hæc ipse , quatenus ipse est , sese amabit . & perinde hac de causa propriè sui amans diceretur .

*De eo, quod sibi satis . Cap. XV III.*

**D**iscendum de eo, quod sibi satis, & non altero indigente. vtrum qui sibi satis egebit amicitia, an neque nempe ipse sibi satis erit, etiam ob hoc, siquidem etiam poetæ talia iactant . Cum dæmon bene dederit, quid amicis opus est? Unde etiā gignitur inopia? Vtrum qui cuncta habeat bona, quique sibi satis sit, amicis egebit, an tum etiam maximè? cui enim bene faciet, aut quo cum vitam ducet? neque enim solus deget. Quòd si his opus erit, neque contingunt hæc citra amicitiam; qui sibi satis est, egebit amicitia . Quæ igitur in sermonibus consueta capi similitudo ex Deo, neque illic rectè, neque hic fuerit utilis . Neque enim si Deus sibi satis, nec ullo indigens, ob hoc etiam nos nullo indigebimus . Est nimirum iactatus de Deo huiusmodi sermo . nam quoniā bona cuncta obtinet Deus, ac sibi satis est; quid faciet? neque enim dormiet. Inspiciet aliquid, inquiunt: id nanque pulcherrimum, & maximè peculiare. Quid igitur inspiciet? nam si quicquam aliud inspiciet, id erit melius, hoc verò absurdum est, ut se quicquam melius habeat Deus. Ipse igitur sese inspiciet . at hoc delirum, nam homini qui sese

sefe suspiciat, utpote attonito, inclamamus: quid igitur Deus inspiciat omittamus; neq; de eo quod sibi Deus satis sit, consideremus, sed de homine. Vtrum qui sibi satis sit, is egeat amicitia, necne? quod si quis amicum spectans viderit quid sit, & qualis amicus, talis qualis alter ego esse, tum vehementer amicum facies, quemadmodum dictum est, hic alter Hercules, alter amicus ego. Quoniā igitur difficillimum est (quemadmodum quidam dixere sapientes) sese cognoscere, & suauissimum: nam se nosse, iucundum: ex nobis ipsis certē nos non possumus inspicere. Quod autem non nobis possumus, hinc certum, quod alijs inclamamus, nec nobis cogniti, quod eadem faciamus. id verō sit, aut quia bene volumus nobis, aut propter affectum. at nobis hæc ad rectē iudicandum obstant plerisq;. Quemadmodum igitur, si velimus ipsi nostram spectare faciem; in speculo obruemur; itidem esse, cū nos cognoscere voluerimus, amicum spectantes nosse potuerimus. est siquidem (ut diximus) amicus alter ego. Quod si iucundum est se nosse, idq; scire non est sine altero amico; opus erit amicitia, qui sibi satis sit, ut se cognoscat. rursus etiam si honestū (ut est) benefacere, cum qui à fortuna bona obtineat, cui benefaciet? quo cum vitam aget? non enim solus deget. nam vitam ducere cum alio, & iucundum & necessarium est. Quod si hæc honesta & iucunda, necnon necessaria, & hæc sine amicitia esse non possunt, opus erit amicitia qui sibi satis sit.

De mul-

**V**trum multos habere amicos expedit, an paucos? Neq; profectò multos (vt paucis absoluam) neque paucos oportet. nam si multi erunt, amorē in singulos distribuere erit operosum, in cunctis siquidem alijs imbecilla natura nostra, in plurima peruenire non potest. neq; enim visu diutissimè possumus: sed si plus mediocritate institeris, ob imbecillā naturam deficit, nec auditu, neque alijs eiusmodi omnibus. Qui igitur amare non possit, deficit: iusq; fuerit vt inelametur coarguaturq;, quòd amicus sit, nec amet: ceterum hac ratione esse non postulat amicitia. Rursus si multi, nunquam morere desierint; inter multos nanque par est, vt aliquod semper accadat infortunium, vnde tritari necesse sit. neque porrò paucos, vnum vel duos esse expedit: sed inter parum & multum, vt tempus, atque ad amandum satis sit impulsus.

*Quomodo amico utendum sit.*

*Cap. X X.*

**D**einceps considerandum fuerit, quomodo utendum sit amico. Est profectò non in omni amicitia coniectatio, sed in qua se inuicem amici obiurgant. Atqui nō in alijs eodem modo se obiurgant, sicut in ea quæ patris erga filium, eadē non est inelamatio, vt par fuerit nōnullis, quemadmodum ego tibi, & tu mihi: q̃ si non, hīc tam vehemens fuerit inelamatio. At in amicis inæqualibus non est par, est verò patris erga filium amicitia in minimè æquali, itidem vxoris erga virum, aut vernæ erga dominum,

dominum, prorsusq; deterioris & melioris. In eiusmodi non erunt inelamationes, sed ubi pares amici, & in ipsa amicitia talis erit obiurgatio. Proinde considerandum, quo pacto utendum amico fuerit, in ea demum amicitia, quæ inter pares fuerit conciliata.

*Magnorum Moralium Aristotelis, finis.*

LECTORI.

*Moralium etiam Eudemiorum libros (ut & alij fecere) huic Magnorum Moralium volumini subiecimus: qui, quanquam eadem, quæ & Nicomachij pertractent, ea tamen sæpenumero diverso explicant modo. Aristotelis autem operibus inseri solent: cum (cuiuscunque illi fuerint) eos ex ipsius depromptos officina Posteriores approbarint. Seclusimus tamen Quartum, Quintum, & Sextum libros (quanquam in Græcis reperiuntur exemplaribus) cum ydem ad verbum sint cum Quinto, Sexto, Septimoq; Nicomachiorum: ne idem penitus, his frustra repeteretur.*

ARISTO-



ARISTOTELIS  
STAGIRITAE,  
PERIPATETICORVM  
PRINCIPIS,  
Moralium Eudemiorum,

LIBER PRIMVS.

SVMMA LIBRI.

*Circa beatam vitam, ac felicitatem considerationes  
quàm plurimæ: Et non dari ipsius boni Ideam.*

*De beata vita agendum esse, de eaq̃, in quo consistat.  
varia opiniones. Cap. 1.*



Vi numinis sententiam in Delo  
edisserit, vestibulo tēpli inscri-  
psit. Non in eodem omnia con-  
uenire, Bonum honestū & lu-  
cundum. Nam iustitiæ quidem  
cultū, rem esse pulcherrimam,  
sanitatem præstantissimam, rei  
verò amata consecutionem suauissimam. Quod  
nos nequaquam concesserimus. felicitas enim  
cū optima sit & pulcherrima, eadē etiam iu-  
cundissima existit. Cæterū inter consideratio-  
nes varias, quæ in vnaquaq; re natura que excu-  
tienda negotium faciunt, & contemplatione  
egent, aliz ad cognoscēdum tantū pertinent,  
aliz

aliæ verò ad acquisitionem, & negotia spectant. Quamobrem quæ in sola contemplatione posita sunt, opportuno tempore (id quod methodi proprium munus est) à nobis pertractabuntur.

Ante omnia verò considerandum, in quonam vita beata consistat, & quo pacto ad eam perueniatur. Vtrum, quemadmodum homines parui, magni, & colore differentes, sic quibus nomen beatorum contigit, natura fiant. An per disciplinam, velut certam eo destinata scientiam. An per exercitationem. haud enim pauca, neq; natura, nec arte aliqua, sed consuetudine sola parantur: ut mala malis, bona bonis. Aut nullo quidem horum modorum, sed aut Dei alicuius afflatu, quod fanatico furore correptis, aut numine instinctis accidit. Aut etiam fortuna. plurimi enim felicitatem idem quod secundam fortunam esse arbitrantur. Patet igitur beatitudinem euenire, vel per hæc omnia, vel quædam, vel vnum aliquid. nam ad hæc principia referuntur omnes rerum generationes: ac ab intelligentia profectæ actiones ad eas, quæ à scientia fluunt, trāsserri queant. Porro bene beateq; viuere in tribus maximè rebus cōsistit, ijs nempe quæ potissimum expetuntur. Nam prudentiam alij, alij virtutem, alij verò voluptatem ut summum aliquid eligunt, contenduntq; inter se de harum magnitudine & potestate, quænam ad felicitatis cōsecutionem vim adferat vberior. Vnde fit. ut quidam prudētiam virtuti, alij prudentiæ virtutem, nonnulli vtrique voluptatem anteponan: quocirca ad bene beateq; viuendum, quidam vnum ex his, alij duo, nonnulli omnia requirunt. Et qui de his præcipiunt, aiunt omnibus scopum quendam rectè viuendi propositum

368 *Moralium Eudemiorum*

propositum esse, qui modo ex electione vivere  
iam queant: ut sunt honor, gloria, opes, erudi-  
tio: quem spectans quisque, omnes actiones per-  
agit. Quapropter vita proposito sine carens, in-  
signis stultitiae argumentum est. In primis verò  
apud sese quisque, nec temerariè, nec segniter  
constituere debet, quàm parte beata vita con-  
sistat, & quid sit, quo sine nemini ea contingat.  
Neque enim sanum esse, & id, & quo sine nequeat  
consistere sanitas, pro eodem reputari non de-  
bent: ita nec rectè vivere idem cum eo est, citra  
quod id nemo consequatur: quod idem etiam  
in alijs innumeris observatur. Sunt autem cau-  
sae eiusmodi, non equidem vitæ, sanitatisve pro-  
priae sed communes (ut sic loquar) omnium ha-  
bituum & operationum: nam absque respira-  
tione neque vigilia nec motus, nec bonum aut  
malum in vniuersum vllum subsistit. Aliæ verò  
propriae sunt magis vniuscuiusque naturæ, quas  
ignorare non conveniat. neque enim ex æquo  
cum iam dictis ad bonam habitudinem acqui-  
rendam faciunt carniæ esus, atque cibo inge-  
sto deambulatio. Atque hæc sunt quæ difficulta-  
tem controuersiamque pariunt; dum quid sit re-  
ctè vivere, & unde contingat homini inquiri-  
tur: nam id, quo sine nemo queat beatus esse,  
nonnulli felicitatis partem existimant. Verùm  
omnes omnium de his opiniones persequi su-  
peruacuum sit, quando & ægroti, ac deliris, &  
pueris quædam videantur, quæ nemo sanæ men-  
tis in quæstionem posuerit. Ratione enim opus  
non est: sed his quidem ætate prouectiore, quæ  
corrigatur iudiciū: illis verò punitione politi-  
cæ medicæ, quæ dolori inferendo plagis, vim  
habet haud minorem. Similiter & vulgi, de re-  
bus

bus omnibus ferè pronunciantis obmittenda sententia est, absurdum quippe ratione cum iis contendere, qui non rationem, sed multam mercantur.

*Dubitationes de vita excellentissima: & eam  
secundum diuersos in diuersis ponit ge-  
neribus. Cap. 11.*

**P**orro cū in omni negotio quæstiones oriantur, patet etiā de uita excellentissima dubitationes, opinionēsq; occurrere, quas sit expendere operæ pretium. controuertentium enim argumētis rationes contrariæ demonstrantur. Ignorare insuper haudquaquam conuenit sub tractationis principium ea, quibus omnis consideratio destinatur, scilicet, à quibus bene recteque uiuere contingat (beatè enim parcius dicere conuenit, ob spem quæ in singulis à bonis honestisq; uiris percipi solet.) Nam si uel in fortuitis, uel iis quæ natura eueniunt, sita est uita, honestas, commoditasq; spes eius præcidatur; multis quippe, qui frustra eò cura scdultitateque enitantur, siue id quod in ipsis est, siue studium actionemque spectes. Verum si in operatione penes ipsam positam: & in eo qualis quisq; sit, bene uiuere constituatur, & communius & diuinius bonū fuerit: illud quidem, quia pluribus participare liceat: hoc, quod operationes huiusmodi uel illiusmodi formare habeat necessum. Equidem quæ de his ambiguntur & disputantur, perspicua pleraque fuerint. si constiterit, quid verè tandem felicitatem oporteat appellare. An pro animo, hoc uel illo pacto disposito, ut quidam sapientes ueteresq; existimarunt, definire eam conueniat: an uerò

Arist. Moral. Eudem.      a a a      pro

370 *Moralium Eudemiorum*

pro totius hominis statu, aut operationum potius qualitate, & modo. Distinctis autem inter sese vitæ conditionibus & studijs, felicitatem nonnulli haudquaquam in eis collocant, sed necessariorum gratia tantum experi contendunt: cuiusmodi sunt artes odiosæ, ut appellantur, & quæstuariæ. (Odiosas autem voco, gloriæ tantum destinatas, mechanicas autem voco, sellularias & mercenarias: quæsturias autem, foro cauponisquæ artibus comparatas.) Ergo cum ad vitam bene beatequæ transigendam tria (ut supra diximus,) velut potissima bonorum genera ordinata sint, virtus, prudentia, & voluptas, totidem etiam vitæ genera nasci constar, quas omnes mentis saltem compotes adipisci & sectari cupiant: nempe ciuile, philosophicum, & voluptuarium. Philosophus enim prudentiam contemplationemquæ veritatis: ciuilibus, actiones honestas, eas inquam, quæ à virtute proficiuntur: voluptuarius verò corporis voluptates experit, quapropter, ut supra dictum est, alium quàm priores, felicem beatumquæ arbitrat. Vnde Anaxagoras Clazomenius à quodam interrogatus, quémnam beatissimum iudicaret, Nullum, inquit, ex ijs quos existimas: sed qui à felicitate alienissimus tibi videatur. Animaduertat enim nisi magnum, pulchrum, aut diuitem, neminem felicitis appellatione dignum illi censeri: cum contrà sibi felices beati quæ haberentur, qui iustis honestisquæ actionibus tranquillè incumberent, diuinamquæ aliqua contemplatione participarent. Ceterum re etiam sincera quæ iudicatio de rebus difficultate ubique plena est: tum in primis de ijs, quæ obuia omnium quæ cognitioni exposita vulgus arbitrat.

bitratur, vt quid in uita expetendum fit, quoue comparato plenam cupiditatem consequantur. Multa quippe mortalium uitam circunstant, & moleſtam faciant & acerbam vt ſunt morbi, dolorum intentio, tempeſtates, ut ſi hæc conſideranti optio à principio detur, non naſci potius quàm hæc experiri velint. Qua conditione uita puerilis eſt, ad quam nemo prudens, etiam ſi queat, redierit. Ac multa quidem, vel voluptatis dolorumque expertia, uel inhoneſtis ſaltem voluptatibus iuncta, eiufmodi ſunt vt non eſſe omnino quàm uiuere, melius iudicetur. Ac in uniuerſum, ſi congeras cuncta, quæ vel agunt vel patiuntur homines nō volentes (quia nec ipſius gratia) adiectis infinitis temporum ſpatiis, nihilo tamen magis uiuere quam non uiuere eligatur. Eodem pacto neque ob cibi ueneriſque voluptates, ſi reliquis deſtituta fuerit, quas uel cognitio vel viſus, aut ſenſus quiſpiam alius ſuppeditarit, nemo niſi ſeruile mancipium magnopere ſibi uitam exoptandam iudicabit; patet enim à bruto ira affectum hominem nihil diſtare, adeo ut bos Aegyptius, quem vt Apin colunt, hos monarchas multis modis antecellat. Eadem ratio eſt de ſomni voluptate. Quid enim refert, ſiue à prima natiuitatis die ad ultimam uſque, mille annis aut circiter ſomno profundo ſtertas, an uitam plantæ uiuas, illæ enim eadem propemodum, qua infantes, uita participant, nam & hi ut primū in utero concepti ſunt, excreſcunt quidem, ſed uelut iugi ſomno ſopiti. Vnde conſtat, nequaquam noſtræ cognitioni expoſitum, quid rectum illud bonumque in uita fiet. Quocirca Anaxagoras, ambigentem quendam ſciſcitantemque quare uiuere



372 *Moralium Eudemiorum*

potius quàm non uiuere expetendum esset. iussit coelum mundi quæ totius constitutionem & ordinem contueri: sentiens vitæ cupiditatem, non nisi scientiæ alicuius gratia laudabilem esse. Ceterùm qui Sardanapalum, aut Smindiziden Sybaritam, aut alium quemcunque vitæ voluptuariæ indulgentem, beatum prædicant, hi in lætando felicitatem posuisse videntur. Rursum alij reperiuntur qui nec prudentiam nec corporis voluptates, actionibus à virtute prætulerint: quippe quas non gloriæ alicuius gratia sectantur: tum etiam cùm felicitatem minimè consequuntur. Sed & multis ciuilibus appellatio non contingit. nam nec reuera ciuiles sunt, qui honestas per se actiones expetunt: cùm plerique alij habendi studio & gratia diuitiarum uitam eiusmodi capeffant. Inde manifestum est, felicitatem ad tria uitæ genera transferri ciuile, philosophicum, & uoluptuarium. neque clam est, quæ harum circa corporis voluptates consumetur: quæ item, qualisque sit, tum quo pacto fiat: ut nō sit necessum quæ sint, sed num ad felicitatem, & quo pacto conferant perquirere: item an uoluptates honestas uitæ applicare oporteat, an alio pacto quopiam inter sese communicent. sunt enim & uoluptates aliæ, quibus in rationibus colligendis beatum non absque dolore tantum, sed iucundè etiam viuere arbitrantur. Verùm de his postea dicitur. Virtutis uerò, prudentiæ quæ naturam excutiemus quæ sit, & utrum beatæ vitæ partes existant, uel ipsæ uel operationes ab ipsis profectæ. iunguntur enim felicitati, si nō ab omnibus, certò ab insignioribus, & pretio aliquo dignis.

*Socratis opinio de virtute : ac ipsius redargutio .**Cap. III.*

**S**Ocrates igitur, senex ille finem summum ponit homini uirtutis cognitionem: & quid sit iustitia, quid fortitudo, & quæ pars reliqua eius inquirat. Et rectè id, quoniam scientias uirtutes omnes arbitrabatur, ut iuxta hunc nosse iustitiam & iustum esse coincident, quemadmodum & geometriam architectonicamque didicisse, & geometram architectumque esse. Quocirca, non quo pacto, & ex quibus fiat, sed quid sit uirtus uestigat, id quod in scientiis contemplatiuis usu uenit. neque enim aliud est Astrologiæ, Geometriæ, Physiologiæque officium, quam ut naturam subiectarum rerum norint & intelligant. sed enim ad eas ipsas nihil obstat, ad res necessarias multas utiles nobis frugiferasque fieri. Verum aliud est actiuis scientiis, aliud cognitioni contemplationique finis propositus: ut sanitas medicinarum, rectè iuris legumque constitutio politica. Ergo, cum res quidem honestas cognoscere pulchrum sit, in uirtutis tamen consideratione, non tam quid sit, quam è quibus petatur, cognoscendum est. Neque enim scire quid sit fortitudo magnopere, sed fortes esse potius volumus: non scire iustitiam, sed iusti esse: quemadmodum sani esse beneque habere, quam sanitatem bonumque habitum cognoscere. Probationem uero horum omnium colligere per rationes oportet, adhibitis testimoniis exemplisque apparentibus. Potentissimum uero est, in omni probatione confessum omnibus testimonio proposita firmare posse: si id nequeas, omnino vel aliquam uerisimilitudinem adferre, residet enim penes omnes aliqua

### 374 *Moralium Eudemiorum*

veritatis confessio, quæ nostris confirmandis queant adduci. Nam & ea quæ verè quidem, sed minus aperte dicuntur, perspicua fiunt, si cōfusa notioribus cōmutaris, rationes porrò in vnaquaq; methòdo, vel philosophicè, vel secus adhibentur: quæ etiam in politicis haud superuacue ita accommodantur, vt nō solum quid, sed quare quid (quod philosophi est propriū in vnaquaq;) intelligatur. Quæ in re animaduersio accuratā requiritur. Sunt enim quidā, qui vt philosophi esse appareat, nihil, si nihil appareat dicere, ignorantes peregrinas incidunt, tractationesq; inanes aduocāt, idq; vel per ignorantiam, vel etiā per insolentiā: qua fit, vt nonnunquam periti rebusq; agendis idonei, ab eiusmodi vincantur, qui hæc nec intelligant, nec in agēdo industria vlla valeant. Cuius rei causa est inscitia: quæ in vnaquaq; re nihil est aliud q̃ inopia iudicij, quæ propriæ omnes à peregrinis distinguantur. Rectè verò habet, si causæ rationem, remq; demonstratā studiosè discusseris. Tum (vt modo dictū est) nō solum certis rationibus, sed apparētibus sæpe potius insistere oportet, animūq; aduertere. nā eas, nisi queas soluere, violēter ad fidem habēdam pertraheris. quocirca sæpe quidem id quod demonstratur ratione, verū existit quidem, sed non ea ex causa, quæ fortè adfertur. nani & ex falsis vera colliguntur: quemadmodum in Analyticis ostenditur.

*Bonorum diuisio, ac in quo membro felicitas sit constituenda. Cap. 1111.*

**H**æc præfati, à primis obscurioribusq; exorſi, ad manifestiora progrediemur, quid sit fe-

fit felicitas uestigaturi. Quæ omnium quidem consensu inter humana bona, maximum est & præstantissimum. (Humana adiicio, quia excellentiori fortasse cuidam cōgruat, ut Deo alicui.) nam reliqua animantia homine inferiora, huius appellationis prorsus sunt expertia. Neque enim felix dicitur æquus, avis piscis, aut aliud quodcunque animantis genus: nisi forte naturæ bonitate præstanti diuinæque re aliqua fruatur, unde nomen hoc trahat. sed alia quadam bonorum participatione aliud alio commodius incommodiûsue uiuit. quod ad eum modum habere deinceps excutietur. Nunc uerò dicamus, quod bona, alia sunt agibilia, quædam non. id ita intelligas, quòd ut entia, quædā motu carent, ita etiam bona nonnulla. atq; hæc fortasse natura sunt præstantissima. Alia uerò agibilia quidem, sed agibilia præstantioribus homine. Quia uerò agibile bifariam dicitur (nam & quorum gratia agimus, & quæ propter illa actione participant, ut sanitas & diuitiæ, quæq; horum gratia fiunt, salubria quæstuarique inter agibilia connumeramus) patet & felicitatem inter agibilia homini præstātissimum dicendum esse.

*Non dari ipsius boni Ideam. Cap. V.*

**I**Taq; considerādum quod sit optimum illud, quotque modis dicatur. Id tribus potissimum opinionibus constat. Omnium enim bonorum excellentissimum inquit ipsum bonum. Ipsum autem bonum esse, quod & primum sit, & aliis suæ bonitatis causa: quorum utrunque Idem boni competit. Vtrunque dico, & primum  
 a A a 4 esse,

376 *Moralium Eudemiorum*

esse, & causam bonorum, quibus adfuerit. iuxta  
hanc enim bona maximè dici, ut quæ participa-  
tione, similitudineq; huius primi boni, reuera  
bona & ipsa existant. sublata enim Idea, parti-  
cipantia quoq; auferri: quippe quæ ex eius par-  
ticipatione nomen boni sortiuntur. Primum au-  
tem eum habere modum ad posterius, ut bonū  
ipsum boni Idea sit, quæ ut reliquæ à participan-  
tibus separatur. Verū huius opinionis consi-  
deratio alterius exercitationis est, & logicæ ma-  
gis. refellentes enim, communesq; rationes nul-  
la alia scientia subsistunt. Porro si breuiter hæc  
dicere conuenit, pronunciamus primū Ideas  
non boni solū, sed cuiuscunq; alterius inutili-  
ter, cōtentioseq; affirmari. Plurimi autem mo-  
di sunt, tum perurgatarum populariumq; tum  
philosophicarum rationum, quibus hæc inqui-  
sitio fieri solet. Deinde si maximè Ideas, atq; Bo-  
ni Ideas concesserint, nihil tamen id vel ad vi-  
tam honestam, vel actiones contulerit. quoties  
enim ens, toties & bonum dicitur. Quemadmo-  
dum enim ens (vt alibi quoq; ostensum) signifi-  
cat quid sit res, aut qualis, nonnunquam quan-  
ta, aut quando, & præterea in eo ponatur inter-  
dum quod moueatur, aliquando verò quod mo-  
ueat: sic & bonum in singulis his ordinibus con-  
spicitur. Substantia enim mētem & Deum, qua-  
litas iustum, quantitas mediocre, quando tēpus  
& opportunitatem, motus docentem doctumq;  
completitur. ergo ut ens non unum est in præ-  
dictis consideratū, & ita nec bonum. & proinde  
neq; una scientia & entis, & boni. Sed nec cō-  
formia inter sese ad eandem considerationem  
pertinent, vt tēpus & mediocritas: sed alia aliud  
tempus, alia aliā mediocritatem spectant. Vt  
oppor-

opportunitas mediocritasq; in alimento, quas medicina & gymnasticè: circa actiones verò bellicas ars militaris. & sic alia de alijs tradit docetq; multo itaq; minus ipsum bonum vna aliqua scientia comprehendi queat. Præterea in quibus prius & posterius fuerit, eis communē quandam Ideam & separabilem nequeas constituere. sic enim sit aliquid primo prius. prius enim & cōmune & separabile est, cō quòd ablatō communi, necesse sit & primum tolli. vt si duplum multipliciū primū est, non licet multiplex communiter prædicatum separari, quippe quòd duplō prius est: siquidem Ideam communem esse contendas. perinde enim fiat, ac si commune illud separabile reddas. nam si iustitia bona est, & fortitudo erit. Præterea considerandum quidnam vocent ipsum bonum. Ipsum quidem adiectum eo videtur, vt communem rationem intelligas, rationem, quæ quid aliud est quàm æternum & inseparabile? Verum album diebus multis nihilo magis albū est quàm quod vno. quapropter commune bonum idem cum Idea censerī nō debet: omnibus enim inest. Rursum verò ostendendum, quōnam pacto in præsentiarum bonum demonstrat. Nunc equidem confessa bona demonstrat, ex ijs penes quæ bona residere in confesso est. Ex numeris quod iustitia & sanitas bonum. ordines enim & numeri sunt, vt numeris vnitatibusq; inesse bonum affirmetur, cum vnum ipsum bonum sit. Verum ex cōfessis, vt sanitate, robore modestia, adstruere oportet & in immobilibus magis honestum esse: omnia enim hæc ordo quidam & quies. quòd si sic habet, alia vtique magis bona sunt quippe quæ hæc intra sese complectantur. Verū



378 *Moralium Eudemiorum*

haud germana demonstratione probatur, vnū  
 esse ipsum bonum, quod numeri concupiscant.  
 Non enim appetere manifestè dicuntur, sed sim-  
 pliciter admodum concupiscentiam etiam di-  
 cunt, quàm quo pacto quis tribuat vita expe-  
 ritibus. Itaque operæ precium est circa hæc non  
 nihil occupari, neq; committere. ut citra ratio-  
 nem transmittantur, quæ ratione adhibita non  
 difficulter persuadeantur. & affirmare omnia en-  
 tia bonum aliquid appetere, verum id quidem:  
 vnumquodq; enim proprium bonum expetit:  
 oculus visum, corpus sanitatem, sic etiam reli-  
 qua. Verum non esse ipsum bonum eiusmodi,  
 dubitationes habet, & politicæ inutile esse. pro-  
 prium enim bonum uidetur, quemadmodum  
 & in aliis, ut gymnasticæ bona habitudo. aut  
 enim nulli boni species, aut omnibus ex æquo  
 utilis est. porro non agibile, similiter neq; com-  
 mune bonum, neq; cōmune, neq; ipsum bonū  
 est. Si nanq; mediocri bono insit, nihil operabi-  
 tur. neq; enim quomodocūq; medicina in quo-  
 libet operabitur, sed ut sanitas acquiratur. simi-  
 liter & reliquæ artes singulæ. Verum quot mo-  
 dis dicatur bonum, & quod in eo sit pulchrum,  
 & quod agibile & non agibile: eiusmodi autem  
 bonum est id, cuius gratia: non est autem in  
 immobilibus: liquebit, quod neque commune,  
 neque ipsum bonum quod queritur, Idea boni  
 existat. illud enim immobile est, nō agibile: hoc  
 verò mobile, sed nihilo tamen magis agibile.  
 Id autem cuius gratia finis est præstantissimus,  
 primumq; omnium & causa inferiorum. quo-  
 circa rerum homini agibilium ipsum bonum,  
 finis subiectus, scilicet omnium rectori, politi-  
 cæ, & economicæ, prudētiaq; Qui habitus ab aliis  
 qui-

quidem differunt, eò quòd eiusmodi sunt: verum à seinuicem quomodo distinguantur, pòst explicabitur. Ceterum finem causam inferioribus esse ostendit ratio, qua finem definientes, reliqua eò bona demonstramus, quòd finis causa existant. uelut sanum ut sit corpus, quia causa est aliqua, ea utiq; ad ipsum confert. porrò sanum esse tanquam causa mouens sanitatis est, quæq; ut alij bono sanitas sit facit. Præterea neque hoc monstratur, sanitatem bonam esse scilicet, nisi sophista sit, non medicus is qui ea de re disputat. hi enim in aliena harena se se iactando cauillantur: neq; vllius artis principiū monstratur. Id verò quod homini ut finis bonum

est, cùm omnium quæ quidem possunt ab

homine fieri, sit præstantissimum, vi-

dendum præstantissimum quo-

ties dicatur: siquidē hoc præ-

stantissimum est: ini-

tium disputationis

aliud lumen-

tibus.

\*

# ARISTOTELIS

## MORALIVM

Eudemiorum,

LIBER SECVNDVS.

SVMMA LIBRI.

*De virtute in vniuersum. Quo pacto inter vicia virtutes constituentur, ac inter se opponantur.*

*De voluntario, violento, ac electione. De fine, ac ijs quæ ad ipsum ducunt: ac quis sit ipsius virtutis finis.*

*Bonorum diuisio. Virtutem in opere existere quisq; sit ipsius usus & opus. Cap. I.*



**P**OST hæc autem de sequentibus, aliud principium constituentibus, dicendum. Omnia enim bona aut extra nos sunt, aut in animo posita sunt: præstantiora autem animi bona, quemadmodum & peruulgata oratione distinguimus. Prudentia enim virtus & voluptas in animo sunt, quorum aut nonnulla, aut omnia fines omnibus esse videntur. Animi autem bona, alia habitus & potentia sunt, alia operationes & motus. Quibus ita positris, & de virtute fateamur præstantissimam dispositionem esse aut habitum, aut potentiam singulorum, quorum vsus aliquis opusue extiterit.

terit . id autem inductione manifestum fiat.  
 Quemadmodum enim uesti & opus aliquod &  
 vltum assignamus, præstantissimumque eius ha-  
 bitum uirtutem dicimus : sic & de animo sen-  
 tiendum . Est enim aliquod eius opus præstan-  
 tiorisquæ habitus præstantius opus, & ut sese ha-  
 bitus ad inuicem, ita actiones ab ipsis profectæ  
 habent, ac opus vniuscuiusque finis . Vnde ma-  
 nifestū est, opus habitu præstare. finis enim qua  
 finis, utiq; excellentissimus est, quando & supra  
 concessum, finem & vltimum & optimum esse;  
 utpote cuius gratiā cuncta fiant . Patet igitur  
 opus habitum dispositionēq; excellere. Verum  
 opus bifariā dicitur. In alijs enim ab usu diuer-  
 sum est, ut ædificatoriæ domus, nō ædificatio :  
 medicinæ sanitas, non sanatio, neq; medicatio.  
 in alijs uerò vsus opusq; non distant : ut visus  
 visio, mathematicęq; scientiæ speculatio . quo-  
 circa necessum, ut quorū opus in usu consistat,  
 vsum habitu præstare. His ita determinatis, dici-  
 mus opus negocij etiam uirtutis opus esse: verū  
 nō eodem pacto, ut sutoriæ, sutionisq; calceus .  
 Et siquidem sutoriæ, bonique sutoris virtus est  
 aliqua, opus erit ipsius bonus accommodatusq;  
 calceus eodē modo & in reliquis. nam & animę  
 opus est vitam rebus inferre : eius verò vsus vi-  
 gilia : quandoquidem somnus desidia quędam  
 est & quies . Quapropter cū opus unum atq;  
 idē sit necessario, animæ uirtutisquæ opus fue-  
 rit uita composita & honesta. id uerò bonū an-  
 gustius, quod felicitatem suprā vocauimus, erat  
 enim ea præstantissima nobis . Porro fines in  
 animo cōstituti bona excellentissima sunt. ipse  
 uerò habitus, & actus, quia est melior disposi-  
 tione operatio, erit & optimi habitus optima  
 etiam

# 382 *Moralium Eudemiōrum*

etiā. operatio : virtus autē optimus habitus est : quocirca operatio uirtute siue anima profecta, præstantissimum bonum est. cumq; felicitatem præstantissimum illud esse constet, erit ea animæ excellentis operatio. Hæc igitur perfectū quipiam est. uita uerò & perfecta & imperfecta, similiter & uirtus. quippe quod alia integra sit totaque, alia uerò particula tantum. Vnde & imperfectorum quoque imperfecta operatio est.

*Felicitas* quo ostenditur, felicitatem esse vitæ perfectæ, & secundum perfectam virtutem operationem. Atq; hoc in definitione genus rectè cōstitutum esse testatur communis omnium cōsensus, qui benè agere, beneq; uiuere idem, quod felicē beatumq; esse censent: quorum unumquodq; usus est & operatio, uitaq; & actio. actiua enim uita \* *γενσι- xh.* *υςibus* etiam comparata est. nam faber frena conficit, equiti etiam vsui futura. Tum etiā quod nec die tantum una, nec puerili, neq; omni ætate felicitatem constare posse dicimus. Quo circa frivola est Solonis sententia, negantis uiuum ullum beatum esse, nisi ubi finem attigerit. Nihil quippe imperfectum felix esse potest, cum integrum non sit. Deinde laudes uirtutis actionibus, earumq; encomiis impenduntur, & coronantur, non qui uincere quidem possint nec uincant tamen, sed victores. Sed & iudicium, quo qualis quisq; sit cōstituit ex operibus, spectat. Præterea ob id non laudari felicitas solet, quia reliqua uel partes eius existunt, uel per eā fiunt, aut ad ipsam referuntur. quamobrem aliud est \* *ενδαι- μονισ- μος.* *prædicatio*, aliud laus, aliud item encomium. Encomium enim oratio est, facta cuiusque singularia exponens. Laus uerò uniuersalia celebrans. Prædicatio autem finem intendit.

Vnde

Vnde manifestum redditur interdū, quo de controuertitur, quare media vitæ parte, boni honestiq; prauos nihil antecellant : nihil enim discriminis inter dormientes est. Somnus enim est vitæ otium, non operatio . Quapropter nutritiæ partis virtus, quæadmodum nec corporis pars totius virtutis nequaquā censi debet : eo quod in somno vim suam vberius exerat, agatq; nutritrix facultas : cū contrā sensitiua, concupiscētiæ dormiētibus sint imperfectiores, quatenus motu non participant : phantasiz verò, nisi morbo, aut alio quopiam malo præpeditæ fuerint, sapientum efficaciores .

*Anima duas esse partes, ratione participantem : virtutis item duas esse species. Cap. 11.*

**V**erū quia uirtus animæ est, non accidentariē, de anima considerandum deinceps studiosius erit. Sunt enim humanæ animæ duæ partes, quarum vtraq; ratione participat, sed non eodem modo. altera enim ut imperio, altera verò ut obsequentiæ auscultationique nata : si quid præterea fuerit rationis expers, prætermittatur . Neque verò refert in partēne diuidi anima queat, an nequeat, sunt enim illi facultates diuersæ, tum illæ etiam, quas memorauimus supra . Quemadmodū in curua superficie concavum connexumq; separari non possunt, item in eadem rectum & album. quanquā rectum est, quod album non est, nisi per accidentem substantia sit eiusdem licet . Ita si quæ pars animæ præterea adscribitur, obmittitur, ut naturale . humanæ namque animæ hæ partes, propriæ sunt, quocirca nec nutritrix, nec concupiscibilis



384 *Moralium Eudemiorum*

bilis facultas existimari hominis propria debet. Ex naturæ enim humanæ conditione necessarium est rationem, ac rerum agendarum principium, tum operandi potentiam inesse. Porro quia ratio non imperat rationi, sed affectionibus & cupiditati; oportet & has quoque partes assignari. & quemadmodum bona habitudo ex singulis corporis virtutibus constat: ita & animæ virtus quatenus finis, è singulis constatur. Virtutis verò duæ species sunt, moralis alia, alia intellectuæ. neque enim iustos tantum, sed etiam intelligentes, sapientesque laudamus, quia virtutem, cuiusve opus laudibus celebrari supra ostendimus: hæc verò cum non operetur, ipsæ quidem operationes tamen virtutum existunt. Quia verò intellectuæque partes cum ratione sunt, à parte rationem habente vendicantur, quæ imperium obtinet in anima, nempe quæ ratione participat. Morales verò irrationalis quidem partis sint, sed quæ necessario sequitur dicentem. neque enim interroganti, cuiusmodi sit moribus aliquis, respondemus sapiens vel callidus, sed mansuetus, aut confidens.

*Moralem virtutem circa iucunda, ac tristia  
versari. Cap. III.*

**H**is itaque consequens, ut de virtute morali, primum quid sit, & quæ eius partes consideretur. ad hæc enim etiam reducuntur ea per quæ fiât. Oportet autem inquisitionem, quemadmodum in alijs, ita fieri, ut prius constet quod omnes querunt, & proinde per ea quæ verè quidem, sed non perspicuè dicuntur, ea quæ & vera sunt, & perspicua colligere. Perinde enim se hac vestigatio habet, ac si sanitatē finire dīspōsitionem.

sitionem corporis optimam instituamus: & Coriscum illum, qui in foro sedet, nigerrimum esse dicamus. quid enim sit alterutrum horum ignoramus. proinde quo quid sit utrumque cognoscatur, operæpretium est quo pacto habeat prænouisse. Primum igitur constituatur, præstantissimam actionem à præstantissimis uirtutibus produci, & in singulis quid optimum sit efficere, idque ab uniufcuiusque uirtute. Ut è laboribus, commodis, nutrimentoque idoneo bona habitudo oritur, ex habitu dine uerò optima, optima etiam elaborant homines: deinde omnem dispositionem ex iisdem hoc uel illo pacto illatis nasci & corrumpi uelut sanitas ex laboribus, alimento, & anni tempore: quæ inductione patent. Proinde & uirtus, talis dispositio est, nascens à motibus animæ præstantissimis, & unde animæ affectiones, operaque præstantissima proueniunt, & ab iisdem aliquo modo & fit, & læditur. ad ea uerò usus ipsius à quibus augetur & labefactatur, circa quæ & rectissime uitam disponit. Cæterum circa iucunda tristiaque uirtutem uersari argumento sunt punitiones, quæ ut medicationis uice per contraria usurpantur in alijs, ita per hæc quoque fiunt. Patet igitur uirtutem moralem circa iucunda tristiaque uersari.

*Quid per hæc nomina, Mos, Affectus, Potentia, ac  
Habitus significetur. Cap. 1111.*

**Q**Uoniam uerò mos, ut nomen indicat, à consuetudine incrementum capit: (Adfuescit enim operatrix facultas exercitatione non naturali, ut hoc uel illo pacto moueatur: cū in Arist. Moral. Eudem. b b b nimatis

nimatis id non contingat: nemo enim lapidem quemlibet crebrò sursum iactum, itidem facere, nisi ui extrinsecus adhibita uidit) rectè morem animæ iuxta imperantem rationem uocari, ac potentia qualitatem sequi dicimus. Neque uerò prætereundum est, iuxta quas animæ affectiones quales quidam mores dicantur: iuxta potentias uerò passionum à quibus passiui, iuxtaque habitus modum erga affectus, dicuntur mores, uel affecti aliquo modo, uel passionibus minimè obnoxij. Cæterùm diuisio constituitur deinceps ex affectuum, potentiarumque, & habituum animæ enumeratione. Voco autem affectus, iram, metum, uerecundiam; cupiditatem, & in uniuersum quæ per se uoluptas, tristitiæue sensitiua sequitur: & secundùm hæc quidem qualitas nulla formatur, sed afficiuntur homines iuxta potentias. Voco autem potentias, quibus fit, ut commotè aliquid agere dicamus, ut iracundus, stupidus, amoribus deditus, uerecundus, impudens. Habitus uerò sunt, quibus afficitur, ut hæc secundùm rationem nobis insint, aut contrarium: ut fortitudo, modestia, timor, intemperantia.

παχει

*Morales virtutes omnes circa medium inter excessum ac defectum versari: ipsarumque omnium per exempla adumbratio.*

*Cap. V.*

**Q**uibus ita determinatis, constituendum, in omni continuo diuisibiliq; excessum, defectum, mediumque reperiri; atque hæc uel mutuò ad se inuicem, uel nostri respectu: ut gymnastica, medicina, ædificatoria, gubernatoria, &

ria, & quæ & quæcunque actiones aliæ, siue iuxta scientiâ instituta, siue scientiæ expertes, aut artificiosæ, siue inartificiosæ: motus enim cōtinuum quidpiam est, actio uerò motus. In omnibus uerò scientia & ratio medium nostri respectu, & quid optimum sit præcipit: idque passim habitum gignit præstantissimum. quod etiam inductione & ratione probari potest. contraria enim contrarijs pugnant, extrema uerò & medijs & sibi. medium enim utrumlibet est ad utrumlibet: ut æquale minore quidem maius, maiore uerò minus existit. Itaque necessarium est uirtutem moralem circa media quædam uersari, & medium quidpiam uirtutem esse. Restat igitur, ut dicatur cuiusmodi medietas uirtus sit, & circa quæ uersetur media: quæ omnia dilucidius exemplis, uelut in tabula adumbrabimus. Sumatur enim Iracūdia, doloris carentia, mansuetudo. Confidentia, timor, fortitudo. Impudentia, stupor, uerecundia. Intemperantia, sine sensu uita, modestia. nam oppositum modestiæ, quod hic ἀναισθησία uocamus, nomine uerò caret, Vindicta; Lucrum, damnum, iustum. Prodigalitas, sordes, liberalitas. Iactantia, dissimulatio, ueritas. Adulatio, odium, amicitia. Placendi studium, contumacia, grauitas. Mollities, afflictio, tolerantia. Ostentatio inepta, pusillanimitas, magnanimitas. Profusio sumptuosa, illiberalitas, magnificentia. Versutia, stultitia, prudentia. Hæc atque eiusmodi affectiones animis accidunt, ab excessu defectuque nomen acquirunt. Iracundus enim dicitur, qui uehementius, & citius, & ob plura quàm deceat excandescit. Doloꝛe autem uacans deficit, in quibus, & quando, & quomodo conueniebat. Con-

fidens, qui non metuit, nec quæ decebat, nec  
 quando, nec quomodo. Timidus uero qui me-  
 tuit quæ non conuenit, nec quando, nec quo-  
 modo. Similiter & intemperas cupiditatibusq;  
 indulgens, & qui modum nesciat in re quacūq;  
 tandem. Sensu uero humano caret, qui nec  
 quantum expedit, nec secundam naturam con-  
 cupiscit, sed omnis affectionis, ad instar lapidis,  
 expers est. Lucri cupidus, qui undequaque quæ-  
 stum aucupatur. Negligentes uero, aut nusquam  
 aut à paucis certò conquirunt. Instabundus,  
 plura quàm possideat ostentat. Dissimulator,  
 pauciora. Assentator, plura quàm deceat lau-  
 dat, odio prosequens, pauciora. Qui nimis ad  
 uoluptatem comparat orationem, placendi stu-  
 diosus. Verum qui agere aut pauca ad gratiam  
 dicit, contumax appellatur. Et qui nullum do-  
 lorem, etiam, si expediat, sustinet, mollis. Qui  
 uero omnem, proprio quidem & simplici no-  
 mine caret, sed translato, obduratus, ærumno-  
 sus, miserisq; natus dicitur. Ostentator in-  
 eptus, qui pluribus se dignum arbitratur quàm  
 deceat. Pusillanimus, qui paucioribus. Profusus,  
 qui omnibus sumptibus excedit. Illiberalis qui  
 omnibus parcat. Similiter & parcus & prodi-  
 gus: hic enim excedit erogando modum, alter  
 eum non attingit. Versutus, in omnibus & vn-  
 dequaque alios inutilitatis captione anteuer-  
 tit. Stolidus uero etiam istic cessat, ubi non o-  
 porteat. Inuidus, ob successum plus quàm de-  
 ceat angitur, nam & dignorum successibus affli-  
 guntur tales. Contrarius huic nomine caret: is  
 scilicet qui spectans indignorum successum,  
 nihil commouetur tamen, sed expeditus est, se-  
 curusq; alienorum, perinde ac solent, qui  
 uentri

ventri tantum inserviunt. ille uero difficilis est ob inuidiæ morbum. Quæ uero, in singulis ita habeant per accidens, superuacuum est determinare, nulla enim scientia, uel contemplatiua uel actiua, ea ratiocinando, agendove iungit. hæc enim contra deceptiones artium logicas adferuntur. Quocirca simpliciter hæc determinata nobis sufficiant, accuratius deinceps pertractanda, ubi de oppositis inter se habitibus disputabitur. Affectionum uero eiusmodi species ex eo nomen trahunt, quod aut iuxta excessum temporis, aut secundum quod magis quidque est, aut relatione ad aliquid differant, ij in quibus affectus exteruntur. Animo nanque præceps dicitur, eo quod citius quam oporteat prorumpat. Sæuus uero & immanis, eo quod uiolentius prorumpat. Acerbus uero, quod irascendi capter occasionem. Percussor uero & contumeliosus à punitionibus ex ira profectis. Delicati autem gulosi, uiolentique, eo quod utroque alimenti genere nimis & præter rationem delinuntur. Caterum ignorari non oportet, quando quomodo pro uberiore passione capitur, id quibusdam ex his non competere. Ut adulter non ex eo vocatur, quia magis soleat coniugatis misceri, sed malitia eius facti quedam expenditur. simul nanq; & passio, & talem esse iunguntur, nec segregatur etiam ab eiusmodi contumelia. Unde sæpe controuertitur, an qui congressus sit, et adulterium commiserit, utputa si ignorans aut coactus fecerit. & qui percusserit, etiam contumeliatus sit. atque eodem pacto in reliquis.



*Virtutes omnes morales circa dolores, ac voluptates  
versari: easq; mediocritates esse inter extre-  
ma: qua & ipsis, & sibi inuicem pu-  
gnant.* Cap. VI.

**H**Is ita peractis, non prætereundum, quòd  
duz cum sint animæ partes, uirtutes etiã  
iuxta easdẽ distingui. aliq; enim rationalis  
partis cõtemplatiuæ, quarum opus est ueritatis  
inquisitio, uel quomodo habeat, aut generatur:  
aliæ verò partis irrationalis cupiditatibusq;ue  
obnoxia. non enim, si in partes diuidi anima  
queat, idcirco omnes eius cupiditate partici-  
pant. Mores uerò honestos aut prauos elucere  
necessum in dolorum uoluptatumq; fuga, aut  
persecutione: id quod ex diuisionibus affectuũ,  
potentiarum, habituumq; pater. potentia enim  
& habitus affectionum sunt: ipsi uerò affectus  
dolore uoluptateq;ue finiuntur. Itaque & ex his  
& superioribus cõstat, omnes uirtutes morales  
circa dolores uoluptatesq; uersari. Omnis enim  
animi uoluptas in ea intēdit, quibus meliores,  
deteriores uel reddimur. etenim in dolorum, ac  
voluptatum fuga, & persecutionum prauos  
fieri mores manifestum est, quando nec ut opor-  
tet, nec quas oportet persequuntur ac fugiunt.  
Ideoque promptum illud omnibus est, ut ani-  
mum in uoluptatibus & tristitijs imperturbatẽ  
ac tranquillẽ consistentem, uirtutem definiant,  
*Virtutis* contrariaq;ue de uitio loquantur. Quandoqui-  
*definitio.* dem autem uirtutem iam liquet habitum eius-  
modi esse, quo & effectiui optimorum reddan-  
tur homines, ut optimẽ etiam ad ea disponan-  
tur (optimum enim præstantissimum illud est  
secundum rectam rationem, medium nempe  
nostri

noſtri reſpectu , exceſſus defectuſque ) neceſſum eſt uirtutem moralem mediocritatem in re qualibet eſſe, aut in uoluptatibus doloribuſque, & in iucundis ac triſtibus circa media quædam verſari. Mediocritas uero illa interdum in uoluptatibus conſiſtit, in iſdem enim & exceſſus & defectus : interdum in doloribus : nonnunquam in utriſque. exceſſus enim fit, uel nimis iucundis lætando, uel triſtibus nimis dolendo. idque uel ſimpliciter, uel termini communis reſpectu: ut cum non uelut uulguſ, ſed uir bonus, quemadmodum decet, commouetur. Quia uero habitus quidam eſt, iuxta quem in eadem re hic quidem ad exceſſum, alius uero ad defectum prolabatur; neceſſum eſt, ut quemadmodum hæc & ſibi iſtis & medio contraria ſunt, ſic etiam habitus & ſibi inuicem & uirtutibus pugnare. Contingit autem oppoſitiones alibi quidem omnes iuxta perſpicuas eſſe, alibi uero in exceſſibus, alicubi in defectu magis. Cauſa autem contrarietatis eius eſt, quia non qui & quæ ſemper inequaliter, ſimiliter uero admodum, ſed qui nunc quidem ab exceſſu, nunc autem à defectu citius tranſit ad medium, iſ contrarius magis uidetur. Quemadmodum in corporibus laborando quidem excedere, quàm deficere; edendo uero deficere, quàm excedere, ſalubrius eſt. Itaque & delectus rerum earum, iſ inquam, qui in hiſ exercitationibus ſunt, ſimiliter habent. Pro rationeque hac aut magis, aut minus conducibiles dicuntur; ut nunc quidem qui laborum, nunc qui continentie ſtabilitatiſque ſtudioſiores ſunt, apti magis ſanitati uideantur. Et contra, cum à mediocri & ab eo quod ratio probat diſceditur, nunc quidem ignauus ille

laborumque fugiens, non autem ambo, nunc uerò luxu perditus & non famelicus ille delectu deterior dicetur. Id uerò euenit, quòd natura non in omnibus æqualiter à medio distat. laboribus enim minus quàm uoluptatibus capimur. quæ similiter circa animam habent. Contraria uerò constituimus habitum, in quo magis excedunt, & in quem vulgus inclinatur: alter uerò latet, perinde ac non existat prorsus. quia enim contingit rarius, non sentitur. Ita enim iram mäsuetudini opponimus, & iracundum mansueto. nam etsi excessus contingat in mansuetudine exercenda, siue admittenda reconciliatione, siue non irascendo cum sis cæsus alapis, pauci tamen eiusmodi reperiuntur. omnibus in alterum extremum propensis. ita nanque minimè solet esse blanda.

*Quarum actionum homo principium sit, & deminus.* *Cap. VII.*

**P**osteaquam igitur habitus circa quamlibet passionem, ac excessus defectusque, & contrarios habitus, quos habet secundum rectam rationem homines, enumerauimus; superest, ut quid sit recta ratio, cuiusue termini respectu, medium vocandum sit, exponatur. Manifestum uerò omnes uirtutes morales, omniaque uitia circa voluptates doloresque excessus quosdam esse atque defectus. uoluptates autem à memoratis habitibus affectionibusque fiunt. uerum optimus habitus rei cuiusque medius existit. unde patet uirtutes aut omnes, aut quasdam in mediocritate sitas esse. Quapropter aliud principium considerationi sequenti, constituatur.

**Etenim**

Et enim substantiæ omnes secundum naturam principia quædam sunt, & possunt singulæ multa eius generis progignere: vt homo hominem, & animal, in vniuersum animalia animalia, plantæque plantas. Præter hæc verò solus omnium animantium homo actionum quarundam principium est: quippe quòd præter hunc nullum agere præterea dicitur. Sed enim ea propria vocantur, è quibus primum motus profiscuntur. iustissimè verò omnium, è quibus aliter nihil queat produci, cuiusmodi penes Deum sunt. Immobilia autem, vt in mathematicis, non per se quidem, sed similitudine quadã principia appellantur. Hic enim ipso principio labefactato, labefieri omnes, quæ ab illo principio fluxere, demonstrationes oportet: cum ipsæ inter se demonstrationes altera alteram tantisper non euertunt, quantisper illa communis suppositio, vnde lucem istæ suam habent, non euertitur. homo igitur motus cuiusdam principium est: nam actio motus est. Quia vero principium, quemadmodum & in alijs, eorum quæ per ipsum sunt fiuntque causa existit: vt in demonstrationibus, ita hic quoque perspiculare ea conuenit. Nam si habente trigono duos rectos, necessum est tetragonũ quatuor rectis constare, manifestum est, quòd trigonus duos rectos habeas causa eius existat. Verum siquid in trigono mutaris, necessariũ est & in tetragono mutetur: vt si tres habuerunt sex, & si quatuor, octo. Sin verò non mutetur, vt illud, ita hoc quoque habeat necesse est. Id ita necessariò euenire ex Analyticis patet. verum in præsentiarũ in tantillum neq; dicere accuratè, neque non dicere conuenit. Nam si nulla alia triangulo causa est,

394 *Moralium Eudemiorum*

cur habeat, id ipsum principium erit & causa, qua reliqua adstruantur. Quocirca si quædam sunt eiusmodi, ut etiam contrà habere possint, necessario etiam principia sunt eiusmodi. nam ex necessarijs nihil nisi necessarium concluditur: quæ verò à nobis oriuntur, etiam contrariè euenire possunt. equidem quæ penes homines sunt, pleraque eius generis comperiuntur, atq; ipsi talium etiam principia existunt. Quarum igitur cumq; actionum principium & dominus homo constituitur, ea patet fieri & nō fieri posse, in sua etiā manu esse, quā fiant vel non fiant. vt puta quorum ipse dominus est, vt vel sint vel non sint: quæ verò in ipso sita sunt, vt faciat vel non faciat, eorum vtriq; causa existit. Quoniam autem virtus ac vitium, & vtrorumq; effectus, hi quidem laudantur, illi verò vituperantur: vituperantur autem laudanturque non quæ à necessitate, vel natura vel fortuna insunt, sed quorum ipsi causa sumus: quorum verò alij, eorundem etiam laus vel nota erit: manifestum virtutem ac vitium circa eiusmodi versari, quorū causa quisque est, & actionis principium. Quocirca dispiciendum quorum causa, quarumque actionū principium homo existat. etenim confitemur omnes voluntariorum tantum, & eorum quæ electionem admittunt, neque à volentibus deliberatoq; suscipiuntur, causam quemque esse: inuoluntariorum verò nequaquam. vnde satis constat, voluntariorum tantum virtutem esse ac vitium. Idcirco quid volūtarium, & inuoluntarium, atque electio sit, cum virtus his vitiumque describantur, explicandum est. primum autem voluntarium ipsum, & inuoluntarium considerandum.

Devo-

**E** Tribus verò his vnum existere videtur, aut iuxta cupiditatem, aut electionem, aut intelligentiam . Nam voluntarium secundum hæc aliquid est : inuoluntarium verò præter hæc aliquid . Porro cupiditas in tres partes distribuitur, consultationem, irascentiam, & cupiditatem . itaq; hæc distinguenda sunt, & primum quidem secundum cupiditatem . Omne enim, quod iuxta cupiditatem est, voluntarium utique iudicatur . nam inuoluntarium omne violentum videtur : & si violentum sit, etiam acerbum erit; omne scilicet, quod coacti faciunt, aut patiuntur, quemadmodum Euenus inquit : *Omne r'm necessariam molestam esse* . Itaq; si quid molestum, idem etiam violentum erit, & contrà : quicquid verò præter cupiditatem est, id omne dolorem infert : iucundorum enim cupiditas est . itaque violenta etiã inuoluntaria sunt, & proinde quæ secundum cupiditatem, eadem voluntaria . hæc enim inter se inuicem sunt contraria . Porro omnis malitia reddit deteriore : intemperantia autem malitia quædam esse videtur : intemperans, qui præter rationem sequitur cupiditates, volens igitur faciet, & voluntarium iuxta cupiditatem . absurdum enim sit, intemperantes redditos, iustiores fore . Ex his igitur voluntarium secundum cupiditatem iudicari queat, ex alijs verò contrarium . quicquid enim sit voluntariè, id sit à volente : quodque à volente, id voluntarium . nemo autem vult quod malum esse norit . Verum intemperans non quæ vult, facit : siquidem intemperanter agere est ex cupiditate id quod



quod optimum quis arbitratur agere, unde volentem nolentemq; eundem agere contingeret: quod est impossibile. Cōtinens verò iustius agit incontinente, nam cōtinentia virtus est: & proinde iustiores efficit sui studiosos, tum verò exercetur, cum contrà cupiditatem secundum rationem viuitur. Quocirca iustè, quemadmodum & prauè agere voluntarium est. vtraq; enim voluntaria apparent; & necessum si alterum voluntarium sit, etiam alterum esse: quod verò præter cupiditatem sit, voluntariū, idem igitur volens aget, & non volens. Sic etiam propemodum sese de ira habet. Nam continentia & incontinentia, quemadmodum circa cupiditatem, ita circa iram quoque versari videntur. nam quòd iræ repugnat triste est, & violēta eius cohibitio: itaque si violenta etiam inuoluntaria, & quod secundum iram sit, voluntarium. Videtur & Heraclitus, vim iræ contuens, reprehensionem eius permolestam attestari. *Difficile enim, inquit, iræ resistere est.* anima enim fruitur, animoq; indulget ira. Sin impossibile eundem quippiam nolentem volentemque vnum idem facere, magis voluntarium est, quod à voluntate, quàm cupiditate, aut irascentia fit: argumento est, quòd multa facimus etiam absque ira, & cupiditate. Superest igitur, vt, an quod volunt homines, idē sit voluntarium, consideretur: videtur nanq; & id impossibile, quando & suprà constitutum est, malitiam reddere iniustiores: ac intemperantia quidem malitia est. Contrarium verò vsu venit, eò quòd nemo quæ mala arbitratur, velit, quæ tamen facit intemperans. Itaq; si iniuria afficere spontaneum est, id autem ex voluntate: ergo intemperans factus nō iniurius, sed temperante priore

re priore illo iustior erit : quod est impossibile. Voluntarium igitur non esse quod iuxta cupiditatem fit, neq; inuoluntarium quod contra cupiditatem fit, pater. Sed & neq; id quod secundum electionem, ex iisdem manifestum est. nam quod ab electione fit, demonstratum est inuoluntarium nō esse : sed magis quod quisq; uult, id uoluntarium. uerūm contingit etiam nō uolentem tamen spontaneum aliquid agere, atq; solum id est demonstratum. multa insuper repentino motu facimus : eligit autē repenti nemo. Etenim si trium horum aliquid uoluntarium est necessario, erit aut secundum cupiditatem, aut electionem, aut intellectum, ex quibus cum duo priora non sint, relinquitur ut in eo qd contemplādo quis agat situm, uoluntarium illud dicamus. Ceterū paululum progressi oratione, finem tractatui de uoluntario inuoluntarioque imponemus. Eorum enim quæ ui aut non ui eueniunt, consideratio prioribus cognata est, ac propria. omne enim uiolentum inuoluntarium, quocirca de uiolento cōsiderandum est, quid sit, quōve pacto ad uoluntarium inuoluntariumque se habeat.

*De uiolento.*

*Cap. IX.*

**V**idetur autem uiolentum & necessarium, uisq; & necessitas uoluntario persuasioniq; in rebus agendis opponi. In uniuersum autem uiolentū necessitatemq; etiā inanimatis assignamus. Nam & ignem ui coactumq; deorsum ferri cernimus : uerūm, quando uerō secundum naturam propriumq; impetum fertur, nec uiolentia, nec uoluntarium lubeat, sed nomine

398 *Moralium Eudemiorum*

nomine caret oppositio, verum cum præter hæc  
 contingunt, vi dicimus fieri. Eodem pacto & ani-  
 malia & inanimata vi multa cum facere, tum  
 pati animaduertuntur: quando scilicet præter  
 naturalem impetum ab extremo aliquo mouen-  
 tur. Quod in anima quidem expertibus simplex  
 principium est, sed in animatis sæpe simplex, vt  
 in quibus non semper ratio cupiditasque con-  
 sonant. Ac cæteris quidem animalibus quem-  
 admodum & inanimatis violentum simplex est:  
 quippe quæ cupiditati (nam ea viuunt) ratione  
 minimè cōtrarium habeant: homini verò ambo  
 insunt certa quædam ætate, ea scilicet quæ rebus  
 per rationem agendis idonea est. neq; enim vel  
 puerum, vel feram agere dicimus. Proinde, cum  
 violentum omne molestū esse, nec vi quisquam  
 sed gaudens agere uideatur; magna de tempe-  
 rante intemperanteque controuersia oritur, eò  
 quòd vterque contrarios intra se impetus sen-  
 tiens agit. Vnde temperantem vi seipsum à sua-  
 uium cupiditate abstraxisse aiunt. dolet enim  
 luctans cum resistente cupiditate. Intemperans  
 autem vi, præter rationē rapitur, minus tamen  
 affligitur. nam cupiditati lætus indulget, quip-  
 pe qui suauibus intendit: quocirca non vi, sed  
 volens agit, quia dolore vacat. Porro persuasio  
 violentiæ necessitatiq; opponitur: temperans  
 verò ea sectatur, de quibus persuasus est, non vi,  
 sed volens. nam cupiditas citra persuasionem  
 trahit, quippe quæ ratione caret. Quòd igitur ij  
 soli ut inuitiq; facere uideantur, quamque ob  
 causam, scilicet ob similitudinem, qua & inani-  
 mata agere dicimus, exposuimus hætenus. Sed  
 enim si & quod in determinatione positiū istic  
 fuerat, adijciatur, soluitur quod dictum est.

Quando

Quando igitur foris quippiam præter impetum in rinfecum mouerit fedaritue, vi id fieri affeueramus: quando verò fecus, non vi. In temperante autem, intemperanteque infitus impetus ducit (virunq; enim habet) & neuter vi & coactus, fed volens uterq; agit. nam principium quod foris est, præter naturalem impetum, siue mouea, siue motum impedit, necessitatem uocamus: ut si quis manu, & uoluntate & cupiditate rerinētis arrepta, percutiat alium. uerum si intrinfecus principium fuerit, uis nō est: quandoquidem & uoluptas inest & cupiditas, quæ statim à natiuitate in omnibus deprehēditur. Atq; his ferè duobus à natura quippiam inesse determinamus, eo scilicet, quod à natiuitate statim à natiuitate inest, & quod generatione existente facile consequimur, ut senectus, canities, ac alia id genus. Itaque non secundum naturam facit alteruter, sed secundum naturam simpliciter, sed non eandē. Quæstionibus igitur de temperante intemperanteque, utrum ui & non uolens agar alter, aut uterque, aut ui simul inuitiq; ambo, & si uis uoluntaria fit, num uolentes simul & nolentesq; agant, ex dictis hætenus occurrēdum. Verum & aliter ui coactiq; agere dicuntur, non dissentientibus inter se mutuò ratione & cupiditate, quando scilicet id faciunt, quod molestum quidem & friuolum iudicāt, sed neglectum, damnum aut mortem inferat. hæc enim omnes, aut coactos facere aiunt, aut non, faciunt autem omnes: nam obmittere quidem licet, sed ferendum incommodum. Verum ex his alia quidem uiolenta, alia uerò non uiolenta fortè quis dixerit. Quæcunq; enim eorum, per quæ uel facere, uel non facere penes ipsum est, etiam si non uolens facit,

400 *Moralium Eudemiorum*

facit, tamen & facere sponte dicitur, & non vi : quæ verò penes ipsum non sunt, vi quodammodo, sed non simpliciter fieri dicuntur, eò quòd non illud ipsum eligit, sed alicuius gratia agit. Verùm ex his est quoddam discrimen. Nam ridiculus fuerit, si, vt contactus quis vitaret, occidisset alterum, vi se id coactumq; fecisse dicat. maius enim acerbiusq; malum oportet non facienti propositum sit. Sic enim coactus, & nō vi faciet, scilicet quando malum boni gratia, vel ob maioris mali repulsionem agit, idq; inuitus. neq; enim penes ipsum hæc sunt, quocirca & amorem, & iras quasdam, & naturalia nonnulla inter inuoluntaria cōnumerant: quia violenta nimis & suprā naturam sunt, vnde & ueniam merentur, eo quòd ui cogere naturam soleant. Sed & magis ui, inuiteq; facere uideatur; qui facit ne uehemētius aut leuiter doleat, uel etiā ne gaudeat. nam ad ipsum refertur uniuersum, quod ferendo natura est. Verùm quæ neque naturalis cupiditatis, nec rationis sunt, nō debet penes ipsum esse censi, quamobrem phanatici, & qui futura prædicunt, quamlibet intellectus opus faciunt, non tamen id penes ipsos esse asseueramus, neque ut faciant quæ fecerunt, neque ut dicant quæ dixerunt. Sed & nec per cupiditatem. Itaque & intellectus quidam affectusq; , aut actiones secundum eiusmodi rationes & intelligentias, in nostra potestate non sunt: sed quemadmodū Philolaus inquit, rationes quædam sunt nobis potentiores. Ergo uoluntariorum, ac inuoluntariorum cōsideratio, eorum quæ ui eueniunt tractatui iungenda est, atque hæc ita sint inter sese distincta. Nam qui spontaneum maximè interpellant, in se co-

actos

actos dicunt, ut in eam animi sententiā venirēt. Et quia finem id iam habet, & uoluntariū, nec cupiditate nec electione terminatum est, reliquum est ut ea, quę iuxta intellectum fiunt, determinentur. Videtur autem inuoluntario contrarium esse uoluntarium, & quod cuiusq; gratia sciens quis facit. interdum enim nouit quod pater sit, non tamen quod occidat, sed seruet potius, ut Peliades petebant quidem poculum, sed ut amatorium & uino plenum, id verò venenū erat. ignorans autem quem, cui, & quid, ex ignorantia, nō per accidens agere dicitur. quod autem ab ignorante tali fit inuoluntarium est, ergo uoluntarium contrarium est. Quę igitur penes ipsū sunt, ut facere obmittat, facit nō ignorans & per se, ea utique uoluntaria sunt, & uoluntarium id ipsum est: quę uerò ignorans, ex eo quod ignorat ea, inuitus facit. Porro quia scire & intelligere bifariam capiūtur, vel ut habeatur, vel ut usurpetur scientia, qui habens nō uitur, interdum ignorās meritiō dicitur, interdum verò nequaquam, uelut si per negligētiā non utatur. Similiter & is uituperetur, qui vel faciliū uel necessariū peritiā, & per negligētiā, aut dolorem aliquem uoluptatemq; non uestiget. Hęc loco huic inferenda uidebantur. De uoluntario igitur & inuoluntario hoc modo determinatum sit.

*De electione.*

*Cap. X.*

**D**E electione verò deinceps dicemus, expositis primū nōnullis questionibus. Ambigat enī fortasse quis, in quo genere oriatur, tum in quali constituēda sint, aut eadēne Arist. Moral. Eudem. c Cc aut



aut diuersa sint voluntarium & inuolūtarium: Maximè verò quidam asseuerant, & quærenti etiam ita fortè videri queat, electionem ex duobus his alterum esse, scilicet aut opinionem aut appetitum: utraque enim consuetanea uidetur. Verùm appetitum non esse, patet ex eo, quòd tum aut uoluntatem, aut cupiditatem, aut iram esse necessum sit: nemo quippe nisi horum aliquid patiens appetit. Ira porro cupiditasque etiam feris inest: electio verò nequaquam, & tamen quibus hæc ambo insunt, multa absque ira cupiditateque eligunt: sed dum passionibus affliguntur, non eligunt, sed tolerant. Præterea cupiditati, iræque semper dolor iungitur: multa verò non absque dolore eligimus. Voluntas insuper & electio idem nō sunt. volunt enim interdum etiam ea homines, quæ impossibilia norunt, ut omnibus hominibus imperare, immortalem esse: id quòd nemo sciens impossibile elegerit: & in uniuersum, quæ & si non per se, sed sibi tamē impossibilia vel factu vel obmissu norit, unde manifestum electionem esse rerum penes nos sitarum. Similiter clarum, nec opinionem esse, neque simpliciter, si quis aliquid putet, cum eligibile eiusmodi quid sit, quod uiribus nostris paretur, multa verò opinione concipiunt, quæ penes nos non sunt, ut diametrum commensurabilem. Porro nec vera est nec falsa electio, sed & nec rerum penes nos sitarum opinio, qua faciendum aliquid uel non faciendum arbitramur. Commune verò id est de opinione & uoluntate, nemo enim finem, sed ea quæ fini consequendo conferunt, eligit: quemadmodum nemo sanum esse, sed ambulare, sedere, sanitatis gratia, neque felicitate potiri quispiam eligit, sed

sed quæstus studium & periclitationes, felicitatis adipiscendæ gratia. Et in vniuersum declarat semper eligens, quod, cuiusve gratia eligat. est enim aliud id cuius gratia, & quod gratia alterius eligit: vult autem maximè finem, vt in pretio & sanum esse, feliciter beateq; viuere. Itaq; patet. aliam & opinionis & voluntaris rationem esse. voluntas enim & opinio maximè finem spectat, quod non facit electio. Ergo electionem patet, nec voluntatem, nec opinionem, nec simpliciter vllam animi perceptionem esse: quo simul elucet, & quid sit, quidve ab ijs differat, ac vt se ad voluntarium habeat. Porro possibile esse aut non esse, alia eiusmodi sunt, ut de ijs suscipiatur deliberatio: alia verò vt non suscipiatur. quorum enim generatio penes nos non est, etiam si fieri non fieri possint: sed quæ vel natura vel alijs ex causis fiunt, de ijs sciens nemo cōsultare instituat. Verùm quæ non tantum fieri non fieri possunt, sed in consultationem etiam venire solent, ea sunt quæ pro arbitrio facere non facere possumus, quapropter non de remotis apud Indos, nec de circuli quadratura deliberamus: nam illa ad nos non spectant, hoc vero fieri nequit. Sed & nec de omnibus quæ à nobis queant fieri. vnde manifestum nec opinionem simpliciter electionem esse, eligibilia verò etiam agibilia, rerum scilicet penes nos existentium. Proinde miretur forte quis, quo pacto medici, quæ scientia complectuntur, in deliberatione ponant, cum id non faciat grammaticus. Ratio eius ex eo constat, quod aut ratiocinando, aut sensu error omnis committatur, quorum vtrunque in Medicina contingit: in grammaticis verò iuxta sensum

404 *Moralium Eudemiorum*

& actionem quam spectant, in infinitum progrediuntur. Quoniam igitur neq; opinio, neq; voluntas est electio, est certè velut vtrunque & non ambo. ex improviso enim nemo eligit, sed cum faciendum videtur, conspiratque voluntas: quæ cum ambo eligenti insint, viroque constabit electio. Considerandum autem quomodo insint hæc: idq; ex ipso nomine primum. Nam electio non simpliciter est, sed alterius ad alterum. vnde considerationem consiliumq; requirit, & proinde ex opinione consultatiua constituetur. Neque enim de fine, qui rebus omnibus quidam propositus est, sed de ijs quæ ad finem, suscipitur consultatio: id verò omnes consultamus, donec ad nos transfulerimus generationis principium. Quòd si nemo eligit, nisi re prius consultata expensaque, melius sit an deterius: volūt autē quæ possibilia nobis sunt, non quæ ad finem: erit electio cupiditas rerum penes nos sitarum, deliberatiua. enimvero omnes quæ eligimus, eadem volumus: nec tamen quæ volumus, omnia eligimus. Porro deliberatiuam facultatem voco, cuius principium est consultatio, quæ & concupiscit id, quod vtile decreuerit. Quapropter nec reliquis animantibus, nec omni ætati aut homini electio inest, eo quòd nec consultare, nec causam quare quid eueniat iudicare queat. Opinationem tamen, faciendumne quippiam sit, nihil vetat pluribus inesse, sed ratione perspicere nequaquam. anima enim patet deliberatiua rationes causasque vestigat. Nam si cuius gratia, vna ex causis existit, (nam quare quid, causa est, & id cuius gratia quid est aut fit, ut professionis facultatum compositio, quandoquidem eius gratia profici-

ciscun-

ciscuntur) constat eos qui proposito fine carēt,  
consultationi parum idoneos esse . Quapropter  
cū quis facit aut negligit quę penes nos sunt,  
ut faciamus vel non faciamus, idq; non igno-  
rante, volens utique aut facit, aut non facit.  
Cæterum multa eiusmodi citra consultationē  
præcogitationemque agimus, unde necessum  
omne eligibile voluntarium esse, non autē vo-  
luntarium statim eligibile. item quę ex electio-  
ne fiunt, omnia voluntaria sunt, non autem vo-  
luntaria omnia iuxta electionem . Similiter ex  
his manifestum, affectiones recte in volunta-  
rias, inuoluntarias, & cōsultatas distribui: quę  
etsi non sint accurata, veritatem tamen modo  
aliquo attingunt. verū, deinceps de his in tra-  
ctatu de Iustis . Electionem igitur nec volunta-  
tem simpliciter, nec opinionem esse patet, sed  
opinionem cum appetitione, quando ex con-  
sultatione concurrunt.

*De fine, & ijs qua ad finem ducunt: ubi virtutis assi-  
gnatur definitio . Cap. XI.*

**E**T quia cōsultantes omnes gratia alicuius  
consultant, & scopum habent præfixū cer-  
tum, quoniā respiciunt utile, de fine quidē  
nemo deliberat, qui principium est & funda-  
mentum, quemadmodum in contemplatiuis  
scientijs suppositiones: de quibus breuiter sub  
principium: verū in Analyticis accuratē dis-  
seruimus . Cæterum consideratio de ijs quę ad  
finem ducunt, partim verò inartificialis apud  
omnes est, ut bellum gerant necne, his quibus  
hoc in consultatione est . Obuium autem ma-  
gis est quapropter id est, cuius gratia cōsultatio

existit, ut opes, ut uoluptas, aut aliquid aliud hu-  
 iusmodi, quodcunque finis est uice. nam consu-  
 lit quisquis consilium capit, uel finem recte ne  
 perspexerit constitueritque: tendit enim eo con-  
 sulendo quomodo hic finis in ipsum adduca-  
 tur, uel quomodo ipse perducatur in finem possit.  
 Finis autem semper natura bonus est, de quo &  
 particulariter consultant, medicus de remedio  
 adhibendo, dux de castrorum metatione, qui-  
 bus finis propositus est bonus, id scilicet, quod  
 simpliciter optimum. Verum quod præter na-  
 turam est, ex aliqua peruersitate, non id qui-  
 dem uerè, sed apparens bonus est. cuius rei  
 causa est, quod entium quorundam usus, non  
 nisi iis quibus facta natura sunt, applicari po-  
 test: ut sunt uisibilia. neque enim uidere licet,  
 quorum uisio non sit, neque audire quorum  
 nulla auditio. Sed per scientiam etiam, ea quo-  
 rum scientia non est possunt fieri. neque enim  
 æqualiter sanitatis morbiq; eadem est scientia,  
 sed illius quidem iuxta, huius autem præter na-  
 turam. Sic & uoluntas secundum quidem natu-  
 ram boni est, præter naturam uerò mali. & uult  
 natura quidem bonum; præter naturam uerò, &  
 ex mētis quadam euerfione, malum. Verum cu-  
 iusq; corruptio euerfioq; non in quolibet, sed  
 in contraria & media competit: hos enim limi-  
 tes transgredi non licet. Et quia error non in  
 quolibet, sed in contraria committitur, quibus  
 contraria sunt, tum in ea contraria quæ iuxta  
 scientiam opponuntur, necessum est, & errorē  
 & electionem à medio ad contraria ferri. Porro  
 cōtraria sunt, mediū, maius & minus, eo quod  
 iucundum & triste sic habeāt, ut ab anima iu-  
 cundum quidem bonum iudicetur, iucundius  
 uerò

uerò melius; & triste malū, tristiū & deterius. unde paret circa uoluptates & dolores, uirtutes uitia uersari: circa eligibilia nanq; consistunt. Electio autem circa bonum, malum, & apparentia, quæ natura sunt uoluptas & dolor, uersat. Quoniam igitur ipsa uirtus moralis ipsa mediocritas est, omnisq; circa uoluptates & dolores uersatur, uitium autem circa excessum & defectum, & ea prorsus, in quibus etiam uirtus *Virtus qd.* consistit: necessum est, virtutem moralem habitum esse electiuū mediocritatis, quoad nos, in iucundis & tristibus, iuxta quæ qualis quisq; moribus dicitur, dolens gaudensue. dulce nanque siue amarum diligens, non qualis quidam moribus dicitur.

*Virtutem actionem non peccabilem, finemq; rectum reddere. Cap. XII.*

**Q**uibus ita determinatis, dispiciatur, utrū virtus electionem reddat non peccabilem finemq; rectum: nempe ut cuius gratia debeat, tantū eligat: an, ut nonnullis uidetur, rationem absoluat, id quod temperantiam dicimus, quippe quæ rationem non euertit. Sed enim virtus & temperantia discernuntur ab inuicem, de quibus post erit dicendi locus. quibus enim cumq; rationem rectam præstare virtus uidetur, id causa existit, cuiusmodi etiam temperantia. Cæterum eam laudabilem esse, præmissis dubitationibus, ostendetur. Porro scopum quidem licet esse rectum, verum in ijs quæ ad scopum, aberrare. rursus scopo etiam falso proposito, in ijs quæ ad ipsum tendunt, rectè habere. interdum verò utraque fallunt.



408 *Moralium Eudemiorum*

Verum igitur virtus scopum, an ea quæ ad scopum regit? Asseueramus autem scopum à virtute constitui. quocirca nec collectione, nec ratione aliqua hæc demonstrabuntur, sed vt principium hoc positum nobis esto. Neque enim medicus considerat, an esse sanum, sed vtum deambulare, an non deambulare oporteat. Neque gymnastes an bene habere, sed vtum luctari, vel non luctari expediat. similiter neque alia vlla circa finem occupatur. Quemadmodum enim in contemplatiuis suppositiones principiorum locum obtinent, sic & effectiuis finis, & principium est & suppositio. quoniã si hoc sanum esse conuenit, necessum est hoc esse, si quidem illud expectes: quẽadmodum isthic, si triangulo duo recti, necessum est hoc consequi. Cogitationis igitur principium finis est, actionis verò cogitationis terminus. Si igitur omnis rectitudinis, aut ratio causa est, aut virtus, si ratio nõ fuerit, per uirtutem finis, non quæ sunt ad finem, constituetur. Finis autem est id cuius gratia: omnis enim delectio alicuius est de aliquo: cuius igitur gratia medium est, eius causa uirtus, quæ id cuius gratia eligit. Verum quæ deccat consecutio aliterius est facultatis, quæ id cuius gratia eligit. non enim ipsius est electio, sed eius quod ipsius gratia. Equidem finis gratia agere oportet. verum ut finis rectus præfigatur, electionis munus est, cuius causa est virtus quocirca qualis quisq; sit, ex electione iudicamus, non quid, sed cuius gratia faciat expēdentes. Similiter & vitium contrariorum gratia electionem efficit. nam si quis cū in potestate sua sit bonum agere malumq; obmittere, agat contrarium, necessum est huic honesti su-

Si studiosum haudquaquam esse. Itaq; virtus  
& vitium voluntaria sunt, cum nulla necessitas  
ad mala perpetranda cogat. inuoluntaria enim  
cum turpia sunt, non vituperantur tamen: con-  
traque bona non innoluntaria, sed voluntaria  
laudantur. Postremo omnes laudantes vitupe-  
rantesq; , electionem magis quam facta intue-  
mur, etiam si virtute sit eligibilior operatio. Fa-  
ciunt item mala quidem coacti, sed eligit ea ne-  
mo. Sed & quia difficile electionem cuiusmodi  
sit perspicere, idcirco ex operibus qualis  
quisque sit iudicare necessum habe-  
mus. itaque eligibilior actio, sed  
laudabilior electio. Ex posi-  
tis igitur hæc eueniunt,  
& cōsentanea sunt  
apparenti-  
bus.

# ARISTOTELIS MORALIVM

Eudemiorum,

LIBER TERTIVS:

SVMMA LIBRI.

*De virtutibus moralibus omnibus, iniustitia excepta.*

*De fortitudine, forti, & eorum extremis.*

*Cap. I.*



Mediocritates igitur esse in virtutibus, easq; electiuas, & contraria earum vitia, quæq; sint, vniuersaliter dictum est. Singulatim verò vnâquamque persequentes, primùm de fortitudine dicemus. ferè enim apud omnes in confesso est, & fortem circa terribilia versari, & fortitudinem vnâ de virtutibus esse. Distinximus autem in tabula superiore, vtrum confidentia & fortitudo, cùm aliquo pacto sibi inuicem opponantur, etiam inter se contraria sint. Vnde manifestum, qui ab ijs habitibus nomen habent, etiam inter sese inuicem opponi. quemadmodum timidus. nam is magis quàm deceat timere, minus verò audere dicitur. & confidēs qui ipse quoq; ex eo quòd huiusmodi sit, minus scilicet quàm deceat timēs, magisq; quàm deceat

ceat audēs nomen trahit. vnde & audax ab au-  
 dacia denominatur. Quocirca cū fortitudo  
 sit circa timores audaciamq; habitus præstatis-  
 simus: decet uerò nec ut audaces, qui in nōnul-  
 lis deficiunt, in aliis uerò excedunt, agere: neq;  
 timidorum instar, qui in eodem peccāt, non eo-  
 dem tamen sed contrario modo: audendo enim  
 deficiunt, timendo uerò excedunt: manifestum  
 est, mediam audacię timiditatique dispositio-  
 nem fortitudinē esse. is enim habitus optimus.  
 Videtur autem fortis metu uacare ut plurimū,  
 timidus autem metui obnoxius esse. Et hic qui-  
 dem multa, pauca, magnaque, & parua metuit,  
 idque uehementer, & citò: ille uerò contrā, aut  
 prorsus non, aut leuiter, ægrè & rarò, & non ni-  
 si magna. & hic quidem uehementer terribilia  
 sustinet: ille uero nec leuiter quidem horrida.  
 Quæ igitur sustinet fortis primum sibi ne, an al-  
 teri terribilia? Etenim si alteri terribilia suffe-  
 rat, nihil uideatur magnificum fortem esse. sin  
 uerò sibi ipsi, necessum est nō nisi magna & hor-  
 rida terrorem incutere. Itaque si terribilia ue-  
 hementer, uehemens: sin leuiter, infirmus etiā  
 metus fuerit. vnde contingit fortem multos ma-  
 gnosque terrores formidare. Verū uidetur ti-  
 midum contrariē fortitudo præparare, ut in eo  
 quod aut nihil aut pauca timeat, eaque & leui-  
 ter & ægrè. Sed enim horribile, quemadmodum  
 & iucundum & bonum, bifariam dicitur. alia  
 enim simpliciter, alia uerò cuidam iucunda bo-  
 naque vocantur non simpliciter: ac contrā pra-  
 uia & minimè iucunda, quemadmodū que pra-  
 uis utilia sunt, & quæ iucunda pueris, quæ pueri  
 sunt: sic etiam terribilia alia simpliciter, alia ve-  
 rò alicui. Quæ igitur timidus metuit, quæ timi-  
 dus,

412 *Moralium Eudemiorum*

dus, nemini terribilia sunt. Alia rursus leniter,  
 alia plurimis timentur. Et quæcunque nature  
 humane horribilia sunt, ea simpliciter terribi-  
 lia vocamus: fortis verò ad hæc intrepide ha-  
 bet sustinetque eiusmodi, quæ partim ipsum  
 quoque terrent, partim verò non. quæ enim ho-  
 mo est, terribilia illi quoque sunt; quæ uero for-  
 tis, non sunt aut certe leniter, aut nequaquam.  
 Terribilia tamen dicuntur, quæ à plerisque ti-  
 meri solent, quo circa hic habitus laudatur.  
 Quemadmodum enim robusti, sanique appel-  
 lantur, non ut illi nonnullis laboribus frangā-  
 tur, aut hi nullo excessu debilitentur, sed ex eo,  
 quod uel prorsus non turbantur, aut simplici-  
 ter aut leniter, à quibus multi & plerique. valetu-  
 dinarij enim & infirmi & timidi communibus  
 vulgaribusque passionibus afficiuntur, sed citius  
 vehementiusque quàm solent. multi præterea,  
 quibus multi afficiuntur, ea uel nō prorsus vel  
 leniter ipsos tangunt. Quæritur autem num for-  
 ti nihil sit terribile, neque metuat quicquam. An  
 nihil uerat, pro eo ac dictum est ipsum quoque  
 timere: fortitudo enim rationem sequitur, ratio  
 uerò honesta capeffere iubet. quocirca qui non  
 per hanc sustinet, is aut stupidus est, aut confi-  
 dens. verum qui ob honestum tantum non me-  
 tuit, solus fortis est. Timidus igitur quæ non  
 decet metuit: audax uero in quibus non opor-  
 ret, audet: fortis uerò in utroque agit quod decet,  
 & proin medius existit. nam quæ ratio dicat,  
 ea & metuit & sustinet. quæ magna, acerba, in-  
 teritumque inferentia nisi sint honesta, subire  
 haud iubet. Audax uerò etiam non iubente ipsa  
 subit: timidus uerò ne si iubeat quidem: solus  
 autem fortis ipsius iussui obtemperat.

*De quinque speciebus fortitudinis non vera.*

*Cap. I I.*

**S**pecies autem fortitudinis quinque sunt numero eadem enim sustinent, nō tamen easdem ob causas. Vnde vna ciuilis, quam verecundia parit. Altera militaris, ex peritia vsuq; rerum profecta: non quemadmodum dixit Socrates, ut horribilia, sed ut auxilia horribilium cognoscantur. Tertia per ignorantiam & imperitiam: uelut est puerorum infanorumq; fortitudo, qua hi horribilia sustinent, illi vero serpentes manibus prehendūt. Alia rursus ex spe nascitur, qua laue conuiuati ebrijque pericula suscipiunt. nam vinum spem solet addere. Postremo alia ex affectuum impotentia rationis expers, ut amore iracunde accensorum. nam siue amet quis, audax potius quam timidus erit, multaq; pericula sustinebit. uelut qui in Metaponto tyrannum occidit: & in Creta fabulas recitauit. Siue ira commoueatur: nā extra se rapitur animus. Vnde & fera syluestres sortes dicuntur, nec sunt tamen. concitata enim sunt eiusmodi: non cōcitata, quemadmodum & audaces, inæquales sunt uehementer. Maximè autem naturalis est ab ira profecta fortitudo: inuita enim ira. quapropter & pueri optime pugnant. ciuis autem propter legem existit. Ceterum harum nulla secundū ueritatem comparata est: ad cohortationes tamen in periculis usum adferunt hæc omnia non mediocrem.

*Quæ dicantur horribilia. Cap. I I I.*

**D**E horribilibus igitur cum simpliciter iam dixerimus, non ab re fuerit de his susus determinari.



414 *Moralium Eudemiorum*

determinare. In vniuersum igitur horribilia dicuntur metus effectiua, ea scilicet quæ dolorem inferunt corruptiuum. Nam quibus alia afflictio incidit, alium etiam dolorem, diuersumq; affectum, non metum parit. nam qui molestiam aliquam prospicit, velut eam, qua inuidi aut æmulī, aut pudore suffusi affliguntur; aliud nomen sortitur, eò quòd metus eorum tantum malorum est, quorum natura interitū videtur inferre. Quocirca nonnulli quamlibet molles, fortes tamen sunt in quibusdam: & nonnulli duri ac tolerantes, timidi. Videtur enim propemodum proprium fortitudinis munus esse, circa mortem, eiusq; acerbicatem rectè affici. nam si algorem quis & calorem, pro eo ac ratio dicat, sustinet, cum à periculo absint; verum ad mortem mollis sit & timidus, non ob aliud, nisi ob interitum: alius verò ad eadem quidē mollis, erga mortem autem intrepidus, ille quidem timidus, hic autem fortis iudicari sanè queat. periculum nanque iis constare terribilibus tantum dicitur, quæ in propinquo habēt eiusmodi interitus effectiua. apparet autem periculū, quando prope cernitur. Terribilia igitur, circa quæ versari fortis assolet, dicta iam nobis sunt, eò quòd appetentia effectiua doloris corruptiui, oportet nec procul, sed in propinquo apparere, nec magnitudine humanæ virtutis proportionem excedere. Quadam enim necessum est, omnibus terribilia videantur, omnesq; percellant. Nihil enim vetat, quominus, quemadmodum calida frigidaq; & alia quædam corporis humani habitus viresq; superant, ita animi affectionibus nonnullis opprimamur. Timidi enim & audaces secundum habitus decipiuntur.

tur . illis enim non horribilia, horribilia tamen videntur ; & quæ leuiter metuenda sunt , vehementer . audaci uerò contrarium, horribilia animosa uidentur ; & quæ vehementer, leuiter . uiro autem forti uera horribilia maximè . Quocirca nec si quis ignoranter pericula sustineat, fortis est . uelut qui fulmè, ex infania ferat illatum , ac si cognoscat quantum sit periculum, ex ira impetu agat . quemadmodum si Celtæ, sumptis armis, occurrant fluctibus, cuiusmodi furiosa fortitudo prorsus Barbarorum est . Nonnulli uerò ob alias uoluptates pericula sustinēt . nam & ira uoluptatem habet quandam, cum spe nempe uitionis sumendæ . Verùm nec si ob eiusmodi, nec ob alias uoluptates , malorū uve grauiorum fugam, mortem, obeat, uerè fortis quisquam propterea meritò dicatur . Nam si mori iucundum sit , sæpe per intemperantiam morerentur lasciui . quemadmodum & hodie, cū ipsa quidem morte minimè, sed inferentibus eam suauibus existentibus sit , ut quidam per incontinentiam certum sibi concilient interitum . Non ignari etiam certam mortem propositam, quo ex genere nullus fortis uideatur . Neque si quis dolorem fugiens, (quod solent multi) mortem accersat, fortis fuerit . Quemadmodum enim Agathon inquit , prauī homines quī doloribus uicti, mortem eligunt, ueluti Chironem fabulæ perhibent, ob dolorem ulceris mortem opasse, licet immortalem . Non procul ab his distant quī ex peritia pericula sustinent , id quod pleriq; solent militātes . Id namq; contrarium Socratis sententiæ, opinantis scientiā fortitudinem esse . neq; enim quia non erant horribilia, qui super mucronibus iaculorum ingredi didice-

didicerunt, id ausi sunt, sed quia praesidia contra laesionem explorata habent. Neque enim qui audacius pugnant, idcirco fortes sunt, quemadmodum nec robur, nec diuitiæ iuxta Theognis fortitudinem gignunt. Vir enim, ut inquit, paupertate domatur omnis. Manifesta namque quidam sustinent pericula, eo quod discrimen nullum futurum nouerunt, cum paratum sit praesidium: argumento est, quod malis iam reuera imminetibus, retrocedant. Inter omnes igitur parteis ea videtur virtuti proxima, quæ ex verecundia nascitur fortitudo. Quemadmodum & Homerus Hectorem scribit, periculū obijisse verecundia impulsus. *Hectorem verecundia cepit: primus nanque Puldamas me reprehendit.* atque ea est quam diximus civilem. Ceterum vera neque hæc est, neque alia ex his vlla, sed furor similis est ferarum, quæ impetu feruntur. neque enim vel ob ignominiam, uel ex ira, vel quod non morituros se arbitrentur, aut quod facultatibus praeseruatius instructi sint, sustinere horribilia opinor. nam ita nihil horribile esse iudicant. Et quoniam uirtus omnis electiua est, nempe, ut supra diximus, quod omnia gratia alicuius, eius nempe quod honestum est, huius instinctu eligatur, patet fortitudinem, quia uirtus est, horribilia gratia alicuius sustinenda docere. neque ex ignorantia, ut quæ iudicium format, neque ob voluptatem, sed ob solam honestatem. quoniam si non sit honestum, sed furiosum, quia turpe, id nequaquam suffert. Circa quæ igitur uersetur fortitudinis mediocritas, & quorum sit, & propter quid, & horribilia quam vim habeant, satis in praesentiarum explicatum uidetur.

**P**orrò de temperantia & intemperantia deinceps differere conabimur. Intemperans autem multifariam dicitur. interdum enim quando non est castigatum nec emendatum, quem admodum incastratum dicimus, quod castratus non sit, quorum castrari nonnulla possunt, alia non possunt. (dicimus enim incastratum, & quod castrari non possit, & quod cum possit, non sit tamen castratum) sic & intemperans dicitur, uel quod temperiem castigationemque natura non admittat, uel quod admittat quidem, sed nunquam sit castigatum. ueluti puer in ijs peccatis quæ rectè moderatur temperans: iuxta eam enim intemperiem homines intemperantes dicuntur. Rursum & id intemperans dicitur, quod uel ægrè, uel non omnino castigatione ulla emendari queat. Multifariam autem cum dicatur intemperantia, patet circa uoluptates quasdam & dolores uersari: tum quod ex dispositione circa eas uaria, & à se inuicem, & ab alijs homines differant. prius autem descripsimus quo pacto intemperantiam appellatione transferamus. nam eos qui nullo sensu erga eas commouentur, insensatos alij, nonnulli aliud nomen imponunt. Verum non est nota hæc affectio neque vulgaris, eò quod magis in alteram partem peccetur, & quod congenitus sit omnibus iucundorum eiusmodi sensus & delinitio. Huiusmodi autem sunt, quos Comici inducunt agrestes homines, qui nec moderata quidem necessariaque ulla suauitate miscent. Et quia temperans circa uoluptates

Arist. Mora. Eudem. d D d versa-

418. *Moralium Eudemiorum*

uersatur, necessum est etiam cupiditates quasdam illi propositas esse. Itaque quæ sint ista, explicare oportet. neque enim circa omnes cupiditates, omniaque suauia uersatur temperans, sed opinione quidem circa sensibilia duo, gustabile scilicet, & tangibile, reuera autem circa tangibilia tamen. Nam circa uisionis uoluptatem, quæ citra ueneris cupiditatem pulchrum, aut dolorem, qui turpium aspectu nascitur, aut eam quæ ex auditione suauiter consonantium, aut secus, aut quæ olfactu fragrantium aut foetidorum prouenit, non uersatur temperans: neque enim uel patiendo, uel non patiendo dicitur intemperans. Siue igitur quis aut pulchram statuam, aut equum, aut hominem cernat, uel suauiter audiat canentem, nec bibere nec edere, nec ueneri indulgere uelit, sed pulchra quidem uidere, & canentem audire, is intemperans minimè uideatur, quemadmodum nec Sirenium cantibus deliniti; sed circa duo hæc sensibilia uersantur, quæ & reliquorum animantium sensibus incurrentia, dolorem, uoluptatemue cient: ea scilicet quæ gustu tactuue sentiuntur. Cæterum quæ reliquis sensibus suauia existunt, nullum ferè illis sensum mouent, ut circa proportionum pulchritudinis contuitionem nihil magnopere moueri uidentur. sed & nec auscultationibus sonorum, riteque consonantium, neque suauis aut grauiter olentibus: licet omnes sensus acutius percellant. Sed & odoribus ijs gaudent maximè, qui per accidens, non per sese oblectant. Dico autem per se, quibus gaudemus nec sperantes, nec recordantes aliud, uelut cibi aut potus. nam ob aliam, hoc est edendi bibendique, uoluptatem ijs gaudemus. per se uero,

uerò, ut est lucorum & florum. Quocirca scite Stratonicus dixit, illa quidem pulchrè; hæc uerò suauiter fragrare. Et quia gustabile aliquid, non omnem uoluptatem feræ attingunt, nec quantum extremò linguæ apice, sed quantum toto gutture sentitur. quapropter gulones non optant linguam longam, sed quemadmodum Philoxenus ex Hyride, vulturis guttur. Itaque circa tangibilia, ut simpliciter dicam, intemperantia est constituenda, circa ea, quæ etiam intemperans uersatur. nam uinolentia, edacitas, luxuria, erapula, etiam omnia eiusmodi circa sensus prædictos sunt: quas in parteis intemperantia diuiditur. Verùm qui uisum, auditione, olfactuque excedit, non dicitur intemperans. citraque ignominiam tales errores uituperamus, & prorsus circa quæ non dicuntur continentes. incontinentes uerò nec temperantes sunt, nec intemperantes. Insensatus igitur, aut quocumque alio nomine appellare conueniat; qui in omnibus deficiat, quibus solent plerunq; omnes participare, atque lætari. Verùm qui excedit, intemperans est. omnes enim his & natura gaudent, & aliquo etiam modo concupiscunt, nec tamen sunt, uel dicuntur intemperantes. etenim consecuti, excedunt magis quam oporteat gaudento; non consecuti magis quam oporteat dolendo. Sed nec dolore eria uacantes dicuntur. non enim deficiunt gaudento dolendove, sed magis excedunt. Quia igitur circa hæc est excessus defectusque; manifestum quòd & mediocritas, qui habitus optimus est, & utriq; contrarius. Itaque temperantia habitus præstantissimus, circa quæ intemperans uersatur, quæ in dictis iucundis sensibilibus tenens medium,



insensilitatis intemperantiæq; mediocritas existit. Excessus uerò intemperantia est. Defectus autem nomine caret, aut supra positas appellationes sortitur. Accuratiùs uerò deinceps de iucundorum genere pertractabitur, ubi de continentia incontinentiaque agemus.

*De mansuetudine, & eius extremis.*

*Cap. V.*

**E**odem pacto de mansuetudine, rigiditateq; sentiendum est. Nam & mansuetum qualem quēdam esse erga dolorem ex ira profectum cernimus. Suprà enim iracūdo, rigido & agresti (omnia enim hæc sunt dispositionis eiusdem) seruilem, & insensatum opposuimus: eò quòd ita uocentur, quotquot non moueantur ad iram quibus oporteat: sed laceffiti faciles humilesque sese præbeant ad contemptum. opposita enim sibi inuicem sunt, celeriter & egre, leniter & vehementer; & dolor, quem iram dicimus, longò tempore durans, ei qui breui. Quoniam uerò quemadmodum & in alijs, hæc quoque excessus defectusque repetitur. Rigidus enim est eiusmodi, qui citius magis, longioreque tempore tamen nec quando, nec quibus oportet, ac in multis afficitur: Seruilis autem contrarius quispiam est. Medius autem inter inæqualitatem consistit: & quia uterque habitus uitiosus est, patet medium horum æquanimitem esse. neque enim præcurrit, aut excedit: neque quibus non oportet irascitur; nec quibus oportet non irascitur. Quocirca cū & mansuetudo circa easdem affectiones uersetur habitus optimus, erit & mansuetudo mediocritas quædam, & mansuetus inter rigidum seruilemque medius.

*De*

*De liberalitate, & eius extremis.**Cap. V 1.*

**S**unt porrò & magnanimitas, & magnificentia, & liberalitas mediocritates. Liberalitas enim circa acquisitionem amissionemq; facultatum uersatur. Nam qui omni acquisitione gaudet, omniq; amissione dolet, utrumque magis quàm oportet, illiberalis est qui utrumq; minus quàm oporteat, prodigus: qui uerò ut oportet utrumq;, liberalis. ut oportet hinc, uelut in alijs etiam expono, quemadmodum recta ratio dicat. Et quia illi quidem in excessu deficiunt; sunt: nam ubi extrema sunt, isthic & medium, quod præstantissimum est in quaque specie, & unum: necessum & liberalitatem inter prodigalitatem, illiberalitatemq; circa facultatum acquisitionem, & amissionem mediam consistere. Bisariam autem facultates quaestuariamq; uocamus: alia enim per se est facultatum possessio, uelut calcei & uestis: alia uerò per accidens: nec tamen ita, ut si quis lance calcei uice utatur, sed uelut emptio, conductioq; mercenaria, emuntur enim & calcei. pecuniz autem cupidus præ quaestu accidentario circa numismatum possessionem occupatur: illiberalis uerò, & prodigus circa accidentarium lucrandi modum. nam ille quidem in acquisitione naturali augmentum quaerit: prodigus uerò in necessarijs deficit: liberalis autem ex abundantia copia largitur. Species uerò harum differre dicuntur, eo quòd magis & minus circa particularas ostendunt: ut illiberalis, parcus, sordidus, turpis lucri cupidus. Parcus enim, eo quòd nō erogat, dicitur. Turpis autem lucri cupidus, quòd

422 *Moralium Eudemiorum*

omnia corrodat. Sordidus, qui uehementer in exiguis obnititur. Deceptor uerò, depilatorque, qui iniustus ex illiberalitate est. Ita contrà prodigorum hic quidem cautus est, qui inordinatè consumit: ille uerò inconsideratus, qui in eo què ferre dicat ratio, durare dolore non potest.

*De magnanimitate & eius extremis.*

*Cap. VII.*

**D**E magnanimitate autè, ex ijs quæ de magnanimitis dicta sūt, determinare oportet: eo quòd ut in alijs iuxta affinitatem & similitudinem, quoad latèr progredi conuenit. Ita & de magnanimitate tractantibus idem usu uenit. Quocirca nonnunquam contrarij eadem affectant, quemadmodum prodigus & liberalis, perfractus & grauis, audax & fortis, circa eadem enim uersantur, & cognati sunt aliquotusque. nam & audax & fortis pericula sustinet, sed hic quidem sic, ille uerò aliter, quæ plurimum inter se distant. Dicimus autem magnanimum iuxta nominis appellationem, uelut ui & magnitudine animi instructum. itaq; & graui & magnifico similis uideatur: quandoquidem omnes uirtutes quodammodo sectatur. nam recto iudicio de rebus maximis pariter & infimis bonis pollere laudabile est. Videntur autem ea magna esse, quæ optimo habitu instructus prosequitur, circa eiusmodi scilicet iucunda. Magnanimitas uerò est præstantissima. iudicat autem in unoquoque maius & minus rectè iuxta sapientis uirtutisq; præscriptum. unde uel ipsa omnes uirtutes, uel ipsam omnes consequuntur. Præterea contemptius dicitur magnanimus. Singulæ uerò uirtutes rerum præter  
ratio-

rationem magnarum sunt cōtemptrices, vt fortitudo periculorum: id enim magnum inter turpia deputat, & neque multitudinem omnem iudicat formidandam. & intemperans uoluptates. liberalis opes multas magnasque spernit: id quod magnanimitas esse uidetur, eo quod in paucis occupetur. atque hæc magna sunt, eo quod nec cuiuslibet iudicium spectat. Magis quippe magnanimitas spectat quid uni sapienti probeatur, quàm multitudini, ut uulgo. Quemadmodum ad Agatonem dixit Antiphon, malignè defensionem laudantem. neglectus enim propria maximè affectio magnanimitas. Porro nec uita, nec opum, quibus studere magnopere uidentur homines, curam gerit, sed tamen honoris. itaque & dolet ignominia affectus, & indigni subiectus imperio: gaudet autem principatum assecutus. unde contraria uidentur, nam circa honores occupari, & quæ uulgus sentiat de se contemnere, non sunt consentanea. quocirca accuratius hæc discutere oportet. Nam honor exiguus & magnus bifariam capiuntur. aut enim à multis is & uulgaribus, aut ab illustribus ille contingit. qui rursus pro re, in qua euenit, differt. magnus enim non solum honorantium multitudine, aut qualitate, aut pretio æstimatur, sed ueritate, unde & principatus & reliqua præclara, & studio digna bona censentur, quæ reuera eximia existunt. Quocirca nulla uirtus magnitudine caret, qua & amplificare & ius reddere uidetur in quibus fuerit. sed enim & inter ceteras uirtutes magnanimitas eminet, quare peculiari uocabulo, hac præditus magnanimitas appellatur. Quoniam uero bona alia honorabilia sunt, alia uero, ut supra determinavi-

424. *Moralium Eudemiorum*

mus: ex quibus alia ex uero eximia, alia parua sunt, quibus nonnulli cum digni sint, seipso dignos etiam arbitrantur, in iisdem solet elucere magnanimus. Quadrifariam uero hæc discernuntur. Nam & dignum esse ijs, & sese dignum ijs iudicare contingit. Interdum uero & mediocribus dignum ijs quoque se dignum iudicare. Nonnunquam uero econuerso utralibet hæc ad seinuicem componuntur. nam cum exiguis aliquis dignus, magnis atque honorabilibus se dignum arbitrat; alius maximis dignus, paruis se dignum existimat. prior quidem hic est exiguis dignus, magna que affectans, uituperationem meretur. dedecens enim id est, ac minimè honestum, præter dignitatem quidpiam consequi. uerum & is uituperandus, qui præsentis honore dignus, eum tamen auersetur. restat, iam utrique horum contrarius, qui cum rebus magnis dignus sit, seipsum etiam dignum arbitretur. hic laudabilis & inter hos medius est. Et quia circa honoris electionem fruitionemque circa honorabilia reliqua bona dispositio est præstantissima magnanimitas, & quemadmodum ostendimus non circa utilia occupatur, ac ipsa mediocritas cum primis laudabilis, manifestum etiam magnanimitatem esse quandam mediocritatem. Ex contrariorum autem, hoc quod diximus indignum, maximis sese dignum arbitrantem, lentitudo. tales quippe lætos dicimus, qui magna uenditant, cum non insint. Verum ubi dignus magnis, se indignum censet, pusillanimitas appellatur. pusillanimis enim est, qui præclara meritis, ijs sese indignum iudicari. Itaque magnanimitatem necessum est mediocritatem esse, inter pusillanimitatem & lentit-

lentitudinem . Porro quartus ex his , neq; omnino vituperatione dignus, neq; magnanimus, in nulla re magni quippiam consecutus . neque enim vel dignus existit, vel ita de se ipso censeat, quapropter non est contrarius . Nam etsi plarè contraria inter se videantur, magnis dignū magna , & paruis dignum exigua deberi sibi arbitrari. contraria tamen non sunt, eo quòd hic reprehensione careat, quandoquidem ex rationis instinctu agit, & eadem quæ magnanimus naturæ conditione. Cùm vterque quibus dignus est, sese dignū arbitratur , magnanimus ex ijs, quibus dignus est sese dignum censebit . pusillanimis verò, cùm magna insint ei bona honorabilia, si eis se indignū iudicat, quid faceret, si paruis dignus esset ? aut igitur magnis se dignū iudicans, lentus, aut pauciorum . quocirca nemo pusillanimum dixerit , qui inquilinus tantum , se nō imperio dignum censeat , seque subijciat, verum qui honesto loco natus sit, imperiumque rem magnam iudicavit .

*De magnifico , & eius extremis .*  
*Cap. V l l l .*

**M**agnificus autem nō ex qualibet operatione, electione ve, ut dicitur, sed ex sumptibus : nisi fortè per translationem ita vocetur. absq; sumptu autem magnificētia non est. nam  $\pi\rho\varsigma\ \pi\rho\upsilon$ , d est decēs, in ornatus: ornatus verò nō in quibuscumque, sed in necessariorum excessu consistit. Verum qui in magno sumptu decentem magnitudinē eligit, eamque mediocritatem cum eiusmodi voluptate expetit, magnificus est . qui verò amplius quàm par sit , & præter modum, is nomine caret : tametsi quandam



dam affinitatem inter sese habent, quos vocant ineptos & prodigos. Nam qui opulentus dilecti hominis nuptijs sumptus suppeditat, cum apparatus se decere arbitratur. Qui frugales paucâq; desiderantes excipienti conueniat, paruisque. Verum qui nuptiali apparatu eos excipiat, nec ob gloriam, neque pro autoritate peculiari aliqua, prodigo similis videtur. Verum qui pro dignitate iuxtaq; rationem id facit, magnificus est. decorum enim iuxta dignitatem est, quandoquidem nihil præter dignitatem decet. decorum aut esse oportet. etenim decentis est agere iuxta dignitatem, & quod deceat, & circa quid deceat. aliud enim decorum est circa familiaris, aliud circa amati nuptias. atq; ipsi etiam in tantum aut eiusmodi: ut spectaculum, Cimonem non Themistoclem, quod humiliore fortuna hætenus esset, decere aiebat. ille verò, cui qualiscunq; sit dignitas perinde est, nullus est horum. De liberalitate verò similiter se habet. nam liberalis aliquis est, quando libet.

*De indignatione, verecundia, amicitia, gravitate, veracitate, urbanitate. Cap. IX.*

**E**T ferè etiam sic cetera circa mores, vel laudabilia vel vituperabilia. nam alia excessus, alia defectus, alia verò mediocritates sunt passiuæ, quemadmodum inuidus & alienis malis gaudens. iuxta hos enim habitus dicitur, inuidus quidem angî, dignorū successu: hic verò in eadem passione nomine carere, sed ei affectioni obnoxius, notus est, gaudento indignorum vel casibus vel successibus, item & dignorū lætando. Medius verò inter hos est indignabundus, &

dus, & quod veteres *νῆμισι* vocant, à dolendo,  
 ob indignorū successum. quapropter & Nemesin  
 Deam esse arbitrantur. Verecundia mediocritas  
 est inter impudentiā & stuporem. Nam qui nul-  
 lam de se existimationem moratur, impudens:  
 qui omnes, stupidus: qui verò apparentes quas-  
 dam modestiē, verecundus. Amicitia verò mediū  
 inter inimicitiam & adulationem. Nam qui om-  
 nibus pro cupiditate sua iucundē cōgreditur,  
 adulator est: qui verò voluptatem omne vitat,  
 odiosus. verū qui nec seclatur, nec refugit om-  
 nem voluptatem, sed quod optimum videtur  
 in congressu obseruat, amicus est. Grauitas ve-  
 rò mediocritas est inter contumaciā, & placen-  
 di studium. Nam qui nihil in cōiūctu alteri lar-  
 gitur, sed contemnit, contumax: qui verò om-  
 nia omnibusque se subijcit, placendi studiosus  
 est: qui verò alia quidem largitur, alia non, gra-  
 uis appellatur. Verus autem & simplex, quem  
 rigidum vocant, inter dissimulatorem & iacta-  
 bundū medius est. Nam qui sua deteriora men-  
 titur quā sunt, idque non ignorans, dissimu-  
 lator: qui verò maiora prædicat, iactabundus  
 est. verum qui vt habeat exponit, verus, & iux-  
 ta Homerum sapiens appellatur: & in vniuer-  
 sum, hic quidem veri, ille falsi amator est. Por-  
 rò urbanitas mediocritas est: & urbanus inter  
 rusticum & scurram medius. Quemadmodum  
 enim circa alimentum, vorax & \* terius disse- \* *σινχός.*  
 runt, quod ille nihil aut pauca aut ægrè admit-  
 tat, hic verò faciliè omnia, sic rusticus habet ad  
 importunum aut scurram. nam ille ridiculum  
 nihil aut ægrè admittit, hic verò omnia & prom-  
 ptè & suauiter. Verū neutrum ita decet, sed  
 quædam admittenda ioca, quædam non. idque  
 iuxta

428 *Moralium Eudemiorum*

iuxta rationem: quod facit *urbanus*. Demonstratio autem eadem, quādoquidem & eiusmodi est *urbanitas*, & non quem transferentes dicimus, æquissimus habitus, & mediocritas laudabilis, extrema verò vituperabilia sunt. Duplex autem *urbanitas* est. alia enim qui ridiculis gaudet, iocisque etiam in ipsum commate iactis: alia quæ iocos lususque perexhibere alijs potest. Diuersæ quidem à seinuicem, sed mediocritates ambæ. nam qui & exhibere iocum alijs potest, quo afficiatur sincere iudicans, & qui in se dictum ferre ridiculum, inter importunum & frigidum medius est. Quæ determinatio melior est, quàm si illuso, quomodocunq; affecto, molestum esse quod dicitur asseratur: quippe quod magis placere, ea moderatione prædito conueniat. hic enim rectè iudicat. Cæterum omnes hæ mediocritates etsi laudabiles sunt, non tamen virtutes dici debent, neq; earum contraria, vitia: quippe quod hæc omnia ex affectionum diuisione, carere electione cōstat. vnaquæq; enim harum affectio quzdam est: & quia naturalis est, ad naturales etiam virtutes refertur. naturales enim quodammodo virtutes hæ sunt, vt ex sequentibus patebit, cum prudentia. vnde & inuidia iniustitiæ (nam ad alium spectant actiones ab ipsa profectæ) & indignatio iustitiæ, verecundia modestiæ ad censentur. quocirca & eo in genere modestiam definiunt: verus autem & vanus eiusmodi, vt ille sapiens, hic stultus sit, verum medium magis extremis contrarium est, quàm ipsa sibi, eò quod illud cum neutro iungatur, & sit, hæc verò frequenter, suntq; nonnunquam timido audaces, ac partim prodigi, partim illiberales, & prorsus vitiose inæquales.

Nam

## Liber Tertius. 429

Nam cum rectè inæquales sunt, mediij existunt: medio nanq; extrema aliquo modo insunt, verum contrarierates nō videntur extremis similiter iuxta medium ambæ inesse, interdū enim iuxta defectum, aliquando iuxta excessum insunt, quorum causa sunt duo illa suprā commemorata, paucitas erga iucunda insensatorum, & quod contrarium magis esse vī, in quo magis peccatur: tertium verò, quòd rarius, minus contrarium videtur: vt audacia ad fortitudinem, & prodigalitas ad liberalitatem. De reliquis igitur virtutibus laudabilibus ferè dictum est: itaque de iustitia deinceps dicendum erit.

★

*Pro Quarto, Quinto, & Sexto sequentibus libris, lege Quintum, Sextum, ac Septimum Nicomachiorum. hunc enim ex eo loco translati fuere, nullo penitus mutato verbo: ut in Græcis exemplaribus videre licet.*

ARISTO.

# ARISTOTELIS MORALIVM

Eudemiorum,

LIBER SEPTIMVS.

SVMMA LIBRI.

*De amicitia, ac eius speciebus. De amicis: ac multis, quæ circa hæc sunt consideranda. De benevolentia, concordia, ac probitate.*

*De amicitia, ubi dubitatur, an sit in similibus, vel in contrarijs. Cap. I.*



**D**E amicitia, quid sit, & quale sit, quis item amicus: ac vtrum simpliciter tantū dicatur amicitia, an multifariam: & si multifariam, quotnam modis: insuper quo pacto sit amico vtendum, quidve iustum amicum, nihilominus excutienda nobis sunt, quàm ea quæ de moribus circa honesta, eligibiliaque traduntur. Nam inter ciuilia officia vel potissimū est, amicitias inter se hominum mutuas conciliare. Eamque ob causam virtutem utilem existere dicimus, quòd amici esse nequeunt, qui mutuis inter se iniurijs conflictantur. Præterea iustum iniustumque; maximè circa amicos versari omnes confitemur. Et sanè uidetur uir bonus etiam amicus esse, ac amicitia moralis quidam

dam habitus : ut si iniuriam quis cauere insti-  
tuit, homines inuicem reddat amicos, eo quod  
ueri amici nunquam mutuo, quemadmodum  
& iusti, inferant iniuriam : quocirca aut idem  
prorsus, aut cognata inter sese amicitia iusti-  
tiaque existunt. Præterea inter bona præstantis-  
sima reputamus paratum esse amicum : & ma-  
lum grauissimum solitudinem, amicorumque  
carentiâ interpretamur : quod omnis uita, spon-  
tanea; hominum conuersatio his constet, quæ  
cum familiaribus aut cognatis, aut alijs nobis-  
cum degentibus uel liberis uel parentibus uel  
uxore transigitur. Et propria quidem iusta, quæ  
ad amicos spectant, solùm ad nos pertinent. ue-  
rùm quæ lege constituta, non equidem nos, sed  
alios respiciunt. Verùm multa ambigi circa ami-  
citiam solent. Primùm quidem quod foris as-  
sumitur, ut plerunq; dicitur. Videtur enim nō-  
nullis simile simili amicū esse, unde natum est  
quod fertur, Deus similem semper adducit ad  
similem. etenim graculus ad graculum, & fur-  
furem cognoscit, & lupus lupum. Sed & Phy-  
siologi uniuersam naturam rerum describen-  
tes, principium hoc constituunt, similia ad simi-  
lia cōtendere. Quocirca & Empedocles canem  
scæmellam fœtili incumbere aiebat, ob similitu-  
dinem, quam cum eo plurimum haberet. Atq;  
hi quidem ad hunc modum amicum definiunt.  
Alij uerò contrarium contrario amicū asserunt.  
amabilia enim desiderabiliaque omnibus ami-  
ca sunt : & siccum humida, non sicca appetit :  
unde & terra pluuiam optare dicitur, & rerum  
omnium mutationem gratam esse : ea uerò in  
contrarium fit. Et simile simili inimicum, & fi-  
gulus (quod dicitur) odit figulum. Insuper &  
animantia



432 *Moralium Eudemiorum*

animantia quibus ex eodém viētus suppētit, hostilia inuicem sunt. Opiniones igitur hę tantum distant ab ijs, quę simile amicum, & cōtrarium inimicum censent. Minus certē semper ei quod plus est, hostile existit, inimicitiamque dies exorditur. Præterea & loca inter se dissita, contrariorum sunt. amicitia enim contrahere videtur. Alij verò contraria amica putant, & Heraclitus increpat Poëtā dicentem, quòd lis inter Deos & homines pereat. Neq; enim harmoniam consistere inquit, citra acutum & grauem sonum: neque animalia absque mare & foemina duobus contrarijs. quę duę opiniones de amicitia sunt in vniuersum plurimùm discrepantes. Verùm alię magis cognatę sunt, & proprię apparentium. alijs enim inter prauos amicitia constare non posse, sed inter bonos tantum: alijs contrā, absurdum videtur, si mater liberos non amare asseratur, cū & inter bruta amicitia intercedat tanta, vt etiam pro sobole sua mori nō recusent. Alij tantum vtile amicum arbitrātur, argumento illis est, quòd omnes id prosequuntur. inutilia verò abijciunt. Vnde Socrates senex ille saliuam proijciens, & capillos vnguesque præscindens, particulas se inutiles omnes abijcere dicebat; & postremò etiam corpus ipsum cū mortuum fuerit, & quòd nullis porrò vñibus accommodari queat: verùm vbi vsui est, velut in Aegypto, reseruant; quę omnia contraria inter se maximè videntur. nam inutile simili, & contrarietas similitudini, ac contrarium inutile cōtrario suo maximè repugnat, quippe q̃ contrarij sit contrarium corruptiuum. Insuper videtur alijs quidem facilè amicos comparare, alijs verò rarissimum hunc cognoscere, quoniam

quoniam citra successum non contingit. Cum felicibus amicitiam omnes captant, verum alij, ne in iisdem quidem infortunijs persistentibus, credendum iudicant, quippe qui fallacia quadam, fictaque cum calamitosi conuersatione, bonorum amicitia sese insinuent. Sed adducendus etiam postremus, qui & opiniones de his rectissime exponit, & dubitationes contrarietatesque soluit, quod sit, dum appositè explicatur, quæ videntur contraria. eiusmodi enim ratio maxime apparentibus consonat. Contingit autem oppositiones manere, quando quod dictum est, verum sumptum fuerit: interdum verò secus.

*Quale sit id, quod ametur, iucundum, an bonum.*

*Cap. 11.*

**D**ubitationem autem habet, vtrum iucundum, an bonū id sit, quod ametur. Nam si id maximè concupiscimus, erit eiusmodi potissimū amor. Neque enim amator dicitur, qui non amet semper. Et cupiditas semper ad iucundum fertur: nam & iucundum, quod volumus bonum amamus: verum aliud est iucundū ac bonum: de quibus & aliis cognatis determinare conabimur, his principiis constitutis. Quæ cupiditate aut volūate appetūtur, aut bona sunt, aut apparentia bona. Quapropter & iucundum concupiscibile est, quia apparēs bonum: quippe quod aliis bonum iudicetur, aliis appareat tantum, etiam si non iudicetur. neque enim in eadē animæ parte sunt, phantasia. Patet igitur amicū & bonum & iucundum esse: quo determinato, altera iam suppositio præmittenda. Bonorum enim alia simpliciter bona sunt, alia alicui non.

*Arist. Moral. Eudem.*

*c E c simpli.*

434 *Moralium Eudemiorum*

simpliciter, atq; eadem simpliciter & bona, simpliciterque iucunda. Nam quæ sano corpori conducunt, simpliciter corpori bona: quæ verò laboranti tantum, non simpliciter appellamus, velut sunt medicamenta, & sectiones. Similiter & iucunda simpliciter vocamus, quæ integrum sanumque corpus oblectant: ut in clara luce, non in tenebris cernere: verum laboranti ex oculis contrarium. & vinum iucundius esse iudicatur, non linguæ ex uinolentia corruptæ, quæ ne infusum quidem acetum discernat, sed sensui sincero. Similiter & in ijs quæ animam spectant, non quæ pueris, aut bestiis, sed cordatis probantur: utrorumque igitur memores, hæc eligimus. Et quemadmodum pueri ac bestię habent ad cordatum, sic prauus, stolidusque ad moderatum & sapientem, iis verò iucunda sunt, quæ iuxta habitum incidunt, quæ sunt bona & honesta.

*De Tribus amicitia speciebus: & quæ ipsarum propriè sit amicitia. Cap. III.*

**Q**uia verò bona multifariam dicuntur, aliud enim quia tale sit, aliud quia utile ac frugiferum: sic & iucundum, aliud simpliciter ac bonum, simpliciter, aliud verò quod alicui videatur bonum, quemadmodum in inanimatis contingit: ob singula hæc aliquid nos eligere & amare: ut & hominē. alium enim quod virtute præditus, alium quia bonus & frugiferus, alium quia iucundus ob voluptatem. Amicus autem fit, quando amatus redamat: neque id ignoratur ab ipsis. Quocirca necessum tres amicitia species esse: neque iuxta vnum aliquid omnes, neque ut vnius generis species, neque omnino æquiuocè dicantur, ad vnam enim quandam primamque referuntur, quemadmodum medicinalē.

nale. etenim animam medicinalem, & corpus, atque insuper etiam instrumentum & opus dicimus, sed proprie primum, per quod ratio eius nobis inest, uelut instrumentum medicinale, quod medicus utitur, nec tamen instrumenti ratio medici rationi inest, quocirca in omnibus primum illud queritur. Et quia primum uniuersale est, uniuersaliter etiam capitur quod fallit, itaque & de amicitia non possunt omnia apparentia reddere. Ratione enim una minus congruente non arbitrantur ceteras amicitias esse, alix uero sunt quidem, sed non similes: alix uero, cum prima non conuenit, ut uniuersalis, siquidē prima fuerit, neque alias esse amicitias inquirunt. Verū, ut modo dictū est, multae amicitiae species sunt: quoniam tripliciter dici amicitiam determinauimus, cum alia ob uirtutem, alia ob utilitatem, alia ob iucunditatem oriri dicatur. Et sanē quae commodorum gratia nata est, plerumque est amicitia, qui seinuicem, quia utiles diligere solent.

Πλάτῳ ἐπικούριος ἀνὴρ τὸν φίλον  
ἐσκεμάχῳ :

Et nondum Athenienses cognouerunt Megareses. Quae uero ob uoluptatem contrahitur, iuuenum est: mutatis enim pro etate moribus, etiam iucundū mutant. Quae uero à uirtute proficiscitur, optimorum: unde manifestum est primam amicitiam, bonorum esse mutuum erga seinuicem amorem, mutuaque electione. Amicum enim est amatum amanti, amicusque item redamas amato. Ea igitur sola inter homines est, quippe qui soli electionem sentiunt: ceterae autem etiam feris inter se sunt, ubi etiam aliqua mediocris elueet utilitas. Atque ita etiam

## 436 Moralium Eudemiorum

& quemadmodum vates de confessibus transitionibusq; loquuntur. Et mali malos, cum ob utilitatem, tum ob iucunditatem amant: neq; tamen amicos fatentur, cum primæ sint expertes: quippe quod prauus iniuriā prauè inferat, quod amicitia legibus repugnat. Alij itidem amant citra amicitiam primam, quos tamē reliquas colere nihil verat. ob voluptatem enim incontinentes seipso suspectos habent, nec ab iniuria mutua abstinēt. Quocirca nec ob voluptatem se mutuò amantes, dici amici debent: quando accuratè disquirentibus planè primam non esse constet: illa enim firma est amicitia, hæc verò prout hætenus diximus. non illa quidem, sed ab illa profecta. Quapropter ut illo tantum pacto amicus esse asseratur cogere, est apparētia absurdaq; dicere. nam iuxta rationem communem quandam affirmare omnes amicitias licet. Superest igitur, ut prima tantum amicitia uocetur, interdum verò etiam omnes: neq; ut æquiucè, neque ad seipsas quomodocunq; habentes, neq; iuxta vnam speciem, sed potius ad vnum aliquod relatas.

*De amicorum diuersitate: & qui propriè sint dicendi amici.*  
*Cap. 1111.*

**E**T quia simpliciter bonum iucundumque idē & simul est, nisi quid obstat: & primus verus, & simpliciter amicus (nā talis propter seipsum eligibilis, idq; necessario, quēadmodū enim propter se bona quispiā appetit, sic & ipsum talem eligi oportet) verus autē amicus etiam iucundus est simpliciter: videtur igitur quomodocunq; amicus iucundus esse. Verū magis

magis de his determinandum, utrum quod ipsi, an quod si simpliciter bonum amicum sit, & utrū actu amare cum uoluptate, unde & amabile iucundum, an non. hæc enim ad idem reducenda sunt, & quod non ipsi bonum fuerit, non etiam ad ipsum pertinet. Atque hoc ipsum est quod queritur, sic esse bona; quæ simpliciter bona sunt. eligibile enim est simpliciter bonum: ipsi verò, quod ipsi bonum: quæ conuenire oportet. Et uirtus una talē efficit, & ciuilis facultas etiā quibus hæc non insunt, ingignit, modo iam ante accommodatus & homo existat. naturaliter enim ei bona sunt, quæ simpliciter bona. Similiter & uir pro fœmina, & stupidus pro prædito indole; ob dulce verò, necesse est quæ pulchra sunt, sint & dulcia: ubi uerò dissonant hæc, iam non prorsus bonum, nam intemperantia interuenire potest. Cùm enim honestū iucundumq; disconueniunt, in affectionibus intemperantia est. Quia cùm prima amicitia est secundum uirtutem, erunt & ipsi simpliciter boni: non quia utiles, sed alio quopiam modo: quandoquidem bifariam, huic & simpliciter bonum capitur, & similiter quemadmodum in cōducibili, & habitibus, ubi aliud est simpliciter cōducibile, & honestum, uelut se exercitatio ad medicationem habet: Itaque & habitus hominis uirtus. Sit igitur homo ex rebus natura præstantibus. nā uirtus natura præstantis simpliciter, alterius verò alicuius nequaquam, sed huic bonum dicitur. Eadem quoque ratio dulcis est. Hinc igitur uelut gaudium, uirum absque uoluntate sit amicitia, quidve differat, & in utro amare cōsistat: & uirum bonus esse etiam non iucundus queat, sed non propter id ipsum tamen. Amor igitur cū



438 *Moralium Eudemiorum*

dicatur bifariam, utrum qui actu est, eo quod bonum iudicat, nō absq; uoluptate esse apparet. patet autem, quemadmodum in scientia rerum cognatæ contemplationes disciplinæq; specie sua facile intelliguntur, ita etiam familiarium recognitiones expeditæ sūt: cuius rei ratio eadē in utrisq; est. Natura igitur simpliciter bonum & simpliciter iucundum: & quibus bonum, iisdem etiam iucundum est. Quapropter similia similibus mox gaudent, & homini homo iucundissimus. Et quia imperfecta ea cōditione sunt, etiam absoluta eiusmodi erūt. Est autē uir bonus perfectus, siquidem ergo amare actu mutua familiaritatis & notitiæ, electio cum uoluptate est, scilicet & amicitia prorsus simpliciter bonorum & iucundorum, quia bona iucundaq; sunt, mutua electio. Atq; ea amicitia habitus, ex quo eiusmodi electio proficiscitur. nam opus eius actus est, qui non extra, sed in ipso amate consistit, cum potentia extra, uel in alio insit, uel diuersum saltem existat. Quocirca in amante, nō in amato gaudiū est. Amari enim amabilis rei, illud uerō etiā amicitia actus est, & animati tantum, cum prius etiam inanimatis comperat, qñ & ea quoq; diliguntur. Et quia amare actu est gaudere amato, quatenus amatum: & amicus etiā est, qui amatur uicissim, erit amicus amico, non quā musicus uel medicus. Voluptas igitur ab ipso percepta, quā amicus, propriè amica uoluptas appellatur. ipsum enim diligit nō ob aliud quidpiam, q̄ ob rem nisi eo quatenus bonus est delectatur, non fuerit amicitia prima. neque rem ullam interuenientem obitare decet, ut bonum ipsum non delectet. itaq; etiam si graeuentia fuerit, aliqua obliterare, & mentis induriam

с Е с 4 amicus

amicus rebus ipsis præferendus est, non amicis res. Vnde prima amicitia inter paucos incidit: eo quòd difficile sit multorum capere experimētum, quandoquidem non omnibus, quemadmodum oportebat, possis conuiuere. Neq; ex quo de veste & amico deliberare conuenit. equidē quod inter duo melius extiterit, eliget mentis saltem compos, & quo est vsus olim ut deteriore. nō præferet ei quod iudicet melius. In amicitia autem nō faciliē pro uetere amico, incognitum assumet. neq; enim absq; experimento est, neq; unius diei amicus. quapropter in prouerbiū abiit, Salis modius. Simul autem non eo tantum, quòd simpliciter bonus qui spīa sit, ad amicitia sufficit, sed ut etiam tibi sit amicus. Bonus enim quisque dicitur simpliciter, eo quòd bonus est: amicus autē, qui alteri bonus. simpliciter autē bonus amicusq; , in quo utraque ista concurrunt. Itaq; quod simpliciter bonum alteri, hoc quanquam non simpliciter bono: alteri uerò bonus, eo quòd utilis. amare autem unā multos, & ipsum hūc amorem auertere, impossibile erga plures operari. In his autem constat rectē dici, amicitiam cōstantium bonorum esse, quemadmodum felicitas sufficiētium. etenim natura, non facultates, firmitatem habet. Verūm multo rectius uirtutem naturæ esse affirmatur, & tempus amantem indicare, infortuniaq; magis quàm successus. In illis enim uerē declaratur quod dicitur, Communia amicorum omnia: quippe qui soli bonis malisq; natura, circa infortunia & successus in quibus cōsistunt, hominem præferunt, uel ut illa sint, alia uerò non sint. Successus autem arguit non ueros amicos, & ad utilitatem tantum compara-

tos. Tempus uerò utroq; . neq; enim utilis sta-  
 tim amicus est, uerùm suauis & iucundus. Sed  
 nec qui statim, suauis simpliciter est: quando  
 perinde ut uino ciboq; partim suauitas, par-  
 tim uerò celeritas percipitur, uerùm mediocri  
 tempore suauitatem uoluptatemq; amittit,  
 sic etiam hominibus usu uenit. nam quod sim-  
 pliciter iucundum est, sine temporeq; deter-  
 minari debet. Fateatur autem & vulgus, dulce  
 vocans, non solùm quod compererunt, sed ve-  
 luti cùm bibunt, cùmq; adhuc in manibus po-  
 culum est. Non enim id inde dulce est, quia  
 compererit aliquis, sed quia non frequenter bi-  
 bit, ac quia primum decipitur. Prima igitur  
 amicitia, à qua cæteræ nomen trahunt, secun-  
 dùm uirtutem est, iuxtaq; eius delectationem,  
 velut dictum est prius. Reliquæ etenim inter  
 pueros, brutaq; & prauos contingunt. Vnde  
 prouerbio dicitur, Aequalis æqualē delectat: &  
 Malus malo iucundē conuiuuit. nam & prauī  
 nonnunquam se mutuo oblectant, non quate-  
 nus prauī, nec quatenus neutri, sed quatenus  
 vel ambo (exēpli gratia) streperi: vel hic quidem  
 streperus, ille uerò parcus: quatenusq; bonum  
 aliquod omnes habent, eatenus congruunt sibi.  
 Præterea vtilēs sibi etiam hos esse contingit,  
 non quidem simpliciter, sed institutis. Sic etiā  
 bono viro amicum malum esse contingit, nem-  
 pe ad institutum aliquod utilem: ut malus bo-  
 ni viri instituto, quale bonus habet, inferuiat.  
 bonus intemperanti quidem ad illud quod ha-  
 bet institutū, malo autem ad id quod iuxta na-  
 turam existit. Valentq; bona simplicia quidem  
 simpliciter, illi uerò ex suppositione, nempe  
 quatenus aut paupertati aut morbis conferr,

## 442 *Moralium Eudemiorum*

idq; bonorum simpliciu causa: quemadmodū & pharmachū bibit. non enim bibere uult ipsum, sed huius mali pellendi gratia uult. Præterea amici hi esse possunt inuicē, qualiter & ij sunt, qui boni non sunt. Iucundus enim esse potest, nō quatenus malus, sed quatenus aliquid commune habet: ut si sit musicus. insuper quatenus vnū quiddā est omnibus, quod ferre possis. ideo quidem ad colloquiū apti boni habeantur, aut quatenus deniq; unicuique congruant: aliquid enim boni omnes habēt. Tres igitur hæ species amicitie sunt, & in his omnibus iuxta equalitatem quodammodo amicitia appellatur. Nam & amici secundū uirtutem in equalitate quadam uirtutis sibi inuicem amici sunt.

### *De amicitia secundum excessum. Cap. V.*

**A**lia porro in his differentia ē in excessum: velut est Dei erga hominem uirtus (id enim aliud amicitie genus est) & in uniuersum velut principis erga subditum. quemadmodum & iustum aliud est. proportionem enim æquale, numero uerō minime. quo in genere sunt pater erga filium, & beneficus erga beneficia passum. In iis uerō ipsis discrimina quædam elucent, quando alia est patris erga filium ratio, & uiri erga uxorem: hæc quidem ut principis erga subditum, illa uerō ut benefici erga beneficia passum. In iis aut prorsus non, aut certe non similiter redamare contingit. Ridiculum enim fuerit, si quis Deo exprobraret, si non pro eo ac ab hominibus amatus, uicissim ipse diligat: aut principi, quod non æqualem amorem subditis præstet. Imperanti enim ut ame-

tur non ut amet, aut certe alio pacto convenit. Verum oblectatione nihil est discriminis, siue ut in opulente erga facultates domesticas, & so-  
 bolem suam; vel ut egens erga id quod potitur. Quocirca similiter se habet in amicis qui ob uti-  
 litatem, & qui ob delectationem conciliantur. Nam hi quidem iuxta equalitatem, illi vero iux-  
 ta excessum amici sunt. proin quemadmodum illi expostulant, si non ex æquo utiles sint, ac be-  
 neficijs respondeant: sic hi etiam ob delectatio-  
 nem, quod in amatorijs usu venit, ubi persæ-  
 pe ex eiusmodi causis rixæ suboriuntur, igno-  
 rante scilicet eo qui amat, rationem esse di-  
 versam in ijs quæ animi promptitudinem spe-  
 ctant: quocirca cõtentionis causam amatus se  
 meminisse arbitrat. hæc (inquit) non diceret  
 amans, ex eo scilicet, quod rationem eandem  
 esse existimat. Cum igitur tres amicitia species  
 sint, secundum virtutem, secundum utilitatem,  
 & secundum voluptatem, rursus hæc in duo di-  
 stinguuntur. alia enim iuxta æqualitatem, alia  
 iuxta excessum sunt: amicitia quidem utraq;  
 amici vero iuxta æqualitatem tantum. Absur-  
 dum enim sit, amicum vocare virum puero, eo  
 quod amet & ametur. Nam etsi excellentem vi-  
 rum amare alicubi convenit: si tamen redamet  
 ipse, ut dedecus impropertur, ut qui amet in-  
 dignum. nam dignitate quadam æqualitateq;  
 ponderatur amicitia. Quædam igitur ex æta-  
 tis defectu, quædam vero ex virtutis, generis,  
 aut alio quopiam, indigna equali amore sunt,  
 Semper autem ab eccellente, siue utilitatem,  
 siue iucunditatem, siue virtutem spectes, aut  
 nullus, aut minor amor requiri debet. Verum  
 in mediocribus excessibus merito controuer-  
 sia



444 *Moralium Eudemiorum*

siz oriuntur paruum enim nonnunquam mini-  
 me debet robore astimari. ueluti non ligni, sed  
 aurei vasis pondus praeualet. Atqui paruum il-  
 lud homines perperam iudicant, quibus dome-  
 sticum bonum, magnum uidetur, quia propin-  
 quum: alienum uero exiguum, quia remotum.  
 cumque excessus interuenit, nec tamen qui-  
 dem inquirunt, quo modo, ac an similiter re-  
 damari oporteat, perinde si quis amorem à Deo  
 reposcat. Manifestum est igitur, amicos in  
 æqualitate quadam consistere: redamare autem  
 licere, ut amici sint. Neque uero obscurum  
 est, quia homines amicitiam iuxta excessum, ei  
 quæ ad æqualitatem comparata est, antepo-  
 nant: eo scilicet, quia & excellentia & amore  
 potiuntur. quocirca nonnullis assentator ami-  
 co gratior est, quippe qui utrumque cui adula-  
 tur, uidetur adstruere. ac sunt ferè ambitiosi ta-  
 les. nam in admiratione esse, excellentiæ cuius-  
 dam speciem habet. Natura autem alij amato-  
 rij, alij uero ambitiosi nascuntur. Amatorius  
 quidem, qui magis oblectatur amando, quam  
 dum amatur. Ambitiosus autem magis amari  
 & in admiratione esse cupit, excellentiæ ami-  
 cus: alter uero voluptatis, quam percipit  
 amando. nam in actu necessario amans est. re-  
 damari autem per accidens contingit, & latere  
 potest: amans autem non potest. Et est amicitia  
 hoc peculiare, ut amare potius, quam amari cu-  
 piant. amari uero iuxta id quod amabile fuerit  
 contingit. argumento est, quod amicus, si non  
 contingat utrumque, cognoscere uult magis  
 quam cognosci uelut in excessibus summis fa-  
 ciunt scemina. ut Andromache Antiphontis,  
 quæ cognosci uelle uidetur ipsius gratia, utque  
 bono

bono aliquo afficiatur, non afficiat: cognoscere verò, afficiendi amandiq; gratia. Quocirca in amorem etiam erga mortuos persistētes laudamus, quippe qui cognoscant, non cognoscātur. Plures igitur modos amicitiae esse, & quot, tres nempe: item quòd amari & amici differant, qui iuxta æqualitatem & qui iuxta excessum amici sunt inuicem, dictum est.

*Quo pacto similium, quòve contrariorum dicatur esse esse amicitia. Cap. VI.*

**Q**uia verò amicus etiam vniuersaliter dicitur, velut principio, adductis extrarijs quibusdam opinionibus, ostendimus (nā alij simile, alij contrarium amicum pronunciant) dicendum etiam de his est, quo pacto habeant erga expositas hactenus amicitias. Simile autem tam ad iucundum quàm bonum refertur: Bonum enim simplex est, malum verò multiplex. & bonus similis sibi semper, neq; mores mutat: prauus autem & stultus sibi dispar est mane & vesperi. Quocirca nisi inter se paciscantur mali, amici sibi inuicem non erunt, sed diffiliunt: quæ amicitia minimè firma est. Quare eatenus simile amicum est, dum simile bonum sit. Interdum autem iuxta voluptatem consistit: similibus enim eadem iucunda sunt, & natura quodq; cuiq; iucundum est. Vnde & voces, & habitudines, & conuersationes cognatis inter se suauissimæ solent esse, cum hominibus, tum cæteris animantibus. atq; hac possunt etiā prauis se inuicem diligere, & malus malo iucundè conuiuit. Contrarium autem contrario amicum, quemadmodum vile. nam quod sibi simile, id

le, id inutile est. quapropter dominus seruo, & seruus domino indiget, & vir feminaq; inter sese mutuo. ac iucundum & desiderabile contrarium, vt utile, non quâ in fine, sed quâ vt ad finem. Nam vbi consequutus est quod concupiebat in fine quidem iam est, sed contrarium non concupiscit: veluti calidum, ipsum frigidum. Porro & contrarij boniq; amicitia quadam est: se inuicem enim per media desiderant, vt symbola, non vt ex ambobus vnum medium fiat. Per accidens autem contrarij desiderium est, per se autem mediocritatis. neq; enim se inuicem, sed medium concupiscent contraria. nimium enim algentes, ad medium reducuntur, cum calefiunt, & calentes cum frigescunt, similiter & in reliquis. Sin verò non semper flagrauit cupiditas, non in medio erit, sed gaudebit natura iucundis citra cupiditatem in medio constitutus. Alij verò omnibus, quæ naturalem habitudinem egrediuntur, quæ species etiam inanimatis competit. Amare autem contingit, quando fuerit in animatis. quocirca nonnunquam dissimilibus gaudent, velut austeri facies, irritabiles ad iram tardis, vt qui à se inuicem ad medium reducuntur. Per accidens igitur, velut ostensum est, contraria amica propter bonum sunt. Quot igitur species amicitia sint, & quæ differentia, iuxta quas discernuntur amantes ac amati, idq; sic ut amici absque illo nocentur, dictum est hactenus.

*An quisquam sibiipsi amicus esse queat.*

*Cap. VII.*

**V**erum, an sibi quisquam ipsi esse amicus queat, uestigationem uberiorem requirit. Non-

## Liber Septimus. 447

Nonnullis enim videtur, sibi quisque amicus esse maximè: qui eodem utentes canone, amicitias erga alios etiam iudicant. verùm secundum rationes, iuxtaque ea quæ amicis cèsentur inexistere, partim repugnant, partim verò similia esse videntur. Quodammodo enim iuxta analogiam hæc amicitia est, simpliciter uerò nequaquam, eò quòd amari ac amare in disiunctis duobus consistat, iuxta quæ magis hic sibi amicus est: velut in continente & in incontinente dictum est, qui idem nolens nolensque agit, quādo partes aliquo ad se inuicem pacto habent. Ac rationem habent hæc omnia eandem, num qui sibi amicus est, etiam inimicus sit, aut iniuria num se quispiam afficiat. Quæ omnia in duobus disiunctim considerantur: aut enim anima duplex quidpiam est, aut hæc disiuncta non consistent: uerùm ab habitudine erga in se ipsum pendent, uelut etiam reliqui amandi modi determinati, iuxta quos rationes exquirere has solemus. videtur enim amicus esse, qui alij vel uere bona, vel quæ arbitretur bona, alij euenire cupiat, non sui, sed alterius gratia.

\*

Alio uerò modo, quo conuiuere optat ob ipsam cōuersationem tantum, non ob aliud quidpiam. ueluti patres liberis quidem bona optant, sed aliis cōuiuant tamen: quæ inter se inuicem omnia pugnant. ille enim si non quod sibi, hic autem si non quod est. Alij uerò conuiuendi desiderium non ad amorem referunt. condolere quoque dolenti, non ob aliud quidpiam nos dicitur rationem vocabimus. solēt enim serui ita erga dominos condolere, qui agrotantes plerunque sunt morosiores, non ob ipsos quidem, & uero affectu, velut

448 *Moralium Eudemiorum*

velut matres solent liberis, & aues nonnullæ vnâ cum enitentibus similiter dolore affligi. amicus enim non solum amico condolere uel maximè studet, sed simili etiam conturbatione affici, ueluti simul cum sitiente sitire: alioquin enim non fuerit coniunctissimus. Eadem quoque in gaudento ratio: amicitia enim est, non ob aliud quidpiam, sed ipsum tantum gaudere. Præterea eiusmodi de amicitia dicuntur, ut æqualitas quædam sit amor: nec una tantum amicitia iungantur veri amici, sed cuncta hæc simul conferantur in unum. bona enim cupit alteri verus amicus. Quemadmodum & nemo sibi ipsi ob aliud quidpiam benefacit, neque ob gratiam: neque indicat quod fecit, quatenus unus est. nam qui amorem patefacit, non amare quidem, sed uelle amare uidetur. Itaq; & simul esse & conuiuere, congaudere, condolere, absque se mutuo ne viuere quidem posse, (vna enim anima sunt) sed commori, unius illius verèq; amicitia est. sic enim unus ille habet, ac sibi: in hunc modum conuiuit. Omniaq; hæc in bono conspirant, in prauo autem dissentiunt, uelut in incontinente. vnde & aduersus aliquando ipse sibi existit. Quatenus uerò quisque unus est, indiuisibilis ac per omnia desiderabilis sibi est: quales boni sunt, & secundum uirtutem amici: malus autem non vnus, sed multi, & die eadem varius, & importunus ipse sibi. Quamobrem rectè cuiusque erga seipsum amicitia, ad boni probatiq; amicitiam reducitur. quia enim sibi ipsi & similis est & commodus ac vnus insuper, utiq; etiam amicus sibi est & desiderabilis, qualis est secundum naturam: contra uerò prauus. Porro bonus sibi nihil exprobat, incontinentis

initiat.

instar: nec posterior prioribus succenset, uelut mutabiles: neque prior posteriori, uelut leues vanique solent. Præterea qui simpliciter bonus est, quærit ut ipse etiam sibi amicus existat, quemadmodum & dictum est supra, duo in sese complexi, quæ ad amicitiam mutuam propendeant, quæ disiungere sit impossibile. Quocirca in homine amicitia erga seipsum constare posse uidetur, non etiam in reliquis amantibus. neque enim equus sibi ipsi amicus est, neque pueri, donec electionem per ætatem consequantur. iam tum enim puer pro cupiditate à seipso dissentit. Cognatorum amicitia similis uidetur ea quæ cuique est erga seipsum, quandoquidem neutrum à se queas distinguere: & si maxime differant, cognati tamen illi sunt, ac vnus ille quoad vixerit. Quot igitur modis amare dicat, quodque omnes amicitie ad unam primam reducantur, ex dictis patet.

*De beneuolentia.**Cap. VIII.*

**P**roprium verò huius considerationis fuerit de concordia beneuolentiaque disquirere: quæ alijs eadem, alijs uerò absque se mutuo non esse uidentur. Est autem beneuolentia cum amicitia neque prorsus idem, nec plane diuersum. nam amicitia tribus modis distincta, neque in ea quæ utile, neque ea quæ uoluptatem spectat, consistit. siue enim utilitatem uolunt, non ob illud, sed ob se hanc cupiunt. Videtur autem beneuolentia quemadmodum & amicitia, non beneuolentis esse, sed eius cui is bene uult. si in iucundo amicitiam constituas, beneuolentiam etiam inanimatis tribues. quapropter beneuo-

lentia

Arist. Mora. Eudem. f f f



lentia circa moralem amicitiam consistit. uerum beneuoli tantum est uoluntas: amici uero, ut quod uult præstet etiam. Ac amicitia omnis principium est beneuolentia, ac omnis quidem amicus beneuolus: non contra omnis beneuolus amicus. incipienti enim similis beneuolus est. unde & amicitia principium, non amicitia appellatur.

*De concordia.**Cap. I X.*

**C**Aeterum & consentire amici uidentur, & consentientes inter se cōcordesque amici esse. uerum non circa omnia amica uersatur concordia, sed circa res cōcordibus propositas, quæque ad conuictum mutuum conducant. nec iuxta cogitationem cupiditatemque tantum. concupiscere enim contraria licet, ueluti in incontinente hæc ipsa quoque sibi repugnant. Neque oportet simul pro electionis, simul & cupiditatis instinctu constare concordiam: quippe quæ bonorum est tantum. prauis autem eadem eligentes & appetentes ipsi sibi incommodant. Videtur autem concordia, quemadmodum & amicitia, non dici simpliciter. uerum alia prima quadam, & natura recta, qua mali concordēs esse nequeunt: alia qua etiam prauis inter sese conspirant, quando pro electione sua cupiditateque res succedunt: quodque concupiscunt & eligunt, eiusmodi sit oportet, quo potiri ambo queant. Nam si eas res appetant, quæ nequeant ambobus contingere, certamen oritur: cum contra inter sese concordēs non soleant contendere. Est autem concordia, eadem de principatu, subiectioneque electio & uoluntas, non alterutrius, sed publici

publici boni gratia. quocirca amicitia quzdam  
ciuilis concordia est. De concordia igitur bene-  
uolentiaque hæc dicta sint.

*Cur magis amantes beneficijs afficientes, quàm  
affectu dicantur. Cap. X.*

**D**ubitat autem, cur magis amantes di-  
cantur, qui ipsos affectos, quàm qui affectu  
seipso facientes reddant: cùm uideatur  
contrarium iustum esse, quod crediderit quis ob  
utile quidpiam, & quia commodare ei contin-  
git. alium enim iuari, alium uerò impendere  
decet. Neque id tantum est, sed natura etiam  
eligibilior est actio: rationemque prorsus ean-  
dem. habet opus & actio: & qui beneficium ac-  
cipit, opus est beneficientis. quocirca & in ani-  
mantibus peculiare in generando, natoſq; con-  
seruando, studium est. Et magis parentes sobo-  
lem suam diligunt, quàm diligantur uicissim  
ipsi. & effusiore charitate hanc matres comple-  
ctuntur, quàm patres. ac nati itidem magis ex se  
genitos, quàm genitores amant: quia præstan-  
tissima est actio. & matres effusius quàm patres  
amant, quia magis suum opus esse liberos arbi-  
trantur: & quia opus difficultate definiunt, magis  
utiq; generando mater affligitur. De amicitia igi-  
tur, quæ unicuique est erga se, quæq; in pluribus  
uerſatur, hoc pacto determinatum sit.

*Amicitiam omnem in æqualitate quadam con-  
sistere. ubi de ciuilitatis speciebus qua-  
dam. Cap. XI.*

**V**idetur autem iustum æquale quidpiam esse,  
& amicitia in æqualitate quadam consiste-  
re:

452 *Moralium Eudemiorum*

re: nisi frustra dicatur, amatoria est æqualitas. Porro omnes ciuitates iusti quadam species sunt: communicatio enim quædam est: & commune omne ex iusto conflatur. Quocirca hæc omnia amicitia, iusto, & communicatione quis diiudicabit, ac discrimina quidem tenuia habet. Et quia similiter habet anima ad corpus, ut artifex ad instrumentum, & seruus ad dominum: horum quidem nulla communicatio est, quia duo non sunt, sed illud quidem unum: & quod vnius, nullum: neque diuisibile utriq; bonum, sed amborum unius, cuius gratia est. Corpus enim instrumentum est congenitum, & seruus domini uelut particula & instrumentum separabile: instrumentum autem, uelut seruus inanimatus. Reliquæ autem communicationes sunt, aut particula communicationum ciuitatis, uelut contribulium est, & quæ uocatur originum. præterea quæstuarie respublice. Verum ciuitates omnes communicationibus quibusdam continentur, & rectæ & transgressoriæ. quemadmodum enim in harmonijs, sic & in ciuitatibus usu venit. quæ in regia quidem, parentis est: in optimipotentia, uelut uiri & uxoris: simplici autem Repub. fratrum. excessus autem in his, tyrannis, paucipotentia, & plebs, & iusta quidem totidem sunt. Quemadmodum uero æquale aliud quidem numero est, aliud proportionem: sic & iusti & amicitie communicationis species sunt, secundum numerum quidem, ut socialis amicitia: nam ipsa definitione terminatur. secundum proportionem uero optimipotentia, optima & regia. Neque enim idem principi, subditoque iustum est, sed secundum proportionem. Sic & amicitia similiter patris & filii,

filij, neque abfimilis in cōmunicationibus ratio. Amicitia autem sunt, naturalis, socialis, communicatiua, & quę ciuilis appellatur. Et naturalis quidem multas species habet: alia quidem vt fratrum, alia ut patris & filiorum: illa iuxta proportionem, hæc verò secundum numerum. propinqua enim socialis est, in qua singuli dignitate participant. Ciuilis autem maxime ad utilitatem comparata est. nam quia sibi per se non sufficiunt, conuenire uidentur & cōuictus mutui gratia. sola autē ciuilis, & quę in illa transgressio committitur, non solum vt amicitia sunt, sed vt amici iuxta eas inter sese communicant, alię uerò iuxta excessum. Potissimum uerò iustum in uilium amicitia consistit, eò quòd hoc ipsum ciuile iustum existat. alio enim pacto ferra & ars simul conueniunt, non communis alicuius (nam ut organum & anima) sed utentis gratia: contingitque, vt eam industriam id instrumentum consequatur, quę ad opus iustè conueniat, ut cuius gratia existit: ac in terebro id ipsum dupliciter: præstantior enim actus est perforatio ipsa. & in hac quidem specie corpus & seruus, uelut dictū est prius. Quęrere igitur quo pacto amico conuiuendum sit, ipsum est iustum quærere. Nam in uniuersum omne iustum ad amicum pertinet: iustum enim aliquibus & inter sese mutuò communicantibus iustum est, & amicus communis est, alius genere, alius uerò uitę ratione. Homo enim solus non solum ciuile, sed œconomicum animal est: & non ut cætera aliquando se alteri, aut viro, aut mulieri coniungens, aliquando uerò fugitans & latitans: sed communicabile animans homo est erga ea, quibus cum naturalis cognatio

454. *Moralium Eudemiorum*

tio illi intercedit. quocirca & communicatio & iustum quodpiam erit, etiam si vrbs non sit. nam & domus & amicitia quædam est. Serui equidem & domini, velut artis & instrumentorum animæ & corporis communicatio est, uerum nec amicitia neque iustitia sunt, sed proportionale quippiam: quemadmodum & salubre non iustum est, sed proportionale. Mulieris autem & uiri amicitia, uelut utile quodpiam, & communicatio. patris uero & filij, uelut Dei erga hominem, & benefici erga accipientem, & in uniuersum natura imperantis ad natura subiectum. fratrum autem ad se inuicem, maximè secundum æqualitatem est socialis. Neq; enim spurius huic est demonstratus. ambobus aut patet Iupiter vocatus est meus princeps. hæc enim à querentibus æquale dicuntur. Quocirca in domo primum fons & principium amicitia, ciuitatisque & iusti oritur.

*In omnis amicitia compensationem fieri  
debere.* Cap. XII.

**Q**uia uero tres amicitia species numerantur, iuxta uirtutem, iuxta utilitatem, iuxtaque iocundum, singula hæc in duo distribuantur: quædoquidem unaquæque harum & secundum excessum, & secundum æqualitatem existit. Iustum autem circa has ex controuersijs patet. nam in eo quod ex iuxta excessum, proportionem quaeritur, non simpliciter, sed excellēs conuersim proportionale erga inferiorem flagitat: sic quod ab inferiore fit, in idem tendit. unde ita inter se disponuntur hæc, uelut imperans ad subditum. sin minus, numero æquale quaeretur, quemadmodum & in reliquis communi-

municationibus vsu venit, vbi interdum numero, interdum proportionē æquale postulatur. Nam si æquale numero argentum illatum fuerit, id æquali numero distinguunt: sin uerò numero non æquale fuerit, proportionale erit. Excellens uerò contrariè conuertit proportionale, iuxtaq; diametrum iungit. Ac sic quidem uideatur inferior reddi excedēs, & ministerium publicum fuerit amicitia & cōmunicatio. quocirca aliquo alio æquare, & proportionale reddere conuenit, honore scilicet, qui & natura Principi & Deo tribuitur à subiectis. Sed & lucrum æquare cum honore conuenit. Ac amicitia quidem ad æqualitatem constituta ciuilis est: ciuilis autem utilitati destinata est, & quemadmodum urbes, sic etiam ciues sibi inuicem amici existunt. Et eodem modo non cognoscuntur ab Atheniensibus Megarenses, ac ciues ipsi, nisi inuicem utiles fuerint. uerū ex manu in manum hæc amicitia est. Porro hic & præses est & subditus, non naturale nec regium, sed quod in parte consistit: neque eius gratia ut benefaciat Deus, sed ut æqualitas sit boni ac munēris honorarij. ad æqualitatem autem prorsus comparata esse uult ciuilis amicitia.

*Utilem amicitiam, aliam legalem, moralem aliam esse: et ut in ea accusaciones fieri. Cap. XI 11.*

**C**Aeterū utilis amicitie duæ species sunt: una enim legalis est, alia moralis. ac respiciendo ciuilis in æqualitatē & rē ipsam, quemadmodum ementes & uendentes: unde dicitur: Mercēs viro amico. Quando igitur ex pacto conuenitur, ciuilis est legalisq; amicitia, uerū



456. *Moralium Eudemiōrum*

eū rem arbitrio committunt, ad moralem amicitiam accedit, & socialem. quocirca potissimum in hac amicitia expositio est, eo quod præter naturam. reliquæ enim amicitiz sunt, & quæ utilitatem spectat, & quæ est secundum uirtutem. Nonnulli uerò utraq; complecti volunt, & quidem utilitatis gratia consuetudinem cum alio habent. moralem autem faciunt ut moderati, proinde fidem habentes legitimam non faciunt. Nam inter tres istas utilis illa expositio habet frequentiores. uirtus enim accusationis expers est. suaues autem, habentes erogantesque conciliantur. utiles autem, non facile in gratiam redeunt, nisi legitimè, atque ut socios decet inter sese congregiantur. Inter utiles autem amicitias, legitima ipsa quoque criminatione uacat. pecunia enim de controuersijs decidit legitima, qua & æquale mensuratur. Moralis autem uoluntaria conuentio est. quocirca lex alibi ita conuiuentibus posita est, quæ in contractibus uoluntarijs utrum rectè habeant, non interponitur. bonis enim inter sese iustum nullum est: hi uerò ut boni, etiam contrahentibus. Licet autem in hac amicitia utrinque accusationes ancipites fieri, quoniam pacto utrinque utantur, quādo iuxta mores non legitimè fidem habent. ac dubiū quidem, utronam modo iustum iudicare cōueniat, an respectu rei præstitæ, quanta sit & qualis, an accipientis. Contingit enim interdum, quod inquit Theognis.

*Tibi quidem Dea id paruum est, mihi uerò ingens.*

Nam contrarium euenire potest, uelut etiam in oratione ait:

*Tibi quidem lusus sit, quod mihi mortem adferat.*

Hinc igitur accusationes petuntur. nam ille qui-

dem

dem reperit officium, ut qui rem magnam præstiterit, cum adesset egenti: aut si quid aliud dicat, allatum quantum quidem potuerit, sed quod illi expediebat. hic autem contra, quantum illi par fuisset, non quantum sibi commodasset: interdum uero transumpta ex postulatione controuertit. ille enim quantum ipsi contigit, hic uero quam magnum pro facultatibus præstiterit. uelut si in periculo constitutus, ille drachmæ pretio adiutus sit, hic quidem periculi, alius uero argenti magnitudinem reputabit, uelut in retributione pecuniæ fieri solet: nam & hic de his controuertitur. nam alius ut tum, hic uero ut in præsentiarum res est, nisi concilient, iudicandum arbitratur. Ciuilis igitur amicitia conventionem & rem ipsam intuetur, moralis autem ad electionem respicit. quocirca iustum hoc magis est & iustitia inter amicos usurpata contentionis causa. Vnde honestior amicitia moralis, utilis autem necessaria magis. Equidem nonnulli moralem amicitiam præferunt: uerum ubi quid aduersum experiuntur, declarant se diuersos. nam quidam ex bonorum facultatumque copia, honestum persequuntur: quapropter & honestiori rei amicitia quidam est. Quocirca manifestum, ut hæc distinguenda sint. Nam si morales amici sunt, ad electionem spectandum est, num æquale vel secus alteri sit ab altero postulandum: uerum si utilitatis mutue gratia conueniunt, & ciuiles, quantum quisque commodarit, expenditur. Quod si hic quidem ex more, ille uero ex utili statuatur, non pulchrum quidem, sed factum necessarium tamen, ut boni id consulamus. similiter & in altero: ut quia moraliter quidem de rebus non iudicat, at nihil

458 *Moralium Eudemiorum*

simulat, in amicitia tamen contentus alter in-  
 talem amicum incidisse sit. Moralem igitur se-  
 cundum electionē esse patet: quoniam etsi ma-  
 gnis beneficijs acceptis vel ob facultatum penu-  
 riam non rependit, sed quantum potuit præsti-  
 tit, rectē habet. Atque ita Deus pro facultatum  
 modulo nostrarum sacrificia æstimat. Verūm  
 ementi, ac mutuo ad vsuram danti, nisi amplius  
 istinc prouenturum polliceare, non suffecerit.  
 Vnde multę accusationes in amicos oriuntur,  
 nisi iustum illud puro iudicio prospiciatur. dis-  
 ficile enim est ad vnum quidem exquirere quæ  
 non recta se inuicem spectant, velut inter aman-  
 tes vsu venit. alius enim ob conuiuendi volu-  
 ptatem complectitur alium: ille verò ipsum pro-  
 pter vtilitatem. Verūm quando is amor refrige-  
 scit alio superueniente aliquo, fit alius, ac tum  
 inter sese ratiocinantur, velut Pytho & Pam-  
 menes alterabantur, & in vniuersum quæ præ-  
 ceptoris erga discipulum ratio est. Neque enim  
 scientiam & facultates vno aliquo metiri con-  
 uenit. Ac velut Prodicus medicus erga merce-  
 dem malignē persoluentē & citharædus & rex.  
 hic enim vt iucundo, ille verò vt utili conuersa-  
 tur. & quia persolvere beneficium oportet, iu-  
 cundū seipsum exhibet, & ad hilaritatem prouo-  
 cat, sic vicissim ille alia promittit. Quo autem  
 pacto hæc dijudicanda sint, etiam hinc manife-  
 stum fit. nam utiq; hoc loco vno quopiam hæc  
 mensuranda sunt, verūm non termino, sed ra-  
 tione. proportio enim mensuranda est, quem-  
 admodum & ciuilis communicatio solet. Nam  
 quo pacto inter agricolam suturemque commu-  
 nicatio constabit, nisi ex proportionē æquetur  
 opera? Nam qui non eodē respectu ad inuicem  
 agunt,

agunt, mensuram habent proportionem, velut si hic quidem sapientiam, alter verò pro sapientia pecuniā à diuite postulet. Deinde verò quid datum sit considerandū erit. nam si alter ex aceruo minori partem dederit, ille verò ex maiore non multiplicem, iniuria, utique afficit.

*An bono, an retribuenti praestandum sit beneficium.* Cap. XLIII.

**A**C recurrit quidē hoc loco prima controversia, an ut viles convenire seipsos affricandum sit, ille verò minimē, sed iuxta aliam quampiam amicitiam. Porro discutendum, an bono iuxta virtutem amico praestandū sit beneficium & auxilium, an retribuenti facultatibusque instructo. Quod idem problema est prorsus, an amico potius quam viro bono sic benefaciendum. Et siquidē amicus idem etiam vir bonus fuerit, non sit difficile iudicare: nisi fortasse quis alterum amplificet, alterum verò imminuat, amicitia vehementiam tribuens, bonitati verò mediocritatem. Sin secus fiat, multae quaestiones oriuntur. Velut si hic quidem erat, non erit autem: ille autem erit, sed nondum. vel hic quidem factus est, non est tamen: vel est, non erat, neque erit: verum illud laboriosius fuerit. Quocirca nihil dicit Euripides, scribens, rationem rectā adferri, ubi merces rationis inferatur, opera illis operum vice praebuit. Nec omnia patri conveniunt, sed & matri alia, quamlibet sit praestantior pater. Neque enim Ioui sacrificantur omnia, neque omnes honores, sed quosdam admittit. Fortasse igitur sunt, quae utili praestare oporteat, alia rursus quae bono: nempe cul

pe cui non alimentū & necessaria propriè competant. conuiuere enim illi oportet. Et quoniam viuere rectè decet, ei præstanda non quæ ipse, sed utilis largiatur: verū qui id faciunt, præter quàm decet, omni amaro idem præstant. Neque iustæ sunt, quæ in orationibus amicitia definitiones cōstituuntur. etsi enim omnes amicitiam exprimant, non tamen eandem determinant. vtili enim cōpetit velle alteri bona, & benefacienti. Nec tamen hæc amicitia definitio id verè exprimit, sed alij esse, alij verò conuiuere assignatur: ei verò qui voluptuarius amicus est, cōmunis dolor. communisq; lætitia tribuitur. Atq; omnes quidem hæc definitiones amicitiam quandam ostendunt, nulla verò propriè vnā exprimit. Nec singulæ singulis amicitijs cōgruunt, etiam si videantur, velut electio est existēdi, quæ & ei quidem secundū excessum & faciendi competit, qui suo operi id inexistere vult, ac eroganti vtique conuenit, & ut sit, & ut retribuat: verū non huic, sed iucundo conuiuere decet. Nonnulli aut amici seinuicem iniuria afficiunt. res enim magis, sed non habentem amant: quocirca & illis amici. ut, cur voluptuarius vinum suscipit? & qui utilitati deditus diuitias? utiliores enim, idcirco molestè ferendum est, ac si minus pro maiori suscepit, hoc autem obijciunt. illud enim nunc quærent bonum, iucundum prius aut utile quærentes.

*An sibi in omnibus sufficiens, amico indigeat: de amicorum numero: & interdum nos amatum abesse velle.* Cap. XV.

**C**onsiderandum autem est de sufficientiæ amicitiaque conditione, quo pacto habeant ad seinuicem

seinuicem ipsarū facultates. Quærat enim foris  
 quispiam, num per omnia sufficenti amicus sit:  
 cumque vir bonus sufficientissimus, & vnà cum  
 virtute beatus, quid habeat opus amico. neque  
 enim vel vtilibus, vel prouidis, vel alieno con-  
 uictu sufficiens opus habet, quippe qui abundè  
 sibi ipsi conuiuere, adesseq; possit. Veluti Deus,  
 qui cum nulla re egeat, nec amico etiam opus  
 habet: quocirca & homo beatissimus minimè  
 omnium eget amico, nisi quatenus impossibile  
 est ex sese sibi sufficientem esse. Vnde necessum  
 est optimè viuēti amicos paucissimos esse, neq;  
 comparandis amicis operā illum dare. sed ne-  
 gligere non vtilēs tantum, sed ad mutuum con-  
 uictum etiam suauēs. Atque hinc satis perspi-  
 cuum euadit, nec vsus, nec vtilitatis gratia, sed  
 propter virtutem tantum verum amicum esse.  
 Nam cum te nulla egemus, tum magis omnes,  
 suis etiam bonis fruituros, magisque in quos  
 conferant, quàm à quibus accipiant beneficia,  
 quærent. Et accuratiore iudicio pollemus; re-  
 rum copia affluentes, quàm egeni; magisque ta-  
 men amicos conuictui idoneos requirimus. De  
 hac autem quæstione considerandum est, vtrum  
 aliud quidem rectè dicatur, aliud verò lateat  
 propter parabolam. Manifestum equidem id  
 quidem, sumentibus quid viuere actu sit, atque  
 ut finis. patet enim id esse sentire & cognosce-  
 re, quocirca & conuiuere est simul sentire & co-  
 gnoscere. Verum idē sentire & cognoscere cui-  
 que maxinè expetitur, ob congenitam omni-  
 bus viuendi cupiditatem, ac viuere ipsum cogni-  
 tionem quandam disponit. Verum si quis de-  
 trahat hæc, & cognitionem constituat ipsam  
 per se & non per se (id equidem latebit, velut in  
 oratione



oratione scriptū est, re ipsa tamen licet non latere) nihil referat, si aliū pro seipso cognoscat. Sed quod simile viuere alium pro seipso diuersum est, rationabile autem est, iuum cognoscere & sentire eligibilius esse, quocirca coniungere hæc duo in oratione oportet, viuere & eligibile, quod bonum ex his constat, quando id inest eadem natura participantibus. Quoniam igitur in eiusmodi serie, altera semper in alterius ordine continetur, & cognoscibile utique eligibile est, & ut in summa cōmunicatio determinatę naturę, quocirca idem velle sentire, est eundem talem quendam esse velle. Et quoniam non secundū nos ipsos horum vnumquodq; sumus, sed participatione facultatum sentiendo cognoscendoque (sentiens enim sensibilis redditur, ut iuxta hoc, ut secundū prius sentit qua & cuius, & cognoscibilis redditur cognoscens) eodem pacto & viuere semper volumus ob iuge cognoscendi desiderium, hoc est, quia & ipse cognoscibile quippiam esse cupit, electionem esse cupit, electionem autem cōiūctus stultum fortē quispiam iudicabit. In cōgressibus primum etiā animalium ceterorum, ut simul edere, simul bibere. quid enim aut in cōmuni, aut seorsim sermonem conferre differt? deinde etiam sermone communicare, cuiuslibet est. Adde, quod qui amicus idoneus est, discere videri non vult. Docentis enim amicus non est, quando similitudo quædam est amicitia, sed videtur tamen. Equidem suavis bonū omnes eum amicis communicamus, quantum scilicet quodque suauitatis adijcit, & qua præstantissima quisque pollet. Ex his autem alia voluptatem corporalem, alia musicam, alia physicam contemplationem habent.

habent. Audacia porro congregiendi amicos de-  
 cet. Vnde quidā inquit, Labor, sunt procul ami-  
 ci, quocirca voluptate allata non disiunctos esse  
 oportuit. Vnde amor maximè, vt videtur, ami-  
 citiæ similis. bene enim viuere amor cupit, non  
 equidem quā oportuit potissimum, sed iuxta  
 sensus. ratio ergo illa dubitando profert: ipsum  
 autem opus sic cōtigisse videtur. Vnde patet hæc  
 ambigentem nobis imponere. Veritas aut hinc  
 consideratur, amicus enim esse vult, vt prouer-  
 bium habet, *Alter Hercules, & alter ipse*. Atqui  
 diuulsus est: difficileq; quæ ab vno discesserunt,  
 vnum esse. Atqui iuxta naturam quidam, quæ  
 cognitissima est, similis est, iuxta corpus verò di-  
 uersus, ac etiam iuxta animā diuersus est: iux-  
 taq; partes animæ diuersus nihilominus idem  
 indiuisusque amicus esse vult. Itaq; amicum  
 sentire, seipsum quodammodo sentire necessa-  
 rio est, cognoscereque, ac si quid molestum ami-  
 co incidit, in eo collari ac conuiuere amico  
 sine dubio iucundum est. accidit enim, vt illius  
 sensus aliquis nobis simul ingeratur, præsertim  
 si qua diuina voluptas est. Causa verò huius est,  
 quia suauius est semper in meliore bono sese  
 contemplari. Hoc autem nunc quidem affectus,  
 nunc verò negotium, nunc aliquid aliud est, in  
 quo bene viuere & amico sit possibile. Conui-  
 uere igitur oportere, idq; maximè velle omnes,  
 tum beatissimum optimumque potissimum ta-  
 lem esse. Verum quod ex ratione id non eluxe-  
 rit, & rationabiliter id consecutum sit, ex verè  
 dictis, vtputa cōpositione collationis, in prom-  
 ptu solutio est: quod eiusmodi Deus non sit, vt  
 amico egeat, aut similem requirat, & non repu-  
 tabit pari ratione vir bonus. Neq; enim in hunc  
 modum

modum Deus habet, ut qui pro sua excellentia nihil præter seipsum cogitat. nobis autem bonum aliunde euenit: vnde & necessum habemus multos amicos conquirere, cum ipse sibi bonum sit. Simul autem amicum esse nullum; uti multi amici, rectè vtrunq; affirmatur. Quia enim multis conuiuere licet, simul etiam sentire nobiscum quàm plurimos utique gratissimum sit. Rursum, quia difficile in paucioribus, necessum est actum in mutua sensatione consistere. quare non solum multos comparare arduum est, sed etiam cōparatis uti. Et interdum quidem abesse amatū volumus prosperè degentem: interdum verò participare iisdem simul cum eo, quod amicum gratumq; esse cupimus. Nam cum bonum obuenit, eo utiq; omnes participare volunt, non obuiente autem secus. Et quemadmodū Herculem mater potius Deū esse volebat, quàm vnā cum ipsa manentem, Eurystheo mercenariam operam locare. Sic enim diceret, & quem Lacon Diſterio irrisit. Vocantem fortè, dum tempestate affigeretur, iubens Castorem & Pollucem implorare. Videtur enim amantis esse, à molestorum participatione arceri, alterius autem simul eadē iustinare velle: quocirca vtraque rationabiliter eueniunt. nihil enim decet amico tam acerbū iudicari, ut non teneat priorem iucunditatē amicū. Videtur tamen nō malum ipsius expetendum, quando satis est ipsos affligi, vnde & participationē eiusmodi vptant, sed ne videātur sua spectare, inque amici perturbatione lætitiā affectare. Sed & leuius mala tolerantur. cum non soli ferunt. Et quia eligibile est, & ut bonum nobis contingat, & ut simul potiatur amicus; patet quòd simul in

minore

minore bono uersari quodāmodo eligibile sit, aut cum maiore seorsim. Et quia incertum est quantum, iuxta simul illud distinguuntur, ac simul quidem omnibus participatione amicum est, quemadmodum & simul conuiuari iucundius aiunt hæc habentes, alij autem contrā non volunt. Quoniam hyperbolas quis probauerit consentientibus, in perturbatione magna simul comunicandum: in successu autem magno seorsim agendū. Similiter etiam circa infortunia: interdū enim amicos præsto esse uolumus, neq; dolere, quando scilicet nihil sint nobis amplius effecturi. Interdum verò iucundissimum præsto esse, id quod ob prædicta contingit, quando quidem natura afflictū, & in mala habitudine constitutum uidere, non minus quā in nobis ipsis refugimus: gaudentem autem iucundumque & non dolentem amicum, uelut rem multo suauissimam intuemur propter causam prædictam. Quocirca utrumlibet horū fuerit magis suaue, adesse vel non adesse propensionem reddit, idq; in deterioribus ex eadem causa. Maximè enim cupiunt amicos nō felices esse, sed & nec in aduersis cruciari, quocirca nonnunquam simul quos amant intermūt. Maius enim id est, quā si proprium sentiat malum: quemadmodū & recordantes in quo successu vixerint, magis quā si perpetuo se malè habiturū arbitretur.

*Quo pacto amico utendum. Et uirtutes non esse  
scientias. Cap. XVI.*

**D**ubitabit autē quis, an amico quolibet, & ad quæcūq; idoneus est, & aliter etiā, uillicear, ut oculo ad uidendū, aut eo distorto  
Arist. Moral. Eudem. g G g p r uer-

peruerſe, ac vt vnum duo eſſe appareat intueri. Ambo igitur illa, & oculus & quod oculi eſt reuera & per ſe ſunt, alterum verò per accidens quemadmodũ & in cibo eſus & vomitio; ſimiliter & in ſcientia veritas & error. Nam qui, volens non rectè ſcribit, ignorantia vti ſolet, veluti qui conuerſis membrorum officijs pedibus manuum, & manibus (quod ſolent ſaltatriculæ) pedum vice vtuntur: quæ ratio omnium etiam præſantiſſima eſt ſcientiarum, atque ita iniuſtitiam vt iniuſtitia licet uſurpare, velut qui ex iuſtitia iniuſta agit, perinde vt qui imperita & ſtolidi ex ſcientia. Verum ſi id impoſſibile, manifeſtum eſt virtutes non eſſe ſcientias: quando non licet ex ſcientia ignorare, ſed errare tantum, eademq; ex ignorantia facere, nec minus tamen ex iuſtitia & iniuſtitia quippiam agit. Sed enim quãdo prudentia ſcientia eſt, & uerum quippiam idem faciet ea. liceat enim ſtudio à prudentia deſipere in iſdem, quibus & ſtolidus. Verum ſi ſimplex cuiuſque quatenus quidq; eſt, uſus fuerit, etiam ita agentes fecerint ſapienter. In cæteris igitur ſcientiis alia quædam princeps eſt, quæ alimenta miniſtrat. Et principis ruruſum illius alia quædam, nõ tamen ſcientia uel intellectus. Sed nec virtus, vt qua vititur, quando temperantis virtus etiam ſubdit virtutem ſibi uſurpat. Quid igitur eſt, an vt intemperantia, vitium irrationalis animæ partis, & quõnam pacto intemperans mēte pradiſus fuerit. Verum præuolens euertit mentem, ratiocinaturq; contraria.

†

Et ſi uirtus quidẽ in illo, in ratione uerò ignorantia reſideat, ubi reliquæ iam vendicantur: ſic etiam licet iuſtitia, iuſtè quoque maleq; & prudentia ſtuliè abuti, vnde

contra

contraria eueniant. Absurdum enim si quod in rationali parte vitium insidens, euerfa ratione ignorantiam inducat. Virtus autem inexistentē in ratione stultitiam nō euerit hanc, rectumq; de rebus iudicium format. Rursum autem prudentia rationalem partem occupans, ex irrationali intemperātia sublata, moderatas actiones efficit, id quod continentia videtur proprium. Itaque licet ab ignorantia prudenter, aliterq; a prudentia imprudenter rebus uti, quod in ceterarum nulla euenire cernimus. Velut cum medicinam & grammaticam nutrit intemperantia.

† Iniustus enim omnia quæ & iustus potest, & in vniuersum potētiæ inest impotentia. Quocirca simul prudētes, & bonæ eorum etiam ceteræ habitudines, & corpus firmū, quando nihil fortius prudētia est. Verū quod scientiam dixit, non recte haber. virtus enim est, & non scientia, sed genus diuersum.

*An fortunatus, infortunatusue quis natura sit.*

*Cap. XVI.*

**Q**uoniam verò non prudētia solūm successum virtutemq; effecit, sed fortunatos ēt bene agere, tāquam fortuna secūda prosperos gignente successus, affirmamus, quæ eadē etiam scientiæ sunt. Considerandum igitur naturāne fortunatus hic, infortunatus ille sit, an secus, & quo pacto res habeat. Fortunatos .n. quosdam esse cernimus. Stulti enim in multis, quorum scilicet fortuna domina est, prosperē agunt, quandoquidem & quæ arte administrantur, fortunam admittant, in militia & gubernatoria. Vtū igitur ab habitudine aliqua successibus eiusmodi conficiendis, aut non idonei ho-

g G 2 mines



mines sunt? Nunc equidem naturæ id quidem assignant, in quibusdā quæ tales quosdam efficit, quibus & à natiuitate statim, tale quippiam ingignit, vt velut cæsijs nigrisq; oculis, certā aliqua forma inter se distinguuntur: sic fortunati & infortunati. Tales enim non per prudentiam prosperè agere inde manifestum est, quia non irrationalis prudentia est, sed ratione prædita, qua res administrat, eam sibi adscribere illi nequeunt, quippe quòd horum fortuna causa existat, vtcunque etiam pateat, circa alios stupidos non esse. neq; enim id absurdum, quem admodum Hippocratem, cū Geometer esset præstantissimus, in cæteris tamen imperitū stupidumque fuisse cōstat, qui pecuniæ plurimum amisit, ob stultitiam Byzantij *περὶ τὴν οὐρανολογίαν*. Sed & in nonnullis prosperè agunt stolidi. Et non rarò, velut in arte nauium gubernatrice, peritissima etiam parum secundam fortunā experiūtur: ac velut in alex iactu, alius nihil, alius multum lucratur: quā felicitatē vel naturæ beneficio accepit, uel, ut inquitunt, beneuolētia Dei, qua etiam in exilio & eiectus benignitatē fortunæ experitur, nō secus ac malè compacta nauis rectius sæpe agitur, nō per se quidem, sed quia peritum gubernatōrem nacta, sic enim fortunatus ille genium optimū gubernatorem habet. Sed enim absurdū est, talem à Deo, geniove diligī, non præstantissimum potius sapientissimumq;. Quapropter si necessum est, aut natura, aut intellectu, aut procreatione diuina fortunam secundam contingere, & nentro posteriorum eueniat, naturæ itaq; ea prosperitas fuerit assignanda. Verū natura, vel rerum semper sic se, vel vt plurimum habentium causa est: cōiū

autem

autem fortuna Si igitur quod præter rationem  
 euenit, fortunæ esse uidetur, perq; fortunam ho-  
 mines fortunati dicuntur, non equidē natura  
 causa fuerit, ut quæ, velut dictum, semper aut vt  
 plurimum, sic se habētibus adscribitur. Aut in-  
 super talis vel uoto potitur vel frustratur, quæ  
 admodū cæsus, cui nō fortuna, sed natura quo-  
 minus cernat, acutē, causa existit: quocirca non  
 fortunatus, sed bona natura præditus dicitur,  
 quocirca sic de his dicendum est, vt quos fortu-  
 natos dicimus, nō fortunæ beneficium id esse asse-  
 ramus. Vnde nec fortunati etiam sunt: fortunæ  
 namq; bona sunt, quorum ipsa est causa. Sic rur-  
 sum quæritur, an fortuna sit in vniuersum alie-  
 qua: vel cum sit, an nō sit, etiam vnde. Atqui ne-  
 cessum est & esse fortunam, & causam esse vnde  
 & bonorū quorundam & malorū causa fuerit.  
 Etenim si excipienda hæc sint, & nihil assignan-  
 dum fortunæ, sed alij cuiuspiam causæ, nō tamen  
 quare hanc non cernimus, fortunā causam esse  
 affirmamus. Quocirca definientes fortunā, cau-  
 sam proportionalem hominis ratiocinationi  
 cōstituunt, tāquam sit quædam natura. Verum  
 hæc iam alia quæstio fuerit: quandoquidē quos  
 cernimus semel prospera vsos fortuna, quare ij  
 non rursus, & rursus? eadem enim eius causa.  
 Non igitur est fortunæ, neq; aliud etiam quip-  
 iam indeterminatorum infinitorumq; contin-  
 gat. erit enim bonum & malum. Scientia verò  
 non erit eius per imperitiam, quādo & quidam  
 fortunati didicerunt: aut omnes scientiæ (quod  
 Socrates dixit) scientiæ sint. Quid igitur vetat,  
 quominus cuidam ex ordine, non quod oportet,  
 contingat, sed velut sortes procul sint ia-  
 ciendæ? Quid enim autē num impetus in anima

470 *Moralium Eudemiorum*

non sunt, atqui alij à ratione, alij à cupiditate (quì & priores) proficiscuntur: siquidē naturalis est per cupiditatem iucundæ rei appetitus, ac natura omnia ad bonum festinant. Quòd si quidā bene nati sunt, & velut cantionis imperiti, & citra rationem ferantur, vt dictat natura, ac concupiscant, quod, quando, & quo pacto oportuit, prospereq; agunt, & consequantur stolidi, præterq; rationem, eadem quæ harum rerū præceptores, tales vtique fortunati censendi sunt, quotquot scilicet præter rationem plurimum prospere agunt. Naturā igitur quidā fortunati sint, siquidem multifariā dicatur secūda fortuna. alia enim ex impetu, & præelectione fiunt, alia verò secus, & prorsus cōtrarium. nam & malè ratiocinari videntur benè agētes, & secunda tamen fortuna v̄slos cōfitemur, ac rursus quidem in illis cū voluerint, at minus bonū acceperint, & licet quidem istis per naturā prosperitatem consequantur. nam impetus animi cupiditasq; , quo oportebat delāta successu est v̄sa: ratiocinatio autē stulta, quā fortuna dū prospere afflat, ex ijs quorum causa existit, non rectam expellit, interdū uerò per cupiditatem quis male ratiocinatus aduersam expertus est. in cæteris autem quo pacto iuxta appetitus cupiditatisq; ingenuitatem successus erit? Verū hic successus & fortuna duplex, quæ istic eadē, uel plures prosperitates. Quia verò præter omnes ratiocinationes rectas, scientiasq; quosdā fortuna secunda affluentes videmus, manifestū est aliam quāpiam successus causam esse, prior autem ista prosperitas, aut nō est, aut quæ oportuit concupiuit: cumq; ratiocinatio humana desit, non fuerit ipsius. neque enim prorsus rationis

tionis expert, nec naturalis est cupiditas, sed ab aliquo corrumpitur. Secunda igitur fortuna in iis, ubi præter rationem ipsa causa existit, locū habet. id uerò improuisum. nam præter scientiam præterq; uniuersale, nec tamen à fortuna profectum uidetur, uerū propter hoc uidetur. Quocirca hæc quidem ratio non probatur, naturale esse uti secunda fortuna: sed potius quod non omnes, quibus secunda fortuna uidetur affluere, id ex fortuna, sed ex natura habeant. neque nullius esse causam fortunam demonstrat, sed non omnium quorum existimatur.

*An fortuna causa sit, ut concupiscamus, & quid sit motus in anima principium. Cap. XVIIII.*

**Q**Uæret forsā quispiam, an fortuna eius ipsius causa sit, ut quid & quādo oporteat concupiscatur. An sic omnium erit: nam & cognoscendi consultandique. Neque enim consultans consultauit, & hoc consultauit, sed principium est quoddam: neque cogitans cogitauit id prius cogitare, atque in infinitum eiusmodi fiat progressio. neque igitur considerandi iunctum principium, neque consultandi cōsiliū. Quid igitur aliud nisi fortuna? quocirca à fortuna omnia proficiscuntur, & quoddā est principium, extra quod aliud nullū reperiatur. Ipsa autē (queritur) cuiusmodi facultate instructa efficere eiusmodi queat. quod perinde est, ac si principium motus in anima quid sit, inquiratur. Patet autem, sic esse, quemadmodum in uniuerso est Deus, & uicissim cuncta in illo: mouentur enim omnia ab inexistente in nobis numine. Rationis autem non ratio,

472 *Moralium Eudemiorum*

sed præstantius quidpiam est principium. Quid autem scientia præstantius est, nisi Deus? uirtus enim organū intellectus est. Quocirca ueteres dixerunt felices ex fortuna, qui irrationabiles ad rectè agendum impellerentur, nec uelle ipsis confert: principium enim habet & intellectu & voluntate præstantius. Alij uerò rationem habent, illud uerò non habet, quales sunt furores animi. hoc enim non possunt hi: quippe qui sine ratione feruntur. Itaq; horum qui prudentes sapientesq; sunt, celeris est uaticinatio & durabilis, qui non à ratione profectam esse suspicari debemus, sed alij experimento, alii consuetudine, speculando utuntur. item hi, quorum est ratio soluta. Itaque & melancholici recta ualde, subitaq; insomnia habent. Patet autē, quòd species felicitatis duæ sunt. altera diuina, ideoque qui felix est, numine adiutum aliquid fecisse dicunt: is autem est, qui aliquid iuxta impetum diuinum facit: alter est, qui aliquid præter hunc impetum facit. Irrationales uerò ambo: ac illa frequens magis felicitas est, ista frequēs minus. Sigillatim igitur de unaquaque uirtute determinatum est prius.

*De probitate: & quis sit anima præstantissimus terminus.* *Cap. XLX.*

**Q**uia uerò seorsim ipsarum uiri distinximus, etiam de uirtute, quam probitatem uocamus, dicendum erit. Singulas igit habere reliquas, q̄ huius appellationē sit constituturus, necessum esse patet. nā neq; in cæteris aliter id ueniat usu. Nec enim toto corpore sanus sit, parte autem nulla: sed necessum aut omnes,  
aut

aut certe præstantissimas rectè habere Non dissimilis etiam in toto ratio. Bono enim esse ac honesto simul & bono licet, non ipsius solùm nominibus, sed rerum ipsarum differentia participant. Omnium enim bonorum sunt ipsi per se suiq; gratia eligibiles: & inter hos honesta quoque, quæ per se ipsa omnia laudabilia sunt. Ut enim ipsa, ita actiones ab ipsis profectæ laudari solent: actiones enim & modesti: ipsaq; modestia celebratur: non etiam sanitas laudabilis, nā nec opus eius: quando nec quod fortiter sit laudabile est, tamen si bona hæc confiteamur. Similiter autem id etiam in cæteris per inductionē manifestum est. Bonus enim est, qui natura bonis egregiè sit instructus: præstantissima enim omniaq; sui desiderio excitantia bona sunt. Honor diuitiæ, corporis uirtus, facultates, natura quidem sunt bona: sed noxia nonnullis ob habituum corruptionem. Neq; enim vel stultus, vel iniustus, uel intemperans aliquid ex eorum possessione commodum referat: quemadmodum nec æger ex sani hominis alimento, neq; infirmus mutilusve, ex sani integriq; hominis ornatu. Honestus autem bonusq; dicitur, & ex eo, quòd honesta bona per se ipsa insunt illi: & eo quòd bonorum, idq; ipsorum gratia effectuius existat, honesta autem sunt uirtutes, operaq; ab ipsis profecta. Sed & habitudo quædam civilis est, qualem & Lacones habent, & alij simili ingenio haberent, ita comparata. Sunt enim qui uirtutem non esse sequendam putent, nisi natura bonorum gratia. quocirca viri boni sunt, quòd iis natura bona existāt. Verùm istam probitatem non sunt nati. neq; enim honesta per se illis sunt, sed boni honestiq; esse eligunt. neq;



474 *Moralium Eudemiorum*

id tantum, sed & quæ non honesta natura: boni tamen natura honestorum loco illis habentur. Honestæ enim sunt, cum eius gratia faciunt eliguntq; honesta: vel quod honesto bonoq; natura bona, honesta sunt. Honestum enim iustum est, id verò secundum dignitatem censetur: hic autem iis utiq; dignum existit. sed & decens honestum. decentia autem illum sunt, nobilitas, diuitiæ, potentia. quo circa honesto bonoque ea quoq; honesta utilia sunt, quæ in aliis disconueniunt: neque enim simpliciter bona eis bona sunt. bono autem honesta bonaque: quippe qui multas honestas actiones per ea conficiat. Verum qui uirtutes æternarum rerum gratia complectendas arbitratur, per accidens honesta facit: quocirca uirtus perfecta est probitas. Porro de uoluptate dictum est, quali & quo pacto sit, tum quod alia simpliciter iucunda sint honestaq; alia uerò simpliciter bona iucundaq; neq; uoluptas nisi in actione nascitur. quocirca simpliciter beatus iucundissimè uiuit: neq; id temerè homines arbitrantur. Quoniam autem est quidam medico terminus, ad quem referens sanum corpus iudicat, & cuius respectu aliquotusque progrediendo sanum sit efficiendum corpus, non etiam si plus sit minúsue: sic & uiro bono circa actiones electionesq; natura bonorum non laudabilium tamen, terminum quendam & de habitudine, & de electione ac fuga, uel paucitatis uel copię diuitiarum, deque successibus constituere oportuit. In prioribus quidem ostensum est, ut ratio dicat: quod idem est, ac si quis dicat se alimento sumendo omnia obseruare, ut medicina ac ratio dicat: quod uerum quidē, sed parum manifestum est. Oportuit igitur iuxta

juxta quod imperat, iuxtaq; habitudinē & actionem imperantis vitam instituere: velut seruus iuxta domini, singulaq; iuxta conuenientem suum principatum. Quandoquidē & homo ex imperante subditoque constituitur, ac vnumquodque necessum habet ad principis sui mores accommodare. is autem duplex est. aliter enim medicina: aliter sanitas imperat, & huic illa destinatur. Sic & in contemplatiuo principatus habet. Neque enim iubendo Deus imperat, sed cuius gratia prudentia est. quod verò alicuius gratia iubet, in alijs determinatum est, quoniam ille nullo eget. Quæ igitur electio possessioq; natura bonorum uel corporis, uel amicorum, uel reliquorum, considerare maxime Deum facit, præstantissima est, atque hic terminus est pulcherrimus: quæ verò vel ob defectum, vel ob excessum considerare colereque Deum permittit minimè, ea est pessima. Atque sic quidem res habet animæ: & is terminus eius præstantissimus est, minimum, inquam, alteram irrationalemq; animæ partem sentire, quatenus talis est. Quis igitur probitatis terminus, sit, & quis simpliciter bonorum scopus, hunc in modum sit dictum.

*Librorum Septem Moraliū Endomiorum finis.*

*Subsequentem de virtutibus libellum, cū sub Aristotelis nomine legatur (et si fortè ab alio autore editus fuerit) & ipsum alijs subnectendum esse censuimus.*

# ARISTOTELIS

## DE VIRTUTIBVS

### LIBELLVS,

Alexandro Chamillardo  
interprete.

*Qua sint laudabilia, quæve vituperabilia: & cuius  
anima partis, singula sint virtutes.*



**L**AUDABILIA quidē sunt,  
honestā: vituperabilia verò,  
turpia. Et quidem in hone-  
stis principem locum obti-  
nent virtutes, in turpibus au-  
tem vitia. Laudabilia porro  
sunt, & causæ virtutum, &  
quæ virtutes consequuntur, & quæ exoriuntur  
ab ijs, & opera ipsarum: vituperabilia verò, con-  
traria. Cùm autem anima secundum Platonem  
in tres distribuatur partes: rationalis quidem,  
virtus est prudentia: animosæ autem, mansue-  
tudo, & fortitudo: cupidæ vero, temperantia &  
continentia: totius autem animæ, iustitia, libe-  
ralitas, & animi magnitudo. Vitium verò est,  
rationalis quidem, imprudentia: animosæ ve-  
rò, iracundia, & ignavia: cupidæ autem, intem-  
perantia & incontinentia: totius verò animæ,  
iniustitia, illiberalitas, & animi prauitas.

Quid sit vnaquæque virtus.

*Prudentia.*

**E**st autem prudentia virtus animæ rationalis, ea præparans quæ ad felicitatē spectant.

*Manſuetudo.*

Manſuetudo verò est virtus animosæ, qua qui præditi sunt, difficulter ira concitantur.

*Fortitudo.*

Fortitudo autem virtus est animosæ, per quā non facile mortis metu percelluntur.

*Temperantia.*

Temperantia verò est virtus appetentis, per quam à malorum voluptatum appetentia red-  
duntur alieni.

*Continentia.*

Continentia autem virtus est cupide, qua cupiditatem, quæ in malas fert voluptates, ratio-  
ne inhibet.

*Iustitia.*

Iustitia verò est virtus animæ, eius distributi-  
ua, quod quisque meruit.

*Liberalitas.*

Liberalitas autem est virtus animæ, honesto-  
rum sumptuum ministra.

*Magnanimitas.*

Magnanimitas autem est virtus animæ, per  
quam ferre possunt vtranzque fortunam, hono-  
rem, & ignominiam.

Quid sit vnumquodque vitium.

*Imprudentia.*

**I**mprudencia verò est vitium rationalis, malè  
vivendi causa.

*Iracun-*

*Iracundia.*

Iracundia autem vitium est animosæ, per quod fiunt ad iram præcipites.

*Ignavia.*

Ignavia autem vitium est animosæ, per quod periculis, & maxime mortis consternantur.

*Intemperantia.*

Intemperantia autem vitium est appetentis, per quod amplectuntur malas voluptates.

De incontinentia quidem nihil: sic autem tu potes definire.

*Incontinentia.*

Incontinentia verò vitium est cupidæ, per quod stoliditate huc illucque cupiditatem circumagunt, impellentem ad malarum voluptatum delectationes.

*Iniustitia.*

Iniustitia verò est vitium animæ, per quod circumscriptores fiunt præter dignitatem.

*Avaritia.*

Avaritia autem est vitium animæ, per quod appetunt vndequeque lucrum.

*Puillanimitas.*

Puillanimitas autem vitium est animæ, per quod neutram possunt fortunam ferre, nec honorem, nec ignominiam.

Quæ sint vniuscuiusque virtutis propria.

*Prudentia.*

**P**rudentiæ autem est, consiliū agitare, discernere bona & mala, & omnia quæ sunt in vita sequenda & fugienda, honestè vti omnibus bonis, cum alijs rectè versari, prospicere occasiones,

siones, solerter verbis & rebus uti, experiētiā habere vtiliū omnium. Memoria autem, peritiā & solertia, vel manat à prudentia, vel prudentiæ sunt affectus: aut partim prudentiæ adminicula; ut experientia & memoris partim tanquā prudentiæ partes, ut consilium & solertia.

*Manſuetudinis.*

Manſuetudinis autem est, posse ferre moderatè obiecta crimina, & contemptus, nec celeriter rapi in ultiones, nec esse de facili mobilem ad iras, esse autem moribus comem & mitem, & ingenio esse quieto & stabili.

*Fortitudinis.*

Fortitudinis verò est, inconcussum à mortis metibus, & constantem in malis, & intrepidum ad pericula esse, & malle honestè mori quàm turpiter seruari, & victoriæ causam præstare. Præterea autem fortitudinis est, & laborare, & in animo instituere, & posse. Accedit autem fortitudini & audacia, & animi præstantia, & fiducia, & confidentia: adhuc, industria & tolerantia.

*Temperantiæ.*

Temperantiæ autem est, nihil mirari corporis voluptates, & cuiusvis fœdæ voluptatis & delectationis minimè appetentem, & timere etiam iustam licentiam, & intētum esse in vitæ rationem, similiter in parvis & magnis. Affectatur autem temperantiā, ordo, moderatio, pudor, reuerentia.

*Continentiæ.*

Continentiæ autem est, posse cohibere ratione cupiditatem, ferentem ad malas delectationes & voluptates, & pati, & tolerare pro rationis indigentia & agnitionis.

*Iustitiæ.*



*Iustitia.*

Iustitiæ autem est, distributiui esse eius quod est secundum cuiusq; dignitatem, & tueri patrias consuetudines & instituta, & seruare scriptas leges, & ueridicum esse in controuersis, & stare conuentionibus. Est autem prima iustitiarum, aduersus Deos: proxima, in demones: deinde, in patriam & parentes: deinde, erga defunctos: in quibus est pietas, vel pars iustitiæ, uel eius comes. Sectatur autem iustitiam, & sanctitas, & ueritas, & fides, & uitiorum odium.

*Liberalitatis.*

Liberalitatis autem est, erogare pecunias in laudabilia, & largitio ad honestos sumptus faciens, & præsto esse ad auxiliũ in aduersa fortuna, & non accipere unde non oportet. Est autem liberalis, & circa indumenta nitidus, & circa habitationem: est & instructor permagnarũ rerum, & elegantium, & oblectationem habentium, nulla commodi ducta ratione: est & altor animalium, mirũ quid aut suauis habentium. Comitatur autem liberalitatem, morum facilitas, & comitas, & humanitas: & esse misericordem, & erga amicos beneuolum, & hospitalem, & honesti studiosum.

*Magnanimitatis.*

Magnanimitatis autem est, pulchrè ferre & felicitatem & infelicitatem & honorem, & ignominiam, & non admirari neq; delicias, neq; clientelas, neq; potestates, neq; uictorias gymnicas: habere autem quandam animi altitudinem & magnitudinem. Est autem magnanimus, neque uitam magnificiens, neque uitæ amans, simplex porro moribus, & generosus, iniuria potens laceßiri, & non vindex. Sequitur autem magnanimitatem, simplicitas, & ueritas.

## Quæ sint vniuscuiusque vitij propria.

### *Imprudentia.*

**I**mprudentiæ autem est, iudicare peruersè de rebus, deliberare perperam, vti nequire præsentibus bonis, in falsam adduci opinionem de ijs, quæ ad uitam sunt bona, & honesta. Sectatur autem imprudentiam inscitia, incontinentia, rusticitas, obliuio.

### *Iracundia.*

Iracundiæ autem sunt species tres, excandescencia, sæuitia & vecordia. Est autem iracundi non posse ferre sedas contempiones, neque imminutiones: esse autem plagosum, & vindictæ cupidum, & de facili ad iram facto verbosè quouis moueri. Affectatur autem iracundiam morositas, & inconstantia, & sordida illiberalitas, & de paruis angere, & ab iisdem de repente affici, & per breue tempus.

### *Ignauia.*

Ignauix autem est quouis metu facile percellere, & mortis maximè, & noxarum corporis, & arbitrarî præstabilius est quomodocumque seruari, quàm pulchrè mortem obire. Comitatur autem ignauia mollities, effœminatio, torpor, vitæ studium. Subest etiam quædam timiditas, & contentio-  
nis detractatio.

### *Intemperantia.*

Intemperantiæ autem est, sequi delectationes  
Arist. de Vir. Libel. h h h volu-

voluptatum noxiarum & turpium, & arbitrari maxime felices eos esse, qui in huiusmodi voluptatibus versantur, & facetum est, & dicacem. & urbanum, & uersutum, tam in uerbis quam rebus. Sectatur autem intemperantiam, ordinis perturbatio, impudentia, confusio, incuria, negligentia, dissolutio.

*Incontinentia.*

Incontinentia autem est prohibente ratione, delectationes voluptatum sectari, & ducere preestabilius esse, non frui autem nihilominus, & opinari quidem oportere facere, & pulchra & conferentia, abhorrere tamen ab ipsis propter voluptates. Est autem comes incontinentia, mollicies, & poenitentia, & plura eiusmodi, quæ intemperantiam comitantur.

*Iniustitia.*

Iniustitia autem sunt species tres, impietas, auaritia, immanior improbitas. Impietas quidem est aduersus Deos, & daemones, & circa defunctos, & circa parentes, & circa patriam. Auaritia autem circa commercia, præter dignitatem eliciens præcipuum. Immanior autem improbitas est, per quam uoluptates sibi comparant, ludibrio alios habentes: unde Euenes de ea dicit.

*Qua rerum captans: nil tamen ipsa nocet.*

Est autem iniustitia, patriæ violare & instituta & iura, nec parere legibus, nec magistratibus, mentiri, peierare, transgredi conuersiones, & fidem fallere. Comitem autem iniustitiæ se addit calumnia, iactantia, humanitatis assimulatio, malignitas, calliditas.

Auari-

*Auaritia.*

Auaritię autem, species sunt tres, turpis quęstus, tenacitas, illiberalitas. Turpis quęstus quidem, per quem ditescere quęrunt vndecunque, & lucrum quàm pudorem pluris faciunt. Tenacitas autem, per quam sumptui parcant, & impensę in re honesta. Illiberalitas autem est, per quam expendūt quidem, minutatim autem male, & plus iacturę facientes, nullo scilicet habito tēporis delectu. Est autem avaritię, plurimi facere pecunias, nec id probrū putare quod quęstuosum sit: vita mercenaria, & seruilis, & sordida, à munificētia & illiberalitate aliena. Consequuntur autem illiberalitatem, sordes, agrimonia, pusillanimitas, humilitas, immodestia, ignobilitas, hominum odium.

*Pusillanimitas.*

Pusillanimitatis autem est, neque honorem, neque ignominiam, neque felicitatem, neq; infortunia posse ferre, sed honorarum quidem tumescere, & leui successu prospero auctum efferri & subsultare, ignominia autem ne minimam quidem ferre posse. Aberratio porro est, infortunium non dijudicare magnum: conqueri uerò de omnibus, & agro animo ferre. praterea autem talis est pusillanimus, vt omnes neglectus contumeliam vocet & ignominiam, etiam per imprudentiam, uel obliuionem admissos. Comitantur autem pusillanimitatem sordes, quærimonia, dissidentia, humilitas.

*Quid virtutis sit in vniuersum.*

**I**N vniuersum autem virtutis quidem est, facere studiosum & probum affectum in animo,

# 484 De Virtutibus Libel.

quietis & constitutis motibus utentem, omnibus ex partibus consonantem: quapropter videtur instituti atque rationis boni animi esse honestus affectus. Est porro uirtutis, & beneficijs dignos afficere, & diligere bonos, & neque ad sumendas poenas, neque ad vindictam ardenti esse animo, sed clementi placido, & misericordii. Affecta est autem uirtutis, benignitas, & equitas, animi candor, spes bona, & quae eiusdem sunt generis, ueluti familiarium studiosum & amicorum esse, sociabilem, hospitalem, humanum, elegantem se exhibere, quae utrique omnia laudabilia sunt: uicij autem, contraria.

*Libelli de Virtutibus finis.*



# LEONARDI ARETINI

## in libros Politicorum

### Prooemium.

**I**nter morales disciplinae praecepta, quibus humana vita instituitur & docetur, eminentissimum quodāmodo locū obtinet quae de ciuitatibus, earumq; gubernatione conseruationeq; traduntur. Quippe disciplina huiusmodi omnis felicitatē hominibus conficere studet. Felicitatē verò si uni acquirere praclarum est, quanto magnificentius erit uniuersae ciuitati beatitudinē adipisci? Bonū enim, quanto latius patet, tanto diuinius est existimandum. Cumq; homo imbecille sit animal, & quam per se ipsum non habet sufficientiam perfectionemq; ex ciuili societate reportet, nulla profectò conuenientior disciplina homini esse potest, quàm quid sit ciuitas, & quid respublica intelligere: & per qua conseruetur intereatq; ciuilis societas non ignorare. Mihi quidē, qui hac ignorat, seipsū pariter ignorare videtur, ac sapientissimi Dei praeceptum dispicere. Itaque & Plato decem illis praclaris libris, qui sunt ab eo de Republica scripti, in hac parte ostendenda docendaq; plurimū nixus est. Et Marcus Cicero noster sex inclutis libris, quos de Republica scripsit, hanc ipsam materiam est prosecutus. Et Aristoteles in hoc volumine, quod nunc in Latinum conuertimus, hac ipsa complexus est, tanto quidē nitore & copia & ornatu, ut verē mereatur flammis aureū vocitari. Materia igitur huius operis talis est. Conuertendi autem interpretandiq; mihi causa fuit eadem illa, quae iam decem & octo annis ad conuersionem Ethicorum induxit. Nam cum viderem hos Aristotelis libros, qui apud Gracos elegantissimo stylo perscripti sunt, vitio mali interpretis ad ridiculam quandam ineptitudinē esse redactos, ac praeterea in rebus ipsis errata permulta ac maximi ponderis, laborē suscepi nona tra-



ductionis, quo nostris hominibus in hac parte prodessem. Quid enim opera ea utilius? quid laude dignius efficere possim, quam civibus meis primū, deinde ceteris qui Latina vivuntur lingua, ignariis Gracarum literarū, facultatē prabere, ut nō per anigmata ac deliramenta interpretationū ineptarum ac falsarū, sed de facie ad faciem possint Aristotelem intueri, & ut ille in Græco scripsit, sic in Latino perlegere. Excitavit quoque me utilitas maxima, quam ex interpretatione Ethicorū provenisse cōspexera. Homines enim ingenuē eruditi, quos primō veteris interpretationis ineptitudo ac barbaries à legendo repellēbat, ita postmodū eos libros cōplexi sunt, ut in maximā lucem illarū rerum cognitio sit perducta. Quod idē fore spero in his, de quibus nūc agimus, Politicorū libris. Atque eo magis, quo hac materia civilis, & verba ad exprimēdū alia, quam in suis dīsputationibus scholastici utantur, & maiore quēdā efflagitat dicēdi ornatū. quæ duo interpretes nedū ille consequi, sed ne suspicari quidem potuit. Aristoteles certē tanta faciēdia, tanta varietate & copia, tanta historiarum exemplorumq; amulatione hos libros referat, ut oratorio penē stylo scripti videantur. Sic enim argumētationes totas interdū explicat, ut cuncta dicendi ornamenta in eas studiosē coniecta liceat intueri: nec est in his libris quasi vlla paulō uberior, quæ tractata ab illo sit absque rethorico pigmento aut colore, quorum etsi non expressionem, attamen adumbrationem quandā diligens lector in hac traductionē nostra deprehendet. Fuit enim Aristoteles studiosissimus eloquētia: quod artes Rhetorica eius, pluribus voluminibus explicata, declarant. Quæ sit igitur horū librorū materia, & quæ de causa laborem hunc suscepimus, & quales libri ipsi in Græco sint, hac præfatus esse sufficiat. Hortamur autē oēs vehementer ad huius operis diligentissimā lectionē, v̄pote doctrinā uberrimā, ac rerū prope innumerabilium cognitionē, & quidem necessariā ad vitam suscepturos.

ARISTO-

# ARISTOTELIS

## STAGIRITAE,

### PERIPATETICORVM

#### PRINCIPIS,

#### Politlicorum


#### LIBER PRIMVS.

Leonardo Aretino interprete.

#### SVMMA LIBRI.

*De ciuitate, domo, pago, re familiari, seruis, dominationibus ac seruitutibus, possessione, acquisitionibus necessaria ac numularia, & personarum in re domestica existentium virtutibus.*

*De ciuitate, eius gubernare, partibus, domo, pago. Cap. 1.*



Quoniam videmus omnem ciuitatem esse societate quandam, & omnem societatem boni alicuius gratia constitutam (nam eius gratia quod bonum videtur, omnia omnes agunt) patet quod bonum aliquod oēs coniciant. maximè verò principalissimū omnium quæ est principalissima, & ceteras omnes cōplectitur, est aut hęc illa, quæ ciuitas appellat, & ciuilis societas. Quicunq; verò putat gubernatoris ciuitatis, & Regis, patrisque familiæ, & do-

mini eandem esse rationem, non bene dicunt. Multitudine enim & paucitate, sed non specie illorum singulos putant differre, ueluti si paucorum quidem, dominum: si uero plurium, patrem familias: sin etiam plurium, gubernatorem ciuitatis vel Regem: quasi nihil differat magna domus & parua ciuitas, gubernatorque ciuitatis & Rex. quādo quidem ipse præsidet, Rex: quando uero secundum rationem talis scientia in parte præsidet, & in parte subest, gubernator ciuitatis. Sed hæc uera non sunt, quod manifestum erit secundum hanc doctrinam cōsiderantibus. Vt enim alijs compositum vsq; ad incomposita diuidere necessarium est (hæ nanque sunt minimæ totius particulæ) ita ciuitatem, ex quibus componitur considerātes, & quomodo illa differant inter se, & si quid artificij recipiūt singula ipsorum, magis intuebimur. Si quis igitur ab initio rerum originem inspiciat, ut in alijs, sic & in istis optimè discernet. Primū igitur necesse est combinare illos, qui non possunt esse nisi simul, ceu marem & foeminam generationis causa. Et hoc non ex electione, sed uelut in ceteris animalibus & plantis natura est desiderium, quale ipsum est, tale alterum relinquendi. Imperans uero natura & parens propter conseruationem. nam quod potest mente prospicere, natura imperat ac dominatur: quod autem potest corpore hoc facere, paret natura & seruit. quapropter domino & seruo id confert. Natura igitur distincta sunt foemina, & seruus. Nihil enim natura facit tale, quale statuarij delphicum gladium ob inopiam, sed unum ad vnum: sic enim optimè instrumenta proficient, si eorū singula non multis, sed uni deseruiant. Verū apud

Barbaros foemina & seruus eodem gradu habentur. causa verò huius est, quoniam quod natura dominetur nō habent, sed sit eorum societas ex seruo & serua. Quamobrē aiunt poētæ; Græcos Barbaris dominari oportere: q̄ idem sit natura; Barbarus & seruus. Ex his duabus igitur societatibus domus prima. Recteq; Hesiodus inquit: *Domum in primis, mulieremq; & bovem aratorem*. p̄ bōs enim pro seruo pauperibus est. Quotidiana igitur societas secundum naturā constituta domus est: quos Charondas quidē homōsypios; Epimenides verò Cretensis † homocapnos ap̄ † a. l. homocapnos. Sed quæ ex pluribus domibus constituitur societas prima, vtilitatis gratia non quotidiana. pagus est. Maximè verò secundum naturam viderur pagus, propagatio quædam esse domus eorum, quos dicimus coalitos, & natos esse natorum. Quapropter primò sub regibus ciuitates erant: nunc verò etiam gentes. nam ex his qui suberant regno, processerunt, Omnis autem domus regitur à seniore: quare & coloniæ inde propagatæ propter consanguinitatem. Et hoc est, quod inquit Homerus: *Iura dant singuli natis & uxoribus.* sparsim nanq; etiam sic antiquitus habitabant: Et Deos ob hoc ipsum putant cuncti regē habere: qm̄ & ipsi partim nunc, partim antiquitus sub regibus degebāt. Quemadmodū verò formas humanas Dijs attribuunt hoīes, sic etiam vitas.

*Quid ciuitas, quod homo ciuile sit animal, quid partibus ciuitat prior sit,* Cap. 11.

**Q**Uæ autem ex pluribus pagis conficitur societas, ciuitas est. quæ quidem (vt ita dixerim)

rim totius sufficientiæ finem habet, constituta quidem gratia viuendi, existens autem bene viuendi gratia. Quapropter omnis ciuitas natura est: si quidem & primæ societates. nam hæc illarum finis: natura verò finis est. Quale. n. vnumquodque est generationis perfectæ, hanc vniuscuiusque naturam esse dicimus: ceu hominis equi, domus. Insuper cuius gratia & finis, optimum: sufficientia verò finis, & optimū. Ex his igitur patet ciuitatē esse ex his, qui naturam sunt, & quòd homo natura ciuile est animal: Et qui absque ciuitate est per naturam, non per fortunam, aut nequam est, aut potior quàm homo: vt ab Homero per contumeliam increpatur:

*Sine tribu, sine iure, sine domo.*

nam simul talis est & belli cupidus, veluti qui nullo retinetur iugo, vt neque volatilia. Ex quo patet sociale animal esse hominē, magis quàm omneis apes, & quàm omne gregarium animal. nihil enim (vt diximus) frustra natura facit. Sermone verò homo habet solus omnium animalium. Nam vox quidem molesti atq; iocundi significatio est. quapropter alijs quoq; existit animalibus. hucusq; enim natura processit in his, vt sensum habeant iocundi & molesti, & hoc inter se significare possint. At sermo ad hoc datus est nobis, vt ostendamus vtilitatem & damnum, atq; ita iustum & iniustum. hoc enim præter cetera animalia hominibus proprium est, vt boni & mali, ac iusti & iniusti, & aliorum huiusmodi sensum habeant soli. horumq; societas facit domum, & ciuitatem. Et cerè s'm naturam prius est ciuitas quàm domus, & quàm singuli nostrū. Nam totum prius esse quàm partem, necessariū est. perempto enim toto, nō erit pes, nec manus,

nisi

nisi æquiuocè, veluti si quis dicat lapideam. nam corrupta quidem erit talis, cunctæ autem opere definitæ sunt & potentia. itaq; cum amplius nõ sint tales, non est dicendum illas esse easdem, sed æquiuocas. Esse igitur ciuitatem natura, & prius quàm singuli, manifestum est. Si enim non est sufficiens vnusquisque separatus, perinde se habet ac reliquæ partes ad totum. Qui autem in communi societate nequit esse, quique nullius indiget propter sufficientiam, nulla pars est ciuitatis: quare aut bestia aut Deus. natura igitur omnibus ad huiusmodi societatem est appetitus. Qui autẽ primus instituit, maximorum bonorum causa fuit. vt enim perfectione suscepta, optimum cunctorum animalium est homo, ita si alienus fiat à lege & à iudicijs, pessimũ est omnium animalium. Szuissima est enim iniustitia tenens arma. Homo verò arma tener per innatam prudentiam atq; virtutem, quibus plurimũ valet in contrarium vt. Itaque impijssimum & immanissimum est sine virtute, & ad libidinem cibationemq; deterrimum. iustitia verò ciuile quiddam est. nam ius ordinatio est ciuilis societatis: iudicatio autem iusti iudicium.

*De re familiari, domino, seruo, re possessa, imperandi ac parendi necessitate, ac vtilitate.*  
*Cap. III.*

**Q**uoniam verò declaratũ est quibus ex partibus sit constituta ciuitas, necessariũ videtur primũ de re domestica dicere. Omnis enim ciuitas ex domibus cõstat, rei domestica rursus partes sunt, ex quibus domus est constituta: domus aut perfititur ex seruis & liberis. Cum verò prima quæq; sint in minutissimis perquirenda:



\*οἰκονο-  
μικά, sic  
ferè perli-  
brum 10--  
212100.

quirenda : primæ verò ac minutissimæ partes do-  
musexiſtāt dominus & ſeruus, maritus & vxor,  
pater & filij: de his vtiq; tribus conſiderandum  
fuerit, quid vnumquodque, & quale eſſe oportet:  
hoc eſt de dominica, de coniugali (nam &  
iſa proprio nomine non nominatur) & de pa-  
terna diſciplina. Sint autem hæ tres quas dixi-  
mus. Eſt inſuper quædam pars, quæ videtur qui-  
buſdam eſſe \* diſciplina rei familiaris: quibuſ-  
dam verò maxima eius pars. Loquor autem de  
illa parte, quæ verſatur circa acquirendum: quæ  
& iſa quemadmodum ſe habeat, conſideran-  
dum erit. At primùm de ſeruo & domino dica-  
mus: vt quæ neceſſaria ſunt intueamur: & ſi  
quid de his melius comprehendere poſſimus,  
quàm ea quæ nunc exiſtimantur. Quibuſdam  
porrò videtur ſcientia quædam eſſe dominatio,  
eademque eſſe diſciplina domeſtica, & domina-  
tio, gubernatioque ciuilis & regia: vt in prin-  
cipio diximus. Alijs autem, præter naturam  
videtur eſſe dominatio, quoniam natura nihil  
differat, ſed lege duntaxat inductū ſit, vt alij li-  
beri ſint, alij ſerui, quapropter neq; iuſtum, vio-  
lentum enim. Cum igitur poſſeſſio ſit pars do-  
mus, ceriè & illa per quam acquirimus, pars erit  
domeſticæ diſciplinæ. nam ſine neceſſarijs im-  
poſſibile eſt & viuere, & bene viuere. Vt verò in  
artibus definitis neceſſarium eſt ſub eſſe propria  
inſtrumenta, ſi opus modo confici debeat: ſic  
etiam in re familiari. Inſtrumentorū verò quæ-  
dam inanima ſunt, quædam animata, veluti gu-  
bernatori, nauis quidem inanimata, veluti  
proram regit, animatus. nam miniſter in arti-  
bus locum inſtrumēti obtinet. Sic & res poſſeſ-  
ſa inſtrumentum eſt ad vitam: poſſeſſio autem  
multitu-

multitudo instrumentorum: & seruus possessum  
 quidam animatum, & tanquam instrumentum  
 ante instrumenta omnis minister. Si possent em  
 instrumenta ad iussum vel nutum domini opus  
 suum conficere, quemadmodum Dardali, aut Vul-  
 cani tripodes (quos inquit Poëta sponte sua di-  
 uinum prodijisse in certamen) sic & pectines te-  
 xerent, & plectra cithara pulsarent, nec archite-  
 ctæ sanè ministris, neque domini indigerent ser-  
 uis. Quæ igitur instrumenta dicuntur, factiua  
 sunt: quod verò possidemus, actiuum est. à pe-  
 ctine quidē enim aliquid fit præter illius usum:  
 à veste verò atque lectica usus solum. Præterea  
 cum specie differant facere & agere, & indigeat  
 vtrunque instrumentis, necessarium est & illa  
 eandem habere differētiam. Vita certè actio est,  
 & non factio, quapropter seruus minister est ad  
 actionem. Id autem quod possidetur, dicitur  
 quemadmodum & pars ad totum. pars enim non  
 solum alterius est pars, sed etiam omnino alte-  
 rius, similiter & quod possidetur. Quapropter  
 dominus serui est dominus solū, sed illius non  
 est, seruus autem non solum domini seruus, sed  
 oīno illius. Quæ igitur sit natura serui, & quæ  
 potestas, ex his patet. quicumque enim sui ipsius  
 non est secundum naturam, sed alterius, homo  
 autē est, hic natura est seruus, \* alterius autem  
 homo est, qui possidetur, homo existens, res pos-  
 sessa verò instrumentum ad acquirendum acti-  
 uum & separabile. Vtrum verò sit aliquis natu-  
 ra talis vel non, & utrū melius ac iustius sit ali-  
 cui seruire vel nō, sed omnis seruitus sit præter  
 naturam, considerandū postea erit. Nec sanè dis-  
 ficile est ratione perspicere, & ex his quæ fiunt  
 cognoscere. Imperare enim & parere nō solum  
 necessa-

\* ἀλλ' ὁ  
 δὲ ἄνθρωπος  
 πρὸς ἑσὶ  
 ὅς ἐστιν  
 καὶ τῆμα  
 ἢ ἄνθρωπος  
 πρὸς αὐτόν.

necessariorum sunt, verum etiam vtilium, ac statim ex generatione quædam distincta sunt, alia quidem ad imperandum, alia verò ad parendum, & species multæ & imperantium & parentium sunt. & semper melius imperium meliorum parentium est, ceu hominis, quàm bestiarum. Nam quod à melioribus perficitur, melius est opus. Vbi verò aliud imperat, aliud paret, est aliquod horum opus: nam quæcunque ex pluribus constant, & vnum quid commune fiunt, siue ex continuis, siue ex discretis, in omnibus apparet & quod imperat, & quod paret, & hoc ex tota natura inest animalis. nam & in his quæ expertia sunt vitæ, est quoddam imperium instar harmoniæ, sed hæc forsitan aliena sunt ab ista consideratione. Animal verò constat primum ex anima & corpore: quorum alterum imperat secundum naturam, alterum paret. Oportet autem considerare naturam non in corruptis, sed in his quæ magis se habent secundum naturam. quocirca eum hominem, qui & animo & corpore optimè dispositus sit, inspiciendum, in quo cerè id manifestum est. nam prauorum quidem aut prauè dispositorum sæpe inuenietur corpus imperare animo, ex eo quia peruersæ ac præter naturam se habent. Est igitur (vt dicimus) primum in animali perspicere imperium dominicum & ciuile. Nam animus quidem in corpus, dominicum habet imperium: mens verò in appetitum, ciuile & regium: in quibus clarum est secundum naturam & utilitatem imperari ab animo corpori, & ab ea parte quæ habet rationem, ei parti quæ subiacet perturbationi, æqualitatem verò ac vicissitudinem omnibus nocere. Rursus in homine & alijs animalibus eodem modo, mansueta quidem

quidem meliora sunt quàm fera. his autem uni-  
uerſis melius eſt, ut homini pareant : nam ſalu-  
tem ita recipiunt . Præterea autem maſculus &  
fœmina, alter melior ſecundum naturam, alte-  
ra deterior : & hic imperans , illa uerò parens ,  
eodemque modo neceſſe eſt in cunctis homini-  
bus eſſe . Quicumque igitur diſtant tantum, quan-  
tum animus à corpore : & homo à beſtia , per  
hunc modum ſe habent. Quorumcumque eſt opus  
in corporis uſu , & hoc eſt in eis poſiſſimum, hi  
ſunt natura ſerui, quibus melius eſt ut impere-  
tur, hoc imperio quemadmodum in præmiſſis .  
Eſt enim natura ſeruus, qui poteſt alterius eſſe;  
quapropter & alterius eſt, & qui tantum parti-  
ceps eſt rationis , ut ſentiat quidem, at non ha-  
beat . Nam certa quidē animalia rationem qui-  
dem non ſentiunt, ſed paſſionibus inſeruiunt .  
Uſus etiam uariat parumper. neceſſariorum enim  
corpori auxilium ſit ab utriſque, à ſeruis uideli-  
cet, ac manſuetis animalibus . Vult autem na-  
tura , & differentia facit corpora liberorum &  
ſeruorum , alia quidem robuſta ad neceſſarios  
uſus , alia uerò recta & inutilia ad tales opera-  
tiones : uerum uſilia ad ciuilem vitam , hæc au-  
tem diuiſa eſt in belli opportunitates & pacis .  
Accidit uerò ſæpe & contra, hos quidem corpo-  
ra habere liberorum, illos uerò animos . Nam id  
quidem patet, quod ſi tantum præcellant corpo-  
re ſolum , quantum Deorum imagines , reliqui  
omnes digni apparent illis ſeruire . Id ſi uerum eſt  
in corporibus, multo iuſtius in animo idem pu-  
tare , ſed non ut corporis , ita & animi pulchri-  
tudinem diſcernere facile . Quod igitur ſint ſe-  
cundum naturam , alij liberi, alij ſerui, patet :  
quibus & ſeruire prodeſt ac iuſtum eſt .

*De duplici seruo, potentia gubernandi, dominationis, ac gubernationis differentia.*

*Cap.*

*IIII.*

**Q**UOD autem & cōtradicientes quodammodo rectè dicunt, nō difficile fuerit intueri. Dupliciter em̄ dicitur seruire & seruus. Est enim aliquis s̄m leges seruus, & seruiens: nam lex consensio quādam est, per quam bello capta illorum fieri dicuntur qui ceperunt. Hoc autem ius multi eorum qui circa leges versantur, accusant, tanquā oratorem qui iniqua decreuerit: quasi sit graue, si eius qui vim afferre potest, & potentia p̄cellit, seruus fiat & subditus is qui vim patitur, & quibusdam hoc modo videtur, quibusdam illo, etiam sapientum. Causa verò ambiguitatis & variationis s̄rmonum huiusmodi est: quia quodammodo virtus freta potentia, vim potest maximè afferre, & semper id quod superat, est in excellentia alicuius boni ex quo fit, vt vis non absque virtute esse videatur, sed circa iustum solum esse ambiguitatem; propter hoc sanè, quod alijs quidem beneuolentia videtur esse iustum, alijs hoc ipsum videtur iustum, potentioꝝr dominari, quoniam discor- dantibus inuicem huiusmodi sermonibus, cum alteri nec validum quicquam, neque persuasuum continent, quòd non oporteat meliorem secundum virtutem p̄esse ac dominari. Omnino vsurpantes quidam, vt arbitrantur, aliquod iustum (nam lex iustum quid est) seruitutem quā ex bello prouenit, iustam posuere, & simul non iustam esse aiunt. nam fieri potest, vt belli principium nequaquam sit iustum. Et indignum seruire, nemo diceret esse seruū, alioquin  
contin-

continget eos qui nobilissimi videntur, seruos esse: atque ex seruis, si cōtingat eos capi atque uenundari. itaq; istos nō uolunt seruos dicere, sed Barbaros. Atqui cum ista dicunt, nihil quærunt aliud quàm natura seruos, ut ab initio diximus. necesse est enim dicere aliquos esse, & hos quidem vbique seruos esse, alios uerò nusquam. Eodēq; modo de nobilitate. ipsos enim non solum apud seipso nobiles, sed vbique existimant, Barbaros uerò domi solum nobiles, quasi existat alia simpliciter nobilitas, alia non simpliciter: ut Theodecti Helena inquit: *Ex Diis ab utraque stirpe progeneratam quisquam appellabit seruum?* Sed cū hoc aiunt, nullo alio quàm uirtute & uitio definiunt seruum & liberum, nobilesq; & ignobiles. putant enim, ut ex hominibus hominem, & ex bestiis bestiam, sic ex bonis bonum generari. sed natura quidē hoc uult, at tamen plerunq; non potest. Quod igitur hæc dubitatio habet rationem quandam, & quod sunt alii natura serui, alij liberi manifestū est. Et quod in quibusdam determinatū est esse tale aliquid, quibus quod ob id ipsum prodest & iustum est, alium seruire, alium esse liberum: & conuenit alium imperare, alium parēre eo imperio qđ innatū est: quare & dominari. Quod autem malè utrisque inutiliter fit. Nam idem prodest toti & parti, & animæ & corpori, & seruus pars quædam est domini, quasi animata quædam corporis, sed separata pars, quapropter aliquid est quod simul proffit, & amicitia est seruo & domino inuicē, secundū naturā ita dispositis: illis uerò, qui secundū legem & per uolentiam, cōtrarium. Patet autem ex his, quod nō idem est dominatio & gubernatio reipublicæ,



nec omnes inter se principatus, vt quidā aiunt. nam aliud liberorum secundum naturam, aliud seruorum est. Et in re familiari imperium est vnius. nam ab vno regitur omnis domus: in re publica autem liberorum & æqualium est gubernatio. Dominus ergo non dicitur secundum scientiā, sed quia est talis, eodemq; modo & seruus & liber. Scientia verò est & dominica, & seruilis. Seruile quidem, qualem Syracusis ille docebat. nam ibi quidam mercede pueros docebat. \* seruitutē. Fuerit sanē etiam compluriū talium disciplina, ceu coquinaria, & alij huius generis famulatus. sunt enim opera alia honestiora alijs, alia verò necessaria magis, & vt est in prouerbio, seruus præ seruo, dominus præ domino. hæ igitur omnes sciētix seruiles sunt. Domini autē scientia est, per quā vtitur seruis. nam dominus est, nō in possidendo seruos, sed in vte do seruis. Cōtinet autē hæc scientia nō magnū aliquid, neq; gloriosum. quæ enim seruum scire facere oportet, illū oportet scire iubere. Quapropter quibuscunque est facultas à laboribus cessandi, \* vicarius quidem hunc honorem suscipit, ipsi autem rei publicæ administrandæ, aut studijs philosophiæ intendunt. Acquirendi verò disciplina, alia est ab vtraq; istarum, ceu bellica quædam iusta, aut venatica. De seruo igitur & domino in hunc modum determinatum sit.

*De possessione, acquisitioneq; secundum naturam ac necessaria, animalium præcipueq; hominum vitis varijs, ac veris diuitijs. Cap. V.*

**O**Mnino autem de vniuersa possessione & de acquisitione intuebimur secundum antecedentem

\* Διὰ το-  
ν ἡμᾶτα,  
seruilia mi-  
nistria.

\* ἐπιθρῶ-  
νος.

recedentem modum, quandoquidem & seruus possessionis erat pars. Primum igitur dubitaret utique aliquis, utrum illa disciplina, quæ ad acquirendum spectat, idem sit quod facultas rei familiaris, vel pars aliqua eius, vel ministra. Et si ministra, utrum quemadmodum pectinaria textoriæ: aut quemadmodum æraria, statuariæ, non enim eodem modo subministrant: sed altera quidem organa præbet, altera materiam. Dico autem materiam, ceu id quod subiaceret, ex quo aliquod perficitur opus, ceu textori lana, statuario æs. Quod quidem igitur non sit eadem rei familiaris disciplina illi, quæ pertinet ad acquirendum, manifestum est. Nam huius quidem \* parare est, illius verò uti. quæ enim utitur his quæ sunt in domo, nisi rei familiaris disciplina? Sed utrum sit eius pars, vel alia species, dubitationem habet. Nam si est diligentis patrisfamilias videre quomodo pecuniæ & possessiones asint: possessio autem & pecuniæ multas complectuntur partes: itaque primum dubitatio est, agricultura utrum pars aliqua sit illius acquirendi disciplinæ, an aliud quoddam genus: & omnino circa alimentum cura & acquisitio. Atqui species alimentandi multæ sunt: quapropter & vitæ plures sunt, animalium, & hominum. non enim fieri potest, ut viuatur sine alimento. Itaque diuersitates alimentorum diuersas fecerunt animalium vitas. Nam ferarum quidem aliæ gregales sunt, aliæ foliuaræ: ut hoc, vel illo modo, illis cōducit ad victum, quoniam aliæ viuus animalibus, aliæ fructibus, aliæ cunctis pascuntur: quare ad facultatem victus atque delectum, ipsarum vitas natura distinxit. Cum verò non idem cuique

*propia  
fas.*

dulce sit secundum naturam, sed aliis alia: & illarum quæ animalia, & illarum quæ fructus comedunt, uitæ inter se differunt. Hoc idem est in hominibus. differunt enim multæ eorum vitæ, nam pigerrimi qui sunt, pastorem vitam sequuntur: quoniam à mansuetis animalibus sine labore educatio ipsis prouenit otiosis, cumque sit necesse mutare locum animalibus, & ipsi coguntur unà sequi, quasi agriculturam quandam uiuam colentes. Alij uerò ex præda viuunt, & præda quidem alia alij, ceu alij uenantes, alij piscantes: ut qui paludes, & stagna, & flumina, & mare accolunt: alij ab auibus & feris, sed maxima pars hominum à terra uiuit, & à fructibus non syluestribus. Vitæ igitur ferè tot sunt quot secundum propriam & innatam habent operationem, nec per commutationem & commercia sibi præparant alimentum: pastoralis, agricultura, prædatoria, piscatoria, uenatoria. Sunt & qui ista miscentes, iucunde uiuant, supplentes deficientem uitam, qua deficiens est, ut sufficientia assit: ceu pastorem simul quidem & prædatoriam, alij uerò agriculturam & uenationem, eodem modo & circa alias, ut indigentia compellit, in hunc modum degunt. Talis igitur acquisitio ab ipsa uidetur natura hominibus data, ut statim post generationem, sic etiam ad perfectionem deductis, nam ab ipso generationis initio quædam animalium simul exprimunt tantum alimentum, ut sufficiat donec possit sibi ipsi acquirere quod generatum est: ut quæcunque ex putredine, uel ex ouis gignuntur: quæ uerò pariunt uiuentia, alimentum habent in seipsis, ad natorum educationem usque ad tempus quoddam, quàm lactis naturam

naturam dicimus. Quare similiter est de perfectis quoque existimandum, plantasq; animalium esse gratia, & cetera animalia hominum causa, mansueta quidem propter utilitatem & cibum: fera verò (etsi non omnia, at plurima illorum) propter cibum, & alia adiumenta, ut & uestis, ac cetera instrumenta ex illis fiant. Si igitur natura nihil neque imperfectum facit, neque frustra, manifestum est illa omnium hominum gratia fecisse naturam. Quapropter & bellica secundum naturam quodammodo acquisitiua erit. Nam & venatoria pars illius est, qua uti oportet contra bestias, & contra eos homines qui ad parendum nati sunt, nec volunt parere: quia natura id bellum iustum existat. Vna igitur acquirendi species secundum naturam, pars est rei familiaris: quam oportet subesse iam aut illam parare, quod ea subsint, quorum est comparatio rerum in vita necessariorum, & utilium ad societatem civitatis & domus. Et videntur veræ quidem diuitiæ ex his constare. Nam sufficientia huius \* possessio-  
nis ad vitam honorum non infinita est, ut Solon Poëtico more dicebat: Diuitiarum nullus est finis constitutus hominibus. At cerè constitutus est, ut in alijs artibus. nullum enim instrumentum cuiusquam artis infinitum est, neque multitudo, neque magnitudine, diuitiæ autem sunt multitudo instrumentorum rei familiaris & reipublicæ. Quod igitur sit aliqua  
acquisitio secundum naturam patri-  
bus familias & gubernatoribus  
reipublicæ, & propter  
quam causam,  
patet.

\* *κτησις  
ως, acqui-  
sitionis.*

*De numularia acquisitione, quòd sit præter naturam,  
& quòd differat à cura rei familiaris: ubi  
multa de numi usu. Cap. VI.*

**E**st aliud genus acquirendi, quod maximè  
vocat, & meritò uocari debet, pecuniari-  
um: in quo nullus finis esse uidetur diui-  
tiarum & possessionis: quod esse vnum cū illo  
specie, de quo supra diximus, plerique credide-  
runt, propter vicinitatem. Sed neq; est idem, ne-  
que ab illo valde remotum. est enim alterum il-  
lorum secundum naturam, alterum non secun-  
dum naturam, sed magis secundum experien-  
tiam & artem. de quo dicere sic exordiamur.  
Cuiusq; enim, quæ possideat, rei duplex est usus,  
uterq; verò secundum ipsam rem, sed non simi-  
liter: uerum alter proprius, alter non proprius  
rei. ceu calcei quidem est calceatio, & venditio:  
uterq; enim usus calcei est. nam qui calceum  
indigenti vendit pro pecuniâ vel cibo, utitur  
calceò qua calceus est, sed non secundum pro-  
prium usum: non enim commutationis gratia  
factus est calceus. Eodẽ modo se habet in alijs  
rebus, quas possidemus. Est enim permutatio in  
omnibus, cœpta quidem ab initio ex eo quod  
est secundum naturam, quòd alij plura quàm  
opus sit, alij pauciora habeant homines. Ex quo  
manifestum est, pecuniariam non esse secundum  
naturam eius, quæ pertinet \* ad acquirendum.  
quoad enim ipsi sufficeret, necessarium erat per-  
mutationem fecisse. In prima igitur societate,  
id est in domo, manifestum est nihil opus esse  
illius, sed iam in maiori existente societate. Alij  
enim illorum communiter habebant omnia.  
alij

alij separatim multa rursus & alia, quorum secundum indigentiam necesse erat permutationem facere. quemadmodum adhuc faciunt Barbarorum nationes multæ, alia pro aliis dantes, recipientesq;: utilia enim pro utilibus tradunt, ultra uero nihil: ceu uinum pro tritico, & certis talibus. Huiusmodi ergo permutatio neq; præter naturam est, \* neq; ad amplificationem patrimonii pertinet, cum sit in supplementum indigentia secundum naturam. Ex hac tamē illa processit secundum rationem. Nam cum à remotioribus quæreretur auxiliū, importando illa quibus indigebant, & exportando illa quibus abundabant, necessario numi introductus est usus. Numi enim faciliter deferri possunt: singula ad uitam necessaria. Quare ad permutationes faciendas tale aliquid composuerunt inter se dare & accipere, quod utilium quippiam existens, haberet usum commutandi facilem ad uitam: ceu ferrum, & argentum, & si quid aliud tale, primò simpliciter definitum quantitate & pondere, postmodum uero etiam signo impressum, quo à mensura liberi essent. nam signum positum est ad quantitatem demonstrandam. Reperto igitur numo, ex necessaria permutatione, alia species acquirendi emerfit numularia: primò forsan simpliciter, postea per experientiam artificiosior. unde quodammodo permutando, plurimum faciat lucrum. Quapropter uidetur numularia maximè circa quæstum pecuniarum versari, & illius esse opus possidiscernere, unde proueniat multitudo pecuniarum. numorum enim & diuitiarum effectiua est. nam & diuitias plerunque ponunt esse multitudinem pecuniæ, ex eo uidelicet, quod circa

\* οὐ δὲ  
χρημα-  
τιστικῆς  
εἶδος.

Numi  
usum.



illam intendunt pecuniaria & quæstuaria. Contra verò interdum futile quiddam videntur numus & lex omnino, & nequicquam secundum naturam, quoniam mutatis ijs qui vtuntur, nullius pretij aut vtilitatis est ad aliquod necessariorum. & locuples numis penuriam patietur necessarij alimenti. Atqui absurdum est, tales esse diuitias affirmare, quarum abundans quis fame perire possit, vt de Mida fabulis traditur, cui propter insatiabilitatem desiderij, quicquid apponebatur, fiebat aurum. Quamobrem quærent diuitias alias, & aliam acquirēdi rationē. Rectè quidem. est enim alia acquirēdi ratio, & diuitiæ secundum naturam. & hæc quidē rei familiaris disciplina: illa verò pecuniaria, pecuniarum effectiua nō simpliciter, sed per ipsarum pecuniarum commutationem. & videtur circa nummum ista versari: nam numus primū est, & vltimum in commutatione. Et infinite sunt huiusmodi diuitiæ, quæ ab hac ratione rei augendæ proficiſcuntur. Vt enim medicina sanitatis in infinitum est, & vnaquæq; ars finis in infinitum: nā quam maximè uolunt illum efficere: eorum verò quæ sunt ad finem, non in infinitū: finis. n. extremū omnibus: sic & huius rationis augendæ rei non est finis terminus.

κτῆσις Finis autem tales diuitiæ, & pecuniarum \* possessio: sed rei familiaris, non augendæ rei nō est finis. non enim hoc est rei familiaris opus. quapropter in hac videtur necessarium, ut sit finis omnium diuitiarum. Sed contra video fieri: omnes enim in infinitum augent, qui pecunijs studēt. Causa verò huius est illarum propinquitas: variatur enim vsus eiusdē rei, cū sit vtriusq; acquisitionis. ipsius enim vsus acquisitio, sed  
non

non secundum idem . ac huius quidem alius finis, illius verò amplificatio. Quare videtur quibusdam hoc esse rei familiaris opus, & perseuerant existimantes oportere aut conseruare, aut augere pecuniam in infinitum . Causa uerò est huius dispositionis studium viuendi, sed non bene viuendi . cum ergo cupiditas in infinitum extendatur illa quoque quæ efficiunt infinita cupiunt . Sed qui bene uiuere student, ad fruitionem corporis diuitias quærunt . Vnde cum hoc quoque in acquisitione consistere uideatur , omnis eorum cura circa acquirendum est: & altera augendi species hinc processit . cum enim fruitio modum excedat, illam adhibent quæ huiusmodi excessum adimplere possit . & si per hanc acquirendi speciem nequeant parare, per aliam causam efficere conantur: unaquaq; freti potentia non secundum naturam. Fortitudinis enim non est pecuniam parare, sed fiduciam animi. neq; rei militaris, aut medicinæ: sed illius quidē victoriam, huius verò sanitatem . At illi cuncta ad pecuniam conuertunt , quasi hæc sit finis : ad finem verò cuncta oportet rendere . De illa igitur acquirendi specie, quæ necessaria non est, & quæ nam ea sit , & propter quam causam illa indigemus , diximus : & de illa quæ necessaria est, quod altera ab illa, & disciplina rei familiaris, secundum naturam circa alimentum , nec infinita sicut illa, sed finem habens .

*De acquisitione necessaria , numularia , & speciebus eius . Cap. VII.*

**E**X hoc patet id , de quo ab initio dubitabatur virum gubernatoris domus & ciuitatis

fit acquirere uel nō, sed oporteat prius esse acquisitum. sicut enim homines non facit res publica, sed factos à natura suscipiens utitur illis. sic & alimentum oportet naturam præbere, aut à terra, aut à mari, aut alio quopiam. Sed quem admodum hæc administranda sunt, ad gubernatorem pertinet domus. neq; enim textorię est lanas facere, sed factis uti, & discernere qualis sit bona & apta, & mala & inepta. Enimuero dubitaret utiq; aliquis, cur ea diligentia quæ ad acquirendum pertinet, pars rei familiaris sit: medicina uerò non sit eius pars. Atqui sanam esse familiam, oportet, quemadmodum & uictum habere, aut aliud quiddam necessariorum. Sed cum sit ut patrisfamilias & gubernatoris de salute providere, sit etiam ut non, sed medici: ita etiam de pecuniis est ut patrisfamilias, est etiā ut non, sed ut lucro inservientis. Maxime uerò (ut prius dictum est) natura oportet hæc existere. naturæ enim opus est alimentum genito præbere, cuique enim ex quo generatur, ex eo alimentum relinquitur. itaq; secundum naturam est parandi facultas omnibus ex fructibus & animalibus. Cum uerò & hæc sit duplex, ut diximus, & altera pecuniaria, altera disciplina rei familiaris. & hæc quidem necessaria & laudabilis, illa uerò translata & merito improbanda, quia non secundum naturā, sed ab hominibus acquirit: rationabilissimè habetur odio ipsa numularia: quoniam à numo ipso facit acquisitionem, & non ad quod inductus est. Commutationis enim causa numus inductus fuit, scœnus autem seipsum maius facit. unde & nomen venit: quoniam illa quę pariuntur, similia sunt gignentibus: in scœnore autem numus numum parit

parit: quare maximè præter naturam est hic acquirendi modus. Quoniam verò quæ ad cognitionem pertinebant, determinauimus sufficienter; illa quæ ad usum pertinet, discutienda sunt. cuncta enim hæc considerationem habent liberalem, experientiam verò necessariam. Sunt autem circa acquirendum partes vtilēs rerum ipsarum quæ acquirendæ sunt, peritiam habere quæ optimæ sint, & vbi, & quomodo: ceu quales equi comparandi sint, quales boues, aut pecudes. eodem modo in alijs animalibus. oportet enim peritum esse, quæ istorum potissima, & vbi, & qualia. nam alia alibi potiora gignuntur. Deinde aggriculturæ, eiusque specierum, vt nudi foli, & consiti, & apium, & aliorum animalium natalium, tum uolatilium, ex quibus sit utilitas prouentura. maximè igitur propriæ acquisitionis istæ sunt partes, & primæ. Eius uerò quæ per translationem dicitur, potissima pars est mercatura. Et huius partes tres: nauigatio, deuestio, negociatio. differunt autem hæc inter se, cum alia securiora sint, alia fructuosiora. Secunda pars est scœneratio. Tertia mercenaria. & huius alia vilium artium: alia sine arte, solo corpore ministrante. Est & quarta acquirendi species, media inter hanc & primam (habet enim partem eius quæ est secundum naturam, & partem eius quæ per translationem dicitur) & est in his omnibus (quæ à terra, & ab his quæ terræ sunt, non à fructibus, sed ab vtilibus, ceu sylua cædua, & omni metallica. hæc rursus multas complectitur partes: nam multæ sunt ex terra metallorum species. De singulis horum in genere dictum est nunc: in specie verò de his dicere vtile quidē foret ad op. ra. consi.

conficienda, sed graue nimis in his edocendis  
 persistere. Sunt enim operationes illæ artificio-  
 sissimæ in quibus minimum fortunæ est: illæ  
 sordidissimæ, in quibus maximè inquinatur  
 corpus: illæ seruilissimæ, in quibus corporis est  
 vsus plurimum: illæ uerò ignobilissimæ, in qui-  
 bus minimum requiritur virtutis. Cùm uerò sit  
 à quibusdam de his scriptum, vt à Charere Pa-  
 rio, & Apollodoro Lemnio de cultu agrorum  
 tam nudorum quàm consitorum, & similiter ab  
 alijs, de alijs ea quidem, cui cura est, præcepta  
 consideret. Etiam quædam à frugi patribus fa-  
 miliæ dicta colligere oportet. hæc enim cuncta  
 utilia sunt his qui augere patrimonium curant.

*Thaletis sa-  
 pientia.*

Quale est illud Thaletis Milesij. id enim consi-  
 deratio quædam est ad acquirendum, sed illi  
 quidem attributum propter sapientiam. est au-  
 tem uniuersale quiddam. cui cùm obiiceretur  
 philosophiæ studium propter inopiam, quasi  
 inutile & infructuosum, prospexisse illum ferunt  
 per Astrologiam, oliuarum ubertatem futuram.  
 cumq; coegisset paucillum pecuniarum, hye-  
 me adhuc vigente emptionem olei, fecisse in Mi-  
 leto, & in Chio, pro paruo admodum pretio, ut-  
 pote nemine plus offerente, arrhasque dedisse.  
 Cùm itaq; postea tempus venisset, multis subito  
 querentibus, uendidisse oleum, quanti ipse vo-  
 luit: ac magnam uim pecuniarum inde super-  
 lucratum, ostendisse amicis, perfacile esse phi-  
 losophis ditari si uellent: sed hoc non esse illis  
 curæ. Thales igitur in hunc modum dicitur sa-  
 pientiam suam ostēdisse. Est autem (vt diximus)  
 uniuersalis hic querendi modus, si quis possit  
 sibi soli venditionem comparare. Quapropter  
 ciuitates quædam hunc faciunt queritum, cū  
 indi-

indigent pecunijs : uenditionem enim sibi solis referuant . In Sicilia quidam cum apud eum pecunia reposita esset , ferri quicquid erat ex ferrarijs emit : postea uerò mercatoribus illud accedentibus uendebat solus , non magnum excessum pretij faciens , sed tamen ita , ut pro quinquaginta talentis , centum conficeret . Hoc itaq; sentiens Dionysius , pecunias quidem illi non abstulit , sed amplius Syracusis morari uetuit : ut qui redditus reperijset suis rebus inutilis . Iste uidit aliquid tale , quale Thales uidebat : uterque enim sibi soli uenditionem parauit . Hoc est utile uidere etiam in republica , nam ciuitates pecunijs indigent , & huiusmodi quæstibus , quemadmodum domus , sed & magis . quam obrem in Republica quidem huic soli parti intendunt .

*De partibus rei domesticæ , ac differentia , virtutibus mulieris , serui , pueri , imperantis , parentis , & artificum . Cap. V I I I .*

**Q**Voniam uerò tres erant partes rei domesticæ , una dominica , de qua supra diximus , alia paterna , tertiâ cōiugalis : Nā & uxori præest & filijs , tanquam liberis quidem ambobus , sed non eodem imperij modo , sed uxori quidem ciuilitè , filijs autem regie . Masculus enim quàm foemina natura prior est , nisi alicubi contra naturam cōstituerit , & quod antiquius est & perfectum , iuniore & imperfecto : In ciuilibus igitur principatibus plerunq; cōmutatur is qui præest , & is qui subest . nā æquales esse uolunt secundum naturam nec quicquam differre . attamē cum h. c. quidē præest.



præst, ille uerò subest, requirit differentiam, & figuris, & sermonibus & honoribus. vt Amasis inquit, de pedum lotore, enim uerò masculus ad foeminam semper ita se habet. Filiorum autem imperium est regiũ. Quod enim genuit, quodque per amicitiam præst & per etatẽ, id ipsum est idẽ quod species quãdam regij imperij. Ideo benè Homerus de Ioue inquit:

*Hominum pater, atq; Deorũ.*

sic appellans horum omnium regem. Natura enim excellere regem oportet, genere autem esse eundem: quod accidit seniori ad iuniorem & parenti ad natum. Manifestum ergo est, quod plus studij domesticæ disciplinæ est circa homines, quàm circa possessionem inanimatorum; & circa horum uirtutes, quàm circa uirtutes possessionis, quas diuitias appellamus: & circa liberos magis, quàm circa seruos. Primum igitur de seruis dubitauerit quispiam, utrum præter ministeria, & corporalia opera; sit aliqua uirtus serui excellentior: puta modestia, & fortitudo, & iustitia, & alij huiusmodi habitus; vel non sit vlla, præter corporalia ministeria. Ambiguitatem sanè id utraque ex parte habet, nam siue sit aliqua, excellentiores erunt serui quàm liberi: siue non est aliqua, cum sint homines rationis participes, absurdum uidebitur. Eadem est ferè questio de muliere & puero, utrum & licet cum sint uirtutes, & oporteat mulierẽ esse modestam, & fortem, & iustam: & an puer sit intemperans, & modestus, an non. Et uniuersaliter id quaerendum est de imperante natura & parente, utrum eadem uirtus, an alia. Si enim oportet utrosque participes esse uirtutis, cur tandem alter imperare debet, alter patere penitus?

penitus? Non enim secundum magis & minus possunt differre. nam imperare & patere specie differunt, & non secundum magis & minus. Sin verò alium oportet, alium non, admirabile est. Nam si imperans non erit temperatus & iustus, quomodo bene imperabit? Sin is cui imperatur, quomodo bene parebit? intemperatus enim & timidus, nihil faciet ut oportet. Cōstat igitur oportere utrosque habere uirtutem. sed in ipsa uirtute esse differentiam: quemadmodum in ijs quæ natura obediunt, id apertè in animo inspicitur. est enim in animo quod natura imperat, & quod paret: quorum diuersam censemus esse uirtutem, & ut rationem habentis, & irrationalis. patet igitur eodem modo se habere in aliis. Quare pleraque sunt natura imperantia & parentia. Alio enim modo liber præst seruo, & masculus scemina, & vir puero: & omnibus insunt partes animæ, sed differenter insunt. seruus enim omnino non habet deliberandi arbitrium. mulier uerò habet quidem, sed inualidum: puer autem habet, sed imperfectum. Eodem igitur modo se habere necesse est & circa morales uirtutes. Putandum est autem omnes participes esse oportere, sed non eodem modo, sed quantum cuique opus est. Ex quo fit, ut is qui imperat, perfectam uirtutem se habere debeat moralem (nam eius opus est simpliciter præcipientis ac præsidens: ratio autem præcipit atque præsidet) aliorum uerò unusquisque quantum sibi competit. Quare patet uirtutem moralem esse omnium supradictorum. Nec eadem temperantia mulieris, & viri, neque fortitudo, neque iustitia, ut Socrates putabat: sed hæc quidem iubens fortitudo

fortitudo, illa verò obediens. eodem modo & in alijs. Patet autem id magis particulariter cōsiderantibus. nam qui vniuersaliter dicūt, quòd benè se habere animum virtus est, & rectè agere, aut aliquid tale, seipso decipiunt. multò enim melius dicunt, qui enumerant virtutes, quemadmodū Gorgias, quàm qui ita definiunt. Quapropter oportet sicut poëta de muliere dixit, ita censere in omnibus: *Mulieris decus affert taciturnitas, sed non ita viro.* Cū verò puer sit imperfectus, patet, quòd & huius virtus nō ipsius ad seipsum est, sed ad perfectum & ducem. similiter & serui ad dominum. posuimus autem seruum esse vtilem ad necessaria. quapropter patet ipsum virtute indigere parua, & tanta vt neque propter intemperantiam, neque propter timiditatem in operibus deficiat. Dubitabit verò aliquis ( si uerum est quod nunc diximus ) utrum artifices oportet habere uirtutē. nam sæpe propter intemperantiam deficiunt in operibus. An hoc longè differt. nam seruus quidem adhæret nobis communione uitæ: ille autem remotior est: & tantum sibi competit uirtutis, quantum seruitutis. uilis enim artifex determinatā quādam habet seruitutem. Et seruus est secundū naturā: sed nemo sutor, nec alius opifex. Patet ergo quòd huius quidem uirtutis causam esse oporteat dominum seruo, non eum qui doctrinam habet in operibus dominicam. quapropter non benè dicunt, qui seruos spoliant ratione, dicentes præcepto uti duntaxat. admonendi sunt enim magis serui quàm pueri. Et de his in hunc modum determinatum sit. De uiri autem & mulieris, filiorumq; & patris uirtute, & conuersatione ad inuicem, quid rectè uel contrā, &

quem uideo

quomodo oportet, hoc quidem facere, ab illo  
autem abstinere in his quæ in republica conspi-  
ciuntur, necesse est intueri. Nam cum omnis  
domus sit ciuitatis pars: illi autem domus: par-  
tis autem virtus ad totum respicere debeat: ne-  
cessarium est respicienti ad rempublicam filios  
vxoressq; instituere. si quidem refert ad rectam  
institutionē reipublicæ pueros & mulieres esse  
bene institutos. Enimuerò referat necessarium  
est. nam mulieres media pars sunt hominum li-  
berorum: ex pueris autem sumuntur qui tempu-  
blicam gubernent. Quare cū de his determina-

tum sit, de reliquis autem in alijs sit dicen-  
dum, omissis propositis, tanquam si-  
nem habētib; alio sumpto prin-  
cipio differamus: ac primū

illa discutiamus, quæ tra-

dita sunt de opti-

mo ciuitatis

statu.



# ARISTOTELIS POLITICORVM

## LIBER SECVNDVS.

### SVMMA LIBRI.

*Diversæ Respublicæ examinantur, inuicem comparantur, ac improbantur.*

*Non omnem unionem, ac communitatem in ciuitate querendam esse, contra Socratis rempublicam, apud Platonem. Cap. 1.*



Quoniam proposuimus considerationē facere de ciuili societate, quæ sit optima omnium ijs, qui possunt uiuere maxime ad votum: oportet alias quoque considerare respublicas, quibus uiuntur ciuitates aliquæ earum, quæ bene legibus institutæ uidentur: & si aliquæ sint aliæ ab aliquibus scriptæ, quæ bene se habere uideantur, ut recta institutio utilitasque appareat. Nec putetur esse ad ostentationem & superfluitatem, querere aliud quidpiam præter illas: sed quia illæ non se habent, ideo hūc laborem à nobis esse susceptum. Incipiendum est autem ab eo, quod est secundū naturā huius considerationis principium. Necessarium quidem est, aut omnia esse communia inter ciues, aut nulla, aut quædam. Enimuero nulla esse cōmunia,

nia, impossibile cōstat esse: cūm ciuitas sit communio quādam. Ac primo necesse est locum esse cōmunem. nam locus quādā paritas est unius ciuitatis: ciues autē socij unius ciuitatis. Sed utrū melius fuerit in bene instituēda republica, quācūq; recipere communionē possunt, ea omnia esse communia: an quādā communia esse, quādam non esse? Nam fieri posset vt filij, vt vxores, & res quę possidentur, communes essent, quēadmodū in Platonis Republica. ibi enim Socrates inquit, oportere communes esse filios, & mulieres, & facultates. Id uerō utrū prāstant ita fieri, vt nunc fit, vel secūdum legem illam in republica scripta? Continet porrō & alias\* turbationes permultas ista mulierum communio: & id, propter quod censuit legem hanc esse ferendā, non videtur consequi ex rationibus. Prāterea ad finem, quem inquit oportere ciuitati existere (ut nunc quidem dictum est) impossibile. Quomodo autem distinguere oporteat, nihil ab eo determinatum est. dico autem, vt quod vna uidelicet sit ciuitas tota, tanquam id sit maximē optimum. suscipit enim hanc suppositionem Socrates. Atqui cōstat, quod ea si procedat, vt vna fiat magis, ciuitas non erit. Est enim ciuitas multitudo quādam secundū naturam, quā dum fit vna magis, domus erit ex ciuitate, & homo ex domo. vnā enim magis domum censemus esse quā ciuitatem, & hominem vnum quā domum. quare etiam si posset quispiam hoc facere, tamen non esset faciendum, quia perimit ciuitatem. Nec solum ex multitudine hominem constat ciuitas: uerum etiam ex eorum multitudine, quia specie differunt. non fit enim ciuitas ex similibus. alium enim ad bellum consue-

\* δυσχε  
ρεας.



deratio quàm ciuitas, illa enim quantitate prodest, & si eadē sit specie, cū auxiliij gratia fiat, ceu si pondus magis attrahat. Differt autem & eo modo ciuitas à gente, quando per pagos diuisa non sit multitudo, sed quemadmodum Arcades. Ex quibus autem unum fieri oportet, specie differunt. quāpropter æquale repensum ciuitatem conseruat, ut in Ethicis dictū est prius. quoniam inter liberos & æquales necessariū est hoc esse, nam omnes simul magistratum gerere impossibile est, sed aut per annum, aut per aliam præsinitionem, & tempus. atque isto modo fit, ut omnes gerant magistratum: ceu si mūtarentur sutores & fabri, nec semper idem sutores ac fabri essent. Cū uerò melius sit, ita se habere ea quę sunt circa societatem ciuilem, manifestum est melius fore, si iidem semper magistratum gererēt, modò id fieri posset. Sed in quibus hoc fieri nequit, propterea quòd omnes natura sunt pares, simul est iustum (siue bonum, siue prauum sit gerere magistratū) ut omnes huius muneris particeps fiant, & in eo imitari vicissim æquales, cedēdo inuicem alios alijs, utpote qui ex principio sint æquales. nam alij regunt, alij reguntur in parte, tanquam si ipsi alij fiant. eodem modo illorum qui regunt, alij alios gerunt magistratus. Patet igitur ex his, quòd non recipitur sic vnā aptā esse ciuitatem, ceu dicunt quidam: & quod maximum fore commodum ciuitatibus dicebatur, id interimit ciuitates, scilicet qui singulorum bonum singula conseruat. Patet etiam alio modo, quòd querere nimium vnire ciuitatem, non est melius. Domus enim magis sufficiens est, quàm homo vnus: ciuitas autem quàm domus. & vult quidē tum esse ciuitas, cū habet

habet sufficiētiā multorum societas. Si igitur magis expetendum est, quod magis sufficiētiā habet, certē & minus vnum, eo quod est magis, expetibilius est.

*Socratica opinionis improbatio, mulierum, ac filiorum communis in re publica constituentis. Cap. 11.*

**E** Nimuero nec si optimum sit unum quāmaximè esse ciuitatē, tamen id demonstrare non videtur ex sermone, si omnes simul dicāt meū, & non meū. hoc enim Socrates putat signū esse ciuitatis perfectè vnitæ. At enim verbum, Omnes, duplex est. Si igitur tāquam singuli, forsā esset magis, quod efficere vult Socrates. singuli enim eundem filium suum dicerent, & mulierem eandē, & de facultatibus, & de quibusuis alijs alia eodem modo. Nunc autem non ita dicunt, qui communibūs vtiuntur mulieribus, & filijs: sed omnes quidē, at non vt singuli ipso- rum. eodemq; modo de facultatibus, omnes qui dem, sed nō vt singuli eorum. Quodd igitur aberratio quædam sit in uerbo, Omnes, manifestum est. nam & utraq;, & imparia, & paria dicit propter duplicitatem, & in sermonibus positum litigiosos facit syllogismos, quare hoc ipsum, Omnes, dicere, uno quidem modo bonum est, sed nequaquam possibile: alio autē modo nihil consentaneum. Habet præterea quod dicitur, nocu- mentum aliud: quod enim multorum commu- ne est, in eo minima adhibetur diligentia. nam de proprijs maximè curant homines, de cōmu- nibus autem minus quā quantū singulis com- petit. tanquā enim alio curante, ab alijs negli- guntur,

guntur, quemadmodum in seruilibus ministris, famulantes multi interdum deterius inserviunt, quàm pauci. Fiunt autem unicuique ciuium mille filij, & hi non ut singulorum, sed ut cuiusuis quiuis similiter est filius. quare omnes similiter negligent. Præterea isto modo singuli suum dicent bene agentem aut malè quotiescunq; contingat numero. puta, meus est aut illius, hoc modo dicens de singulis ex mille, uel ex quot ciuitas sit, & hoc dubitans. nam incertum est utri contigerit genuisse filium, & saluum esse genitum. Atqui utrum præstat sic dicere suum, ita vocantes unumquemque duorum milliū, & decem milliū: an magis ut nunc in ciuitatibus suum vocant, hic quidem filium suum, ille fratrem suum, ille nepotem suum, aut per aliam quandam coniunctionem & ex consanguinitate, uel familiaritate, & affinitate sui primum, uel suorum. & præterea alterum sodalem, alterum contribulem? præstat enim esse proprium nepotem, quàm illo modo filium. Quinimo nec uitari quidem potest, quin agnoscantur à quibusdam fratres & filij, & patres & matres. nam per similitudines natorum ad parentes, necessarium est ut fidem recipiant de sese inuicem. Quod tradunt scriptores quidam populi superioris Libyæ euenire. Habere enim mulieres communes, filios tamen partiri inter se secundum similitudines. † Sunt enim mulieres quedam, & animalia, ceu equi & boues, quorum ea natura est, ut similes genitoribus edant foetus, ut equa illa apud Pharsaliam, Iusta nuncupata. Et præterea huiusmodi molestias non facile erit uitari ab ijs, quæ eam statim communitatem: puta, plagas & neces partim uoluntarias, partim inuoluntarias, & rixas, & iurgia,

† al. cod. ad  
matorum.

quæ nefas committere aduersus parêtes & propinquos, magis quàm aduersus extraneos. Sed frequentius illa euenire necesse est, ubi ignorant quàm ubi sciunt & ea si contingant, à scientibus expiari debito modo possunt, ab ignorantibus verò non possunt. Illud etiam absurdum, quòd qui filios communes fecerunt, coire solum amantes uetuerunt, amare uerò non uetuerunt: nec alios usus, quos esse patri ad filios, & fratri ad fratrem, omnium deformissimū est, cum & amare solum. Absurdū etiam non aliam ob causam coitionem illorum uetuisse, nisi quia nimia uoluptas inde sit prouentura: sed quia pater sit, aut filius, aut fratres ob eam rem nihil putare referre. Videtur autem magis prodesse, ut agricolis communes sint mulieres & filij, quàm custodibus minus enim erit amicitia, si communes sint nati & mulieres. enim uero tales sint quibus imperantur, oportet, quo ipsi pareant imperio, nec res nouas in ciuitate moliantur. Penitus autem contrariū, eueniat necessarium est ex huiusmodi lege, quàm ea quorū causa optimas lege esse oportet, & quàm id cuius gratia Socrates censet ita instituendum de natis & mulieribus. Amicitiam enim putamus maximū esse bonū ciuitatibus. nam sic minimè seditionibus agitabuntur. Et unam esse ciuitatem laudat maximè Socrates: quod & uidetur, & ipse inquit esse amicitiae opus, ut in amatorijs sermonibus scimus dicentem Aristophanem, propter eximiam amantium cupiditatem, applicari simul, & ex duobus fieri unum. hic ergo necessarium est ambos corruptos esse, uel unum. At in ciuitatibus necesse est amicitiam infirmam fluxamq; fieri propter huiusmodi communitatem, & minimè dicere suum,

\* μικρόν  
γλυκύ.

suum, aut filiū patrem, aut patrē filium. Vt enim  
\* parum mellis multa in aqua diffusum, incensi-  
bilem facit misionem, sic accidit communita-  
tem istam, nequaquam necessariam in tali repu-  
blica, à nominibus extimantibus uel patrem ut  
filij, uel filium ut patris, uel fratres inuicem exi-  
lem profectò beneuolentiam efficere. Duo enim  
sunt quæ faciunt homines curam habere & a-  
mare: propriū scilicet, & affectio. quorum neu-  
trum sit necesse est in huiusmodi republica. In-  
super translatio illa natorum ex agricolis, & ar-  
tificibus in custodes, & ex his in illos, magnam  
continet difficultatem, quemadmodum tādē  
fier: & cognoscant necesse est dātes & trāsferen-  
tes, quibus quos dedant. Præterea & superius  
dicta magis in his necessarium est euenire, pu-  
ta rixas, & plagas, & amores, & cades. nam non  
amplius appellant custodes fratres & filios, &  
patres & matres, qui alijs ciuibus deduntur: &  
rursus qui ex custodibus, alijs ciuibus, ut tale  
caueāt aliquid, perpetrare propter consanguini-  
tatem. De communitate igitur natorum & mu-  
lierum determinatum sit in hunc modum:

*Contra eundem de facultatum communitate; ac  
magistratū in repub. constitutione: ubi erro-  
ris sui causa exponitur. Cap. III.*

**H**Is consequens est de rebus quæ possiden-  
tur, considerare, quomodo sit constituen-  
dum illis, qui in optima republica versari  
debeant: utrum communes esse debeant. vel non  
communes. Hoc seorsum determinandum est,  
nec simul cum his quæ de natis & mulieribus  
constituuntur. Dico autem circa res, utrum & si

siue

sint nati mulieresque separatim, quemadmodum nunc sunt omnibus, præstet tamen res esse communes & vsus. puta, vtrum præstet fundos proprios esse, fructus verò in commune conferre: quod apud quasdam sit gentes. vel contrà, solum quidem commune esse, & communiter coli, fructus autem partiti in proprios vsus: quod etiam facere dicuntur quidam Barbarorum, vel & fundos, & fructus esse communes. Si ergo alij forent agricolæ, alius esset modus & facilior: sed cum ipsi sibi laborent, ea quæ ad possessiones attinent, plures præbunt difficultates. Nam si in fruendo & laborando non sint pares, necesse est incusationes existant. contra fruenter quidem & consumentes multa, parum verò laborantes, ab his qui minus consumunt, & multum laborant. Omnino autem cõiunctus, & communitas rerum humanarum omnium difficilis est, & maximè in his rebus. Probant autem eorum qui vnà peregrinantur societates, quorum plerique ferè dissident inter se de paruis vilibusque rebus offensi. nos quoque ministris illis plurimum irascimur, quibus maximè vrimur ad circularem famulatum. Communes igitur habere res, has & huiusmodi alias cõtinet difficultates. Eo autem modo quo nunc sit, si insuper moribus & moderatione legum rectorum honestetur, non parum distabit. habebit enim vtriusque commoda. dico autem vtriusque, videlicet, eius quod communes sint res, & eius quod propriæ. Oportet enim omnino ut res sint propriæ, sed quodammodo communes. curæ enim diuisæ incusationes adinuicem non parient: imò proficient, utpote ad proprium vnoquoque sedulo incumbente. at verò per virtutem



tutem erunt ad vsum (vt est in prouerbio) quæ sunt amicorum communia. Est autem etiam nunc quibusdam in ciuitatibus in hunc modum subscriptum, ne putetur impossibile. & præcipuè in ijs, quæ bene gubernantur, aliqua sunt, aliqua esse possunt, propria enim sua quisq; possidens, partim vtilia facit amicis, partim vitur communibus. vt in Lacedæmone seruis vitur vicissim, tanquàm forent vniuscuiusque: & præterea equis, & canibus, & vehiculis. Pater igitur esse melius vt propriæ sint res, sed vsu facere illas communes. quemadmodum autem hoc fiat, legislatoris erit prouisio. Est sanè inenarrabile, quantum interfit ad voluptatem, considerare aliquid esse proprium sui. non enim frustra quisq; ad seipsum amicitiam habet est verò id naturale. Sed cum amatio sui reprehenditur, non illud reprehenditur, quia se amet, sed quia magis quàm oportet se amat: quemadmodum amatio pecuniarum. nam amant omnes, vt ita dixerim, talia. Atqui & largiri, & opem ferre amicis, & hospitibus, & familiaribus, dulcissimum est. quod fit, si propriæ sint facultates. hæc autem non cōtingunt illis, qui nimis vnā efficiunt ciuitatem. Et præterea duarum virtutum opera manifestè tollunt, temperantiæ erga mulieres alienas (an his enim opus laudabile est se ob temperantiā abstinere) & liberalitatis circa res possessas. neque enim discerni poterit liberalis, neque liberalem operationem faciet vllam. nam in vsu earum rerum quas ipsi possidemus, liberalis est opus. Illiusmodi itaq; legis positio faciem habet apparentem, & humana videri possit, auditor enim libenter recipit, putans fore mirabilem quandam amicitjā omnibus

nibus erga omnes: præsertim cum quis incommoda accusat rerum publicarum, nunc pro-  
 uenientia ex eo, quia non sint communes om-  
 nium facultates: ceu litigia ex cōtractibus, fal-  
 sorum testium accusationes, diuitum adulatione-  
 nes: quorum nihil sit propter proprietatem, sed  
 propter improbitatem. Cum etiam res in com-  
 muni possidentes, rerumque yntes commu-  
 nione, multo magis inter se litigare videamus,  
 quàm eos qui separatim possident, sed videmus  
 vel paucos qui in commune degant, magis dis-  
 fidere, quàm multi, quorum propria quisque sua  
 habeat, si conferamus utrosque. Insuper æquum  
 erat referre, non solū, quantis malis priuaban-  
 tur, si communitatem rerū habebunt, sed etiam  
 quantis bonis. videtur autem omnino impos-  
 sibilis esse illa vita. Causam verò Socrati huius  
 erroris putandum est fuisse, suppositionem non  
 rectam. Oportet enim quodammodo vnā esse  
 ciuitatem & domum, sed non penitus. est enim  
 quò si procedat, non erit ciuitas: est etiam quò  
 erit quidem propè vt non sit ciuitas, deterior  
 ciuitas: velut si quis concentum faciat vniuo-  
 cum, & versum pedem vnum: sed oportet eum  
 sit multitudo (vt prius diximus) per disciplinā,  
 communem & vnā efficere. Et qui disciplinā  
 sit adhibiturus, volens per illam studiosam face-  
 re ciuitatem, absurdum est, si per talia quadam  
 instituendam putet, ac non per mores, & per  
 philosophiam, & per leges: veluti seruprum in-  
 mentorum que possessionem in Lacedæmone, &  
 comestationem in Creta legislator communem  
 induxit. Neque illud sanè ignorandum est, quia  
 oportet ad longum temporis, ac multos annos  
 inspicere, in quibus haudquaquam poterit la-  
 tere,

tere, an rectè se habeant. sermè enim omnia inuenta sunt quidem, sed alia non inducta, alia ab expertis repudiata. Maxime autem id apparet, si quis opera inspiciat rempublicam sic institutam: non aliter enim poterit fecisse ciuitatem; nisi separet illa atque distinguat, partim in comestationes, partim in genera, partim in tribus. Itaque nihil aliud contigit lege prouisum esse, nisi ut custodes agros non colant, quod nunc Lacedæmonij facere cœpant. Modus verò totius reipublice quis futurus sit in commune degentibus, neque Socrates ipse inquit, neque dictu facile est. Atqui multitudo ciuitatis, diuersorum ciuium est multitudo, de quibus nihil determinatum est, an & agricolis communes esse facultates oportet, vel proprias singulorum: præterea vtrum mulieres & pueros proprios, vel cōmunes. Si enim eodem modo communia sunt omnia omnium, quid differrent isti ab illis custodibus? vel quid plus accedet sustinentibus eorum imperiū? vel quam ob causam imperiū sustinebunt? nisi forte prætexunt aliquid tale quale Cretenses, qui cætera omnia seruis permittentes gymnasia solum illis vetuerunt, & armorū possessionem. Quod si ut in alijs ciuitatibus, ita apud illos talia erūt, quis modus erit communitatibus? necesse est enim duas ciuitates in vna esse ciuitate, & eas inter se contrarias. facit enim alios quidem custodes, quasi in præsidio constitutos, alios agricolas, & artifices, & cæteros, ciues. Litigia verò, & iurgia, & quæcunque alia mala ciuitatibus prouenire inquit, omnia prouenient etiam istis, quanquam dicat Socrates, fore, ut non multum legibus indigeāt, propter disciplinam, veluti

veluti circa res urbanas, & circa forum, & alijs huiusmodi legibus, tribuens solum disciplinam custodibus. Insuper dominos facit suarum rerum, agricolas, ac tollere permittit. At multo magis putandum est fore illos graues & insolentes, quàm illas quæ apud quosdam sunt, Moteias, & penesteias, & dulcias. Enimuerò siue necessaria sint hæc similiter, siue non, nihil nunc quidem determinatum est, neque de consequentibus quæ sit eorum administratio, & disciplina, & leges quædam. Est autem neq; facile reperire, neque parum referens, quales hos esse oporteat ad conseruandam custodum communionem. Atqui si mulieres faciet communes, facultates verò proprias, quis curam habebit rei domesticæ, vt habeant agriculturæ viri, quanuis sint communes facultates, & agricolarum mulieres? Absurdum etiam ex bestiis facere similitudinem, quòd conueniat eadem exercere mulieres, quæ viri, ad quos rei domesticæ cura nequaquam pertinet. Periculosa est insuper magistratum constitutio, quam sic facit Socrates, vt semper sint iidem. At hoc seditionis est causa, etiam apud illos qui nullam possident dignitatem, quid ergo apud bellicosos & animosos viros? Quòd autem ipsi necessarium sit, eosdem semper magistratus facere, patet. non enim aliorum modò, & modò aliorum miscetur animis diuinum illud aurum, sed semper eisdem. Inquit autem quibusdam statim à genitura aurum misceri, quibusdam argentum, æs verò & ferrum illis, qui artifices futuri sunt, aut agricolæ. Præterea custodibus felicitatem auferens, totam, inquit, ciuitatem facere beatam oportet legistatorem.

gillatorem. At impossibile est totam esse beatam, nisi aut plurimæ, aut omnes partes, aut quædam habent felicitatem. non enim eorundem est felicitas, quorū & \* par. fit enim vt in-  
 \* ἀπ' τῶν αὐτῶν  
 alij vertūt  
 integrum. sit toti. & si nulli partium, at felicitatem impos-  
 sibile est. Quòd si custodes non erunt felices, qui tandem alij? non enim artifices quidem, neque vulgus. Illa igitur respublica, de qua Socrates locutus est, has continet difficultates, & alias, his non minores.

*De ea reipub. Socratis parte, in qua de legibus agit,  
 & eius redargutio. Cap. 1111.*

**F**Erme autem similiter circa leges quoque se habet postea scriptas: quapropter & de illa reipublicæ parte hîc cogitare parū, melius erit. Etenim in republica de paucis admodum determinavit Socrates: vt de mulierum & natoꝝ communitate, & de rebus possessis, ac de institutione reipublicæ. Diuisit enim in duas partes multitudinem habitantium, in agricolas, & propulsatores belli: tertiam ex ijs fecit, eos qui cōsultant ac deliberant, & in quibus summa reipublicæ consistit autoritas. Agricolaꝝ vero & artifices, vtrum nullius magistratus, an alicuius participes sint, & vtrū arma possidere debeant & vnà pugnare, nihil determinauit Socrates, sed mulieres censet vnà pugnare debere, ac disciplinam habere, eandem quam custodes: cætera verò extraneis peregit sermonibus, & disciplinam custodum qualem esse illam oportere. Legum autem maxima quidem pars leges existunt publicæ: pauca verò de republica dixit: quam dum pergit communioꝝ facere, paulatim

latim circumagat in aliam rempublicam. Præter cōmunitatem enim mulierū & rerum possessarum, cetera eadem vtriusque attribuit. nam & disciplinam eandem, & vt abstinentes viuant ab operibus necessarijs. Et de comessationibus eodem modo: præterquam quòd hic existimat mulierum quoque comessationes esse debere, & hanc mille habentiū arma, illam verò quinq; millium. Superfluum ergo quiddam, & compru, & nouum, & dubitatum omnes Socratis habent sermones, sed cuncta rectè, forsan difficile. Nam etiam multitudo illa, de qua nunc dicebatur, latere non oportet, cum tanta sit, quòd Babylonia, aut alia quadam infinita regione indigebit, ex qua ociosorum quinque millia cum mulierum ac ministrantium multiplici turba alantur: Suppositiones quidē sunt pro arbitrio faciendæ, non tamen impossibiles. Dicitur autem debere legislatorem ad duo respicere in ferenda lege: ad regionem, & homines, addendū est & ad vicina loca, si oportet ciuilitate viuere ciuitatem. non solū enim necessarium est ipsam talibus vtī ad bellū armis, quæ villa sint in sua regione, verum etiā quæ in aliena. Quòd si quis huiusmodi non recipit vitam, neque priuatim, neque publicè, nihilominus tamen oportet terribilem esse hostibus, non venientibus solum in regionem, verum etiam abeuntibus. De modo quoque rerum possidendarum videndum est, ne forsan melius sit aliter definire & clarius. Tantas, inquit, possidere oportet, vt modeste viuantur: perinde ac si dicat, vt bene viuantur. Verum hoc est nimis generale: & est modeste viuere, & rurnose tamen, at melius est dicere modeste, & liberaliter. separatim enim vtrunq; alterum luxuriæ



luxuriæ accommodabitur, alterum difficultati,  
 † a. l. cum † cum solæ huiusmodi virtutes habitus sint circa  
 soli huiusce vsum facultatum nostrarum: puta, patrimo-  
 modi virtu- nio mansuetè vel fortiter vti non dicimur, at  
 tus sint. modeste & liberaliter dicimur: quare necessa-  
 rium est circa illud istas versari virtutes. Absur-  
 dum quoque est cum facultates adæquauerit,  
 de ciuium multitudine nihil determinare, sed  
 indefinitam relinquere multitudinem filiorum,  
 quasi sufficienter adæquatam propter sterilita-  
 tes, quocunq; contingant: quod videtur nunc  
 quoque euenire in ciuitatibus. Sed opus est, vt  
 aliam certitudinem tunc habeat, quā nunc. nam  
 nunc quidem nemo dubitat, eo quòd in singu-  
 los diuisæ sunt facultates in quātamcunq; mul-  
 titudinem: tunc verò cum sint indiuisæ, necessa-  
 rium \* dispare nihil habere, siue pauciores sint  
 \* παρὰ-  
 ζυτάς,  
 adinges. multitudine, siue plures. Magis autem putaret  
 quis oportere determinatum esse modum pro-  
 creandorum filiorum, quàm facultatum: vt non  
 plures quàm determinatum sit procreari oporteret,  
 & numerus definiendus est respectu habito  
 ad fortunas, si contingat decedere aliquos, & ad  
 defectum procreandi cæterorum. Frætermittere  
 autem id, vt in plerisque ciuitatibus, necesse est  
 egestatis sit causa ciuibz: egestas verò seditio-  
 nes & delicta parit. Itaque Phidon Corinthius,  
 vnus ex vetustis legumlatoribus, familias cen-  
 suit æquales permanere debere, & ciuium mul-  
 titudine, quamuis sortitiones habebant prius  
 omnes inæquales secundū magnitudinem. at in  
 his legibus cōtrarium est. Verū de his, quem-  
 admodum statuendum putemus, postea erit di-  
 cendū. Omissum est etiam in illis legibus, quem-  
 admodum differant præfides à subiectis. Inquit

enim

enim oportere, quemadmodum ex alio lana  
 filum ducitur quàm lini, sic & eos q̄ p̄sunt, se  
 habere debere ad eos qui subsunt. Cum verò to-  
 tam substantiam augeri dixerit vsque ad quan-  
 tuplum, quare hoc utique non erit in regione  
 vltique ad aliquid? Videndum est etiãne adifi-  
 ciorum diuisio non profit ad rem familiarem.  
 duas enim cuique domos attribuit: at difficile  
 est duas habitare domos. Tota verò constitutio  
 ¶ vult esse neque plebis gubernatio, neque pau-<sup>†</sup> *apparet.*  
 corum potentium, sed horum media, quam vo-  
 cant rempublicam. est enim ex iis qui arma fe-  
 runt. Si igitur ut communissimã omniũ hanc  
 ciuitatibus cõstituit rempublicam, rectè forsan  
 dixit: sin vt optimam post primam rempublicã,  
 non rectè. forsan enim Lacedæmoniorum rem-  
 publicam quis magis probabit, uel aliam quan-  
 dam magis optimatium. Sunt qui dicant opti-  
 mam rempublicam ex omni genere guberna-  
 tionum admistam esse debere, atque ob id La-  
 cedæmoniorum laudant rempublicam: cõstare  
 quidem illam ex paucorum potentia, item ex  
 vno principe & populari statu affirmant, ponē-  
 tes regem illorum pro unius gubernatione, se-  
 natum verò pro paucorum potentia: ephoros  
 autem pro statu populari, quoniam ephori ipsi  
 ex plebe sumuntur, alij ephoratum quidem ty-  
 rannidem putant, sed populariter regi per co-  
 messationes, & alium quotidianum uictum. Sed  
 in his legibus dictum est, optimam rempublicã  
 ex populari statu cõstare debere: ac ex tyran-  
 uide: quas aut non reponat quis omnino inter  
 species rerum publicarum: aut deterrimas om-  
 nium esse fateantur. Melius ergo dicunt qui plu-  
 res commiscet: nam quæ ex pluribus constat

respublica, melior est. Deinde nihil videtur habere ex vnius gubernatione, sed ex paucorū potentia ac populari statu, verum ad paucorū potentiam inclinare magis, quod patet ex magistratuum creatione. nam quod ex delictis fortitio fiat, commune est vtrisque. Sed quod necesse sit ditiores concionē habere, & magistratus creare, vel aliud quippiā huiusmodi publicorum negotiorum facere, alios verò præteriti, id paucorū potentia est. Insuper conari, ut plures ex diuitibus ad dignitates sumantur, & ad maximas quidem ex maximo cēsu, paucorū potētia est, & senatus delectio. Deliguntur enim cuncti ex necessitate, sed ex primo cēsu: postea totidē ex secundo, postea ex tertio, verum non omnes necesse erat ex tertio vel quarto assumi, ex quarto autē: quartorum solis necesse est primis & secundis, postea ex his equalem ex singulis censibus numerum esse sumendum inquit, erunt itaq; plures & potentiores, qui ex maximo censu sumūtur.

*¶ a. l. c. od.* tur, ¶ quia necesse non est. Quod igitur non gubernatione plebis, ac vnius principatu constabit huiusmodi respublica, ex his: patet patebit etiam postea, cum de ea specie reipublicæ tractabimus. Habet etiam circa magistratuum creationem, quod ex delectis deligantur, periculosum quippiam. Nam si aliqui conspirare velint: etiam mediocri numero, semper secundum horum voluntatem fiet assumptio. In legibus igitur illa respublica ita se habet.

*De Phælea, quæ & Chartaginensium est, respublica.*

*Cap. V.*

**S**Vnt verò & aliæ quædā respublicæ tum idiotarum, tum philosophorum, & in administratione

stratione ipsarum uersatorum. Omnes autem  
 he propinquiores sunt illis, secundum quas nunc  
 regunt, quam ista duæ. nullus enim neque de  
 communitate filiorum, neque de mulieribus ta-  
 lem aliquam introduxit nouitatem, neque etiam de  
 foeminarum comestationibus, sed à necessarijs  
 magis inchoant. Videtur quibusdam maximè,  
 ut de patrimonijs rectè constituantur: nam hinc  
 seditiones oriri cunctas asserunt. Quamobrem  
 Phaleas Carthaginiensis ante omnia de hac par-  
 te constituit. Inquit enim patrimonia ciuium equa-  
 lia esse debere, hoc autem per facile factum esse, si  
 statim ab ipsa cōditione ciuitatis prouideretur.  
 Postquam uerò condita foret, difficilius quidē,  
 attamen satis mature adæquari posse, si diuites  
 dotes dent neque accipiant, pauperes autē con-  
 trā, accipiant dotes, & nō tradant. Plato autem  
 in legibus suis usque ad aliquid censuit esse per-  
 mittendum. nam supra quincuplum eius quod  
 foret minimum, nemini licere ciuium possidere,  
 ut prius diximus. Sed oportet ne id quidem la-  
 tere legistatorem (quod certè nunc latet) quod  
 qui patrimonio modum imponit, debet etiam  
 filiorum numero modum imponere. nam si ex-  
 cedat multitudo filiorum patrimoniij facultatē,  
 necessarium erit legem abrogare: & sine illa ab-  
 rogatione improba lex erit, quoniam ex diuiti-  
 bus pauperes facit, opus est ergo, ne tales sedi-  
 tiones efficiantur. Quod \* igitur ualet aliquid in \* *Siote.*  
 republica patrimonijs exæquatio, & vete-  
 rum aliqui uidentur cognouisse, ut Solon con-  
 stituit, & apud alios lege cauetur, ut non quan-  
 tum quisque uelit, sed quantum lex permittit,  
 agri possideant. Eadem quoque ratione patri-  
 monia sua alienare leges vetant: ut est apud Lo-

eros lege cautum, ne quis patrimoniu alienare possit, nisi euidentem calamitatem ostenderit superuenisse, præterea ut antiquæ hæreditates cõseruetur. Quod sublatum apud Leucada, valde popularem eorum ciuitatem effecit. non enim amplius euenit, ex taxatione census ad magistratus assumi. Sed & æqualitatem quidem patrimoniorum constituit: verum hæc aut ita magna esse, ut deliciari liceat: aut ita exigua, ut tenuiter victum agat. Patet igitur non sufficere patrimonia exæquata fuisse à legislatore, sed medium cõiectandum esse. Præterea si quis mediocria statuatur omnibus patrimonia, nulla utilitas est. magis enim cupiditates adæquandæ sunt, quàm patrimonia: hoc autem fieri non potest, nisi sufficienter disciplina ciuibus adhibita per leges. Sed forsitan responderet Phaleas, hoc ipsum se dicere. Censet enim horum duorum æqualitatem ciuitatibus inesse debere, patrimonij scilicet, ac disciplinæ, sed quæ tandem hæc disciplina sit exprimendum fuit: & vnã eandemq; esse, nihil prodest. nam fieri potest, ut sit vna eademq; disciplina, verum eiusmodi, per quam cupidi fiant pecuniarum, aut honoris, aut vtriusq;. Insuper seditiones oriuntur, non solum ob patrimoniorum, verum etiam ob honorum inæqualitates, & hoc diuersum in vtroq;, nã multitudo quidem grauitur inæqualitatem patrimoniorum, præstantes autẽ viri honorum æqualitatem. unde illud natum est:

*Honori incumbit tam ignauus, quam bonus.*

Non solum verò homines propter necessaria iniuriuntur, quorum remedia putant adæquationem patrimoniorum, ne spolient alios propter frigus, aut propter famem, verum etiam ut

gaudeant, neq; concupiscant. nam si maiorem habeant necessariorum cupiditatem, ob huiusmodi iniurias inferunt. Non ergo ob hanc solum, verumetiam si concupiscant ut molestia careant, & uoluptate fruantur. Quod igitur horum trium remedium est? his quidem exiguum patrimonium & opificium, illis autem temperantia: tertium verò si quis uelit per illa delectari, non aliunde quàm à philosophia quærat remedium. nam ceteræ quidem hominibus egent, eum iniurias inferunt plurimum propter superflua, non propter necessaria: puta tyrannidē inuadunt, non ut frigus repellant: quapropter hos maximus habetur, non ei qui furem occiderit, sed ei qui tyrannum. Itaque Phaleas paruis duntaxat iniurijs ac sua reipublicæ constitutione succurrit. Præterea multa statuere pergit, per quæ ad seipsos rectè instituti erunt, sed oportebat quoque ad finitimos, & peregrinos omnes. Necessè est ergo constitutam esse rempublicam ab bellicum robur: de quo ille nil dixit. Eodem modo de facultatibus. tantas enim esse oportet, ut non solum ad ciuium usum, verumetiam ad pericula externa sufficiant. quare nec ita magnas esse decet, ut finitimi concupiscant, quibus resisti non possit. nec rursus ita paruas, ut cum paribus & similibus bellum nequeant sustinere: ille quidem nihil determinauit. Oportet autem neque id latere, quantas facultates habere conducat. Forte recta determinatio fuerit, tantas esse debere, ut lucrum superantibus bello, asferre non possint, sed ita quasi nihil superacquirant. Quare Eubolus considerare iussit Autophradam cum Atarneæ obsidere vellet, cogitaret ut quanto tempore circa expu-



\* δὲ ὅτι  
 διὰ μὲν  
 νόμους, διὰ  
 ἀρα μιν  
 ἡ λύσις.

gnationem eius loci distineretur, ac existima-  
 ret huius temporis iacturam: uelle enim pro  
 minori pretio iam tunc Atarneam relinquere. quæ  
 cum dixisset, Autophradatem in sententiâ tra-  
 xit, & obsidionem prætermittere fecit. Habet  
 igitur utilitatem exæquatio patrimoniorum  
 inter ciues, ne inde seditiones oriantur, verum  
 (ut ita dixerim) non admodum magnam: nam  
 & præstantiores conqueri possent, quasi ipsi  
 plus habere debeant. ex quo fit ut ipsi sæpe in-  
 surgant, ac seditiones concitent. Præterea, im-  
 probitas hominū insatiabilis est. & primo qui-  
 dem sufficere dicunt in pauca atque minima:  
 mox verò, ubi illa sunt consecuti, plura appetunt  
 semper, quousque in infinitum procedant. in fini-  
 ta est enim cupiditatis natura, ad cuius exple-  
 tionem plurimi viuunt. Horum igitur principium  
 est magis, quam patrimoniorum exæquatio, ci-  
 uitatem sic instituere, ut boni quidem viri plus  
 quam sibi competat, habere non quærant: im-  
 probi autem etsi quærant, habere non possint.  
 hoc autem fiet, si inferiores sint, nec iniuriam pa-  
 tiantur. Nec verò in hac ipsa exæquatione pa-  
 trimoniorum, rectè est ab eo dispositum, cum fun-  
 dos & egros exæquet solum: sed sint seruorum  
 quoque armentorumque & pecuniarum diuitiarum, &  
 apparatus ingens earum rerum, quas supellec-  
 tem uocitamus. An igitur horum omnium exæ-  
 quatio quærenda est, vel moderatio quædam me-  
 diocritas, an cuncta omittenda? videtur autem ex  
 ipsarum legum positione ciuitatem exiguam cō-  
 stituere: si quidem artifices omnes publici erunt,  
 nec multitudinem augebunt ciuitatis. sed certè  
 publicos esse eos qui publica faciunt opera oportet,  
 quemadmodum & Epidamni: & Diophan-

tus quandoque Athenis constituit. De Phalea  
igitur republica serè ex his deprehendi potest,  
si quid ab eo sit bene dictum, uel non bene.

*De Hippodami, & Milesiorum republica.*

*Cap. VI.*

**H**ippodamus autem Euryphontis Milesius  
qui & ciuitatum diuisionē inuenit, & Pi-  
ræū abscidit; cum esset in cetera quoq; ui-  
ta morosior, ppter gloriæ cupiditatē, usq; adeo  
ut quibuldam uideretur, superfluous capillorum  
prolixitate & ornatu sumptuoso, præterea vesti-  
tu utili quidē, sed admodum sarcto, non in hie-  
me solū, uerum etiam in æstate: studiosus au-  
tem de omni natura esse uolens, primus om-  
nium, qui non in republica versari essent, ag-  
gressus est aliquid dicere de optimo ciuitatis  
statu. Constituit autem ciuitatem multitudine  
decem millium, in tres diuisam partes, facie-  
bat enim unam partem artifices, alteram agri-  
colas, tertiam propulsatores belli atque arma-  
tenentes. Diuisit quoque regionem in tres par-  
tes, ut esset pars una sacra, alia publica, tertia  
priuata. unde cultus Diis fieret, sacra: unde ue-  
rò propulsatores belli alerentur, publica: quæ  
autem agricolarū foret, priuata. Legum quoque  
tres esse species solū putabat: de quibus uerò  
iudicia fierent, totidem esse numero, iniuriam,  
damnum, cædem. Ponebat quoque unum iudi-  
cium principale, ad quod omnia male iudicata  
reuocarentur: idque constituebat ex senibus  
quibuldam delectis. Sentētiās uerò in iudiciis,  
non calculis ferendas esse censebat, sed unum-  
quenque iudicem tabellam asferre, in qua scri-  
beret,

beret, si condemnaret simpliciter, sententiam: sin absolueret simpliciter, vacuum: sin partim condemnaret, partim absolueret, id ipsum definiret. nam vt nunc quidem fit, non rectè prouisum à lege existimabat: quia cogantur homines aut hoc, aut illud iudicantes, peierare. Ferebat quoque legem de ijs, qui vtile quippiam ciuitati reperissent, vt honoribus afficerentur. Filios autem eorum, qui pro patria bellando occubissent, ex publico alendos esse: quasi id non prius fuerit lege prouisum. nam est nunc Athenis ea lex, & in alijs quibusdam ciuitatibus: Magistratum verò omnium electiones populo attribuit. Populum autem faciebat tria illa genera ciuium: qui verò delecti essent, eos rerum publicarum curam habere debere, item hospitalium, & pupillarium. Plurima igitur ac maximè digna memoratu in Hippodami constitutione ista sunt. Sed primò dubitabit aliquis de partitione ciuium. nam & artifices, & agricolæ, & qui arma tenent, omnes in reipublicæ communione versantur: verum agricolæ quidem arma non habent: artifices autem neque arma, neque agros: itaque sunt quodammodo serui eorum qui habent arma. participes igitur esse omnium bonorum impossibile est, cum sit quidem necessarium ex ijs qui habent arma, constitui belli duces, & custodes ciuium, & principalissimos (vt ita dixerim) magistratus: quòd si participes non sint reipublicæ, quomodo bono animo esse potuerunt in republica? Enimuero potentiores esse oportet illos qui arma tenent ambabus partibus. id autem non facile est, nisi multitudine exuperent. quòd si hoc erit, quid opus est alios participes esse

esse reipublicæ, & suffragia magistratuum habere?  
 Præterea, agricolæ: quid utilitatis afferunt ci-  
 uitati? Artifices enim esse necessarium est, nam  
 omnis ciuitas artificibus indiget, & possunt  
 proficere ex artibus, quemadmodum in alijs  
 ciuitatibus: sed agricolæ si habentibus arma  
 victum parant, meritò forent pars aliqua ciui-  
 tatis: at illic priuatim habent, priuatimq; co-  
 lunt: Insuper autem publicos agros, ex quibus  
 propulsatores belli victum habere oportet, si  
 ipsi idem colant, non esset aliud agricola, aliud  
 propulsator belli, quod legislator esse vult.  
 sin alij quidam ab agricolis & propulsatori-  
 bus, quartum erit membrum ciuitatis nullius  
 participes, sed alienum à republica. Quòd si  
 quis dicat eosdem agricolas, & proprios co-  
 lere & publicos agros, primò fructuum multi-  
 tudo non sufficeret, ex quibus singuli binis do-  
 mibus habeant ministrare. deinde, quamob-  
 rem non statim ex eisdem agris pro seque ali-  
 menta sumant, & pro propulsatoribus exhi-  
 beant. hæc sanè omnia magnam continent tur-  
 bationem. Nec de iudicio quoque rectè se ha-  
 bet lex, qua iudicandum putant cum distin-  
 ctione, lite simpliciter scripta, ita vt ex iudice  
 fiat arbiter. hoc enim in compromisso in plu-  
 res facto recipitur (conferunt enim inter se de  
 sententia ferenda) sed in iudicijs nō recipitur:  
 imò legumlatores plerique contrà statuunt.  
 ne iudices inter se colloquantur. Deinde, quo-  
 modo non erit litigiosa sententia, cum iudex  
 non putat tantum deberi, quantum petitur, nā  
 si petitor viginti minas postulabat: iudicium  
 autem vnus decem iudicet, alter quinque, alter  
 quatuor, & hoc modo diuidant: & alij in to-

tum condemnent, alij in nihilum: quis erit mo-  
 dus sententiarum concordandarum? Præterea,  
 nemo peierare cogit simpliciter condemnantē  
 vel absoluentem, si simpliciter petatur. non  
 enim cum absoluit, nihil debere iudicat, sed vi-  
 ginti minas non debere. at ille peierat, qui cum  
 putet viginti minas non deberi, tamen con-  
 demnat. De eo autem, quod inuenientibus ali-  
 quid commodum ciuitati, honores tribuendi  
 sunt, non est tutum lege cauere, sed apparētiam  
 solum probabilem habet: continet enim calum-  
 nias, & motam forsan reipublicæ. Sed incidit  
 hæc in aliam quæstionem & considerationem  
 aliam. Nam dubitant nonnulli, utrum damno-  
 sum sit vel utile ciuitatibus leges patrias muta-  
 re, si sit alia melior. quapropter non est facile di-  
 cto statum assentiri, si quidem non conducit mu-  
 tare. fieri autem potest vt inducatur aut legum,  
 aut reipublicæ dissolutio, tanquam commune  
 bonum. Sed cum in hanc mentionem incideri-  
 mus, etiam pauca de eo perstringēda sunt: ha-  
 ber enim, ut diximus, dubitationem: & melius  
 videri potest, ut mutationem recipiant. nam  
 alijs quidem scientijs hoc prodest: ceu si medi-  
 cina ab institutis patrijs mutetur, & gymnasti-  
 ca & aliz artes atque facultates. quarum cum  
 vna ponenda sit ciuilis disciplina, pater in ea  
 quoque eandem rationem esse tenendam. Pro-  
 bari autem hoc dicet aliquis, & in ipsis rebus.  
 antiquas enim leges nimium rudes esse & bar-  
 baras. armati si quidem ferro incedebant Græ-  
 ci & uxores emebant inuicem: & quæcunque  
 vetusta iura alicubi extant, penitus rudia sunt.  
 ceu apud Cumas de cede lex est, si accusator  
 multos testes inducat ex agnatis propriis, reum  
 esse

esse cedis, contra quem probatur. Quærunt autem omnino non patrium, sed bonum omnes. putandumque est priscos illos homines, siue ex terra geniti fuerint, siue ex corruptione aliqua seruati, fuisse ignaros & imprudentes, vt de terra natis dicitur, quàm absurdum est in eorum opinionibus persistere velle. Præterea neque leges scriptæ meliores sunt, si sunt immutabiles. vt enim in aliis artibus, sic etiam circa ciuilem constitutionem impossibile est singula \* admi-  
\* ἀνὰ πρῶ-  
 τῶν ἐξα-  
 ἑτε.  
 nimum usque scriptis comprehendere. necesse est enim, vt generaliter scribantur: actiones autem circa singularia fiunt. Ex his ergo uidetur, & quasdam leges, & quâdoque esse mutandas. Alio autem modo considerantibus, cauendum videtur esse maximè. cùm enim utilitatis quidam accessio parua sit, assuescere verò faciliter leges mutare improbandum, constat errata quædam esse toleranda, & legumlatorum & magistratuum. non enim tantum proderit qui corrigere perget, quantum nocebit assuesfactio superioribus non parendi. Mendax & de artibus exemplum. neque enim simile est mutare artem atque legem. nam lex nullam vim habet, vt ipsi pareatur, nisi ex more: mos autem non fit nisi temporis longitudine. quare faciliter mutare leges ex præsentibus in alias nouas, infirmam facere est vim legis. Præterea si mutandæ sunt leges, utrum omnes & in omni re publica, an non? & utrum à quocunque, aut quibusdam? in his enim magna est differentia. Quapropter nunc quidem omitramus considerationem hanc, nam aliorum est temporum.



**D**E Lacedæmoniorum autem republica & Cretensiu, fermè autem & de alioru Rebus publicis duo sunt cōsideranda: vnū, si quid rectè vel non rectè ad optimā constitutionem in illis sit \* ordinatum: alterum, si quid ad suppositionem & modum aduersantis ab illis reipublicæ. Quod igitur necessarium est in bene constituenda republica necessarium, adesse facultatem, omnes fatētur: sed quemadmodum id futurum sit, non facile est comprehendere. nam & Penestiz Thessalorum multoties in ipsos Thessalos insurrexerunt: & Ilotes Lacedæmoniorum: nam in casibus eorum aduersis nunquam infidiari destiterunt. Verū apud Cretenses nihil adhuc tale accidit. causa forsitan est, quia vicinæ ciuitates, quamuis inuicem bellum gerant, tamen earum nulla rebelles recipit. quoniam id non conducit, quando & ipsæ

† perizcos habent. At Lacedæmoniorum finitimi omnes inimici erant, Argiui, Messenij, & Arcades. nam & Thessalis ab initio rebellauerunt, dum cum finitimis Achzis, & cum Perizhis & Magnesijs gererent bellum. Videtur autem etsi nihil aliud, attamen hoc ipsum esse prodifficile, quemadmodum cum eis sit conuersandum. Nam si remissè erga illos te geras, superbiunt illi quidem, ac se pares dominantibus existimant: sin asperè tractentur, insidiantur, atque odio habent. patet igitur non reperire optimum modum eos, quibus ista contingunt circa subiectos. P. xterea lenitas in mulieres & ad propositum reipublicæ nocet, & ad d. rectio-

\* νομο-  
θῆται,  
a. l. ἰσχύ.

† a. l. acco-  
las a. l. pos-  
sessionis do-  
mibus fini-  
timis.

nem ciuitatis. Vt enim domus pars sunt vir & vxor, ita & ciuitatem bifariam diuidi censendum est, in virorum multitudinem ac mulierum. quocirca in quacunque republica male prouisum est circa mulieres, in ea putandum est medietatem ciuitatis esse neglectam: quod ibi contingit. Volens enim legislator totam ciuitatem esse duram ac laborum patientem, in uiris quidem id fecisse constat, in mulieribus autem non fecisse. viuunt enim molliter, ac in omnem licentiam dissolutæ. Itaq; necessarium in tali republica diuitias haberi in pretio: præsertim cum viri sint mulieribus obnoxij. quod accidit omnibus fermè militaribus bellicosissq; gentibus, præterquam Celtis, aut siqui alij coitum masculorum palam receperunt. Videtur autem qui primus fabulatus est, non irrationabiliter Venerem Marti coniunxisse: quoniam omnes huiuscemodi homines proni sunt ad Venerea, aut masculorum, aut mulierum, illisq; obnoxij. Itaque apud Lacedæmonios hoc fuit, multaue in eorum principatu à mulieribus administrabantur. Etenim quid refert, vtrum mulieres ipsæ gubernent, an eos qui gubernant, à mulieribus gubernari? idem enim accidit. Cumq; insolentia ad nullum obsequium vtilis sit, nisi fortè ad bellum, maximè nociuæ etiam ad hoc ipsum Laconum mulieres erant. Patefecerunt hoc in Thebanorum aduentu. nō enim magis vtilis præstiterunt se quàm aliarum ciuitatum mulieres: sed turbam inferebāt magis quàm hostes. Ab initio igitur rationabiliter contigisse Lacedæmonijs videtur in mulieres indulgentia, cum per militiam multum domo essent, Argiuis primò, mox Arcadibus & Messenijs

bellū inferētes. exercentes enim. sibi ipsos, legum-  
latori praeſtabāt aſſuefactos propter militariē vi-  
tā. multas enim cōtinet virtutis partes. Mulie-  
res autē fertur Lyncurgus deducere conatus ad  
leges: at ubi repugnabant abſtinuiſſe. Cauſa igitur  
factorum hae ſunt: itaq; & huius peccati. Sed  
nos non id conſideremus, cui uenia danda ſit  
vel non danda, ſed rectūne ſit an non rectum.  
Quae porrō circa mulieres non benè ſe habent,  
videntur (vt diximus ante) non ſolum ipſa per  
ſe indecentiam quandam facere in republica,  
ſed impellere quoque ad cupiditatem pecuniae.  
poſt illa enim quae nunc dicta ſunt, tuentes in-  
aequalem rerum poſſeſſionem quis reprehē-  
dat? nam eorum quibusdam hoc euenit, vt ma-  
gnam nimium opulentiam haberent: aliis ve-  
rō ut penitus exiguam: quapropter ad paucos  
deuenerunt agri. hoc autem ex eo accidit, quia  
malè fuerat lege prouiſum. emere enim, aut  
vendere quod habeas, fecit non honeſtum. & re-  
ctè id quidem: ſed donare ac teſtamento relin-  
quere conceſſit. atque idem accidat neceſſe eſt,  
per hūc modum & illum. Sunt enim mulierum  
ferè ex quaque partibus totius regionis duae, mul-  
tis hæredibus inſtitutis & traditione dotiū ma-  
gnarum. atqui melius erat aut nullam, aut par-  
uam, aut medioerem eſſe conſtitutam. nunc au-  
tem licet donare ex teſtamento cuiuſque: & ſi  
nullo inſtituto hærede deceſſerit, hic cui uolue-  
rit, dat. Ex quo factū eſt, vt regio ſufficiens mille  
& quingentos equites alere, peditū verò trigin-  
ta millia, ne mille quidē totos habeat probauit  
autē res ipſa praeue apud illos in hac parte fuiſ-  
ſe prouiſum: quoniā vna plaga ſuſcepta ciuitas  
exornauit, nec vltra pertulit ob hominum pau-

citatem. Aiunt etiam per tempora priorum re-  
 gū, novos homines permultos donatos, ob nu-  
 merum ciuiū, qui bello diminuti fuerant ad au-  
 gendū. & aiunt fuisse quandoq; Spartiatis decē  
 millia. & tamen siue sint ista vera, siue non sint,  
 melius est per adæquationem possessionum re-  
 plere hominibus ciuitatē. Contraria etiam quo-  
 dammodo est huic prouisioni lex illa circa pro-  
 lem. volēs enim legumlator. quāplurimos fore  
 Spartiatar, inducit ad multitudinem procrean-  
 dam. Est enim lex, qui tres genuerit filios, eum  
 esse immunem à custodia: qui vero quatuor, im-  
 munem esse ab omnibus. Atqui patet, quod si  
 multi gignantur, regione sic distributa, necessa-  
 rium est multos fieri pauperes. At enim & quæ  
 circa Ephoros constituta sunt, prauē se habent.  
 hic enim magistratus maximarum apud illos  
 rerum potestatem habet. sumuntur autē ex ple-  
 be omnes: ut multoties cōtingat homines val-  
 de pauperes in hac potestate constitui, qui pro-  
 pter egestatē venales sint. Ostenderunt id & sæ-  
 pe prius, & nunc in Andrijs. corrupti enim pe-  
 cunia quidā, quantum in se fuit totam republi-  
 cam euerterūt: & propter eius magistratus & ni-  
 miam potestatē, ac & tyrānidi parem, reges ip-  
 sos populares fieri compulerant, ut in hac quo-  
 que parte respublica lederetur: popularis enim  
 status ex optimate resultauit. Continet tamen  
 rempublicam magistratus iste. acquiescit enim  
 plebs ex eo quia maximi magistratus capax  
 est. itaq; siue per legislatorem, siue per fortunā  
 euenit hic, vtiliter se habet rebus. Oportet enim  
 rempublicam, quæ diuturna sit, velle, ut omne  
 ciuitatis partes content, atq; in statu suo per-  
 maneant. Reges ergo propter honorū suū ita  
 se habe-

se habebunt. prastantes autem uiri propter senatum: nam ea dignitas uirtutis est primum. plebs autem propter ephoriam: nam constituitur ex omnibus. Sed oportebat hunc magistratum sumi quidem ex omnibus, non tamen per hunc modum, per quem nunc fit; est enim nimium puerile. Preterea autem & iudicandi de magnis rebus potestatem habent homines contingentes, itaque melius foret non secundum propriam mentem eos iudicare, sed secundum literas & leges. Et etiam Ephorum uita nequaquam conueniens proposito ciuitatis. nam Ephori quidem molliter uiuunt, in ceteris autem tanta asperitas est uitae, ut nequeant homines illam perferre, sed clam transgredientes legem voluptatibus fruuntur. Senatorum quoque potestas non recte apud illos constituta est. nam quod sint viri boni ac sufficienter ad uirtutem eruditi, dicet forsitan aliquis ciuitati conducere. enim uero quod per omnem uitam magis de rebus decernendi potestatem habeant, periculosum est: est enim ut corporis, sic etiam & ciuitatis senectus. Per nunc autem modum eruditus, ut & legislator ipse diffidat, tanquam non bonis uiris nequaquam tutum. Videntur autem hi, qui in hac potestate constituti sunt, largiendi gratificandique permulta facultatem habere. quapropter melius erat eos rationi reddendae subiectos esse: nunc autem non sunt. Videtur autem Ephorum magistratus omnes alios magistratus corrigere, in hoc autem nimium esse illis permittum: & non per hunc modum dicimus rationem reddere oportere. Insuper creatio ipsa senatorum, quam per suffragia faciunt, perleuis est. ac ipsum petere magistratum qui

qui  
& vo  
me  
face  
publ  
tur  
stra  
ple  
per  
De  
in c  
tati  
pro  
ne  
& l  
no  
to  
tis  
eti  
mi  
ma  
dur  
qui  
ge  
que  
tra  
uit  
sed  
bus  
mai  
tion  
gub  
qu  
imp  
en

qui eligendus sit, nō rectè se habet: oportet enim & volentē & non volentem ad magistratū assumere, si dignus sit eo magistratu. Nūc autē idem facere in hoc uidetur legislator, quod in alia republica. ambitiosus enim faciens ciues, illis utitur ad senatorum delectum. nemo enim magistratum peter, nisi honoris sit affectator. atque pleraque eorum quę homines iniuste faciunt, per ambitionem & auaritiam committuntur. De regia uerò potestate, utrum melius sic eam in ciuitatibus existere necne, alia foret disputatio. at tamen melius, non ut nunc quidem, sed pro uita cuiusque regis iudicare. Quodd autem ne ipse quidem legislator credit se facere bonos & honestos, manifestum est. diffidit enim quasi non sint ad sufficientiam boni uiri. Itaque legatos simul mittebant inimicos, ac saltem ciuitatis esse putabant, seditiones regum. Non bene etiam circa comestationes, quę illi Phiditia nominant, cōstitutū est ab initio. Oportebat enim magis ex publico esse conuentum, quemadmodum in Crera. sed apud Lacedemonios unusquisque conferre habet: etsi sunt quidam longē pauperrimi, qui huiusmodi sumptum nequeant sufferre. ex quo fit, ut legumlatori contrā eueniat quā ipse uoluerit. Voluit enim ciuitatem popularem facere per comestationes. sed contrā accidit, cū non sit facile pauperibus comestationum participes esse. more enim maiorum sic apud eos definitur, ut qui comestationum particeps esse nequeat, is ad reipublica gubernationem non amittatur. Legem uerò quę est circa prædictos classis, & alij quidam improbarunt: & rectè quidem improbantes. est enim seditionis causa. nam cū reges sint belli



duces, præfectura illa perpetua ferè alterum est imperium. Et sic quoque suppositioni legislatoris succenseri potest: quod & Plato in legibus suis censuit. Ad partem enim virtutis tota ordinatio illarum legum contendit, scilicet bellica: hæc autem utilis ad uictoriam consequendam. Itaque salui erant bellum gerentes, peribant verò ubi rerum potiti essent: quoniam nec otium agere, nec quicquam aliud exercere sciebant præstabilius, quàm rem militarem. Illud quoque erratum non sanè minus, quòd putant bona illa, quæ ad bellum pertinent, ex uirtute magis quàm ex uitio fieri. & in hoc quidem recte. sed quòd hæc potiora quàm uirtutem ipsam putant, in hoc non recte. Malè etiam circa pecunias publicas apud Spartiatarum constitutum est. quia neq; in publico habent quicquam, & magna bella gerere coacti pecunias agrè cõferunt, nam quia Spartiatarum est plurimum agri, non examinant inuicem collationes. & euenit legumlatori contra quàm commodum est, publice inopiam, priuatim auaritiã inducere. De Lacedæmoniorum igitur republica hætenus dictum sit. nam hæc sunt, quæ maxime quis reprehendat.

*De Cretensium republica.*

*Cap. VIIII.*

**C**retensium uerò respublica huic finitima est. Habet autem quædam nõ deterius, sed plurima minus nitide. Videtur autem & fertur Lacedæmoniorum respublica in pluribus imitata Cretensem, uetusta autē pleraq; rudiora sunt nouis. Ferunt enim Lycurgum post dimissam Carilli Regis tutelam, cum longo tem-  
pore

pore peregrinaretur, in Creta plurimum fuisse diuersatum propter cognationem. erant enim Ly&ij Lacedæmoniorum coloni. susceperant autem ij qui in eam coloniam uenerant, instituta legum, tunc in antiquis habitatoribus obtinentia. quapropter & nunc † Periœci eodem † *accola.* modo illis legibus vtuntur, quomodo eas Minos constituit primus. Videtur autem hæc insula ad principatum Græciæ esse nata, ac præclare sita. cuncto nanque imminet mari: cum ferè Græci omnes circum mare sint positi. abest enim hinc modicum à Peloponneso: illic verò ab Asiæ loco, qui circa Triopium est & Rhodum. Quare imperium maris obtinuit Minos, ac & insularum alias subegit, alias verò dudum incultas habitari fecit. tandem Siciliam aggressus, circa \* Camerinam defunctus est. Habet autem conuenientiam Cretica institutio cum Laconica. Agriculturam exercent apud hos quidem Ilotæ, apud illos verò Periœci. Et comestationes sunt apud utrosque: & antiquius nuncupabant Lacedæmonij non Phiditia, sed Andria, quemadmodum Cretes, ex quo palam est inde prouenisse. Insuper autem & reipublicæ institutio. Ephori nanque eandem vim habent, quam in Creta hi qui Cosmi appellantur: nisi quòd Ephori quinque sunt, Cosmi autem decem. Senatores autem pars sunt Senatoribus, quos vocant Cretes consilium. Regia autem potestas fuit primò apud Cretas, postea illam sustulerunt, imperio in bello ad Cosmos translato. Concio autem omnibus communis est, sed aliâ nullam habet auctoritatem, quàm ea comprobandi, quæ à senatoribus & Cosmis fuerit antè decreta. Quæ igitur de comestationibus consti-

\* *κίμι-  
νον ἢ κα-  
μικόν.*

tuta sunt, melius apud Cretas, quàm apud Lacedæmonios habent. Nam apud Lacedæmonios vnusquisque certum quid in singula capita taxatum soluit: quod nisi faciat, à republica lex repellit, vt prius diximus. at in Creta communis est. ex cunctis enim quæ à terra proueniunt vel armentis, ex publicis, & his quæ afferunt pericæci, diuisio fit. vt pars vna ad Deorum cultum & ad publica onera, pars ad comessationes deputetur. at ita ex publico educant omnes, & mulieres, & pueros, & uiros. Ad temperantiàm autem cibi quasi utilis sit, multa legislator philosophatus est, & de mulierũ diuorij, de earum congregatione ad uiros, ne superfluam pariant multitudinem prospexit. quod vtrum prauè uel non prauè constitutum sit, aliud erit considerandi tempus. Sed quòd circa comessationes melius prouisum si apud Cretas, quàm apud Lacedæmonios, manifestum est. At circa Cosmos deterius, quàm circa Ephoros. Quod enim mali habet Ephorum magistratus, idem & in illis est. sumuntur enim quicquid, sed quod in his prodest reipublicæ, illic non est. Nam hic, quia ex omnibus assumptio est, particeps populus amplissimi magistratus, vult manere rempublicam: illic autem non ex omnibus sumuntur Cosmi, sed ex quibusdam familijs, & Senatores ex ijs qui Cosmi, iam fuerunt. De quibus idem dici potest, quod de ijs quæ apud Lacedæmonios sunt. Nam esse liberum magistratum atque perpetuum, maius est munus quàm dignitas eorum mereatur. & non secundum legem scriptam iudicare, sed secundum quod sibi videtur, periculosum est. Quiescere autem plebem non participantem, nullum signum est bene consti-

turę ciuitatis. Nec quicquam susceptionis est  
Cosmis, quemadmodum Ephoris: abeuntq; per  
insulam longę à contendentibus. Medicina ue-  
rò quam huic delicto adhibent, ridicula est, nec  
ciuilis, sed tyrannica. sæpenumero enim aut  
collegę illorum, aut priuati homines insurgen-  
tes per seditionem Cosmos expellunt. Licet  
etiam Cosmis seipsum magistratu abdicare,  
enimvero hæc omnia præstabat lege fieri, quàm  
pro hominum uoluntate: non enim secuta est  
regula. Omnium uerò deterrimum est, poten-  
tum depositio: quam tam sæpe concitant, cum  
sententias dare nolunt: per quam manifestum  
est habere eam institutionem aliquid reipubli-  
cæ, sed non esse rempublicam, at potentatum  
magis. Consueuerunt autem concitata plebe &  
amicis ad unius arbitrium rem deferre, sedi-  
tionesq; & prælia inter se miscere. At uerò id  
quid differt ab eo. quòd tandem ea ciuitas non  
sit, dissoluta ciuili societate? Est autem pericu-  
losus hic reipublicæ status, si q; uelint possintq;  
inuadere. sed, ut supra diximus, seruatur propter  
locū, quia omnes aduenas procul excludit. Itaq;  
Periæci manent Cretensibus. uerum Ilotes per  
sæpe à Lacedæmonijs defecere. non enim erat in  
Creta potentatus ullus externus: sed nuperrimè  
bellum peregrinum irrupit in eam insulā, quod  
patefecit imbecillitatem legum suarum. De hac  
igitur república hæc dixisse sufficiat.

*Superiorum rerum publicarum comparatio.*

*Cap. IX.*

**V**idetur etiam Carthaginiensium respublica  
bene constituta, multaque habere præter  
alias,

alias; quædam verò maximè similia Lacedæmonijs: Tres enim istæ respublicæ quodammodo inter se proximæ sunt, multumq; distant ab alijs, Cretica dico, & Laconica, & Carthaginienfis: multaque in ipsis prouisa sunt rectè. Signum autem est reipublicæ bene institutæ, quòd populus in suo permaneat locò, neque seditionem ullam (quod dictu dignum sit) vnquam fecit, neq; tyrannum. Continet autem similia Lacedæmoniorum reipublicæ, commensationes quidem sodalitorum, Phiditijs: centum autem & quatuor virorum potestas, Ephoris: præterquàm quòd non deterior. nam illi ex contingentibus sunt: hanc autem potestatem suscipiunt optimates. \* Imperator verò & Senatus conueniunt Lacedæmoniorum regibus & senibus. melius autem quòd imperatorem non secundum genus, neque ex vili & præexcellenti magis eligunt quàm secundum virtutem. nam qui magnam habent potestatem, si ipsi nullius pretij sint, multum nocent; nocueruntque iam Lacedæmoniorum ciuitati. Plurima igitur reprehensorum propter transgressionem communia sunt omnibus ante dictis. Sed quantum ad intentionem optimatum attinet & reipublicæ, quædam ad popularem statum magis declinant, quædam ad paucorum potentiam: Nam referendi quidem ad populum, aut non referendi aliqua, imperatores unà cū senatu domini sunt, si omnes concordent. si non concordent, populus ipso- rum dominus est. quæcunque autem retulerint magistratus, de his non approbandi modò illorum sententias potestas permessa est populo, verùm etiam pro arbitrio constituendi prouidendi- que, & cuius contradicere relictis illorum licet,

\* βασι-  
λεις.

licet, quod non est in alijs rebus publicis. Quintumviratum uero, qui multarum ac magnarum rerum potestatem habet, ab illis eligi, & centumviratum hos eligere, qui est maximus magistratus, & hos longiori tempore quàm alios imperium retinere. nam & perfuncti magistratu imperant, & designari ad magistratum, ad paucorum potentiam spectat. Esse autem sine mercede, & sine electione quæ sorte fit, optimatum est ponendum, & si quid aliud tale. Iudicia quoque omnia à cunctis magistratibus iudicari, & non ab alijs alia, ut apud Lacedæmonios. Transgreditur autem maximè ab optimaribus ad paucorum potentiam institutio Carthaginiensium secundum aliquam intelligentiam in eo, quod etiam multi comprobant. non solum enim optimos, verum etiam ditissimos censent in magistratibus esse ponendos: quasi impossibile sit qui egenus existat, eum bene magistratum gerere, aut quietem optare. Si igitur sumere diuitem, paucorum potentia est, per virtutem autem, optimatum: ista quædam fuerit species tertia, per quam constituta est apud Carthaginienses respublica: creant enim magistratus ad hæc duo respicientes, & præsertim maximos, ut imperatores & duces bellorum. Putandum autem est huiusmodi excessum ab optimatibus esse errorem legis conditoris: quem ab initio prævidisse ualde necessarium fuit, ut optimi valerent quietem agere, nec quicquam indecorum facere, non solum in magistratu, sed etiam in vita priuata. Quod si inspicere oportet ad opes gratia quietis, prauum est maximos magistratus esse uenales, imperium, & belli ducatum: hæc enim lex pretiosas magis facit diuitias quàm



virtutes, ac ciuitatem totam ad studium pecu-  
niarum conuertit. Nam quicquid apud ciuita-  
tis principes habetur in pretio, necessarium est  
& aliorum ciuium opinionem subsequi. vbi au-  
tem non maximè honoratur virtus, ibi non est  
possibile firmum optimorum esse in republica  
statum. Assuescere verò ad lucra rationabile  
est, quando per largitionem adipiscuntur digni-  
tates. absurdum est enim si pauper quidem ali-  
quis, verum bonæ mentis lucrari velit: impro-  
bior autem nō velit, cū sumptus fecerit. Quo-  
circa oportet eos, qui possunt optimè gerere  
magistratum, assumere ad magistratum. proba-  
biliusque fuisset si autor legis opulentiam præ-  
stantium viroꝝ abiecisset, ac eorum qui in  
magistratu forent, quieti prospexisset. Prauum  
etiam videri potest plures magistratus ab vno  
homine geri: quod in honore est apud Cartha-  
ginienſes. unicū enim ab vno optimè perficitur  
opus. hoc autem vt fieret, prouidendum fuit à  
legumlatore, neque cogendum eundem tibi-  
ci- nem esse atque sutorem. Quare vbi non parua  
est ciuitas, magis ciuile est, vt plures sint parti-  
ceps magistratum, magisque populare. com-  
munius enim, vt diximus, & melius singula con-  
ficiuntur atq; celerius. Patet autem hoc in bel-  
licis rebus, & nauticis. in his enim ambobus  
per omnes (vt ita dixerim) transit imperare &  
parere. Sed cū ad paucorum potentiam ver-  
gat respublica eorum, optimè illud effugiunt, vt  
semper aliqua plebis pars dicetur ad oppida mit-  
tentes. per hoc enim illi arbitrantur ac certè  
efficiunt, statum ciuitatis permanere. Sed hoc  
est fortune opus. oportebat verò non per for-  
tunam sine seditionibus esse, sed per legistato-

rem id fieri. nunc autem si diuisa fortuna incidat, & plebs à gubernatoribus secedat, nulum est remedium legis ad quietem adhibitum. Lacedæmoniorū igitur, & Cretensium, & Carthaginiensium respUBLICÆ, quæ meritò habentur insigniores, in hunc modum se habent.

*De republica Solonis, & varijs institutoribus re-  
rumpUBLICARUM. Cap. X.*

**E**Orum autem qui de republica aliquid tradiderunt, quidam nunquam versati sunt in gubernatione ciuitatis, sed in priuata vita ociosi vixerunt. de quibus si quid dignum relatu fuit, de omnibus ferè suprà diximus. Quidam autem legistatores fuere, gubernaueruntque vel in proprijs ciuitatibus, vel in alienis. Et horum quidam solùm modo legum auctores fuere, quidam etiam reipUBLICÆ constituendæ, veluti Lycurgus & Solon. hi enim leges & rempublicam condidere: Licurgus quidem Lacedæmonijs, vt dictum est: Solon autem Atheniensibus. Existimant autem quidam Solonem legistatorem fuisse præclarum. nam & paucorum potentiam sustulisse, quæ nimis intemperans erat, & plebem à seruitute liberasse, ac statum popularem in patria constituisse, optimeque rempublicam temperasse. nam esse consilium Arcopagi paucorum gubernationis est: delectus verò magistratuum, optimatum: iudicia verò, populare. Sed videtur Solon illa duo (cùm essent prius) nō sustulisse consilium Arcopagi, & magistratum delectus: at se populare & populum asseruisse, iudicijs ex omnibus cōstitutis.

tutis. Quapropter quidam illi succensent, quoddam alterum dissoluerit; cum auctoritatem omnem ad iudicium traduxerit, quod per sortitionem est. nam cum hoc inualuit, tanquam tyranno gratificantes populo, in eum qui nunc est, popularem statum, rempublicam redegerunt. Et consilium Areopagi Ephialtes inhibuit, & Pericles. Iudicibus vero salaria Pericles induxit, ac per hunc modum unusquisque eorum qui apud plebem posse voluerunt, populi vim augere perseuerauerunt, donec in istam quæ nunc est, licentiam peruenit. Apparet autem hoc, non tam Solonis voluntate, quam casu euenisse. Nauali enim potentia aduersus Medos victor populus, maiora de sese sapere coepit. & accesserunt patroni seditiosi contra bonos & modestos ciues, qui rempublicam gubernabant. cum videatur quidem Solon eam quæ maximè necessaria fuit, potestatem populo tradidisse, ut magistratus crearet, & malefacta corrigeret. nisi enim populus hæc habeat potestatem, seruus erit & inimicus. At magistratus omnes constituit ex nobilibus ac locupletibus; ex censu quingentorum modiorum, & iugerum: tertium ex equitibus: quartum ex opificibus sordidis, quibus nullum magistratus assidue ius erat. Fuerunt etiam legum positores Zaleucus apud Locros occidentales, & Charondas Cataniensis ciuibz suis, cæterisque ciuitatibus Calcidicis, quæ sunt circa Italiam & Siciliam. Tentant vero quidam inducere quasi Onomacritus fuerit primus legum ferendarum peritus. hunc vero exercitatum in Creta, cum esset Locrus. profectum autem per artem diuinationis, ei familiarem fuisse Thaletem. Thaletis autem auditores fuisse Lycurgum

eurgum & Zaleucum : Zaleuci autem Charondam . sed qui ista dicunt , tempora non supputant . Fuit etiam Philolaus Corinthius legumlator Thebanis . Erat autem Philolaus ex familia Bacchiadū , amicus verò Dioclis , qui in olympijs vicit . sed vbi ille ciuitatem deseruit , commotus ob amorē matris Alcyones , Thebas migravit . atque ibi ambo defuncti sunt , monstranturque etiam nunc illorum sepulcra , quæ ab inuicem faciliè spectant . verū ita constituta , vt ex Dioclis quidem sepulcro nō sit prospectus in Corinthium agrum ob animi infestionem : ex Philolai autem sit prospectus . Habitarunt igitur ob huiusmodi causam apud Thebanos , legesque illis Philolaus descripsit , & de alijs quibusdam , & de sobole procreanda , quas illi leges proletarias appellant . Et hoc est præcipuè ab illo prouisum , vt numerus hæreditatum conseruetur . Charondæ autem nihil est proprium , nisi iudicia falsorum testium . Primus enim de his legem posuit : diligentia autem & claritate etiam elegantior quàm hi qui nunc sunt legum conditores . Philolai proprium est patrimoniorum disparitas : Platonis autem mulierum & natorum & patrimoniorum communitas , & comestiones scæminarum , & præterea lex circa ebrietatem , vt reges conuiuiorum sobrij sint . & in rebus bellicis exercitatio , per quam ambidextri fiant : cū oporteat non alteram manum vtilem , alteram inutilem habere . Draconis quoque leges sunt . sed iam constituta republica leges tulit . Proprium autem Draconis est nihil quod sit memoria dignum , nisi rigiditas ob magnitudinem poenarum . Fuit quoque Pittacus legum conditor , sed

# 556 Politicorum Lib. II.

non in republica versatus. Lex est propria il-  
lius, ebrios si quem pulsauerint, maiori poena  
damnari, quàm si sobrij fecissent, quòd enim  
plures delinquunt ebrij quàm sobrij, non ad id  
respexit, quòd magis esse debeat ebrijs venia,  
sed ad vtilitatem. Fuit etiam Androdamas Re-  
gius legum conditor Chalcidensibus, qui sunt  
in Thracia, de homicidio & hæreditatibus,  
nihil tamen huius propriū referre quis  
potest. De his ergo rebus publi-  
cis, quæ principales sunt, &  
de his quæ sunt ab ali-  
quibus scriptæ, in  
hunc modū co-  
gnouisse suf-  
ficiat.

\*

ARISTO-

# ARISTOTELIS POLITICORVM

## LIBER TERTIVS.

### SVMMA LIBRI.

*De ciuitate, ciue, rerum publicarum speciebus, dominatore ciuitatis, viris eam constituentibus, unius viri virtute superexcellente, ac regia gubernatione.*

*De ciuitate, & ciue, quid sit utrumque, de ciuitate donatis, de magistratibus, de iustè & iniustè ciuibus.*  
Cap. I.



**Q**UOD de republica cōsiderat, quæ sit vnaquæq; & qualis, ferè prima illa consideratio occurrit, videre quid sit ciuitas. Nam ea nonnunquam in cōtrouersiam venit, cū alij dicant à ciuitate factum, alij non à ciuitate, sed à potētibus quibusdam, vel à tyranno. \* gubernatoris autem reipublicæ ac legum positoris totum negotium versari videmus circa ciuitatem. Est autem respublica, eorum qui in ciuitate degunt, institutio quædam. Cū verò sit ciuitas compositum quiddam, quemadmodum alia tota ex pluribus partibus consistentia, manifestum est primò de ciue esse perquirendum. nam ciuitas est ciuiū multitudo quædam. Quare &

\* πολιτ-  
κοῦ.



se & quem oporteat ciuem vocari, & qui sit ciuis, est considerandū: nam & de ciue saepe contenditur, nec eundē omnes esse fatentur ciuem: & qui in populari ciuitate ciuis est, persaepe in paucorum gubernatione nō erit ciuis. Eos igitur qui alio quodammodo appellationem sortiunt, ceu eos qui in ciuitate donati sunt, omitamus. Nec habitatio ciuem facit, nam isto modo \* peregrini qui circa nos habitant, & serui, ciues essent. Nec rursus qui fori ac iudicij ius habent, nam hoc existit etiam illis qui simul contrahunt, cū per contactum forum sortiantur, quanquam multis in locis peregrini ne id quidem perfectē habeant, sed necesse est vt patronū accipiant. Ex quo fit vt imperfectē quodammodo sint fori iudiciorū participes, sed vt pueri nondū aetate perfecti, & senes ob aetatem a muneribus publicis vacantes, non simpliciter ciues dicendi sunt, sed quodammodo ciues. At nos quærimus eum, qui simpliciter ciuis dicatur, nec habeat aliquam adiunctionem quæ restringat & corrigat: cum & de infamibus & de exilibus eodem modo vt suprà dubitari, & responderi potest. Ciuis simpliciter nulla alia re definitur magis, quàm participatione potestatis publicæ iudicandi & decernendi. Potestates † autem, aliæ sunt determinatæ secundum tempus, ita vt non liceat interdū, nec semel eandem habere, aut per alia temporum spatia: aliæ sunt indeterminate, ceu illius qui in concione deliberat, & qui iudicat, quanquā fortasse diceret aliquis, tales non esse in potestate constitutos. Atqui ridiculum foret, qui de maximis rebus deliberant & decernunt, eos potestatem dicere non habere. Sed nihil referat, cū de nomine sit quæ-

sti o.

\* ΜΕΤΟΙ-  
ΝΟΙ.

† magistra  
PHI.

fitio. est enim absque nomine publica potestas iudicantis decernentisq; in concione, sed sit definitionis gratia indeterminata potestas. Ponimus autem eos esse ciues, qui huius potestatis vnà cum alijs participes sunt, maximè igitur propriè ciuis, super omnes alios qui ciues dicuntur, serè talis est. Nec latere nos debet, quòd in rebus, quarum subiecta differunt specie, & aliud eorum est primum, aliud secundum, aliud cōsequens, aut omnino nihil est (qua talia sunt) commune, aut vix. Respublicas autem videmus specie differre: & alias esse posteriores, alias priores. Quæ enim aberrauerunt ac prolapsæ sūt, necesse est vt posteriores sint integris & incorruptis, quomodo autē dicamus eas labi, postea patebit. Quare ciuem quoq; esse alium atq; alium, necesse est secūdum differentiam rerum publicarum. Itaque ille, quo diximus, in populari quidem statu maximè est ciuis: in alijs verò speciebus esse quidem potest, non tamen necesse est. In quibusdam enim ciuitatibus nec populus est, neq; concionis vsus, sed senatus habent & iudicia: vt apud Lacedæmonios de contractibus cognoscunt hi, qui Ephori nuncupantur, alij alios, de eadē autem senatus, & forsitan alius magistratus de alijs, eodēq; modo apud Carthaginenses, de omnibus quidem causis magistratus quidam cognoscunt. Sed recipit correctionem quandam definitio ciuis, quòd in alijs rebus publicis non est indeterminata illa potestas, quæ in concione decernit & iudicat, sed determinata secundum iurisdictionem. horum enim, aut omnibus, aut quibusdam concessum est deliberare ac iudicare, vel de omnibus vel de quibusdam. Quis igitur sit ciuis, ex his patet.

Cui

Cui enimabilitas est participandi potestatis publicæ deliberatiuæ & iudiciariæ, hunc ciuem esse dicimus eius ciuitatis, ciuitatem verò raliū multitudinem, quæ ipsa per se sufficiens sit, vt simpliciter dixerim, ad viuendum. Conſueuerunt autem eum etiam dicere ciuem, qui ex duobus ciuibus ortus sit, & nō ex altero ſolum, ceu ex patre & matre: alij verò magis vltra requirunt, ceu auos & proauos vel plures. His itaque definitis ciuilitate & ſuccincte, dubitant quidam, tertius ille aut quartus, quomodo erit ciuis. Gorgias quidem Leontinus partim dubitans fortasse, partim ludens, inquit: *Quemadmodum mortaria, ſunt illa, quæ à factoribus mortariariorum ſiunt, ſic Lariffæos eſſe qui ab artificibus eorum ſiunt, eſſe nanque aliquos Lariffæorum factores.* Eſt autem ſimplex. ſi enim participarent adminiſtrationis reipublicæ ſecundum determinationem iam dictam, eſſent vtique ciues. Et enim neq; poſſibile congruere definitionem illam primis conditoribus aut habitatoribus, vt ex patre matreque ciuibus ſint exorti. Sed forſan de eo magis dubitari poteſt, cū facta mutatione recipiuntur quidam ad communionem reipublicæ, quemadmodum Athenis fecit Clithenes, poſt tyrannorum eiectionem. complures enim in tribus deſcripſit, peregrinos, & ſeruos, & inquilinos, de quibus dubitari poteſt non qui ciuis, ſed an iuſtè vel iniuſtè. Atque de eo inſuper quis dubitabit, an ſi non iuſtè ciuis, ne ciuis ſit: quaſi idem valeat iniuſtus & falſus. Sed cū videamus quoſdā iniuſtè ſe in magiſtratibus gerere, quos tamen magiſtratus eſſe dicimus, ſed nequaquam iuſtè: ciuis autem poſtate quadam definitus ſit: (nam qui parti-

ceps

ceps est talis potestatis, est ciuis, ut diximus:) patet quòd hos quoq; ciues esse dicendum est. Iustè autem vel iniustè, pertinet ad primam illam quæstionem, in qua quæritur nunquid à ciuitate factum sit, vel non à ciuitate, ceu cùm ex paucorum potentia uel tyrannide, ad popularè statum sit mutatio. Tunc enim neque mutuatà pecuniam soluere quidam uolunt, quasi non ciuitas eam suscipiat, sed tyrānus: nec alia huiusmodi permulta, quasi respublica vi ac uictoria constet, non publica utilitate. Si igitur per hunc modum, quædam in populari statu fiunt, esse similiter dicendū est huius ciuitatis acta, & paucorum potentiæ & tyrannidis.

*Quo pacto ciuitatem eandem, vel non eandem dicere debeamus. Cap. 11.*

**V**idetur autē proprius huius quæstionis locus, quomodo aliquādo dicamus ciuitatē esse eandem & non eandem, sed aliam. Potissimè igit inuestigatio dubitationis huius est circa locum, & homines. fieri enim potest, ut separetur locus & homines, & alios alibi habitare. Sed hæc leuior est dubitatio. nā cùm multipliciter dicatur ciuitas, perfacilis est huiusmodi quæstio. Similiter quoq; eorum qui eundem inhabitant locum, quoad dicendum sit vnā esse ciuitatem. non enim mœnibus id definitur. liceret enim Peloponnesum totam vnīs mœnibus circūdari, talis fortasse est Babylon, quæ capta cùm esset ab hostibus, ferunt partem aliquā eius ciuitatis tertia die nondū aliquid sensisse, similiter & quæcunq; alia magis habet circumscriptionē gentis quàm ciuitatis. Sed huius quæstionis alio loco utilis erit cōsideratio. nam de

Arist. Politicorum. n N n magni-

magnitudine ciuitatis, & quantam esse vtile sit, & vtrum vnā vel plures, latere nō debet ciuilem hominem. At manētibus eisdem habitatoribus eodem loco, vtrum quoad sit idem genus habitantium eandem esse ciuitatem dicendum sit; quāuis semper alij intereant, alij oriantur? vt & flumina solemus eadem dicere, & fontes eosdē, quāuis semper vnda noua superueniat ac defluat. An homines dicendum sit eosdē esse propter eandem causam, sed ciuitatem aliam? Nā si ciuitas est societas quædam (societas autē ciuium) variata reipublicæ gubernandę forma, & alia effecta, necessarium utiq; videretur, ciuitatem quoq; non eādem permanere, vt & chorū alium esse dicimus dum tragicus est, q̄ dū comicus: & si iidem sint homines, eodemque item modo, omnem aliam societatem & compositionem, si species compositionis alia fiat: ceu harmoniam earundem vocum aliam esse dicimus, & modō Doricam, modō Phrygiam vocitamus. Id si ita est, patet quod maximē dicendum est eandem ciuitatem, ad rem publicam respicientes, nomine autem vocari alio, aut eodem licet, eisdem habitantibus eandem, vel alijs penitus hominibus. Vtrum autem iustum

† *Pactū* dis sit † reddere pecuniam mutuo sumptam, mutuo soluere, aut rata reipublicę gubernandę specie, an non iustum, alia est dubitatio.

*utro.*

*De virtute absolutē viri boni, & boni ciuis, num sit eadem an altera. De virtute ciuis qui præst, & qui paret. An opifices sint dicendi cives. Cap. 111.*

**H**Is verò quæ nunc dicta sunt, cōsequens est videre, vtrum eadem sit virtus boni viri, & boni

boni ciuis, an non eadem. Atque si hoc est per-  
 quiritendum, prius de virtute ciuis sub compen-  
 dio considerare oportet. Vt igitur natura unus  
 aliquis est eorum, qui sunt, in communi socie-  
 tate, ita & ciuem dicimus. Naturarū verò, quan-  
 quam dissimiles sint secundum potentiam (nam  
 alter est remex, alter gubernator, alter proram  
 dirigens, alter alteram huiusmodi appellatio-  
 nem habens) patet quòd expressissimus uniuscu-  
 iusq; sermo\* proprius erit illius uirtutis. Simi-  
 liter autem & commune quiddam conuenit  
 omnibus. salus enim & conseruatio nauigan-  
 tium, cōe est omnium opus. ad hoc enim vnus-  
 quisque eorum intendit. sic igitur & ciuibus, li-  
 cēt dissimiles sint, opus est conseruatio com-  
 munitatis societas: societas verò est respublica,  
 quapropter necesse est uirtutem esse ciuis ad  
 rempublicam. Si quidem igitur plures sunt re-  
 rum publicarum species, patet nō esse recipien-  
 dum, ut studiosi ciuis vna sit uirtus, eaq; perfe-  
 cta, at uiri boni perfecta est uirtus. Quòd igitur  
 fieri possit, ut ciuis studiosus non possideat  
 uirtutem illam, per quam dicitur uir bonus,  
 manifestum est. Quinetiam & alio modo in-  
 quirentibus, peruenire licet ad eandem ratio-  
 nem circa optimam rempublicam. Nam si im-  
 possibile est ex omnibus studiosis esse ciuita-  
 tem: & oportet singulos opus suū benefacere,  
 hoc autem à uirtute: sit verò impossibile simi-  
 les esse ciues omnes: nequaquam vna esset uir-  
 tus ciuis & uiri boni. Nam uirtutem studiosi  
 ciuis omnibus esse oportet. sic enim optima so-  
 ret ciuitas utiq;: at uiri boni uirtutem impos-  
 sibile est omnibus esse, nisi necessarium sit in  
 studiosa ciuitate ciues omnes esse viros bonos.

\* λόγος.



Præterea cū ex dissimilibus constet ciuitas, ut animal ex anima & corpore: anima verò p̄a ex ratione & appetitu, & domus ex viro & vxore, & acquisitio ex domino & seruo: eodem modo cū ciuitas ex his omnibus, ac præterea ex alijs dissimilibus constet speciebus, necesse est non unam esse ciuium omnium virtutē, quemadmodum nec chorū agentium, sup̄mi & assistentis: quòd igitur non eadem simpliciter ex his patet. Sed an erit alicuius eadem uirtus ciuis studiosi & uiri boni? Dicimus utique studiosum in magistratu; bonū esse atq; prudentem: ciuilem autem hominem necessarium est esse prudentem, & statim aliam esse disciplinam

† *magistra* † *præfidentis* aiunt quidam, ut patet in regum  
† *in gerētis.* filiis, qui ad æquestrem bellicamq; disciplinam in adolescentia erudiūtur. & Euripides inquit,  
*Non mihi speciosa, sed ea quorū ciuitas indiget.*

Tanquā sit præfidentis disciplina quædam. Si autem est eadem uirtus præfidentis boni, ac uiri boni: ciuis autem est & qui regitur: non eadem uirtus simpliciter esset ciuis & uiri boni, sed tamen cuiusdam ciuis. non enim eadem uirtus est eius qui præfidet, & ciuis. Et ob hoc forsam Iason inquit grauitè ferre, si non regnaret, quāsi nesciret priuatus esse. Sed nihilominus laudandum est posse imperare, & parēre: ac præclari ciuis uirtus est posse præesse, & subesse laudabiliter. Si ergo uirtutem boni uiri posuimus præfidentem, ciuis autem utranque: non utique fuerint ambæ similiter laudæ dignæ. Cū ergo aliquando videatur utraq; sed non eadē, cum qui imperat & cum qui parat, addiscere debere: ciuem autem utraq; scire, & participare ambarū: quid sequatur deprehēdere quis potest.

Est

Est enim præsentia dominatiua, hac verò in his quæ necessaria vocantur scire facere, nequaquam necessarium est ei qui præsidet, sed uti magis, alterum verò seruile est: dico autem alterum, posse exhibere ministeria. Seruorum autem species plures esse dicimus, cum sint ministeria plura: quorū partem vnā obtinent manuales, hi sunt, ut nomē significat, qui ex manibus viuūt, in quibus sunt opifices. Quapropter apud quosdam antiquitus huiusmodi homines excludebantur à reipublicæ honoribus, anteq̃ populus extremus fieret. Hæc igitur opificia eorum qui ita subsunt, neque rectorem discere oportet, neq; eum qui in republica versatur, neque bonum ciuem: nisi fortasse quandoq; suis ipsius priuatum gratia. Non enim amplius contingeret esse alterum dominum, alterum seruū, sed est præsentia quædam, per quam præest similibus genere, & liberis hominibus. & hanc dicimus esse ciuilem præsentiam, quam cum qui præest, didicisse parèdo oportet: ceu præfectum equitū esse, cum ipse prius sub alio esset: & exercitum ducere, cum ipse prius in exercitu per inferiores militiæ gradus ductus sit. Quamobrem rectè dicitur, neminem benè imperare posse, qui non prius sub imperio fuerit. Sed horum diuersa est virtus, & oportet bonum ciuem scire ac posse præesse & subesse. & hæc virtus ciuis, scire rectè se habere in vtraque parte, & boni viri vtraque, quanquam alia est species eius temperantiæ & iustitiæ quæ præest. nā eius qui subest ac liber est, non vna profectò fuerit virtus ac boni viri, vtrū iustitia alias species habet cum præest, alias cum subest. Quemadmodum viri & mulieris alia temperantia, & forti-

tudo. nam uideretur utique timidus esse uir, si ita fortis esset, ut foemina fortis, & mulier inhonesta uideretur, sic honesta foret, ut uir honestus: administratio quoque domus, alia mulieris, alia uiri. nam uiri est acquirere, mulieris seruare. Prudentia uero propria uirtus est praesidentis. nam ceterae quidem uirtutes uidentur communes, tam eorum qui praesunt, quam eorum qui subsunt: at prudentia non est uirtus eius qui subsit, sed opinio uera: qui enim subest, ut is est qui fistulam facit: qui uero praest, ut is qui uitur fistula. Verum igitur eadem sit uirtus uiri boni, & ciuis studiosi, uel alia, & quomodo eadem, & quomodo alia, ex his patet. Restat adhuc una dubitatio circa ciuem: utrum reuera ciuis sit is solum, cui participatio est publica potestatis, an opifices etiam ac mercenarii sint ciues nuncupandi. Nam si ponamus hos quoque esse ciues, qui magistratum sint expertes, nequaquam possibile est uniuscuiusque ciuis tale esse uirtutem: si uero nullus horum est ciuis, in qua parte sunt huiusmodi homines reponendi? neque enim in eorum ministrorum loco qui nobiscum habitant, neque rursus ut peregrini. An secundum hanc rationem nihil dicemus enenire absurdum, neque enim serui supra dictorum quicquam, neque liberti. Illud autem verum, quod non omnes illi dicendi sunt ciues, sine quibus ciuitas esse non potest: cum neque pueri ita ciues sunt, ut uiri: sed hi quidem simpliciter, illi uero ex suppositione. ciues enim sunt, sed imperfecti. Verumtamen quidem temporibus apud quosdam opifices erant serui, aut peregrini: quapropter etiam nunc plerique tales sunt. Optima quidem ciuitas nunquam opificem faciet ciuem, quod

quod si hi ciues, ciuis autem virtus, quam diximus, dicendum est non esse cuiusq; ciuis, neque liberi modo, sed eorum qui à ministerijs necessarijs sunt alieni, necessaria verò qui vni ministerij, seruus est: qui autē publicè, viles & sordidi. Patebit autem hinc parum adhuc considerantibus, quemadmodum in his res se habeat. hoc enim quod diximus, id ostendit. Cum enim plures sint rerum publicarū species, plures quoque species ciuium sint necesse est, ac maximè eorum ciuium qui subsunt. Itaq; in quadam republica opifices & sordidi ciues erunt: in quibusdam verò impossibile est, vt ciues sint: puta in optimatum gubernatione, siqua illa est, in qua secundum virtutem dantur honores, & secundum dignitatem. neq; enim virtutem exercere potest qui vilibus opificibus occupatus est. In paucorum quoque gubernatione, reues homines ad rempublicam non recipiuntur: ex magno enim censu ad honores reipublicæ peruenitur. Artifices tamen ad hanc speciem peruenire possunt, etsi sordidi sint: quoniam plerunque diuitijs abundant. Apud Thebanos lex fuit, vt nemo habilis esset ad honores reipublicæ suscipiendos, nisi decem annis à mercatura destitisset. In multis autem rebus publicis attrahuntur lege ad ciuitatem etiam peregrini. Est etiam lex in quibusdam ciuitatibus, vt satis sit ex matre ciue esse genitum. & eodem pacto spurios multa recipiunt: atque propter defectum legitimorum ciuium tales ciues faciunt. paucitate enim hominum inducti, his vtuntur legibus quod si abundant multitudine, paulatim excludunt, primo libertini generis homines, deinde eos qui ex matre solūmodo ciues sint:

tandem non nisi ex utroq; parente natos ciues, pro ciuibus habent. Quòd igitur plures sint species ciuium, ex his patet: & quòd maximè dicitur ciuis ille, qui habilis sit ad honores suscipiendos, vt Homerus inquit. sed vbi id occultum est ex deceptione habitatoꝝ, tanquam inhonoratum quendam repositum, repellunt. vt inquilinus enim est & aduena, qui honores capere non potest. Vtrum igitur alia, an eadem virtus sit, per quam est uir bonus & ciuis studio sus, patet ex supra dictis, quòd cuiusdā ciuitatis idem, cuiusdā verò alius, & ille non omnis, sed qui præest reipublicæ, & potestatem habet, aut solus, aut cum aliis gubernationem exercens.

*Quid sit respublica, & ipsius finis. Quot sint imperij in re familiari modi. Quid respublica recta, quidue lapsa. Cap. 1111.*

**H**Is ita determinatis, uidendū iam est, utrū vna sit ponenda respublica, an plures. Et si plures, quæ, & quot, & quænam differentia earum sint. Est autem respublica ordinatio ciuitatis & circa magistratus alios, & maximè circa id quod summā in ciuitate habeat auctoritatem, & si sit principalissimum. Principalissimum autem est id, quod ubiq; gubernat & regit ciuitatem: ceu in populari quidem populus, in paucorum verò potentia pauci. Dicimus autem & rempublicam aliam esse ab istis, eodemq; modo dicemus de alijs. Supponendū est primò, cuius gratia ciuitas sit cōstituta, & quot sint gubernandi species circa hominem, & circa uitæ societatem. In superioribus libris, vbi de gubernatione rei domesticæ, ac de domino &

& seruo determinauimus, dictū est, natura esse hominem ciuile animal ac sociale. Ex quo fit ut si etiam nihil indigeāt mutuo auxilio, nihilominus affectent uitæ societatem. quinetiam & communis utilitas coniungit eos, in quantum confert singulis partem bene uiuendi. maximè igitur hic est finis & publicè omnibus, & priuatim. Congregantur etiam ipsius uitæ gratia. forsā enim inest sibi aliqua particula honesti, & continet ciuilem societatem, etiam uiuendi gratia solū, si non molestiæ in uita admodū exuperent. Patet autem, quòd tolerant homines multa aspera, propter uiuendi cupiditatem, ut existente in eo quadā prosperitate, & naturali dulcedine. Atqui & modos imperij facile est diuidere, cū sæpe sit de his à nobis in externis sermonibus determinatum. Dominatio enim, licet reuera utilis existat natura seruo, & natura domino, nihilominus imperat pro domini utilitate, pro utilitate autem serui contingēter. neq; enim fieri potest, ut seruo deficiente seruetur dominatio. Filiorum uerò imperium, & uxoris, & domus totius, quam uocamus rei familiaris gubernationem, aut gratia est eorum qui gubernantur, aut gratia alicuius, quod fit utriusq; commune. Gratia eorum qui gubernantur, ut uidemus & alias artes, ceu medicinā & gymnasticam illorum quibus imperatur, utilitatem querere: contingenter tamen & eorum qui præcipiunt, esse potest. nihil quippe uetat, magistrum ipsum gymnasij esse unum eorum qui exercentur, quemadmodum gubernator semper est unus ex his qui sunt in naui. Magister igitur gymnasij & gubernator considerant semper eorum utilitatem quos gubernant. sed



quando horum vnus est, per accidens ipse quoque suscipit vtilitatem, hic quidem nauta, illo autem vnus eorum qui gymnasio exercentur. Quapropter ciuilia quoque imperitia, cum sint secundum æqualitatē ciuiū constituta, & secundum paritatem, vicissim exigunt ea gerere, quæ natura fert; consentes inuicem munera subire, & considerare vicissim quoddam illius bonum, quemadmodum ille prius dum præfesset, considerauit vtilitatem istius. nunc autem ratione commodorum ex reipubl. gubernatione prouenientium, volunt continuo in potestate esse, ne luti si semper contingeret magistratum gerentibus ex valetudinarijs an dē, sanos degere: nam forsitan ita magistratus amplectentur. Constat igitur, quod quæcunque respublicæ ad communem vtilitatem intendunt, hæc certè rectæ sunt secundum simpliciter iustum: quæcunque verò ad propriam eorum qui præsunt vtilitatem solum, aberrant quidem, suntq; omnes rectarum rerum publicarum transgressiones & labe. gubernantur enim quasi à dominis: ciuitas autem est liberorum societas.

*De diuisione & definitionibus rerum publicarum, & de earum transgressione. Cap. V.*

**H**is determinatis, consequens est respublicas, cōsiderare, quot sunt & quæ: & primò quidem eas quæ sunt rectæ: nam labe earū ex illis parescunt. Cum verò gubernatio ciuitatis & regimen idem significant, regimen autem est potestas ciuitatis: necesse est potestate huiusmodi aut penes vnum esse, aut penes paucos, aut penes multos. Quando igitur vnus, vel pauci,

pauci, uel multi communem utilitatem in gubernatione sequuntur, has esse rectas rerumpublicarum species necesse est. quando autem ad propriam utilitatem, vel unius, vel paucorum, vel multitudinis gubernat, transgressiones sunt & labe. Aut enim dicendum est non esse ciues, aut ad participationem utilitatis sunt recipiendi. Vocare autem consueuimus, cum vnus ad utilitatem communem respiciens gubernat regiam potestatem. Cum verò pauci gubernant, plures tamē vno optimatum gubernationem: vel ex eo quia optimi præsunt, vel ex eo quia ad optimum publicum administrant. Cum autem multitudo gubernat ad communem utilitatem, vocatur communi nomine rerumpublicarum omnium, respublica. Contingit autem rationabiliter. unum enim excellere secundum virtutem, aut paucos datur: ut verò multitudo excellat ad omnem uirtutem, difficile est, sed maximè ad bellicam. hæc enim in multitudines fit. Quare in hac reipublice specie principalissimum ac potentissimū est id, in quo robur bellum consistet. & in his ipsi illi sunt, qui sunt in possessione armorum. Prolabuntur verò ac transgrediuntur huiusmodi species, ex regia quidē gubernatione, in tyrannidē: ex optimatibus verò, in paucorum potentiam: ex republica autem, in popularem statum. Tyrannidem enim esse dicimus, dominatum unius ad proprium commodū intendentis. Paucorum autem potentiam, cum ad opulentorum commodum gubernatur, popularem autem statum, cum ad commodum egenorum: harum enim nulla ad communem utilitatem respicit. Oportet autem paulò uerius explicare quæ sit unaquæque istarum. habent enim

enim dubitationes quasdam. Philosophantis enim circa singularum disciplinam, & non solum ad agendum respicientis, proprium est nihil negligere neque prætermittere, sed demonstrare in singulis veritatem. Tyrannidem enim esse diximus vnius dominationem civili societati præsentis. Paucorum autem potentiam, quando rempublicam tenent opulenti & diuites. Popularem verò gubernationem, cum tenuiores homines & non possidentes diuitias gubernant. Prima igitur dubitatio est circa definitionem. Nam si plures sint opulenti & diuites, ac rempublicam teneant: popularis autem gubernatio sit cum multitudo regit: eodemque modo, si cubi contingat inopes esse pauciores quam opulenti, sed potentiores ac rempublicam teneant, & ubi pauci rempublicam obtinent paucorum potentiam nuncupamus: non recte viderentur istæ definitiones esse positæ. Enimvero si quis adiungens opulentiam quidem paucitatem, inopiæ verò multitudinem, sic appellet rerumpublicarum species, ut dicat paucorum potentiam esse, in qua gubernationem reipublicæ habent opulenti, numero pauci: popularem verò, in qua inopes rempublicam tenent multi existentes, aliam habet dubitationem. Quas enim dicemus eas respublicas, eam videlicet in qua plures opulenti, & eam in qua pauciores inopes gubernant: siquidem nullæ sunt alie respublicæ præter supra dictas. Videtur igitur ratio ista ostendere, quod paucos esse vel multos qui gubernant, contingens est, aliud paucorum potentiam, alterum populari. propterea quod ubique accidit, ut pauci sunt opulenti, multi verò inopes. Ex quo fit, ut huiusmodi causæ non faciunt differ-

rentiam: sed in eo differat popularis gubernatio à paucorum potentia, q̃ alibi opulenti, alibi inopes rempublicam obtinent. Neccssariumq̃, est vbiq̃; per opes ac diuitias præsunt, siue hi pauciores sint, siue plures, hanc esse speciem illam quę vocatur paucorum potentia: vbiq̃; autem inopes, hanc esse popularem gubernationem. Sed accidit (vt diximus) hos quidem paucos esse, illos verò multos. opibus enim ac diuitijs pauci abundant, libertatis tantum omnes participes sunt, propter quas causas contēdunt utriq̃; de republica.

*De iusto paucorum ac popularis gubernationis. De ciuitatis sine, virtute, ac vitiis. Cap. VI.*

**S**Vmendum est prius, quos terminos esse dicunt paucorum potentia & popularis gubernationis, & quid sit iustum in vtraq̃. Omnes enim attingūt iustum quoddam, sed vsq̃; ad aliquid, & aiunt non omne iustum propriè. puta videtur æqualitas iustum quidam esse, & est, sed non omnibus, at æqualibus. & inæqualitas uidetur iustum esse: & est quidem, sed non omnibus, at inæqualibus. Alij uerò hoc auferunt, videlicet quibus, & malè iudicant. causa uerò est, quia de seipsis iudicium fit. qui uerò de proprijs iudicant, ut plurimum non recti sunt iudices. Itaq̃; cum iustum aliquibus, & diuisum sit eodem modo in rebus & personis, ut diximus in Ethicis, æqualitatem rei consentur, sed de personis contendunt, maximè ob id quod dictum est modo, quia de seipsis non rectè iudicant. Deniq̃;, quia vsq̃; ad aliquid utriq̃; eorum iustum quiddam dicentes, putant se dicere simpliciter iustum

iustū. illi enim si in aliquo sint superiores, ceu  
 opibus & diuitijs, alios omnino putant impa-  
 res esse: hi vero si in aliquo sint pares, puta li-  
 bertate, omnino putant esse pares. Ceterū quod  
 est principalissimum, non dicunt. Si enim pos-  
 sessionum gratia societatem inijsent, atq; vnā  
 conuenissent, tantum caperent ciuitatis, quan-  
 tum possessionis. itaq; ratio illa valeret, quæ est  
 paucorum potentium, qui aiunt non esse iustū,  
 ut qui vnum contulit, tantum participet de cen-  
 tum minis, quantum is qui contulit omne reli-  
 quum: neq; de iis quæ ab initio, neq; de iis quæ  
 postea superueniant. Quod si non uiuendi, solū  
 gratia, sed magis bene uiuendi: nam sic seruo-  
 rum, & aliorum animalium ciuitas esse posset:  
 quod non est ex eo quia, felicitatis non sunt ca-  
 pacia, nec uiuendi secundū electionem: neque  
 societatis gratia bellicæ, ne à quoquam iniuria  
 afficiantur: neq; propter commercia ac mutuā  
 vtilitatem: nam sic Tusci & Carthaginienses, &  
 omnes ij, quibus est commercium inuicem, tan-  
 quam ciues essent unius ciuitatis: sunt nempe  
 illis fœdera circa res importandas: & pacta, ne  
 iniuria afficiantur, & scripturæ circa mutuam  
 bellorum societatem: sed neque magistratus  
 communes his deputati sunt: verū alij apud  
 alios. nec quales esse oportet alteri de alteris  
 cogitant. neque ut nemo eorum iniustus sit, qui  
 sub fœdere comprehenduntur, neq; ut prauita-  
 tem nullam habeant, sed solū ut non inuicem  
 se iniuria afficiant. At enim de uirtute ac uitio  
 publicè cogitant, quicunq; curam habent bene  
 instituendi ciuitatem. Ex quo manifestum est,  
 de uirtute curam esse habendam ei, quæ reue-  
 ra ciuitas sit nominanda, non orationis gratia.

nam

nam sit communicatio societas aliorum ad bellum, loco solum differens ab aliis socijs longè existentibus. & lex pactio, ut ait Lycophron Sophista, fideiussor inuicem iustorum, sed non talis, ut bonos & iustos ciues efficiat. Et quòd ita se habeat, patet. nam si quis coniungat loca in vnum: ut Magarensium Corinthiorumq; ciuitas sese inuicem contingant mœnibus, nihilominus vna non erit ciuitas: nec si simul coniugia inéant: quanquam hoc vnum sit de his communibus, quæ propriè sunt ciuitatum. Eodemque modo si quis habitent separati quidem, non tamen ita longè ut nequeant simul communicare, legesq; habeant, iniuriam sibi inuicem in commercijs prohibendi: ceu si vnus faber, alter agricola, alter sutor, alter aliquis huiusmodi foret, essentq; hi decem millia numero, nec aliæ eis forent communionē, nisi talium rerū, puta contractuum & bellorum consœderationis: nec sic quidem ciuitas adhuc foret. propter quam utique causam? Non enim, quia non propinqua sit communicatio. nam si in vnum conuenirent ita communicantes, vnusquisq; tamē utatur propria domo ut ciuitate, ac sibi ipsis ut consœderati auxiliū ferant contra iniuriantes solum, ne sic quidem ciuitas esse videretur rectè considerantibus, si quidem eodem modo conuersarentur simul, cōiunctim, & separatim. Ex quo patet, quòd ciuitas non est communicatio loci, & non iniuriandi sibi ipsis, & cōmerciij gratia, sed ista quidē ut adsint, necessarium est, si quidē futura sit ciuitas. nec tamē si ista adsint omnia, ciuitas adhuc erit. At bene viuendi societas & domibus, & generibus, vita perfecta gratia, & per se sufficiens. hoc tamē non erit nisi



uno eodemq; loco habitantibus, & coniugia simul incuntibus. propter quod propinquitates in ciuitatibus extiterunt, & sodalitia, & sacra, & conuersationes familiarum. idque est amicitiae opus. nam simul uiuendi electio amicitia est. Finis est igitur ciuitatis bene uiuere: illa uero gratia finis. Ciuitas autem est generum pagorumq; societas, uitz perfectae ac per sufficientis: hoc est (ut diximus) bene ac beatè uiuere. Benè igitur agendi gratia ponendum est esse ciuilem societatem, non autem gratia simul uiuendi. Quapropter quicumq; plus conferunt ad huiusmodi societatem, his plus iuris competit in ciuitate, quàm his qui libertate ac genere pares sunt, uel maiores, sed ciuili uirtute sunt impares: & quàm ijs qui diuitijs superant, sed uirtute superantur. Quod igitur omnes qui de rempublica cõtendunt, partem aliquam iusti dicunt, manifestum est ex supradictis.

*Quem oporteat in ciuitate dominari: & nonnulla de repetundis rationibus. Cap. VII.*

**E**st autem dubitatio quid oporteat dominas esse in ciuitate, nunquid populum, an eos qui diuitias habent, an bonos: & equos, uel unum qui sit optimus omnium, uel tyrannum. Verum hæc omnia uidetur habere difficultatē. Quid enim inopes quia plures sint, si partiatur ea, quæ sunt opulentorum, hoc non iniustum est? † visum est enim qdē iustū ē ei qui † decreuerunt enim qui potestatem habent. in iuria igitur summa, quæ tandē dicenda est? Rursusq; omnib; acceptis, si plures ea sibi tribuāt, quæ sunt paucorum, constat quod ciuitatē corrumpunt. atqui uirtus nunquam corrumpit id, quod

quod eam habet, neque iustum ciuitatis corrup-  
 tium est. ex quo patet legem istam non posse  
 iustam esse. Præterea illa quoque quæ facta fue-  
 rint à tyranno. necessarium foret iusta esse o-  
 mnia. uim enim adfert propter potentiam, ut  
 multitudo diuitibus. Sed an paucos & opulen-  
 tos iustum est dominari? an ergo si & illi hoc  
 agant, & rapinas exerceant, auferantque multi-  
 tudinis bona, hocne erit iustum? & cetera ergo.  
 hæc igitur omnia constat esse praua, & non ius-  
 ta. Verum bonos & æquos dominari oportet,  
 autoritatēque habere omnium. Ergo alij om-  
 nes cum magistratus non capiant, inhonorati  
 manebunt? nam honores quidem magistratus  
 potestatesque appellamus: quos si boni semper  
 habeant, necessarium est alios excludi ab ho-  
 noribus reipublicæ. Sed nunquid unus qui sit  
 optimus, dominari debet? at enim hoc etiam  
 † grauius est; quoniam plures erunt ab hono-  
 ribus exclusi. Sed forsitan dicet aliquis, legem do-  
 minari debere, non autem hominem, in quem  
 cadunt animi perturbationes. Si igitur sit lex  
 quidem, sed vel paucorum potentiam, uel ad  
 multitudinis fauorem declinans, quid tandem  
 refert in his, de quibus dubitatum est? euenient  
 enim eadem, quæ supra dicta sunt. de his igitur  
 sit alius quidem sermo. Quod autem magis pe-  
 nes multos debeat esse potestas, quam penes  
 paucos, licet optimos, videtur solui posse, &  
 quandam habere dubitationem, inò foris ue-  
 ritatem. Nam si plures sint, quorum unusquisque  
 non sit studiosus, tamen fieri potest, ut in unum  
 conuenientes, omnes meliores sint quàm illi,  
 non ut singuli, sed ut omnes: quemadmodum  
 cœna in qua plures conferunt, quàm ea quæ ex

† ad mino-  
 rem pauco-  
 rum poteri-  
 tiam atti-  
 net.

vnus erogatione fit. nam cū plures sint, unusquisque partem habet uirtutis ac prudentiæ, ac sunt in vnum collati, quasi homo vnus qui multos pedes habeat, multasque manus, multosque sensus. & eodē modo circa mores & intelligentiam. quapropter melius iudicant multi & in musica, & in poëtarū operibus: alij enim aliud, & cuncti cuncta discernunt. Sed in hoc differunt studiosi viri ab vnoquoque aliorum ex multitudine: quemadmodum decoros à non decoris aiunt, & picta artificiosè à veris, eò quòd seorsum distincta in vnū colliguntur. cū si separatio fiat, pulchrius se habebit, huius quidam picti oculos, alterius verò cuiusdam alia particula. Si igitur de omni populo omniq̃ue multitudine recipitur hanc esse differentiam multitudinis ad paucos studiosos, incertum est, imò per Iouem certum, quòd de quibusdā est impossibile. nam eadem ratio de bestiis esset, quanquā quid differunt quidam, ut dixerim, à bestiis? sed de aliqua multitudine nihil verat, quod dictū est esse verum. Quapropter dubitationē illam priorem per ista soluere quis potest, ac similiter alia subsequentem, quorum oporteat potestatem habere liberos homines ac multitudinem ciuium, quales sunt quicunq; neq; opes habēt, neq; virtutis vllam estimationem. Etenim permittere istis magnos magistratus, nequaquam est tutū, propter iniustitiam & ignorantiam, per quas quibusdam iniuriarentur, in quibusdam errarent. Rursus verò excludere illos penitus ab honoribus, periculosum esset. cū enim multitudo inopum est in ciuitate, eademq̃ue ab honoribus exclusa, necesse est eam ciuitatem esse plenam hostiū reipublicæ. restat igitur vt ad consultandū, & decernendum

nendum isti recipiantur. Quapropter & Solon, & alij quidam eorū qui leges cōdidere, huiusce-  
modi homines ad repetendas gestorum ratio-  
nes, & ad suffragia electionesque magistratuum  
admittunt: solis autem ut magistratus commit-  
tantur, nequaquā permittūt. Dum enim cum  
alijs vnā decernunt, atq; consultant, capiunt o-  
mnes simul sufficientē sensum, & permisti me-  
lioribus prosunt reipublicæ: quemadmodū non  
pulum alimentum vnā cum puro, totū facit uti-  
lius, quā paucū. separatim verō vnusquisq; im-  
perfectus est ad iudicandum. Sed habet dubita-  
tionem huiusmodi ordinatio reipublicæ. Pri-  
mū, quia videretur eiusdem esse hominis scire  
iudicare quis rectē medelā attulit, qui ipse sciat  
etiā mederi, ac sanitatem egrotantibus afferre.  
hic autem est medicus. eodem modo de alijs fa-  
culatibus & artibus. ut enim medicū rationem  
sux medelæ apud alios medicos reddere oport-  
et, ita & alios apud similes. Medicus autē est &  
ille qui agit, & ille qui præcipit & ostendit, & ter-  
tio loco ille qui à pueritia expertus est circa ar-  
tem. sunt enim quidam tales in cunctis (ut ita di-  
xerim) artibus. tribuimus verō iudiciū non mi-  
nus expertis quā scientibus. Deinde & circa  
electionē eodem se videtur modo habere. nam  
rectē eligere scientis est opus: ceu geometrā in  
geometria, & gubernatorem in nauigatione. et  
si enim in quibusdam operibus & artibus con-  
currunt alij quidā ignorantes, non tamē melius  
iudicant quā scientes. Itaq; secundū hanc ra-  
tionem autoritas multitudini danda non esset,  
neq; in electionibus magistratum, neq; in ra-  
tionibus administratorū reposcendis. At enim  
forsan hæc omnia nō bene dicuntur, etiam pro-

pter superiorem sermonem, si sit multitudo non nimis seruilis. erit enim unusquisq; deterior iudex, quàm hi qui sciunt. veruntamen simul omnes, uel melius iudicabunt, uel nō deterius. & de quibusdam quidem non solū is qui fecerit, neq; melius iudicat, quàm quicunq; qui opera cognoscunt etiam non habentes artem. puta domum, non solū is intelligit & iudicat qui fecit, sed melius is qui utitur: utitur autem paterfamilias. & de temone gubernator, non faber: & de epulis conuiuia, non coquus. Hoc igitur dubium per hunc modum uidetur sufficienter solui. Est & alia dubitatio cum hac annexa, quia inconueniens uidetur, ut deteriores qui sunt, maiorum rerum habeāt potestatem, quàm probi. rationes verò administratorum à magistratibus reponere, & magistratus ipsos deligere maximum est. quæ duo in quibusdam ciuitatibus (ut dictū est) à populo fiunt. concio enim talium omnium domina est. atqui concionis quidē participes sunt, & deliberant, & decernunt exigui cœsus homines, & cuiusq; ætatis: quæsturam uerò & militū præturam & maximos magistratus suscipiunt ex censu magno, atq; ætate. Quæstio illa potest eodē modo solui: nam forsan id se rectè habet. neq; enim Iudex, neq; consultor, neque is qui in concione existit, dominatur, sed iudicium, & Senatus, & populus: dictorum uerò unusquisq; est particula istorū. dico autem particulam, cōsultorem, concionatorē, & Iudicem itaq; iustè domina maiorum est multitudo. ex multis enim populus cōstat, & senatus, & iudicium, maiorq; census est uniuersorū quàm singulorum per se, & quàm illorum paucorum, qui magnos suscipiunt magistratus. Hæc igitur in hunc modum  
deter

determinata sint. Prima uerò illa quæstio manifestum facit, nihil adeo ut leges recte positas debere dominari. illū autem, qui reipublicæ præest, siue unus hic sit, siue plures, debere in his potestati habere, in quibus leges expresse cauere non possunt; ex eo quia non facile sit, generali sermone singulos casus comprehendere. Quas tamen leges recte positas dicamus, nondū apparet. sed adhuc superest anterior dubitatio. atq; tales esse leges, quales sunt reipublicæ. necessarium est, prauas uel studiosas, iustas uel iniustas, & hoc vnum manifestum est oportere ad speciem rei publicæ leges esse accommodatas. Quod si ita sit, patet quod leges illas, quæ ad rectas gubernationes accommodatæ sunt, necesse est esse iustas: illas uerò quæ ad earum labes, esse non iustas.

*Ex nobilibus, ingenuis, opulentis uiris constituendam esse ciuitatem: iustitia, uirumque bellicam in ea opus esse: & ad quos legislator respicere debeat.* (ap. V. 111.

**C**um uerò in cunctis scientijs & artibus finis sit bonum, maximum autem & maxime in principalissima omnium: hæc autem est ciuilis potestas, est autem ciuile bonū, iustum, id autem communis utilitas: uidetur autem omnibus æquum, quoddam esse iustum, & usq; ad aliquid consentiunt philosophicis rationibus, in quibus determinatum est de moralibus: quid enim & quibus iustum, & oportere paribus par existeret: quorum certè paritas, & quorum imparitas sit, oportet non latere (habet enim id dubitationem) & philosophiā ciuilem. Forsan enim diceret aliquis, secundum omnis boni præeminentiam oportere impariter magistratus tri-



buere, si in alijs non differant, sed pares sint. differentibus enim aliud esse iustum, & quod sit secundum dignitatem. Atqui si hoc verum sit, erit & secundum colorem & secundum magnitudinem, & secundum vnumquodq; bonorum plus tribuendum de ciuili iusto illis qui superexcellunt. an hoc quidem aperte falsum est: quod paret in alijs scientijs, & artibus. Paribus enim fistulatoribus quantum, ad artem, danda non est prærogatiua fistularum illi qui sit nobilior (nihil enim melius caneret) sed oportet his qui in opere ipso superexcellunt, tribuere fistularum prærogatiuam. Quod si nondum patet quod dicimus, etiam magis deducantibus erit manifestum. nam si erit aliquis excellens fistulatoria arte, inferior tamen nobilitate generis, uel forma, & si maius quodlibet illorum est bonum quàm fistulatoria (dico autem nobilitatem & formam) & secundum proportionem fistularum sunt anteponenda: tamen huic dandæ sunt meliores fistulæ. oportet enim in opus ipsum prærogatiuam conferre. diuitiarum uerò & nobilitatis respectus nihil cōfert. Præterea, secundum istam rationem, omne bonum ad omne bonum esset utiq; comparabile. Nam si magis aliqua magnitudo, & certè omnino magnitudo comparabilis foret & ad diuitias, & ad libertatem. itaq; si magis hic excelleret magnitudine quàm ille uirtute, & magis superemineret omnino magnitudo uirtuti, essent omnia \* conferenda. quanto enim magnitudo huius illum superaret, tanto constat esse parem. Cum uerò hoc sit impossibile, patet, quòd in rebus ciuilibus, nō secundum omnem imparitatem de magistratibus rectè contendunt. si enim sint hi quidē tardi,

illi

\* συμ-  
βαλντα

illi autem veloces, nihil ob hoc oportet alios plus, alios minus habere: sed in gymniciis certaminibus horum excellentia honorem capit. At ex quibus constat ciuitas, in his est necesse contentiones cadere. Quapropter rationabiliter sibi arrogāt honorē nobiles, & ingenui, & opulenti. oportet enim ingenuos esse, & censum habere ad onera perferenda. non enim ciuitas esse potest ex pauperibus omnibus, quemadmodū nec ex seruis. At si hæc requiruntur, patet quod & iustitia & virtus bellica requirūt. sine his enim stare ciuitas non potest. Hoc tamē interest, quod sine primis illis ciuitas esse non potest, sine his autem non bene permanere. Ad hoc igitur ut sit ciuitas, videri possunt uel omnia, uel quædam istorum rectē sibi honores vindicare. ad uitam tamen optimā disciplina & virtus iustissimē sibi vindicare honores utiq; viderentur, ut suprā dictum est. Cū verò nec omnium parium par habere debeant qui in uno aliquo sint pares, nec impar impares secundū unum; necessariū est omnes huiusmodi rerum publicarum transgressionem esse, & labe. dictum verò est prius, quia inter se quodammodo omnes iustē contendūt, simpliciter autem non omnes iustē. opulenti quidem, quod plus regionis possident: regio autem commune quiddam, præterea in commercijs magis creditur eis ut plurimū. Ingenui autem & nobiles, quasi prope inter se. ciues enim magis generosiores quàm ingenerosi. nobilitas autem apud omnes in honore habetur. Insuper consentaneum est, ex melioribus ortos esse meliores: est enim generis virtus nobilitas. Similiter quoq; dicimus virtutem meritò contentionem inducere. sociabilem enim uirtutem dici-

mus esse iustitiam, quam ceteræ omnes virtutes necessario consequuntur. Atqui & plures ad pauciores: nam & potentiores & ditiores & meliores sunt, ut susceptis pluribus ad pauciores. An, ergo, si oēs isti forent in una ciuitate, ceu boni, & diuites & nobiles, essetq; alia multitudo populi, utrum in dubium ueniret, quibus gubernatio reipublicæ foret tribuenda, an non esset dubium? In vnaquaq; igitur republica earum quas diximus, indubitatum est iudiciū, quinam debeant gubernare. principatibus enim inter se differunt, ceu aliqua quatenus per diuites sunt, alia quatenus per studiosos, & aliarū vnaquæq; eodem modo. Sed tamen considerandum est, quando circa idem tempus ista existant, quomodo sit determinandum. nempe si studiosi sint in ciuitate admodum pauci, quomodo est agendum. An considerare oportet si pauci ad opus gubernandi rempublicam sufficiant, an tot esse oporteat, ut ex his ciuitas constet. Est autem dubitatio quædam in cunctis, qui de honoribus in republica contendunt. Nam qui vel propter diuitias, uel propter genus gubernationem sibi tribuendam putant, nihil iuste dicere uiderentur. sequeretur enim, ut si quis vnus omnium ditissimus foret, is eodē iure gubernare alios omnes deberet. eodem modo qui nobilitate antecelleret, eorum gubernator esset, qui cū ipsi sint ingenui, de honore contendunt. Hoc idem forsitan contingeret in optimatum gubernatione circa virtutem. Siquis enim vnus probitate antecellat alijs, qui in eadem republica uersentur, hunc dominari oportebit secundum illam rationem. ergo si & multitudinem dominari oportet ex eo, quia potentior est quàm pauci, etiam si vnus uel

vel plures uno, pauciores tamen quam multitu-  
do, potentiores sint aliis, hos oportebit guber-  
nare potius quam multitudinem. Hec itaq; om-  
nia videntur ostendere, quod harum determina-  
tionum nulla est recta, secundum quam censent  
sibi quisq; gubernationem esse tribuendam, ce-  
teros vero omnes sub eorum gubernatione esse  
debere. Nam profecto & ad eos qui per virtutē  
sibi arrogant gubernandi auctoritatem, & ad eos  
qui per diuitias, respondere posset multitudo ius-  
tum sermonem. nihil enim verat multitudinē  
quandoq; meliorem esse quam pauci ac ditio-  
rem, non secundum singulos, sed secundum vni-  
uersos. Ex quo ad quaestionem illam, quam affe-  
runt nonnulli, per hunc modum responderi po-  
test. Quærent enim nonnulli, ad quid respicere  
legis conditor debeat in legibus rectissime con-  
stituendis, vtrum ad meliorum, an ad plurium  
utilitatem, quando contingat quod modo dixi-  
mus. Rectum quidē accipiendum est æque. & que  
verò rectum ad totius ciuitatis utilitatem, & ad  
communem ciuium. ciuis autem communiter  
qui particeps est imperandi & parendi, licet al-  
ius secundum vnamquamque speciem rerum-  
publicarum. secundum autem optimam speciē,  
qui potest & eligit parēre & imperare ad vitam  
secundum virtutem degendam.

*An vnus qui ceteros virtute excellat, ciuitatis pars sit  
ponendus. De ostracismo. Et quid ab optima  
republica de viro illo agendum sit.*

*Cap. I X.*

**Q**uod si vnus sit vsque adeo superexcellens  
virtute, vel plures quam vnus, nec tamē

tot numero vt implere ciuitatē possint, vt neq;  
 comparanda sit aliorum omnium virtus, neque  
 facultas gerendi rempublicam ad hanc plurium  
 si plures sint, vel vnus tantū si vnus, non am-  
 plius hi ponēdi sunt ciuitates pars. fieret enim  
 illis iniuria, si pariter atq; alij censerētur: cū  
 sint vsq; adeo superiores secundū virtutem ac  
 ciuilem potentiam. putandum est enim talem  
 virum, tanquam Deum in hominibus esse. Ex  
 quo manifestum est, positionem legum necessa-  
 riam esse circa æquales genere potentia. sed in  
 illos tales non est lex: ipsi enim lex sunt. ete-  
 nim ridiculus foret, qui illos legi subijcere co-  
 naretur. Dicerent enim fortasse quemadmodū  
 de leone scribit Antisthenes, concionantibus le-  
 pusculis, ac consentibus equum omnes habere  
 debere. Quapropter à ciuitatibus, quę popula-  
 lariter reguntur, Ostracismus repertus est. hæc  
 siquidem ciuitates æqualitatem maximē com-  
 plectuntur. Itaq; qui superexcellere videtur, vel  
 propter diuitias, vel propter amicos, vel propter  
 aliquam aliam ciuilem potentiam, extra ciui-  
 tatem relegatur ad tempus aliquod terminatū.  
 Tradunt etiam fabulæ, ob huiusmodi causam,  
 Herculem ab Argonautis fuisse relictum: non  
 enim vnā cum alijs nauem regere illū voluisse,  
 vt nimium superexcellentem inter nauigantes.  
 Quapropter qui vituperāt tyrannidem, & con-  
 silium Periandri Thrasibulo datum, non simpli-  
 citer existimādi sunt rectē dicere. Ferunt etiam  
 Periandrum nihil respondisse ei, qui consilij pe-  
 tendi causa ad ipsum missus fuerat: sed super-  
 eminentes spicas demetendo segetem adæquasse.  
 cuius causam cū non intelligeret nuntius, ac  
 factum ab eo narraret, intellexisse Thrasibulum,  
 quod

quodd oportebat supereminentes ciues auferre. Hoc autem nec prodest solum tyrannis, nec solum faciunt tyranni, sed & in paucorum potentia, & in populari statu similiter se habet. Ostracismus enim eandem quodammodo vim habet, tollendo eos qui supereminent, & in exilium pellendo. Hoc idem & in ciuitatibus & in gentibus faciunt qui dominantur, velut Athenienses circa Samios & Chios & Lesbios. quamprimum enim imperium firmiter habuerunt, eos in multis pessundarunt contra fœderis æquitatem. Persarum autem rex Medos, & Assyrios, & alios qui magnum aliquid de ipsis sapiebant ob imperium prius habitum, sæpe contriuit. Quæstio autē proposita circa omnes est rerum publicarū species vniuersaliter, & quæ sunt res. nam illæ quæ transgrediuntur, ad propriam respicientes vtilitatem, hoc agunt: quinimò & illæ quæ ad cōmune respiciunt bonum, eodem modo se habent. Patet hoc in alijs quoque artibus & scientijs. neq; enim pictor pedem mensuram excedentem, animal habere pateretur, quanuis pulcherrimus ille pes esset: neque nauium faber proram, aut aliam partem nauis: neque certè magister chori eum, qui pulchriorem ac meliorem toto choro vocem emittit, sinet in choro esse. Itaq; ob hoc quidem nil prohibet eos qui domini sunt, conuenire cum ciuitatibus, si propriæ dominationis gratia quæ ciuitatibus vtilis sit, id agant. Quare secundum eas quas confitemur superexcellencias, quandā habet † vtilitatem ratio illa, per quam ostracismus fuit repertus. Medius tamē foret sic ab initio per legis conditorem prouideri, vt respublica non indigeret tali medicina, secundo autem loco,

† *civilem  
iustitiam.*



loco, siquid tali accidat, conandum est tali aliquo remedio corrigere: quod tamen factum nō est à ciuitatibus. nō enim respexerunt ad commodum publicum, sed per seditionem vsi sunt ciuili pulsione. In his igitur speciebus gubernandi, quæ lapsæ sunt, quod ad priuatum commodum pertinet ac iustum est, patet, forsitan autem non simpliciter iustum: & hoc est manifestum. Sed in optima republica magna habetur dubitatio, si non per excellentiam aliorum bonorum, ceu iurium & diuitiarum, & amicitiarum, sed si quis excellat virtute, quid de eo sit faciendum. Non enim dicendum est, vt talis vir sit de ciuitate pellendus. atqui neq; gubernationi aliorū talis vir erit subiiciendus: perinde enim est, ac si qui Iouem gubernare velint potestatem diuidentes. Restat ergo, vt videtur, naturam huius talem esse, vt omnes sponte sua illi parere debeant, itaq; huiusmodi quidem homines reges esse perpetuos in ciuitatibus.

*De republica regia, & regum speciebus.*

*Cap.*

*X.*

**F**orsan verò post hæc congruum fuerit considerare de regia gubernatione. Diximus enim hanc esse vnā ex rectis speciebus rerum publicarum. Considerandum est aut, vtrum conducat ciuitati & regioni, quam rectè gubernari oporteat, regē habere, an non, sed alia quā species gubernandi magis cōducat: an quibusdam conducat quibusdā non. Ante omnia verò distinguendū est, an sit vnum genus eorum, vel differentias habeant plures. Et facile est intueri, quòd plura genera sunt, nec est omnium regum modus vnus potestatis. In Lacedæmoniorum enim

enim republica vř rex esse maximè secūdum leges. neq; enim potestatem habet omnium: sed cum egreditur extra regionem, imperium habet eorum quæ pertinent ad bellum, præterea sacrificia, Deorumque ceremoniæ ei commissa sunt: hæc igitur regia potestas est, quasi auctoritatem belli perpetuam habere. vitæ enim necisque alicuius non habet potestatem, nisi dum bellum gerit, vt etiam apud antiquos fuisse videtur, quod ostendit Homerus. nam Agamemnon in concionibus, maledictis & iurgiis vexabatur, sed cum à concione digressus in prælio erat, occidendi habebat potestatem. Itaque, inquit, quem ego procul à pugna fugientem conspexero, non sibi sat erit fugere canes & aues: nam penes me occidendi potestas. Vna ergo species regni est auctoritas belli perpetua, & quandoque per genus, quandoque per electionem huiusmodi regnum obtinetur. Est & alia insuper monarchiæ species, qualia sunt apud quosdam Barbaros regna, vim habentia proximam tyrannidi, licet sint legitima & secundum morem parata. Ob id enim, quia magis apræ sunt natura ad seruiendum nationes Barbarorum quàm Græcorum, & eorum qui incolunt Asiam, quàm eorum qui Europam, perferunt \* seruire iugum equo animo. Et ob hoc tyrannica sunt huiusmodi regna: sed habent securitatem, quia more & legibus consistunt. Et ea de causa custodiam habent regiam, non tyrānicam. reges enim à ciuibus custodiuntur: tyranni verò ab externis mercede conductis, & reges secundum leges, & volentibus: tyranni verò inuitis dominantur, itaque alteri à ciuibus custodiuntur, alteri contra ciues cu-

\* δεσπο-  
τικὴν ἀρ-  
χήν.

ues custodiam parant : sunt igitur hæc, de quibus dictum est, duæ species monarchiæ. Tertia est species, ut antiquitus in Græcia fuere; quos vocabant Aesymnetas. Est autem hæc, ut simpliciter dicamus, electiua tyrannis, differens à Barbarica, non eo quòd non legitimè. sed eo quòd non consuetè: potestas autem huiusmodi, aut viuente eo durabat, aut tempore quodam præfinito, vel rebus gestis finiebatur, qualem elegerunt quandoque Mitylenæi Pittacum aduersus exules suos, quibus præerant Antimenides & Alcæus poëta. ostēdit hoc Alcæus in quodam loco suorum carminum. increpat enim, quòd Pittacum hominem oblcuri generis laboranti ciuitati præfecerint, tyrannum plausu frequentantes. Huiusmodi igitur species, quia tyrannica sunt, dominationem habent: quia verò electiua sunt, & volentium, regiæ. Quarta species regni est, quales erant heroicis tēporibus spontaneæ secundum morem & legem. propter beneficia enim à patribus collata in populos, vel per artes, vel per bellum, vel per congregationem in vnum, vel propter acquisitionem regionis delatum fuit eis regnum de populorum voluntate & successoribus. Id erat secundum morem. Hi & imperium habebant belli, & rei diuinæ cultum exercebant: nisi talia essent sacrificia, quæ sacerdotium requirerent, & præterea de cōtrouersijs iudicabant: & hoc faciebant alij iureiurando præstito, alij sine iureiurando, erat autem illis iusiurandum, per sceptri elevationem Veteres igitur illi Reges antiquis temporibus ciuitates, & \* gentes, & nationes externas continuò gubernabant; postea verò, partim ipsis regibus dimittentibus, partim multi-

\* ἐξ ὧν  
μα.

tudine

tudine detrectante, illud solum in quibusdam ciuitatibus relictum est regibus, vt ceremoniarum erga Deos haberent facultatem, ac belli duces in externis essent.

*De speciebus iterum regia potestatis. An ab optimo viro regi, vel ab optimis legibus gubernari magis expediant. Cui ubi lex providere non potest, providendi danda sit potestas. De permutatione ex una in alteram reipub. speciem. Et de custodibus regis.*  
 Cap. X I.

**R**egiz ergo potestatis tot sunt species, quatuor videlicet. Vna qualis erat temporibus heroum, volentium scilicet, & in quibusdam determinatis rebus. Dux enim belli, & iudex cōtrouersiarum erat rex, & dominus ceremoniarum erga Deos. Altera erat Barbarica, ex progenie scilicet, dominatio secundum leges. Tertia, quam Aesymnetiam vocant, quam esse diximus electiuam tyrannidem. Quarta, Laconica: ea autem est, vt simpliciter dicam, imperium belli in quodam genere perpetuum. Ista quidem igitur per hunc modum inter se differunt. Quinta est species regni, quando vnus omnium habet potestatem, quemadmodum vnaquæque gens, & ciuitas vnaquæque publicè ordinata, ad exemplum gubernationis domus. Vt enim gubernatio patrisfamilias est regia quædam potestas domi, ita regia potestas est ciuitatis & gentis vnus, aut plurium quasi domestica quædam gubernatio. Fere autem duæ sunt regni species, de quibus considerationem facere expedit, vna hæc, de qua diximus: altera Laconica. nam aliarum pleraque inter has mediæ sunt. pauciorum enim dominæ, quàm omni-  
 moda

moda potestas regia: plurium uerò quàm Laconica. Itaque consideratio ferè circa duo uersatur. Vnum, conducátne ciuitatibus perpetuum belli ducem habere: & hunc uel per genus, uel per electionem. Alterum, conducátne, vnum habere potestatem omnium, an non conducat. De duce igitur belli considerare, ad leges potius pertinet, quàm ad aliquam speciem reipub. nã in omni republica id cadere potest, quare dimitramus hanc primam partem. De rege autem, quoniam hæc est gubernandi legitima species, considerare oportet, & dubitationes quæ in ea cadunt percurrere. Caput uerò huius quæstionis est, utrum expediat magis: ab optimo homine regi, uel ab optimis legibus gubernari. Qui gubernationem hominis præferunt, aiunt leges solum uniuersaliter prouidere, non autem de singulis quæ accidunt iubere, itaque in quacunque arte literis præcipere satuum esse. Et in Aegypto post tertiam diem mouere licet medicis, quòd si prius, periculo id agunt suo. Patet ergo propter eandem causam, non esse per literas & leges optimam gubernationem, atqui & illam adesse oportet gubernantibus uniuersalem rationem. Et melius certè cui non adest turbatio aliqua omnino, quàm cui naturaliter inest, hac autē turbatione lex caret, mens uerò humana non caret. Sed forsandicet aliquis, quod per huiusmodi rationem probabilius deliberabit circa singula. Quòd igitur necesse sit ipsum legis conditorem esse, ac leges poni, manifestum est: sed non inuiolabiles, quatenus transgrediuntur. nam in cæteris quidem inuiolabiles esse oportet. At de quibuscunque lex aut prouidere non potest omnino,

aut

aut non bene prouidere, utrum in his uni viro optimo danda sit potestas, an multis? Etenim nunc plures simul cognoscunt de causis, & deliberant, & iudicant, sunt autem huiusmodi iudicia omnia de singularibus, & cum unusquisque per se fortasse deficiat, ciuitas autem ex multitudine conitet: ut conuiuium, ad quod plures conferunt, melius est quàm vna atque simplex mensa sic iudicia multorum sæpe meliora sunt, quàm uniuscuiusque. Præterea multitudo minus subiacet corruptioni, quemadmodū aqua magna congeries: sic etiam plures quàm pauci incorruptibiliores sunt, at cum unus iudicat, si ira uel alia huiusmodi perturbatio uincat, necessarium est iudicium corrumpi: sed in multitudine, difficile foret omnes irasci atque errare, Sit autem multitudo liberorum hominum, qui nihil agant præter legem, nisi in quibus lex ipsa necessario deficiat, quòd si hoc nō facile in pluribus, si plures sint boni uiri & ciues, utrum incorruptior exit unus in gubernando, an cū erunt plures & boni omnes? an patet quod plures? enimvero plures inter se factionibus cōtendūt, unus autē non contendit. Sed aduersus hoc forsā ponēdum est, quòd, studiosi viri sunt omnes, ut ille unus. Si ergo plurium gubernatio, bonorum autem uiroꝝ omnīū, optimatium dicitur, vnius autem regnum, optabilius esset ciuitatibus ab optimis gubernari quàm à rege, & si cum potestate, & si sine potestate sit imperium, modo reperiri queant plures similiter, & ob hoc forsā rex ab initio repertus est, quòd difficile erat uiros plures eccellente uirtute reperiri. præsertim cū tunc ciuitates parue forent. Præterea ob beneficia accepta regem crea-



nere: quod opus est bonoꝝ uiroꝝ. sed cū postea contingeret ut plures pari uirtute reperirentur, non amplius tolerarunt regem, sed commune quiddam quērentes, respublicas constituere. Cū verò deteriores facti, lucrum sibi quizerent ex gubernatione reipublicæ, paucorum hinc potentiam exortam fuisse credendum est. Honorabāt enī diuitias: ex his verò in tyrannides transire: ex tyrannidibus rursus ad plebem, semper enim ad pauciores redigētes, propter quæstus cupiditatem, multitudinem corroborauerunt, ut tandem insurgens multitudo ad popularem statum ciuitates redegerit, factis insuper maioribus ciuitatibus, non facilius est aliā quā popularem gubernandi speciem remanere. Si autem quis ponat optimum esse ciuitatibus à rege gubernari, quomodo fiet in filiis & utrum per genus erit successio. At si natorum qualescunq; perniciosum est. Sed dices, non relinquet regnum huiusmodi natis rex, cū id in sua sit potestate. At non facile iam est in hoc fidem habere: arduū enim ac maioris virtutis, quā secundū humanam naturam. Quæstio est etiam, utrum habere debeat qui regnaturus est, circa se potētiā quandam, qua possit compellere non parentes, uel quomodo gubernationem exercebit? Si enim habeat potestatem à legibus concessam, & nihil ex uoluntate sua faciat præter leges, tamen necessaria erit sibi potentia, per quam leges tueri queat. Forſan quidem de huiusmodi rege non difficile est determinare. nam oportet ipsum vires habere, sed tales ut unoquoque separatim & simul pluribus potentior sit, populo tamen sit impotentior: ut antiqui solebāt custodias cito rati dare, cum aliquem

quem ciuitati præfecissent, quem Acſymnetam vocitabant, uel tyrānum. Et Dionyſio poſtulāti circa ſe habere aliquos cuſtodie cauſa, conſuluit quidam Syracuſanis tot eſſe dandos.

*De regia vnius tantum & absoluta poteſtate: & an ipſum, legē uel dominari melius ſit. Ea qua multitudo à regibus, quāue ab alijs uiri apta ſit gubernari.*  
Cap. XII.

**V**ERū de eo rege, qui cūcta ex voluntate ſua gerit, conſideratio nunc eſt facienda. nā ille qui ſecundū leges dicitur rex, nō facit (ut diximus) regiæ gubernationis ſpeciem, quia in cūctis rebus publicis cadere poteſt ut ſit quidam ducendo exercitui, cū ciuitas bellum gerit, perpetuò præfectus, puta in populari ſtatu, & optimatium gubernatione, pluresq; autoritatem vni committunt belli gerendi. Eſt autē talis quædam deputatio apud Doraciū, & apud Sypontinos: licet apud Sypontinos paulò conſtrictior. Sed regia illa poteſtas pleniffima, per quam rex omnia ex voluntate ſua gubernat, uidetur quibusdam non eſſe ſecundū naturā: ut vnus omniū dominus ſit ciuium, cū ex ſimilibus ciuitas conſtet. nā ſimilibus natura idem ius eſſe neceſſarium eſt, & eandem dignitatem ſecundū naturam: quare ut parem habere impares alimoniam, aut veſtem, nō ciuium eſt corporibus: ita & in honoribus res ſe habet. ſimiliter ergo & inæqualem, inæqualibus, ex quo nō magis præeſſe quā ſub eſſe iuſtū eſt, & per viciffitudinem eodem modo, & hæc iam lex. nam inſtitutio ꝑ lex eſt. Melius eſt igitur, ut lex dominetur, quā aliquis ciuiū, eademq; iſta ratione ſi quos præeſſe oportet, ita ſunt præficiendi, ut

custodes legum atq; ministri. necesse est enim esse aliquos magistratus cum potestate, sed non vnum hūc esse debere aiunt in ciuium paritate. Quācūq; tamen videntur per legem quidem terminari non posse, per hominē uerō cognosci posse prudenter cauens lex adiungit, cætera iustissima intentione iudicari debere per eos qui iudiciis præsumt, ac insuper emendare permittit quid videatur, conantibus vt melius disponatur quàm sicut iacet. Qui igitur legem præesse iubent, videntur iubere Deum præesse & leges: qui autem hominem iubet præesse adiungit & bestiam, libido quippe talis est, atq; obliquos agit etiam uiros optimos qui sunt in potestate, ex quo mens absq; appetitu lex est. Videtur autem de artibus falsum esse exemplum, quòd secundū literas medicari uanū esset, meliusq; fore si possidentibus artem utamur. nam illi quidē nihil contra rationem per amicitiam agunt: sed ꝑ recusant mercedem accipere, cum sanos fecerint. At in ciuilibus magistratibus multa per affectionem & gratiam consueuerunt, delinquere, cum si de fide medici timeretur, ac suspitio foret, ne suscepto ab inimicis pretio necare velit, tunc ex literis curam magis optaremus. Atqui ægotantes medici alios ad se medicos vocant, & magistri palæstræ alios magistrōs: quasi nequeant uel uel discernere quid de proprijs iudicant, & in affectu cōstituti sunt. quare manifestum est, quòd iustū querentes, mediū querunt. Lex enim medium est. Præterea validiores, & de ualidioribus rebus leges sunt illæ, quæ ex motibus proueniunt, quàm quæ ex literis: quare si minus fallitur homo magistratum gerēs quàm hi qui secundū literas, nō tamē quàm hi qui secundū

*q. à l. mercedem accipiunt.*

secundum consuetudinem . Atqui nec facile est  
vnum discernere : opus erit ergo, ut plures sint  
sub eo magiſtratū gerētes . itaq; quid refert hoc,  
ſtatim ab initio providere, uel expectare, ut ipſe  
vnus aliis iſta cōmittat ? Insuper quod prius di-  
cebatur, ſi quidē uir ſtudioſus, quoniam melior  
ſit, præſſe debet, vno autem duo boni meliores  
ſunt . Hoc enim eſt quod Homerus ait :

*Duo ſimul eūn<sup>tes</sup> . Et optatio Agamemnonis :*

*Vtinam tales mihi decem conſuliores adſſent .*

Sunt autem etiam nūc magiſtratus cum po-  
teſtate iudicandi de quibuſdā, ceu iudex de qui-  
bus lex providere nō poteſt . nam de quibus lex  
determinare poteſt, nemo dubitaret . Sed cum  
quædam comprehendere legibus poſſint, quædam  
non poſſint : & hæc ſint illa quæ dubitationē &  
quæſtionem faciūt, utrum melius ſit ab optima  
lege, an ab optimo viro gubernari : nam quæ in  
conſultationem veniunt, de eiſdem ferri legem  
impoſſibile eſt : nō igitur hoc aiunt, quod neces-  
ſarium ſit hominem de huiuſmodi rebus iudi-  
care , ſed quod nō vnum ſolum ſed plures iudi-  
cat enim unusquiſque in magiſtratu bene, ſi ſit  
eruditus primo à lege . Forſan verò abſurdū vi-  
deri poſſet , ſi melius cernat duobus oculis, &  
duabus auribus audiat, & duobus pedibus, dua-  
buſq; manibus agat, quàm plures pluribus : cum  
& nunc quidem reges & tyranni oculos plures  
ſibi comparent, & aures, & manus, & pedes præ-  
ficiendo amicos, & curationem rerum eis com-  
mittendo, qui niſi ſint amici, non faciunt ſecun-  
dum illorum intentionem : ſi verò ſint amici, &  
ſtatus illorum & perſonarum : amicus autem  
par & ſimilis . quare ſi eos cenſet præficiendos,  
certè pares ac ſimiles gubernationi præſſe cen-

set oportere. Quæ igitur contēdentes contra regiam gubernationem aiunt, serè ista sunt. Sed hæc forsā in quibusdam ira se habent, in quibusdam autem non ita. Est enim quiddam natura dominabile, aliud regibile, aliud populare, & iustum, & utile. tyrannicum uerò non est secūdum naturam, nec vlla aliarum gubernationum, quæ rectam transgrediuntur formam. hæc enim fiunt præter naturam. Sed ex his quæ dicta sunt, patet, quòd in similibus & paribus nec vtile est neque iustum, ut unus sit dominus omnium: neque si non sint leges, sed tanquam ipse sit lex: neq; si sint leges, neq; bonus bonorū, neque non bonorum non bonus: neq; si secūdum uirtutem sit melior, nisi per quendam modum. Quis autem iste sit modus, dicendum est. diximus uerò aliquāliter & anie. Et primò determinandum est, quid congruat regi, quid optimatibus, quid reipublicæ. Regi us congruit huiusmodi multitudo, quæ natura apta sit ferre genus præstans uirtute ad principatum ciuilem. Optimatibus uerò congruens est multitudo liberorum, quæ nata sit ad ferēdum gubernationem eorum, qui sunt secūdum uirtutem primarij. Ad ciuilem gubernationem autem reipublicæ congruit ea multitudo, in qua populus innascitur bellicus, qui gubernari possit, & gubernare secūdum leges & æquitatem, imparciens tenuioribus honores & magistratus. Quādo igitur aut totum genus, aut inter alios unū aliquem ita uirtute præcellere contingat, ut unius ipsius uirtus maior sit aliorum omnium uirtute, tunc iustum est hoc esse regium genus, & omnium dominari, & hunc unum esse Regem. Vt enim dictum est prius, non solū id  
habet

habet iustitiam, quam præferre solent rerum-  
publicarum institutores, & qui optimatum, &  
qui paucorum potentia, & qui popularis. om-  
nes enim secundum excellentiam tribuunt, sed  
excellentiā non eandem, sed secundum prius  
dicta. neq; interficere, neq; in exilium agere,  
neq; relegare hunc posse decet, neq; dignari ut  
per uices gubernet. nō enim natura fit, ut pars  
superet totum: habenti uerò tantam excellen-  
tiam hoc accidit. restat ergo ut huic suadenti  
pareatur, & potestatem eum habere, non per ui-  
ces, sed simpliciter. De regia igitur gubernatio-  
ne, & quas differentias habeat, & utrum utile  
sit ciuitatibus uel non, & quibus & quomodo,  
in hunc modum determinatum sit. Cum uerò  
tres dixerimus esse rectas gubernandi species:  
harum uerò necessarium sit eam esse optimam,  
quæ ab optimis gubernetur: talis autem est, in  
qua contingit, aut vnū aliquem omnium, aut  
genus totum, aut multitudinem uirtute præ-  
stantem gubernare eos, qui gubernari valeant,  
ad eam uitam quæ sit maxime expetenda: & in  
primis libris ostensum sit necessarium esse, ut  
sit eadem uirtus boni uiri & ciuis optimæ ciui-  
tatis: patet quòd eodem modo & per eadem sit  
uir bonus, & ciuitatem statueret quis ab opti-  
mis gubernari, uel à rege. itaq; eadem ferè disci-  
plina & iidem mores facient studiosum uirum,  
qui faciunt ciuilem & regium. His determina-  
tis, conandum iam erit de optima republica di-  
cere, quemadmodum fiat, & quomodo consti-  
tuatur. nam necesse est de illa conuenientem  
considerationem facere.



# ARISTOTELIS POLITICO- RVM

LIBER QVARTVS.

SVMMA LIBRI.

*De varijs rebus publicis, ac ipsarum speciebus: & tandem de optima. Qui apti sint ad unam rem publicam, quiue ad aliam. De earum mutuis deceptionibus. De reipublicæ partibus, consilijs scilicet, magistratibus, & iudicijs.*

*De optima republica, & alijs etiam a legislatore cognoscendis. Cap. I.*



N cunctis artibus & scientiis, quæ non circa partem, sed circa genus aliquod perfectè existunt, vnius est considerare, qd cuique conueniat generi. ceu exercitatio corporis qualis quali conueniat, & quæ sit optima. Optime enim natura disposito & optime distributo, optimam cōuenire necessarium est, & quæ plurimis, vna omnibus: etenim hoc gymnastica est. Præterea verò, si quis non exactum illum cupiat habitum & scientiam circa certamina, nihilominus magistri gymnasiolorum est hanc potentiam præparare. eodemque modo in medicina, & in fabricatione nauium, & vestium,

Atium, & in omni alio artificio videmus con-  
 tingere. Quare manifestū est, quod eiusdem est  
 scientiæ uidere quæ sit optima respublica, &  
 qualis maximè ad uotum foret, nullo externo-  
 rum eam impediēte. & quæ quibus conueniat  
 nam plures optimam assequi, forsan impossi-  
 bile est. Itaq; & ea quæ sit simpliciter optima, &  
 ea quæ quantum fieri potest optima, latere non  
 debet legis conditorem, ac uerè ciuilem homi-  
 nem. Ac præterea tertia quæ sit ex suppositio-  
 ne. nam oportet datam quoque considerare  
 posse, quemadmodum ab initio constituatur,  
 & constituta seruetur quamplurimo tempo-  
 re. Dico autem ceu si cui ciuitati contigerit, ne-  
 que optimam gubernationem habere, neque  
 necessaria illi adesse, neque illis ipsis quæ assint  
 rectè uti, sed aliis deterioribus. præter hæc au-  
 tem omnia, eam gubernationem, quæ omnibus  
 maximè congruat ciuitatibus, nosse oportet: ut  
 tradunt plurimi eorum qui de republica tra-  
 ctant. Et si de aliis rectè dicant, de utilibus cer-  
 te aberrant. non solum enim optimam rempu-  
 blicam cōsiderare oportet, sed etiam illam quæ  
 in usum cadere possit, & quæ sit facilior & com-  
 muniior omnibus. Nunc autem alij supremam  
 querunt solum, multis adminiculis indigen-  
 tem: alij magis communem aliquam tradentes  
 tollentesque eas quæ in usu sunt, Laconicam,  
 vel aliam quandam commendant. At enim  
 oportet talem institutionem reipublicæ indu-  
 cere, ut uelint ac possint homines ex his quæ  
 sibi assunt, faciliter eam recipere. Nam est non  
 minus difficile corrigere rempublicam iam in-  
 stitutam, quàm ab initio instituere. quemad-  
 modū & post discere, quàm ab initio didicisse.

Quapropter non solum his quæ libris scriptæ sunt rebus publicis, verum etiam illis quæ re vera existunt auxiliari posse decet ciuilem hominem, ut diximus. Hoc autem facere non potest, si ignoret quot sint species earum. nam nunc quidam putant unam esse popularem, & unam paucorum potentum: quod non est uerum. Itaque oportet non latere differentias omnium, & quot sint, & quotupliciter componantur. Leges etiam simul cum his considerandæ erunt, quæ sunt optimæ, & quæ conueniant unicuique gubernationi. Sunt enim leges omnes ad rempublicam accommodandæ, non autem respublica ad legem. est nanque respublica institutio ciuitatis circa magistratus honoresque publicos, quemadmodum debeant impartiri, & in quo potestas autoritasque summa debeat consistere, & qui sit finis cuiusque societatis. Leges autem earum variæ sunt, per quas modus reipublicæ gubernandæ significatur, secundum quas debeant illi qui sunt in potestate, imperare, & prohibere transgressores. Ex quo patet, quod necessarium est differentias & numerum tenere singularum rerum publicarum, etiam ad legum positiones. neque enim fieri potest, ut eadem leges utiles sint paucorum potentibus, ac popularibus omnibus. siquidem plures sunt, & non una popularis potestas, neque una duntaxat paucorum potentia.

*De speciebus rerum publicarum, transgressionibus, ac de illis quæ à civili viro sunt exquirenda.*

*Cap. 11.*

**C**um verò in præcedentibus dictum sit à nobis, tres esse rerum publicarum species rectas,

&as, Regnum, Optimatum, & eam quæ appel-  
 latur Respublica: ac tres earum transgressionēs  
 & labe, cum regnum in tyrannidem, optimo-  
 rum autem gubernatio in paucorum poten-  
 tiam, respublica autem in popularem statum  
 labatur; & de optimatum gubernatione & re-  
 gia sit dictum: nam de optima republica consi-  
 derare idem est, ac de illis dicere: uult enim  
 utraq; illarum per uirtutē, ceteris opportunius  
 concurrentibus consistere: & insuper quid inter  
 se differat regia potestas, & optimorum guber-  
 natio: & quando regia gubernatio putanda sit,  
 determinauimus: restat nunc, ut de illa quæ  
 appellatur respublica dicamus, & de ceteris  
 gubernandi formis, ut de paucorum potentia,  
 ac de populari statu, & de tyrannide. Patet igitur  
 harum transgressionum quæ deterrima sit,  
 quæ'ue secunda. necesse est enim primæ & di-  
 uinissimæ transgressionem esse deterrimam:  
 Regiam quippe gubernationem necesse est aut  
 nomen habere solum, cum non sit: aut propter  
 magnam illius, qui regit excellentiam, esse.  
 Ex quo fit, tyrannidem deterrimam existere,  
 ac plurimum à recta specie gubernandi abesse:  
 secundo autem loco, paucorum poten-  
 tiam. nam optimorum gubernatio multum ab  
 hac specie distat. maximè verò mediocrem  
 esse popularem statum. Fuit & prius quidam,  
 qui isto modo tradidit, non tamen in idem  
 aspiciens nobiscum. ille enim existimabat spe-  
 cierum omnium, quæ rectè sanè essent, velut  
 paucorum potentia & aliarum, deterrimā esse  
 popularem: improbarum verò optimam. Nos  
 autē eas quæ transgrediuntur, aberrare omnes  
 dicimus. nec paucorum potentia, quod melior

fit altera quàm altera rectè dicitur, sed quòd minus improba. uerum de his nūc discutere omit-  
ramus est à nobis primo distinguendum, quot  
sint differentiæ rerumpublicarum, si quidē plu-  
res sūt species popularis gubernationis ac pau-  
corum. Deinde quæ communissima & opta-  
bilissima sit post optimam rempublicam, & si  
qua contingit alia ad optimatum naturam de-  
clinans rectè constituta, & quamplurimis con-  
gruēs ciuitatibus, quānam ista sit. deinde alia-  
rum, quæ à quibus expetēda. Forſan enim qui-  
busdam necessaria est popularis gubernatio  
magis quàm paucorum potentia: quibusdam  
verò hæc magis quàm illa. Deinde quemadmo-  
dum dispositum esse conueniat illum, qui uelit  
has gubernationes recipere. dico autem popu-  
larem secundum singulas species, ac rursus pau-  
corum potentiam. Tandem uerò omnium ista-  
rum cū facta fuerit breuiter mentio, conandū  
erit referre quēnam labes, & quæ conseruatio-  
nes sint rerumpublicarum & communiter om-  
nium, & particulariter vniuscuiusq; & per quas  
causas illas maximè euenire contingat.

*Qua sit rerumpublicarum diuersitatis causa: & qua  
sint earum species præcipua, tum ex aliorum, tum  
vero ex propria opinione. Cap. III.*

**V**T igitur sint plures rerumpublicarū spe-  
cies, illa est causa, qđ cuiusq; ciuitatis par-  
tes sunt plures. Videmus enim primo, ex  
domibus constare ciuitatē: deinde rursus ex hac  
multitudine alios esse diuites, alios pauperes,  
alios medios: diuitumq; & pauperum, partem  
esse bellicam, partē imbellem: & rursus ex ple-  
be

be partem agrorum cultura deditam videmus,  
 partem mercatura, partem opificis & sordidis  
 ministeriis. Nobilitatis quoque differentia sunt  
 secundum opulentiam, & magnitudinem census.  
 sunt enim alij equites: quod munus nemo faci-  
 liter supportare potest, nisi sit diues. Itaq; anti-  
 quis temporibus quaecunq; ciuitates equestri po-  
 tentia excelebant, in his paucorum potētia gu-  
 bernabat: equitatu autem bella contra finiti-  
 mos exercebant: ceu Eretrienſes, & Chalciden-  
 ſes, & Magnesi, qui sunt super Mæandro, & alię  
 plures Asiaticorum ciuitatum. Præterea sunt  
 aliz quàm iuxta diuitias nobilium differentia.  
 quosdam enim genus, quosdam virtus extol-  
 lit, & si quid aliud tale ciuitatis partem esse o-  
 porteat, dictum est, vbi de optimatibus tracta-  
 uimus. ibi nanque distinximus, ex quot parti-  
 bus necessariis omnis constat ciuitas. & hæc qui-  
 dem partes, quandoque concurrunt omnes ad  
 rempublicam gubernandam, quandoq; plures.  
 Patet igitur, quod necesse est plures respublicas  
 esse inter se differentes specie. nam & hæc partes  
 earum inter se specie differunt. Respublica e-  
 nim est institutio gubernatorum. hanc verò di-  
 stribuunt omnes, vel secundum potentiam eo-  
 rum qui participes sunt, vel secundum aliquam  
 æquitatem communem. dico autem, veluti re-  
 nuiorum, & opulentiorum, vel communem ali-  
 quam ambarum. Necessariū est ergo respubli-  
 cas tot esse, quot sunt institutiones circa eas  
 supereminēcias, & secundum differentiam par-  
 tium. Maximè verò duę videntur esse, quemad-  
 modū de ventis dici solet, alios quidem esse bo-  
 reales, alios australes, ceteros autem ventos ho-  
 rum esse excessus: sic etiā respublicas duas esse  
 popu-



popularem ſcilicet, & paucorum potentiam. nam optimates ſpeciem eſſe paucorum potentium poſuere, & eam quæ vocatur reſpublica, dicebant eſſe popularem: quemadmodum de ventis Zephyrum quidem borealem, Eurum autem australem. Eodemque modo in harmonijs, vt quidam tradunt. nam & in illis poſuerunt duas ſpecies, vnā Doricam, alteram Phrygiam: cæteras verò omnes, vel ad Doricam, vel ad Phrygiam referri. maxime quidem igitur conſueuerunt, de rebus publicis ſic exiſtimare. Sed certè verius ac melius eſt, vt nos diuiſimus, duarum vel vnius rectè conſtitutæ cæteras eſſe tranſgreſſiones, & aliquas eſſe probè temperatæ harmoniæ, alias verò ipſius optimæ rei publicæ. ad paucorum verò potentiam inclinant quæ duriores ſunt, ac magis violentæ: quæ verò remiſſæ & molles, ad popularem ſtatum.

*De populari gubernatione, ciuitatis partibus, ſpeciebus plebis, nobiliū, ac popularis gubernationis. Cap. IIII.*

**N**Eq; verò popularis ita ſimpliciter ponenda, vt quidam ponunt, vbi multitudo dominatur. nam & in paucorū potētijs, & vbiq; maior pars præualet. Etenim ſi eſſent vniuerſi mille trecenti, & horum mille forent opulenti, neque partem gubernationis darent trecentis illis pauperibus ingenuis, ac in cæteris partibus, nemo certè diceret hanc eſſe popularem. Eodemq; modo, ſi pauci quidem inopes in ciuitate plus poſſent quàm multi & opulenti, nec honores illi impartirentur, nemo vique  
dice-

diceret hanc esse speciem, quæ appellatur paucorum potentium. Potius itaq; dicendum fuerit popularem quidem esse, cum penes ingenuos homines est gubernatio: paucorum autem potentium, cum penes opulentos. sed contingit ut alteri multi sint, alteri pauci. plerique enim ingenui sunt, rari verò diuites. Etenim si magistratus, honoresque publici secundum magnitudinem distribuerentur, ut in Aethiopia quidam tradunt fieri, vel secundum pulchritudinē, paucorum esset gubernatio, cum parua sit multitudo magnorū & formosorum. Veruntamen non isto modo sat est respublicas istas determinasse sed cum plures sint partes & multitudinis & paucorum potentium, adhuc resumendū est, ut neq; ingenui pauci existentes pluribus, neq; multitudo ingenuis dominetur. ut in Apollonia, quæ erit in Ionio & Thera. in vtraque enim istarum urbium honores dignitatesque erant illorum qui nobilitate præstabant, & qui primi in eas colonias uenerant, qui erant pauci: non autem diuitum superaret populus. ut in Colophone aut quus: ibi enim possidebat magna patrimonium multitudo, antequā bellum gererent aduersus Indos. Sed est multitudinis quædā gubernatio, quando ingenui homines & inopes multi existentes gubernant rempublicā. Paucorum verò potentium, quando opulenti & nobiliores pauci existentes gubernant. Quodd igitur plures sint rerum publicarum species, & quibus de causis, patet. Quamobrem verò plures sint, quàm illæ quas dictum erat, & quænam istæ sint, & propter quid deinceps dicemus, principio vnde prius assumpto. fatemur enim non unā partem, sed plures omnem habere ciuitatē.

Ut igitur si animalis vellemus species capere,  
 primo segregaremus id quod necessarium sit a-  
 nimal omne habere, ceu quædam sensoriorum, &  
 quod cibum conficiat atque receperet, puta os &  
 ventrem, & præterea illas, quibus mouetur par-  
 tes. Si itaq; tot species solum, harum verò diffe-  
 rentiarum forent, dico autem ceu oris genera plu-  
 ra, & ventris, & sensoriorum, & præterea earum  
 quibus mouentur, partium, harum coniugatio-  
 nis numerus necessario efficiet plura genera a-  
 nimalium. non enim fieri potest, ut idem ani-  
 mal habeat plures differentias oris, sic etiam  
 neque aurium, itaque, quando susceptæ fuerint  
 omnes combinationes istorum, facient species  
 animalis: & tot quidem species, quot coniuga-  
 tiones sunt partium necessariarum. Eodem mo-  
 do de dictis rebus publicis. ciuitates enim non  
 ex vna, sed ex multis partibus constant, ut sa-  
 pius dictum est. Vna quædam pars est circa a-  
 limenta multitudo, quos agricolas dicimus.  
 Altera verò pars ea quæ vocatur mechanica.  
 hæc autem versatur circa ministeria, ceu artes,  
 sine quibus ciuitas habitari non potest. harum  
 verò artium alix sunt necessariæ, alix ad deli-  
 cias pertinent, & ad uitæ cultum. Tertia pars est  
 forensis multitudo, quæ circa emendum, ven-  
 dendumque, & circa mercaturam & numula-  
 riam versatur. Quarta pars, mercenarij. Quin-  
 ta, propulsores belli. quæ quidem pars non  
 minus necessaria est ciuitati quàm aliqua supe-  
 rior, aduersus inuadentes, si uelint tueri liberta-  
 tem. impossibile est enim ut quæ ciuitas vocari  
 mereatur, sit natura serua, per se enim sufficiens  
 ciuitas: seruus autem non per se sufficiens  
 est. Quapropter in libris de Republica ornatè  
 qui

quidem hoc, sed non sufficienter dictum est à Socrate. inquit enim ex quatuor maximè necessarijs ciuitatem constare. hos autem esse, textorem, agricolam, coriarium, adificatorem. rursus verò adiungit, quasi illa non sufficiant, fabri ferrarium & pastorem: & insuper negotiatorem, & numularium. & hæc omnia complent primam ciuitatē. Quasi verò ciuitas omnis necessariorum gratia sit constituta, ac non magis gratia honesti, & quasi æquè indigeat coriarijs, & agricolis. propulsatores autem belli non primam facit partem, antequàm aucta regione, ac vicinis coactis, ad bellum deueniatur. Atqui & in quatuor illis, & in quocunq; communicantibus, necessarium est esse aliquē, qui ius dicat, ac decernat. Siquidem ergo animam quis ponat animalis esse partem magis quàm corpus, & ciuitatum magis talia ponendum est esse partes, quàm ea quæ pertinent ad necessarium usum, propulsatores belli uidelicet, ac iustitiæ iudicialiæ exhibitores, ac præterea consultores, quod est ciuile prudentiæ opus. & hoc siue separatim existat quibusdam, siue eisdem, nihil refert ad hunc sermonem. nam & in armis esse, & agros colere, sæpe cōtingit eisdem. Quare si hæc & illa ponenda sunt ciuitatis esse partes, manifestum est, quòd & propulsatores belli pars necessaria sunt ciuitatis. Septima pars est eorum, qui magna patrimonia habentes, reipublicæ onera sustinent, quos opulentos uocamus. Octaua, eorū qui publicam operam exhibent, & qui in magistratibus gerendis occupati existūt. ciuitas enim absq; magistratibus esse non potest. necessariū igitur est, esse quosdam qui magistratus gerere valeant, & hoc munus sufferre uel perpetuò,

Arist. Politicorum q Qq vel

vel ad tempus. Reliqua uerò sunt illa, de quibus paulò antè determinauimus, in consulendo, & ius litiganti in ciuitate reddendo uersari. Singitur hæc ciuitatibus adesse oportet, recteq; fieri & iuste, necessarium est esse aliquos, qui uirtutem habeant rerum ciuiliu. Ceteras ergo potentias eisdem adesse posse uidentur, pluribus, ceu eisdem esse propulsiuotes belli, & agricolas, & artifices, & præterea consultores & iudicantes. Arrogant quoque sibi uirtutem cuncti, & multifariam se idoneos existimant ad gubernandum. uerum pauperes, ac diuites eosdè esse impossibile est. quapropter hæ partes præcipue uidentur esse ciuitatis, inopes scilicet & opulenti. Et præterea ex eo, quòd ut plurimum alij pauci sunt, alij multi, maximè omnium contrariæ inter se partes istæ apparent. itaq; & respublicas secundum earum præualentiam constituerunt: ac duæ uidentur, scilicet popularis & paucorum potentia. Sed quòd sint plures, & ob quas causas, dictum est prius. Quòd uerò & popularis ipsius species sint plures, & paucorum potentium, ostendemus. Patet autem hoc ex his quæ dicta sunt. nam & in plebe, & in nobilitate plura sunt genera. Plebis quidem una species, agricolæ, alia artifices, alia negotiatores, qui emendis uendendisq; rebus intendunt: alia circa rem maritimam, & horum alij bellatores, *portiores*, alij mercatores, alij ꝑ nautæ, alij piscatores. multis enim locis horum omnium turba ingens, ut piscatores Tarenti & Byzantij, naualis multitudo Athenis, mercatores in Aegina & Chio, portiores in Tenedo. insuper manuales & paruas facultates habentes, qui ociosi esse non possunt. Præterea qui non ex utroque parète ciue sunt

orti,

orti, liberi tamen homines, & si qua huiusmodi plebeiorum hominum species altera. Nobilitas verò, diuitiæ, genus, uirtus, disciplina, & his similia, quæ dicuntur secundum eandem differentiam. Popularis igitur prima species dicitur maximè secundum æqualitatem. uult enim lex huius popularis pares esse diuites & pauperes, nec alteros plus posse, alteros minus, sed utrosque esse æquales. siquidē maximè liber est in populi statu, ut putant quidam, & æqualitas certò esse maximè pariter omnibus reipublicæ participantibus. cum uerò populus sit multitudo, & id obtineat quod pluribus videatur, necesse est ut hæc sit popularis gubernatio. una igitur species popularis est hæc. Alia verò species, ut magistratus honoresque in respublica secundum censum patrimoniorum, & cum quidem paruum, tribuantur, ita ut qui tanta possidet, habilis sit ad honores reipublicæ suscipiendos: qui verò non possidet, sit inhabilis. Alia species popularis est, ut omnibus omnino ciuibus habilitas sit, modò non sint aliqua ex causa obnoxij: dominetur autem lex. Alia species popularis est, ut omnes omnino habiles sint ad magistratus gerendos, modò sint ciues, & dominetur lex. Alia species eodem modo, nisi quòd non lex dominatur, sed multitudo. hoc autem fit, quando populi decreta præualent legibus. Accidit verò ob præpotentes quosdam, qui populum ducunt. nā in ijs rebus publicis, in quibus dominatur lex, præpotens aliquis non fit, qui populum ducat, sed optimi ciuium rempublicam gubernant. At ubi leges dominantur, ibi ductores populi oriuntur. solus enim populus regit, compositus unus ex pluribus. multitudo



enim auctoritatem dominandi habet, non ut singuli, sed ut omnes. Homerus autem cum dicit non esse bonum ut plures regant, utrum de hac dicit, uel de illa cum plures gubernant, ut singuli, incertum est. Talis ergo populus, utpote absolutam potestatem habens dominari solus quærit, nec ulli legi subesse, efficiturque dominator. itaque assentatores eius in pretio habentur. Et est huiusmodi populus in gubernatione sua tyranno persimilis. iidem nempe mores, & utrobique meliores deprimuntur. & decreta huius populi perinde sunt, ut tyranni præcepta. & ductores, suasoresque huius populi sunt uelut adulatores illi, qui circa tyrannos uersantur. & utrisque apud utrosque potentia par, tam adulatoribus penes tyrannum, quam ductoribus suasoribusque populi apud ipsum populum. Hi autores sunt, ut decreta legis infringant, & ad voluntatem populi cuncta referantur: contingit autem illis fieri potentes ex eo, quia populus dominatur omnium. ipsi autem uoluntatem populi maxime ducunt, quoniam fides à populo eis adhibetur. Præterea qui de magistratibus conqueruntur, ad iudicium populi negotia referunt: populus autem gratanter audit eorum prouocationes. quare per hunc modum magistratus\* irritantur omnes. Merito autem reprehendere uidentur qui dicunt huiusmodi popularem non esse legitimam reipublicæ speciem. ubi enim leges non præualent, non est reipublica. nani lex dominari omnibus debet, in particularibus autem magistratus & reipublica† pro uidere. Itaque si est popularis una specierum reipublicæ, clarum est quod talis gubernatio, in qua decretis cuncta efficiuntur, non est proprie popu-

\* κα.  
ταλόν.  
ται, dis-  
soluuntur.  
† indicare.

popularis. nullum enim decretum recipit esse vniuersale. De popularis igitur speciebus in hunc modum determinatum sit.

*Quod quatuor sint species paucorum gubernationis, & de permixtis gubernationibus. V.*

**P**AUCORUM verò gubernationis species una est, in qua magnum habentes censum ad gubernationē reipublicæ recipiuntur, atq; ita magnum, ut tenues homines ad eum peruenire non possint. is uero qui tanta possidet, habilis sit ad rempublicam gerendam. Alia species est, cum à paruo censu est magistratus habilitas, & eligunt ipsi eos qui desunt. si igitur ex omnibus hoc faciunt, uidetur hoc esse potius optimatum: sin verò ex paruo numero, paucorum potentia. Alia species est, cum filius patri succedit. Quarta species, cum hoc sit quod modò diximus, uel lex non dominetur, sed illi qui regunt. Et hæc species in paucorum gubernatione correspondens est, ut tyrannis in monarchia, & ut est in populari statu ultima illa species de qua diximus: & vocant huiusmodi speciem paucorum potentiam. gubernationis igitur paucorum hæc species sunt. Nec latere nos debet, quòd multis locis accidit rempublicam quæ secundum leges non sit popularis; more tamen & gestione populariter gubernari. similiter autem econuerso apud alios contingit rempublicam secundum leges esse popularem, moribus tamen & gestione ad paucorum gubernationem magis referri. Contingit autem hoc maxime post mutationem rerum publicarum. non enim

statim mutantur, sed contēti sunt ab initio homines parua accessione potentia. Itaque leges quidem manent ut prius erant, praevalent tamen qui rempublicam mutauerunt.

*De speciebus popularis, & paucorum potentia, & causis earum.*

*Cap. VI.*

**Q**UOD autē tot sint popularis & paucorum gubernationis species, ex his patet. Necessesse est enim aut oēs partes populi, quas supra enumerauimus, reipublice gubernationē habere, aut quasdam habere, quasdam non habere. Cum igitur agricolae, & mediocria possidentes rempublicam gubernant, secundum leges est gubernatio. victum enim ex opera sua quærere habent, nec otiosi esse possunt. itaque lege constituta, solummodo necessarijs concionibus intendunt. alij autem recipi ad rempublicam licet, cum tanta possidebunt, quanta determinat lex. omnino enim non licere omnibus, paucorum potentia est. otiosi autem eum qui non redditus habeat, impossibile. Hae igitur his de causis una est species popularis gubernationis. Altera verò species est, ob adhibitam electionem omnibus licere qui prohibiti non sint per gentes, ut possint tamē in otio esse. quapropter in huiusmodi quidem populari administratione leges praevalent & gubernant, quia redditus non est. Tertia species est, omnibus omnino licere rempublicam gerere, qui liberi sint, non tamen licere ob supradictam causam. quare necessarium in hac quoque legem dominari. Quarta verò species est illa, quae posteris

steris temporibus in ciuitatibus esse cœpit. maioribus enim factis ciuitatibus quàm ab initio fuerant, & creditibus facultatibusq; abundantibus, participant omnes. reipublicæ propter multitudinis præualentiam: versanturq; in re publica gubernanda, ex eo quia possunt otiosi esse, etiam inopes, mercedem capientes. maximeque huiusmodi multitudo otiosa est. non enim cura rei familiaris propriè eos impedit, quæ diuites ita occupat, ut itæpe à communio- nibus absint & à iudicijs. ex quo fit, ut multitu- do pauperum domineatur in re publica, non au- tem leges. Species igitur popularis gubernatio- nis totæ ac tales sūt, ob necessitates supra dictas. Paucorum autem gubernationis prima species est, quando plures habent patrimonialia, sed non admodum ampla. faciunt enim potestatem par- ticipandi ei qui tanta possidet. Et propter mul- titudinem eorum qui ad rempublicam recipiuntur, necesse est non hominem, sed legem domi- nari. quanto enim magis distant à monarchia, neque tam amplas habent facultates, ut eas ne- gligendo oriri valeant; neque ita exiguas, ut à ciuitate victum quærant, necesse est ut legem velint dominari, non autem ipsos. Quod si pauciores sint qui possident patrimonialia, siqui- dem plura quàm prius, secunda species fit gu- bernationis paucorum. magis enim potentes, plus habere se dignos putant. quapropter ipsi sumunt ex alijs, qui ad rempublicam se con- ferunt, propterea quia nōdum ita robusti sunt, ut absque lege gubernare possint, legem huius- modi posuere. Quod si eò deueniant, ut ipsi pauciores numero maiores facultates habeant, tertia cumulatio fit gubernationis paucorum.

ipsi enim per se magistratus & imperia retinēt, secundū legem iubentem, vt parentum defunctorum loco filij succedāt. Quod si magis etiam subnixi sint opibus & amicitijs, prope est talis potentia ad monarchiam, & dominantur homines, non autem lex. & hæc est quarta species gubernationis paucorum, correspondens ultimæ speciei popularis.

*In quot species Plato respublicas diuiserit :  
& de optimatum varijs speciebus.*

*Cap. VII.*

**S**Vnt insuper duo alia genera rerumpublicarum præter eas, in quibus aut multitudo, aut pauci gubernāt: quarum alterā aiunt omnes speciem esse unam ex quatuor. Dicunt autem eas quatuor, monarchiam, paucorum gubernationem, popularem, & quartam, quam uocant optimatem. Est & quinta, quam communi nomine omnium appellant rempublicam. sed quia non sæpe fit, latet numerare uolentes: & ita suscipiunt, quasi sint quatuor solū: vt Plato in libris de Republica facit. Optimatem igitur se rectè habet appellare illam, de qua tractauimus in primis libris. quæ enim ob optimis uiris simpliciter per uirtutem est gubernatio reipublicæ, & non ad suppositionem quandam bonorum uiuorum, eam solū iustum est optimatem appellari. in sola enim ista simpliciter idem est uir bonus & ciuis. in alijs autem boni sunt ad speciem gubernandi suam. Sunt tamen quædam, quæ differentiam habeant à paucorum gubernatione (& appellantur optimates) & ab ea quæ uocatur, respublica: ubi non solū  
respublica

respectu diuitiarum, sed etiam respectu virtutis ad gubernationem reipublicæ sumuntur. Hæc respublica differt ab illis, & naturam optimatis sapere videtur. nam in his ciuitatibus non faciunt publicè curam virtutis: sunt tamen quidam præstantiores, qui videntur esse boni viri. Vbi ergo respublica respicit ad diuitias, & ad virtutem, & ad populum, vt est apud Carthaginienses, ea naturam optimatum sapere videtur. & vbi ad duo illorum solum, vt Lacedæmoniorum, ad virtutem & ad populum: & est hæc mixtura popularis ac virtutis. Optimatum igitur post illam primam optimam rempublicam gubernandi formam, hæc duæ species sunt. & tertia, quæcunque illius, quæ appellatur respublica, inclinant ad paucorum gubernationem.

*De ea qua nomine generis respublica peculiariter appellatur. Quid sit ea quam cense potestatem dicunt.*

*De bonis legibus. De finibus optimatis, popularis, & paucorum potentia.*

*Cap. V I I I.*

**R**eliquum est, vt de ea quæ appellatur respublica, dicamus, & de tyrannide. Ordinauimus autem ipsam nos, cum prius non esset, neq; hæc transgressio, neque illæ, de quibus modò diximus, optimates, quia re vera omnes aberrant à rectissima gubernandi forma. postmodum cum istis numerantur, & sunt harum transgressiones & labe, vt in superioribus circa principium diximus. merito autem postremo loco tyrannidem reseruauimus, propterea quòd ista minimè est respublica: nostra verò materia est de republica tractare. Qua igitur de



causa sic ordinauimus, dictum est. Nunc autem est à nobis de illa quæ communi nomine appellatur respublica, ostendendum. nam clarius eius uis apparebit post determinationem eorum quæ ad paucorum gubernationem, & ad popularem spectabant. Est enim respublica (ut simpliciter dicamus) mistura paucorum gubernationis ac popularis. Cōsueuerunt autem eas quæ inclinant ad popularem, uocare respublicas: eas uerò quæ ad paucorum gubernationem uocare optimates: ex eo quia opulentioribus doctrina atque nobilitas magis adesse consueuerunt. præterea qui diuitias habent, ea uidentur habere, propter quæ cæteri iniurias faciunt, unde & honestos, & bonos, & nobiles istos appellant. Cū ergo optimatum gubernatio uelit excellentiam tribuere optimis ciuibus, & paucorum gubernationem esse dicant ex bonis & honestis magis, uidetur impossibile quæ ciuitas non ab improbis, sed ab optimis gubernetur, eam non benè gubernari: eodem quæ modo quæ leges non habeat bonas, gubernari ad optimatibus. Habere autem leges bonas, non id est, si rectè sint positæ, nec eis pareatur. Itaque una rectè legum institutio putanda est, legibus parere: altera, ut rectè sint leges positæ, quibus parere oportet. fieri enim potest ut parent ciues malè positis legibus. id autem dupliciter accidit: aut enim optimis quantum datur ipsis, aut simpliciter optimis. Videtur autem optimatum esse, maxime honores tribuere secundum virtutem. finis enim optimatum uirtus: paucorum uerò gubernationis diuitie; popularis autem libertas. Quod autem pluribus uidetur, commune est omnium: nam in paucorum, & multitudinis

dinis gubernatione, & in optimorum, quod videtur maiori parti eorum qui in republica versantur, id obtinet. In plerisque igitur ciuitatibus, hæc species gubernandi respublica vocatur. sola enim mistio coniecturam facit opulentorum & inopum, diuitiarum & libertatis. Ferè enim apud plurimos, illi & qui diuitijs pollent, bonorum & honestorum locum obtinere videntur. Cùm verò tria sint, quæ circa equalitatem reipublicæ contendant, libertas, diuitiæ, uirtus (nam quartum illud quæ appellatur nobilitas, duobus consequens est: nobilitas enim est antiquæ diuitiæ, & uirtus) manifestum est, quod duorum mistura diuitum & pauperum est respublica appellanda. trium verò, optimatum gubernatio maximè aliarum, præter illam veram & primam. Quod igitur sint aliæ respublicæ præter monarchiam & popularem, & paucorum potentium, dictum est: & quales istæ, & in quo differant inter se, & optimatum gubernatio, & aliæ species quæ ad optimates declinant, & quomodo non longe distant inter se, manifestum est.

*Quo pacto ea qua respublica appellatur, constitutur ex paucorum potentia, & populari, & de modis misionis.* Cap. I X.

**Q**uomodo autem fiat præter popularem & paucorum potentiam illa quæ appellatur respublica, & quo in ordine reponenda sit, deinceps dicemus. & simul apparebit quibus definiât populare & paucorum gubernatione. sumenda est enim horum distinctio: postea ex his ab utraque tanquā regulā sumen-

res componere oportet. Sunt autem definitiones tres cōpositionis ac mixturæ. aut enim ambo sumenda, quorum vtrāq; leges ponunt: ceu circa iudicia. In paucorum enim potentia diuitibus pœnā constituunt, nisi iudicando adsint, pauperibus verò mercedem nullam: in popularibus autem, pauperibus mercedem, diuitibus autem pœnam nullam, commune ac medium istorum ambo hæc, itaque & ciuile. mixtum est enim ex ambobus, vnus igitur modus hic est combinationis. Alius autem medium capere eorum quæ ab vtrisque iubentur: ceu cōcionari, hi quidem à nullo censu vel exiguo penitus, illi verò à magno censu, commune certè neutrum, sed mediū vtriusque census. Tertius verò ex duobus iussis, hæc quidem ex populari lege, illa autem ex paucorum gubernatione, dico autem tale aliquid, vt videtur, popularis quidem magistratus sortiri, paucorum autem gubernationis eligere: & popularis, non ex censu tribuere, paucorum autem ex censu. Optimatum igitur ac ciuile, ab vtraq; vtrunq; accipere: ex paucorum quidem gubernatione electiuos facere magistratus: ex populari autem sumere, non per censum, modus igitur admiscendi talis. Benè autem admiscuisse popularem & paucorū gubernationem finis est, quando eadē respublica dici potest popularis, & paucorū gubernatio. Patet enim hoc accidere dicentibus eas bene esse cōmixtas, accidit hoc etiam medio: conspicitur namq; in eo vtrunque extremorum: quod contingit Lacedæmoniorum reipublicæ. Sunt enim permulti qui aggrediuntur dicere eam esse popularem, propterea quòd populariter complura in illa sunt constituta, ceu primum circa educationem puerorum,

puerorum. pari enim modo diuitū filij educantur, & pauperum, & erudiuntur per eum modū, per quem valeant pauperum filij erudiri, similiterque in sequenti aetate eū viri facti sunt, in illo non magis conspicuus diues quā pauper. Cibi quoque iidem vtrisque in comestationibus. Vestitu etiā tali diuites vtuntur, qualem & pauperum quivis habere potest. Præterea, duorum maximorum magistratuum, alterum eligit populus, alterum gerit: senatores enim per populum eliguntur, ephori aut ex popularibus constituuntur. Alij verò dicunt esse illā paucorum gubernationem, quoniam multa habeat quæ paucorum potentiam asserunt, ceu omnes dignitates per electionem cōferri, per sortem verò nullam, & insuper apud paucos potestatem esse necandi, & in exilium pellendi, ac cetera huiusmodi permulta. Oportet enim in republica bene temperata vtrunq; videri inesse, & neutrum, & conseruari per seipsam, nō aliunde, & per seipsam, non per alios multos extraneos, qui uelint. nam & prauæ reipublicæ hoc potest contingere, sed nec uelle quidem gubernationem alteram quoquomodo partium ciuitatis omnino. Quemadmodum igitur oporteat rempublicam constituere, & similiter illas quæ appellantur optimates, dictum est.

*De tyrannide, & modis tyrannidis.*

*Cap. X.*

**R**estat nunc, ut de tyrannide dicamus: non quod multis uerbis indigeat, sed ut habeat in hoc tractatu locum suum, quādo quidem hanc quoque posuimus partē esse aliquā publicæ gubernationis. De regno igit determinauimus in supe-

in superioribus libris, vbi tractatum est à nobis, nunquid regis gubernatio utilis foret ciuitatibus, an inutilis, & quam, & vnde constituere oportet, & quomodo. Tyrannidis verò species duas ibidem distinximus, propterea quòd earũ potentia quodammodo alteratur ad regiam gubernationem, ex eo quia ambz potestates istz sunt secundũ leges. nam & apud Barbaroꝝ quosdam eliguntur aliqui ad gubernadũ soli, cum absoluta omnimodaq; potestate. Et apud Græcos olim eodem modo quidem eligebantur, qui soli gubernarent, quos vocabant Aesymnetas. Habent verò hz inter se differentias quasdam. erant enim regiz, ex eo quia secundũ leges, & eo quia volentibus imperabant: tyrannicz autem ex eo, quia pro arbitrio dominationem exercebant. Tertia species tyrannidis, quz maximè propriè videtur id nomen habere, opposita est regiz potestati absolutè. nam necesse est tyrannidem illam monarchiam, quz nullis subiaceat legibus, & dominetur per vim æqualibus & melioribus, ac respiciat ad propriam vtilitatem, non ad vtilitatẽ subditorum, quapropter inuoluntaria est, cùm nemo liber sponte sua ferat huiusmodi seruitutem. Species igitur tyrannidis tot, & tales sunt.

*De optima republica, partibus ciuitatis, mediocritate scilicet, excessu, atque defectu. Cap. XI.*

**Q**Uæ verò sit optima respublica, & quæ vita optima pluribus ciuitatibus & hominibus, neq; per virtutem iudicant quæ supra vulgus emergat, neque per doctrinã quæ ingenio indiget & adiumentis externis, neq; per gubernationem

nationem quæ ad uotum fiat: sed uicā eam probant, quam plurimi consequi possint, & gubernationem eam, quam plurimæ ciuitates ualeant recipere. nam quas uocāt optimates, de quibus modo diximus, partim exterius cadūt plurimis ciuitatibus, partim appropinquant illi quæ respublica uocatur, quā nobis de ambabus tanquam vna sit, dicendum est. Iudicium autem de omnibus istis ex eisdem principijs est. Si enim rectè dictum fuit in Ethicis, vitam beatam esse secundam uirtutem non impeditam, uirtutem autem ipsam esse mediocritatē: necesse est mediam vitam optimam eius, quam singuli adipisci ualeant, mediocritatis, & has omnes definitiones necesse est esse circa ciuitatis uirtutem, vitium, & rempublicam. est enim respublica uita quædam ciuitatis. In cunctis autem ciuitatibus partes sunt tres. nam alij diuities excellūt: alij paupertate nimia deprimuntur: alij sunt inter hos medij. Cū igitur cōfessi simus mediocritatem, & medium esse optimū, palām, quod bonorum fortunæ mediocris possessio, est optima omnium existimanda. hæc enim facilis est ad ¶ obediētiā mandatorum. At uerò si modū ¶ *obediēti-* excedant in alterutram partem (ceu si forma, si *dum ratio-* uiribus, si nobilitate generis, si diuitijs, uel ijs *ni.* contrarijs, ceu si paupertate nimia, si imbecillitate egregia, si ignominia multa) difficile est ut rationi ¶ obediāt: sunt enim istorum alij superbi & delinquentes apertè in rebus magnis, alij occultè prauī, & in rebus exiguis fraudatores, iniuriæ uerò inferuntur quandoque per contumeliam, quandoque per dolum. Insuper hi minime circa gubernationem reipublicæ afficiuntur, minimeque consulunt: hæc autem utraq; damno-



damnosa sunt ciuitatibus. Præterea qui bonis fortunæ superabundât, ceu opibus, diuitijs, amicis, & alijs huiusmodi, nec imperiũ cuiusquam pati volunt, neq; sciunt, & hoc statim domi eorum natis existit: propter delicias enim ne in scholis quidem præceptoribus obedire consueuerunt. Qui autem eorũ sunt in indigentia nimia constituti, deiecto nimium animo, vilesq; existunt, ex quo fit, vt magistratum gerere nesciant, sed ad parendum seruiliter sint apti, illi verò sibi imperari nullo modo patiuntur, sed ipsi alijs tanquam domini, volunt imperare. Efficitur ergo seruorum & dominorum ciuitas, non autem liberorum: & aliorum inuidetium, aliorum spernentium, quod plurimum abest ab amicitia & ciuili societate. nam societas amicabile quiddã est. cum inimicis enim ne via quidem communicare volunt homines. Vult quidem ciuitas ex paribus ac similibus esse, quantum maximè id fieri potest, hoc autem maximè existit medijs. itaque necessariò fit, vt huiusmodi ciuitas optimè gubernetur, ex quibus diximus natura constare ciuitatem. Conseruantur quoque in ciuitatibus isti maximè cæterorum ciuium. neque enim aliena concupiscunt, ut faciunt pauperes: neq; eorum bona cupiuntur ab alijs, ut accidit diuitibus, & quia neq; insidiantur alijs, neque alij ipsis, sine periculo degunt. Quapropter benè oprauit Phocylides, multa mediocribus optima, mediocris esse uolens in ciuitate. Patet igitur, quòd ciuilis societas optima est, quæ per mediocres fit, easq; ciuitates recipere, ut optimè gubernentur, in quibus mediocres plurimi sunt, ac plus possunt: maximè quidem ambabus, uel saltè altera parte. hæc enim

enim addita † prauale<sup>re</sup> facit, & prohibet con-<sup>† propensi o</sup>  
trarios excessus fieri. Quapropter ualde optan-<sup>nem.</sup>  
dum est, ut ij qui in republica versantur, facul-  
tates habeant mediocres, ac sufficiens. nam ubi  
alii nimis multa possident, alii nihil, uel plebs  
infima insurgit, uel paucorum potentia illa ex-  
trema, uel tyrannus propter utrumque exces-  
sum, ex populari enim statu nimium † superbo,<sup>† puerili.</sup>  
& ex paucorum potentia ad tyrannidem deueni-  
tur: ex mediocribus autē ac prope paribus,  
multominus, cuius rei causam postea, ubi de  
mutationibus tractabitur, dicemus. Quod au-  
tem media sit optima, manifestum est. sola  
enim seditionibus caret. ubi enim permultum  
est mediocre, minium seditiones & discor-  
dia ciuium innascuntur: magnæque ciuitates  
ob hanc ipsam causam minus seditionibus sub-  
iacent, quia magna in his est mediocrium ho-  
minum multitudo. paruas autem ciuitates fa-  
cile est in duas partes diuidi omnes, ita ut nihil  
medium relinquatur, & serē cuncti uel inopes  
sunt uel opulenti. Populares quoque guberna-  
tiones tutiores sunt & diuturniores, quā pau-  
corum potentium propter medios. Plures enim  
sunt, & magis honoris participant in populari  
gubernatione quā paucorum. nam quando  
sine his multitudo inops plus potest, malē res  
se habēt ac cito pereūt. Signum uerō huius pu-  
tandum est, quod qui optimē leges condide-  
runt, ex mediocribus ciuibz fuere. nam & So-  
lon huiusmodi fuit, ut apparet ex eius carmini-  
bus: & Lycurgus (non enim erat, rex) & Charō-  
das, & plurimi aliorum. Patet autem ex his, &  
quia plurimæ respublicæ aut populares sunt,  
aut paucorum gubernationes. propter id enim  
Arist. Politicorum. I R I quod

quod in his frequēter pauci sunt medijs, semper qui praevalent) siue hi sint qui facultates habent, siue populares qui medium transcendunt) per seipso gubernationem agunt: itaq; aut multitudo populi insurgit, aut paucorum potentia. Præterea, ex eo quia seditiones sunt, & pugnae inter multitudinem & opulentos, quibuscunq; vincere contingit, hi neque communem amplius habent rempublicam neque æqualem, sed quasi victoriæ præmium reportant rempublicam obtinere: & alteri popularem statum, alteri paucorum potentiam faciunt. Præterea qui principatum Græciæ habuerunt, hi ad propriam respicientes rempublicam, aut popularem statum in ciuitatibus constituerunt, aut paucorum gubernationem, non ad ciuitatum illarum commoda respicientes, sed ad sua, atque ita per istas causas effectum est, ut vel nunquam mediocri illa gubernatio extiterit, vel admodum raro, & apud paucos. vnus enim vir consensit solus ex ijs qui antiquitus in principatu fuere, hunc gubernandi modum constituere. Iamque in ciuitatibus consuetudo obtinuit, non velle æquale, sed aut imperare quærere, aut victos obedire. Quæ igitur optima sit respublica, & quæ ob causam, ex his patet. De alijs autē rebus publicis, cum plures populares & plures paucorum gubernationes esse dixerimus, quæ prima ponenda sit, & quæ secunda, & quæ deinceps potior sit aut deterior, determinata optima, non erit difficile intueri. necesse est enim esse meliorem, quæ proximè huic accedit: deterio rem verò, quæ plurimū distat à medio, nisi ad suppositionem quis iudicet. dico autem ad suppositionem, quia multoties alia reipubli-

et forma eligibiliore existere, nihil uetat aliam quibusdam magis utilem esse.

*Qua multitudo apta sit ad popularem aut paucorum gubernationem: Et legislatores semper ad medios respicere debere.*

Cap. XII.

**Q**Uæ autē respublica quibus, & qualis qualibus conferat, consequens est tractare, sed capiendū prius est uniuersaliter de cūctis. Oportet enim partē illā ciuitatis quæ republicam stare uult, potentiorē esse, quā illa pars, quæ nō uult rempublicam manere. Est autem ciuitas ex quali & quāto: dico autē quale, cū libertatem, diuitias, disciplinam, nobilitatem: quantum uerō, cū multitudinem populī præualentem. Fieri autem potest, ut quale existat uel ciuitatis parti, ex quibus partibus ciuitas est constituta: alteri uerō quantum: cū maiorem esse numerum ignobilium quā nobilium, & pauperum quā diuitum. neque tamē tantum superare quantitate, quantum superari qualitate, propter hoc ad inuicem conferenda sunt. Vbi ergo superat pauperū multitudo eā quam diximus proportionē, hic popularis gubernatio exoritur, ac species singulæ popularis status, secundū multitudinis exuperantiam, cū si agricolarū multitudo plus possit, prima species: si multitudo \* tenuiorum ac mercenariorum, ultima species. & sic de alijs, quæ sunt harum mediæ. Vbi autem eā pars, in qua sunt opulenti & nobiles, superat qualitate, quā deficiat quantitate, hic paucorum potentia gubernatioque exoritur: ac eodem modo singulæ spe

\* *Bavaria*  
*ow.*

cies huius secundum exuperantiam istiusmodi hominum. Debet autem qui legem ponit in re publica, semper ad medios respicere. siue enim ad paucorum gubernationem dirigantur leges, de medijs est coniectandum: siue ad popularem statum, hos respicere debent. Vbi enim mediocrium superat multitudo, vel vtrunque extremum, vel alterum tantum, hæc respublica recipit stabilitatem. non enim est metus, ne quandoque diuites cum pauperibus conspirent contra mediocres. nunquam enim alteri seruire alteris vellent. Quod si communioꝝ aliquam quærent, nullam aliam quàm istam reperirent, nam per vices gubernare non paterentur, propter diffidentiam quæ inter eos existit. In cunctis verò locis arbiter est fidelissimus, arbiter autem medius, quantoq; melior est gubernatio temperata, tãto durabilior. Aberrant etiam pleriq; illorum, qui optimates reipublicæ gubernationes efficere volunt, non solum in tribuendo nimium diuitibus, verum etiam in excludendo plebem. necesse est enim procedente tempore, ex falsis bonis verum malum euenire: diuitum enim cupiditates plus habendi magis destruunt rempublicam, quàm multitudinis.

*De simulatis legibus paucorum, ac popularium contra se inuicem, ac earum temperamento: de gubernatoribus, & cur ex regia prius, in alia gubernationes facta sit mutatio.* Cap. XIII.

**S**unt autem illa circa quæ simulant, ac fallaciter prætexunt ad populū, quinque numero: concio, magistratus, iudicia, armatura, exercitatio. Circa concionem quidem, licere omnibus adesse,

adesse, sed poena apposita diuitibus, si non ad-  
sint, vel maiorem quam multitudini. Circa ma-  
gistratus autem, non licere his qui centum ha-  
bent magnum, renunciare magistratui, paupe-  
ribus autem licere. Circa iudicia verò, poenam  
esse diuitibus, nisi iudicent; pauperibus autē im-  
punitatem, aut illis magnam, his paruam poe-  
nam, ut est in Charondæ legibus. Quibusdā verò  
locis, omnibus licet descriptis, in concionibus  
iudicijsq; adesse, quòd si descripti sint & non  
exerceant, in poenas incidūt permagnas, ut me-  
tu poenæ uter descriptionem, neq; iudicia, neq;  
conciones exercent. Eodem modo circa arma,  
& circa gymnasia legibus statuunt. pauperibus  
enim licet non habere arma. diuitibus autem  
poena cōstituta est, nisi habeant. & si gymnasio  
se non exercent pauperes, nulla poena est: diui-  
tibus autem est poena, ut alij metu poenæ se exer-  
cere compellantur, alij qui nullam formident  
poenam, nō faciant. Hæc igitur paucorum po-  
tentia sunt machinamenta. In populari autem  
statu contra hæc, alia excogitant. Pauperibus  
enim salaria statuunt concionantibus atque iu-  
dicantibus: diuitibus autem nullam poenā im-  
ponunt. Itaq; manifestum est, si quis velit iustè  
hæc temperare, quòd oportet utrinq; assumere,  
& illis quidē salaria constituere, his autē poenā.  
sic enim omnes cōmunicarent: nā illo quidem  
modo, res publica sit alterorum solū, oportet  
quidem rempublicam esse ex ijs solū qui ar-  
ma possident. Census autem magnitudo defi-  
niri simpliciter non potest, sed cōsiderata qua-  
litate, attinet maximum, ut qui participant re-  
publica sint plures quàm ij qui non partici-  
pant, hunc instituere. Volunt enim pauperes



& honorum expertes, quietem agere, si neque contumelia eos quis afficiat, neque bona illis auferat. sed hoc non facile: non enim semper contingit, ut qui rempublicam gubernant, sint mites & humani. & consueverunt quoties bellum est, grauius ferre, nisi suscipiant alimenta, nam sunt egeni: & si quis alimenta porrigat, cupiunt bellum. Apud quosdam gubernatio reipublicæ existit, non in ijs qui ad armaturam sunt habiles, sed in ijs qui exercebant arma. in Maliensibus quidem gubernatio reipublicæ erat in istis: & magistratum creabant ex ijs qui militabant. Primaque respublica apud Græcos constituta est ex his qui bellum gerebant, posteaquàm desierunt regna: ab initio quidem ex equitibus, nam robur belli tunc in equitibus habebatur. peditatus enim nisi ordo ac disciplina adsit, inutilis est. huiusmodi autem disciplina & ordo antiquis illis temporibus nondum erat: ex quo fiebat, ut in equitatu robur belli haberetur. sed auctis ciuitatibus, quæ in armis potentiam habebant, plures ad communionem reipublicæ recepti sunt. ex quo factum est, ut quas nunc respublicas uocamus, tunc popularis status diceretur. Fuerat enim antiqua ciuitatum gubernatio rationabiliter paucorum, & regia: propter paucitatem enim hominum non erat magnus numerus mediocrium. itaque pauci cum essent multitudine & institutione, magis ferebant ab alijs gubernari. Quam igitur ob causam plures sunt reipublicarum formæ, & quamobrem præter eas quæ dicuntur aliæ sint (neque enim popularis gubernationis una est species, nec aliarum similiter) ac præterea quæ differentia sint inter eas, & quare accadat & insu-

& insuper quæ sit optima respublica, & ut plurimum dici possit, & aliarum qualis qualibus congruat, dictum est.

*De partibus reipublicæ, consiliis scilicet, magistratibus, iudiciis, de consultandi potestate, & membris eius.*

*Cap. XLIII.*

**R**ursus autem & communiter & separatim de vnaquaque dicemus, eorum quæ post hoc sequuntur, conuenienti sumpto principio. Sunt ergo tres partes omnium rerumpublicarum in singulis, quarum studiosus legis positor considerare debet utilitatem: quibus bene se habentibus, necesse est rempublicam bene se habere, & gubernandi formas inter se differre, in eò quod singulæ istarum differunt. Harum triû partium vna est quæ uersatur in publicis consilijs. Altera in magistratibus, hoc est quos esse oportet, & quam potestatem habere, & quemadmodum debeant creati. Tertia pars in iudicijs consistit. Ea pars quæ consulit, auctoritatem habet de bello & pace, de societate belli ineunda vel dissoluenda, de legibus ferendis vel abrogandis, de morte, de exilio, de publicatione bonorum, & rationibus reposcendis. Necesse est enim uel omnibus ciuibus hæc omnia decernenda tribuere, uel quibusdam, seu vni cuidam magistratui, aut vniuersalibus, uel alijs alia: vel quædam illorum omnibus, quædam quibusdam. Omnia igitur & de omnibus populare est: talem enim æqualitatem affectat populus. Sûnt autem plures huiusmodi. Vnus si singulariter & non simul omnes: ut est in republica

Teleclei Mileſij , & in alijs rebus publicis, deliberant magiſtratus ſimul cõlecti . ad magiſtratũ verò vadunt omnes ſingularim ex tribubus & partibus etiam minutis, donec tranſeat per omnes . congregatur autem populus ſolummodo pro legibus ferendis , & pro his quæ pertinent ad rei publicæ ſtatum , & pro iis audiendis quæ à magiſtratibus nuntiantur . Alius modus eſt, omnes ſimul conuenire, aut ſolummodo ad magiſtratus creandos & ad ferendas leges , & pro bello vel pace , & ad rationes repoſcendas : in ceteris verò eos , qui magiſtratum gerunt, decernere ad ſingula deputatos , uel per electionem, uel per ſortẽ. Alius modus eſt, ut ad magiſtratus creandos & ad rationes depoſcendas cõueniant omnes ciues, & ad deliberationem belli ſuſcipiendi , vel ſocietatis ineundæ : cætera verò magiſtratus exquantur per electionem creati: quod fieri poteſt . tales verò ſunt quos exercere neceſſarium eſt eos qui ſciunt. Quartus modus eſt, ut omnes de omnibus conuenientes deliberent, magiſtratus uerò de nullo ſtatuant , ſed tamen primo loco ſententiam dicant: quemadmodum fit in extrema illa gubernatione populari, quam in paucorum gubernatione ſpeciei illi violentę, & in gubernatione unius tyrannidi correfpondere diximus. Hi ergo modi populares omnes . Quosdam verò de omnibus paucorum potentiz ., habet autem & hoc differentias plures. quando enim à mediocri cenſu fiat aſſumptio , & multi aſſumentur, propter eam cenſus mediocritatem, & quæ lex uerat non moueant, ſed ſequantur , & liceat poſſidenti cenſum, habere , paucorum eſt huiusmodi gubernatio , ſed tamen ciuilis propter

pter eius mediocritatem . Quando verò non omnes participes sunt, sed qui eliguntur, & secundum leges gubernant, ut & prius, paucorum potètiæ est. Quando autem ipsi se eligunt, qui deliberandi auctoritatem habent, & quando filius patri succedit, ac domini sunt legum, necesse est huiusmodi gubernationem esse paucorum potentium . Sed quando aliquorum aliqui, ceu cum de bello & pace, & repetendis rationibus uniuersi: de alijs autem magistratus electi, uel sorte assumpti optimatum, id est, uel eius quæ appellatur respublica. Quòd si de quibusdam electi, de quibusdam verò sortiti, & sortiti uel simpliciter, uel ex prælatis, uel communiter electi ac sortiti, partim optimatum est, partim reipublicæ ipsius . Distinguitur ergo ea pars, quæ in consulendo deliberandove consistit in hunc modum pro natura rerum publicarum: & administratur unaquæque respublica secundum huiusmodi terminationem. Confert autem & gubernationi illi, quæ nunc maximè videtur esse popularis (dico autem ei in qua: populus dominus est etiam legum in deliberando, ac melius disponendo) hoc idem facere in communibus, quod fit circa iudicia in paucorum potentia. imponunt enim pœnam illis quos iudicare uolunt, ut iudicent: populares verò mercedem statuunt pauperibus. Confert & hoc idem circa conciones agere. melius enim deliberabunt, si omnes consilio intersint, populus quidem cum nobilioribus, isti autem cum populo. Confert etiam per electionem assumi eos, qui deliberaturi sunt, uel per sortem æqualiter ex partibus ciuitatis. Confert etiam si plurimum excellat multitudo plebis eos qui sunt in gu-

bernanda republica peritiores, uel non omnibus mercedem tribuere, sed quantum responderet numero nobilitatis, uel sortiri plures. In paucorum uero gubernationibus, aut eligere quosdam ex multitudine, aut tale aliquid constituere, quale est in quibusdā ciuitatibus, quos appellant præconsultores, ac legum custodes, ac de his solummodo rebus ad consilium referre, de quibus isti antè deliberauerint. Per hunc enim modum populus interueniet in deliberando, nec tollere quicquam de republica ualebit, insuper aut illa decernere poterit populus, aut nihil contrarium illis, quæ præponentur: uel considerandi quidem omnes participes facere, deliberandi uero magistratibus potestatem relinquere. Et oppositum eius facere, quod fit in populari statu. populi enim decretum in condemnando ratum nō sit, sed ad magistratus rursus referatur. quod contra fit in popularibus. magistratus enim absoluendi, domini sunt omnino: condemnandi uero non, sed ad populum habetur recursus. De consultando igitur & deliberando, eiusque potestate, in hunc modum determinatum sit.

*De magistratibus propriis, qui necessarij, & honestis,  
& de magistratuum constitutionibus.*

*Cap. XV.*

**C**onsequēs his est circa magistratus distinguere. habet enim & hæc pars differentias multas: quotq; magistratus esse, & quarū rerū autoritatem habere oporteat, & pro quo tempore singulos: (nam alij semestres, alij breuiiores, alij annuos, alij diuturniores statuunt magistratus;) & utrū oportet esse ppetuos, an ad lon-

longum tempus, aut neutrum, an multoties eodem, aut non eundem bis, sed tantum semel: & præterea circa constituendum magistratus, ex quibus oportet creari, & à quibus, & quomodo: de his enim omnibus oportet posse distinguere quot modis fieri posset, & qui quibus conferat gubernationibus reipublice. Est autem nec hoc quidem facile determinare, quales magistratus sunt nuncupandi: indiget enim civilis societas multis præsentibus. Quapropter non omnes, qui uel eliguntur uel assumuntur sorte, sunt magistratus existimandi: utpote sacerdotes. hoc enim aliud quiddam ponendum est à civilibus magistratibus. Præterea qui pompas ducunt, & præcones, & legati qui eliguntur. huiusmodi enim curæ civiles aut omnium civium sunt ad unam actionem, puta dux eorum qui militante: aut secundum partem, ut mulierum, puerorumque curatores. aliæ dispensatiue: sepe enim eliguntur quidam ad distribuendam annonam: aliæ ministratiue, ad quas si opulenti eligantur, substituunt seruos. Maxime uero, ut simpliciter dicamus, illi sunt magistratus appellandi, quibus datum est deliberare de quibusdam, & statuere, & maxime hoc extremum, nam iubere imperiosius est. Verum ista quantum ad usum nihil differunt, ut ita dixerim. nondum enim determinata est huiusmodi de nomine controuersia: habet autem quandam aliam intellectuam considerationem. Quales autem magistratus, & quot necessarii sunt ciuitati: & quales necessarii quidem, inutiles uero ad bonam reipublice gubernationem magis utique quispiam dubitabit: & ad omnem rempublicam, & præsertim ad paruas ciuitates. Nam in magnis quidem licet,



licet, & debent singuli magistratus ad singula opera deputari. sufficit enim multitudo ciuium ad magistratus gerendos: quare alios cum intermissione magna temporis, alios semel duntaxat gerunt: meliusq; singula curantur, quàm si in multis cura nostra distrahatur. Sed in paruis ciuitatibus necesse est in paucos, magistratus plures conferte. nam cùm sit paucitas hominum, non facile est multos in magistratibus esse. qui enim postea forent successores horum? indigent quandoque magistratibus eisdem & legibus, parum magnèq; ciuitates: nisi quòd he quidem sæpe indigent eisdem, illis verò multo tempore intermisso id accidit. quapropter nihil prohibet multas simul cùras illis demandare: nō enim se impediunt. & propter hominum paucitatem necessarij sunt magistratus quidā quasi luminaria obeliscis imposita. Si ergo dicere possumus, quot necessarij sunt omni ciuitati, & quot non necessarij quidem, sed opportuni, facillè quis sciens ista, coniungat, quales coniungere congruat in vnum magistratum. Debet etiam hoc non latuisse, quales cōueniāt secundum locum magistratus plurium curam habere, & qualium vbique in vnum magistratum potestate habere, ceu honestatis. vtrum in foro præfectum annonæ, & alium alibi, aut vbiq; eundem. & vtrum secundum negocia partiendum est, an secundum personas. dico autē, ceu vnum curam honestatis, alium puerorum, & alium mulierum. & in rebus publicis, vtrum differunt secundum vnāquāq; & magistratum genus, vel nihil. ceu in populari statu, & paucorum gubernatione, & optimatum, & monarchia, vtrum idem sunt magistratus potesta-

testatem habentes, sed non ex æqualibus, aut  
similibus, sed alij in alijs. veluti in optimatibus  
quidem ex hominibus doctis, in paucorum au-  
tem potentia ex opulentis, in populari statu ex  
ingenuis. vel existant quidam secundum istas  
differentias magistratuum, & alicubi conferat  
eosdem esse, alicubi diuersos. alicubi enim con-  
gruit magnos esse, alicubi paruos eosdem ma-  
gistratus. Veruntamen sunt aliqui proprii, ceu  
eorum \* qui ante deliberant. hæc enim pote-  
stas non est popularis, consilium verò popula-  
re. oportet enim esse aliquid tale, cui cura sit  
populum consilio præuenire, ne ociosus sit. hi  
autem si pauci sunt numero, paucorum poten-  
tia est. est autem necesse ut illi sint pauci, qui  
antè deliberant: itaq; paucorum potentia est.  
sed ubi sunt ambo hi magistratus, illi qui antè  
deliberant: consiliarijs cōstituunt. consiliarius  
enim popularis: qui verò ante venit in consu-  
lendo & deliberando paucorum potentia. Dis-  
solvitur etiam potestas consilij in huiusmodi  
gubernationibus, in quibus populus ipse con-  
ueniens de omnibus constituit, hoc autem acci-  
dere consuevit, cum est utilitas. quzdam aut  
merces constituta his qui in contentionem cō-  
ueniunt. ociosi enim conueniunt persepe, & de  
cunctis ipsi statuunt. Qui autem puerorum cu-  
ram habent, & qui mulierum, & si quis alter  
est qui potestatem habet & curam huiusmodi,  
optimatum id est, & non popolare ( fieri enim  
non potest ut prohibere pauperum mulieres al-  
terius sit quàm paucorum potentia ) cum mu-  
lieres ipsorum in delicijs viuant. Sed de his qui-  
dem eatenus dixisse nunc satis sit. De consti-  
tuendis autem magistratibus conandū est iam

\* προβα-  
λοι, πρα-  
consulto-  
res.

transigere. Consistunt autem differentia in tribus definitionibus, quibus compositis necesse est omnes modos esse comprehensos: vnum ex tribus est, qui sunt illi qui magistratus constituunt: alterum, ex quibus constituatur: tertium, per quem modum. Cuiusque verò istorum differentia sunt tres, aut enim ciues omnes constitui, aut quidam: & vel ex omnibus, vel ex quibusdam determinatis: seu per censum, vel per genus, vel per uirtutem, vel per aliud quiddam tale, quale apud Megarenses, ex his qui unum cum populo ad bella coniuncti redierunt. & hoc aut per electionem, aut per sortem. Rursus autem hæc simul conduplicat. dico autem hæc seu quosdam aliqui, quosdam omnes: & quidam ex omnibus, & quidam ex quibusdam: & quidam electione, quidam sorte. Vniuscuiusque istorum differentie modi erunt quatuor, aut enim omnes ex omnibus per electionem: aut omnes ex omnibus per sortem: & vel ex cunctis, vel quasi diuisim per tribus & conuentus & societates, quousque transeat per uniuersos ciues: aut semper ex omnibus, & partim sic, partim in illo modo. Rursus verò, si pauci sunt illi qui constituunt magistratus, aut ex omnibus per electionem, aut ex omnibus per sortem, aut ex quibusdam per electionem, aut ex quibusdam per sortem, vel partim isto modo, partim illo. dico autem quidam ex omnibus per electionem, quidam per sortem. atque ita duodecim modi efficiuntur seorsum, duobus conduplicatis. Horum autem duæ constitutiones sunt populares, hoc est omnes ex omnibus electione, vel sorte: uel partim sorte, partim electione. At enim non omnes simul, sed ex omnibus

bus constituere, vel ex quibusdam, vel sorte, vel electione, vel utroque modo: aut partim ex omnibus, partim ex quibusdam utroque modo. dico autem utroque modo, partim sorte, partim electione illius speciei est, quæ appellatur respublica. Quosdam verò ex omnibus constituere, partim electione, partim sorte, aut utroque modo, hos quidem sorte, illos autem electione, paucorum potentia est, multoque magis si utroque: sed quosdam ex omnibus, quosdam ex quibusdam, civile optimatum: vel quosdam electione, quosdam sorte; quosdam verò ex quibusdam, paucorum potentia, etiam si per sortem fiat vel non fiat: & quosdam ex quibusdam utroque modo: quosdam autem ex omnibus, & ex quibusdam omnes per electionem optimatum. Medi igitur circa magistratus tot sunt, & distinguuntur ita secundum rerum publicarum formas. Qui autem quibus conducant, & quomodo constitutiones eorum faciendæ sunt una cum potestatibus magistratuum, & qui sint hi, manifestum erit. dico autem potestatem magistratus, seu circa redditus auctoritatem habere & circa custodiam. alia enim potestatis species, quemadmodum circa bellum, & circa contractus forenses.

*De iudicijs, & eorum speciebus, & de modis iudiciorum. Cap. XVI.*

**R**eliquum ex tribus est, de iudicijs dicere. Capiendi verò sunt istorum modi per eandem viam. est enim differentia iudiciorum in tribus terminis, ex quibus, & de quibus, & quomodo. Dico autem ex quibus, utrum ex omnibus, vel

ex quibusdam . de quibus, quot species iudicio-  
rum. quomodo , utrum per sortem, vel per ele-  
ctionem . Primò igitur distinguamus quot sint  
iudiciorum species. Sunt autem octo. Vnũ, ra-  
tiones reposcere . Alterum , si publicè quis cui  
iniuriatus sit . Aliud , quot ad statum ciuitatis  
pertinent. Quartum, ex magistratibus & priua-  
tis hominibus, quæcunque circa pœnas versan-  
tur . Quintum, de priuatis contractibus habentibus  
magnitudinem . at præterea de homici-  
diis, & peregrinis . Homicidij rursus species, si-  
ue in ipsis iudiciis, siue in alijs ex prouidentia  
fecerit vel inuitus, & quocunque confitemur  
quidem facta , sed de iure controuersiam facim-  
us . & quòd pro homicidio exulantibus circa  
reditum statuuntur. vt. Athenis dicitur, & quot  
in † Phreati iudicium. Contingunt autem talia  
& in omni tempore pauca, & in magnis ciuita-  
tibus . De peregrinis autem vna pars est ; si pe-  
regrinus contra peregrinum agat : altera, si pe-  
regrinus contra ciuem . Est insuper ultra hæc  
omnia, de paruis rebus cognitio, quæ drach-  
mas quinque, aut non excedant, aut parum .  
oportet enim & de his ius dici: nec incidit in iu-  
diciorum multitudinem . Sed omittamus de  
his, & de homicidiis & de peregrinis : dicamus  
autem de ciuilibus , in quibus si non rectè iudi-  
cetur , seditiones ac rerum publicarum motus  
gignuntur . Necessè est enim vel omnes de om-  
nibus supra dictis iudicare electione vel sorte:  
vel omnes de omnibus partim sorte, partim ele-  
ctione : vel de quibusdam eorum aliquos , par-  
tim sorte, partim electione assumptos . hi ergo  
modi sunt quatuor. Totidem alteri, qui secun-  
dum partem . rursus etiam ex quibus, & qui iu-  
dicant

† pteci.

dicant de omnibus per electionem, aut ex quibus de omnibus per sortem: uel partim sorte, partim electione, uel quædam iudicia de eisdem ex sortitis & electis. Illi ergo, ut dictum est, sunt modi in prædictis. Insuper eadem conduplicata, ut quædam ex omnibus, quædam ex quibusdam, quædam ex utrisq; ceu si eiusdem iudicij essent, alij ex omnibus, alij ex quibusdam: & uel per sortem, uel per electionem, uel ex ambabus. Quot igitur modi iudiciorum esse possunt, dictum est. Horum autem prima, popularia sunt, quæcunq; ex omnibus uel de omnibus. Secunda, paucorū potentium, quæcunq; ex quibusdā de omnibus. Tertia, optimatum & ciuilia, quæcunque partim ex omnibus, partim ex quibusdam.

\*





# ARISTOTELIS POLITICORVM

## LIBER QVINTVS.

### SVMMA LIBRI.

*De rerumpublicarum mutationibus seditionibus, earum causis, ac medelis. De diuersarum specierum rerumpublicarum mutationibus, ac ipsarum conseruandarum modis. De regni, ac tyrannidis mutationibus, ac conseruatione.*

*De causis mutationum rerumpublicarum, & de earum inaequalitate, & aequalitate, & iusto & stabilitate. Cap. I.*



E alijs quidem omnibus, de quibus dicere proposuimus, ferè dictum est. ex quibus autem mutatur respublice, & quot ea sint & qualia, & quæ nam sint singularum rerumpublicarum corruptiones & labe, & ex quibus in quales maximè mutantur: præterea quæ remedia generaliter & specialiter cuiusque, & per quæ maximè conseruari possit vnaquæque rerumpublicarum, cõsiderandum deinceps erit. Oportet autem prius illud principium assumere, quòd plures sunt formæ rerumpublicarum. & in his consistunt quidem omnes iustitiam & conuenientem equitatem, sed aberrant ab ea,

ea, ut est antè dictum . Nam populus constat ex  
 ijs qui cùm sint secundùm quid pares, putant se  
 simpliciter pares ; Paucorum uerò, potentia ex  
 ijs qui cùm præstent, aliqua re, se in cunctis præ-  
 stare arbitrantur. opibus enim superantes, sim-  
 pliciter existimant superare . Deinde uerò illi  
 quasi pares existentes in cunctis, dignum pu-  
 tant se parem portionē habere . hi autem quasi  
 superiores sint, maiora sibi competere arbitran-  
 tur: maius enim inæquale . Habent uerò omnes  
 aliquid iustum, sed simpliciter aberrant . Et ob  
 eam causam, quādo non pro opinione sua vtri-  
 que reportent de republica, seditiones concitan-  
 t . Omnium uerò iustissimè hoc facerent, qui  
 virtute præcellunt: qui tamen minimè omnium  
 id faciunt . nam hi simpliciter rationabile est, ut  
 soli præferantur . Sunt autem quidam, qui præ-  
 stantes genere, plus habere se dignos putant .  
 Videntur nobiles esse illi, quorum maiores vir-  
 tute & diuitijs præditi fuere . hinc principia &  
 fontes, vt ita dixerim, seditionum oriuntur .  
 Quapropter mutationes meritò fiunt, quando-  
 que ex præsentī statu alium: ceu ex populari gu-  
 bernatione ad paucorum potentiam, uel ad po-  
 pularem ex paucis, uel ad rempublicam & opti-  
 matem ex illis, uel ad illas ex istis . quandoque  
 præsentem gubernandi formam non quarunt  
 mutare, sed in ea permanentes, pro se illam sus-  
 ciipiunt, ut paucorum potentiam uel monar-  
 chiam . Insuper circa magis & minus : ceu uel  
 paucorum potentiam existentem magis exten-  
 dere uel coercere, uel popularem statum am-  
 pliari, vel restringere . Eodemq; modo de alijs  
 speciebus ampliandis uel restringendis, uel in  
 parte aliqua reipublicæ mouenda, ceu magistra-

tum quendam de nouo inducere, uel remouere, ut apud Lacedæmonios ferunt Lyſandrum tentasse regiam potestatem tollere, & Pausaniam regem Ephoros. & Epidamni mutata est respublica, parte: cū pro tribuum præfectis, senatores creauerunt. Apud Elienses uerò necessarium est illorum etiam, qui versantur in republica, dignitates inuadere, quando creatur magistratus aliquis. Paucorum autem potētiæ erat in hac republica, quod unus solus ad magistratum sumebatur. Vbique enim propter inæqualitatem oritur seditio: disparibus tamen non existit proportio. perpetua enim potestas regia iniqua foret, si esset in paribus. omnino enim quærentes æquum, in seditiones incidunt. At enim duplex est æquum: unum numero, alterum dignitate. numero quidem, ceu multitudine ac magnitudine idem, & æquum: dignitate autem dico, id quod est secundum rationem. ceu tria excedunt duo secundum æqualem numerum, & hæc vnum. dico autem quatuor excedere duo, & hæc unum: æqua enim pars duo ex quatuor, & vnum duorum: ambo enim medietates. Fatentes autem simpliciter esse iustum id, quod est secundum dignitatem, contendunt, ut prius dictum est. alij quia si in aliquo sint pares, se penitus pares existimant: alij, quia si in aliquo præstant, in cunctis se superare arbitrantur. Quamobrem duæ præcipuè sunt gubernandi formæ, populus scilicet, & paucorum potentia. nobilitatem enim ac virtutem in uerbis quidem omnes ferè vsurpant. etenim qui reuera nobiles ac boni sint, nusquam centum reperiuntur: diuites autem multis in locis. Simpliciter omnino secundum alterutrum, statuere æqualita-

æqualitatem, improbum est, patet autem ex eo, quod contingit: nulla enim huiusmodi rerumpublicarum recipit stabilitatem. Causa uerò huius, quia impossibile est ex primo errore in principio commissio, non euenire ad extremum aliquid mali. quare opus est partim arithmetica æquitate uti, partim ea quæ est secundum dignitatem. Veruntamen tutior est, ac minus seditio: ni subiaceret popularis gubernatio, quàm paucorum. nam in paucorum gubernatione dux gignuntur seditiones: una inter seipsos, alia ad populum. in gubernationibus autem populi, una tantum seditio fit, ad paucorum potetiam. ipsis uerò inter se, quod quidem dignum dictu sit, non accidit seditio populi. Insuper mediocrium hominum gubernatio, propinquior est populari gubernationi, quàm illi quæ paucorum: quæ quidam est magis tuta, quàm aliqua huiusmodi rerumpublicarum.

*De seditionibus paucorum, & popularium: pro quibus rebus seditiones oriantur, & quæ sint earum causa. Cap. . 11 .*

**C**um uerò consideremus quibus de causis seditiones mutationesque rerumpublicarum euenerint, capienda sunt primò uersaliter principia, & causæ earum. Sunt autem ferè tria, de quibus ipsis primò succincte determinandum est. Videre enim oportet quemadmodum dispositi ad seditiones deueniunt: & quarum rerum gratia: & tertio quæ sunt initia ciuiliū turbationum, ac seditionum inter ciues. Quòd quidem igitur disponatur ad res nouas appetendas, illa est potissima causa, de qua iam

diximus. quia alij pares esse uolunt his qui plus possunt, & nisi hoc fit non acquiescunt: alij uero se præstare dignos putantes, indignè ferunt nisi plus habeant. hæc autem quādoq; iustè cupiuntur, quandoq; iniustè. inferiores quidem ut pares sint, res nouas exoptant: & pares qui sunt, ut præstent. Quemadmodum igitur dispositi sint qui res nouas quærunt, dictum est. Res autem, pro quibus contendunt, sunt lucrum, & honor, atq; his contraria. dedecus enim & damnum uel ipsorum uel amicorum fugientes, seditiones in ciuitatibus agunt. Causæ uero ac principia motus, unde ipsi ita disponuntur, & pro ijs de quibus diximus, sunt ut septè, sunt etiam ut plura. quorum duo sunt eadem cum illis quæ dicta sunt, non tamen eodem modo. propter lucrum enim & propter honorem iritantur inuicem, non ut acquirant sibiipsis, sed quia uident alios partim iniustè, partim iustè plus habere. Insuper propter contumeliam, propter metum, propter præpotentiam, propter contemptum, propter incrementum excessuum: præterea & alio modo propter uerecundiam, propter negligentiam, propter pusillanimitatem, propter imparitatem.

*Quo pacto ob dictas causas eueniunt seditiones.* Cap. III.

† contumelia.

**E**X quibus contumelia & lucrum, quam habeant vim, & quot causæ, ferè est manifestum. † Superbia enim, & avaritia eorum qui gubernant homines, prouocant contra se, & contra statum eius reipublicæ, quæ ista fieri patiatur. avaritia uero quādoq; ex priuatis rebus fit, quandoq; ex publicis. De honore etiam clarum est, & quid ualeat, & quomodo causa sit cōtendendi.

dendi. ipsi enim inhonorati, & alios honoratos cernentes, seditionem aggrediuntur. Hęc autem iniuste quidem fiunt, cum præter dignitatem honorantur quidam, uel inhonorantur: iuste uerò, cum secundum dignitatē. Propter præpotentiam autem, quando maior sit & potentior, uel vnus uel plures, qui secundum dignitatem & potētiā reipublicæ. consuevit enim ex talibus fieri unius dominatio, uel gubernatio uolēta. Quapropter quibusdam in locis Ostracismo utuntur, ceu Argis & Athenis. atqui melius erat ab initio prouidere, ne in huiusmodi potētiā augeri homines permetterentur, quàm post cōtra auctores remedium quærere. Propter metum uerò ad seditionem deueniunt, qui pœnas formidant ob maleficia commissa: & hi contra quos paratur uolētia, præuenire uolētes, priusquàm malum patiantur. ut apud Rhodum nobilitas contra plebem insurrexit metu iudiciorum, quæ sibi parabantur. Propter contemptum uerò ad seditiones deueniunt. ceu in paucorum potētia, quando plures sunt illi, qui à republica excluduntur: potentiores enim se putant. Et in populari statu, opulenti contemnentes inordinationem & incurium eorum qui gubernant. ceu apud Thebanos post pugnam in Onophytis commissam, mala gubernatione popularis status interiit. & in Megarensibus, ceu per inordinationem & negligentiam magistratuum superati sunt. & Syracusis ante Gelonis tyrannidem. & Rhodi populus, antequam contra insurgeretur. Fiunt etiam propter incrementum mutationes rerum publicarum. ut enim corpus ex partibus suis cōstat, & oportet eas simul pro modo quanq; suo crescere, ut conuenientia



permaneant, ac nisi hoc fiat corrumpitur (ceu quando pes quatuor cubitorum sit, ceterum vero corpus duarum palmarum longitudinem habeat: interdū verò & in alterius animalis figuram transiret, si non solum quantitate, uerum etiam qualitate immoderatum fieret incrementum) ita & ciuitas ex partibus constat, quarum interdum aliqua paulatim subcrefcit, ceu egenorum hominum multitudo in popularibus gubernationibus & rebus publicis. Contingit verò quandoq; id per fortunam: uel ut apud Tarentum cū superati prælio ab Iapygensibus, nobilitatis magnā partem amisissent (fuit autem id prælium paulo post id tempus, quo Medi Græciam inuaserunt) ad popularem statum ex republica est facta mutatio. Et Argiui post eadem suorum in Hebdoma à Cleomene Spartiata factam, coacti sunt inquilinos quosdam ad rempublicam recipere. Et Athenis, cū terra malè pugnaretur aduersus Lacedæmonios, nobilitas attenuata est, cū ex descripto submittere se ad bellum cōgeretur. Contingit autē hoc & in popularibus gubernationibus, rarius tamen. pluribus enim diuitibus existentibus, uel diuitijs in pluribus auctis, mutatio fit in paucorum potentiam. Mutantur etiam respublicæ absque seditione propter uerecundiam: ut in Hærea. cū enim per electionem sumere magistratus solerēt, postea sortiti sunt, ex eo quod electiones eorum in homines turpes pudendosque cadebant. Et propter negligentiam, quando sinunt ad summas potestates eos assumi, qui non sunt amici status eorum: per quem quidem modum apud Horem euersa est paucorum gubernatio per Heracleodorum, qui magistratum

nactus

nactus gubernationem ciuitatis ex paucorum  
 potentia ad popularem statum traduxit. Insu-  
 per propter pusillum, dico autem pusillū, quan-  
 do latet paulatim subcrescens reipublicæ mu-  
 tatio, quæ ad magnitudinem latenter euadit, si  
 negligatur. quemadmodum apud Ambrocioras  
 à paruo censu prius erant magistratus, tandem  
 vero à nullo: quasi nihil aut prope foret inter  
 parum & nihil. Seditiones quoq; concitat pe-  
 regrinitas, donec in eandem simul conspiratio-  
 nem deuenerit. vt enim non ex quauis multi-  
 tudine constituitur ciuitas, ita etiam neque in  
 quouis tempore. Quapropter quicunq; adhuc  
 inquilinos insceperunt vel aduenas, omnes ferè  
 seditionibus iactati sunt. ceu apud Sybarim vna  
 cum Trœzenijs incoluerunt Achæi: postea ma-  
 iorem in numerū crescentes Achæi Trœzenios  
 pepulerunt. vnde, \* pollutio illa exorta est Sy-  
 baritis, & Thurijs. Idem fecerunt Sybaritæ con-  
 tra eos qui illos receperant. nam plus habere  
 volentes, quasi de suis agris pulsi sunt. Et apud  
 Byzantium peregrini in oppressione ciuium  
 coniurati, cognita re, pralio & armis expulsi  
 sunt. Et Antissæi exules ex Chio susceptos, tan-  
 dem armis deicere coacti sunt. Zanclei verò,  
 qui Samios receperunt, mox ab eis sunt propria  
 ciuitate deiecti. Apolloniata qui sunt in Ponto,  
 incolis receptis, seditione agitati sunt. Et Sy-  
 racusani post tyrannos expulsos, cum hospites  
 & conductos milites fecissent ciues, in seditio-  
 nem & pralium inciderunt. Et Amphipolitæ,  
 receptis Chalcidensium colonis, pulsi tandem  
 ab illis sunt ferè omnes. Seditionem autē con-  
 citant, in paucorum quidem potentia, multitu-  
 do indignè ferēs, vt dictum est prius, quod cum

\* αἴος.

ipsi sint pares, nō pariter honorantur. In populari verō statu nobilitas, quod par fiat ceteris, cū ipsi sint prastantiores. Incidunt etiā quandoque in seditionem ciuitates propter situm, quando talis est locus, vt non ad vnā eandemq; gubernationem sit aptus. vt Clazomonijs accidit, qui in Chytro habitant, contra eos qui habitant in insula. Et Colophonijs erga Notios. Athenis quoque non eodem modo, sed multo magis populares sunt, qui in Pyrao habitant quā qui in vrbe. vt enim in pralijs transitus fossiarum, etiam si admodum paruz sint, interrumpit ordines militum; ita & in ciuitate † dissidentia omnis videtur disunctionem facere. Maximè forsan dissident virtus & vitium: deinde paupertas & diuitiz, & alia magis quā alia: quarum vna est illa, de qua diximus.

† dissimilando.

*De medelis, & documentis circa seditiones.*

*Cap. 1111.*

**O**Riuntur autem seditiones non pro paruis rebus, sed ex paruis ad magna proueniunt: maximè etiam paruz corroborantur, quando in principalibus fiunt, vt contigit, Syracusanis antiquitus. Mutatus est enim ciuitatis status propter duos adolescētes, qui in magistratu constituti, simultatem inter se habuerunt ex amatoria causa. altero enim absente (cū sodalis eius esset) alter puerum, quem amabat, sibi conciliauit. at ille reuersus, cū id grauitè ferret, vxorem illius habere studuit. ex hoc, omnes qui versabantur in republica, diuerso fauore diuerterunt. Quamobrem ab istis principijs cauendū est diligenter, ac dissoluen-  
dz statim

da statim sunt eorum discordia, qui multum in republica possunt. In principio enim peccatur. principium autem dicitur esse dimidiū totius. itaq; paruum in principio erratum, correspondens est ad alias partes. Omnino autem excellentium virorum discordia totā post se trahunt ciuitatem: vt contigit apud Hestiam post popularem statum. Duobus enim fratribus de diuisione patrimonij contendentibus, vnus eorum qui erat pauperior, quasi non exhibente altero fratre bona omnia, neq; thesaurum quem pater inuenerat, proferente, querebatur, ac populum in suos fauores pertraxerat: alter verò qui diuitijs pollebat, locupletes sibi aſciuerat. Et in Delphis ex fauore partiū contentione exorta, principium fuit seditionū omnium, quæ postea fuerunt in ea ciuitate secutæ. hic enim cū sibi triste augurium incidisset, vt venit ad sponsam, suscipere illam noluit. parentes verò puellæ quasi sprete atque contempti, sacrorum quiddam eo sacrificante iniecerunt, atq; vt sacrilegum accusantes capite damnari fecerunt. Mitylenæ quoque seditio ex hæreditate coorta, magnorū malorum fuit origo. indeq; bellum Atheniensibus contra Mitylenēos susceptum, in quo vrbs eorum à Pachete duce capta fuit. Timophane enim quodam opulento homine vita functo, cū duæ filia superstites fuissent, Doxandrus quidam dari illas filijs in matrimonium concupuit. quod cū assequi non potuisset, alios sibi prælatos dolens, res nouas moliri aggressus: Atheniensibus quibus erat publicè hospes, bellum suscipere persuasit. Et apud Phocenses seditio exorta est ex hæreditate inter Mnaseam Mnasonis patrem & Euthycratem Onomarchi.

hæc

hæc seditio Phocensibus initium fuit eius belli, quod sacrum appellauerunt. Mutatus est etiam Epidamni ciuitatis status ex nuptijs. desponderat enim quis filiam, cum verò pater sponsi magistratum gerens illi multam irrogasset, quasi despectus, omnes qui præsentis ciuitatis statui infensi erant, per factionem ad se recepit. Fiunt etiam mutationes & in paucorum potentia, & in populari statu, & in ea quæ appellatur reipublica, ex eo quòd aliquod collegium, vel alia pars ciuitatis famam sit vel augmentum maiorem in modum cōsecuta: vt apud Athenienses, Areopagi cōsiliū per tempora belli Persarum famam consecutum reipublicę gubernandi formam seueriorem videtur fecisse. Et rursus naturalis turba, q̃ causa victorię Salaminensi bello fuisse videbatur, & ob eam victoriam principatum maris acquisisse ciuitati, popularem statum magis asseruit. Et apud Arginos nobilitas, quòd in prælio contra Lacedæmonios apud Mantiniam urbem commisso, magnam famam consecuta erat, popularem statum delere tentauit. Et apud Syracusanos multitudo urbana, quòd causa victorię belli aduersus Athenienses videbatur fuisse, rempublicam mutauit ad popularem statum. Et apud Chalcidenses, quòd simul cum nobilitate ad opprimendum Phoxum tyrannum plebs insurrexisset, statim reipublicę gubernationem suscepit. Et apud Ambraciam eodem modo, populus vnà cum aggressoribus Periandro tyranno expulso, in seipsum gubernationem conuertit. Et omnino hoc latere non oportet, quòd qui potentię causa fuerunt, siue priuati homines, siue collegia publica, siue tribus, siue & pars aliqua ciuitatis, siue quæcunq;

multitudo

multitudo, seditionem commouent. aut enim qui honori illorū inuident seditionem faciunt, aut ipsi propter prævalentiā parem habere cum cæteris, non acquiescunt. Mouetur quoq; res publica, quando partes illę ciuitatis, quę cōtrarię videntur esse, parificantur (ceu diuites & plebs) medium autem parum aut nihil omnino sit. si enim quæuis pars ita robusta fiat. vt ad illā quę prædominabatur, proximè accedat, non tolerat posthac discrimina subire. Quapropter & cui virtute præcellunt, nullā (vt ita dixerim) faciunt seditionem. pauci enim sunt, alij verò permulti. Vniuersaliter ergo in cūctis rebus publicis ipsius initia causaque seditionum ac mutationum, in hunc modum sunt. Mutatur autem res publica quandoq; per vim, quādoq; per dolum. Per vim autem aut statim, aut postea compellendo. nam & fraus duplex est. nonnunquam enim decepti ab initio, sua demum sponte recipiunt alium gubernandi modum, deinde postea violenter conseruant: vt accidit, cū quadringenti illi Atheniensium rempublicam susceperunt. affirmantes enim, q̃ Persarū Rex pecunias ad bellū contra Lacedæmonios subministraret, ac in eo mentiti, nihilominus postea vi retinere gubernationem conati sunt. Interdū autem ab initio persuadentes, at postea rursus persuasis sponte ac volentibus retinent gubernationem. Simpliciter ergo circa omnes respublicas, ex his quę dicta sunt, contingit mutationes fieri.

*De mutationibus popularis gubernationis : & earum modis. Cap. V.*

**S**ed oportet in vnaquaq; specie rerum publicarum hoc idem considerare. Popularis ergo status



status maximè recipit mutationes, propter eorum hominum perfidiam, qui sunt quasi duces in populo. Hi enim priuatim egregium quenq; calumniando, conspirare eos simul compellunt (cogit enim in vnum communis metus etiam eos, qui prius erant inimicissimi) publicè verò multitudinem irritant. & hoc serè vbiq; in hunc modum fieri videmus. Nam & apud Coum popularis status interiit, ob prauitatem eorū qui populum ducebāt. nobilitas enim conspiratione facta, regimē ciuitatis arripuit. Et apud Rhodum. impositis enim pecunijs, quæ conductis militibus soluērentur, potentes quidam in populo pro se eas retinebāt, eratq; id impedimento, quo minus ea redderentur, quæ præfectis debebātur triennium: præfecti autem classis, cum pecunias non haberent, ac nihilominus nauigare ex lege cogerentur, veriti poenam iudicij, conspirationem inierunt ad popularem statum euertendum. Apud Heracleam quoque populus oppressus est illico post coloniarum emissionem, ob populi ductores. potētes enim quidam in populo, illatis iniurijs, nobilitatem expulerunt: illi verò postea conspirantes, & in vnum conuenientes, in urbem reuersi, populum oppresserunt. Nec multo dissimiliter apud Megarenenses popularis status interiit. Ductores enim populi, quo pecunias per bonorum publicationem haberent, multos, è nobilitate pepulerant, ut tandem facta sit permagna exulum multitudo: exules ergo in vnum conuenientes praelio superarunt, oppressioque populo, paucorum potentiam cōstituerunt. Contigit hoc idem apud Cumas in populari statu, quem destruxit Thrassimachus, & apud alios serè quis inspiciat mutationes

tationes eodem modo contigisse. Interdū enim, ut gratificentur iniuriantes, nobilitatem cōspirare faciunt, vel patrimonia equè diuidentes, vel redditus muneribus publicis subijcientes: interdum verò calumniantes, ut bona opulentorum publicari faciant. Vetustis quidem temporibus, quando idem erat potens in populo ac belli dux, populares res in tyrannidem mutabantur, & profectò antiquorum tyrannorum pluri ex popularibus hominibus facti sunt. Causa uerò, cur tunc fierent, non autē nunc, illa est, quòd tunc qui in populo maximè poterant, erāt ex his qui bello gerendo praeſciebantur. nondū enim dicendi peritiam habebant: nunc autem Rhetorica arte superueniente, qui dicendi facultatem habent, populos ducunt quidem: sed quia imperiti sunt rerum bellicarum, tyrannidem inuadere nō audent, nisi vbi parum aliquid tale incidit. Tyrannides certè frequentius fiebant prius, quàm nunc, & propter magnas potestates quibusdam cōmissas, ceu Mileti ex consulatu, multarum enim ac magnarum rerū potestatem habebat consul. Ac etiam ob id, quia tunc vrbes non erant magnæ: sed rurē homines habitabant, otium agētes præter quàm ab agris. qui autem patroni erant in populis, cū uiri militares essent, tyrannidem inuadebant: idque agebant omnes, præstita sibi prius fide à populo, quæ acquirebatur ex inimicitia aduersus opulentos, ut Athenis, Pisistratus per factionem contra Pediacos susceptam, & Megaris, Theagenes armentis opulentorum occisis, quæ iuxta flumen repererat pascētia, & Dionysius accusans Daphnēum & diuites, meruit tyrannidem Syraculis obtinere, propter inimicitiam nobilitatis,

tatis, sibi fide à populo præstita, quasi popularis esset. Mutantur etiam respublicæ, ex consuetâ gubernatione in ultimam speciem popularitatis: cum enim per electionem sunt magistratus, non tamen à censu, eligit autem populus ambientes populum magistratuum gratia, eò rem deducunt, ut sit populus dominus etiam legum. Remedium autem, ne hoc omnino fiat, vel ut minus fiat, illud est, ut tribus quidem magistratum eligant, non populus vniuersus. Popularem igitur statum mutationes ferè omnes per has sunt causas.

*De mutationibus paucorum potentie, & earum modis. Cap. VI.*

**P**AUCORUM autem gubernationes mutantur per duos maxime modos manifestissimos: Vnũ, si iniurijs afficiant multitudinem. quilibet enim patronus sufficit, & maxime si ex numero paucorum dux aliquis existat, quemadmodum in Naxo Lygdamis, qui tyrannidem postea Naxiorum inuasit. Habet autem etiam ex alijs initium seditionis differentias. quandoq; enim ab ipsis opulentis, qui nõ honorantur magistratibus, fit dissolutio, cum perpauci sint illi, qui dignitates usurpant: ut in Massaliensibus, & in Istro, & apud Heraclæam, & in alijs ciuitatibus accidit. Nam qui honores non susceperant, res nouas moliri non cessabant, donec ipsi quoque honorarètur, primò quidem seniores ex fratribus, deinde iuniores. quibusdam enim locis non simul ad rempublicam gubernandam recipiuntur filius & pater: alicubi verò frater senior ac iunior, & illic quidem paucorum potentia ciuiliior

uilior facta est. In Istro autem ad populum recidit. in Heraclea uero à paucioribus ad sexcentos deuenit. Mutata est & Gnidi paucorum potentia, seditione inter nobilitatem ipsam coorta ex eo quòd pars eorum ab honoribus excludabatur: siquidem pater filium impediabat, & frater fratrem, nec nisi qui senior foret honorabatur insurgens enim populus per illorum: discordiam, ac ducem nactus ex ipsa nobilitate, irruens peruicit. imbecillis enim aduersa pars erat. Et apud Erythrienses, in paucorum gubernatione regiarum urbium antiquis temporibus, licet diligenter curarent qui in gubernatione illarum versabantur, tamen quia perpauce erant, non tulit populus, sed rempublicam mutauit. Mutantur etiam paucorum gubernationes ex seipsis, propter factiones ipsorum qui plus posse apud populum volunt. Hoc autem dupliciter fit. quandoque enim sibi asciscunt, & coniungunt alios ex ipso numero paucorum: ut Athenis in triginta illis fecit Charicles, & in quadringentis Phrynichus simili modo. quandoque uero ipsi, qui sunt ex paucorum numero, vendicant ubi plebem, ut apud Larissam, nobilitas plebem colebat, ex eo quia per plebem fiebat electio magistratus illius, qui custodia reipublice vocabatur: & in quibuscunque gubernationibus paucorum, non illi ipsi eligunt ad magistratus, qui & gerere illos possunt, sed ex censibus magnis tribuuntur, vel ex aliquo corpore. electio tamen eorum per ciues fit, aut per plebem, ut Abidi, & ubi iudicia non sunt ex his qui rempublicam gubernant, colendo plebem, quo eorum suffragia promereantur, rempublicam mutant, ut apud Heracleam contigit, quæ

est in Ponto, quod idem accidit, quando in gubernatione paucorum quidā existentes, ad pauciores etiam rempublicam trahunt. pares enim ceteris esse quærentes, compelluntur populum in sui auxilium adhibere. Fiūt etiam mutationes in gubernatione paucorum, quando prodigaliter viuentes qui gubernant, per luxuriam patrimonia consumpserunt. Optant enim res nouas huiusmodi homines, tyrannidemq; vel sibiipsis, vel alteri affectant, quemadmodum Hipar Dionysiu Syracusis, & Amphiboli Cleotimus Chalcidenses colonos superinduxit, & cum venissent, seditionem cum illis cōtra diuites fecit. & in Aegina qui negotium in Chariti Atheniensi fecerat, res nouas molitus est, propter huiusmodi causam. Hi ergo homines consumptis patrimonijs, aut res nouas cōmouent, aut rempublicam furtis expilant, itaq; seditiones aut ab ipsis, aut ab illis concitantur, qui eorum furta non tolerant: ut Apollonia quæ est in Ponto accidit. Concors verò si sit paucorum gubernatio, ex seipsa non facillè interijt. Huius signum est apud Pharsalum urbem reipublicæ status: pauci siquidē in ea ciuitate gubernatores, multorū sunt domini, quia ipsi inter se rectè ac debito more se gerunt. Euertuntur etiam, quādo in paucorum gubernatione aliam paucorum gubernationem efficiunt: id est quando eorū, ad quos pertinet gubernatio reipublicæ, qui pauci sunt, selectio quadam fit, neque habilitas est omnibus ad maximos magistratus, dignitatesq; posse assumi. Quod apud Elidem urbem quandoque contigit. nā cū paucorum esset gubernatio reipublicæ, admodum pauci eorum ad senatorium ordinem, quæ erat perpetua dignitas,

gnitas,peruenire poterant, ob id quòd erat potentium\* hic ordo ac perfimilis Lacedæmoniorum senatui. Fit autem mutatio gubernationis paucorum & in bello & in pace. In bello quidē, quòd populo diffidentes, conducto milite uti compelluntur, & qui illis præficitur, sæpe tyrannus euadit: ut Corinthi Timophanes: quòd si plures præficiuntur, ipsi sibi potentiam parant. interdum verò ista formidantes qui regunt, populum recipiunt ad reipublicę communionem, quoniam necessitas cogit populo uti. In pace autem propter diffidentiam, quam inter se habent, conductis militibus custodiam tradunt, præficiuntque illis uirum aliquem, qui ad neutram partem magis inclinare videatur, at iste sæpe fit dominus partis utriusque: quòd accidit in Larissa vrbe Leucadæsis, qui circa Samum rempublicam tenentibus, & apud Abidum tempore sodalitatum, quartum erat iphiadæ. Oriuntur etiam seditiones per exclusionem aliorum ab aliis factam, eorum ipsorum qui sunt in paucorum gubernatione, quādo de nuptiis, uel de iudiciis concertant, quemadmodum de nuptiis suprā diximus. In Eterhria paucorum gubernatio equitum sublata est per Diagoram, qui affectus iniuria fuerat ex nuptijs Ex iudicio autem apud Heracleam seditio extitit, & Thebis ob adulterij iudicium. Atqui utroque in loco non iniusta fuerat accusatio, sed per factionem poena nimis exasperata: apud Heracleam quidem aduersus Eutionem, Thebis uerò aduersus Archium, quos inimici peruincentes in foro ligari, ac ceruicem eius annulo ferreo includi secerant. Sape etiam paucorum gubernationes dissolutæ fuerunt ob nimiam dominationem, non



probantibus quibusdam ex ipsis qui gubernabant, huiusmodi excessum: vt accidit his qui apud Gnidum, & apud Chium per paucorum potentiam gubernabant. Fiunt etiam casu mutationes illis quæ vocantur respublicæ, & gubernationes paucorum, vbicunque à censu sumuntur ad deliberandum, & iudicandum, & ad cæteros magistratus. Sæpe enim constitutus primo censu ad præsens tempus, vt participant in paucorum quidem gubernatione pauci, in republica verò medijs, ¶ felicitate aliqua superueniente, vel per pacem, vel per aliam causam, contingit easdē possessiones multo maioris pretij fieri: itaque omnes efficiuntur habiles ad cunctos reipublicæ gradus, dignitatesque suscipiendas, idq; contingit interdum sensim & latenter, interdum celerius. Paucorum igitur gubernationes mutantur, & seditionem recipiunt per huiusmodi causas. Omnino autem & popularis status, & paucorum potentiæ conuertuntur interdum non in contrarias species, sed in eas quæ sunt proprii generis, ceu ex institutis popularibus & paucorum, in ipsa propria, & ex illis rursus in ista.

¶ *abundantia rerum.*

*De mutationibus optimatum potentia, & earum modis. Cap. VI.*

**I**N optimatibus autem seditiones fiunt, interdum quidem ex eo quod pauci sunt honorum participes, quod in paucorum gubernatione diximus seditionem mouere. nam & optimatum gubernatio quodāmodo paucorum est: in vtraque enim pauci gubernant, non tamen propter idem pauci, cum videatur propterea optimatum gubernatio

bernatio esse paucorum. maximè verò id acci-  
 dere necesse est, quādo fuerit multitudo \* aliter, *πιορο-*  
 sentientium, quasi similis secundum virtutem, *νισμα-*  
 velut apud Lacedæmonios ij qui Parthenix nū- *τιομε-*  
 cupabantur (ex similibus enim erat) quæ depre- *των, et-*  
 henfos res novas moliri, in coloniam Taren- *νν, qui ma-*  
 tum miserè: uel quando aliqui inhonorantur, *gnā de se*  
 cū sint magni, & nihilo inferiores virtute, *conceperāt*  
 quā illi, qui honores capiunt, quemadmo- *opinionem.*  
 dum Lysander à regibus, vel quando vir fortis  
 & magni animi non sit particeps honorum, &  
 quemadmodum Cinadon ille, qui coniuratione  
 facta per Agesilai tempora, Spartiatas op-  
 primere tentauit. Præterea cū alij paupertate  
 nimia præmuntur, alij diuitijs abundant: quod  
 maximè in bello contingit, & accidit hoc La-  
 cedæmonijs Messenensi bello. Ostendit hoc  
 Tyrtæus Poëta in illo carmine, quod inscribitur  
*ωρόμα*, exhausti enim quidam per id bellum  
 ac pauperes facti, censebant agros æquā por-  
 tione ciuibus esse diuidēdos. Insuper si quis ma-  
 gnus, & potens, etiam maior fieri ac solus dam-  
 nari velit, ut apud Lacedæmonios videtur Pau-  
 sanias ille fecisse, qui dux belli aduersus Medos  
 fuit, & apud Carthaginienses Hanno. Dissol-  
 uuntur autem maximè & respublicæ & opti-  
 matum gubernationes, propter transgressio-  
 nem iustitiæ in ipsis factam. Huius autem ori-  
 go est, non benè temperatam simul esse ac per-  
 missam, in republica quidem popularem gu-  
 bernationem & paucorum, in optimatibus ve-  
 rò ista simul atq; virtutem maximeq; illa duo:  
 popularem dico atque paucorum. hæc enim &  
 respublicæ conantur miscere, & multæ illarum  
 quæ optimates vocantur. differunt enim opti-

mates ab illis quæ appellantur respublicæ in hoc: & ob id sunt alię earum minus, aliæ magis durabiles. illas enim quæ magis declinant ad paucorum potentiam, optimates appellât: illas verò quæ ad multitudinem, respublicas vocant, quapropter tutiores sunt istę, quàm alię. Fortius enim est id quod plus est, ac magis acquiescunt æquum habentes. Qui verò diuitiis abundant, si respublica excellētiā eis tribuat, contumelia cæteros afficere pergunt, nec par habentes conquiescunt. Penitus enim ad quamcunq; speciē declinet gubernatio ciuitatis, in eam transmutatur, vtriusq; suum augentibus: velut respublica ad populum, optimates ad paucorum potentiam: vel in contraria, ceu optimatum gubernatio in popularem. tanquam enim iniuriam patientes, in contrarium trahūt, qui magis sunt inopes: respublica verò in paucorum potentiā transmutatur. solum enim stabile est secundum dignitatem æquū, & habere sua quæ sunt. Contigit verò id quod modò diximus, in Thuriis. quod enim à maiore censu erat magistratus, in minorem facta est mutatio, & in plures gubernatores. & quia agros totos possidebat nobilitas contra legem (nam gubernatio eius ciuitatis erat ipsorum) itaq; plus habere poterant. At populus bello exercitatus, ac potentior effectus quàm illorum custodes, nobilitatem compulit agros, qui contra legem tenebantur, dimittere. Insuper quia omnes optimatum species ad paucorum potentiam declinant, nobilitas in illis plus habet: velut apud Lacedæmonios, opes & diuitiæ in paucis sunt, ac magnam licentiā habet nobilitas faciendi quodlibet, & cui velit gratificandi: quæ causa fuit, ut Lo-

eorum ciuitas interiret, propter Dionysii clientelas, quod non contigisset in populari statu, neque in ea optimatum gubernatione, quæ optimè mixta & temperata fuisset. Maxime verò latent optimatum gubernationes, paulatim sese dissoluentes, quod quidem dictum est prius vniuersaliter de omnibus rebus publicis, idque inter causas mutationis minuta paruitas appellatur. quando enim omittunt aliquid ex his quæ ad rempublicam pertinent, ac deinde aliud paulo maius, facilius mouent, quousque totam moueant reipublicæ formam. Quod in Thuriorum accidit republi- cum enim legem haberent, per quam non nisi intermisso quinquennio præturam gerere licebat. iuniores quidem rei militaris periti, & apud multitudinem famam habentes, cum cæteros qui in rebus gerendis versabantur, spernerent ac facili- ter se consecuturos arbitrarètur, legem totam illam tollere aggressi sunt lata altera lege, ut liceret continue eosdem prætores esse. At enim magistratus, qui præerant suffragijs, appellabantur verò consultores commoti prius ad resistendū, tamen postea destiterunt, putantes, quauis hac vna lege soluta, tamen cæteras esse perman- suras, postea uerò prohibere uolentes, ne aliæ mouerentur, nihil proficere ualuerunt, sed mutata est eorum respublica in potentiam eorum, qui nouas res aggrediebantur. Dissoluuntur verò cunctæ respublicæ interdum per seipsas, interdum per externam causam, quando contraria gubernatio sit, vel propè vel longè quidem, sed admodum potens: quod quidem contigit Atheniensibus & Lacedæmonijs. Athenienses enim ubique potentiam paucorum: Lacedæmonij

spatn-  
yeiv.

verò ubiq; popularem statum euerterunt. Vnde igitur rerumpublicarum mutationes, seditio- nesq; exoriantur, ferè dictum est.

*De conseruatione rerumpublicarum modi viginti.*

*Cap. VIII.*

**D**E conseruatione autē earum, & commu-  
niter & seorsū de vniuscuiusq; , cōsequēs  
est ut dicamus. Illud ergo ante omnia pa-  
tet, quòd si sciamus per quæ corrumpuntur res-  
publicæ, scimus etiam per quæ conseruantur.  
contrariorum enim contrarij effectus: corru-  
ptioni autem conseruatio est contraria. In illis  
igitur rebuspublicis, quæ laudabiliter permittæ  
ac temperatæ sunt, illud est diligenter obseruā-  
dū, ne quid ex legibus institutisq; moueatur,  
maximeq; ab eo cauendum, quòd paulatim re-  
pit. latet enim corruptio, quia non tanta simul  
fit: decipiturq; mens ab illis, vt sophistica illa  
ratio, si vnumquodque pusillum, & omnia. hoc  
autem est, vt sic, & est vt non. totum enim &  
omnia non pusillum, sed composita ex pusillis.  
vna igitur custodia aduersus hoc principium  
est opponenda. Deinde non confidere his quæ  
singuntur quodammodo, & adumbrantur ad  
populum: reprobantur enim ex ipsis operibus,  
qualia verò dicamus rerumpublicarum figmen-  
ta, superius est ostensum. Intueri licet quasdam  
respublicas durare non solū ex optimatibus,  
verumetiam ex paucorum potentijs, non quia  
per se ipsæ stabiles sint, sed quia hi qui guber-  
nant, rectè se gerunt, tam erga eos qui sunt  
extra rempublicam, quàm erga eos qui in rei-  
publicæ gubernatione versantur. Erga eos qui-  
dem qui non participes sunt gubernationis, nō  
afficien-

afficiendo ipsos iniurijs, ac præstantiores ipsorum ad participationem reipublicæ recipiendo, cupidosque honoris non deprimendo, neque multitudinem suis commodis fraudando. Erga illos verò, qui socij in gubernanda reipublica sunt, humanè inuicem ac populariter segerendo. æqualitas enim illa, quæ in populari statu affectatur, ea in similibus non solum iusta est, verum etiam utilis. Quamobrem si plures sint in gubernatione reipublicæ constituti, eis permulta popularium institutorum utilia sunt: ceu semestres esse magistratus, ut omnes qui similes sunt, adipisci valeant. sunt enim tãquam populus quidam illi, qui inter se pares ac similes sunt. itaq; in illis frequenter existunt, velut duces quidam populi, ut prius diximus. Deinde minus in potentias incidunt paucorum gubernationes & optimates. non enim similiter facile est latere malè agentem in breui tempore magistratus & in longo. nam ob hoc, in paucorum gubernationibus, & popularibus tyrannides fiunt. aut enim hi, qui maximi sunt in utraque, tyrannidem inuadunt (hic ductores populi, ibi potentes) vel qui maximos gerunt magistratus, quando longo tempore durant. Conseruantur autem reipublicæ non solum ex eo quia procul sint à periculis, verum etiam interdum quia propinquæ sunt. homines enim formidantes, vigilantius intendunt ad reipublicæ custodiam. Itaq; oportet eos qui rempublicam saluam esse volunt, formidines quasdam parare, ut caueant, neq; dissoluant quasi nocturnam quandam custodiam, reipublicæ obseruationem: & quod longè abest, propinquum facere. Etiam nobilium contentiones seditionesq; per leges



quoque oportet custodire conari, & qui extra contentiones sunt, eos antè capere, tanquā malum ab initio exoriciens cognoscere nō cuiusuis sit, sed ciuilis viri. Ad mutationes verò, quę propter censum fiunt, ex paucorum potētia atque ex republica, quando contingit hoc manentibus eisdē censibus, aut pecuniarum copia facta, vtile est considerare vniuersum totius ciuitatis censum, ac præsens tempus ad prætēritum conferre. nam in quibusdam ciuitatibus census agitur annuatim: in maioribus uerò per tr.ēnium aut quinquennium. & si multiplicatus sit, ac multo maior factus quā prius erat ille, secundū quem statuta fuerat reipublicę gubernandę habilitas, lege providere ut census vel augeatur vel relaxetur. si quidē excedat, augeatur secundū multiplicationem: si verò deficiat, relaxetur ac minor fiat census taxatio. In paucorum enim gubernationibus, & rebus publicis nisi hoc fiat, hic paucorum gubernatio, ibi potentia nimia insurget. illo autem modo ex republica quidem popularis status, ex paucorum uerò gubernatione respublica, aut populus. Cōmune autem est & in populari, & in paucorum gubernatione & in omni republica, neque augere nimium quenquam supra modum, sed magis conari paruos & longi temporis honores præbere, quā confestim magnos. corrumpuntur enim, nec cuiusuis est hominis prosperitatem ferre. Quòd si accumulatè dati sint alicui honores, non iunt simul omnes postea auferendi, sed paulatim. Maximè uerò lege ita providere conādum est, ne alicui nimium sit excessiua potentia, neque amicorum, neque pecuniarum: quod si ita contingat, per absentiam re-

mouen-

mouendæ sunt huiusmodi hominum clientele. Cum uerò ex priuata etiam uita res nouæ oriantur, magistratus constituendus est quidam, qui sit quasi in specula ad mores ciuium intuehdos, ne quis ita uiuat, ut reipublice nocere possit. in populari quidem statu, ne aliend uiuat à popularitate: in paucorum autē potentia, ne aliend à natura eius gubernationis. Eodemque modo de alijs speciebus rerum publicarum. Et si quid exultet, prosperitateque sit elatum in ciuitate, per partes obseruare propter easdem causas. cuius remedium est, semper contrarijs partibus magistratus & res agēdas committere. contrarias partes uoco, ceu præstantes viros multitudini, & diuites pauperibus. Conandumq; est vel admiscere pauperes cum diuitibus, vel medios augere. hi enim dissoluēt seditiones ob imparitatem procedentes. Maximum uerò illud est in omni republica & legibus, & \* cætera omni diligentia constituendum, ne ex magistratibus lucra proueniant. id autem maximè in paucorum gubernatione est obseruandum. leuius enim ferunt populi, qui ab republica excluduntur, quinimo gaudent, quòd sua agere non impediuntur. At si existiment eos qui magistratus gerunt, ex republica ditari, duplicem capiunt molestiam, & quòd ab honore excluduntur, & quòd à lucro. Vnicè uerò contingit simul existere popularem statum & optimatum, si ita quis instituat: foret enim ut & nobiles & plebei haberent quæ utriusque vellent. Licere enim omnibus rempublicam gerere, populare est: magistratus uerò à nobilibus teneri, optimatum. hoc autem accidit, quando ex magistratibus nō prouenient lucra, pauperes

\* οἰκονομία.

pauperes enim magistratus non uolent, si nihil sit lucris, sed potius suis rebus propriis intendere. diuites autem, quia non indigent ex re publica lucrari, magistratus gerent. atque ita continget egenis quidem ditari ob operam rebus suis impensam, nobilibus uero non subiici cui-cunque. Ad hoc autem ut non subripiantur pecunie publicę, editio fiat pecuniarum presentibus ciuibus omnibus, & descriptę per societates, & ordines, & tribus deponantur. Quod uero magistratus sint absq; lucro, statuendi per legem sunt honores ijs qui optimę se gesserint. Oportet autem in populari statu diuitibus parcere, ac non modò possessiones eorum non auferre, sed ne fructus quidem earum: quod in quibusdam ciuitatibus imprudenter fit. Melius etiam est uolentibus prohibere, ne munera illa subeant, quę sint magni sumptus, ac nullius utilitatis, ceu choros exhibere & ludos & faces, instar Chiorum, & cętera huiusmodi munera. In paucorū uero gubernatione, cura est pauperum suscipienda diligenter, & officia quibus sunt salaria constituta, istis tradenda. & si quis diuitum eos contumelia affecerit, maior pœna est constituenda, quàm si ipsi inter se idem fecissent. Et successio in hereditatibus per cognationem sit, non per donationem. nec valeat quisquam plures hereditates capere, sed unam solummodo. Per hunc enim modum magis equales erunt facultates, & egenorum permulti ad abundantiam traducentur. Vtile est & in populari statu, & in paucorum gubernatione, aliorum uel æqualitatem uel præstantiam tribuere his qui minus participant reipublica. in populari quidem diuitibus, in paucorum uero gubernatione, egenis:

nīs : exceptis tamen his magistratibus , in quibus ius autoritasque reipublicæ consistit . hi enim solis ijs qui sunt ex republica , committi debent.

*Quas conditiones habere oporteat principuos magistratus suscepturos . De præceptis, quibus populari statutus, aut paucorum potentia seruentur. Cap. IX.*

**T**Ria verò debent habere illi, qui principales magistratus sunt suscepturi . Primum, ut ament præsentem ciuitatis statum. Deinde, ut habeant potentiam maximam ad ea exequenda, quæ magistratus requirit. Terrium, ut habeant virtutem & iustitiam in vnaquaque republica, ad ipsam rempublicam . nisi enim iustum idem sit in cunctis rebus publicis , necesse foret & iustitiæ esse differentias . Habet autem dubitationem , quando hæc omnia non concurrunt in eodem , quemadmodum sumere oportet . ceu si sit quidam aptus ad rem militarem , sit autem ille idem improbus , nec reipublicæ amator : alter verò iustus & amator , sed ad rem militarem non aptus : cuius facienda sit electio . Videtur inspicendum esse ad duo , cuius magis participent omnes , & cuius minus . Quapropter in re militari quidem ad peritiam magis quàm ad probitatem est respiciendum : pauciores enim sunt rei militaris periri , plures probitatis . Contrà verò , in custodia & administratione ærarij : plus enim probitatis requirit , quàm quantum habeant multi . scientia verò huius communis est omnibus . Dubitari enim potest , si potentia adsit reipublicæ & amicitia , quid opus est virtute ? sufficient enim illa duo  
ad

† *Incenti-  
mentes.*

ad reipublicæ utilitatem. An, quia fieri potest, ut duo illa habentes sint intemperantes: itaque ut sibi ipsis non obtemperant scientes & amantes seipſos, sic etiam erga rempublicam nihil verat ita se habere quosdam. Simpliciter autem quæcunq; in legibus prodesse diximus, cuncta illam rempublicam ſervant. Et quod ſæpe iam diximus, maximum fundamentum eſt, cuſtodi re ut potētior ſit ea pars, quæ rempublicam ſalvum eſſe velit, quàm illa quæ nolit. Præter hæc autem omnia, latere non oportet, quod modò latet eas reſpublicas, quæ tranſgrediuntur medium. Multa enim quæ popularia videntur, popularem ſtatum diſſolvunt: multa etiam quæ paucorum eſſe videntur, diſſolvunt paucorum gubernationem. qui verò exiſtimant hanc eſſe unam virtutem, trahunt ad exceſſum, ignorantes quòd quemadmodum naſus excedit reſtitutionem laudabilem ad aquilinum eſſe vel ſimū, ſed tamē adhuc pulchritudinem ac gratiam retinet. at ſi quis magis trahat ad exceſſum, primò quidem abiicit congruentem meſuram parvis, tandem verò ita diſponitur, ut non naſus appareat propter exceſſum ac deſectum contrarium. eodem modo & de alijs partibus. Contingit autem hoc & circa alias gubernationes. nā paucorum quid in potentiam, & popularem ſufficienter ſe habere contingit, & ſi tranſgrediuntur ab optimo ſtatu: quòd ſi quis intendat magis utranque earum, deterio rem primū faciet rempublicam, tandem uerò neque rempublicam eſſe. Quæ propter non ignorari oportet à legis conditore ac cutili homine, qualia popularia ſervent populi ſtatum, & qualia paucorum apparentia cunctant paucorum gubernationem.

tionem. neutra enim istarum videtur stare posse absq; opulentia & multitudine. sed quando adæquatio fiat facultatū, aliam necesse est esse rempublicam. itaq; dissoluentes leges, quæ sunt circa excessum, dissoluunt respublicas. Aberrāt verò & in populari statu, & in paucorum gubernatione. In populari quidem ductores populi, vt multitudinem dominam legum efficiant. ob id enim faciunt semper ciuitatem opulentis repugnantem. at oportebat contrariū videri semper dicere pro opulentis. In paucorum verò gubernatione pro populo, eos qui rempublicam gubernant. & contra iurare quàm nunc iurent paucos gubernantes. in quibusdam enim ciuitatibus nunc iurant, Populum odio habeo, & consilio annitar vt malè habeat. expedit autem simulare ac fingere contrarium, atq; ita iuramentum concipere, Non afficiam populum iniurijs. Maximum autem omnium quæ dicta sunt, ad reipublicæ stabilitatē est id, quod nunc parui faciunt omnes, erudiri ad reipublicæ disciplinam. nihil enim profunt vtilissimæ leges, quæ à gubernatoribus decernantur, nisi moribus instituti & disciplina imbuti in republica homines fuerint: si leges populares, populariter: si paucorum potētia, ad hanc ipsam gubernationem. Nam si est in uno intemperātia, est etiam in ciuitate. disciplina autem reipublicæ est, nō ea facere per quæ latentur pauci potentes, aut populares; sed per quæ valeant, illi quidem paucorum gubernationem tenere, hi verò populares. Nunc autem in paucorum potentia gubernatorum filij delicijs intendunt: tenuiorum autem filij gymnasijs laboribusq; exercētur, itaque & volūt magis & possunt res nouas moliri.



Πρασιπνύ

In populari uerò statu qui maximè videtur esse popularis, cōtra quàm utile sit constitutum est. huius rei causa est, quòd malè definiunt libertatem. Duo sunt enim, quibus popularis status definitur. potestate summa populi, ac libertate. In istum autem æquum uidetur esse. æquum uerò quodcunq; videatur multitudini, id esse † stabilitum. liberum autem & æquum quodcunque velit quis facere. itaq; uiuit unusquisq; ut uult in huiusmodi populari statu, & ad quod gliscit, ut ait Euripedes. Sed hoc est prauum. non enim putandum est esse seruitutem, uiuere ad formā reipublice, sed salutem. Ex quibus igitur mutantur respublice, & corrumpuntur: & per quæ seruantur, & permanēt, ut simpliciter dicamus, tot & talia sunt.

*De mutationibus Regni, & tyrannidis.*  
*Cap. X.*

**R**estat nunc uidere de vnus gubernatione, ex quibus corrūpatur, & per q̄ seruari ualeat. Ferè autē similia ac propinqua sunt illis, quæ diximus suprā de cæteris gubernationibus, illa quæ circa regnum, & circa tyrannidem contingunt. nam regia quidem potestas optimatum gubernationi respondet: Tyrannis autem, ex paucorum potentia illa potissima, & ex populari componitur. quapropter perniciosissima est his, qui sub ea sunt: utpote ex duobus composita malis, & transgressionēs & delicta continens, quæ ex ambabus illis proueniunt. Existitq; generatio statim ex contrarijs utriq; istarum. nam regia potestas pro tutela præstantium uirorum contra populum reposita est: & si Rex ex præstantibus per excellentiam virtutis,

tis, uel rerum gestarum quæ sint à uirtute, uel per excellentiam huiusmodi generis. Tyrannus uerò originem habet à populo ac multitudine, cōtra nobilitatem, ut populus iniuriam ab illis non patiatur. Patet hoc ex ipsis his, quæ contigerunt. ferè enim tyranni ut plurimū facti sunt ex ductoribus populorum, fidem adepti ab initio propter calumniās contra nobilitatem iactas. Tyrannides igitur alix in hunc modum constitutæ sunt, ciuitatibus iam adauctis. Alix prius ex regibus transgredientibus patria iura, & affectantibus magis dominari. Alix ex electis ad principales magistratus: antiquitus enim populi constituebant diuturniores administrationes & procuraciones. Alix ex paucorum potentia, eligentium unū aliquem ad maximos magistratus. Omnibus istis modis facultas fuit id perficiendi, si modò uoluissent, per potentiam sibi præexistentem, uel ex regia potestate, uel ex honoribus à populo exhibitis. ceu Phidon apud Agros, & alij alibi regiam potestatem habentes tyranni sunt facti. circa Ioniam uerò tyranni, Phalaris, ex honoribus. Panætius quoq; in Leoninis, & Cypselus Corinthi, & Pisistratus Athenis, & Dionysius Syracusis, & alij eodem modo ex fauore populorum, apud quos multum poterant. Vt ergo diximus, regia potestas instituta est secundum optimatum gubernationem. est enim secundum dignitatem, uel per uirtutem propriam, uel generis, uel per beneficia collata, uel per ista simul ac potentiam. Omnes enim qui maxima beneficia in ciuitates gentesque contulerunt, uel qui eam facultatem habuerunt ut conferre ualerent, hoc honore potiti sunt, alij bello conseruatis populis ne in seruitutem

deuenirent, quemadmodum Codrus. alij à seruitute liberatis, vt Cyrus. alij quòd condidissent urbem, uel quòd regionem acquisissent, quemadmodum Lacedæmoniorum, & Macedonum & Molossorum Reges. Vult autem Rex esse custos, ut qui diuitias habent, nihil iniustum patiantur, nec etiam populus afficiatur contumelijs. Tyrannus autem, ut sæpe iam diximus, ad nullam communem respicit utilitatem, nisi gratia proprii commodi. Est autem obiectum tyranni, quod placeat: regis, quod honestum sit. quamobrem & illa in quibus plus habent, sunt tyrannis quidem pecuniæ, regibus autem honores; & custodia regi à ciuibus suis est, tyranno autem à peregrinis. Quòd verò tyrannis contineat illa mala quæ sunt & popularis gubernationis & paucorum potentia, manifestum est. Ex paucorum quidem potentia finem esse diuitias. per has enim solas necesse est permanere, vt conductos retineat custodes, ut sumptus faciat in educando, ut populo suo in nulla parte confidat. itaque arma ciuibus suis adimere, ac multitudinem populi conculcare, ac ex urbe pellere, & uacuam habitatoribus ciuitatem reddere, communia sunt vtrarumq; , paucorum scilicet potetia, & tyrannidis. Ex populari autem vexare nobilitatem, clam euertere & palam, & in exilium pellere, tanquàm aduersarios & machinatores contra potetiam suam. Ex his enim & consilia aduersus eos iniri contingit, alijs dominationem affectantibus, alijs seruitutem fugientibus. Vnde Periandri consilium Thrasylulo datum, supereminētes spicas decerpere, tanquàm opportunum fuerit eminentiores ciuium de medio tollere. Vt igitur ferè dictum est, eadem

dem principia mutationum sunt existimanda,  
& in rebus publicis & in unius gubernatione.  
per cōtumeliam enim, & per metum, & per con-  
temptum insurgunt pleriq; subiectorum aduer-  
sus dominantes. iniurię uerò maximè per con-  
tumeliam, nonnunquàm & per ablationem re-  
rum sunt. Sunt autem & fines ibi tales, quales  
sunt circa tyrannides & regna. opes enim & ho-  
nores qui in tyrānis regibusq; maximi conspi-  
ciuntur, affectant omnes. Insurgitur autē quan-  
doq; in corpus dominantis, quandoq; in ipsam  
dominationē. Quando enim per cōtumeliā ad-  
ducuntur homines ad insurgendum, impetus fit  
in corpus. cūmq; sint contumeliarū partes plures,  
unaquaq; illarū concitat ad iram. irascentium  
verò p̄uimi ultionis causa impetum faciunt,  
non causa potētiz. Quale fuit illud filiorum Pi-  
sistrati: ob contumeliam enim sorori Harmodij  
illatam, & ipsum Harmodiū compellatū, impe-  
tus in eos factus est: ab Harmodio quidem pro-  
pter sororē, ab Aristogitone autem propter Har-  
modium. Aduersus Periandrum quoq; Ambra-  
cię tyrannum insidiaz factę sunt, ex eo quia in  
potu quem amabat puerū interrogauit, an non-  
dum ex se pręgnans esset. Philippus uerò à Pau-  
sania occisus est, quia nō vlciscebatur contume-  
liam sibi factam ab Attalo. Et Amyntas paruus  
à Derda, quia iactaret se illius ætate abusum  
esse. Et Eunuchus ab Euagora Cyprio. q̄ enim  
mulier renueret eius filiū, quasi cōtumelia affe-  
ctus eū necauit. Plurimę uerò inuasiones factę  
sunt ex eo, quia in corpus uerecundiam intulif-  
sent, qualis fuit inuasio illa Cratei aduersus Ar-  
chelaum: semper enim molesta illi fuerat con-  
suetudo eius. Itaq; parua etiam occasio sufficiēs

fuit, uel quia filiarum nullam sibi dederat, cum se daturum promississet. sed primam occupatus bello aduersus Syrram Arabeum tradidit regi Elibiꝑ: alteram uerò filiam minorem natu filio Amyntæ coniugauit: existimans per hunc modum minimè sibi fore aduersaturum ex Cleopatra genitum. sed indignationis principium extitit, quòd grauitè ferebat se ad libidinis gratiam haberi. Fuit vnà cum illo ad rem patranda[m] Hellanocrates Larissæus ob eandem causam quòd enim abusus ætate illius non, ut promiserat, deducebat, ob contumeliam id fieri ratus est, non ob amorem. Paron uerò & Heraclides Aenij Cotyn peremerunt, † patri mastrantes. Adanias uerò à Coty rebellauit, quasi contumelia affectus, quòd ab eo in pueritia exant[er] esset. Multi etiam ob verberatum corpus uel interfecerunt ira perciti, uel impetum fecerunt quasi contumelia affecti, & contra homines in potestate constitutos, & contra Reges. ut Megacles apud Mythylenem Penthalidas circumeuntes & clauis pulsantes, cum amicis aggressus interfecit. & postea Smerdes verberibus cæsus, & à muliere tractus Phentilon interimit. Archelai uerò necis princeps fuit Dechamnicus. is enim primus cæteros aggressores commouit & irritauit. causa uerò fuit ira, quòd illum Archelaus Euripidi poëtæ verberandum tradidisset. erat uerò insensus illi Euripides ob maledictum in ipsius insuauitatem oris iactatum. Et alij complures tali de causa uel interfecti sunt, uel in periculum insidiarum uenerunt. Similiter quoque propter metum. hæc enim vna ex causis est, ut in re publica, sic etiam vnus in gubernatione. ceu Xerxem † Arthapobanes metuens calumniam de Dario,

† ultionem  
sumētes pa  
tri.

† Artapa  
nes.

Dario, quòd eum suspendisset Xerxè non iubente, sed putàs illi ueniam esse datam propter cenam, quasi ab ignoscente. Aliæ uerò propter contemptum. ut uidens quidam Sardanapalum regem inter eas mulieres pensa diuidentē, si modò hæc fabula uera fuit: & si non in illo, attamen hoc in alio uerum esset. Et Dionysium posteriorem Dion inuasit, quòd eum contemnebat conspiciēs ipsum Dionysium semper ebrium, & cines Syracusanos ita se habere. Amicorum etiam quidam insurgunt propter contemptum. ob fidem enim eis adhibitam spernunt, tanquam facultatem habentes clam moliendi, & putantes se dominationem obtinere posse, quodammodo per contemptum inuadunt. Tanquam enim potentes & contemnentes periculum, propter suam potentiam faciliter insurgunt: ut duces quidam exercituum aduersus principes suos. quemadmodū Cyrus contra Astyagen, cuius & vitam & potentiam contemnebat, cernēs & copias eius iam consenuisse, & ipsum in delicijs vitam agere. & Sentes Thracius, cū esset dux exercitus Amadoci. Quidam uerò huiusmodi plurium gratia insurgunt, ceu propter contemptum, & propter lucrum. uelut contra Ariobarzanē Mithridates. Maximè uerò propter hanc causam insurgunt ij, qui sunt natura † superbi, † *audaces.* & honorem habent ex rebus bellicis apud dominantes & principes. fortitudo enim potentiam habens, superbia est, per quas ambas quasi faciliter superaturi eos aggrediuntur. Eorū uerò qui ob honoris cupiditatem insurgunt, alius modus est causæ, ultra iam dictos. Non enim ut quidam tyrannos inuadunt spe magnorū commodorum magnorūq; honorum quos in illis



cernunt, inducti, sic & qui ob honoris cupiditatem eos aggrediuntur: sed illi quidem ut ea sibi arripiant, quæ in tyrannis admirantur: hi autem, ut ex re gesta memorabili atque egregia famam ac celebritatem nominis consequantur, non dominationem acquirere uolentes, sed gloriam. Sunt tamen numero per pauci, qui ob hanc causam moueantur: constituendum est enim sibi uiuendum non esse, nisi rem confecerint: quibus adesse oportet Dionis propositum, sed non facile quidem est ut fiat in multis. ille enim cum paucis militibus contra Dionysium profectus, ait quantumcunq; progredi posset, satis id sibi fore, ut si uel parum terræ illius inuasisset, pulchrum iam sibi mori existimaret. Corruptuntur autem tyrannides, vno quidem modo, ut unaquæq; aliarum rerum publicarum ab extra, si aliqua sit contraria respublica robustior. nam uoluntas quidem aderit, propter contrarietatem electionis: quæ autem uolunt, omnes efficiunt, modò possint. Contrariæ uerò sunt gubernationes, populus quidem tyrannidum secundum Hesiodum, ut figulo figulus. nam gubernatio populi illa postrema, tyrannis est, regia uerò potestas & optimatum gubernatio, propter contrarietatem gubernandi. Quapropter Lacedæmonij multas euerterunt tyrannides, & Syracusani per id tempus, quo respublicæ eorum rectè gubernabantur. Alio autem modo corruptuntur, cum in seipsis seditionem habent: quemadmodum circa Gelonem factum est, & nunc circa Dionysium. Gelonis enim filium Thrasybulus Hieronis frater per illecebras & uoluptates trahebat, ut ipse dominaretur. domestici uerò ac necessarii per factionem repugnabant, ut non tyrannis

tyrannis omnino dissolueretur, sed Trasyl-  
lus. verum alij inter hæc conspirantes, eam oc-  
casionem nacti, ipsos omnes pepulerunt. Diony-  
siam autem Dion, cōtra eum copijs ductis, cum  
esset affinis, suscepto populo, illum pepulit, ipse  
verò interfectus est. Cumq; duæ sint causæ, pro-  
pter quas maximè contra tyrannos insurgunt,  
odium scilicet, & contemptus: odium quidem  
existat oportet in tyrannos: ex contemptu au-  
tem plurimè fiūt euersiones. Huius uerò signum  
fuerit, quòd plerique eorum qui dominationes  
adepti sunt, eas usq; ad extremum conseruaue-  
runt: sed qui ab illis susceperunt, confestim, ut  
ita dixerim, perierunt omnes. in uoluptatibus  
enim uiuentes, efficiuntur facile contemnendi,  
ac multas præbent occasiones opprimendi sui,  
Particulam uerò quandam odij debemus iram  
existimare. nam quodammodo earundem re-  
rum causa existit, & est interdum ira efficacior  
quàm odiū: vehementius enim insurgunt, quia  
perturbatio illa non utitur ratione. Maximè ue-  
rò contingit, ut ira deferantur, qui contumelia  
fuerūt affecti: per quam quidem causam & Pisi-  
stratarum deleta est tyrannis, & multæ aliarū.  
Sed odium magis ratione utitur. nam ira cum  
dolore fit: quare nō facile ratione utitur: odium  
uerò sine dolore. Ut autē summatim dicamus,  
quotcunq; causas diximus paucorum potentia  
illius postremæ & nimie, ac popularis guberna-  
tionis extremæ, totidē & tyrannidis causas esse  
ponendum est. nam & hæc sunt diuisione tyran-  
nides quædam. Regnum autem ab his, quæ ex-  
tra sunt, minimum corrumpitur, quapropter &  
diuturnius est: ex se autem ipso ut plurimum  
leuerti contingit. Corrumpi ut autem duobus

modis. uno, si seditio oriatur inter eos qui participes sunt regni: alio modo, si tyrannice gubernare pergant, uolentes esse domini plurium, & contra legem. Non fiunt nunc amplius regna, sed si qua fiunt, monarchiæ & tyrannides magis sunt, ob id, quia regnum spontanea gubernatio est, ac maiorum propriè. & plurimi pares sunt neque usqueadeo præcellentes, ut ad magnitudinem dignitatemque huius gradus se possint attollere. atque ex eo fit, ut sponte illi non pareatur. quod si deceptione quis aut vi dominetur, iam apparet hanc esse tyrannidem. In regnis autem illis, in quibus succeditur per genus, ponendum est corruptionis esse causam, ultra illas quæ suprè sunt dictæ, quod plerunque contemnendi homines succedunt in regnū, & quod cum non habeant potentiam tyrannicam, sed regiam, superbiunt. Est enim facilis deiectionis regis. si enim nolint, statim non erit Rex. at tyrannus etiam nolentium est. Corruptuntur ergo gubernationes unius per has, & huiusmodi causas.

*Per quæ, regna seruantur, & quibus modis retineatur tyrannides.* Cap. XI.

**S**eruantur autem simpliciter loquendo, ex contrarijs. singulariter autem loquendo per deductionē illarum ad mediocrem modum. Quanto enim paucorum est potestas omnis, tanto maiori tempore necesse est eam durare. nam & ipsi & qui regunt, minus superbiunt, magisque moderati fiunt, & illi qui reguntur inuident minus. Propter hoc enim & apud Molossos longo tempore durauerunt reges, & apud  
Lace-

Lacedæmonios, quòd ab initio statim in duas partes diuisa fuerit regia potestas. Et postea Theopompus ad mediocritatē magis illam deducens, Ephoros superaddit, potestate quidem minuens, sed tempore augens regiam autoritatem, vt faceret eam quodammodo non minorem, sed maiorem. vt ad vxorem respondisse ferunt dicentem, an non erubesceret, quòd filiis minorem potestatē regiā dereliqueret, quàm à parentibus ipse accepisset. Non profectò, inquit, nam relinquo eis multo durabiliorem. Tyrannides verò seruātur duobus modis inter se contrarijs. Quorum alter est is, quem per successione traditum plurimi tyrānorum obseruant. Horum autem multa constituisse ferunt Periandrū Corinthium. multa etiam ex gubernatione Persarū est assumere. Sunt autem hæc; illa perniciofa, quæ supra retulimus omni conatu à tyrannis fieri, quòd dominationem retineant, veluti potētiores decerpere, & sapientes perimere. Et neque comestationes permittere, neq; sodalitates, neq; disciplinam, neque aliud quicquā tale, sed omnia cauere, vnde consueuerit oriri inter ciues intelligentia, & fides: Et neq; scholas, neq; conuentus aliquos scholasticos fieri concedere: & omnia facere, ex quibus ciues inter se quā maximè incogniti sint: cognitio enim fidem generat inter ipsos. Et satellites eius apparere semper, ac versari foris, quominus latere possit quid quisq; agat, assuescātq; animum submittere per seruitutem cōtinuam. & alia quæcunq; talia Persica & Barbarica, tyrannidis sunt. cuncta enim idem possunt. Et ne lateant conari, quæcunq; quis dixerit aut fecerit, sed esse exploratores, quemadmodum Syracusis

cus hi qui traductores nuncupabantur, & a-  
 ricularij, quos submittebat Hieron, vbicunque  
 foret congregatio aliqua vel cōuersatio. minus  
 enim audent qui hæc riment, & si audeant mi-  
 nus latere possunt. Calumniari quoq; inuicem,  
 & committere amicos cum amicis, & plebem  
 eum nobilitate, & diuites inter seipfos, & sub-  
 ditos ad paupertatē redigere, tyrannicz est pra-  
 nitatis. vt neque sumptus fiat in custodia, & illi  
 quotidianis molestijs occupati vacare non pos-  
 sint ad consilia cōtra tyrannos ineunda. Exem-  
 plum huius sunt pyramides Aegypti, & donaria  
 Cypselidarum & olympi adificatio à Pisistrati-  
 dis facta, & Polycratis opera circa Samum. Hæc  
 enim omnia fuerunt instituta ad otium, ad quie-  
 tem populorum tollendam, & ad inducendam  
 paupertatem per tributorū pensionem: vt etiam  
 Syracusis factum est. Dionysio enim eam ciui-  
 tatem tenente, contigit Syracusanos in quinq;  
 annorū tempore cunctas facultates suas in sol-  
 uendis tributis consumpsisse. Studet etiam bel-  
 lum concitare tyrannus, vt negotijs occupen-  
 tur ciues, & indigentia ducis cōtinuò detinean-  
 tur. Et regnum quidem per amicos seruatur:  
 tyrāni autem est maximè amicis diffidere, quasi  
 velint omnes, possint autē maximè amici eum  
 subuertere. Et quæ fiunt circa vltimam popu-  
 larem gubernationem, tyrannica sunt omnia:  
 vt potentia mulierum domi, quò reuelent viro-  
 rum secreta. & manumissio seruorum eadem  
 de causa. non enim insidiantur serui & mulie-  
 res tyranno, & si prosperè degant, necesse est be-  
 nenuolos fore, & erga tyrannidem, & erga po-  
 pularem statum. nam & populus dominus esse  
 vult. | Ex quo fit, vt adulatōres apud vtrosque  
 in honore

in honore habeatur. est enim qui populum colit & ducit, populi adulator. Tyrannorum vero qui assentando conuersatur: quod est opus adulatoris. nam propter hoc prauos amicos habent tyranni, quod adulationibus gaudent. Id autem nemo faceret, qui mentem haberet libero homine dignam: sed amant boni viri, vel non adulantur, & utiles prauis ad praua. clauus enim clauo, ut dicitur prouerbum. Nullo quidem honesto, nulloque libero delectari, tyrannicum est. se enim solum esse talem, putat tyrannus. Qui autem subditorum vel honestati student, vel libertati, minuere excellentiam & preminentiam tyranni videntur. Oderunt ergo illos tyranni. tanquam euersores potestatis suae. Peregrinos etiam in conuiuia & familiarem usum magis recipere quam ciues, tyrannorum est: quasi illos quidem habeant hostes, hos vero non aduersantes. Hæc & huiusmodi à tyrannis fiunt pro dominatione retinenda, nec quicquam omitunt prauitatis. Sunt autem (ut ita dixerim) hæc omnia tribus speciebus comprehensa. Trium enim coniecit tyrannus. Vnum, ut animos imminuat ciuium. nemo enim parui animi contra tyrannum insurgit. Secundum, ut ciues inter se diffidentes reddat. non eueritur enim tyrannus, nisi ciuium aliqui inter se fidem habeant, quapropter & bonos viros persequitur, quasi pestiferos & aduersarios dominationi suae, non solum quia non acquiescunt in seruitute vivere, verum etiam quia fides eis & inter se, & ab alijs plurima adhibetur. neque accusant alios, neque ipsi inter se accusantur. Tertium, impotentia agendi. nemo enim sibi impossibilia aggitur: itaque neque tyrannidem tollere, si potentia



potentia desit. Ad quos ergo fines referant tyrannorum consilia, tres isti sunt. Ad has enim suppositiones tyrannica redigi possunt vniuersa, partim ne confidant inter se ciues, partim ut potentia eis desit, partim vt pusillanimi efficiantur. Vnus ergo modus, quo vtuntur tyranni, talis est. Alter verò modus, contrariam istis quæ dicta sunt, diligentiam facit. Est autem deprehendere ipsum ex regnoꝝ corruptione. vt enim regi modus corruptionis vnus est, gubernationem ipsam regiam magis reducere ad tyrannicam: ita tyrannidis conseruatio est, ad regiam gubernationem magis eam referre, vnum solummodo custodientem, vt potetiam retineat, per quam non modò volentibus, verumetiam nolentibus dominari possit. nam si hanc abijciat, simul abijcit & tyrannū esse. Sed hoc tanquam suppositionem quandam manere oportet: cætera uerò partim facere, partim quam optimè simulare, ut regia gubernatio uideatur. Primū enim uideri communium commodorum curam habere, nō effundentem largitiones tantas, ut ciues molestè ferant: quandoquidem ab illis capit operantibus ac laborantibus in sua tenuitate, donat uerò scortis, & peregrinis, & histrionibus effusè: rationem reddentem eorum quæ acceperit & expenderit, quod iam factū est à quibusdam tyrānis. sic enim administrans, nō tyrannus uidebitur, sed legitimus gubernator. nec erit ei formidandum, ne quandoq; sibi desint pecuniæ, cū sit dominus ciuitatis, sed dispergentibus tyrannis ex propria domo. Et prodest hoc magis, quā relinquare congregatas. minus enim cū stodes ipsi contra tyrannum obres ipsas insurgent. Sunt autē formidabiliores absentibus

\* absentibus tyrannis, qui custodiunt, quàm ci-  
ues. nam illi quidem unà absunt, hi autē reman-  
nent. Deinde reditus & impēsas apparare oportet,  
tum gratia diligentis administrationis, tum etiam,  
ut si quando foret opus illis uti possit ad belli  
necessitates, omninoque seipsum præbere  
custodem & quæstorem, nō ut suarum pecunia-  
rum, sed ut communium & publicarum. Et ui-  
deri uelle non asperum, sed cum grauitate ho-  
nestum, & talem, ut eum non timeant obuij, sed  
magis reuerentur: hoc autem non facile eum  
assequi, qui foret contemnendus. Quapropter  
opus est, ut si non aliarum uirtutum, at saltem  
ciuilis eum curā habere, ac talem de seipso opi-  
nionem asserere. Insuper nō solū ipsum uideri  
nulli protinus ciuium contumeliam facere, sed  
etiam nemini illorum qui circa eum sunt. Eo-  
demque modo se habere mulieres suas erga cæ-  
teras mulieres. nam & per contumelias mulie-  
rum permultæ iam tyrānides perierunt. Et circa  
uoluptates corporis contrarium facere, quàm  
nunc faciant quidam tyranni. non solū enim  
statim ab aurora id agunt, conuoluanturque per  
dies plures, uerumetiam apparere uolunt alijs,  
quod ita faciant, ut tanquam felices beatosque  
admirantur. Sed in talibus maxima erit mode-  
ratio adhibenda, uel saltem uideantur illa fu-  
gere. non enim facilliter inuadi potest, nec faci-  
liter cōtemni qui sobrius sit, sed qui ebrius: neque  
qui uigilet, sed qui dormiat, cōtrariumque agen-  
dum est suprà dictorum ferè omnium. corrobo-  
randa enim & ornanda ciuitas est ab eo, tanquā  
à curatore, ac non tyranno. Videri etiam oportet  
ipsum erga religionem Deorum affici uehe-  
menter. minus enim formidabunt populi, ne  
quid

\* ὑπὸ  
δ' ἡμῶν  
σiv.

\* συμ-  
 μάχης.

quid contra iustitiam fiat, si religioni deditum  
 illum existimabunt, ac Deorum timorem habe-  
 re: minusque contra illum audebunt insurge-  
 re, quasi Deos habeat \* proprios & fauentes.  
 Veruntamen oportet sine improbitate talem vi-  
 deri, atque eos viros qui aliqua in re laudabili-  
 ter se gesserint, honorare, ita ut non existiment  
 unquam se magis honorari à ciuibus suis, in li-  
 bertate degentibus potuisse. Hos autem honores  
 ipsemet tribuere debet tyrannus: pœnas verò &  
 animaduersiones per alios infligere, per magi-  
 stratus videlicet, & iudicia. Communis verò cu-  
 stodia omnis dominationis vnus est, neminem  
 vnum præ cæteris magnum facere, sed plures:  
 nam se inuicem custodient. Quod si quæ extol-  
 lere oporteat, non tamen eum qui sit moribus  
 audax. nam huiusmodi homines apertissimi sunt  
 ad inuadendum circa res omnes. Si verò cuius-  
 quam potentia minuenda est, modicè ac non vno  
 simul impetu omnis potestas est auferenda. In-  
 super ab omni contumelia abstinendum, præ-  
 cipuè tamen à duabus: ne in corpus flagris, nè ve  
 in ætatem libidine insultum agat. Maximeque  
 id cauendum in illis hominibus, qui honorem  
 magnificiunt. nam in pecunias illatâ iniuriam,  
 auari homines grauitè ferunt: in honorem ve-  
 rò illatâ, & qui boni sunt viri, & qui honorem  
 magnificiunt, permolestè patiuntur. quapropter  
 aut non huiusmodi hominum opera vtendum  
 est, aut animaduersiones in illos patrio more,  
 ac sine vlla cõtumelia sunt faciendæ. In ætatem  
 verò ex amore sit conuersatio, non ex licentiâ;  
 deniq; hoc dedecoris omnino, impensione ma-  
 iorum honorû est redimendum. Eorum autem  
 qui ad vim inferendâ contra corpus tyranni in-  
 surgunt,

furgunt, illi sunt formidandi & cauendi, qui ita dispositi sunt, vt amplius viuere non curent, cum occiderint. Quapropter maximè cauendum est ab his, qui vel seiplos, vel eos quos habebant charissimos, cōtumelia affectos putant. sine vlla enim cura propriæ salutis irruunt, qui per indignationem & iram aggrediuntur, quemadmodum & Heraclitus inquit, durum esse dicēs pugnare aduersus iram. vita enim id emi. Cum verò ciuitates ex duabus constent partibus, ex inopibus scilicet, & opulentis, maximè quidem de vtriusque partis salute cogitandum est ab eo qui gubernat, & alteros ab alteris nulla iniuria affici. Quicumque tamen eorum sint potentiores, hi præcipuè sunt à gubernatione vendicandi, ac velut proprii efficiendi. nam si hoc extiterit, neq; seruorum liberationem facere compelleretur tyrānus, neq; arma adimere. altera namq; pars tyranni potentia adiuncta, sufficiens erit ad superandum eos qui cōtra insurgere vellent. Superfluum autem particulariter dicere de omnibus istis. intentio enim manifesta est, quòd oportet non tyrannicum, sed tanquam patremfamilias & regem esse putari ab illis, qui sub eo sunt, nec pro se capientem, sed pro cōmunis vtilitatis cautela & cura, & mediocritatem in vita sequi, non excessus. Præterea egregios viros per familiaritatem sibi coniungere, plebem verò ac multitudinem per fauorem & gratiam in obsequio retinere. Ex his enim necesse est non solum dominationem eius esse pulchriorem, & optabiliorem, ex eo quia melioribus imperet, & non abiectis, neque affectis, neq; ex eo quòd ipse neque odio sit neque formideretur: verum etiam ex eo quòd longiorem & durabiliorem eius

eius dominationem fore contingat. Insuper moribus talem esse, vt vel rectè se habeat ad virtutem, vel semibonus quidam sit, & non malus, sed semimalus.

*Quæ gubernationes minimum durant. Quæ fuerit, Socratis opinio apud Platonem, & eius reprobatio.* Cap. XII.

**A**Tqui omnium gubernationum breuissimè durare solent paucorum potentia, & tyrannis. Quippe illa quæ plurimo durauit tempore Orthagoræ & filiorum, qui apud Sicyonios tyrannidem habuere, ad centesimum vsq; annum peruenit. Durationis verò causa fuit, qd mediocritate quadam erga subditos utebantur, multaq; legibus seruientes agebant. Et quia aptus rei militari fuit Clisthenes, nō facillè contemnendus habebatur. Plurimum verò conuersatione, & vsu familiari fauorem & gratiā hominum acquirebant. fertur enim Clisthenes corollasse iudicem, qui victoriæ illius contradixerat. Aiunt quidā huius iudicis statuā esse illā, qui in foro sedet. Pisistratus quoque fertur, aliquandò apud consiliū Areopagi citatus iudiciū subiisse. Secunda verò apud Corinthum Cypselidarū tyrannis. nā ea durauit annis tribus & septuaginta & mensibus sex. Cypselus. n. ipse tyrannidem exercuit annis triginta, Periandrus verò quadraginta quatuor, Psammeticus autē Gordij annis tribus. Causa verò durationis eadem fuit. cum em popularis esset Cypselus, ac gratia apud multitudinē praualeret, sine vlla corporis custodia in dominatione perseuerauit. Periandrus autē eius filius, magis tyrannicè se gessit, sed vir erat bello egregius. Tertia Pisistratidarum Athenis,

hæc autem non fuit cōtinua. bis enim tyrānide  
 pulsus fuit Pisistratus, itaque ex annis triginta  
 tribus, solum annis septem & decem tyrannidē  
 exercuit: filij verò eius annis decē & octo: atq;  
 ita omnes simul anni fuerūt quinq; & triginta.  
 Ex reliquis verò illa quæ apud Syracusas fuit,  
 Hieronis, & Gelonis, sed nō longa fuit, hæc an-  
 nis enim non amplius quàm duo de viginti du-  
 ravit. Gelon enim septem annis cum tyrannidē  
 exercuisset, octauo defunctus est: Hieron autem  
 decem: Thralybulus verò mense decimo exci-  
 dit. cæterarum verò tyrannidum pleraque bre-  
 ui tempore durauerunt omnes. Quæ igitur sint  
 tam circa gubernationes plurium, quàm circa  
 gubernationem unius solius, per quæ & corrū-  
 pantur & seruentur, ferè dictum est de omnibus.  
 In republica verò Platonis Socrates de muta-  
 tionibus loquitur, nec tamen rectè. Illius enim  
 reipublicæ, quæ est optima atque prima, muta-  
 tio nulla propria assignatur. inquit enim, cau-  
 sam esse mutationis, quia sic natura compara-  
 tū sit, ut nihil permaneat, sed in ambitu quo-  
 dam temporis mutationem recipiat; esse verò  
 principium hōrum, inquit, quorū sesquitertius  
 cubus quinatio coniugatus duas exhibet har-  
 monias, inquiens, quando numerus diagram-  
 matis huius efficiatur solidus, utpote natura  
 producente prauos, & meliores disciplina. Hoc  
 ergo forsā inquit non malè. fieri enim potest  
 ut sint aliqui, quos disciplina institui, ac bonos  
 fieri uiros impossibile est. Sed hæc non propria  
 mutatio foret illius reipublicæ, quam optimam  
 esse uult, magis quàm aliarum omnium, & uni-  
 uersorum quæ sunt, & ex tempore, per quod  
 inquit omnia mutari. & quæ nō simul incipiūt,

Arist. Politicorum.

x x x

simul

† a. l. quæ-  
modo.



simul quoque mutantur: ceu si pridie mutatio-  
nis facta essent, simul foris mutantur. Præterea  
quam ob causam ex illa transit ad Lacedæmo-  
niorum rempublicam? Æpius enim in contraria  
transiūt respublicæ omnes, quàm in ea quæ sint  
propinqua. Eadem ratio est de alijs quoq; mu-  
tationibus. Ex Laconica enim, inquit, mutatio  
fit ad paucorum potentiam: ex ista uerò ad po-  
pularem statum: ex illo rursus ad tyrannidem.  
Atqui & è contrario mutantur: ceu ex populari  
in paucorum potentiam, & magis quidē quam  
in tyrannidem. Præterea tyrannidis verum mu-  
tatio sit, vel non sit, nihil dicit propter quā cau-  
sam, nec in quam reipublicæ speciem transit.  
Huius verò causa est; quòd non facilius dicere  
valebat: indefinitum enim, nam secundum eum  
oportebat in primam & optimā. sic enim utiq;  
fieret continuo circulus, sed mutatur in tyran-  
nidem tyrannis, vt ea quæ apud Siconyos ex  
Mysonis tyrannide in Clisthenis; & in paucorū  
potentiā, ut illa quæ in Chalcidē fuit Anticleon-  
tis; & in popularem statum, vt illa quæ Gelonis  
fuit Syraculis; & in optimates, ut illa quæ Cha-  
rilai apud Lacedæmonios & Carthaginienses.  
Et in tyrannidem fit mutatio ex paucorum po-  
tentia, ut in Sicilia plurimæ verustarū: in Leon-  
tinis in Panatii tyrannidem: & apud Gelam in  
Cleādri: & apud Regium in Anaxilai: & in alijs  
complusibus ciuitatibus eodem modo. Absur-  
dum etiam putare, in paucorum potētiā ideo  
transire, quia homines cupidi & pecuniarum  
studiosi in magistratibus versantur, ac nō quia  
plurimi diuitiis superabundantes, non iustum  
existimant par habere in ciuitate eos qui non  
habent facultates, & eos qui habēt. In multisq;  
pauco-

\* *μὲν ἀπὸ  
τῆς ἀν.*

paucorum potentijis non licet pecunias quare-  
re, sed leges sunt prohibentes. apud Carthaginē  
autem quæ populariter gubernatur, pecunijs  
student, nec tamen adhuc mutati sunt. Absur-  
dum etiam dicere, esse duas ciuitates sub pau-  
corum gubernatione opulentorum & inopum.  
Quid enim aliud huic formæ quàm Laconicæ  
accidit, vel alteri cuicumq; vbi nō omnes equa-  
lia possideant, aut non omnes æqualiter sint bo-  
ni viri? nullo autem pauperiore facto, nihilo-  
minus ex paucorum transmutantur guberna-  
tione ad popularem statum, si plures sint ino-  
pes: & ex populari in paucorum potentiam, si  
potentiores sint opulenti quàm multitudo: &  
alteri negligant, alteri intendant. Cumque plu-  
res sint causæ, ex quibus mutationes fiunt, eas  
non dicit, sed vnā solam, quod prodigaliter  
viuentes vsuris confecti pauperes efficiuntur,  
quasi verò fuerint omnes ab initio diuites, vel  
plurimi eorum: sed hoc falsum. At quādo ipso-  
rum potentium quidam patrimonia consum-  
pserint, res nouas moliantur: quando autē alij,  
nil graue accidit, & mutantur nihilo magis in  
popularem statum, quàm in aliam speciem gu-  
bernationis. Insuper uerò & si honores vnā cum  
alijs non capiant, si iniurias inferant, si contu-  
melijs afficiant, seditiones oriuntur, & muta-  
tiones in republica. Fiunt etiam etsi nulla diffi-  
patio patrimonij intercesserit, ex eo quod liceat  
quicquid volunt efficere, cuius rei causam esse  
serunt, nimiam libertatem. Cumq; plures sint  
paucorum, plures etiam populi gubernationes,  
tanquam vtræque vnā sit, mutationes assignat  
Socrates.

# ARISTOTELIS POLITICO.

RVM

LIBER SEXTVS.

SVMMA LIBRI.

*De popularum, ac paucorum gubernationum institutionibus, speciebus, legibus, ac partibus: Nec non de magistratuum speciebus, ac eorum officiis.*

*Quod, quæ rebus publicis, paucorum potentius, & popularibus gubernationibus conveniant, considerandum sit. Cap. I.*



**Q**UOD igitur sint differentiæ, & quales eius quod deliberandi habet potestatem, & in quo summa reipublicæ consistit, & circa magistratum ordinationem, & de iudicijs, & qualia ad qualem ordinentur rempublicam, & præterea de corruptionibus, & conseruationibus rerum publicarum, ex quibus proueniant, & quas ob causas, dictum est prius. Sed cum plures sint species popularis, & similiter aliarum gubernationum, de illis si quid restat, non peius fuit considerare, ac simul unicuique earum proprium, & conuenientem modum reddere: ac præterea considerare coniunctiones simul ipsorum modorum. nam eorum coniunctio parit rempublicam

blicarum varietatem: ut & optimatum gubernationes ad paucorum declinent potentiam, & reipublice magis populares existant. Dico autem coniunctiones, quas considerare oportet, & nunc usque consideratae non sunt ceu si pars illa quae in deliberando versatur, & illa quae circa electiones magistratuum consistit, ita instituta sit, ut conferat paucorum potentiam, aut quae circa deliberandum ad paucorum potentiam; quae autem circa electiones, ad optimatum gubernationem magis declinet: vel per alium quendam modum non omnia instituta sint reipublicae congruentia. Qualis igitur popularis quali congruat civitati, & qualis paucorum potentia quali multitudini, & aliarum gubernationum quae quibus conferat, dictum est prius. Verum tamen oportet fieri manifestum, non solum quae nam istarum gubernationum optima sit civitatibus, sed etiam quomodo constituendae sint & istae & aliae, breviter est explicandum. Et primum de populari dicemus, nam per hanc etiam de contraria illius gubernatione patebit. haec est autem, quam uocant quidam paucorum potentiam. Capienda sunt autem ad hanc disciplinam cuncta popularia, & quae videntur popularium esse sequacia. ex his enim simul positis, resultat species gubernationis popularis, & plures esse eas quam unam & differenes continget. Duae sunt causae, per quas plures existunt populares. Primum illa quae dicta est prius, quia inter populos differentia est. sunt enim alij agricolae, alij opifices, alij ministri: quorum primi a secundis, & tertij ab utrisque, non in eo modo differunt, quod melior aut deterior popularis status, verum etiam in eo, quod non idem sit. Secunda vero

causa est, de qua nunc dicimus. quæ enim popularẽ statum sequuntur, ac videntur esse propria ipsius, coniuncta simul faciunt varietatem. nam alicui pauciora consequentia sunt, alicui plura, alicui omnia. Vtile verò horũ singula cognoscere, & ad constituendum quam velit quis & ad corrigendum. quærit enim qui rempublicam instruunt cuncta, quæ illi propria & cõuenientia sint, in vnum colligere ad propositum suum. sed aberrant dum hoc faciunt, vt suprà dictum est à nobis, vbi de corruptionibus reipublicarum tractauimus. Nunc autem dignitates & mores, & quæ flagitent, dicemus.

*Quis sit finis popularis gubernationis: & de quibusdam popularium gubernationum peculiaribus. Cap. 11.*

**P**ropositum igitur popularis reipublicæ est libertas. hoc enim dicere consueuerunt, quasi in hac solummodo republica libertatem quærentes: ad hanc enim respicere dicunt omnem popularem statum. Libertatis verò ipsius pars una in eo consistit, vt per vices imperent & pareant. nam iustum populare est æquũ habere secundum numerum, non secundum dignitatem. Ex quo fit, vt secundum hoc iustum multitudo ex necessitate dominetur: & quicquid decreuerit populus, id esse ratum, & id esse iustum. Aiunt enim oportere, ut unusquisque ciuium æquum habeat. atque ita contingit in popularibus gubernationibus inopes plus posse, quàm opulentos. plures enim sunt, & id obtinet quod pluribus uideatur. Vtrum igitur libertatis signum hoc est, quod ponunt omnes popularis reipublicæ finem. Alterum

verò

verò uiuere, ut quisque uelit. hoc enim aiunt  
opus esse libertatis: siquidem serui est uiuere  
non ut uult. hic est igitur secundus popularis  
reipublicæ finis. Hinc profectum est, nemini po-  
tissimum subesse uelle: quod si hoc non datur, at  
saltem per uices subesse ac præesse: idq; pertinet  
ad libertatem quæ est secundum æquum. His  
præsuppositis, ac tali existente principio, popu-  
laria huiusmodi sunt. Sumi ad magistratus  
omnes ex omnibus, ac præesse omnes unicuiq;  
& unumquemque vicissim omnibus. Per for-  
tem tribuere magistratus, vel omnes penitus,  
vel illos saltem, qui non peritia indigent & ar-  
te. A nullo censu esse magistratus, vel saltem à  
minimo. Non nisi semel eundem magistratum  
ab aliquo geri posse, vel perraro, & paucos, ex-  
ceptis his qui versantur in bello. Parui tempo-  
ris esse magistratus, vel omnes, vel quot reci-  
piunt: iudicare omnes, & ex omnibus, & de om-  
nibus, vel de plurimis & maximis & principa-  
lissimis: puta de corrigendo, & de republica, & de  
priuatis cōtractibus. Et concionem esse omniū  
dominam, magistratum uerò nullius. aut do-  
minam esse concionem rerum maximarū, ma-  
gistratum uerò minimarum. Inter magistratus  
autem popularissimum est consilium, ubi non  
omnibus est mercedis facultas. nam tunc qui-  
dem adimunt & huius magistratus potentiam.  
ad se enim reducit iudicia cuncta populus mer-  
cede abundans, ut diximus suprā, ubi de hac par-  
te tractauimus. Deinde mercedem capere po-  
tissimum quidem omnes, concionem, iudicia,  
magistratus: vel saltem magistratus, & iudicia,  
& consilium, & conciones principales: vel eos  
magistratus, quos necesse est in eadē simul esse



comestationes principales : vel eos magistra-  
tus, quos necesse est in eadem simul esse comes-  
tatione. Præterea cum paucorum gubernatio  
genere, & diuitijs, & eruditione definiatur, vi-  
dentur quæ popularitatis sunt, contraria esse,  
ignobilitas, inopia, sordidum opificium. Præte-  
rea potestatem nullam perpetuam esse. quod si  
reliqua sit aliqua ex antiqua mutatione, illius  
auferre potentiam, & ex electione ad sortem  
reducere. Hæc igitur omnia communia sunt gu-  
bernationum popularium. Contingant autem  
ex eo iusto, quod fatentur esse populare : hoc est  
æquum habere omnes secundum numerum,  
quod maximè videtur esse popularis status &  
populi. æquum est enim, cum nihilo magis gu-  
bernant diuites quàm pauperes, nec soli pote-  
statem habent, sed omnes ex æquo secundum  
numerum. sic enim demum existimant parita-  
tem in republica esse, ac libertatem.

*Quo pacto in populari gubernatione census partiendi  
sint. Cap: III.*

**S**ed quæritur post hæc, quemadmodum habe-  
bunt æquum, utrum oportet partiri in mil-  
le eos census qui sunt quingentorū, & mille  
æqualiter posse quingentis : vel non sic ponere  
oportet istam paritatem, sed partiri quidem sic,  
deinde ex quingentis pares accipientem, & ex  
mille, hos potestatem habere partitionum &  
iudiciorum. Vtrum igitur respublica ista iustis-  
sima est secundum populare iustum, vel magis  
illa quæ secundum multitudinem ? Aiunt enim  
populares, id esse iustum, quod videtur utique  
pluribus : potentes verò, quod videtur his qui  
plus

plus possident. pro multitudine enim facultatū aiunt esse statuendum. Sed habent hæc utraque imparitatem & iniustitiā. Si enim quod pauci possunt, tyrannis est: nam si vnus habeat plura quàm alij opulenti, secundum paucorum iustū, is solus dignus est qui gubernet. si verò quod plures secundum numerum, iniuriabuntur publicantes bona opulentorum ac paucorum, vt superius dictum est. Quæ igitur sit æqualitas, quam ambo profitentur, considerandum est ex his quæ vtrique definiunt iusta. Inquiunt enim quicquid videatur maiori parti ciuium, id oportere esse ratum. Sit quidem hoc, attamen non penitus. sed cū dux partes sint, ex quibus ciuitas constat, diuites scilicet & pauperes: quod ambabus uideatur aut pluribus, id ratum sit. quòd si contraria videantur, quòd pluribus & habētibz maiorem censum. puta si alij decem, alij viginti, videatur autem diuitum sex, pauperum verò quindecim, accedant verò pauperibus quatuor diuitum, diuitibus autem quinque pauperum, quorumcunq; census exuperat, connumeratis ambabus vtrisque, id ratum sit. Quòd si forsan æquales esse contigerit, communem esse hanc ambiguitatem putandum est: vt nunc accidit, si vtrinque paria suffragia concionis sint, aut pares in iudicio sententiæ. nam aut sorte dirimendum est, aut aliud quiddam huiusmodi agendum. Sed de equo & iusto, quanquam sit admodum difficile in illis reperiri veritatem, tamen facilius est sortiri, quàm persuadere ijs qui plus habere possunt. Semper enim qui imbecilliores sunt, æquum & iustum quæzunt: sed qui plus possunt, ista non curant.

*De quatuor speciebus popularium, ad quos pertinent,  
de earum legibus atq; vaſſamentis.*

*Cap. 1111.*

**C**um verò quatuor ſint gubernationes populares, optima eſt illa, quam primo gradu poſuimus, vt ſuperioribus libris dictũ eſt. candẽ quoq; antiquiſſima omniũ. Dico autẽ primam ſecundũ diſtinctionem populorum. nam optimus populus eſt ille, qui ex agricolis conſtat. itaq; & popularis ſtatus effici datur, vbi multitudo ab agricultura uiuit, vel paſcuo: negotioſa quidem, quia nondum multum habet. Ex quo fit, ut raro concionem agant. cum enim laborandum ſit illis circa neceſſaria ad viũtum, opetibus deſtinantur ſuis, & aliena non appetunt: dulciusq; illis eſt opus facere quàm in rẽpublica uerſari, niſi magna in gubernãdo ſint emolumenta ſuſcepturi. plerique enim magis lucrum appetunt, quàm honorem. Signum huius eſt, quod tyrãnides antiquitus pertulerunt, & nunc paucorum potentiam perferunt, modò ſuam rem agere illis permittatur, neque diripiantur quæ habent. citò nanque alij eorum diuites efficiuntur, alij egere deſiſtunt. Prẽterea, ſi qua cupido honorum eis ineſt, facilẽ adimpletur per poteſtatem, quam in cõcionibus habet creandi magiſtratus, & corrigẽdi delicta. Nam in quibuſdam ciuitatibus, etſi non eligit populus magiſtratus, ſed quidã per partes deputati ex omnibus, vt apud Mantineam, ramen ſatis eſſe putant, quod conſulendi, deliberandiq; habent poteſtatem. Ac putandum eſt hanc eſſe tanquam formam aliquam popularis gubernationis, vt fuit quandoque apud Mantineam.

Qua-

## Liber Secundus. 699

Quapropter utile est prius dictæ populari gubernationi, & ita consuetudo fuit, eligere quidē magistratus, & corrigere, & iudicare omnes. Magistratus autem maximos geri per eos qui electi sint, & à censibus maioribus maiores, vel à censibus nullum, sed per eos qui possunt. Necessesse est autem, cum ita gubernantur respubli-  
cæ, eas bene gubernari. nam magistratus semper ab optimis gerentur, populo ita volente neque præstantioribus inuidere. nobilibus autem ipsis & præstantibus hic gradus sufficiet. non enim suberūt alijs deterioribus. ipsi verò magistratus gerent iuste, quia poenam formidabunt, quoniam corrigere ad alios pertinet. compesci enim, ac non licere facere quicquid quis velit, utile est. nam licentia agendi quod quisque velit, custodire nō potest ingentem unicuique hominum prauitatem. itaque necesse est illud euenire, quod optimū est in rebus publicis, vt magistratus à præstantioribus gerantur, sine vlla populi diminutione. Quod igitur hæc popularium gubernationum est optima, patet: & qua de causa; quia ob talem aliquem esse populum. Ad constituendum autem populum agricolam, tum leges quædam antiquitus apud multos latæ, vtilissime sunt; tum illud vniuersaliter, ne liceat cuiquam habere plus agri quàm mēsuram certam, vel aliquo loco ad oppidum & ciuitatem. Erat antiquitus in multis ciuitatibus lege cautum, non licere venditionem facere bonorū primæ hæreditatis. Est etiam lex, quam dicunt Oxili fuisse, ne liceat cuiquam fœnerari super aliqua fundi parte, quam quis haberet. Dirigere etiam id oportet Aphycalorum lege. est enim utilis ad id quod dicimus. Illi enim quan-

ⲭⲣⲁⲩⲁ ⲥ

quoniam sint permulti, possideant autem exigua regionem, tamen omnes agricolę sunt, quoniam pretia constituunt non totarum possessionum, sed per tales partes diuidentes, ut etiā pauperes facilius eas pretijs superare possint. Post agricolarum multitudinem optimus est populus, ubi pastores sunt, & uiuunt ex animalibus. In multis uerò hæc cum agricultura conuenientiam habet, utique enim corporibus exercitati ad bellicas expeditiones utilissimum sunt, ac potentes sub dio consistere. Ceteræ uerò multitudines, quasi omnes, ex quibus alij status populares constant, multo quàm hi deteriores sunt, nam opificum quidem, ac forensium, & mercenariorum uilis est uita, nullumq; uirtutis opus eorum quæ tractat multitudo, & insuper quia huiusmodi genus hominum circa forum urbemq; ut ita dixerim, assidue hæret, facilius conciones agit. at agricolæ, quia sparsim habitant per agros, neq; in unum coeunt facilius, neq; similiter indigent huiusmodi congregatione. Quibus uerò cōtingit situm regionis talem esse, ut longè distent ab urbe, in ijs facile est popularem statum laudabilem constituere ac rem publicam. vi enim ipsa compellitur multitudo, quasi colonias per agros efficere. Quare & si forensis turba sit, tamen conciones in populari statu non facit absq; multitudine illa, quæ per agros habitat. Quomodo ergo constituenda sit optima illa ac prima popularis gubernatio, dictum est. patet etiam quomodo aliz: subsequenter enim est descendendum, & deterior semper multitudo separanda. Postremam uerò speciem quia omnis multitudo ad illam recipitur, neque cuiuscunque ciuitatis est eam perferre, neque

que facile permanere eam, nisi legibus & moribus bene stabilitam. A quibus ut rō labefacta  
 ri contingat, & hanc & alias respublicas. scē di  
 ctum est prius in plurimis. Sed ad constituē-  
 dam hanc popularem gubernationem, & ad po-  
 pulum roborandum, consueuerunt præsidentes,  
 ad populum recipere complures; ac ciues effi-  
 cere non solum legitimos, verum etiam spurios  
 ex quouis ciue, id est, siue ex patre, siue ex ma-  
 tre. omne enim hoc huic populo magis conue-  
 niens est. Consueuerunt igitur ij qui populos  
 ducunt, ita constituere. Oportet tamen id face-  
 re, quoad exuperet nobilium. mediorumq; mul-  
 tudo, neq; ultra progredi. nam si transcendūt,  
 turpiorem efficiunt rempublicam, ac nobili-  
 tatem exasperando magis irritant: quæ causa  
 seditionis fuit apud Cyrenem. parū enim in-  
 conueniens cobnuendo transigitur: magnum  
 verò in oculis hæret. Insuper talia cōstituta uti-  
 lia sunt ad popularem statum huiusmodi, & ad  
 populi corroborationē, qualia Clisthenes Athe-  
 nis fecit, quo populi gubernationem au-  
 geret: & apud Cyrenem, qui populum consti-  
 tuerunt. Tribus enim aliz constituenda sunt plu-  
 res, & sodalitates priuatorum sacrorum redi-  
 genda sunt ad pauca & publica. Et cuncta dili-  
 genter excogitanda, quo quàm maximè omnes  
 simul admisceantur familiaritates, conuersa-  
 tionesq; primæ disjungantur. Præterea tyran-  
 nica machinamenta omnia videntur esse popu-  
 laria: ceu licentia seruorum, & mulierum, &  
 puerorū, ut sine metu viuant ut velint. permul-  
 ti enim huiusmodi statum ciuitatis amabunt,  
 cum plerisq; dulcius sit dissolutè viuere quàm  
 modeste.

† Cod. Gra.  
 ad. ( hæc  
 autē usque  
 ad aliquid  
 conducere  
 potest. )



*Ad populares institutiones precepta.**Cap. V.*

†C. Gra. nō  
constituere  
maximum  
opus, neque  
solum.

**E**st autem opus legis positoris, & eorū qui volunt statum aliquem talem consistere, nam ut cōstituatur talis status, nō magnū negociū est, neq; solum, sed magis vt seruetur. vno enim vel duobus vel tribus diebus permanere, quomodocunq; gubernantibus, haud difficile est. Quapropter opus est ex his, quas supra retulimus, conseruationibus & corruptelis rerū publicarum, cautelam assumere, cauendo illa quæ corruptiua sunt, ac leges tales ponendo, & sine scripto & scriptas, quæ conseruationes status maximè comprehendant. neque putare id esse populare, neq; paucorum potentia, quòd efficiat ciuitatem maximè à multis vel à paucis gubernari, sed quòd quàm plurimo tempore. At nunc ij, qui sunt potentes in populis, gratificantes multitudini, multa populariter agunt per publicationes bonorū in iudicijs factas. Quare oportet eos qui curam salutis habent reipublice, contra moliri, leges ponendo, vt damnatorum bona sacra sint, & non in publicum, sed in sacrum referantur. hæc enim lex nihilominus iniurias cōpescet. nam pœna eadem erit. populus autē minus cupidè dānabit, cū nihil sit utilitatis ex dānatione suscepturus. Insuper publicas accusationes quàm rarissimas facere, magna pœna constituta aduersus eos, qui falsò accusarint. non enim populares in iudicium vocari consueuerunt, sed nobiles. Oportet autem erga statum reipublice, quantū fieri potest, omnes reddere beneuolos. quòd si id fieri nequeat, saltem conari, ne hostes existimens

stiment eos qui gubernant. Cum verò postremo illæ species gubernationum popularium in multitudine consistant, ac difficile sit ut concionibus vacare possint sine alicuius mercedis susceptione, hoc autem nisi redditus habeat ciuitas, maximè inimicum est præstantibus viris. Nam ex tributo & publicatione bonorum, & ex iudiciorum improbitate necesse est prouenire, quòd multas iam popularium respublicas subuertit. Vbi ergo publici redditus non sunt, facere oportet conciones raras, & iudicia magna quidem, sed paucis diebus duratura. hoc autem confert ad illud, quòd nō formidabūt impensas opulenti, si diuites non capiant mercedem iudicij, sed pauperes. Confert etiam ad rectè iudicandum multo magis. nam qui magna patrimonialia habet, multis diebus abesse nolunt a rebus suis, modicum verò abesse tempus non molestè ferunt. Vbi verò sunt redditus publici, non id facere, quòd nunc magni quidam in populo faciunt. superflua enim diuidunt, ac simul capiunt, moxq; rursus indigēt eisdem. est enim pauperibus, ceu vas perforatū huiusmodi emolumentum. Sed oportet eum qui uerè popularis sit, uidere ne multitudo pauperie nimia prematur: nam egestas prauam reddit populi gubernationem. Conandum est igitur ingeniosè, ut abundantia adsit diuturna. nam id prodest etiā diuitibus. Congregantes verò illa, quæ ex redditibus proueniunt, simul omnia egenis tribuere oportet: præsertim si quis possit, tantum congreget, quantum sat est ad agelli comparationem, uel saltem ad facultatem negotiandi, & agrum colendi. & si non omnibus possibile, ut secundum tribus, aut partem aliam id facere.

In hoc autem ad necessarios conuentus mercedem diuites conferre, cupidos inanium munerum. Per talem aliquem modum Carthaginenses gubernantes, amicum retinent populum: semper enim quosdam à populo mittentes in aliquas gubernationes, eos diuites faciunt. gratiosorum uerò, ac mentem habentium nobilium est suscipere egenos, & occasionem præbentes conuertere ad res agendas. Rectè quoque se habet Tarentinorum exemplum imitari. illi enim \* iumenta facientes communia ad pauperum usum, beneuolam per hunc modum sibi plebem constituunt. Magistratus insuper omnes duplices faciunt, ut sint alij per electionem, alij per sortem. quo enim populus capiat, per sortem: quo autem melius gubernetur, per electionem. Est autem hoc facere etiã in vno eodemq; magistratu, ut alij sorte, alij electione ad eum gerendum assumantur. Quemadmodum ergo oporteat popularium gubernationes institueret, dictum est.

\* κτήμα  
τα opes.

*De speciebus paucorum potentia, ordinatione census ex populo assumendi, qua paucorum gubernationes potiores, & qua deterrima.* Cap. VI.

**D**E paucorum quoq; gubernationibus quo modo agendum sit, patet serè ex eisdem. Nam per contrarium agendum est in omni paucorum gubernatione, ad oppositam sibi popularis gubernationis speciem, reputando maximè moderatam illam ac summam cæterarum gubernationum paucorum, & primam. Hæc autem est propinqua illi, quæ respublica nuncupatur, in qua oportet cæsus diuidere, & alios minores, alios

alios maiores facere. minores quidem, à quibus  
 necessarij magistratus capiantur: maiores uerò,  
 à quibus capiantur ij magistratus, qui sunt prin-  
 cipaliores. Et qui tantū adepti fuerint censum,  
 habiles sint ad rempublicam gerendam, affe-  
 re pupulo tantam multitudinem per ipsum cen-  
 sum, ut cum illa potentiores sint qui gubernant  
 rempublicā quàm illi qui non gubernant. Sem-  
 per autem ex meliori populo capiendi sunt illi,  
 qui ad societatem reipublicę recipiuntur. Simi-  
 liter autem in ea gubernatione paucorum quę  
 sequitur, intendentes parumper, est instituendū.  
 In ea verò quę opposita est extremę populari-  
 tati, quę est paucorum potentia, tyrannidi persi-  
 milis, quanto deterrima est, tanto maiori opus  
 est custodia. Ut enim corpora bene disposita ad  
 sanitatem, & nauigia bene instructa ad nauig-  
 andum, multos ferunt errores, nec ob eos suc-  
 cumbunt: ualeudinaria autem corpora, & na-  
 uigia parum firma, nautisque instructa prauis,  
 ne paruos quidem ferunt errores: ita rerumpu-  
 blicarum ex quę deterrimę sunt, plurima in-  
 digent custodia. Populares igitur gubernatio-  
 nes per multitudinem hominum omnino ser-  
 uantur. hoc enim opponitur ad illud iustum,  
 quod est secundum dignitatem. Paucorum ue-  
 rò potentium contrā, uidelicet per rectam ordi-  
 nationem oportet assequi firmitatem.

*Quot partes multitudinis precipue sint, & quę ac-  
 totidem sint partes utiles ad bellum: et precepta  
 ad paucorum potentias. Cap. VII.*

**C**Um verò sint multitudinis potissimum par-  
 tes quatuor, agricolę, artifices, negociato-  
 res, Arist. Politicorum. y y y res,

res mercenarij: quatuor etiā utiles ad bellum, equites, pedites grauis armaturę, expediti leuis, & turba naualis: ubi contingit regionem esse ad equitatum aptam, ibi locum habet aptissimum, paucorum potentia illa summa. nam conseruatio habitatorum ab equitibus prouenit. equos verò nutrire eorum est, qui magnas habent facultates. Vbi autem regio ad peditatum est apta, alteram speciem affectat paucorum: potentiz. nam grauis armatura, diuitum est magis quā pauperum. expediti autem leues & nautica turba à plebe est omnis. Nunc autem vbi talis turba multa est, quando seditio fit, deterius certat. Sed oportet huius medicinam capere à belli ducibus, qui ad equitum ac peditum robur, expeditos leuis armaturę solent coniungere: & cum his superant populi in seditionibus opulentos. nam leues & expediti contra equites & contra grauis armaturę pedites facile pugnant. instituere igitur potentiam istam, contra seipso est instituere. Sed oportet diuisis ætatibus, cum alij seniores, alij iuniores existāt, in iuuenili adhuc ætate constitutos filios suos erudire ad leues & expeditas operationes: delectos quidem ex pueris, Athletas esse ipsos operationum. Concessio autem reipublicę populo facienda est, uel cū ad censum peruenerint, ut dictum prius est: uel, ut faciunt Thebani, cū certū tempus à mercatura & huiusmodi exercitijs destiterint, uel, ut apud Massiliam iudicio facto, qui digni sint ad rempublicam recipi, & qui excludi. Præterea dignitatibus ijs, quæ sunt principalissimæ, quas suscipere oportet eos qui in reipublicæ gubernatione uersantur, adiungenda sunt onera publica, ut populus spōte sua eas nolit, & ueniam habeat

† *Sordidi opificijs.*

habeat illis qui huiusmodi magistratus susci-  
piunt, utpote mercedem permagnam pro ea di-  
gnitate soluentibus. Congruit autem cum hu-  
iusmodi magistratus ineunt, & sacra magnifi-  
centissimè facere, & publica quædam adificia  
ad usum populi construere: ut multitudo cer-  
nens urbem ornari tum muneribus erga Deos,  
tum edibus ad usum publicum, libenter aspiciat  
potestatem statuum ciuitatis. Continget etiam  
præstantibus viris hæc esse monumenta suæ lar-  
gitatis. Sed hoc non fit nunc per eos homines,  
qui magni sunt in paucorum potentia, sed con-  
trarium. lucrū enim quærent non minus quàm  
honorem. itaque dici potest rectè, hos esse po-  
pulares status paruos. Quomodo igit instituen-  
dæ sint, & paucorum gubernationes, & multi-  
tudinis, in hunc modum determinatum sit.

*De magistratibus, & eorum speciebus, & quibus  
rebus præficiendi sint. Cap. VII.*

**C**onsequens est circa magistratus uidere di-  
ligenter, quot hi sint. & quales, & quibus  
de rebus, ut supra dictū est. Sunt enim qui-  
dā magistratus, sine quibus ciuitas esse non po-  
test. sunt etiam quidā ad colū ornatumq; per-  
tinentes, sine quibus bene habitari ciuitas non  
valet. Præterea necessarium est & in paruis qui-  
dem ciuitatibus pauciores esse magistratus:  
in magnis autem plures, ut prius ostendimus.  
Quales ergo congruat simul coniungere, &  
quales separare, non debet esse clam. Primum  
ergo cura rerum necessariarum, ut in foro adsint  
venundenturq;: super qua quidem cura magi-  
stratus quidem est constituendus, cuius offi-



cium sit circa contractus & circa honestatem, nam cunctis ferè ciuitatibus necessarium est, emptiones, uenditionesque fieri inuicem, pro usu rerum necessariarum. & hæc facultas maxima & expeditissima est ad eandem sufficientiam consequendam, cuius gratia in unam uidentur conuenisse reipublicæ societatem. Altera uerò cura huic coniuncta ac propinqua est circa urbem, de publicis priuariisque rebus, de ædificatione decenti, de uiarum conseruatione ac directione, de finibus regendis, ut sine querela sint, & de similibus: uocant autem huiusmodi magistratum ædilitatem. partes eius uerò sunt plures, ut magnis ciuitatibus aliæ super alias incidunt: ceu mœnibus reficiendis præfecti, & fontium curatores, & portuum conseruatores. Alia uerò est cura, & quidem necessaria atque huic propinqua, nam de eisdem rebus, cæterum nō in urbe, sed extra urbem in agro versatur. uocant autem huiusmodi magistratum, alij definitores, alij custodes agrorum. hæc igitur procurationes sunt tres. Est & alius magistratus, ad quem redditus publici referuntur, qui apud eos conseruati, mox distribuuntur ad singulas opportunitates uocant uerò istos, receptores, & quæstores. Alter uerò magistratus est, apud quem præscribi oportet priuatos contractus, & sententias iudicum, apud quos etiam postulationes uocationesque in ius præscribi debent. quibusdam in locis huiusmodi magistratum diuidunt in partes plures. sed est una eademque autoritas istorum omnium: appellantque eos, qui hūc magistratum gerunt, tum præfectos, tum memoriales, vel similibus nomenclationibus. Qui uerò post hunc sequitur, sum-

† alij ag-  
rum defini-  
tores, alij  
sylvarum  
custodes.

me necessarius est, ac difficillimus omnium magistratum: uersatur autem circa executiones eorum qui damnati sunt, & circa eorum penas atque custodias. Est autem grauis huiusmodi administratio propter multas quæ inde proueniunt inimicitias. itaq; nisi magna emolumenta ex eo capiantur, gerere illum omnes recusant, & si gerant, secundum leges facere non tolerant. sed est necessaria res. nam nihil prodesse de rebus iustis iudicia aut sententiæ, nisi forent qui eas executioni mandarent. quare si hæc desint, communitio inter se ciuium permanere non potest. Propterea melius est non unum hunc esse magistratum, sed partiti in plures, ut alij de alijs iudicia exequantur: & circa actiones eodem modo conandum est distinguere. adhuc etiam magistratus alios aliis exequendis, & nouorum magis nouos: & præsentium alio cõdemnante, alij sunt qui exigant, ceu prætores urbani ædilium cõdemnationes, ac rursus istorum alij. quanto enim minus inimiciarum sit illis qui executioni demandant, tãto magis res finem suscipient. Si sint ergo iidem qui cõdemnant & qui cõdemnationes exigunt, duplex contrahitur odium. in omnibus autem eisdem, cunctis inimicum est. Multis etiam locis separatur ille qui custodit reos, ab illo qui animaduertit in eos: ut Athenis illi, qui undecimuii nuncupantur. Quapropter melius est hunc quoque diuidere magistratum, & quasi adumbrare & mitigare: est enim necessarius nõ minus quàm superior. Contingitque in eo, ut uiri boni maximè uideant hoc officium: prauos autem nequaquam tutum sit ei præficere, cùm ipsi potius indigeant custodia & carcere, quàm

alios debeant custodire. Itaque oportet hoc non vnum esse officium, neque continuò ab eisdem fieri, sed ubi est aliquis iuniorum ordo, aut custodum, aut magistratuum, deputandi sunt pro tempore alij atque alij, qui horum officiorum suscipiant curam. Hos ergo magistratus tanquam summè necessarios ponendum est esse primò. Post hos autem alij sunt magistratus, nec sanè minus necessarii, & maioris quidem dignitatis. nam plurima indigent experientia & fide. Tales verò sunt circa custodiam urbis, & circa illa omnia quæ ordinantur ad bellicas expeditiones. opus est enim & in pace & in bello permultis. nam & moenia ciuitatis curanda tuendaque sunt, & disquisitiones descriptionesque ciuium agendæ. Alicubi ergo super his plures sunt magistratus, alicubi pauciores: ueluti in paruis quidẽ urbibus unus super omnibus. appellant uerò hos prætores uel consules. Insuper si sint equites, aut pedites, aut sagittarii, aut turba naualis, super vnoquoq; eorũ præfecti quidem statuuntur: appellanturque præfecti equitum, præfecti legionum, præfecti nauales. & seorsum sub his præfectus triremis, præfectus cohortis, tribunus militum, & alia huiusmodi particularia. totum uerò una quædam species est, procuratio scilicet rerum bellicarum. & erga huiusmodi magistratum, hoc modo se habet. Cum verò quidam magistratum, & si non omnes, pertractent multa negotiorum publicorum, necesse est esse alium magistratum, qui rationes repetat atque corrigat, ipse uerò nihil tractet. vocant uerò hos alij correctores, alij rationales, alij scrutatores, alij procuratores. Præter hos uerò omnes magistratus vnus

est maxime principalissimus omnium. idem enim  
plerumque habet finem & introductionem, qui  
præsider multitudini, ubi populus dominatur.  
Oportet autem id quod cogit, summam habere  
in republica auctoritatem. appellant verò qui-  
busdam in locis Præconsultores ex eo, quia  
antè deliberant: ubi uerò multitudo est, consi-  
lium magis. Ciuitatum igitur magistratus ferè  
tot aliqui sunt. Alia species curationis est circa  
rem diuinam, seu sacerdotes, & æditi circa  
templa: ut conferuentur quæ sunt, & erigantur  
ruinosa ædificia, & cætera omnia quæ pertinent  
ad diuinum cultum. Euenit autem alicubi cu-  
ram hanc esse vnã, ut in paruis ciuitatibus.  
alibi uerò plures separatas à sacerdotio, ut sa-  
crificuli, ac æditi, & custodes sacrarum pecu-  
niarum. Huic consequens est illa, quæ circa sa-  
crificia publica, quocumque sacerdotibus lex  
non committit, sed ex publico sunt. uocant au-  
tem eos qui istis præsunt, alij Reges sacrorum,  
alii Pontifices maximos. Necessaria ergo offi-  
cia sunt circa hæc, ut illa repetamus, circa rem  
diuinam, circa rem bellicam, circa redditus pu-  
blicos & impensas, circa forum, circa urbem &  
portus & regionem: insuper circa iudicia, &  
contractus, postulationes, & executiones, & cu-  
stodias, & super rationibus, & disquisitionibus,  
& super correctionibus eorum quæ quis gesse-  
rit in magistratu, & postremò circa consilia re-  
rum communium. Propria autem harum ciui-  
tatum quæ magis pacatæ atque tranquillæ sunt,  
curam facere de mulierum disciplina, de legi-  
bus seruandis, de disciplina iuuentutis, de gy-  
mnasiorum gubernatione: præterea de ludis  
gymnasticis ac musicis, & si qua alia huiusce-

modi spectacula continget fieri. Horum uerò  
 quædam manifestæ sunt non popularia, ueluti  
 disciplina mulierum & puerorum. nam paupe-  
 ribus necesse est uti mulieribus, & pueris tan-  
 quàm ministris, quoniam seruos non habent.  
 Cumq; tres sint magistratus, per quos assumunt  
 quidam summas potestates, conseruatores le-  
 gum, & praconultores, & consilium: conser-  
 uatores legum optimatum magistratus est,  
 praconultores uerò paucorum po-  
 tentia, consilium autem popula-  
 re. De magistratibus ex-  
 go, ut in figura, fe-  
 re dictum est de  
 omnibus.



# ARISTOTELIS POLITICORVM

## LIBER SEPTIMVS.

### SVMMA LIBRI.

*De optima vita, ac ciuitate beata. De eius conuenienti multitudine, rebus maritimis, ciuibus, paribus, distributione, ædificiis, ac locis variis. De ciuium institutione. De coniugiis, filiorum procreatione, victu, institutione.*

*De optima vita, & ciuitate beata.*

*Cap. I.*

**D**E optima republica rectè quæ-  
re volenti, necessarium est prius  
determinare, quæ vita sit maxi-  
mè expetenda: nam si id igno-  
tum sit, necesse est & optimam  
republicam ignorari. optimè  
enim agere consentaneum est,  
qui sub optima reipublice disciplina reguntur;  
ex his quæ sibi adsint, nisi quid accadat præter ra-  
tionem. Quare primò statuendum est, quæ vita  
sit cunctis, vt ita dixerim, maximè optanda: de-  
inde utrū publicè & priuatim eadem sit, an alia.  
Putantes igitur multa sufficienter esse dicta de  
optima vita, etiam in externis sermonibus, &  
nunc illis vtendum censemus. Nempe aduersus  
hanc diuisionem nemo vtiq; refragabitur, quòd



tria cum sint bonorum genera, externa, corporis, & animi, ista omnia adesse felici homini oportet. nemo enim felicem diceret eum, qui nullam partem fortitudinis habeat, neq; temperantiz, neque iustitiz, neque prudentiz, sed timentem etiam circumuolantes muscas. temperantem vero à nulla penitus edendi bibendique extrema cupiditate, & gratia quadrantis vnius dilectissimos interficientem. similiter & mente tam stultum atque ignarum, quasi puerum quendam vel infanum. Sed ista quidem sic, vt dicta sunt, omnes concederent. Discordant tamen in quanto atque excessu. nam virtutis quidam satis habere se putant, quātulumcunq; habeant: diuitiarum verò atq; pecuniz, potentizque & famæ, & huiusmodi omnium infinitum excessum sequuntur. At verò nos illis dicemus, quia facile est de his etiam per opera ipsa fidem suscipere, cernentes, quia homines acquirunt & conseruant nō virtutes externis bonis, sed externa virtutibus. Ipsaque beata vita, siue in gaudio posita est, siue in virtute, siue in ambobus, magis existit moribus & intellectu in excessu ornatis, mediocria verò externa possidentibus, quàm his qui in externis plura possident quàm opus sit, & qui in illis deficiunt. Quinetiā ratione licet hoc probè intueri. nam externa quidem bona finem habent tanquam instrumentum quoddam, omne autem vtile tale est, vt excessus vel noceat habenti, vel certè nil profit. At bona animi, quanto magis excedunt, tanto magis vtilia sunt: siquidem nō solum honesti, verumetiam vtilis appellationem tribuere illis oportet. Omninoque pater, quòd sequi dicemus dispositionem optimam cuiusq;

rei ad

## Liber Septimus. 713

rei ad inuicem, secundum excessum distantie illorum, quorum dicimus eas esse dispositiones. Quare, si est anima pretiosior corpore & pecunijs, & simpliciter & nobis, necessarium est & dispositionem viriusq; optimum eodem modo illis correspondere. Insuper animi gratia illa expeti nata sunt, & ita recte sentientes expetere omnes oportet, non autem animum gratia illorum. Quod igitur felicitatis tantum unicuique contingit, quantum virtutis atque prudentiæ, & quantum secundum has operatur, confellum nobis existat, teste Deo fretis dicente, felicem esse atque beatum, non per aliquid externorum, sed per seipsum, quia talis est secundum naturam. Cum & bonam fortunam aliud esse quam felicitatem, propter hæc necessarium est. nam externorum quidem bonorum causa est fortuna & casus: at iustus & temperatus nemo a fortuna est, neque per fortunam. Consequens verò est, & iisdem rationibus consentaneum, civitatem quoque beatam esse, quæ optima sit, & quæ bene agat. impossibile autem bene agere eos, qui bona non agant. nulla verò bona actio est neque viri neque civitatis, sine virtute atq; prudentia. Fortitudo autem & iustitia & prudentia civitatis eandem habet vim ac formam ijs, secundum quas unusquisque hominum dicitur iustus, & prudens, & temperatus. Sed hæc hætenus præmissa sunt. neque enim non attingere illa possibile fuit, neque omnino omne eorum rationes explicare. nam alterius otij ista sunt. Nunc autem supponatur nobis, quod vita optima, & priuatim unicuique & publicè civibus est cum virtute, intantum externis facultatibus adiuta, ut actiones studiosas conficere possit.

possit. Sed de his nunc prætermisiss; postea considerandum erit, si quis forsan dictis non acquiescit.

*An eadem sint felicitas, & optima vita. An contemplatiua, an actiua vita sit præferenda.*

*De optima reipub. dispositione, placitu aliorum, & officio legislatoris. Cap. 11.*

**V**trum autem eadē sit dicenda felicitas singulorum hominū & ciuitatis, vel non eadem, reliquum est videre. Manifestū verò & hoc omnes enim faterētur esse eandem. nam quicumq; in diuitijs beatam vitam posuerunt, hi ciuitatem quoque totam, si opulenta sit, beatam fatebuntur. Et quicumque tyrannicam vitam alijs præferūt, hi ciuitatem latè dominantem beatissimam esse dicent. Qui verò id vnum per virtutem recipit, is & ciuitatem beatiorē dicet, si sit studiosior. Sed hæc iam duo sunt, quæ indigent consideratione. Vnum, nunquid vita illa præferenda sit, quæ versatur in republica & in cōmuni societate, an potius vita peregrina, & à ciuili societate remota. Præterea quam speciem reipublicæ, & quam dispositionem ciuitatis optimam putare debemus, siue ab omnibus expetenda sit cōmunio ciuitatis, siue à quibusdam non, sed tamen à pluribus. Cum verò ciuilibus intelligentiæ & speculationis hoc sit opus (non autem circa vnumquodque expetendum) præferamus & nos hanc considerationem. nam illud quidem extra propositum esset, hoc autem secundum propositum huius inuestigationis, Quòd igitur necessarium sit illam esse optimam reipublicam, per cuius institutionē vnusquisq; optimè

optimè agat, & beatè viuat, manifestum est. Sed dubitatur etiam ab ijs, qui vitam cum virtute maximè eligendam putant: vtrum vita ciuilis & actiua sit præferenda, an potius illa vita, quæ sit ab omnibus externis soluta. ceu contempla- tiua: quam solam putant quidam esse sapientis. Ferè enim has duas vitas, præstantissimi ad vir- tutem homines antepone videtur, & antiqui, & recentes: dico autem duas, ciuilem, & philo- sophicam. Sed refert non parum, vtrum hoc vel illo modo veritas se habet. necesse est enim illū qui rectè sapit, ad melius propositum se dispo- nere, & priuatim vnumquemque hominem, & publicè ciuitatem. Putant autem quidam in gu- bernando alios, si cum dominatu fiat, iniuriam esse summam, si ciuilitè cessare quidam iniu- riam, sed impediri vitæ tranquillitatem. Alij ve- rò contra hæc, omnino putant ciuilem & actiuā vitam solam esse viri. in singulis enim virtuti- bus nulli esse maiorem operandi facultatem, quàm his qui in reipublicæ gubernatione ver- santur. Sunt etiam qui alijs dominari, & tyran- nicum reipublicæ modū putant solum esse bea- tum, & in quibusdā ciuitatibus hic est finis le- gum, vt finitimis dominantur. Itaque cum ple- raque constituta passim (vt ita dixerim) iaceant apud plurimos: tamen si quid vnum leges respi- ciunt, id coniectant omnes, vt ciuitas domine- tur. Sicut in Lacedæmone & Creta, ad bellum ferè ordinata est disciplina iuuentutis, & legum multitudo. Præterea apud gentes omnes, quæ possunt præualere, huiusmodi honoratur poten- tia: ceu apud Scythas, & Persas, & Thraces, & Gallos. Quibuidam enim leges sunt ad huius- modi prouocantes virtutem, vt apud Carthagi- nientes

nienſes ferunt ornatum annuloꝝ accipere pro numero expeditionum, in quibus militauerint. Fuit etiam quandoque in Macedonia lex, cum qui nullum hoſtem interfeceſſet, caſiſtro cingi. Apud Scythas. verò non licebat ſolennibus epulis pateram circumlatam accipere ei, qui nullum occidiſſet hoſtem. Apud Iberos quoque pugnam gentem, tot obeliſcos erigere circa ſepulcrum mos eſt, quot homines ex numero hoſtiũ necauerit. Et alia apud alios ſunt huiuſmodi complura, legibus aut moribus conſtituta. Atqui videretur forſan nimis abſurdũ eſſe, ſiquis conſiderare velit, an hoc propoſitum eſſe debeat ei, qui legibus inſtituit ciuitatem, providere ſcilicet, vt illa dominetur finitimis, & volentibus, & inuitis. Quomodo enim id ciuile, aut lege ſanciendum, quod ne legitimũ quidem eſt? neque enim legitimũ, non ſolũ iuſtẽ, verum etiam iniuſtẽ dominari: ſubdere verò eſt, & non iuſtẽ. Atqui nec in alijs ſcientijs ita videmus. nec enim medici, neque gubernatoris eſt, vel perſuadere agrotis & nautis, vel vim afferre. Sed plerique videntur exiſtimare ciuilem diſciplinam eſſe dominari, & quod in ſeipſos fieri nollent, hoc in alios facere non erubeſcunt, ipſi pro ſe iuſtitiam quarũt, pro alijs verò nulla eiſ iuſtitie cura eſt. Hoc autem abſurdum, niſi tales ſint natura, vt alter dominari debeat, alter non. Quod ſi eſt ira, non eſt conandũ omnibus dominari, ſed illis duntaxat qui dominabiles ſunt, ſicut nec venari homines ad menſam vel ſacrificium, ſed illud quod venabile eſt. eſt aut venabile omne animal, quod ſit natura ferum & eſui aptum. Enimverò fieri poteſt, vt ſit ciuitas vna ſeorſum per ſeipſam beata, uidelicet ſi guberne-

tur rectè. nam potest esse sita in loco penitus separato, & legibus uti laudabilibus: cuius reipublicæ constitutio, non ad bellum neq; ad superandum hostes sit. Patet igitur, quòd rei bellicæ studia bona sunt existimāda, sed non vt finis supremus, sed gratia illius. Studiosi autem legum positoris est considerare urbem, ac naturam hominum, & omnem aliam communionem uitæ laudabilis, quo participant, quantum fieri potest, felicitatem. Differentia tamen erit in quibusdam constituendis. & hoc pertinet ad eandem disciplinā, quæ est de legibus ponendis, uidere, si qui sunt finitimi populi, qualia ad quales exercenda sint, & quemadmodum cum singulis conuersandam. Verum de hoc postea suo loco considerationem faciemus, ad quem finem debeat optima reipublicæ constitutio tendere.

*De controuersia in usu uitæ cum uirtute, dominatu & præstantia uitæ contemplatiuæ.*

*Cap. 111.*

**A**D contentes autem uitam cum uirtute esse maximè recipiendam, sed contententes de illius usu, dicendum est nobis ad utrosq; . Sunt enim qui despiciunt magistratus ciuitatis, putantes, ingenui hominis esse aliam uitam quàm ciuilis, & omnibus præferendam. alij uerò hanc optimā putant. impossibile enim nihil agentem benè agere. benè autem agere ac felicem esse, idem est. Vtrique eorum quadam dicunt rectè, & quadam non rectè. nam liberi quidem hominis uitam meliorem esse, quàm in dominando occupati uerum est. nihil enim egregium est, seruo uti in quantum seruus. iustus enim domini in rebus necessarijs nihil habet



bet decorum . At putare omnē gubernationem  
 esse dominationem, nequaquam est verum. non  
 enim minus distat liberorum gubernatio à do-  
 minatione seruorum, quàm differat natura li-  
 ber à natura seruo : de quo sufficienter superio-  
 ribus libris determinatum fuit. Sed laudare ma-  
 gis nihil agere quàm agere, nō est rectum . nam  
 felicitas actio est, præterea multorum & præ-  
 clarorum finem habent, iustorum temperato-  
 rumq; actiones . Quinimò respondebit fortasse  
 aliquis, quòd potestatem habere optimū esset,  
 sic enim plurimas, ac pulcherrimas res agere  
 posset . Itaq; is qui dominus agendi esse potest,  
 hanc facultatem dimittere alijs non debet, sed  
 sibi arripere, & neque filium patris, neque pa-  
 rentem filij, neque amicum amici hac in parte  
 rationem habere . nam quod optimū sit, id no-  
 bis ipsis adsciscere debemus, optimum autem est  
 bene agere . Hoc illi forsā rectè dicerēt, si mo-  
 do existeret afferentibus ac violantibus, illud  
 quod esset omnium maximè optandum, sed for-  
 tassid id fieri non potest, falsoq; hoc supponunt.  
 Non enim amplius bonas actiones illas esse  
 contingit, nisi tantū ipse præstet quantum vir-  
 mulieri, & pater filijs, & dominus seruo. Quare  
 is qui violaret, nihil tantum proficeret postea,  
 quantū iam à virtute ipsa recessit. paribus enim  
 honestum & iustum in parte . hoc enim iustum  
 ac par, non par autem paribus, & non simile si-  
 milibus, præter naturam est, nihil autem bo-  
 num, quod sit præter naturam. Quapropter & si  
 alius quidem sit melior secundum virtutem, &  
 secundum potentiam actiuam in rebus opti-  
 mis, hunc sequi honestum est, & huic parēre  
 iustum, sed oportet illi non virtutem solum, ve-  
 rum

rum etiam potestiam existere, per quam sit acti-  
uus. Quod si hæc vera sunt, & felicitas in bene  
agendo est reponenda, & publice totius ciuita-  
tis, & priuatim singulorum vita illa erit opti-  
ma, quæ sit actiua. Veruntamen actiuam nõ est  
necessarium esse ad alios, quemadmodum qui-  
dam putant. neque eas meditationes solum esse  
actiuas, quæ gratia eorum fiunt, quæ ex agendo  
proueniunt, sed multo magis quæ in seipsis per-  
fectæ sunt ac suis ipsarum gratia fiunt contem-  
plationes & meditationes. bene agere enim  
finis est: quare & actio quædam, maxime autem  
propriè dicimus agere etiam externis actioni-  
bus eos, qui intelligentia & cogitatione operi-  
bus præsumt, ut architecti. Quinimo neque sine  
actione esse necessarium est eas ciuitates quæ  
positæ sint in solitudine, & ita uiuere eligentes.  
fieri enim potest, ut partibus inter se agere con-  
tingat. multæ enim communicationes adinui-  
cem sunt partibus ciuitatis. Similiter autem hoc  
existit unicuique homini. vix enim Deus bene  
se haberet, & mundus totus, quibus non sunt  
actiones externæ præter proprias ipsorum. Quod  
igitur necessarium sit eandem esse uitam opti-  
mam priuatim unicuique hominum, & publice  
ciuitatibus, & hominibus, manifestum est.

*Quanta debeat esse multitudo ad conuenientem  
ciuitatis magnitudinem.*

*Cap. 1111.*

**C**UM verò ista nunc præmissa sint, ac de alijs  
rebus publicis fuerit prius à nobis confide-  
ratum, de reliquis dicendi initium faciamus;  
quales aliquas suppositiones esse oportet. *De ci-  
uitatis Politicorum.*      *ZZZ*      *ciui-*

ciuitate, quę maximè secundum votum sit, constitutionem susceptura. Neq; enim fieri potest vt optima sit respublica nisi opportuna adsint facultates: ex quo necesse est multa pręsupponere quasi optantes, esse tamen nullum eorum impossibile: dico autem ceu de multitudine ciuium, ac de regione. Vt enim ceteris artificibus, puta textori & nauiculario, materiam subesse oportet aptam ad opificium: nam quanto melior hæc existit, tanto id quod fit ex arte, erit præclarior: sic & gubernatori reipublicę & legum positori oportet propriam subesse materiam apta se habentem. Est autem ciuilis facultatis primò videre de multitudine hominum, quàm multos & quales natura esse oportet. De regione quoque eodem modo, & quanta & qualis esse debet. Putant pleriq; magnam esse debere beatam ciuitatem. id etsi verum est, ignorare tamen videntur qualis magna & qualis parua dicenda sit ciuitas: existimant enim magnam ex numero habitantium. Sed oportet nō tantum ad numerum, sed magis ad potentiam respicere. est enim ciuitatis opus quoddā. quare quę maximè id efficere potest, hanc existimandum est esse maximam ciuitatem, ceu Hippocratem, non hominem, sed medicum quis diceret esse maiorem quàm alium, qui magnitudine corporis eum excedat. Quinimò si ex multitudine iudicandum sit, non ex quauis multitudine id est existimandum: necesse est enim forsitan in ciuitatibus esse seruorum, & inquilinorū & hospitum grandem numerum, sed ex ijs qui sunt pars ciuitatis, & ex quibus ciuitas cōstat. horum enim præcellens multitudo signum est magnę ciuitatis, ex qua verò ciuitate operarij

quidem

quidem permulti exeunt, bellatores autem pauci, hanc impossibile est esse magnam. non enim idem est magna ciuitas & populosa, quin etiam re & effectū patet, quia difficile est & forsan impossibile, ut quæ nimium populosa sit ciuitas, optime gubernetur. Earum certè quæ benè gubernari dicuntur, nullam videmus in populosa multitudo-  
nem esse diffusam. Patet etiā ex rationum fide. nam lex ordinatio quædam est, & bonam legis positionem necessarium est esse bonam ordinationem: at multitudo nimium magna non potest recipere ordinationem. diuinæ enim potentia id opus esset, quæ & hoc totum cōtinet, cū & bonum quidem in multitudine ac magnitudine cōsuevit, fieri quapropter & ciuitatē illam, cuius cū magnitudine dictus terminus existit, optimam esse necesse est. Sed est quædam mēsurā magnitudinis ciuitati, quemadmodū & aliorum omnium, animalium, plantarum, instrumentorum. nam horum singula, neque parua nimium, neque magnitudine excessiua suam potentiam retinebunt, sed aut destituta erunt omnino à natura, vel malè se habebunt. Ceu nauius unius palmae non erit penitus nauius, neque duorum stadiorum: sed si processerit ad aliquam magnitudinem, quandoque propter paruitatem malefaciet nauigationem, quādoque propter excessum. ita & ciuitas. si ex nimium paucis sit, non est per sufficiens: si ex nimium multis, sufficiens quidem in necessarijs erit ut gens, sed nō ut ciuitas. rempublica enim non facile est in illis constitui, nam quis dux esset, tam excessiua multitudinis, aut quis præco non stentorius? Quocirca necesse est primam esse ciuitatē illam, quæ ex ea multitudine con-

stat, quæ multitudo prima per seipsam sufficiens sit ad benè uiuendum in ciuili societate, & p-  
tur uerò, ut ea quæ multitudinem hanc excedit, sit maior ciuitas: sed hoc nō est, ut diximus, infinitum. Quæ uerò sit huius excessus determinatio, ex operibus intelligi facilliter potest. sunt enim actus ciuitatis imperantium atque patrum: imperantis quidem opus est iubere, ac iudicare: ad iudicandum uerò secundum iustitiam, & ad magistratus demandandos secundum dignitatem, necessarium est, ut seinnicent cognoscant ciues quales sint. quare ubi hoc non fieri contingit, necesse est ut malè res procedant circa magistratus demandandos, & circa iudicia. In utroque certè horū, nequaquam est temerè procedendum: quod in nimia multitudine manifeste contingit. Insuper hospitibus & inquilinis facile est ad rempublicam aspirare, cū nō difficile sit in tāta hominū multitudine latere. Patet igitur quod est optima determinatio ciuitatis, vt sit maximus multitudinis excessus, quæ sit per se sufficiens ad uiuendum, & facile inter se cognosci possit. De magnitudine ergo ciuitatis determinatum sit in hunc modum.

*Optima regionis, & situs urbis conditiones.*

*Cap. V.*

**D**E regione autem eadem ferè dici possunt: nam qualis esse debeat: clarum est, quod sufficiens omnes laudabūt. Hanc autē necesse est feracem esse omnium: nam omnia in seipsa habere & nullius indigere, sufficientis est. Multitudinem uerò ac magnitudinem tantam, ut queat habitatores ociosos nutrire, liberaliter simul temperateq; uiuentes. Hoc autem

verum bene vel non bene dicatur, postea diligenter erit considerandum, ubi de possessionibus & facultatibus mentionem fieri contingeret, qualiter & quemadmodum se habere erga vltimum ipsum oportet. Permultæ enim circa considerationem istam dubitationes cadunt, propter transientes in vtramque partem vitæ excessum, alios ad rennitatem, alios ad largitatem. Formam vero regionis non est difficile præscribere, credendumque est in quibusdam, rei militaris peritis asserentibus talem esse oportere, ut ab hostibus quidem non facile inuadi possit, ciuibz autem facilis sit in aliena egressio. Præterea ut hominū multitudinem facile inter se cognosci posse diximus oportere, sic etiam regio sit subiecta conspectui, id est ut cognosci, & succurri faciliter possit. Urbis autem situs, si formanda nobis illa est secundum votum, opportune, & ad terram, & ad mare debet iacere. Vna iam determinatio præmissa est, oportere ad auxilia ferenda communem esse locorum omnium. Vnde quoque afferenda altera, ad importationem fructuum. Præterea ad lignorum materiem, & ad, siquid aliud simile opificium regio in se habeat, facilem aduectionem.

*An communio marū turba nautica, & naualis potentia ciuitatibus rectè institutis expediat, vélne. Cap. VI.*

**C**ommunio autem maris, vtrum utilis sit ciuitatibus, vel damnosa, permultæ sunt disceptationes. Nam & frequentare aduenas quosdam, alienis educatos legibus, inutile putant ad rectam ciuitatis disciplinam, & tur-



bam popularē multiplicari ex vſu maris, tranſmittentibus, ac recipientibus negotiatorum multitudinem, contrarium eſſe dicunt rectę ciuium inſtitutioni. Quòd igitur, ſi iſta non contingant, melius ſit & ad ſecuritatem & ad copiam rerum neceſſariarū, communione maris habere urbem & regionem, non eſt obſcurum: nam ad facilius ferendum hoſtes peropportuna facultas ſuccurendi auxiliandique ſuis terra & mari eſſe debet, & ad nocendum inuadentibus, ſi non utrinque poſſibile. at altera ex parte magis exiſtit ambarum participantibus. Et quę apud eos non exiſtunt, importari, & quę ſuperabundant, deportari ex neceſſariis eſt, ſibi enim ipſi\* mercabilem non alijs ciuitatem eſſe oportet. Qui autem omnibus mercatum apud ſe præbent, hi faciunt quęſtus cupiditate, quòd ſi non expedit ciuitati hanc cupiditatem habere, neq; mercatum certè huiusmodi debet recipere. Nam & nunc quidem uidemus multis regionibus & ciuitatibus ſtationes ac portus opportunè iacere: ut neq; intra urbem ſint, neque valde diſtantes, murisq; circumdari, & alijs huiuscemodi munitionibus. Clarum eſt enim, quòd ſi quid boni proueniet ex tali cōmunionē, ciuitas id bonum ſuſcipiet: ſi aliquid mali, cauere ab eo facile erit per leges iubentes ac determinantes, quos oportet, & quos non oporteat inuicem admisceri. De nauali autem potentia, quòd melius ſit eam habere uſque ad aliquam quantitatem, manifeſtum eſt non ſolum enim ſibiipſis, ſed & finitimis quibuſdam oportet & auxiliari poſſe, & eſſe terrori, quem admodum terra ſic etiam mari. Magnitudo autem & multitudo huius potentię, ad mo-

\* ἐὰν ἴπῳ  
xiiij

res ciuitatis erit accommodanda. nam si ea fuerit ciuitas, quæ magnam præstantiam autoritatemque habere conlueuerit, necessarium erit hanc potentiam rebus esse cõformem. Turbam verò nauticam, & huiusmodi hominum multitudinem, non necessarium est ciuitatibus existere, nulla enim ciuitatis pars huiusmodi homines esse debent. Nam pugnatōres qui naues conscendunt, ingenui sunt homines, terra quoque militare consueti, hi præfunt nauali turbæ & imperant. Existente verò multitudine tenuis fortunæ hominum, qui circa nos habitant, & agricolarum qui in regione rem rusticam exercent, necessarium est abundantiam esse nautarum. Videmus etiam nunc istud fieri in quibusdam ciuitatibus, ceu in ciuitate Heracleotarum, multas enim implent triremes, urbem possidentes magis exiguam quàm ceteri. De regione igitur, & portibus, & urbibus, & mari, & nauali potentia, in hunc modum determinatum sit. De multitudine quoque ciuitatis, quam determinationem habere decet, prius diximus.

*Quales debeant esse natura ciues, de quo laudantur  
Græci, & quales urbis custodes.*

*Cap. VII.*

**N**Vnc autem quales natura ciues esse oportet, à nobis dicetur. Forſan verò id deprehendet quis, si inspiciat ad ciuitates Græcorum, quæ bene gubernari dicuntur, & ad totum terrarum orbem, ut à gentibus varijs incolitur. Nam quæ frigidas regiones incolunt gentes, & quæ per Europam, animo quidem abundant, ingenij verò & artificio parum habent:

quapropter in libertate magis perseverant: disciplinam verò reipublica difficulter recipiunt; ac finitimis dominari non possunt. Quæ verò Asiam incolunt, ingenio & arte abundant, sed animositatem non habent: propter quod & parere dominantibus, & servire perseverant. At Græcorum genus, ut mediam regionem locorum sortitum est, sic etiam amborum est particeps. nam & animosum & ingeniosum est. Ex quo fit, ut in libertate degat, & disciplinam reipublice optimè recipiat, & vnius reipublice constitutionem sortitum, imperare omnibus possit. Eandem quoque differentiam habent Græcorum gentes inter se. quædam enim habent naturam ad vnum illorum: quædam verò permixta ac temperata sunt ad utranque illarum potentiarum. Patet igitur, quod oportet & intelligi gentiam & vigorem animi natura existere illis, qui futuri sint idonei, quos legum positor ad virtutem instituat. Nam quod de custodibus aiunt quidam opus esse, ut beneuoli sint erga notos, erga ignotos verò infesti, vigorem animi est qui benevolentiam facit. illa est enim potentia animæ, per quam amamus ac beneuoli sumus. cuius rei signum est, quod magis irritatur animus contra familiares & amicos, quam contra ignotos, si contemptum se putet. Quapropter Archilochus rectè cum amicos incusaret, ad animum loquitur inquires: *Non tu quidem ab amicis. lances. transfixus es?* Quod dominatur & quod libertatem servat, ab hac potentia animi existit: dominans enim & inuidus est animus. Nec bene se habet dicere, quod aduersus ignotos debent esse infesti: nam aduersus neminem tales esse oportet. neque sunt magnanimi homi-

nes natura infesti, nisi contra iniuriantes . Hoc autem magis contra notos familiaresq; patiuntur, quod dictum est prius, si iniuriatos sibi existimant . Et hoc non sine ratione contingit à quibus enim deberi sibi beneficium expectant, ab eisdem non solum priuari beneficio, sed insuper ladi se putant . Vnde in prouerbio dicitur, *Fratrum contentiones & ira sunt acerbissima . & qui se minimum amant, hi se nimium odcrunt* . De hominibus igitur qui in republica futuri sint, & quot esse oportet, & quales natura, & de regione, quātam, & qualem, ferè determinatum est. non .n. eadem certitudo querenda est, in his quæ per rationes, & in his quæ fiunt per sensum.

*Quod non omnia : sine quibus ciuitas stare nequeat, sint eius partes . & qua sint ipsius partes propria . Cap. V 111.*

**C**VM verò vt aliorum secundum naturā consistentium, non hæ sunt partes totius consistentiz. sine quibus totum esse non potest: palam quod nec ciuitatis ponendū est esse partes, quæcunque ciuitatibus existere necessario oportet, nec alterius cuiusq; communionis, ex qua fit vnum aliquod genus . Vnum enim quid & commune esse debet communicantibus, siue æquale, siue inæquale suscipiant: ceu siue alimentum id sit, siue agri quantitas, siue aliud tale. sed quando hoc gratia huius, hoc autem non gratia, nihil in his commune: sed aut huic quidem facere, huic autem accipere. dico autem velut organo omni ad id opus, quod fit, & opificibus. Domui enim ad ædificatorē nihil est quod fiat commune, sed est domus gratia ædificatorum ars . Quapropter possessione quidem

indiget ciuitas : nulla tamen pars ciuitatis est possessio, multa uerò animata sunt possessionis partes. Ciuitas autem communio quædam est similium gratia vitæ, ut maximè fieri potest optimæ. Cum verò sit felicitas optimū, ipsa autem virtutis operatio, & vsus quidam perfectus : contingat autem ita vt aliqui illius recipiant participationem, alij parum aut nihil, manifestum est quòd hæc est causa, quare ciuitatis species & differentia existunt, pluresq; rerum publicarum formæ, per alium enim modum, & alijs vijs singuli hoc appetentes, & alios viuendi modos fecerunt, & alias reipublicæ disciplinas. Considerandum autem est, quot sint illa, sine quibus ciuitas esse non potest. nam quas dicimus esse ciuitatis partes, eas necessarium est in istis esse. Capiendus est igitur operum numerus : ex his enim id apparebit. Primum igitur debent existere alimenta. Deinde artes : multis enim instrumentis indiget vita. Tertium arma : nam qui simul in communione viuunt, necessarium est in ipsis habere arma, quibus & magistratibus parere inobedientes compellantur, & quibus vis propulsetur externa. Præterea pecuniarum habendarū facultas quædam, quo illas habere possint & ad proprias indigentias, & ad bellum. Quintum ac primum, circa rem diuinam cultus, quod vocant sacrificium. Sextum, quod est omnium summe necessarium, iudicium pro utilitate & iustitia contrahentium. Hæc sunt igitur opera, quibus indiget ciuitas omnis. est enim ciuitas multitudo non quæcunq; , sed illa quæ ad vitam per se sufficiens sit, vt diximus. Si verò aliquid horum deficiat, impossibile est simpliciter

per se esse sufficientem huiusmodi societatem, necessarium est ergo his operibus ciuitatem cōstare. Esse igitur oportet multitudinem agricolarum, qui victum conferant, & artifices, & pugnatores, & locupletes, & sacerdotes, & iudices necessariorum atque utilium.

*Qua ciuitatis partes quibus hominum generibus  
conueniant. Cap. I X.*

**H**Is determinatis, reliquum est considerare, utrum omnes cōmunicare debēt horū omnium (fieri enim potest, ut ijdem ipsi sint & agricolæ, & artifices, & consultores, & iudicantes) vel in unoquoque opere supra dictorum alios ponendum est, uel quædam esse propria, quædam verò communia necessarium est. Sed non in omni republica hoc, ut diximus, contingit: nam fieri potest, ut omnes participant omnium, & non omnes omnium, sed quidam quorundam, hæc enim faciunt rerum publicarum varietatem: nam in populari quidem participant omnes omnium: in paucorum autem potentia contrarium est. Cum autem consideratio nostra sit de optima republica, ea verò est, per quam ciuitas esset maximè felix, felicitatem autem, quòd sine uirtute impossibile est existere primo diximus, manifestum, quòd in ciuitate quæ optimè gubernetur, & quæ iustos habeat ciues simpliciter, ac non ad suppositionem, neque artifices, neque mercatores ciues esse oportet: uilis est enim huiusmodi uita, & uirtuti aduersa, nec certè agricolas esse oportet eos, qui futuri sint ciues: opus est enim quiete & otio ad uirtutem comparandam,



randam, & ad rempublicam gerendam. Cum  
 verò hi supersint qui bello intendunt, & qui  
 consultant de virilibus, & iudicant de iustis &  
 non iustis, qui quidem maximè videntur par-  
 tes ciuitatis, vtrum & hos esse alios ponendum  
 sit, vel eisdem hominibus ambas partes tribuen-  
 dum? Clarum est, quòd quodam modo eisdem,  
 & quodam modo alijs. quà enim alterius vigo-  
 ris vtrumq; opus. & alterum prudentia, alterum  
 viribus indiget, alijs: quà uerò impossibile est,  
 eos qui afferre vim & prohibere hos possunt,  
 subiectionem pati senper eisdem, qui enim ar-  
 morum domini sunt, iidem etiam sunt domini  
 status uel mutationis reipublicæ. Restat igitur,  
 vt eisdem quidem ambobus respublica trada-  
 tur, non simul quidem, sed vt natura fert. Vires  
 quidem in iunioribus sunt, prudētia verò in se-  
 nibus. sic inter eos distribui, commodum est, &  
 iustum esse videtur. habebit enim hæc distribu-  
 tio id, quod est secundū dignitatem. Atqui pos-  
 sessiones quoque circa hos esse oportet. necesse  
 est enim facultates adesse ciuibus, hi autē sunt  
 ciues. nam turba quidem urbana vilium mini-  
 strorū nulla pars est ciuitatis, nec aliud genus  
 quodcunq;, quod non sit virtutis effector. Patet  
 hoc ex eo quod præmisimus. felicitas enim ne-  
 cesse est, vt per virtutem fiat. felicem verò dice-  
 re ciuitatem debemus, non ad partem aliquam  
 eius respicientes, sed ad omnes ciues. Manife-  
 stum igitur, quòd horum esse possessiones oportet:  
 siquidem necesse est agricolas esse seruos,  
 vel Barbaros, vel ministros. Reliquum est ex his  
 qui supra numerati sint, genus sacerdotum esse,  
 quorum institutio manifesta est. neq; enim  
 agricola, neq; artifex, neq; vilium exercitorū  
 quisquam

quifquam ſacerdos eſt deputandus. honos enim  
 Dijs eſt à ciuibus impendendus. Sed cum diſtin-  
 cti ſint ciues in partes duas, hoc eſt in eos qui  
 arma tenent, & in eos qui conſultant, & decens  
 ſit Dijs cultum exhibere, & requiem ſuſcipere  
 eos, qui pro tempore in his laborauerunt ac de-  
 feſſi ſunt, his utiq; eſſe ſacrorum cura deman-  
 danda. Quæ ſint igitur, ſine quibus ciuitas ſtare  
 non poteſt, & quot ſint ciuitatis partes, dictum  
 ſit. Agricolas enim & artiſices, & omne mini-  
 ſterium ciuitatibus exiſtere neceſſariū eſt. Sed  
 partes ciuitatis ſunt qui arma tenent, & qui cō-  
 ſultant. & ſeparatum eſt unumquodque iſto-  
 rum: hoc quidem ſemper, hoc uerò ſecundum  
 partem.

*De diſtributione ciuitatis, comeſſationibus, partitione  
 regionis, cultoribus, & agricolis.*

*Cap. 8.*

**V**idetur autē nō nunc neq; paulò ante hoc  
 notū fuiſſe his, quide republica philoſo-  
 phantur, q̄ per genera hic ciuitas diſtin-  
 guenda: & pugnatorum genus aliud eſſe, aliud  
 agricolarum. nam & in Aegypto uique adhuc  
 tempus, in hunc modum ſe habet, & in Creta.  
 in Aegypto quidem Seſoſtri legem ferentē, in  
 Creta uerò Min. ē. Antiqua uidetur etiam co-  
 meſſationum inſtitutio. quod in Creta factum  
 eſt Minoē regnante: ſed multo prius hoc in Ita-  
 lia quàm in Creta conſtitutum fuit. Tradunt  
 enim periti homines illorū locorum, fuiſſe Ita-  
 lum quendam Oenotriæ Regem, à quo mutato  
 nomine pro Oenotris Itali ſunt uocitātī, orā-  
 que illam maritimam Europæ, quæ eſt inter  
 Scyllaticum & Lameſicum ſinum (diſtant uerò

hæc loca inter se meridiei iter) Italiz nomen  
 primò cœpisse. Hunc ergo Italum tradunt agri-  
 culturam Oenotros docuisse, cum prius essent  
 pastores vagi, ac palantes, illisq; leges posuisse,  
 & comessationes instituisse primùm. Quapro-  
 pter etiam nunc quidam illorum populorum  
 comessationibus utuntur, & legibus quibus-  
 dam ab illo positis. Incolebant autem eam Ita-  
 liz partem, quæ ad Tyrreniam versa est Opi-  
 ci, qui nunc Ausonij nominantur. Alteram verò  
 partem quæ ad Iapygiam & Ionium pertinet,  
 incolebant Chaones, Syrtim appellatam: & ipsi  
 quoque ab Oenotris orti. Inuentio igitur co-  
 messationum hinc primùm exitit. Diuisio au-  
 tem ciuitatis per genera, apud Aegyptiū incœ-  
 pit. Sesostris enim multis temporibus antè  
 fuit, quàm Minos in Creta regnaret. Et alia fe-  
 rè credendum est eodem modo inuenta fuisse  
 multoties in longo tempore, imò verò infi-  
 nitie. Nam quæ necessaria sunt ad usum vitæ,  
 indigentiam ipsam docuisse rationabile est: &  
 illis repertis additamenta postmodum facta  
 fuisse, ad expolitiorē uiuendi formam, quod  
 eodem modo in constitutione rerum publica-  
 rum accidisse credendum est. Esse verò cuncta  
 vetusta, signum est, quod Aegyptij (quorum an-  
 tiquitas maxima putatur) leges habuerunt, &  
 ciuilem institutionem. Quapropter utendum  
 est ijs quæ sufficienter tradita sunt, & quæ de-  
 ficiunt reperire conandum. Quod igitur agri  
 & possessiones eorum esse debent qui arma te-  
 nent, quique partes sunt ciuitatis, dictum est;  
 & qua de causa cultores illarum alios esse oportet,  
 & quanta & qualis debet esse regio. De di-  
 stributione uerò p̄sus regionis, & qui, & qua-  
 les

les debent esse cultores, dicendum est Quando-  
quidem neque communes omnium censemus  
esse debere possessiones, ut quidam tradidere:  
sed vsu amicabili communes fieri, neque de-  
esse vlli ciuium alimenta. De commensationi-  
bus uidetur quoq; omnibus utile esse, ut adsint  
bene institutis ciuitatibus. Quam verò ob cau-  
sam nobis quoque idem videatur, postea dice-  
mus. Oportet autem ciues uniuersos ad earum  
communione[m] admitti: at non facile est, ut  
qui pauperes sint, contribuere staturam pensio-  
nem ex proprio possint, & ceteram domum gu-  
bernare. Præterea in sacrificiis, cultuque deo-  
rum sumptus communes esse debent totius ci-  
uitatis. Est igitur necessarium in duas partes  
regionem diuidere, & aliam esse publicam, alia  
priuatorum. Vtranque illarum partium rursus  
uidenda est: illius nanque partis, quam publi-  
cam esse debere diximus, una pars deorsum cul-  
tui deputanda est, altera verò ad commensationum  
impensam. Rursus verò priuati agri pars vna  
ad proprias necessitates est deputanda, altera  
verò ad ciuitatem: ut duabus fortibus vtrinque  
distributis, amborum locorum omnes parti-  
cipes sint: æquum enim & iustum ita se habet,  
& ad finitima bella concordantius. Vbi enim  
hic modus nō seruatur, alij facilliter prosiiliunt  
ad finitimorum inimicitias: alij nimium illas  
refugiunt, & contra dignitatem. Quamobrem  
apud quosdā lex est, ut qui agros habēt vicinos,  
hi non admittantur ad consilium belli aduer-  
sus illos suscipiendi, quasi ob priuatam sui cau-  
sam rectē consilium dare non valentes. Agro-  
rum igitur per hunc modum faciendā partitiō  
est, ob causas antè dictas. Cultores autem ipsi,  
maximè

maximè quidem si secundū votum optandum est serui esse debent: neq; omnis unius generis, neq; animo elati: ita & ad faciendum opus viles forèt, & nihil noui ab eis metueretur. Secundo autem loco Barbari ministri, natura similes his quos suprà diximus. Horum autem in priuatis quidem agris & ipsi priuatorū domorum sint, in publicis vero publici. Quemadmodum autem seruis utendum sit, & quare melius est omnibus seruis præmiū libertatis esse propositum, postea dicemus.

*De situ urbis, locis in ea ad diuersa accommodatis, priuatis adibus, mœniū, & ipsius ornata. Cap. XI.*

**V**Rbs autē, q̃ terræ marisq; particeps esse debet, & q̃ ad totā regionē similiter debet esse cōmunis quātū fieri potest dictū est prius. Ipsius autē ad leipfam, optandū est positionem sortiri, ad quatuor respiciētes. Primū ad sanitatem, ad orientē enim Solem conuersæ vrbes, & ad eos ventos qui inde perflant, salubriores sunt: secundo loco quæ sunt secundū Boream sitæ. hæ nanq; sunt ad hyberna potiores. In reliquis verò, ut ad ciuiles res & ad bellicas opportunè se habeat: ad bellicas quidem, ut facilis sit ciuibz in aliena egressio; hostibus autē difficilis aditio, ac difficilis circundatio. Aquarum autem & stagnorū abundantia habeat, maximè naturalem, quòd si naturalis deficiat, ex aqua pluuia cisternæ & lacus, qui magnam vim aquarum suscipiant, comparentur, ita ut deesse aqua, si quando obsiderentur, nunquam possit. Sed cum oporteat de sanitate habitantium curam habere, hoc autem si primū in situ & qua-

litate

litate loci secundum in aquarum salubriū usu,  
in ea quoque re est diligentia meritò adhiben-  
da. Quibus enim plurimum & frequentissimè  
vltimur ad corpus, ea plurimum important ad  
sanitatem. aquarum autem & ventorum poten-  
tia talem habent naturam. Quapropter in ciui-  
tatibus, quæ rectè sapiunt, distinguendus est  
a quarum vsus, si non omnes sunt pares, nec  
abundantia sit earum aquarum, ut aliæ seor-  
sim aquæ ad cibum & potum, aliæ ad aliam in-  
digentiam deputentur. Loca autem munita,  
non pariter cunctis ciuitatibus utilia sunt. ut-  
puta arx ad dominationem unius, uel pauco-  
rum: in populari verò uiuendi modo æqualitas  
loci, in optimatum verò gubernatione, neutrum  
istorum, sed magis loci plures ardui. Priuata-  
rum autem domorum forma gratior & com-  
modior ad cæteras res existimatur secundum  
nouiore[m] istum Hippodamium morem: sed ad  
securitatem tutelamq[ue] ciuitatis utilior erat an-  
tiquorum ædificatio. habent enim illorum ædi-  
ficia inextricabiles aditus, ex quibus nisi con-  
sueti euadere uix possunt, & inscrutabiles late-  
bras, si qui aggrederentur: ex quo utriusque ho-  
rum participare debent. potest enim hoc fieri, si  
quis ita disponat, ut solent agricolæ illos, quos  
vocant quidam uinearum tramites. Et totam  
urbem nō facere penetrabilem, sed partes quas-  
dam & loca: sic enim ad securitatem, & ad or-  
natum se bene habebit. Mœnia uerò qui dicunt  
non oportere adesse ciuitatibus illis, quæ uirtu-  
tem possideant, nimium prisce loquuntur: & hoc  
vident per experientiam reprobatur in ijs ci-  
uitatibus, quæ sibi id ad gloriam iactabant. est  
enim ad pares ac non multo excedentes multi.



tudine, non satis decorum per mœniam seruari  
 velle. sed cùm aliquando contingat & fieri pos-  
 sit, vt multo maior hominum multitudo, & ma-  
 iori virtute superueniant, si saluos esse oportet,  
 neq; perire, neque contumelijs affici, firmissi-  
 mam munitionem murorum putandum est op-  
 portunissimam esse in bello: præsertim hoc tem-  
 pore in quò tormenta & machinæ ad obsidio-  
 nes vrbiũ cum omni subtilitate sunt adinuen-  
 ta. Simile est enim ciuitatem non circumdãdam  
 mœnibus censere, & regionem facilem ad inua-  
 dendum quærere, & deijcere montuosa loca, &  
 priuatis domibus non circumdare parietes, quasi  
 viles futuri sint habitatores. Atqui ne id quidẽ  
 latere oportet, quòd qui mœnibus circumdantur,  
 eis licet in vtranque partem vti urbibus, &  
 tanquam muros habentibus, & tanquam non  
 habentibus: sed eis qui mœnia non habent, non  
 licet. Si ergo per hunc modum se habet, nõ so-  
 lum mœnia circumdãda sunt vrbi, verumetiam  
 curandum vt & ad ornatum ciuitatis se habeant  
 decenter, & ad bellicas opportunitates, rñ alias,  
 tum ad illas quæ nunc repertæ sunt. Vt enim ag-  
 gressoribus cura est quibus modis uincant, ita  
 quædam iam reperta sunt, quædam inuestigare  
 atque philosophari oportet eos qui defendunt.  
 principio enim non aggrediuntur eos: qui bene  
 se præparauerunt expugnare.

*De adibus sacris, foris, & locis comessatio-  
 tionum. Cap. XII.*

**C**Um uerò multitudo ciuium in comessatio-  
 nes distributa esse debeat, mœnia uerò sint  
 præsidij quibusdam, & turribus per oportu-  
 na loca interpositis munienda, clarum est,  
 quòd

quoddam res exigit aliquas comessationum, in illis  
 ipsis praesidijs collocari. & haec quidem per hunc  
 utique modum videntur constituenda. Aedes  
 verò Deorum, ac principalissimæ magistratuum  
 comessationes, idoneum locum habere debent,  
 & eundem sacra quocunque lex non separat,  
 aut responsum oraculi. Esset autem talis locus  
 quisquis supereminentiam haberet & ad eden-  
 dam virtutem sufficienter, & ad vicinas partes  
 civitatis excellenter. Decet autem sub hunc lo-  
 cum constructionem fori esse talem, qualis est  
 in Thessalia eius quod liberum vocant, id est  
 quod debet esse purum ab omni mercatu, &  
 neque opifices, neque agricolas, neque alios  
 illos tales illi appropinquare, nisi à magistrati-  
 tibus vocarentur. Esset verò hic locus gravior, si  
 & gymnasia seniorum in eo sint constituta. de-  
 cet enim secundum ætates distribui hunc or-  
 natum, & in iunioribus magistratus quosdam  
 versari, seniores autem magistratibus assistere.  
 præsentia enim magistratuum ante oculos po-  
 sita gignit veram reuerentiam, liberalemque pu-  
 dorem. Venalium autem rerum, aliud forum  
 esse debet & alio loco situm, accessu facile, quo  
 & à terra & à mari facilis sit importatio om-  
 nium. Cum verò multitudo civium diuisa sit in  
 sacerdotes & magistratus, decens est sacerdoti-  
 bus circa ædes sacras esse comessationes insti-  
 tutas. Magistratuum autem quicunque de con-  
 tractibus ius dicunt, & qui de accusationibus co-  
 gnoscunt, & qui circa uocationes in ius, & aliam  
 huiusmodi administrationem intendunt, & in-  
 super qui ædilitatis & urbanarum rerum curam  
 gerunt, iuxta forum in loco celebri, communiq;  
 sunt comessationes statuendæ. talis est locus il-

† *agrimen  
sore.*

lius fori, in quo necessaria venundantur, nam alterum illud forum superiori loco situm, debere esse diximus otiosum. hoc autem ad negotia rerum deputari. Hunc eundem ordinem in regione quoque imitandum esse dicimus. sunt enim magistratus quidam apud rusticos, quos alij sylvarum custodes, alij, p̄fectores appellant: quibus & loca ad custodiam regionis, & comestationes sunt iisdem in locis constituenda. Tempia quoque per regionem distributa esse debent, partim Dijs, partim heroibus. Sed immorari nunc circa ista superfluum est, cum sint illa non difficilia cognitu, sed magis factu. dicere enim, voti est: euenire autem, fortunæ. Quapropter circa talia insistere, ad præsens omittamus.

*In quibus bene agere consistat. De felicitate, & de ijs quibus homines sunt studiosi.*

*Cap.*

*XIII.*

**D**E republica autem ipsa, ex quibus & qualibus constare debet ciuitas, quæ beata sit futura, & rectè gubernari, dicendum est. Duo sunt, in quibus omnis commendatio bene agendi consistit. vnum, vt propositū ac finis agendi rectè subiaceat: aliud, vt eas, quæ ad illū finem ferant, actiones inueniamus. Fieri enim potest, ut & concordent hæc inter se, & discordent. nam quandoque illud ad quod intenditur, rectè iacet: sed in actionibus, per quas illo potiri credimus, aberratur. quandoque autem omnia ad finem diriguntur: sed finis ipse est præuè positus. quandoque etiam in utroque est error, ueluti circa medicinam. neq; enim quale aliquid esse oportet sanum corpus, rectè iudicat interdum, neque

neque ad subiectum sibi finem opera diriguntur.  
Oportet autem in artibus & scientijs hæc utraq;  
obtineri, finem, & eas quæ sunt ad finem actio-  
nes. Quod igitur bene uiuere ac felices esse om-  
nes cupiunt, manifestum est, sed alijs potestas  
est adipiscendi, alijs non, propter fortunam ali-  
quam, uel naturam: opus est enim adiumentis  
quibusdam ad bene uiuendam, minoribus qui-  
dem illis, qui melius dispositi sunt, maioribus  
autem, qui peius. alij uerò, statim nō rectè qua-  
runt felicitatem, cum possint. Cum autem pro-  
positum nostrum sit optimam rempublicam ui-  
dere: ea uerò est, per quam ciuitas optimè gu-  
bernetur: optimè autem gubernatur, si felicitas  
tem maximè recipiat: manifestū est, quod quid  
sit felicitas, latere nō debet. Diximus autem in  
Ethicis, si modò illorum librorum utilitas vlla  
est, operationē esse, & usum uirtutis perfectum,  
& hunc non ex suppositione, sed simpliciter. Di-  
co autem ex suppositione, quæ necessaria sunt:  
simpliciter autem, quod in seipso commenda-  
tionē habet: ueluti circa res iustas iudicare, pu-  
nire, supplicio afficere, à uirtute quidem est, sed  
ex necessitate, commendationemque habet ex  
compulsione. eligibilis nanque foret nullo tali  
indigere, neque hominem neque ciuitatem. At  
enim ad honores & opes, simpliciter sunt opti-  
mæ actiones. nam alterum quidem illud mali  
alicuius electio est: hæc autem cōtra, effectioes  
enim bonorum sunt, & generationes. Studiosus  
enim uir, & paupertate, & morbo, & alijs fortu-  
næ aduersitatibus laudabiliter utitur: verumta-  
men felicitas in contrarijs existit. nam & hoc  
determinatum fuit in Ethicorū libris, quod ta-  
lis est studiosus, cui per uirtutem bona, sunt sim-

pliciter bona. patet autem, quòd & usus istos  
 necessarium est studiosos & bonos esse simplici-  
 ter. Quapropter existimant homines, externa  
 bona causam esse felicitatis: ceu si quis bene pul-  
 sandi causam putat esse lyram magis quàm ar-  
 tem. Necessarium est ergo ex his quæ dicta sunt,  
 alia subesse, alia parare legis positorem. ex quo  
 secundum uotum optamus constitutionem ci-  
 uitatis in his, quorum domina est fortuna: do-  
 minam enim illam posuimus. sed studiosam es-  
 se ciuitatem, non est fortunæ opus, sed scien-  
 tiæ ac electionis. At studiosa ciuitas est, ut ciues  
 qui in republica uersantur, sint studiosi. nobis  
 autem omnes ciues participes sunt reipublicæ.  
 Hoc igitur considerandum est, quomodo fiant  
 studiosi. nam si contingat omnes esse studiosos,  
 ad autem singulos ciuium, sic foret optabilius:  
 sequitur enim ad singulos esse, & omnes esse.  
 Atqui boni quidem & studiosi sūt propter tria.  
 Sunt autem hæc tria, natura, mōs, & ratio. et-  
 enim nasci oportet primū, ceu hominem, &  
 non aliud animal: & sic qualem aliquem secun-  
 dū corpus & animam. Quædam etiam nasci  
 nulla utilitas est: mores enim mutari faciunt.  
 nam aliqua per naturam ad utrunque apta, per  
 mores ad peius uel ad melius conuertuntur.  
 Cætera igitur animalia maximè uiuunt secun-  
 dū naturam, parum uerò aliquid & secundū  
 mores. homo autem & secundū rationem: so-  
 lus enim rationem habet. Ita oportet hæc simul  
 concordare. multa enim præter mores, & præter  
 naturam agunt homines propter rationem, si  
 persuadeatur melius esse aliter agere. Natura  
 igitur quales esse oportet eos, qui legum posi-  
 tori sint parituri, determinatum est prius. reli-  
 quum

quum opus est iam discipline: quzdam enim as-  
suescendo discuntur, quzdam audiendo.

Quis oporteat esse imperantes, & parentes, es-  
demne ad diuersos: pariter & ipsorum di-  
sciplinam. Et ad qua respicere de-  
beat legum positor, ac de quo-  
bus ipse non laudatur.

Cap. X I I I I.

**C**um uero omnis societas ciuilis constet ex  
imperantibus & parentibus, hoc iam con-  
siderandū est, utrū alios esse oportet qui im-  
perant, & alios qui parent, an eosdem per ni-  
ram patet enim, quod & disciplina secundū  
hanc diuisionem sequi debet. Si ergo tantum  
differrent alteri ab alijs, quantum Dij, & heroes  
ab hominibus differre putantur, ut primū sta-  
tim corpore, ac postea animo longē antecelle-  
rent, ac manifestē indubitateque apparetur eo-  
rum supereminētia; clarum est, quod semper  
eosdem istos melius foret imperare, alios uero  
parere. Sed cum facile non sit hoc reperire, nec  
sic (ut apud Iados Scylax esse ait) reges tantum  
à populi differre: manifestum est, quod propter  
multas causas necessarium est, ut omnes simi-  
liter participes sint uicissim imperandi & paren-  
di. equum enim idem similibus: & difficile est  
stare rempublicam, quæ constituta sit præter in-  
stitiam. cum illis enim, qui ab imperando ex-  
cluderentur, concurrent omnes qui sunt in re-  
gione, statum mutare cupientes: & tantam esse  
multitudinem in reipublicæ gubernatione, ut  
sit potentior istis, unum aliquid impossibilem  
est. At enim, quod oportet eos qui in magistratu

a a A a 4 sunt



sunt differre à subiectis, indubitabile est. quomodo ergo hæc futura sint, & quomodo participant, considerare debet legislator, ut prius diximus. Natura enim ostendit, quemadmodum hæc distinguenda sunt. fecit enim eosdem genere, alios iuniōres, alios seniores: quorum alteri debent parere gubernantibus, alteri gubernare. Indignatur autem nemo propter ætatem maiori concedere. nec putat illum cui cedit, potiorē esse se: præsertim cū & ipse quando ad id ætatis peruenerit, eundem honorem sit recepturus. est ergo, ut eosdem esse dicere eos qui parent & imperant: est etiam ut diuersos. Itaq; & disciplinam, ut eandem dicere necesse est, & ut diuersam. qui enim imperare uelit rectè, oportere, aiunt, prius sub imperio fuisse. Imperium verò, ut in primis libris dictum fuit, aut gratia imperantis est, aut gratia subiectorum. horum alterum seruorum esse diximus, alterū liberorum. Mandatorum uerò quædam inter se differunt, non in agendo, sed in cuius gratia. Quapropter multa quæ uidentur esse ministro- rum opera & adolescentium, liberis hominibus pulchrum est ministrare: ad pulchrum enim & non pulchrum non tantum differunt actiones propter seipsas, quantum in fine & gratia cuius. Cū uerò ciuis & præfidentis eandem uirtutem esse dixerimus, quæ optimi uiri, & eundem prius parere debere, postea imperare: hoc utiq; erit legum positori intuendū laborandumq; ut boni uiri efficiantur, & per quæ exercitia, & quis finis optimæ uitæ. Diuersa autem sunt duæ partes animæ, quarum altera rationem per se habet, altera non habet quidem per se. verum tamen rationi obtemperare potest: quarum dixi-

mus esse virtutes illas, per quas uir bonus dicitur quodammodo. Sed in utra istarum magis est finis? Qui ita diuidunt, ut nos facimus, his ambiguum non est quomodo sit dicendum: semper enim deterius meliori gratia est. patet hoc in his quæ sunt secundum artem, & in his quæ sunt secundum naturam: melius autem illud quod rationem habet. Diuiditur autem dupliciter, ut nos consueuimus diuidere: est enim ratio alia actiua, alia contemplatiua. Sic ergo necesse est & hanc partem diuidere, & actiones clarum est, quod correspondenter se habere dicemus. & oportet eas actiones, quæ sunt meliores secundum naturam, magis expetendas esse ab illis qui consequi possunt, aut omnia, aut illa duo: semper enim cuique id est maxime expetendum, cuius potiri est summum. Diuisa est autem uita tota in negotium & otium, bellumque & pacem. Et agibilia quædam sunt necessaria & utilia, quædam honesta: in quibus necesse est eandem esse optionem & partibus animæ & ipsarum actionibus: bellum quidem gratia pacis, negotium autem gratia otij; necessaria & utilia, gratia honestorum. Ad cuncta igitur hæc aspicere debet, qui legem ponit, & ad partes animæ, & ad illarum actiones: magis uero ad ea quæ meliora sunt & finis. Eodem modo & circa uitas & rerum diuisiones. posse enim oportet & in negotio uersari, & in bello: præferenda tamen est pax & otium. necessaria & utilia posse agere, præferenda sunt tamen honesta. Itaque ad hæc tanquam ad signum, & pueri adhuc existentes, & aliz ætates quæ indigent, per disciplinam sunt dirigendæ. Nam qui nunc Græcorum rectè gubernari uidentur, & legumlatores

quieas respublicas instituire, neque ad optimum finem videntur aspexisse, neque id ad omnes virtutes disciplinam & leges direxisse: sed onerosa declinauerunt ad illas virtutes, quæ videntur, vtilis ac plus habere faciunt. Similiter quoque posterorum quidam scriptores opinionem suam eandem ostenderunt, laudâtes enim Lacedæmoniorum rempublicam admirantur & commendant legislatoris eius propositum, quod omnia ad potentiam & ad bellum direxerit: quæ & per rationem refelli possunt, & per facta ipsa nunc reprobata sunt. Vt enim plurimi hominum dominari latè cupiunt, quoniam exinde multa proueniunt fortunæ commoda: sic Thibron admirari laudareque videtur Lacedæmoniorum legumlatorem, & quicumque alter de republica illorum scripsit, quod propter exertitationem eorum ad pericula, multorum dominationem sibi compararunt. Atqui patet, quod cum non habeant nunc dominationem Lacedæmonij, nec felices amplius essent, nec legumlator eorum bonus. Insuper illud ridiculum, si permanentes in legibus eius, nulloque impediēte illis legibus uti, amiserunt bene viuere. Non rectè verò suscipiunt, neque de dominatione, ad quam intendisse legislatorem ostendunt. nam imperium liberorum melius est, ac magis ex virtute, quàm dominari, ut seruis. Præterea non per hoc ciuitas felix est existimanda, neque legislator laudandus, quod vincere docuerit, & finitimis dominari. hæc enim magnum continent nocumentum. nam aduersus ciues hoc ager qui poterit, & ciuitati suæ dominari queret. de quo accusant Lacedæmonij Pausaniam, licet in tanta dignitate constitutum. Nec sanè aliqua

aliqua huiusmodi ratio est, aut lex civilis, neque utilis neque vera. eadem enim optima & priuatim & publicè legumlatorem inducere oportet in animos hominum. Neque exercitatio rerum bellicarum ob id est meditanda, ut in seruitutem adigant immerentes: sed primùm ne ipsi seruire alijs cōpellantur: deinde, ut imperium quarant gratia vtilitatis subiectorum, non ante omnia dominationem: terriò, ut eis dominentur, qui seruire sunt digni. Quod autē oporteat legis positorem studere, ut prouisio sua circa res bellicas & circa alias institutiones ad otium & ad pacem referatur, id attestatur, quod plerique talium ciuitatum bellū gerentes consequuntur: sed cum dominationem adepti sunt, destruuntur: splendorem enim veluti ferrum per pacem amittunt. Causa huius est legumpositor, qui non ita instituit, ut in otio stare possint.

*Quibus virtutibus & paci, & belli tempore opus sit, & à quo primùm eruditio facienda sit. Cap. XV.*

**C**um ergo idem finis esse videatur publicè & priuatim hominibus, & eandem definitionem esse necesse sit viro optimo & optimè reipublice: manifestum est oportere virtutes eas quæ ad otium spectant, illi existere. finis est enim, ut sape iam diximus, belli pax, negotij otium. Sunt autē viles ad otium & quietem virtutes, quarum opus in otio est, & quarum in negotio. oportet autem multa negotiorum nobis existere, ut liceat in otio esse. Quapropter temperatam ciuitatem esse oportet, ac fortem & patientem. nam, ut est in prouerbio, nullū otium seruis. qui verò non possunt fortiter pericula subire,

subire, serui sunt inuadētium. Fortitudine igitur & constantia opus est ad negotium: philosophia verò ad otium, temperantia aut & iustitia in utroque tempore; sed magis in pace & otio: nam bellum quidem ipsum cogit homines esse iustos ac temperatos: fortunæ autem prosperæ fruitio, & otium cum pace, perulantes magis facit. Multa igitur iustitia, multaq; temperantia indigent hi, qui in optimo statu cōstituti videntur, & in fruitione omnium rerum, quæ beatos facere putantur, veluti si qui sunt, vt Poëtæ tradunt, in beatorum insulis. maximè enim hi philosophia, & temperantia & iustitia indigent, quanto magis otiosi sunt in abundantia talium bonorum. Qua igitur de causa beata & studiosa futura ciuitas his indigeat virtutibus, manifestum est. turpe est enim, non posse frui bonis: sed in negotijs quidem & bello viros probos videri, in otio autē & pace seruales. Quamobrem oportet, nō quemadmodum Lacedæmoniorum ciuitas, virtutem exercere. illi enim non eo ab alijs differunt, quòd nō putent eadem maxima bona quæ ceteri: sed eo quòd prouenire illa existimant magis per aliquam virtutem. Cū vero maiora sint hæc bona, quàm ea quæ belli, & fruitio eorū quàm virtutum, & quia illius gratia, manifestum ex his. Quomodo autem, & per quæ id erit, utiq; cōsiderandum. Diximus suprà diuidentes, quòd natura, & more, & ratione indigemus: ex his autē quales aliquos natura esse oportet, determinauimus. Restat uidere, utrum ratione prius, an moribus sit eruditio facienda. hæc enim simul concordare debeat optima concordatione. contingit enim rationem aberrare ab optima suppositione, & similes per mores duci.

duci. Clarum est hoc primum quidem, quem-  
admodum in alijs, quòd generatio est à prin-  
cipio, & finis à principio: aliquo alterius finis;  
ratio autem nobis & mens naturæ finis: quare  
ad hac generationem ac morum institutio-  
nem parare oportet. Deinde ut anima & cor-  
pus duo sunt; ita quoque duas videmus esse  
animæ partes, vnā irrationalem, alteram  
quæ habet rationem: habitus quoque earum  
duos, quorum alter est appetitio, alter mens.  
Ut autem corpus in generationem antecedit  
animam, sic pars irrationalis antecedit eam  
partem, quæ habet rationem. Patet id in pue-  
ris, quibus statim ira & voluntas & concupi-  
scentia existit: at ratio & mens, procedēte æta-  
te, in illis fieri natæ sunt. Quapropter corpo-  
ris curam necesse est prius suscipere, quàm ani-  
mi, deinde appetitus, curam tamen appetitus  
qui gratia mentis: curam verò corporis, qui  
gratia animi. Si ergo ab initio prouidendum est  
a legis positore, ut optima sint corpora eorum  
qui educantur, primò quidem circa cōiugia  
prouidere debet, quæ ætate & cuiusmodi exi-  
stente, sint in matrimonium copulandi.

*Quæ circa coniugia, ac liberorum procreationem  
consideranda sint, ac peragenda.*

*Cap. XVI.*

**H**Oc autem instituet legis positor, inspi-  
ciens ad ipsos, & ad vitæ tempus, ut æta-  
tibus in idem cōcurrant, nec discrepet gi-  
gnendi potentia. Viro enim adhuc generare  
potente, si mulier ipsa concipere non possit: vel  
muliere quidem ad concipiendum apta, si vir  
ipse



ipse non possit, lites ac discordiæ inter eos oriuntur. Ad filiorum quoque susceptionem est inspiciendum, ne nimis distent ab ætate paterna: quoniam nec ipsi senioribus gratiam referre ullam possunt, nec parentes filiis adiumenta præstare. Nec etiam nimis proximi ad ætatem paternam accedere debent filij. habet enim hoc turbationem non parvam: cum neque tanta sit reuerentia huiusmodi filij erga genitores, utpote quasi æqualibus, & circa gubernationem domus querelæ ex ista quasi paritate soleant provenire. Insuper, quod dicere incipientes huc digressi fuimus, ut corpora natorum sint secundum legis positæ voluntatem, serè quidem hæc omnia proveniunt per unam diligentiam. Nam cum sit finis gignendi, ut plurimum uiris quidem septuagesimus annus, mulieribus autem quinquagesimus: ita coniugandi ab initio sunt, ut ætatibus ad hunc finem cōcurrant. Est autem adolescentium coniunctio improba ad filiorum procreationem. in cunctis enim animalibus iuueniles partus imperfecti sunt, & foemina crebrius quàm mares, & parva corporis forma gignuntur, quocirca necesse est hoc idem in hominibus provenire. Huius autē coniectura fuerit, quòd in quibuscunque ciuitatibus consuetudo est adolescentes mares puellasque coniugari, in eisdem inutilia ac pusilla hominum corpora existunt. in partu quoque laborant magis puellæ, ac pereunt plures. Ex quo responsum oraculi Træzenijs datum quidam existimant, ob istam causam, quasi multis pereuntibus propter immaturitatem nuptiarū, non propter fructuum collectionem. Ad continentiam quoque utile est nuptias fieri seriores.

intempe-

intemperatiores enim esse uidentur, cum puellæ ueneri assuecunt. At masculorum corpora crescere impediuntur, si adhuc augente semine † consuetudinem ineant. nam huius terminus † a. l. corp. quispiam esse uidetur, quem non multo excedit amplius. Quapropter puellas quidem circa ætatem decem & octo annorum nuptui tradere congruit, masculos autem circiter ætatem annorum septem & triginta. in hoc enim tempore, & uigentibus corporibus coniungentur, ac procedente tempore simul apte desinēt procreare posse; & filiorum susceptio partim erit ab initio eis ætate uigentibus adhuc, si rectè procedat statim generatio: partim iam uergentibus ad annum septuagesimum. Quibus igitur ætatibus coniugia sint facienda, dictum sit. Tempus autem anni, ut nunc multi obseruant, rectè per hyemem aptius ad nuptias esse uidetur: sed considerata sunt in procreatione liberorum, quæ à medicis & quæ à physicis traduntur. Medici enim tempora corporum sufficienter ostendunt: physici autem de spiritibus, boreales magis quam australes laudant. Quæ autem corpora maxime utilia sint, magis dicendum esset, ubi disciplina liberorum tractatur, summarim verò sat fuerit nunc dixisse. neque enim Athletarum habitudo utilis foret ad ciuilem habitum, neque ad sanitatem, & procreationem liberorum: nec rursus humilis & imbecilla nimium, sed media istarum. laboriosam enim habitudinem habere oportet, exercitaram verò laboribus non violentis, neque ad vnum laborem solum, ut Athletarum habitudo, sed ad liberalia opera. hæc autem similiter uiris mulieribusque existere debent.

Prægnantes

Prægnantes quoque mulieres curam habere corporum oportet, non pigrescentes, neque subtili viuentes alimonia. hoc autem facile est legum positori providere, si iubeat singulis diebus iter quoddam facere debere ad Deorum sacra mulieres, quæ sortitæ sint concipiendi honorem. Mens tamen contra quàm corpus, in tranquillitate est traducenda. quæ enim fiunt, ab ea quæ continet, capere videntur: quemadmodum illa quæ nascuntur à terra. Circa expositionem autem vel educationem filiorum lex sit, nihil orbatum natura fore educandum. In alijs verò, si mores institutioque ciuitatis prohibeant natos exponere, ac multitudo tanta prolis alicui contigerit, vt duplicatus sit filiorum numerus (nam is definitus esse debet), ad multitudinem nimiam euitandam anteuenire oportet, vt non concipiantur. nam postquam concepti sunt, & sensum aut vitam acceperint, nefas est attingere eos. Cùm verò determinatum sit, qua ætate vir & vxor sint ab initio coniugandi, quanto tempore liberis operationem dare conueniat, determinemus. Seniorum enim fœtus, quemadmodum iuniorum imperfecti sunt, & corporibus & intellectibus: senescentium quoque fœtus sunt irrobusti: quapropter illud maximè tempus probandum est, in quo maximè intelligentia viget in nobis: id autem esset in plurimis circiter annum quinquagesimum, vt Poëtarum quidam dixerunt, septenario numero ætatem dimetientes. Itaque qui quatuor aut quinque annis hanc ætatem excesserint, derelinquere debent in aperto procreandi studium, ac de cætero vel sanitatis, vel alterius huiusmodi

modi causa concubitus facere videri. Coitus  
verò omnis alterius quàm coniugis, penitus sit  
interdictus, quādoquidem sit & appelletur con-  
iunx. Quòd si quis deprehendatur contra facere  
per tempus procreationis, dignam pro delicto  
pœnam reportet.

*De victu, & institutione puerorum.*

*Cap. XV I I.*

**S** Vscptis autem filijs, multum referre putā-  
dum est ad corporis robur, quali victu nu-  
triantur. Apparet verò ex cæteris animalibus,  
& ex gentibus, quibus cura est assidua bel-  
licæ habitudinis, nutrimentum lactis maxime  
proprium esse corporibus: abstemium autem  
magis propter egritudines. Et præterea motus  
quoscunque in cæritate fieri datur, conferunt.  
Nè membra verò ob teneritudinem distorta  
sint, vtuntur adhuc gentes aliquæ organis qui-  
busdam & machinis, quæ corpus à talibus il-  
lesum conseruant. Confert etiam statim à pue-  
ritia frigori assuescere. hoc enim & ad sanita-  
tem, & ad res bellicas vtile est. Quapropter  
apud multos Barbarorum consuetudo est, vel  
gelido amne natos immergere; vel parua veste  
amicire, vt faciunt Galli: ad cuncta enim ad  
quæ possibile est, statim ab initio melius est as-  
suescere: est autem apta puerorum natura ob  
eorum calorem, ad frigus exerceri. Circa pri-  
mam igitur ætatem hæc & huiusmodi diligen-  
tia est adhibenda. Sequenti verò ætate vsque ad  
annos quinque, quia nondum ad disciplinam  
aliquam sunt admouendi, neque labores per-  
ferre cogendi, ne crescere impediuntur, motus  
Aristot. Politicorum. b b B b so-

solummodo quosdam suscipere debent, quo pi-  
 gritiam corporis euitent: qui motus præpara-  
 di sunt illis, & per alios actus, & per ludum lu-  
 di verò ipsi, neque illiberales neque laboriosi  
 esse debent, neque remissi. Quas autem narra-  
 tiones & fabulas illa ætate pueri audire de-  
 beant, cura sit ijs qui pueris publicè præficiun-  
 tur. cuncta enim talia ad cōversationes postea  
 futuras accommodanda sunt. itaq; ludi ut plu-  
 ximum tales esse debent, vt sint imitationes  
 eorum quæ postea seriò erunt faciendæ. Cōhi-  
 bitiones verò puerorum & interruptiones plo-  
 ratus qui legibus prohibent, non rectè faciunt.  
 sunt enim viles ad augmentum, cum sint quo-  
 dammodo exercitationes corporum. spiritus  
 enim compressio facit robur laborantibus, quod  
 contingit etiam pueris ploratum cohibentibus.  
 Prouidendum est ab his, quibus puerorum cu-  
 ra publicè commissæ est, circa huiusmodi edu-  
 cationem, & alia, & vt quàm minimè cum se-  
 ruis versentur. hæc enim ætas vsque ad annos  
 septem, necessarium est vt domi alatur: rationa-  
 bile est ergo præcipuè in hac ætate, vt ab auditu  
 & visu seruilium rerum absint. Omnino igitur  
 obscenitas verborum, vt & quicquam aliud,  
 per legislatorem exterminanda est de ciuitate.  
 ex turpiter enim loquendi licentia sequitur &  
 turpiter facere. Potissimum igitur statim à pue-  
 ris, neque dicant, neq; audiant quicquam tur-  
 pe. Si quis verò dicere aut facere quicquam  
 prohibitorum deprehensus fuerit, is si liber sit,  
 sed nondum in conuentum comestatorum di-  
 gnatus assumi, honore prohibeatur, & verbe-  
 ribus castigetur: sed si sit maioris ætatis, seruilis  
 infamia afficiatur. admissi seruilis officij gratia.  
 Cum

Cum verò dicere quicquam interdixerimus, clarum est quòd & aspicere aut picturas, aut actus deformes prohibemus. Sit igitur cura magistratibus, nullam neque picturam, neque statuem esse talium rerum imitatricem, nisi apud Deos quosdam, quibus etiam lasciviam mos tribuit, apud hos permittet lex iam homines factos pro se, & filiis, & uxoribus sacra facere. Iuniores autem neque iamborum, neque <sup>tragediarum</sup> tragœdiarum spectatores esse sinat, nisi cum ad eam pervenerint ætatem, ut in <sup>comædiis</sup> comædionibus unà cum alijs sedere, & potus etiam participes esse possunt, & ab ebrietate & huiusmodi labe insontes disciplina omnes præstabit. Nos quidem nunc cursim ista attigimus, postea verò insistentes oportebit determinare magis, siue oportet, siue non oportet primò quærentes, & quomodo, sed in præsentì mentionem de his facere necessarium fuit. Fortissimè enim non malè circa hoc censebat Theodorus tragœdiarum actor: nulli enim unquam concedere voluit, ut ante se ageret, neque ex vilibus etiam histrionibus, quasi magis <sup>de</sup> fa- <sup>cto</sup> ueant auditores illis, quos primò audierint. <sup>lat</sup> Contingit hoc idem in conversationibus hominum & rerum: omnium enim prima nos magis delectant. Quapropter oportet à pueris omnia turpia procul removere, & maxime quæcunque habent in se vel obscenitatem, vel improbitatem. Transactis verò annis quinque, in duobus vsque ad septem oportet tam disciplinas spectare, quas addiscere eos oportet. Dux autem sunt ætates, in quas necessarium est disciplinas dividere, una post septimum annum vsque ad pubertatem: altera à pubertate usque



# 756 Politicorum Lib. VII.

ad annum uigesimum primum. nam qui hebdomadibus diuidunt etates, ut plurimum non dicunt bene. itaque sequenda est naturalis distinctio: omnis enim ars & disciplina implere uult id, quod deest naturæ. Primum igitur uidendum est, si facienda sit institutio quædam circa pueros: deinde, si utile sit publice curam eorum suscipere, uel magis priuatim, quomodo nunc sit

in plurimis ciuitatibus:

Tertiò qualem hanc  
esse curam oportet.

# ARISTOTELIS

## POLITICO.

### RVM

#### LIBER OCTAVVS.

#### SVMMA LIBRI.

*De puerorum institutione, & de iis quæ ipsi addiscere consueverunt. De Musica, eius speciebus, ac musicalibus instrumentis: quæque quibus conueniant.*

*Quòd facienda sit circa pueros institutio: & ea quidem publicè. Cap. I.*



**Q**UOD igitur à legis positore maxime intendendum sit circa disciplinam iuuentutis, nemo utiq; dubitabit: nā id quidem neglectum in ciuitatibus affert reipublicæ detrimentum. Oportet enim ad singula gubernandi genera disciplinam accommodari: nam mos vniuscuiusque proprius consuevit & seruare rempublicam, & ab initio constituere: ceu popularis mos popularem, & paucorum potentia accommodatus mos, eam quæ consistit in paucorum gubernatione: semper autem melior mos causa est melioris reipublicæ. Præterea in cunctis facultatibus & artibus sunt quædam, ad quæ erudiri prius oportet, & assuefieri ad

earum opera: itaque manifestum est, quodd & ad virtutis actiones. Cum verò vnus sit finis ciuitati toti, clarum est oportere disciplinā quoq; esse vnā & eandē omnium, & huius curam esse publicā & non priuatā: quemadmodū nunc vnusquisq; curam habet suorum filiorū, priuatimq; docet & priuatā disciplinā, prout ei videtur. Sed oportet publicorū publicē exercitationem fieri: & simul nō debet quisq; ciuis se suū existimare, sed omnes ciuitatis. particula enim ciuitatis vnusquisque est: cura verò singularum particularum respicere nata est ad curam totius. Laudari possunt in hoc Lacedæmonij: nam plurimā circa pueros diligentiam faciunt, & quidem publicē. Quodd igitur lege prouidendum sit circa disciplinā iuuentutis, & hoc publicē faciendum, patet.

*Qualis, quarumq; verum, & cuius gratia debeat esse puerorum instructio. Cap. 11.*

**Q**UAM vnā verò ista sit disciplina, & quomodo tradenda, latere nō debet. Nam nunc quidē in ambiguo est, neq; eadē omnes censent iuuentutem addiscere debere, neque ad virtutem, neq; ad vitam optimā: neque conspicuum est, vtrum per intelligentiā magis debeat, uel per animi morem. Impedimentorum quoque respectus considerationem disciplinz conturbat: cum manifestum non sit, vtrum exercitatio nostra accommodanda sit ad ea quæ sunt vtilia ad vitam, vel ad ea quæ tendunt ad virtutem, vel ad ea quæ ad maiorem quendam superfluumq; pertinent apparatus. hæc enim omnia patronos quosdam susceperē. De his quoque

quoque quæ ad uirtutem tendunt, nihil confes-  
sum existit, etenim uirtutem non eandem om-  
nes statim honorant: ex quo fit ut discordent  
circa illius exercitationem. Quod igitur ex utri-  
libus necessaria sint addiscenda, manifestum est:  
quod autem non omnia, distinguentibus libe-  
ralia opera ab illiberalibus patebit, illa talia es-  
se recipienda, quæ cum utilia sint faciunt exerci-  
tium habentemque non uilis exercitij operato-  
rem. Vile autem exercitium putandum & ars &  
disciplina quæcunq; corpus, aut animum, aut  
mentem liberi hominis, ad usum & opera virtu-  
tis inutilem reddunt. Itaq; & artes illæ quæ de-  
teriorius disponunt corpus, & cuncta mercenaria  
exercitia, sordida nuncupamus: mentem enim  
occupatam & uilem reddunt. Sunt etiam quedam  
ex liberalibus scientijs, quas usq; ad aliquid di-  
scere honestum sit: penitus uero sese illis trade-  
re, ac ad extremum usq; prosequi uelle, nocum-  
tis illis, quæ supra diximus, obnoxios facit. Sed  
refert plurimum cuius gratia quis agat, uel discat:  
nam si gratia sui uel amicorum, uel propter uir-  
tutem, non est illiberalis: qui uero idiplum agit  
propter alios, sæpe utiq; uidebitur illiberaliter  
ac sordide agere. Disciplinæ igitur illæ, de qui-  
bus diximus, ad utranq; partem se habent.

*Quatuor esse, quæ pueri discere consueuerunt: qua-  
rum alijs osij, alijs negotij causa utimur.*

*Cap. 111.*

**S**unt autem ferè quatuor, quas discere iue-  
nes consueuerunt, literas, gymnasticâ, musi-  
cam. addunt uerò & quartum quidam, figurâ-  
di peritiâ. Literas quidem & figurationem,

tanquam utiles & valde expeditentes ad uitam  
gymnasticam verò tanquam pertinentem ad-  
fortitudinem. De Musica uerò iam ambigitur,  
nam nunc quidem plurimi uoluptatis gratia il-  
lam addiscunt: ueteres autem inter disciplinas  
eam collocauerunt, ex eo quòd natura querit  
(ut sepe dictum est) non solum in negotio rectè,  
verumetiam in otio laudabiliter posse uersari.  
Hoc enim principium est omnium, ut rursus de  
illo dicamus. si enim utroq; opus est, magis au-  
tem expetendum est otium quàm negociū, nec  
id quidem in ioco: nam sic necesse foret iocum  
esse finem uitæ, quòd si sit impossibile, & magis  
in negociis utendum est ioco, nam qui laborat,  
indigent relaxatione: & huius gratia est iocus:  
negotia uerò sunt cū labore & conatu: & pro-  
pterea oportet iocum adhibere, qui tanquam  
medicinam eo tempore afferat: nam relaxatio  
est huiusmodi motus animi, & requies per uo-  
luptatem. Otium autem ipsum uidetur in se vo-  
luptatem habere, & felicitatem & uitam bea-  
tam: & hoc non negotiosis, sed otiosis existit, nā  
qui negociatur, alicuius gratia negotiatur,  
quod sibi desit: felicitas autem finis est, quàm  
non cum dolore, sed cum uoluptate esse omnes  
putant. Hanc tamen uoluptatē non eandē om-  
nes posuerunt, sed secundū se unusquisq;, & se-  
cundū suum habitum: optimus tamen optimā,  
& eam quæ sit ab honestissimis. Itaq; manifestū  
est, quòd oporteat ad otium quoq; degēdū ad-  
discere quædam, & erudiri: & has eruditiones  
ac disciplinas sui ipsarum esse gratia: illas uerò  
quæ ad negotium, tanquàm necessarias & gra-  
tia illorum. Quapropter Musica antiqui inter  
disciplinas collocauerunt: non tanquā rem neces-  
sariam,

fariam, nihil enim habet tale: neq; tanquam vilem ut literæ ad lucrum, & ad rem familiarem, & ad studia, & ad ciuiles actiones cōplurimas. \* μάθη-  
σις. Videtur quoq; figurādī peritiā utilis esse ad iudicandum melius artificū opera, neq; ut gymnastica ad sanitatem & robur: nihil enim horū videmus ex musica fieri: restat ergo quod ad degendum in otio, ad quod & apparet eam adhiberi: quā enim putant degentiam esse ingenuorum hominum, in ea constituunt. Quapropter Homērus in poēmate suo ita inquit:  
*Sed quale est vocari ad mensam opipare paratam.*  
 Deinde nominans quosdam alios, subdit:  
*Et accersunt citharædum, qui omnes demulceat.*

& alio loco ait Vlysses:

*Optimam esse degendi rationem, quando letis omnibus conuiuia audiunt citharædum, sedentes per ordinem.*

Quod igitur sit disciplina quædam, quā non ut utilem, neq; ut necessariam docēdi sunt filij, sed ut liberalem & honestam, manifestum est. Vtrum autem vna sit numero, an plures, & quænam istæ, & quomodo, posterius dicetur. Nunc tantum id premissum sit, quod apud antiquos habemus testimonium ex his disciplinīs quas diximus, musica enim hoc manifestat. Ac etiam de utilibus, quod aliqua addiscere pueros oportet, non modo propter utilitatem, ut patet in literis, uerū etiam propter multas disciplinas alias, quæ per literas addiscuntur. Similiter uero figurandi peritiā, non ut in uenundando emendoq; ualē non decipiātur, sed potius quia contemplari facit pulchritudinem corporum: quætere uerō utilitatem ubique, minimè congruit magnanimis, & ingenuis hominibus.



Cum uerò manifestum sit, utrum moribus an ratione sit disciplina tradenda, & an circa corpus primò, uel circa mentem, paret ex his quod adolescentes gymnasticæ & pædottibicæ sunt tradendi: quarum altera qualem aliquam facit habitudinem corporis, altera operationes.

*De gymnastica, & puerorum exercendorum disciplina.*

*Cap. IIII.*

**N**unc autē quæ ciuitates curam habere puerorum maximè uidetur, partim athletarum habitudinē inducere student, in quo deformant corpora ac augmentationem eorum impediunt. Lacones uerò in hoc quidem non errant, sed efferatos laboribus reddunt adolefcētes, quasi hoc utile sit maximè ad fortitudinem. Atqui, ut iam sæpius diximus, neq; ad unā uirtutem, neq; ad hanc maximè respiciendum est ab eo qui curam facit institutionis, & si ad hanc, non tamen id consequuntur: neq; enim alijs in animalibus, neq; in gentibus uidemus fortitudinem adesse maximè efferatis, sed potius mansuetioribus & leoninis moribus; multæque sunt gentes, quæ ad cædes hominum, & ad eorum comestionem insultant: ut circa Pontum Achzi & Heniochi, & ex Mediterraneis aliz gentes similiter his, uel magis: quæ quidē gentes clanculum perinsidias latrocinantur, ad bellica tamen opera nihil ualent. Præterea scimus Lacones, dum ipsi soli exercebantur, præstitisse cæteris: nunc autem esse aliis inferiores, non enim ob id præstabant, quod iuuentutem exercerent, sed quod ipsi exercitati contra non exercitatos pugnant. Itaq; honestas,

at non feritas est in certaminibus præferenda, neque enim lupus, neque alia bestia, honestum periculum pugnando subiret, sed magis vir bonus. Qui vero adolescentes in hæc nimium tradunt, & in necessarijs absq; disciplina dimittunt, merè illos sordidos reddunt: ad vñ enim opus reipublicæ vtilis faciunt, & illud ipsum deterius, vt ratio ostendit: oportet autem non ex prioribus operibus, sed ex his quæ nunc sunt, iudicare. nam nunc quidem illi qui repugnant, disciplinam habent, tunc verò non habebant. Quòd igitur vtendum sit gymnastica, & quomodo utendum concessum existat; vsq; enim ad pubertatem leuiorès exercitationes sunt adhibendæ, absq; victu illo violèto & laboribus coactis, ne corpora crescere impediantur. Signum erit non paruum, quòd ita contingat: quia inter eos qui Olympia vicerunt, duo vel tres tantum reperiuntur, qui iidem adolescentes & viri sint victoriam consecuti: propterea quòd per exercitationes pueris adhibitas sublata sit vis ac robur à violentis laboribus. Post pubertatem verò cum annis tribus ad alia perdiscenda intenderint, tunc congruit & laboribus & victu necessario illos occupare, nam simul mente & corpore laborare non oportet: cum seinuicem impedire nata sint: labor quidem corporis, mentem: mentis autem, corpus.

*De musica pulchra disceptatio: de eius effectibus: & eam ad puerorum disciplinam esse adhibendam. Cap. V.*

**D**E musica verò dubia quædam posuimus antea, & nunc rectum erit illa resumere, vt tanquam

tanquam consentanea fiant rationibus quas quis de ea dicens ostendat. Neq; enim facile est demonstrare, quam potentiam habeat, neq; cuius gratia illam adipisci oportet, vtrum solatii causa & quietis, quemadmodum somnus, & potus. nam hæc per se ipsa non sunt honesta, sed iocunda, & simul cessare curas faciunt, vt inquit Euripides. Quapropter instituunt in illa & vtuntur cunctis istis similiter, somno, & potu, & musica, in his quoq; saltationem posuerunt. An magis putandum est ad virtutem tendere musicam, vt potentem, quemadmodum gymnastica tale aliquod corpus reddit, sic & musicam talem aliquem morem efficere, assuefacientem posse rectè latari. An ad degendi rationem aliquid confert, & ad prudentiam: nam hoc tertium ponendum est, ex his quæ dicuntur. Quod igitur oporteat pueros non solatii gratia discere, manifestum est: non enim solantur discētes: nam cum labore est disciplina. Atqui nec ad degendi rationem pueris, neq; illa ætati congruit attribuere, nulli enim imperfecto cōpetit perfectio. Sed forsā videbitur puerorum studium solatii esse gratia viris factis & perfectis. Quod si hoc tale est, cuius gratia oportet ipsos addiscere? ac non potius, instar Persarum Medorumq; regum, per alios idem facientes voluptatis ac disciplinæ participes fieri? etenim necesse est melius perfici ab his, qui hoc opus suum fecerunt & artem, quam ab his, qui tanto solum tempore in eo laborauerunt, quanto addiscunt. Quod si oportet in his eos laborare, similiter & circa epularum apparatus oportebit utiq; eos addiscere: quod est absurdum. Eadem quoque dubitatio cadit, si possit mores facere meliores, quid

quid enim opus est eos hac addiscere, ac non ex aliis audientes rectè lætari, & iudicare posse quemadmodum Lacones? Illi enim quamquam non didicerint, possunt tamen rectè iudicare, vt aiunt, quæ sit bona, uel non bona melodia. Ea demq; ratio foret ad solatium, & ad rationem degendi otii libero homine dignam. quid enim oportet eos discere, ac non aliis vtentibus frui? Considerare hoc licet ex opinione, quam habemus de Diis: non enim Iupiter cantat, aut citharam pulsat secundum poëtas: imò illos qui talia faciunt, appellamus viles: & opus illud non viti neq; sobrii, sed iocantis. At enim de his postea erit considerandum. Prima verò quaestio est, vtum musica sit in ioco reponenda, vel non: & quid potest efficere de his tribus in dubitatione propositis, vtum disciplinam an solatium, an rationem otii degendi. Ratio- nabiliter quidem ad omnia instituitur & vide- tur omnium particeps, nam & iocus gratia re- quietis est, ac quietem necesse est esse iocun- dam, est enim medicina molestiz illius, quæ per labores suscipitur: & ratio degendi otii nō solum honestatem habere debet, verum etiam uoluptatē: felicitas enim ex ambabus istis est. Musicam uerò omnes fatemur esse ex iocun- dissimis, siue nuda sit, siue cum modulatione. Inquit profectò & Musæus, Carmen dulcissi- mam rem esse mortalibus: Quapropter & ad cœtus familiarum, & ad uitam in otio degen- dam, rationabiliter illam recipiunt, ut poten- rem latitiam afferre. Vnde & ex hoc quis in- telligat illam pueris esse perdiscendam. quæ- cunq; enim iocūda sunt, atq; eadem innocua, non solum congruui ad suam, uerum etiā ad  
quiētē,

quietem: cum verò contingat hominibus per-  
 rare esse in fine, persape autem cessant & tran-  
 sunt iocis, non ob aliud modo, sed etiam ob dele-  
 ctationem, vtile foret requiescere in his, quæ ab  
 illa proueniunt, uoluptatibus. Contingit autē  
 hominibus fecisse iocos finem, cum & habeat  
 fortasse finis uoluptatem quandam, sed non  
 quamcunq; . Quærentes verò istam, accipiunt  
 hanc pro illa, ex eo quod cum fine agendi simi-  
 litudinem habet, nam finis gratia nullius futuri  
 expetitur: & tales uoluptates nullius futuri  
 gratia, sed gratia eorum quæ ante recesserunt, la-  
 borum scilicet, & molestiarum, per quam igitur  
 causam quærent felicitatem fieri, per huiusmo-  
 di uoluptates, hanc utiq; aliquis rationabiliter  
 existimet causam. De communione autem mu-  
 sicæ non per hæc solum, sed etiam quia utilis  
 sit ad cessationes, ut uidetur nec per eas modo,  
 sed insuper quærendum, num aliquando aliud  
 ex ea proueniat, pretiosior quidē natura eius  
 est, quam secundum eum usum, de quo supra  
 dicitur: & oportet non solum ab ipsa uolupta-  
 tem capere, quam participant omnes secundū  
 sensum, habet enim musica naturalem uolu-  
 ptatem, per quam illius usus cunctis ætatibus,  
 cunctisq; moribus est acceptus. Sed uiuendum  
 est, si quo modo ad mores extenditur & ad ani-  
 mum: id autem patebit, si aliquādo tales aliqui  
 secundum mores per illā efficiamur. Atqui quod  
 efficiamur, per Olympi moderationem manife-  
 stum est: ei namq; abstrahit animam, & quodā-  
 modo rapit: raptus verò & abstractio anime  
 circa motū affectio est. Præterea audiētes repræ-  
 sentationes, omnes afficiuntur etiam sine melo-  
 diis & uersibus. Cum verò contigerit musicam  
 esse

esse delectabilem, virtutem autē esse circa la-  
tandum rectē, & amare & odire, oportet profe-  
cto addiscere & assuescere ad nullam rem adeo,  
vt ad iudicandum rectē & ad gaudendum man-  
suetis moribus, & laudabilibus operibus. Sunt  
autē in rhythmis & melodijs similitudines ma-  
ximē penes veras naturas itz, & mansuetudi-  
nis ac fortitudinis & tēperantiz, & contrariorū  
his, & aliorum omnium quę ad mores pertinet.  
Pater id ex effectu: mutamus enim animam ta-  
lia audientes, mos autem dolendi ac latandi in  
similibus prope est, vt erga veritatem eodem  
modo se habeat: ceu si quis gaudet imaginē ali-  
cuius vidēs, non propter aliam causam, sed pro-  
pter formam ipsam, necessarium est huic &  
aspectum ipsum illius, cuius imaginem contem-  
platur, esse iucundum. Cōtingit autem in alijs  
quidem sensibilibus, nullam existere similitudi-  
nem morum: vt in his quę tactu vel gustu per-  
cipiuntur: in his etiam quę visu, admodum pa-  
rum, figurę enim sunt talia, sed ad modicum: &  
omnes huiuscemodi sensus participant: insuper  
non sunt hę similitudines morum, sed signa ma-  
gis, quę sunt figura & colores morum, & sunt  
hęc à corpore in passionibus. Attamen quan-  
tum refert circa horum uisionem, oportet pue-  
ros non figuras inspicere Pasonis, sed Poly-  
gnoti: & si quis alter pictor vel statuarius sit  
moralis. At in melodijs ipsis sunt imitationes  
morum, & hoc est manifestum. statim enim  
harmoniarum distincta est natura, ita vt quę  
audiunt, aliter disponantur, nec eodem modo se  
habeant ad vnāquamq; ipsarum, sed ad quasi-  
dam stēbiliter & contrariē magis, puta ad eam  
quę appellatur Lydia mista: ad quasdam versò  
mollius



mollius secundum mentem, ceu ad illas quæ sunt remissa: ad aliam uerò mediocriter & compositè plurimum, ut uidetur Dorica facere sola hominum harmoniarum. Phrygia uerò distrahit ac rapit animum, & quasi extra se ponit. hæc enim rectè dicunt, qui circa huiusmodi disciplinam philosophantur: capiunt enim uerborum testimonia ex rebus ipsis. Eodem modo se habet circa rhythmos: alii enim morem continent grauius, alii concitant, alii violentiores afferunt motus, alii liberaliores. Ex his igitur patet, quòd musica potest animi morem aliquem facere. Quòd si hoc potest musica, clarum est quòd ad puerorū disciplinam est adhibenda, & in ea pueri sunt instituendi. Congruit autem nature huiusmodi disciplina: nam pueri propter ætatem nihil ferunt sponte, quod non habeat in se iocunditatem: Musica uerò ex his est, quæ sunt iocunda secundum naturam. Et uidetur cognatio quædam esse nobis cum harmoniis & rhythmis, quapropter multi sapientum dixere, alii quidem animam esse harmoniam, alii uerò habere harmoniam.

*De Musica quid dicendum, hac ea utenaur, quidus minime: ubi de musicis instrumentis quamplura. Cap. VI.*

**V**trum autem addiscere eos oportet cantando, & manibus agendo, uel non, quæ admodum prius dubitatum est, nunc erit dicendum. Non est obsecrum si interesse multum ad hoc, ut efficiamur aliquales, si quis operum ipse sit particeps: nepe impossibile est uel certè admodum difficile, ut qui opera ipsa non tractat, peritè

petite ualeat indicare. Est simul opus est ut pueri habeant exercitationem aliquam, & Archita tabella rectè reperta est, quam pueris dant, ut in ea occupari, illa quæ sunt domi, non frangant: nescit enim pueritia quiescere. hic est ergo infantibus conueniens ludus: disciplina uerò maioribus tanquàm tabella quædam. Quòd igitur docendi sint musicam, ita ut in opere ipso uersentur, ex ipsis patet. Quid autem deceat uel non deceat secundum ætates, non difficile est determinare, ac respondere uituperatoribus, uile huiusmodi exercitium esse dicentibus. Primum igitur cum indicandi causa sint hæc opera perdiscenda, oportet in pueritia illis operam dare. in maiori uerò ætate exercitationem dimittere: tantummodo autem iudicare posse per disciplinam adeptam, ac letari recte. Vituperatoribus autem, qui aiunt sordidos ac uiles musicam facere, non difficile est respondere, si consideremus, quousque illi opera danda sit ab his, qui ad uirtutem ciuilem erudiuntur, & quæ melodiarum, quæue rhythmus sint addiscendi, & præterea quibus instrumentis percipiatur. nam in eo quidem plurimum refert, consistitque in his objectionibus solutio. nihil enim uetat, modos quosdam musicæ illud, quod aiunt, efficere. Clarum est igitur oportere disciplinam eius neque impedimentum asserre cæteris operationibus, neque corpus efficere inutile ad bellicas ciuilesque exercitationes: ad usus quidem iam, ac disciplinas uerò postea. Erit autem hoc, si neque in illis laborabunt quæ ad certa artificia pertinent, neque circa admirabilia quædam & superflua, quæ in certamina prius, & de certaminibus in doctrinam uenere: sed eousque, ut gau-

dere ualeāt probabilius melodijs & rhythmis, & non communi sensu musica solum, ut animalia quedam, & turba seniorum ac puerorum. Patet etiam ex his, quibus instrumentis sit utendum. neque enim tibiæ sunt in disciplina recipiendæ, nec aliud artificiosum instrumentum, ut cithara, & siquid aliud tale: sed quæcunque faciunt auditores bonos, uel musica disciplinæ, uel alterius. Insuper tibia nō est morale, sed potius suscitatorium & concitatorium. Itaque ad huiusmodi tempora est utendum illa, in quibus spectacula magis purificationē patiuntur, quàm disciplinam. Adiungamus autem & illud, quod contrarium disciplinæ efficit, impediens rationem, uti tiliarum sonus. Quapropter bene reprobauerunt illarū usum antiqui, licet prius vñ fuissent. Studiosiores enim facti propter diuitias, & animosiores ad uirtutem, post uictoriam contra Medos habitam, ac ex rebus gestis magnum de se opinantes, disciplinam omnium arripuerunt, non iudicantes, sed experientes. Quapropter tiliarum quoque vsus tunc receptus est. nam & apud Lacedæmonios quidam qui ludos exhibebat, ipsemet tibijs modos fecit. & Athenis eoulsq; in consuetudinem uenit, ut ferè ingenui omnes addiscerent. quod patet ex tabula à Trasippo posita, cū ludos pro tribu sua dedit. Postea uerò in desuetudinem abiit, & improbari cœpta est, cū iam melius per experientiam iudicare possent, quid ad uirtutem pertineret, & quid non. Eodemque modo permulta instrumentorum antiquorum improbata sunt, ueluti Pectides & Barbiti, & quæ ad uoluptatem audientium intendebant, heptagona, & trigona, & sambuca, & cuncta quæ indigent

gent perita manuum gesticulatione . Rationaliterque illud se habet , quod antiqui de tibijs fabulantur . aiunt enim Mineruam repertricem , tibias abieciſſe ob deformitatem oris . atqui nō malè ſe habet dicere , feciſſe hoc Deam , deformitate oris inſenſam : ſed tamen multo magis ob id , quia nihil cōfert tibijs uſus ad intelligentiam & mentem , cū ſcientia & ars Mineruæ ſit attributa . Cū uerò instrumentorum & operis probauerimus artiſcioſam diſciplinam : artiſcioſam uerò illam poſuimus , quæ uerſatur in certaminibus : in illis enim qui agit , non propriæ uirtutis gratia agit , ſed ut audientes delectet , & oneroſa quidem delectatione : quapropter non ingenui hominis cenſemus eſſe huiusmodi opus , ſed per uiles ac ſordidos contingit illud fieri . nam ſinis , cuius gratia faciūt , improbus eſt , cū ſpectator oneroſus exiſtens , modo hoc , modo illud exigere conſueuit : ita ut artiſces quoq; placere ſtudentes , illiusmodi efficiātur , & corpora ſimiliter propter motus .

*Harmonijs , & rhythmis omnibus utendum eſſe : diuerſis tamen ad diuerſa , ac ſecundum aetates diuerſas : ubi de harmoniarum differentijs multa . Cap. VII.*

**C**onſiderandum eſt autem , utrum omnibus utēdum ſit harmonijs & omnibus rhythmis , an diſtinguēdum . Deinde utrum illis , qui eruditionis cauſa laborant , eandem diſtinctionē tribuamus , an tertium quiddam aliud . Quoniā uidemus muſicā eſſe per melodiam & rhythmos , horum utrunque latere non debet , quam uim habeat ad doctrinam : & utrum præferenda

fit ea pars, quæ in melodijs consistit, an ea quæ in rhythmis. Putans igitur multa de his esse dicta recte à musicis quibusdam, qui nunc sunt, & à philosophis qui peritiam habent huius discipline, discussionem & examen singularum partium illis dimittemus, qui perquirere uolent: nos autem legitime solummodo in genere de ipsis dicamus. Cum illa proberetur à nobis melodiarum diuisione, quam faciunt quidam philosophi, quod alia sunt morales, alia effectiua, alia abstractiue, ponentes naturam earum ad singula istorum propriam: dicimus autem, non uinius utilitatis gratia oportere musica uti, sed multarum: nam & doctrinæ gratia & purificationis. (quid autem purificationem intelligamus, nunc simpliciter, alia uero diligentius in his quæ de Poëtica scribimus, dicemus) tertio gratia degendi otij quietisq; causa & remissionis curarum: patet omnibus harmonijs esse uiendum, sed non eodem modo: uerum ad doctrinam quidem moralibus est utendum maxime: ad eruditionem uero aliorum pulsante, effectiuis & abstractiuis. nam affectio illa, quæ contingit circa animos quorundam uehementer, in cunctis existit. Differt autem secundum magis & minus, seu miserationis & metus, & præterea abstractio animi. nam per hunc motum deuoti, & supplices quidam fiunt. Videmus autem & sacris melodijs ita affici, quando utuntur expiantibus animam carminibus, quasi medicina fretis, & purificatione. Hoc idem euenire necessum est ijs qui commiseratione, & qui metu, & qui alijs affectibus definiuntur, & alijs, quatenus cuiq; talia contingant fieriq; in omnibus purificationem quādam & leuationem cum uoluptate.

Similiter

Similiter autem carmina purificatiua latitiam  
afferunt innoquam hominibus. quapropter tali-  
bus harmonijs, & talibus carminibus spectandi  
sunt hi, qui theatralem musicam tractant certa-  
tores. Sed cum spectator sit duplex, alter inge-  
nuus & doctus, alter uilis & indoctus, ex opifi-  
cibus turbaque urbana, his quoque accommo-  
danda sunt certamina, & spectacula ad cessatio-  
nem & requietem. ut enim illorum animæ di-  
stortæ sunt à naturali habitudine, sic harmonia-  
rum & melodiarum distortionem sunt quædam,  
illa quæ sunt uehementes & infractæ. Delectat  
verò singulos id quod lux naturæ sit aptum.  
quamobrem licentia permittenda est his, qui de  
arte musica cernant in theatro, ut ad huiusmodi  
spectatorem tali genere utantur musicæ. Ad do-  
ctrinam uerò, quemadmodum dictum est, mo-  
ralibus melodijs est utendum, & talibus harmo-  
nijs, qualis est Dorica, ut supra diximus. Reci-  
pienda est & alia quamcunq; nobis suadent, qui  
in philosophia musicaque uersantur. Socrates  
verò in libris de Republica non rectè Phrygiam  
tantummodo adiungit ad Doricam, licet im-  
probans tibiam ex instrumentis. habet enim  
eandem vim Phrygia in harmonijs, quam ha-  
bet tibia in instrumentis. ambæ enim concitant  
animos, & in affectus impellunt. Ostendit hoc  
Pœsisi: tota enim bacchatio, & tota huiusmodi  
concitatio maximè omnium instrumentorum  
per tibias fit. harmonia uerò Phrygia maximè  
hunc modum habet: ceu Dithyrambus mani-  
fessè uidetur esse Phrygius. Cuius quidem rei  
plura afferunt argumenta, qui circa huiusmodi  
rerum intelligentiam vacant. & inter cætera il-  
lud, quòd Philoxenus aggressus Dorice facere



Dithyrambos in fabulis, nō potuit, sed ui illius naturæ tractus fuit ad Phrygiam harmoniam, quæ maximè illis congruebat. Doricam autem fatentur omnes constantem esse ac firmam, moremque summopere continere uirilem. Præterea cū medium extremorum sumendum esse diximus: Dorica autem hanc habet naturam ad alias harmonias: manifestū est, quod Doricam præ cæteris decens est iuniores addiscere. Sed duo consideranda sunt. unum, quid possit: alterum, quid deceat. nam possibilia quisque aggredi, & conuenientia sibi debet. Sunt autem hæc distincta ætatibus, ceu defessis iam tempore non facile est alti spiritus cantilenas canere, sed talibus subiicit natura remissas. Ex quo Socratem in hoc quoque merito reprehendunt quidam ex his, qui circa musicam uersantur, quod remissiores harmonias improbauit ad doctrinam quasi uinolentas accipiens eas, non secundum uinolentiam naturam (nam uinolentia magis debacchari facit) sed defessas. quare & ad futuram ætatem seniorum, opus est huiuscemodi harmonias attingere, & huiuscemodi melodias. Præterea, si quæ est talium harmoniarum, quæ conueniat puerorum ætati ex eo quia possit ornatum simul doctrinam quæ afferre: quod Lydia maximè omnium harmoniarum habere uidetur: manifestum quod hæc tres determinationes sunt in doctrina faciendæ, medium, possibile, ac decens.

*Librorum Octo Politiconum finis.*

## ARISTOTELIS

STAGIRITAE,

PERIPATETICORVM

PRINCIPIS,

Oeconomicorum.

LIBER PRIMVS.

Leonardo Aretino interprete.

SUMMA LIBRI.

*De iis, quæ ad rem maxime familiarem, ei que sunt propria. De variis erga diuersos Oeconomi legibus.*

*Quomodo differant & conueniant inter se Politica & Oeconomica, & quis earum sit ordo.*

*Cap. 1.*



Es familiaris & respublica inter se differunt, non solum quantum domus & ciuitas: (hæc enim sunt eorum subiecta:) verum etiam illo, quod in republica quidem plures imperant, in res familiari vero vnus duntaxat est imperator & rector. Quædam enim artes distinguuntur, nec est eiusdem fecisse, ac facto vti: quemadmodum lyra & fistulis. sed reipublice discipline, est ciuitatem ab initio constituisse, & constituta bene vti. itaq; patet etiam esse rei familiaris,

parare domum, & illa uti. Ciuitas quidem est multitudo domorū, agrō & pecunijs sufficēter abundans ad bene uiuēdum. Id aut ex eo patet, quod si compotes horū esse nequeunt, societas soluitur. Insuper huius gratia in unum coeunt. cuius aut gratia unumquodq; est, & fir, & substantia ipsius hęc existit. Itaq; patet priorē esse rem familiarē quā rēpublicam; nam & opus illius est: pars. n. ciuitatis est domus. Considerandum est igitur de re familiari, qđ sit illius opus.

*De partibus domus, & unde sit sumenda  
possessio. Cap. 1-1.*

**D**Omūs quidem partes sunt, homo & possessio. Quoniam uerō primum in minimis natura cuiusque inspicitur, in domo quoque se habet ita. Quare secundum Hesiodum hoc ad esse conuenit:

*Domicilium in primis, mulieremq; & bouem aratorem.*  
Alterum enim primum in victu est, alterum in liberis. itaque oportet ea quæ ad uxorem spectant, rectē disposuisse, hoc est prouidisse, ut talis sit qualis esse debeat. Possessionis autem prima cura est ea, quæ secundum naturam. secundum naturam uerō potissima est agricultura. Secundo loco, omnia quæ sunt à terra: ceu metallorum, & si quæ alia huiusmodi, sed agricultura præcipuē, quoniam iusta. non enim ab hominibus, nec uolentibus ut cauponaria & mercenaria: nec inuitis quærit, quemadmodum bellicę artes: & est earum rerum quæ sunt secundum naturam. natura enim omnis educatio est à matre: quare & hominibus à terra. Prodest etiam hęc plurimum ad fortitudinē. non enim, quemad-

*Agricultura dotes.*

quemadmodum viles artium, corpora enervat, sed talia facit, ut & sub dio consistere, & tolerare laborem valeant, & aduersus hostes pericula capeffere. soli enim hi res suas extra munitiones habent.

*Quod viri & mulieris societas secundum naturam sit & necessaria, & quod multa commoda contineat. Cap. III.*

**S**ed eius diligentia, quæ est circa homines, præmaxime sunt partes circa uxorem. societas enim est maxime secundum naturam mari & foeminae. Præmissum est enim à nobis & alijs locis, desiderare naturam multa efficere talia, veluti vnumquodque animalium, est enim impossibile foeminam sine mare, aut mare sine foemina hoc adimplere. quare eorum societas necessitate constituta est. Enimvero in cæteris animalibus absque ratione id fit, & in quantum naturæ capacia sunt, & procreandi gratia solum. in cicuribus autem & prudentioribus distinguuntur magis. apparent enim in his magis mutua auxilia, & dilectiones & cooperationes: maximeque in homine id conspicitur, quod non essendi causa solum, verum etiam bene essendi mas & foemina ope mutua coniunguntur. filiosque procreant, non solum ut id naturæ tributum ferant, verum etiam ut commoda exinde suscipiant. valentes enim ipsi, imbecilles suos labore tuentur, & alunt. mox imbecilles ob senium facti, à valentibus eadem reportant. Et simul natura per hunc circuitum adimplet sempiternitatem: ex quo secundum numerum non potest, at secundum speciem. sic enim diuina

cc Cc 5

prouiden.

providentia utriusque natura ordinata est, viri scilicet, & mulieris ad societatem. Tendunt enim eorum omnia in idem utilitatis, licet contraria quædam videantur. Alterum enim robustum facit, alterum imbecillius. ut hoc quidem ob timorem cauti, illud vero propter fortitudinem pugnacius esset. & alterum parat foris, alterum parta domi conseruat. Ad operis vero effecti-  
onem, alterum sedulitatem intra limen agit, ad externam vero peruagationem imbecillum: alterum ad sedulitatem deterius est, ad motus autem ualentius. Circa prolem autem, generatio quidem propria est, utilitas vero communis. alterius enim nutrire est, alterius erudire.

*Leges viri ad uxorem.*

*Cap. IIII.*

**P**rimum igitur leges sint viro ad uxorem, & iniuria cesset. sic enim nec ipse iniuriam patietur. hoc enim & communis lex inducit, ut Pythagorici dicunt, quemadmodum seruam à lare abductam, quam minimè decet videri iniuria afficere. est autem viri iniuria externarum mulierum coitus. In usu vero, ut neq; desit presentibus, nec absentibus impotens sit acquiescere: sed ita assuescitur, ut sufficienter se habeat in presentia & absentia. Rectè uero se habet & illud Hesiodi: *Fuellam accipere oportere, ut gratis moribus eam imbuiere possis.* diuersitates enim morum nequaquam sunt ad dilectionem aptæ. Circa ornatum uero, quemadmodum in moribus fictionem esse non decet, si simul appropinquare debent, sic etiam nec in corpore. nam illa, quæ per ornatum fiunt, nihil differunt ab histrionum usu, Tragicæ in scena agentium.

*Leges*

*Leges domini ad seruos. Cap. V.*

**P**ossessionum autem prima quidem, ac maxime necessaria est illa, quæ optima & principalissima: id autem est homo. quapropter oportet primo seruos parare studiosos. Seruorum autem species duæ, curator, & opifex. cum uerò cernamus, quod disciplinæ tales aliquos faciunt iuuenes, necessariū est postquam paraueris, imbuere illos, quibus liberalia officia fuerint committenda. Cum seruis autem versetur ita, ut neque superbos esse sinat, neq; abiectos, & liberalioribus quidem honorem, opificibus uerò cibum abunde tribuat. Et quoniam uini potus etiam liberos ad insolentiam impellit, & apud multas nationes ingenui quoq; ab illo se abstinere, ut Carthaginenses dum militant: patet quod uini, aut nihil \* aut ualde raro seruis tradendū est. Tria uerò cum sint: opus, \* ἢ οὐδὲν  
cibus, & castigatio; cibus quidem sine castigatione & opere petulantem reddit: opus uerò, & castigatio sine cibo, uiolenta res est, & infirmum facit seruum: restat igitur, ut opus faciendum illi tribuat, & cibum sufficientem, sine mercede enim dominandum non putant. merces autem serui, cibus est. Verum ut alij deteriores fiunt, quando nec melioribus tribuitur melius, neq; præmia sunt uirtutis & uitij proposita: sic etiā serui. quapropter oportet considerationem habere, ac indulgere illis, & permittere singula secundum merita, & cibum, & uestem, & quietem, & castigationem uerbo, & opere, medicorum artem imitantes, in medicinæ loco prospicientes, quod quidem cibus medicina non est propter continuationem. Genera uerò seruorum  
ad opus



ad opus faciendum optima essent, neque timida, neque fortia nimis, in utrisque enim peccatum est: nam & nimis timidi non ferunt laborem: & ferocibus non commodè imperatur. Oporteret quoque finem omnibus esse terminatum. est enim iustum simul & utile, libertatem esse propositā. libenter enim labores subeunt, si & propositum primum conspexerint, & tempus definitum. Sunt etiam procreatis filiis, tanquam obsidibus obligandi. Nec plures habendi sunt eiusdem generis, quemadmodum in ciuitatibus. Sacra quoque & largiores epulas seruorum gratia magis faciendum, quàm liberorum. plura enim ipsi habent, cuius utique gratia talia instituta sunt.

*Leges Oeconomi.**Cap. V.*

**Q**uatuor habere oportet patrēs familiās circa pecunias. nam & querere posse conuenit, & quaesita tueri. alioquin nulla querendi foret utilitas. nam cribro haurire nihil aliud est, quàm (quod dici solet) cerebratū vas. Esse præterea talem, ut & ornari presentibus & frui sciat. horū enim gratia habere illas expedit, distinguenda quidem sunt singula, & plura habenda fructuosa quàm infructuosa, & negotia sic sequestranda, ut omnium simul periculum non subeat. Circa tuendum autem quaesita, utiles sunt Persica & Laconicz, utilis etiā Attica dispensatio. uendentes enim emunt, & penoris institutio non est in exilioribus administrationibus. Est autē Persica, ipsum omnia iubere, omniaq; inspicere. Et quod de Dionysio inquit Dion. nullus enim parem curam habet alienorum

rum & suorum . itaque quæcunque per ipsum  
 geri possunt , circa illa cum diligentia intendant.  
 in quo Persæ simul & Libyci dictum rectè se ha-  
 ber . Persa enim rogatus , quid equum maxime  
 pinguem faceret : Oculus domini , respondit .  
 Libycus verò rogatus , quod sterquilinum a-  
 gro foret optimum : Domini , inquit , vestigia .  
 Sunt igitur inspicienda negotia diligenter viro ,  
 inspicienda etiam ab uxore , prout inter eos di-  
 stinctæ sunt cura . Et hoc faciendum est , in exi-  
 lioribus quidem administrationibus , raro : in  
 grandioribus autem , quorum cura alijs com-  
 mittitur , sæpe . nisi enim quis bonum exemplum  
 de se præbuerit , imitatore diligentiæ habitu-  
 rum non existimant , neque in re familiari neq;  
 in alijs : quoniam impossibile sit , non diligentis  
 domini diligentes esse vicarios . Cum verò hæc  
 ad virtutem honesta sint , & ad rem familiarem  
 utilia , expergisci decet prius dominum quàm  
 seruum , & cubitum ire posterius . nec unquam  
 in custoditam esse domum , quemadmodum nec  
 urbem , quando opus est , neq; die , neq; noctu .  
 Et ante lucem surgere , quod & ad sanitatem , &  
 ad curam rei familiaris , & ad studium Philoso-  
 phiæ prædest quamplurimum . In parvis igitur  
 administrationibus Attica regula circa fructus  
 utendum est : in magnis verò distinctio facienda  
 est eorum quæ in annum , & eorum quæ in  
 singulos menses , consumere oportet . Eo-  
 demque modo in instrumentis separanda sunt  
 ea , quorum usus quotidianus est , ab his quæ ra-  
 rò sunt vsui . hæc tradenda sunt ijs , quibus nego-  
 tia cōmiseris . ac certo tenore inspectio eorū  
 facienda erit , ut nō lateat , quid saluū sit , quid ve-  
 perierit : Aedes quoque ita paranda sunt , ut &  
 rerum

rerum possessarum, & salubritatis, commodi-  
 tatisque rationem habeamus. Rerum possessa-  
 rum dico, ceu fructuum & vestium, quales his  
 conducant. & fructuum, quales aridis, & qua-  
 les liquidis: & aliarum rerum, & quales ani-  
 matis, & quales inanimatis, seruisq; & liberis,  
 maribusque & foeminis, ciuibus & peregrinis.  
 Commoditatis verò & salubritatis, ut estate qui-  
 dem ventorum afflatum, hyeme verò Solem re-  
 cipiat: essent autem tales, si auerso Borea fue-  
 rint, nec zqualiter late. Videtur quoq; in ma-  
 gnis domibus utilis esse ianitor, qui sit ad cete-  
 ra inhabilis, pro obseruatione importando-  
 rum & exportandorum. Ad rectum ve-  
 rò vsum instrumentorum illud La-  
 conicum valet, singula suo lo-  
 co iacere. sic enim pa-  
 rata non requi-  
 rentur.

## ARISTOTELIS

## OECONOMI-

## CORVM,

## LIBER SECVNDVS.

## SYMMA LIBRI.

*De officiis & legibus, tum propriis, tum mutuis  
viri & mulieris.*

*Leges proba mulieris.*

*Cap. I.*

**R**obam mulierē omnibus quæ sunt intus, dominari oportet, curamq; habere omnium secundum præscriptas leges, non permittentem quenquam ingredi sine præcepto viri, veritatem maximè verba, quæ de mulierum corruptela circumferuntur. & si quid intus accidat, ut sibi notum sit soli: & si quod malum ab ingredientibus committatur, ut penes virum sit culpa. Dominam verò impensarum ad festos dies, quos permiserit vir. Sumptu, & vestitu, & apparatu minori etiam viatur, quam leges permiserint ciuitatis: considerans, quod nec vestimentorum nitor, nec excellētia formæ, nec auri magnitudo tantum valet ad mulieris laudem, quantum modestia in rebus, ac studium honestè decoreque viuendi. etenim omnis huiusmodi ornatus animi optabilis est. multo quæ firmior ad senectutem

senectutem usque, veras laudes sibi 'natifque  
 asserre. Sc igitur ipsam in his virtutibus inani-  
 met mulier, pergatque laudabiliter rebus præ-  
 esse. nam viro quidem indecens videtur ea sci-  
 re, quæ intra ædes fiunt. In cæteris verò omni-  
 bus parere mulier viro contendat. Nec audiens  
 quicquam de republica, nec tractans quicquam  
 eorum quæ ad connubia spectare videntur, sed  
 cum tēpus poscet, aut filias tradere nuptui, aut  
 nurus accipere, obediat penitus in his viro: at-  
 que sic vnā deliberet, vt sententiam viri sequa-  
 tur: intelligens nō ita turpe viro esse quicquam  
 eorum quæ domi sunt facere, sicut mulieri quæ  
 foris perquirere. Existimare autem debet mu-  
 lier benè composita, mores viri esse legem suæ  
 vitæ impositam sibi à Deo, per coniunctionem  
 matrimonij atq; consortij, quos si quidē æquo  
 ferat animo, persacile reget domum; sin contrā,  
 difficilius. Quapropter decet nō solum in pro-  
 speris rebus, secundaque fortuna vnanimem se  
 viro præstare, & inseruire velle, verum etiam in  
 aduersis. Si sit in rebus defectus, vel corporis  
 ægrotatio, vel alienatio mentis, æquo ferat ani-  
 mo, & obsequatur: nisi fortè turpe aliquid sit,  
 vel indignum. Ne si quid perturbatione animi  
 vir deliquerit, memoriter seruet, sed ægritudini  
 ignorantiaq; adscribat. nam quanto in his di-  
 ligentius obsequetur, tanto sibi maiorem gra-  
 tiam habebit, cum ab ægritudine fuerit libera-  
 tus. & si iubenti aliquid turpe non paruerit, me-  
 lius recognoscet ad sanitatē reuersus. quapro-  
 pter ab his cauere debet mulier. In alijs autem  
 multo magis obtemperare, quàm si emptave-  
 nisset in domum. magno enim pretio emptā  
 fuit, societate vitæ, & procreatione liberorum:  
 quibus

quibus nec maius, nec sanctius quicquam esse potest. Præterea, si cum fortunato vixisset viro, non usque adeo virtus eius illustrata esset. Non est sanè parum secundis rebus bene viri: at tamē aduersas moderatè perferre, multo maius est existimandum. nam in magnis calamitatibus & iniurijs, nihil abieciè facere, celsi est animi. Precandum est igitur, ne quid tale accidat viro: quòd si quid accidat aduersi, putare debet hinc optimam sibi laudē, si rectè se gesserit, prouenturam: secum ipsa repetēs, quia nec Alceste tantam sibi gloriam comparasset, nec Penelope tot tantasq; meruisset laudes, si cum fortunatis viris vixissent: verum Admeti, & Vlyssis aduersitates parauerūt illis memoriam sempiternam. In aduersitatibus enim virorum suorum fidem, ac iustitiam erga illos seruātes, gloriam non immeritò sunt consecutæ. nam prosperitatis quidem facile est reperire participes: aduersitatis verò, ni optima sint mulieres, participes esse renuunt. Ob quæ omnia, multò magis decet virum in honore habere, nec illum contemnere, si sacra pudicitia, & opes animositaris filia secundum Herculem non sequantur. Mulier igitur huiusmodi sese moribus ac legibus custodire debet.

*Leges viri ad uxorem. Cap. II.*

**V**Ir autem viceversa, leges sibi reperiar ad uxoris usum, quæ tanquam filiorum vitæq; socia in viri domum peruenit, natos relictura, genitorum viri suiq; nomina habituros, quibus quid sanctius esse potest, aut circa quæ magis studeret vir sanæ mentis, quàm ex

Aristot. Oeconomic. d d d d opti-



optima laudabilissimaque muliere filios pro-  
 creare, senectutis pastores quasi optimos, ac re-  
 uerentes, patris matrisq; custodes, ac totius do-  
 mus seruatores? Educati siquidem recte à paren-  
 tibus per sanctos & iustos mores, boni merito  
 euadent, contra verò si fiat, sentient detrimen-  
 tum. Nisi enim parentes exemplum vitæ filiis  
 præstent, euidentem excusationis causam erga  
 se illis relinquunt. ac timendum est, ne cōtem-  
 pti à filiis, quasi non bene vixerint, in senectute  
 deserantur. Quapropter nihil præmittendum  
 est, quod ad vxoris pertineat disciplinam, vt ex-  
 quammaxime fieri potest, optima filios gene-  
 ret. Nam agricola quidem nihil omittit, quò se-  
 men in optima terra, ac maximè exculta serat,  
 sperans ita demum fructus optimos inde se re-  
 cepturum. at si qua vis imminet, mori præliando  
 magis vult aduersus hostes, quàm illius vastā-  
 tionem pati. & huiusmodi mors laudatur ma-  
 ximè. Cum ergo tanta adhibeatur cura pro cor-  
 poris esca, quid p̄ liberis, & matre educatrice?  
 nōne protinus omne studium fuerit adhiben-  
 dum? Hoc enim solo, hominum conditio mor-  
 talis per successionem sempiternitatem conse-  
 quitur: omniaque parentum vota huc tēdunt.  
 quamobrem qui ista negligit, & Deos ipsos vi-  
 detur negligere: propter Deos igitur, quibus  
 præsentibus, sacra fecit, & vxorem duxit, ac mul-  
 to magis se post parentes, uxori tradidit ad ho-  
 norem. Maximus autem honor est sobriæ mu-  
 lleri, si cernat virum suum obseruantem sibi ca-  
 stitatem, nec de ulla muliere magis cogitātem,  
 sed præ cæteris omnibus hanc, & suam, & fidam  
 sibi existimantem. tanto enim magis studebit  
 mulier, se talem præstare, quanto se cognouerit  
 fide-

fideliter, atque iuste à uiro diligi. Ergo prudentem ignorare non decet, qui parentibus, quive uxori & filiis honores conueniant, ut tribuens unicuique quæ sua sunt, iustus & sanctus habeatur: pergrauiter enim unusquisque fert honore suo priuari, nec si aliena quis permulta tribuat, contentus erit, si sua sibi auferantur. Nihil verò magis suum est uxori, nec magis illi à uiro præstandum, quàm sancta & intemerata societas. Quapropter non decet hominem sanz mentis, ubicunq; cōtigerit semen exponere: ne de vilibus & iniquis similes liberis legitimis procreetur, ex quo & uxor honore suo priuatur, & filiis iniuria fit, ac sibi pro his omnibus dedecus incumbit. Appropinquādum verò est uxori cum magna temperantia atque modestia: sitque pudor in uerbis, in operibus verò fas atque honestas, in conuersatione fides & moderatio. parua quidem peccata: etsi uoluntaria fuerint, ignoscendo: siquid verò per ignorantiam deliquerit, commonefaciendo. Nec merum incutiat sine verecundia & pudore: hæc enim meretrices ad mœchos pati decet. at uerò cū verecundia & pudore iusta diligere & timere: id ingenuæ est mulieris erga propriū uirum. Duplex est enim timoris species: una cū reuerētia & pudore, qua utitur ad patres filij: modesti, ciues benè morati ad beneuolos gubernatores: altera cum inimicitia & odio: sicut serui ad dominos, & ciues ad tyrannos. iniustos & iniquos. Ex his quoq; omnibus meliora eligēs, uxore sibi conciliet, ac fidelē probamq; efficiat, ut siue præsens sit uir, siue absens, nō minus utilis sit, quàm si semper adesset, tanquam rerū communium curator: & quando uir abest, ut sentiat uxor nullum sibi,

sempiternitatem pollicente: ne ob id quidem proderet voluit uxoris affectum, & amorē & fidem: maximū sibi supplicium arbitratus, si malus dūm esset, immortalitatē haberet. Cum Circe etiam manere noluit, quanquam insuper fortiorum salutem pollicente. imò respōdit, nihil sibi dulcius uideri posse, quā patriam incultam & asperam, magisq; optauit mortale uxorem filiūq; uidere, quā fieri ipsum immoralem. sic ille firmam stabilemque uxori fidem seruabat, pro quibus meritō ab uxore eadē reportabat. In oratione quoque illa, quam habuit ad Nausicaam, apparet Poētā maximē probare uiri & uxoris pudicam societatem. precatus est enim Deos, ut darent illi uirum, & familiam, & unanimi-  
tatem cum uiro, non quamlibet, sed honestā. inquit enim, nihil melius esse posse hominibus, quā si concordī uoluntate uir & uxor domum gubernarent. & hīc igitur, ut patet, laudat Poēta unanimi-  
tatem mutuam uiri & uxoris, non eam quidem quę circa improba obsequia, sed eam quę animo & prudentia iuste coniuncta est. nam uoluntatē domum gubernare, hoc designat. Idem etiam inquit, quōd cum huiusmodi inter uirum & uxorem uiget concordia, inimici quidem eorum anguntur plurimum, amici uerō permagna suscipiunt gaudia: quem tanquā uera dicentem probant. Nam uiro quidem atque uxore circa res optimas concordī studio uacantibus, necesse est utriusque animos idem sentire, deinde propter concordiam potentes facti, & inimicis spem auferunt, & amicis profunt: quōd si ipsi dissideant, amici quoque dissidebunt, & infirmitatem ipsi sentient maximē.

## 790 Oeconomic. Lib. II.

*Communes leges Viri, & Vxoris. Cap. I I I I.*

**I**taq; manifestè præcepit Poëta, Virū & uxorem in his quæ improba & impudica sunt, sibi inuicē consentire nequaquā debere. In his verò, quæ quàm aximè fieri potest, pudica sunt & iusta, concorditer sibi inuicem inferuire. Studentes primò quidā curam omnem parentibus exhibere: vir quidem uxoris parentibus nō minus, quàm proprijs; uxor autē uiri Deinde filiorum & amicorū & rerum, domusq; totius tanquā communis curam habeāt, seipsos studio & diligentia superare certātes, & quisq; plurimum bonorum sit autor & causa, meliorq; existat & iustior. Deposita quidem superbia, industria verò suscepta, cum benignitate & mansuetudine gubernātes: ut cū ad senectam peruenierint, deposito administrationis onere, & concupiscentijs liberati, possint & sibiipsis inter se, ac filijs suis rationem reddere, vter eorum magis profecerit in familiæ gubernatione, ac statim scire, aut per fortunam malum, aut per uirtutem bonum. In quibus qui superauerit, maximum præmium à Dijs consequitur, vt Pindarus, inquit. Dulce enim sibi cor, & spes mortaliū multiplicem alit uoluptatem, secundum, verò à filijs in senectutem feliciter educari. Quapropter & priuatim & publicè decet eum, qui vitam gerit, ad omnes Deos hominesq; respicere, multumq; & ad uxorem, & ad filios, & parentes.

*Præcedens liber, siue is Secundus, siue Primus pars sit, in Græcis exemplaribus (quod notum est) minimè reperitur.*

A R I S T O.

ARISTOTELIS  
 STAGIRITAE  
 PERIPATETICORVM  
 PRINCIPIS,  
 de Re Familiari  
 LIBER PRIMVS.

Bernardino Donato Veronensi  
 interprete.

*De differentia & conuenientia Rei familiaris  
 & publica, & ordine earum.*

*Cap. I.*



**R**ei familiaris & publica non  
 modo ita differunt vt domus  
 & ciuitas: (has enim sibi res  
 illæ habent subiectas:) sed et-  
 tiam, quod publica ex multis  
 constat principibus; familiaris  
 autem vnum duntaxat princi-  
 pem habet. Quum igitur nonnullæ artes inter se  
 diuisæ sint, nec omnino eiusdem sit & cõficere,  
 & eo quod confectum sit, uti: quemadmodum  
 vsu uenire in lyra & tibijs uidemus: rei publicæ  
 tamen est, & constituere ab initio ciuitatem, &  
 constituta uti prælatè, proinde haud dubium,  
 quin rei quoq; familiaris sit & domum, hoc est,  
 rem ac familiam parare, & eadem bene uti.  
 Quod autem ciuitas sit & domorum & regio-

nis & possessionum multitudo tanta, quanta ad bene uiuendum sit satis, apparet perspicue; nam si quando contingit ut ipsum hoc obtinere non possint, societas etiam ipsa dissoluitur. Præterea huius ipsius rei gratia conueniunt, & qua gratia est unumquodque, hac item ipsa existit ab initio, ab eademq; habet ut sit id ipsum quod est; ex quo haud dubiū relinquitur, quin ortu ipso res familiaris publicā antecedit, quādo huius item opus antiquius est enim particula ciuitatis, domus. Quum ergo rem familiarem considerandam susceperimus, tum eiusdem opus quodnam sit, uidendum putamus.

*De partibus domus, & unde sumenda possessio.*

*Cap. II.*

**D**omus autem partes illæ sunt, homo atq; possessio: quare cum in ijs primo quæ minima sunt uniuersuiusq; rei natura spectetur, etiam ea quæ ad domum pertinent, similiratione constabunt. Itaque, ut Hesiodus ait, „oportebit quidem ut in primis domus, & mulier, bosque adsit arator. nam alterum in ijs quæ uitam alunt, alterum in ijs qui liberi sunt, obtinet principatum, quocirca quæ ad consuetudinem cum muliere pertinent ea optime constituere necesse fuerit, hoc ipsum porro est incumbere, ut cuiusmodi hanc esse oporteat, promptum habeatur. At ex possessionibus, quæ secundum naturam sit, ea principem curam merebitur, quare secundum naturam res rustica antecedit, sequentur quæcunque ad terram ipsam pertinent: cuiusmodi est quæ metalla exquirat, & si qua est alia eiusdem generis

*Agricultura dotes.*



neris, res autem rustica maximè, propterea quòd iusta est. nam neque à volentibus aufert, ut cauponæ, & quæ mercenarias operas exercent: neque ab inuitis, ut quæ bello atque armis utuntur: sed ab ipsa protinus sumit natura, omnibus quippe à matre alimentum certo naturæ instituto suggeri consuevit, quocirca hominibus item ab ipsa terra, strenuitati præterea hominum ac fortitudini maximè conducit: non enim quemadmodum ex artes, quæ sordidæ uocantur, corpora exercentium inutilia reddit, sed idonea quæ & assidue foris excubent, & labores tolerant: præterea quæ aduersus hostes periclitentur, nam eorum tantummodo possessiones extra septa & munitiones habentur.

*Qualis viri & mulieris æconomica societas.*

*Cap. III.*

**I**N ijs autem quæ ad homines spectant, prima fuerit uxoris cura, si quidem inter marem ac foeminam societas in primis est, nanque alibi apud nos pro concessio habetur, naturæ hunc esse appetitum, ut eiusdem generis multa efficiat, ueluti, item ex animalibus unumquodque. fieri autem non potest, ut uel foemina sine mare, uel mas sine foemina hoc ipsum per se compleat munus, quare amborum societas necessariò constituta est. Caterùm hoc in alijs quidem est animalibus temerè, & eatenus quoad eis natura seipsam impertit, & sobolis duntaxat gratiâ propagandæ: in ijs autem quæ & mitiora sunt & prudentiora, distinctum est magis, apparent enim magis adiumenta quæ præstantur & charitates, & operum societates in-

ter ipsa: idque in homine maximè, propterea quòd in hoc genere mas & foemina sociata inter se sunt non modò vt ipsa sint, sed etiam ut ipsis benè sit: & liberorum possessio non ea modò de causa huic generi data est à natura, ut habeantur qui ministrarent, sed ut etiam qui adiuent: quæ enim ipsi ualentes conferent in infirmos, ea uicissim post à ualentibus accipient, cum ob senectutem imbecilles facti erunt. Hoc ipso præterea circuitu natura id consequitur atque explet, ut quando numero non potest, at saltem specie sit semper, sic ab ipso Deo utriusque & maris & foeminae natura ad societatem prouisa atque instituta est. hæc enim ipsa in eo distincta sunt, quòd non omnia ad eandem res utilem habent uim, sed nonnulla ad contrarias quidem; attamen quæ eundem finem spectent, eodemque contendunt. nam eorum alterum robustius, alterum imbecillius efficit, ut illud esset magis ad cauendum idoneum ob timiditatem, hoc ad propulsandum atque uiscendum ob fortitudinem: & hoc quidem ea foris suppeditaret, quæ necessaria sunt; illud autem intus eadem conseruaret. itemque ad opus faciendum, quum illud sedendo posset durare, esset tamen ad labores foris tolerandos imbecillius: hoc verò contrà, quum ad quietem atque otium esset minus aptum, tum autem ad omnem motum existeret ualentius: nec non in sobole, ut procreatio amborum esset communis, adiumentum singuli suum proprium præstarent: nam horum quidem alere est; illorum autem instituere.

*Leges viri ad uxorem. Cap. IIII.*

**P**rimùm igitur leges erga uxorem habeantur: in quibus etiam illa, ne uir eam afficiat iniuria: sic enim ne ipse quidem afficietur. hoc ipsum porrò etiam communis lex præcipit, ut Pythagorici dicunt, quasi supplicem & ab ara & foco abductam, ita uideri, minimè oportere illam afficere iniuria; à uiro autem iniuriæ, si foris cum alijs sceminis consueſcat. Porrò conuictus & consuetudo sit talis, ut neuter alterius congressum reformidet, uel absentis desiderium ferre nequeat: sed ita assueſcat, ut uel præſente uel contrà, secum bene agi arbitretur. etiam Hesiodus præclare illud:

*Virginem habeto, tuos ut discat sedula mores.*

nam dissimilitudines morum minimè ad conciliandas uoluntates, idoneæ. De ornatu uerò, quemadmodum in moribus non oportet falsa quadam profitentes ad se mutuo inter ipsos accedere, ita neſcorporibus quidem. qui autem cum ornatu & fuco inter se consueſcunt, in nulla re differunt ab Hiſtrionibus, qui cum scenicis indumentis uitam unà degere assidue ſolent.

*Leges domini ad seruos. Cap. V.*

**A**T eorum quæ possidentur, primum quidem illud, maximeq; necessariū, quod & optimū, & ad imperandum aptissimū: hoc uerò ipsum hominem esse meminimus, proinde  
seruos

*Abstinētia  
à potu vi-  
ni.*

seruos comparare sedulos oportet. sunt autem  
seruorum duo genera, uillicus, & operarius.  
verum quum disciplinis videamus adoleſcen-  
tes, nouos quosdam habitus accipere, opera  
precium fuerit & parare & alere etiam eos,  
quibus liberalia officia rectè credantur. Cum  
seruis autem ita est consueſcendum, ut neque  
in petulantiam euadere, neque in ſegnitiem  
declinare permittantur; & iis quidem qui ma-  
gis ingenui ſint, honores impertiendi: opera-  
rijs autem cibi copia ſubminiſtranda uidetur.  
& quoniam uini uſus etiam eos qui ingenui  
ſunt, contumelioſos atque inſolentes efficere  
ſolet, multaque liberae gentes eo abſtinent, ut  
Carthaginienſes cum militum degunt, haud  
dubium quin ex eo, aut nihil proſus, aut per-  
exiguum quiddam ſit concedendum. Verum  
tria quum ſint, opus, caſtigatio, cibus, ſi quis  
cibum quidem præbeat, nunquam autem ne-  
que opus facere cogat, neque caſtiger, addet  
petulantes: ſi contrà, & ad opus cogat & ca-  
ſtiger, cibum vero non præbeat, rem uiolen-  
tam inducet ipſoſque imbecilloſos efficiet. ſu-  
perest igitur ut & opere faciundo exerceat, &  
abunde paſcat: etenim fieri nequaquam po-  
teſt, ut hominibus nullam accipientibus mer-  
cedem quis imperet, ſerui autem merces ci-  
bus. Porro quod in alijs contingit, ut ſi iis,  
qui meliores ſint, melius nihil ſit; neque ſint  
uirtuti uitioꝝ uel ulla propoſita præmia, deterio-  
res euadant, idem in ſeruis quoque uſu uenit,  
quare & inſpicere ac cognoscere diligenter  
quid ab ijs agatur oportebit, & iſdem pro  
meritis ſingula, cibum, ueſtigmenta, orium,  
ſuppli-

supplitalia, tum uerbo, tum re & tribuere & remittere, medicorum artem imitantes, & considerantes, ut medicamenti locum obtinet ci-  
bus: non est autem medicamentum propter assiduum usum. Seruorum autem ad opus faciendum optimum fuerit genus eorum, qui neque timidi, neque fortes sint supra modum: in utrisque enim offensio est: nam timidiore, laboris onus non sustinent: animosioribus non facile imperatur. Oportet autem finem aliquem statuere omnibus: & iustum quippe est, & expedit, libertatem illis præmij loco esse propositam: tunc enim sunt ad laborem promptiores, quam aliquod laboris, quasi certaminis præmium expectant: tempus quoque definitum habeant. Spei etiam præmium fuerit, illos pro creatione filiorum quasi pignore quodam obligare, nec eiusdem nationis multos possidere, sicut ne in ciuitatibus quidem, sacra autem facere, & cōuiutorum uoluptatibus operam dare, seruorum potius gratia quam liberorum: plus enim hi decerpunt ex eo, cuius gratia illa instituta sunt.

*Leges Oeconomicorum. Cap. VI.*

**Q**uatuor potè sunt, quæ patrem familiam habere oporteat in re pecuniaria: nā nō minus ad seruandum quam ad cōparandum idoneum esse oportet: alioqui vanus fuerit omnis comparandi labor. cribro enim haurire hoc ipsum fuerit, & perforatum, quod dicitur, dolium. Præterea & ordinis adhibendi  
rebus

rebus quæ possidentur ac supelletilibus, & iisdem utendi peritum: horum quippe gratia, reliquis quoque illis indigemus. Etiam quæ possidentur, ita singula diuidere oportet, ut quæ fructum ferant, plura sint, quàm contra: quidquid verò operis faciendi fuerit, ita distribuendum, ut non omnibus simul periculum impendeat. Ad conseruandum autem ratione & Persica & Laconica uti commodum

*Cura et praesentia domini utilis.*

est, etiam Artica utilis. vendunt enim vicissim atque emunt, ac ne penuariæ quidem rationis constitutio in ijs quæ ad rem familiarem pertinent, minimum obtinet locum. est autem Persica ratio, ut ipse per se unusquisque & disponat omnia & inspiciat, nam (quod de Dionysio referebat Dion) nemo æquè diligenter suam atque alienam rem solet curare. quare quo ad eius fieri poterit, vnumquemque per seipsum adhibere diligentiam oportet, & quod Persæ cuiusdam atq; Afri dictum fertur, ad hanc rem commodè applicabitur. ille quippe interrogatus, quidnam esset, quod maximè equum pinguem efficeret, domini oculum esse respondit. Afer autem roganti cuiquam, quodnam sterces optimum, ipsius. Inquit, domini vestigia. Ergo alia erunt à viro, alia autem ab uxore inspicienda, prout inter vtrunque domestica fuerint munia distributa, hocq; ipsum in paruis quidem curationibus, rarius est faciendum: in ijs autem, quæ alijs commissæ sunt, sapius. neque enim fieri potest, ut, nisi quis pulchrè exemplum prabeat, pulchrè alius quispiam imiteretur, neque in alijs rebus, neque in procuratione domestica. quare non est putandum fieri

fieri



fieri posse, ut sine diligentia dominorum, procuratores, seu uillici sint diligentes. Et quo- *Quod ager-*  
 nam hæc ipsa & ad uirtutem egregia, & ad ra- *re debeat!*  
 tionem domesticam utilia sunt, ipsis prius *dominus*  
 dominis quàm seruis, è lecto surgendum, po- *quo ad nigri*  
 sterius dormiendum, nunquam domus sine *lias* ..  
 custode relinquenda, quasi ciuitas: & quæcun-  
 que faciendæ sunt siue noctu, siue interdiu, eo-  
 rum nihil prætermittendum. De nocte etiam  
 surgendum, quando hoc & ad bonam ualetu-  
 dinem, & ad rem familiarem, & ad philoso-  
 phicam uitam utile. In paruis igitur faculta-  
 tibus, Attica dispondendarum frugum ratio  
 uillicum in magnis autem, seorsum ea quæ in to-  
 tum annum ab iis quæ in singulos menses im-  
 pendi solent, habenda erunt. similis est in ua-  
 sis & supellestilibus ratio. nam quibus, sin-  
 gulis utimur diebus, separanda sunt ab iis,  
 quibus rarius: hocque muneris genus iis est  
 assignandum, qui rebus domesticis præsent: ad-  
 hæc eorum inspectio repetenda est certo tem-  
 pore, ne nos lateat quidquam siue quod con-  
 seruatum sit: siue quod perierit. In constru-  
 endâ autem ædificandâque domo habenda est ra-  
 tio rerum quæ in ea collocandæ sunt, non mo-  
 do incolumitatis earum gratia, uerumetiam  
 commoditatis. Dico autem res collocandas,  
 ut si dicam, quæ fructibus sint ac vestimentis  
 conducibilia: in ipsis autem fructibus, quæ ari-  
 dis sint, quæ uel humidis utilia magis: in cate-  
 ris autem quæ possidetur, quæ sint animalibus,  
 quæ inanimis, quæ seruis & liberis, quæ soemi-  
 nis & uiris, quæ hospitibus & ciuibus aptiora.  
 Præterea ad commoditatem salubritatemque..

zlatæc

# 800 De Re Familiari. Lib. I.

estate quidem salubrioribus ventis patere oportebit, hyeme verò apricam esse: hoc autem continget, si parte altera pressior angustiorq; fuerit, nec longitudini æqualem habuerit latitudinem. Videtur autem, vbi magna quædam est res familiaris, ibi seruus hostiarius is esse oportet, qui reliquis inutilis sit muneribus, ut quæ intro, quæve foras feruntur, salua habeantur. Ad usum autem vasorum, Laconicus

mos erit utilis, singula enim oportet suis sedibus collocata esse,

ita in promptu sita nullum afferent quærentibus laborem.

★

*Qui sequitur liber, in Grecis codicibus pro Secundo habetur.*

# ARISTOTELIS

## DE RE FAMILIARI

### LIBER SECVNDVS.

*Qui continet ea, quæ ad rationem rei comparanda  
atque administranda pertinent.*



Vi res aliquas certa ratione est curaturus, hunc neque locorum, in quibus negotia sint gerenda, imperitum esse, & suapte natura solertem, atque industrium, & ipso vi-

*Quibus institutum est  
se oportet ad  
negotia  
tem.*

ta proposito strenuum, ac iustum oportet. harum enim partium ubi quævis vna defuerit, tum in eo negotij genere, quod tractandum assumpserit, multa peccata committet. Curationum autem domesticarum genera ( ut summam ea distribuamus, ) sunt quatuor. nam si qua forte alia proferentur, ea in hæc ipsa recidere facile reperiemus: Regium, Satrapicum, Civile, priuatum. ex quibus Regium & amplissimum & simplicissimum esse consuevit. Civile autem tum maxime varium, tum facillimum. at vero & perexiguum, & apprimè varium quod Priuatum appellauimus. porro his omnibus communia inter se multa sunt necesse est. nobis autem ea nunc consid. randa assumpsimus, quæ per se maxime vnicuique contingunt.

Primum igitur videamus id quod Regium  
Arist. De Re Famil. c c c c dixi-

diximus. Est autem regia quidem administratio, ea quæ summam rerum obtinet potestatem: sed in partes distributa est quatuor. aut enim nummi rationem habere consuevit, aut rerum quæ exportantur, aut earum quæ importantur, aut impensarum. horum singula suum proprium habent munus. Nummi quippe rationem haberi tunc dico, quum ex quo genere, & quo tempore illi precium, vel addendum, vel minuendum sit consideratur. Eorum autem quæ exportantur aut importantur, quum, & quādo, & quænam ex his à præfectis accepta, qui Satrapæ appellantur, Regi ipsi disponere expediat. Impensarum autem quum quænam ex his subducendæ sint: & quo tempore in sumptus ipsos, siue in ea quæ nummo parari solent, erogandus sit nummus: & an omnino erogandus.

Secundo autem loco id, quod Satrapicum appellauimus. cuius sanè generis partes sunt sex: quæ omnes penes ipsos prouentus considerantur. aut enim hi capiuntur à terra, aut ab alijs quæ regionis ipsius propria sunt, aut à mercatoribus, aut à tributis, aut ex re pecuniaria, aut ex reliquis rebus. Horum autem ipsorum, & primus & optimus, qui à terra percipitur: hic porro est, quod alij fructuarium, alij decimam vocant. Proximus is qui de rebus proprijs comparatur: alibi enim gignitur aurum, alibi argentum, alibi æs, alibi alia quæcunque gigni possunt. Tertius qui ex mercatibus. Quartus qui ex alijs conficitur tributis, quæ & ad terram, & ad fora pertinent. Quintus ex pastione, quæ & fructuositas, & decima appellatur. Sextus ex alijs rebus, qui quidem singula capita ipsosque operarios attingit: vnde etiam nomen apud

Græcos

Græcos accepit, ἐπικατάλαλλον τε, καὶ χειρὸν  
νάξιον.

Tertio loco Ciuile quod nominauimus genus exequamur. Huius optimus est prouentus ille, qui de ijs, quæ propria sunt regionis, percipitur. Proximus, qui de mercatibus, & ijs-quæ ad certa mina ludolique pertinent. Postremus is qui ex annuis, & in orbem redeuntibus.

Quarto autem atque extremo loco Priuat-  
tum quod vocauimus. quod genus inaequale  
quidem est, propterea quod non vnum quid-  
dam spectari ab administrante oportet: mini-  
mum autem idcirco, quod & prouentus & sum-  
ptus modici existunt. Cæterum huius ipsius ge-  
neris prouentus is maxime probabilis, qui de  
terra colligitur. proximus is qui ab alijs in or-  
bem redeuntibus rebus. Tertius qui ex argen-  
to. Præter hæc autem, quod omni domesticæ  
curæ tanquam fastigium imponi debet, eius ra-  
tio in cæteris quidem generibus est habenda  
non negligenter, in hoc autem ipso præcipua,  
vt prouentibus ipsis maiores sumptus non  
fiant. Quum ergo ipsas partitiones exposue-  
rimus, tum rursus nobis id fuerit consideran-  
dum, siue regia sit præfectura, siue ciuitas, quam  
curandam susceperimus, & si omnes illas par-  
tes, quas proxime numerauimus, vel earum  
præcipuas & maximas ferre possit, vtrum ta-  
men ijs omnibus sit vtendum. deinde quænam  
genera prouentuum, aut non adsint omnino,  
possint tamen parari: aut exigua quum sint, in  
maius augeri: vel impensarum quæ nunc fiant,  
quænam & quot si tota subtrahantur, nihil  
offendant. Ita nos quidem hætenus quum ea

quæ ad curationes domesticas, tū ea quæ ad harum ipsarum partes attinent, iam diximus. Sequitur deinceps, ut huic parti in vnum collecta subiungamus, quæ nonnulli priorum ætatū ad prouentum pecuniarum parandum, fecerūt: aut etiam artificiose moderati sunt: ea duntaxat quæ in memoratu digna iudicauimus: quippe qui ne hanc quidem historiam inutilem fore censeamus. erunt enim nonnulla ex his, quæ quispiam ijs facile accommodabit, quæ ipse administranda suscepit.

*Varia, exempla, quæ usui esse possunt.*

1 CYPSELLVS Corinthius, quum Ioui uisisset, si dominus fieret ciuitatis, se illi oīa quæcunque essent Corinthijs, dicaturum; eos quæcunque haberent, iussit describere. deinde à singulis, ubi ad hunc modum descripta habuit, decimam partem accepit. reliquis autē partibus eos ad lucrum exerceri iussit. tum anno vertente, rationem eandem seruauit. ita decem annorū spatium contigit, ut & ille haberet omnia, quæcunque sacrasset, & alia Corinthij, quæ adepti erant possiderent.

2 LYGDA MIS Naxius quum exules eiecisset, nec qui illorum res vellet emere, nisi paruo precio, inueniretur, ipsos exulibus vendidit. Statuas quoque, & alia eiusdem generis dona Dijs immortalibus dicanda, quæcunque illi in quibusdam officinis imperfecta reliquerant, partim ipsis exulibus, partim cæterorum cuique uolenti ita vendidit, ut euentis nomen unicuique rei sic emptæ inscriberetur.

3 AT Byzantij quum pecuniarum indigerēt, loca sacra quæ apud ipsos publicauerant, vendiderunt; fructuosa quidem ad certum tempus, nullum autem ferentia fructuum, in perpetuū.

Eadem



Eadem ratione vsi sunt in ijs quæ sodalitia , & quæ tributum singularum propria erant , item quæcunque in priuatis locis sita . magno enim precio emabant ij quorum erat reliqua possessio ipsis autem sodalibus alia publica precio addixerunt quæcunque vel gymnasium , vel forum , vel portum attingerent . loca autem in foro vbicunque quid quia venderet , necnon ex mari piscationem , omnemque ex salis venditione prouentum , loca præterea vbi , & præstigiæ ostentatores , & qui diuini appellantur , & pharmacopulæ , alijque eiusdem generis homines suas artes exercebant , tertiæ partis eius , quod in ipsis conficeretur , tributo onerant : ius vero commutandæ pecuniæ vni mensa addixerunt . alias autem aut alteri vendere , aut emere ab altero nemo prorsus poterat . alioqui illis ipsis in stabatur bonis . Rursus quum apud eosdem lex esset , vt ne quis ciuis haberetur , qui non vtroque ex ipsis parente progenitus foret , ipsi vero pecuniarum indigerent , decreto sanxerunt , vt qui ex vno duntaxat ipsorum natus esset , si tricenas minas cõferret . ciuis existeret . Rursus quum vno eodemque tempore & anno nã caritate , & pecuniarum indigentia premerentur , nauigia quæ ex Ponto venerant , duxerunt in portum . quum autem post aliquod tempus mercatores molestius eam rem ferrent , vsuras illis decimas pro tributo imponere . eumentibus autem quippiam , idoneis imposuerunt vt decimam partem seorsum à precio penderent . apud eosdem vero quum inquilini nonnulli possessiones fœnore obligatas haberent , soluendoque non essent , statuerunt , vt quicumque tertiam fœnoris partem attulisset , omni

obligatione solutus, proprium ius possidendi retineret.

- 4 HIPPITAS Atheniensis cœnaculorum eas partes, quæ in vias publicas eminebant, ipsosque ascensus, sepimenta que ante domos vestibulis similia. item ianuas, quæ foras aperirêtur venire iussit. emebant ergo ij quorum possessiones ipsæ erant. itaque magnam pecuniariam vim cogit: nummum vero, qui tunc Atheniensibus in usu erat, ab usu amouit: certoque illo precio constituto, iussit iterum ad se referri. quum autem conuenissent, ut nouum monetæ genus excuderent, idem argentum exposuit. si qui vero aut nauibus præficiendi, aut tribuum suarum duces futuri, aut choris sumptum præbituri erant, aut aliqua eius generis munia obituri, in quæ esset aliquid impendendum, ijs primum tolerabilem ac modicam irrogauit mulctam: deinde iussit volentem vnumquenque, ubi eam mulctam persoluisset, numero eorum adscribi, qui suo munere perfuncti essent. Mineruæ autem sacerdoti, cuius templum erat in arce, afferri pro quolibet mortuo ordeï mensuram vnam, & tritici alteram, & obolum vnum. si cui vero puer, aut puella nasceretur, hoc ipsum nihilominus.

- 5 ATHENIENSES vero, qui Potidæam incolebant, quum pecuniarum ad gerendum bellum indigerent, iusserunt res, quæ possiderentur ab omnibus conscribi, non coniunctim apud suum cuiusque populum, sed singillatim, in quo quisque loco esset; ut qui pauperes essent, ipsi quoque censeri possent. cuicunque autem nullum omnino erat possessionis genus, huius corpori mulctam indicebant, minas duas.

ab his

ab his igitur rebus, quod cōscriptum fuerat, integrum quisque ciuitati representabant.

ANTISSAEVS autem, quum ciuitas indigeret pecunijs, solitiq̃ue essent Dionysia quæ dicuntur sacra splendide celebrare, in quæ quum alia multa intumebant, quæ per annum cōparabant, tum etiam victimas ingenti precio, iamq̃ue instaret hic solennis dies: tum illis persuasit, vt, & vouerent in proximum annum Dionysio se eadem duplicata reddituros, & ea ipsa, quæ collegissent, nunc venderent. sic igitur ab illis nō mediocris pecuniarum summa, qua pro tēpore vti possent, coacta est.

LAMPACENI autem quum magnus apud ipsos triremium numerus expectaretur, & farinæ medimnus quaternis drachmis veniret; ijs qui in foro vendebant, imperarunt, vt senis drachmis vēderent. olei quoque mensuræ quæ triobolo amplius quaternis venibat, viniq̃ue atq; aliarum eiusmodi rerum, eadem ratione precium auxere. ita suum is recipiebat, qui priuatim rei ipsius dominus erat; quod autem eo amplius supererat, ipsa ciuitas. itaque pecunijs abundauit.

HERACLIENSES quo tempore ijs, qui apud Bosphorum erant tyrannis, naues miserunt quadraginta, pecunijs indigebant. ergo à mercatoribus, & frumentum omne, & oleum, & vinum, & si quid aliud in foro venale habere solent, coemerunt. quum autem instaret tempus, quo iam precium solui oportebat: & mercatoribus optimum factu visum est, ab ipsis non singillatim dimensa, sed confertim omnia venditari onera: & illi alia ratione tribuentes, non mercedem, sed ipsum forum onerarijs na-

uibus imposuerunt: & quæstorem singulis nauibus præfecere. quum autem in hostilem regionē peruenissent, euebant, scilicet ab illis milites. omneque prius coactum est, quàm imperatores pro mercede argentum iterum redderent. quare contigit, vt idem argentum impenderetur, donec domum redirent.

9 LACEDÆMONII vero pecunias sibi ad reditum in partim postulantiſſimis Samijs, decreto sanxerunt vnum diem & se, & seruos, & iumenta nihil omnino gustare. quantumque in cibum solitus esset vnulquisque impendere, tantum Samijs dare.

10 AT Carthaginienses, quum multo in ciuitate haberēt mercenarios milites, nec mercedem, quam illis debebant, dissoluere possent; edixerunt, vt cuiusque ciui, aut inquilino ius esset rapinæ aduersus ciuitatem aut priuatam quempiā, si vellent recipere, is describeretur. ita quum frequentes descripti essent, nauigia quæ in Pontum nauigabant, probabili quadam obiecta causa diripuerunt: certumque constituerunt tempus, in quo se ius reddituros de ijs ipsis rebus dicerent. quum ergo multa esset coacta pecunia. ipsos quidem milites dimiserunt, de direptionibus autem iudicio disceptarunt. ijs autem qui iniuste direpti fuerant, ciuitas ipsa de suis prouentibus satisfecit.

11 CYZICENI autem s. ditione orta inter ipsos. & in ea seditione victoriam obtinente plebe, diuitibus comprehensis, quum pecunias deberent militibus, decreuerunt, non morte afficere eos quos comprehenderant, s. d multatos pecunia in exilium mittere.

CHII vero pecunijs indigentes quum: apud ipsos

ipſos lex eſſet , vt æs alienum publicæ ſcripturæ mandaretur, decreuerunt , vt qui quidem deberent id ipſum quod deberent, ciuitati repræſentarent, ciuitas vero ipſa ex ſuis prouentibus uſuras ijs qui ſcenerauerant, redderet, donec ſortem adæquarent.

**M A V S O L V S** Cariæ tyrannus, rege à ſe tributum per nuncios exigente , regionis opulentiſſimos coegit, ac regem tributum ſagitare indicauit, ſibi verò non eſſe vnde illud diſſolueret. tum quidam ad hoc ipſum comparati viri è veſtigio illi polliciti ſunt quantum quiſq; eſſet collaturus . qui quum hoc feciſſent , opulentiores qui erant , partim pudore adducti, partim metu, lōge illis plura polliciti ſunt. idque ipſum præſtitere . Iterum pecunijs indigens Mylaſſenſes congregauit, eisque dixit : ciuitatem quidem illam, quæ ipſius eſſet mater, ſine muro eſſe à rege autem exercitum duci ad uerſus eam velle ergo ſe à Mylaſſenſibus conferri pecunias ab vnoquoque; quamplurimas Hiſce, inquit, pecunijs quas nunc in medium conferatis, etiam eas quæ vobis ſupererunt conſeruabitis . quum autem multi contuliſſent, ipſe quidem pecunias habuit murum autem condi in præſentia Deo , inquit, non placet.

**C O N D A L V S** Mauſoli legatus , vbi ipſi iter per prouinciā facienti pecudem quiſpiam, aut vitulum attulerat , deſcribebat & nomen eius qui dediſſet , & tempus quo dediſſet . tum cum ipſum alere iubebat , donec ipſe reuertetur . at vero vbi ſatis diu ſe commoratum putauerat , ratiocinabatur quantum interim fructus ex eo percipi potuiſſet : & vtrunque , tum animal ipſum, tum fructum ab eo qui nutriuerat,

rat, exigebat. Arborū etiam quæ in vias regias aut impendebant, aut cadebant, fructum pretio addicebat: quòd si quis miles decessisset, vestigalem drachinam pro corpore efferendo imperabat. inde ergo simul ipse argentum capiebat, simul duces eundem fallere non poterant, quo tempore miles occidisset. Idem quum Lycios animaduerneret capillo impensus gaudere, literas à Rege dixit venisse, quæ iuberent capillos ad capitum ornamenta ex iis conficienda submittere: itaque sibi à Mausolo esse imperatum, ut eos tonderet, se tamen si certam pro singulis capitibus pecuniam velint pendere, aduecturum ex Græcia capillum. illi vero libenter quod petebat tribuerunt, multæque ex ingenti turba coactæ sunt pecuniæ.

15 ARISTOTELES Rhodius Phocæam imperio obtinens, quum pecuniis indigeret, duasque Phocæorum cerneret factiones, ad alteram eorum secreto verba fecit, affirmans sibi alteros pecuniam polliceri, si rempublicam inclinare ad ipsos mallet; se autem malle ab iis accipere, & ciuitatis curam ad eos administrationemque transferre. vbi ergo hæc audiuerunt qui tum aderant, illico quantum postulauerat pecuniarū præbuere, tum ille rursus alteris indicauit, quæ ab illis prioribus tulisset: itaque hi quoque dederunt non pauciora. quum ergo ab vtrisque accepisset, tum utrosque alteris concilians, ad concordiam reuocauit: ipsos autem ciues compluribus controuersis cernens implicitos, magnasque inter se ex multo tempore habere illatas acceptasque iniurias, forum iis cōstituit, quo posthac tanquam bello decertarent: præmonuitque si qui iudicio foroque illo vti non essent, (le-



gem autem tulit quatenus vterentur) nulla iis amplius fore de prioribus criminibus indicia, tum multarum causarum temerariā vel aggressionem vel omissionem, item eas quarum crimina multarentur pecunia ad seipsum reuocās & ab vtrisque per alteros capiens, pecuniarū nō exiguam summam coegit.

**CLAZOMENII** autem, quum eodem <sup>16</sup> tempore & annonæ & pecuniarum indigentia premerentur decreuerunt, vt quibuscūq; apud ipsos oleum esset priuatim, h i fœnerarentur illud ciuitati. nam huiusce generis fructus magna est in regione eorum copia. vbi ergo illi fœnerati sunt, tum hi conducta mercede nauigia ad mercatus emisserunt, vnde ipsis veniret frumentum, olei pretium pignoris loco obligantibus. Rursus talenta viginti mercedē militibus debētes, nec habentes vnde tantam summam dissoluerent, ductoribus annuam vsuram quaterna talenta constituerunt, sic vero: quum nihil amplius de sorte ipsa detraherent, semper autem incassum impenderent, nummum pro argēteo ferreum excuderunt, ad viginti talentorum summam: quem deinde iis qui opulentissimi in ciuitate erant, singulis tamen pro rata portione tribuentes, ab illis ipsis tantundem recipere. hac ratione & vnusquisque ex priuatis ciuibus habuit, quid in quotidianum vsu impenderet, & ciuitas ipsa ære alieno liberata est. post autem quum ex prouentibus vsuram illis detulissent, atque vnicuique semper diuidentes pro rata parte distribuissent, ferreos nummos retulerunt.

**SELYBRIANI** vero egestate pecuniæ laborantes, quum apud ipsos lex esset, ne frumentum ab ipsis ad eos qui fame premerētur, <sup>17</sup> expor-

exportari licere t, frumentoque vetere abundarent, decreto sanxerunt, vt à priuatis frumentū ciuitati praberetur certo constituto pretio, ita quidem vt apud singulos annuus relinqueretur victus. deinde vbi quod ipsis pretium rectum visum est. constituerunt, exportandi potestatem vnicuique volenti fecere.

- 18 A B Y D E N I autem quum propter seditionem, agrum incultum atque inertem haberēt, nec inquilini quidquam ipsis concederent. propterea quod etiam tum ipsis deberent, sciuerunt, vt cuique volenti liceret, rusticis scenerari quod suum opus facerent, primi que ipsi ex eo fructu emolumentum perciperent: ceteri vero ex iis quæ reliquæ essent.
- 19 A T Ephesii in pecuniarum inopia legem tulerunt, ne scemina apud ipsos aurum gestarēt, & quodcunque in præsentia haberent, ciuitati mutuum darent. Columnis autem quæ in templo erant, certo argenti definito numero, quæ conferre oporteret, nomen eius qui argentum dedisset, inscribi permiserunt, tanquā is dedicasset.
- 20 A T Dionysius apud Syracusanos, dum pecuniam cogere vult, concione aduocata, dixit, visam sibi esse Cererem, quæ omnem muliebrem ornatum ferri in templum iuberet. ac se quidem primum omnium, suarum sceminarum ornatū iam attulisse, postulare ergo vt, ceteri quoque idem faciant, ne qua Deæ indignatio aduersus ciuitatem oboriat: quod si quis hoc sibi faciendum nō putauerit, hunc se pro sacrilegii reo habiturum. itaque quum omnes quæ apud se erant, & propter Deam & propter illum, attulissent; Deæ quidem rem sacram fecit. at ornatum

tum omnem ipse abstulit, tanquam ab ipsa Dea mutuatus. quum autem progressu temporis, scemina rursus gestarent, idem iussit si qua vti vellet aureo gestamento, ab ea res quasdam, certas ac definitas in templo dicari. Idem adificaturus triremes, quum sciret futurum, vt indigeret pecuniis, concione aduocata, dixit, quandam sibi tunc prodi ciuitatem, ad quam accipiendam pecunia esset opus: ergo & ille postulauit vt singuli ciues ad se binos afferrent stateres, & hi quod iussi sunt attulerunt. post autem bidui siue tridui iutervallo interiecto, quum diceret, se ab incepto aberrasse, neque rem ad exitum potuisse perducere, homines laudauit, singulisque quod attulerant reddidit, quo facto & animos sibi ciuium reconciliauit. & illi haud ita multo post, quum iterum se recepturos sperarent, iterum attulerunt: quod ille ad naues construendas retinuit. Item Dionysius dum argenti copiam non haber, plumbeum nummuni percussit, deinde quum aduocasset concionem, multa de percusso nummo verba fecit: illi autem quamuis inuiti, tamen quod ab illo propositum est, sciuerunt. ita vnusquisque vt quod plumbeum erat pro argenteo haberet, animum induxit. Rursus idem pecuniarum inopia laborans, postulabat, vt ciues sibi afferrent. qui quum se habere negarent, tum ille quae domi habebat suppellectilia, producere coepit ac vendere, tanquam is qui inopia coactus hoc faceret: quae dum Syraculani emunt, ille interim quid quisque emeret, conscribebat: vbi autem pretium a singulis depositum est, tum ille quam quisque suppellectilem emisset, eam ad se ab iisdem iussit receri. Quum autem ciues propter huiusmodi

cernendi tributa pecora siue iumenta non alerent, dixit sibi ex satis esse, quæ hætenus contulissent: quod si qui nunc acquirerent, ea fore iis qui acquisiuisent immunia. ita quum multi breui tempore tanquam habituri immunem, re multam pecuniariam comparassent, ubi tempus esse iudicauit, ea censi iussit, tributumque imposuit. ciues ergo indignati, quod se deceptos animaduertenterent, ea mactabant & vendebant, sed ubi aduersus hoc, ille ea mactari iussit dumtaxat quibus in diem opus esset, tum illi ea sacris offerebant occidenda. at contra ille edicto prohibuit, ne foeminini generis ullæ hostiæ caderentur. Idem rursus quum pecuniarum indigeret, iussit omnium apud se describi pecunias quicumque domi suæ pupilli essent: ubi vero horum pecuniæ ab aliis quibusdam descriptæ sūt, his ipse tam diu est abusus, quoad illorum quisque ad legitimam peruenit ætatem. Rhegio vero à se capto, concionem coegit, dixitque, a se quidem illos iure optimo venire posse: tamen si ab illis nunc ea recipiat, quæ in bellum illud impenderit, ternasque pro singulis corporibus minas, dimissurum illos. Rhegini ergo hæc audientes, quæcunque apud se vnquam occulta habuerant, ea in apertum proculetur. & qui pauperiores erant, partim à ditioribus, partim ab hospitibus suis mutuantes, præbuerunt quantum ille rei pecuniariæ postulauerat. quæ quum ab illis accepisset, eorum nihilominus corpora venire iussit. necnon quæcunque ab illis tunc è latetris prolata fuerant supellætilia, omnia omnino prehendit. Mutuatus etiam à ciuibus pecunias, quod diceret eas se illis redditurum: ubi illi quod dederant, repetere cœperunt, iussit singulos,

gulos quantum quisque haberet argenti, ad ipsum ferre. quod si quis non tulisset, multam huic irrogauerat mortem. quum ergo allatum esset argentum, monetam percussit, atque edidit drachmam, videlicet quæ duabus drachmis valeret. ita factum est, ut illud quoque ipsum, quod antea debebatur, ad eundem referrent. Idem nauibus centum in Hetruriam aduectus, ex matris Marutæ fano, & auri & argenti magnum numerum, itemque reliquum ornatum non exiguum diripuit. Deinde haud ignorans à nauis item haberi non pauca, per præconem edixit, ut singulis eius quod quisque haberet, dimidium apud se repræsentarent; reliquum verò dimidium illius foret, qui illud prehensum haberet. quod si quis dicto audiens non fuisset, mortem ei dixerat pro multa futuram. nauis igitur rati si dimidium attulissent, reliquum se habituros impune, id ipsum attulerunt. at ille ubi priora accepit, reliqua nihilominus afferri ad se iussit.

MENDÆI vero, quæ è portubus reliquisque 21  
uestigalibus capiebant, prouentum, hunc in ciuitate administranda usurpabant: quæ autem ipsis vel à terra, vel ex domiciliis pendebantur tributa, ea non exigebant, sed eos qui haberent describebant. quod si quando pecuniarum aliqua indigentia euenisset, tum verò debentes, qui erant, eam ipsam soluebant: ita fiebat, ut præteritum illud tempus, quo omni eadem pecunia abusi fuerant sine usura, lucrarentur eidem cum Olinthijs bellum gerentes, indigentesque pecunijs, quum abundarent mancipijs sciuerant, ut relictis vnique mare vno & scemina, vna cuncta alia venderenter, ut priuati qui

qui essent, possent ciuitati commodare pecunias.

22 **CALLISTRATVS** autem in Macedonia, quum portorium si quando maximi venibat, vicenis non amplius talentis veniret, effecit, vt eius summæ duplum inueniretur. ani maduertens enim nullos vnquam emere nisi opulentiores. propterea quòd vicenum talentorum sponsores dare oportebat maximi census viros per præconem edixit, vt qui vellet emeret, sponsoresque tertiæ partis exhiberet, aut quãti quisque persuadere alteri posset.

23 **TIMOTHEVS** Atheniensis quum bellum aduersus Olynthios gereret, argentoque indigeret, æs percuissit distribuitque militibus. indignantibus autem illis affirmavit, & mercatores, & quicumque in foro venderent, eadem ratione vendituros. ipsis autem mercatoribus prædixit, quæcunque æreum nummum quis accepisset, eodem vt rursus ea quæ regio ferret venalia, quæque producerentur ex præda, mercaretur, quibuscunque autem ipsis æreus relinqueretur nummus, ij vt hunc ad se referrent, & pro ære, argenti tantundem acciperent. Idem apud Corcyram bellum gerens, laboransque inopia, militibus stipendium flagitantibus, nec iam ipsi fidem habentibus, sed minantibus se ad hostes transituros, concionem aduocauit, dixitque argentum propter aduersas tempestates ad se ferri nequiuisse, sed quod antea illis trium mensium stipendium dedisset, hoc se nunc illis impunè gratisque remittere, tantam sibi eius copiam adesse. itaque suspicati milites nunquam illum tantam pecuniæ summam ipsis tam prodige-



digè elargiturum, nisi re vera in expectatione haberet quas dicebat pecunias; quicquid post hac, nec efflagitanda mercede molestiores ei fuerunt, donec ille gesfit quæ uoluit post autem dum Samum obsidet, fructus omnes, omnemque ex agris prouentum Samiis ipsis vendidit, ita ad mercedem militibus soluendam pecunijs abundauit. Idem quum rerum quæ ad viuendum necessaria sunt, in castris penuriam cerneret propter eos, qui adueniebant; quicquid tritici venale habendum erat, molere vetuit: nec idem diuensum vendere medimno minus: neque item de liquoribus partem vllam ea mensura minorem, quæ proprie metreta uocatur: ergo ipsorum ordinum duces, quique manipulis præerant, quæ acervatim congesta emerant, ea minuatim, postea militibus distruebant; & qui ventitabant, secum ferebant, quæ necessaria sibi putarent ad victum, qui deinde abeuntes vendebant, si quid residui ipsis foret, ex quo id euenit, ut milites victu abundarent.

**D I D A L E S** Persa quum haberet milites, <sup>24</sup> ea quidem quæ ad quotidianum victum necessaria erant, illis ex hostili terra suppeditabat: sed quum ab iisdem militibus nummus flagitaretur, nec haberet unde dissolueret, iamque dissoluendi tempus adesset, tale quiddam machinatus est, cogit ad concionem milites, aitque sibi quidem pecuniarum nonne copiam non suppetere, verum eas adesse in quodam loco: & locum ipsum ubi essent, nominabat, quintæ etiam motis castris illuc ire cœpit, deinde ubi ad locum propius accessit, progressus in illum, accepit ex ijs quæ in loco erant fanis, quicquid

Arist. de Re Famil.      f f f f      vaso-

vasorum argenteorum deprehendit: deinde stratis iumentis tanquam argentum gestantibus, taliaque præ se ferentibus, procedebat, quod milites conspicati, ratiq̃e omne illud argentum esse, quod veheretur, animis quidem ipsi confirmati sunt, tanquam mercedem recepturi. at ille dixit oportere ad Amisum peruenire, ibique ipsos autorari. iter porro ad Amisum & multorum erat dierum, & hyberno tempore faciendum, itaque toto hoc ipso tempore eodem exercitu facile est abusus: quippe qui illi ad victum necessaria tantummodo præberet, ipse autem tum opifices, tum caupones, atque institores, apud quos quidpiam commutari posset, in suis castris habebat: alij vero nulli quidpiam profus taliam rerum facere licebat.

- 25 CHABRIAS Atheniensis Taoni Regi Ægyptiorum exercitum quidem habenti, sed pecunijs indigenti hoc consilium dedit, vt sacerdotibus diceret oportere tum ex sacris nonnulla, tum etiam sacerdotum multitudinem propter sumptum amoueri: quod quum audiuisent sacerdotes, & vellent omnes suum penes se quisque sacrum manere, pecunias, tam communes quam priuatas illi afferebant. verum vbi ab omnibus accepit, tum iussit illis imperati decimam duntaxat partem eius, quod ante hac soliti essent, tam in seipsum, quam in sacrum impendere: reliquas vero nouem partes sibi ipsi scenerarentur, donec quod aduersus regem Persarum gerebatur bellum finem acciperet. Quicunque autem ades aut domicilia haberent, ab ijs omnibus conferri iussit, quantum ipse oportere constituisset, singulis item corporibus eadem ratione tributum imposuit: qui  
vero

vero frumentum, aut vendebant, aut emebant, hos ultra pretium ipsum abolum vnum pendere in singulas mensuras iussit. ad hac in singula nauigia singulasque officinas, aliaque item quod mis aliud opificij genus præferentia, decimam operis effecti partem tributi loco soluendam imperauit. Idem extra fines ducturo exercitum iussit quidquid ab vnoquoque non signati argenti aut auri possideretur, id à singulis ad illum illatum rapræsentari: quum autem quum plurimi attulissent, argento quidem ipse vti illum iussit; eos vero qui illud dedissent, commendari nauium præfectis, vt his illi ex tributis satisfacerent.

**I P H I C R A T E S** Atheniensis quum **Co-** 26  
tys militiam coegisset, ei pecunias suppeditauit ad hunc modum. iussit imperare hominibus qui sub imperio suo essent, vt tantum sibi terræ singuli sererent, quantum terna nedimna caperet. quo facto magna frumenti copia coacta est. hoc ille ad loca vbi mercatus agerentur, missum subuendidit, itaque pecunijs abundauit.

**C O T Y S** Thrax cogendi exercitus causa mu- 27  
tuabatur à Perinthijs pecunias. Perinthij autem eas illi non dabant. postulauit ergo, vt è ciuibus suis saltem aliquos darent in quorundam locorum custodiam, vt ipse interim ijs quos tunc in præsidijs habebat, militibus, liberius vti posset. tum vero Perin. hij se dominos locorum futuros rati, è ve'ligio quod iubebantur fecere. at Cotys eos qui missi fuerant sub custodia asseruat retinuit, iussitque quas mutuabatur ab illis pecunias missis damnum qui acceperent, ad se referre.

**M E N T O R** filius quum Hermeam com-  
f f f f 2 prehen-

prehendisset, iamque eius loca obtineret, cura totos quoscumque Hermeas ipse præfecerat, suis se tenere locis iussit. ubi vero animo confirmati sunt omnes, & quod prius apud se habuerant, non amplius aut occultum, aut exportatum haberi oportere rati sunt, tum vero correptis illis omnia pariter quæ illiserant, comprehendit.

- 29 MEMNON Rhodius Lampfacum imperio obtinens atque indigens pecuniarum, ditissimo cuique certam argenti summam conferendam adscripsit. his porro ab alijs ciuibus satisfactum iri affirmabat: ubi vero alij ciues contulerunt, tum idem hanc quoque pecuniam sibi ad tempus iussit commodari: & lingua nuncupavit ad quod usque tempus illis esset redditurus. Idem rursus quum pecuniarum indigeret, postulat ut illi afferent: recepturos autem ex prouentibus tantundem addebat. itaque illi attulerunt sperantes è vestigio satisfactionem futuram, quum vero iam percipiendorum prouentuum tempus adesset, tibi his item pecunijs esse opus affirmavit, illis autem post redditurum cum fœnore Idem militantibus mercedem ac stipendia sex anni dierum denegabat, illos dictitans per hosce dies neque in custodia, neque in itinere ullo esse, neque sumptum facere consuevisse, dicebat autem priuatim libertati dicatos, atque ex intercalatione vocantes dies. Idem militibus antehac proximo à calendis die stipendia dare solitus, tres primi mensis dies præterijt, sequentis quinque, atque ad hunc modum progressus peruenit tandem ad tricesimum.

- 30 CHARIDEMVS Orcitanus Æolidis quædam obtinens loca, Artabazo exercitum contra

tra ipsum ducente, pecuniarum quibus militi  
satisfaceret, indigebat initio igitur proferebāt,  
po ea se amplius non habere dixerunt. at vero  
Charidemus quem maximi prouentus locum  
esse censebat, huius incolas siue nummorum  
quidpiam, siue aliud suppellectilis genus pre-  
tiosius haberent, iubebat in alium locum trans-  
mittere, se illis transmittentibus præbiturum  
comitatum. ipseque princeps hoc ipsum palam  
faciebat. itaque quum hominis persuasif-  
set, eosque ad hunc modum ab vrbe paululum  
abduxisset, scrutatus quæcunque ferebant, ab-  
stulit quantum sibi opus esse putauit, illosq; rur-  
sus in suum locum reduxit. Idem quum per præ-  
conem edixisset, vt quibus ciuitatibus ipse im-  
peraret, in ijs nemo vlla arma domi possideret.  
quod si quis dicto audiens non fuisset, huic de-  
pendendum fore argentum pro multa. quod  
edixerat negligebat, nec vlli prorsus curæ ubi  
esse significabat: at homines quum existima-  
rent illum temerè edixisse, quæ singuli fortè  
possidebant suis locis immota tenere. sed ille  
repente vniuscuiusque suppellectilem scruta-  
tus, apud quoscunque armorum vllum genus  
deprehendit, ab his multam quam indixerat  
exegit.

PHILOXENVS quidam Rhodius quum <sup>31</sup>  
Cariæ prouinciæ præesset, pecunijsque indige-  
ret, dixit se Dionysia celebraturum: & qui cho-  
ris sumptum suggererent homines conscripsit.  
maxime omnium fructibus abundantes: qui-  
bus etiam quæ apparare opus esset, imperauit:  
sed eos videns hanc rem agrius ferentes, per cer-  
tos homines quibus internuncijs utebatur, ro-  
gitabat, quid tandem sponderent se daturos.

quo illius administrationis molestia libera-  
rentur: tum vero illi eo sumptu, quem se factu-  
ros sperabāt, multo amplius dare polliciti sunt,  
vt sic & ea molestia carerent, neq; à suis procul  
abessent: at ille & ab his quidquid dātum est ac-  
cepit, & alios loco illorum conscripsit, quoad &  
ab his ipsis accepit quod voluit. & ab omnibus  
sigillatim repræsentatum est aliquid.

32 EVÆSES Syrus, Ægypti prouinciæ præposi-  
tus, quum Præfectos singularum terræ Ægypti  
partium à se defecturos sensisset, conuocatos in  
aulam omnes suspendit, familiaribus autem ac  
domesticis eorum iussit renunciari, à se illos ha-  
beri in custodia. ergo ex necessariis quisque pe-  
cunias comparabat, vt pecunijs redimeret com-  
prehensos: ille autem vbi spondit se singulos  
reddi urum, ac pro singulis quod quisque pro-  
fitebatur accepit, tum vero vnicuiq; suum mor-  
tuum reddidit.

33 CLEOMENES Alexandrinus Ægy-  
ptum prouinciam imperio obtinens, fame in  
alijs quidem locis vehementi exorta, in Ægy-  
pto autem sanè tolerabili, frumentum exporta-  
ris vetuit: sed quum ij qui singuli Ægypti par-  
tibus præfecti erant, iactarent, nequaquam futu-  
rum vt tributa pendere possent, nisi frumentum  
exportari liceret, exportationem quidem illis cō-  
cessit, sed ingens tributum frumento imposuit,  
ex quo euenit, vt ex frumēti exigua summa quæ  
exportaretur, ingens tributum acciperet, &  
præfecti excusatione destituerentur. Idem  
dum naui per eam vehitur præfecturam, in  
qua pro Deo colitur Crocodilus, raptus est v-  
nus ex pueris eius: conuocatis igitur sacerdoti-  
bus, dixit, quum ipse prior laesus esset, velle  
se



se Crocodilos vlcisci : itaque venationem eorum imperauit. at sacerdotes, ne ipsorum Deus ludibrio haberetur, argenti summam quantamcunque cogere potuere, illi attulerunt : itaque ille quicuit. Idem ab Alexandro rege iussus apud Pharum, urbem condere, & mercatorum conuentum, qui prius apud Canobum agebatur, ibi constituere, ad Canobum naue peruenit : conuocatisque sacerdotibus, & ijs qui possessiones habebant, dixit, se ea de causa venisse, vt eos migrare iubebat, sacerdotes autem ceterique locum incolentes, vt mercatum ille apud se eodem loco relinqueret, pecuniam illi à se coactam attulerunt, qua accepta tunc quidem ille abiit. at idem non ita multo post, vbi quæ condendæ vrbi necessaria erant parata habuit, naue ad illos reuectus, immensam quandam ab iisdem, & immodicam postulauit pecuniam, tanti dicens sua interesse apud se mercatum illi agi potius quàm apud illos. qui quum dicerent se non posse tantam summam præstare, tum verò ab eo nihilominus traducti sunt. Idem quum quendam misisset, vt sibi venalia quædam emeret, sentiens illum, quanquam ea nactum quæ paruo precio venirent, ad se tamen vt magno empta relaturum, allocutus est illius emptoris notos ac familiares, audiuisse se illum immoderato precio emisisse, haud tamen futurum vt ipse animum aduertat, simulque stoliditatem illius cum quadam simulatione iræ insectabatur atque obiurgabat. illi autem quum hæc audiuisent, responderunt, non oportere illum ijs, qui aduersus hunc aliquid dicant, credere, priusquam ipse reueniat, rationemque illi reddat:

\* alias iu  
beret.

ita quum emptor reuenisset, renunciauerunt ei familiares sui, quæ à Cleomene audierant. ille autem dum & illis & Cleomeni operam suam probare vult, quanti vere emerat, indicauit. Idem quum frumentum in illa regione denis drachmis veniret, conuocatos ad se cultores interrogauit, quanti vellent sibi operam frumentariam locare, qui tum responderunt. minoris quàm soliti essent mercatoribus vendere: at ille iussit illos quidem sibi tantidem præbere, quanti alijs venderent. ipse autem frumento binas & tricenarum drachmas pretium constituens, tanti alijs vendebat. Idem sacerdotibus conuocatis dixit: & immoderatos & multos in sacra suæ ipsorum regionis fieri sumptus; oportere igitur & ex sacris nonnulla, & ex sacerdotibus quàm plurimos dissolui. tum vero ipsi sacerdotes existimantes hoc illum vere facturum, & priuatim quisque & communiter vniuersi sacras præbuere pecunias, quum & quisque vellet suum apud se sacrum immobile seruari, nec ipse sacerdos esse desinere.

- 84 ANTIMENES Rhodius quum Alexandri itineribus ex dimidia parte præflet, pecuniarum copiam hoc modo apud Babylonem inuenit. vetus in terra Babylonia lex erat, vt earum rerum quæ importarentur, decima soluere-tur pars, nec ea lege quisquam utebatur: obseruauit ergo & satrapas omnes qui in expectatione erant, & milites, & legatos non paucos, item artifices aliunde arcescitos, qui alios secum adducerent, & qui priuatim peregrinarentur, & dona complura quæ afferebantur: à quibus omnibus secundum priscam legem, decimam exegit. Idem rursus dum mancipia pro-

mit, quæ in castris erant, iussit cuicumque libitum esset, profiteri quanti vellet, eundemque octonas drachmas annuas soluere: quod si mancipium fugisset, precium quod professus esset, reciperet. compluribus ergo descriptis mancipijs, non exigua summa argenti confecta est: si quod vero mancipium fugere se dedisset, satrapam iubebat eum, in cuius prouincia castra posita essent, illud præstare, aut repræsentare ipsi domino precium.

OPHELAS Olynthius quum curatorem constituisset in eam præfecturam quæ nomus Arthridites vocatur. & ad ipsum eius præfecturæ principes accessissent, qui se longe plura collaturos pollicerentur, si modo eum quem nunc curatorem constitueret, amoueret, interrogauit illos num ea præstare possent, quæ profitebantur? qui quum se posse dixissent, ille nihilominus, & curatorem eodem loco reliquit, & ab illis tantum tributi exigi iussit quantum ipsi professi erant. neque igitur quem constituerat, ignominia afficere voluit, neque tributi illis plus imponi, quam quanti ipsi seipsos censuissent: ipse vero ex ea re multiplicem pecuniâ comparauit.

PYTHOCLES Atheniensis Atheniensibus sua sit, ut plumbum quod à Tyrijs subuebatur, ciuitas à priuatis quo precio illi vendebant, binis videlicet drachmis caperet, deinde constituto illi senarum drachmarum precio ea ratione diuenderet.

CHABRIAS si supplementis in centum & viginti naues coactis, quum ipsi sexaginta duntaxat opus esset, imperasse dicitur ijs qui in alteris sexaginta erant, quæ videlicet remanebant,

bant, aut frumentum in duorum mensium stipendiū præbere, aut ipsos nauigare. at illi dum in suis rebus versari potius vult, dederunt quæ illi imperauerat.

88 **ANTIMENES** thesauros, hoc est, rerum magis necessariarum acervos, qui prope regias vias habebantur, à Satrapis secundum regionis legem compleri iussit: quum autem indigere se diceret exercitus, aut aliud multitudinis genus sine rege, eò mittebat aliquem, & sic ex thesauris deprompta vendebat.

89 **CLEOMENES** quum iam calendæ adessent, ac militibus stipendium dimetiri oporteret, nauigauit de industria nescio quò: vbi vero mensis abiit, tum naui reuectus dissoluit stipendium ac deinde altero mense incunte ac progrediente intermisit solutionem vsq; ad proximas calendās. milites ergo propterea quòd recens stipendium acceperant, quiescebant: ille autē vno totius anni mense intermisso, menstruam semper mercedem auferabat.

90 **STABELLIVS** Mysiæ præfectus, quum mercedem militibus deberet, conuocatis ducibus, dixit, priuatis sibi nusquam esse opus militibus: quòd si quando illis indigeret, tum se ductoribus singulis erogare solitum argentum, eosque ad cogendam militiam mittere; mercedem vero, quam illis deberet, libentius ipsis ductoribus soluere. iussit ergo vnumquemque quidquid descriptorum militum haberent, extra regionem emittere: at duces, rati sibi ipsis ex ea re quaestuosam pecuniam fore, milites ipsos, quemadmodum ille iusserat, emisserunt, deinde breui interiecto tempore, vbi eisdē cogit, dixit videri sibi, **NEQVE SINE CHORO**  
tibici-

tibicinem, neque sine priuatis militibus duces  
utilitatis quidquam habere, itaque illos migrare  
è prouincia imperauit.

DIONYSIVS quum sana Deorum cir- 41  
cumiret, sicubi boni dæmonis auream aut ar-  
genteam mensam appositam vidisset, libari illi  
Deo impetrabat: ac deinde mensam auferri si  
quod vero simulacrum porrecta manu phia-  
lam sustineret, dicebat se accipere: & sic aufer-  
ri iubebat. Idem aurea amicula, & coronas  
simulacrorum tollebat, dicens se &

leuiora & odoratiora daturum:


ita illis amiculum quidem

album, coronas au-

tem populeas

circunda

bat.



## Series chartarum,

a A, b B, c C, d D, e E, f F, g G, h H, i I, k K,  
l L, m M, n N, o O, p P, q Q, r R, s S, t T, v V,  
x X, y Y, z Z. a Aa, b Bb, c Cc, d Dd, e Ee,  
f Ff, g Gg, h Hh, i Ii, k Kk, l Ll, m Mm,  
n Nn, o Oo, p Pp, q Qq, r Rr, s Ss, t Tr,  
v Vv, x Xx, y Yy, z Zz, aa Aa, bb Bb,  
cc Cc, dd Dd, ee Ee, ff Ff.

VENETIIS,  
EX OFFICINA  
GASPARIS BINDONI.  
M D LXXVI.



